


Yesu Kiristito
Wu-Zɔŋɔɔ (Ghana)



Sisaala-Tumulung NT Ghana

Yesu Kiristito Wu-Zɔŋŋɔɔ (Ghana)
Sisaala-Tumulung NT Ghana

copyright © 2014 Wycliffe Bible Translators, Inc.

Language: (Sisaala, Tumulung)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022
b3eb8618-120f-5a96-8c1c-1dbc16914330

Contents

MATIU	1
MAAK	50
LUUK	79
JƆƆƆ	131
YESU NANZƆƆBA TINTINŊAA	166
ROM TINŊAA	212
1 KƆRINŊI NIAA	234
2 KƆRINŊI NIAA	255
GALIISIA NIAA	268
EFESIS NIAA	275
FILIPA NIAA	282
KƆLƆSI NIAA	287
1 TESALONAACA NIAA	292
2 TESALONAACA NIAA	296
1 TIMOTI	299
2 TIMOTI	306
TAATIS	311
FALIIMƆƆ	314
HIIBURU TINŊAA	316
JEEMS	333
1 PIITA	339
2 PIITA	345
1 JƆƆƆ	349
2 JƆƆƆ	355
3 JƆƆƆ	356
JUUD	357
WIALINŊ WIA SI JONƆ DAGE JƆƆƆ	359

WU-ZOMO-LA MATIU SI N̄MUNSA

*Yesu doho niaa
Luuk 3.23-28*

¹ Yesu doho niaa ne ɲla. U naabalimaba ne fa ɲaa Abiraham ari Devit.
² Abiraham ne fa lul Aizik. Aizik ma sii lul Jekob. Jekob ma sii lul Juda ari u naanɲiirinɲ. ³ Juda ma sii lul Peres ari Zera. (Ba naanɲirinɲ ne fa Tama.) Peres ma bira sii lul Hezurɔɲ. Hezurɔɲ ma sii lul Ram. ⁴ Ram ma sii lul Amiinadab. Amiinadab ma sii lul Naasunɲ. Naasunɲ ma sii lul Salimonɲ. ⁵ Salimonɲ ma sii lul Buas. (Buas naanɲirinɲ ne fa Rehab.) Buas ma sii lul Obed. (Obed ma naanɲirinɲ ne fa Rut.) Obed ma sii lul Jesi. ⁶ Jesi ma bira sii lul kuoro Devit. Devit ma fa lul Solomɔɲ (Solomɔɲ ma naanɲ fa ɲaa Uraya haala ne. Uraya suu anɲ ka Devit jonɔ jaa.) ⁷ Solomɔɲ ma sii lul Rihabam, Rihabam ma sii lul Abaaja, Abaaja ma sii lul Asa. ⁸ Asa ma sii lul Jihosafat, Jihosafat ma sii lul Jɔram, Jɔram ma sii lul Uzaya. ⁹ Uzaya ma sii lul Jotam, Jotam ma sii lul Ehas, Ehas ma sii lul Hizikaya. ¹⁰ Hizikaya ma sii lul Manaasi, Manaasi ma sii lul Emɔɲ, Emɔɲ ma sii lul Jusaya. ¹¹ Jusaya ma sii lul Jekonaya ari u naanɲiirinɲ. Bua-la le ne ba kenɲ Iziral tinɲɲaa mu Babilɔɲ.

¹² Ba fa si kenɲ Iziral tinɲɲaa kaa mu Babilɔɲ ɲii, u ɲii harinɲ le ne Jekonaya lul Sialitel, Sialitel ma sii lul Zerubabil. ¹³ Zerubabil ma sii lul Abayat, Abayat ma sii lul Elayakim, Elayakim ma sii lul Azɔ. ¹⁴ Azɔ ma sii lul Zadok, Zadok ma sii lul Akim, Akim ma sii lul Elayat. ¹⁵ Elayat ma sii lul Eliyeza, Eliyeza ma sii lul Matanɲ, Matanɲ ma bira sii lul Jekob. ¹⁶ Jekob ma sii lul Josef, Josef ne saa jaa Mɛeri. U ne lul Yesu, nii-la ba sii yire Kirisito.

¹⁷ A suomi Abiraham si he u miisinɲ le a kaa kuko Devit si he u miisinɲ le, ba di u nihiliereba kala fa ɲaa fii ari banese ne. Devit si he u miisinɲ le a kaa kuko bua-la le ba fa si kese Iziral tinɲɲaa kaa mu Babilɔɲ, Devit nihiliereba kala ma fa ɲaa fii ari banese ne, a bira chinɲ bua-la le ba si kese Iziral tinɲɲaa kaa mu Babilɔɲ a kaa kuko bua-la le ba si lul Kirisito, nialinɲ ba si kese kaa mu Babilɔɲ nihiliereba ma fa ɲaa fii ari banese ne.

*Yesu lullunɲ bua le
Luuk 2.1-7*

¹⁸ ɲla ne ba ɲaa a lul Yesu Kirisito. Josef ne fa suge u naanɲ Mɛeri duu jaa. Ka di ba-na jaa donɲo, Mɛeri na duu kenɲ luorunɲ ne. Wia Din-zɔɲ-la ne he pu. ¹⁹ Josef fa ɲaa ni-pula ne. U fa bi che duu hiise Mɛeri niaa tuɔɲ. ɲii ne u kenɲ u tuɔɲ le duu viau. ²⁰ U fa sii biine ɲii, Wia tinɲdaara donɲo ko u teen ari duosoo tuɔɲ a bula pu a bul, "Josef, Devit doho nuu, si leɲe di fawullunɲ keninɲ ɲ sii che di ɲ jaa Mɛeri, beɛ wiaa luoru-la u si kene ɲaa Wia Din-zɔɲ-la ne he pu. ²¹ U janɲ lul baal, ɲ janɲ he u yirinɲ Yesu, beɛ wiaa u ne janɲ laa u niaa haacheba ta." ²² Wiinɲ deenɲ kala ɲaa di wialinɲ la Tiina Wia fa si bula ku ɲaa wutitii. U fa to u nialinɲ sii bul wiaa, Wia Din-zɔɲ-la dolunɲ le ne a bul ɲii. ²³ Wialinɲ u fa si bula ne ɲla: "Ha-tolo kubala ha si bi baal jinɲ janɲ kenɲ luorunɲ a lul bie. Ba janɲ he u yirinɲ Imanuel."

(U yiri-la bubuonj ne Wia he la teen.) ²⁴ Josef si sii donj le, u nja nji Wia tinjdaari-la si bula pu a jaa Meeri. ²⁵ U si jaau nji, ba duu bi donj jin, ka u lul u ha-toli-bie. Nji ne Josef he u yirin Jesu.

2

Wu-jinnaa mu na Yesu

¹⁻² Ba lul Yesu Betilehem le ne. Ta-bie-la fa he Judiya tinteen le ne. Bua deej le baal kubala baa yire Herod ne fa nja tintee-la kuoro. Ba si lul Yesu, wu-jinnaa lii tan-bubuonj a ko Jerusalem a piese, "Juu tinjaa kuorula ba si lula he nii ne? La na u chejwulun tan-bubuonj ne a ko di la chuolu." ³ Kuoro Herod fa si nii wiinj deej, fawullun ken ba di Jerusalem niaa kala kinkej kinkej. ⁴ Nii ne u yire nialinj si kpu pusunj pipi Wia kuhiasinj ari Wia teninj kerichiba-la ba ku hilimi. U pieseba a bul, "Nii ne ba janj lul Kirisito, nii-la Wia si liisa?" ⁵ Nii ne ba bula pu a bul, "Ba janj lulu Betilehem, Judiya tinteen le. Nja ne nialinj sii bul wiaa, Wia Din-zonj-la dolun le nmunse: ⁶ Wia si, 'Betilehem nja ta-bie ne Judiya tinteen le.

Ama Judiya tinteen kala le, Betilehem niaa ne nja ni-balaa, bee wiaa ba tuonj ne Iziral kuoro janj lii, nii-la si janj benj mi niaa, Iziral tinjaa.' "

⁷ Nii ne Herod luora yire wu-jinna-la si lii tan-bubuonj a kaa mu faa a pieseba di ba dagu bua-la titia le chejwul-la si lia. Ba daga pu. ⁸ Nii ne Herod taba di ba mu Betilehem, anj bula piba a bul, "Ma mu che bile ari siifiesinj. 'Di ma ne nau, ma lenj di mi ma jinj nii niinj le, a ma mu chuolu.'" ⁹ Ba si nii nji, ba lii jonj wonjiinj aa mu. Chejwul-la ba fa si na tan-bubuonj bira laa ba sipaanj. ¹⁰ Ba bira si na chejwul-la, ba tuonj kala tore, ba jujuose. ¹¹ Ba si mu yi lee-la bii-mulo-la si he, chejwul-la chinj dia-la nyunj. Ba mu juu dia-la a na bii-mulo-la ari Meeri, u naanj. Ba tuu kpirimi u sipaanj a chuolu. Nii ne ba puri ba chugusunj a liise kiaa pu: Selime, tii-keli-zonj baa yire franjinsejs ari tii-keli-zonj donj baa yire mee. ¹² Nii ne titanjinj Wia bula piba duosoo tuonj ari ba si miira mu Herod teenj. Nii ne ba sii a to wonji-wogo a miira mu ba janj.

Josef ari Meeri fa mu Ijipiti tinteen

¹³⁻¹⁴ Ba si miira jonj ba wonjiinj a viiri, Josef pinj donj a duosi a na Wia tinjdaara di u ko u teenj a bula pu, "Sii a jonj bii-mulo-la ari u naanj a fa mu Ijipiti tinteenj a he dime see di mi bira bula pinj di nj lii dime, bee wiaa Herod che di u kpu bii-mulo-la ne." Nii ne u sii a jonj bii-mulo-la ari u naanj a mu Ijipiti tinteenj titanjinj. U he dime ne deej deej Herod ku suu. ¹⁵ Wiinj deej nja di wii-la Wia fa si to nialinj sii bul wiaa, Wia Din-zonj-la dolun le ku nja wutitii. U fa bula ari u janj yire u bie duu lii Ijipiti tinteenj ko.

Ba kpu hanjbolibiisi-la Betilehem le

¹⁶ Herod si na ari wu-jinna-la nyisu ne, u faasa na baaniinj. Wu-jinna-la fa si dagu bua-la le ba si lul Yesu, u jinj nii. Nii ne u ta u laali-yuoroo di ba mu Betilehem ta-biisi-la kala si gollu chu a kpu hanjbolibiisi-la kala si ha bi jisinj balia kiele. ¹⁷ A tinj nja wiaa wii-la Jerimaya fa si bula ku nja wutitii ne. U fa nja nialinj sii bul wiaa, Wia Din-zonj-la dolun le donj ne. ¹⁸ Wialinj u fa si bula ne nja: U si, "Niaa nii yel Rama le, niaa faasa yel ne.

Haal kubala ba sii yire Rechil yel u hanjbiisin wiaa ne.

U yeke, u bi tɔɔ,
bɛɛ wiaa ba kala suba ne.”

Josef ari Mɛeri mu Nazaret

¹⁹⁻²¹ Nii ne Herod ku suu. U si suba nii, Josef bira duoso a na Wia tinjdaara di u ko u teen a bula pu, “Sii a keŋ bii-mulo-la ari u naan a miira mu Iziral tinteen. Nialaa fa sii che di ba kpu bii-mulo-la, ba suba ne.” Nii ne u keŋ bile ari u naan a kaa mu Iziral tinteen a he dime. ²² Ama Josef si nia ari Herod suba, ka u bie Akiliyas dii kuorun Judiya tinteen le, fawullun fa kenu ari u si jan hon dime. Nii ne Wia bira bula pu duosoo tuon duu mu hon Galilii tinteen le. ²³ U si mu Galilii tinteen, u mu hon tan kubala le baa yire Nazaret. U naa nii di wialin nialin fa sii bul wiaa, Wia Din-zon-la dolun le naa wutitii ne. Ba fa bula a bul, “Ba jan kenu yire Nazaret tiina.”

3

Joon Wia lii-foori-la bul Wia wiaa Maak 1.1-8; Luuk 3.1-18; Joon 1.19-28

¹ Bua-la le Joon Wia lii-foori-la sii ko Judiya tinteen a juu giri-bine tuon a suomo bubul Wia wiaa pipi niaa. ² U bula piba a bul, “Ma birima lii ma haacheba le, bɛɛ wiaa Wia kuorii-la kpaga ne!” ³ Nialin fa sii bul wiaa, Wia Din-zon-la dolun le donɔ ma fa bul Joon wiaa ne. U yirin ne fa Azaaya. U fa si,

“Nuu ne chin giri-bine tuon aa heele bul,

‘Ma ko a wase wonjin bil di la Tiina ko a tuto.

Ma naa nii duu ne ko, u di-venin jan pin worun.’ ”

⁴ Joon gennin fa naa buntanja punaa ne ba kaa sua, a keŋ tenjin voo u tinja, u kudiilee ma ne fa nyanjirikeba ari tuun. ⁵ Niaa lii Jerusalem ari Judiya tinteen kala ari tasi-la kala si golli Joodan fuo-la a ko u teen. ⁶ Ba dage ba haacheba an tuu Joodan fuo-la, u foba Wii-chuole liin.

⁷ Joon na Farisii tinjaa ari Sadiusii tinjaa di ba yuga a kuko u teen duu foba Wii-chuole liin. U si naba, u bula piba a bul, “Ma niaa deenba wu-ŋaalaa nage dinjaa ne. Ma biina ma jan wuo fa lel chee-la Wia si jan dii nuu-kala sariyaa? ⁸ Ma naa wialin si jan dage ari ma birima lii ma haacheba le ne ⁹ an si biina a bul Abiraham si naa ma naabalima nii, Wia bi jan dogisema. Mi jan bula pima ari Wia paala jan wuo naa di tabiaa deenba ma si na birime Abiraham doho niaa. ¹⁰ Na ba keŋ saan jee ne a naa siri di ba keri tiisin lo. Tia-la kala si bi neŋ-zonɔɔ ka neŋ, ba jan kere lo a he nyinin.

¹¹ Mi-na foma Wii-chuole liin a dage ari ma birima lii ma haacheba le ne, ama nii-la si jan to mi harin ko, u ne jan jon Wia Din-zon-la a he ma donsun le an jon nyinin he donsun ma le. U ne yuga kiimi. U paala bi maga di mi kori u neŋteŋɛɛ maa. ¹² U jan kori mii-chaari-gbana duu nmoo u miaa kala dere, u jan keŋ gbana-la a kaa chaare a liise mii-biin a he u vire le an jon jorun a he nyinin le. Nyin-la bi jan dise.”

Joon fo Yesu Wii-chuole liin Maak 1.9-11; Luuk 3.21-22

¹³ Bua-la le Jooŋ fa sii bul Wia wiaa aŋ fufo niaa Wii-chuoŋe liiŋ nii, Yesu sii lii Galilii tiŋteen a ko Jooŋ teen duu fou Wii-chuoŋe liiŋ Jooŋaŋ fuo-la le. ¹⁴ Ama Jooŋ si nii nii, u wiwalime di Yesu keŋ u tuobiinaa birime. Nii ne Jooŋ bula pu a bul, “Ŋ ne maga di ŋ fomi Wii-chuoŋe liiŋ, aŋ ka ŋ ko di mi ne foŋ Wii-chuoŋe liiŋ nii.” ¹⁵ Nii ne Yesu bula pu a bul, “Ŋaa nii mi si bula piŋ. Nla ne la jaŋ wuo to a ŋaa wii-la kala Wia sii cho.” Nii ne Jooŋ sei a fou Wii-chuoŋe liiŋ. ¹⁶ Jooŋ si fo Yesu Wii-chuoŋe liiŋ dere, u guu lii lii-la tuoŋ ku lii di wia nyuŋ kpaa balia. U na Wia Diŋ-zoŋ-la duu ku tuu a nage kokomo a togiliu le. ¹⁷ Ka u nii nuu yiikoro wia nyuŋ a bul, “Mi Bii-choolun ne ŋla, mi tuoŋ toŋe u nyuŋ.”

4

Sitaani magise Yesu

Maak 1.12-13; Luuk 4.1-13

¹ Wia Diŋ-zoŋ-la si ku togili Yesu le nii, u kenu kaa juu giri-bine tuoŋ di Sitaani magisu. ² Yesu fa si he giri-bine tuoŋ nii, u voo niin titanin ari wiiheye kala tapulaa mahin balia, nii ne losuŋ kenu woruŋ. ³ Nii ne Sitaani ko u teen a bula pu a bul, “Di ŋ ne ŋaa Wia Bie, ŋaa di tabiaa deenba birime boroboro di ŋ dii.” ⁴ Nii ne Yesu bula pu a bul, “Ba ŋmuŋse Wia tenin tuoŋ a bul,

‘Kudiilee dunɗuna dee bi nuhuobiine miisinj ka pa,

ama Wia niin wialin u sii bul nii pi nuhuobiine miisinj.’ ”

⁵ Nii ne Sitaani keŋ Yesu a kaa mu Jerusalem a kaa mu jil Wia-dia nyugbaŋa ⁶ aŋ bula pu a bul, “Di ŋ ne ŋaa Wia Bie, joŋ ŋ titia a yuo daha a tuu chigisi tiŋteen. Ba ŋmuŋse Wia tenin tuoŋ ari

‘Wia jaŋ bul ŋ wiaa a pi u tinɗaraa

di ba ku cheme kenin,

di ŋ si joŋ ŋ naan ŋmoo tabiaa a keru.’ ”

⁷ Nii ne Yesu bula pu a bul, “Ba bira ŋmuŋse Wia tenin seme doŋo a bul, ‘U bi maga di ŋ mimagise ŋ Tiina Wia.’ ”

⁸ Nii ne Sitaani bira keŋ Yesu a kaa jil peel-bal kubala nyuŋ a dagu dunia kuoruŋ fine ari u zomuŋ ⁹ aŋ bula pu a bul, “Mi jaŋ joŋ kiaa deenba kala piŋ di ŋ ne jaŋ tuu kpirimi a chuolemi.” ¹⁰ Nii ne Yesu bula pu a bul, “Sitaani, mu dime, Wia tenin tuoŋ ba ŋmuŋsa di ba chuchuoŋe la Tiina Wia dunɗuna ne a timaa pu.” ¹¹ Nii ne Sitaani viiri aŋ ka Yesu. Nii ne Wia tinɗaraa ku tima pu.

Yesu suomi u tiŋtiŋŋaa Galilii le

Maak 1.14-15; Luuk 4.14-15

¹² Bua deen le ba keŋ Jooŋ Wia lii-foori-la kaa mu to dia. Yesu si nii nii, u sii Judiya le a mu Galilii tiŋteen. ¹³ U bira bi Nazaret le hoŋo aŋ sii a mu hoŋ taŋ kubala baa yire Kapenam le. Taŋ-la kpage Galilii mugi-bal-la ne a he Zebulun ari Nafitali tiŋteen. ¹⁴ Wiin deen ŋaa di wialin Azaaya fa si bula ku ŋaa wutitiiba ne. ¹⁵ Azaaya fa ŋaa nii-la sii bul wiaa, Wia Diŋ-zoŋ-la doluŋ le ne. U fa bul wiaa a pi Zebulun ari Nafitali doho niaa le a chaase mugi-balin diiraa, Jooŋaŋ seme, a he Galilii tiŋteen le. Ba ŋaa nialin si bi juu tinŋaa ŋaa ne. ¹⁶ U bula piba a bul,

“Nialin si he biriminj tuoŋ,

ba jaŋ na puluŋ-bal.

Tiŋtee-la ma le niaa si bi Wia chuole,

pulumuŋ jaŋ poŋe piba.”

17 Yesu si he Kapenam le, u suomi u tintinɲaa a bul Wia wiaa pi niaa a bul, “Má birima lii ma haacheba le, bee wiaa, Wia kuorii-la kpage ne.”

Yesu yire chenfilikpuuraa banese

Maak 1.16-20; Luuk 5.1-11

18 Yesu fa si jon Galilii mugi-bal-la niin a vivenɲ, u na naanɲbiirin balia. Ba fa ɲaa chenfilikpuuraa ne. Dɔɲɔ yirin ne fa Saamɔɲ. U yirin dɔɲɔ ma ne fa Piita. U naanɲbie ma yirin ne Anɲduru. U naba di ba kpu chenfilee fuo-la le ari ba jonɲba. 19 Nii ne Yesu bula piba a bul, “Má kɔ mi teenɲ a to mi harinɲ. Mi jan dagema ɲii ma si jan kikese niaa.” 20 Lima lima ba jonɲ ba jonɲba ta an to u harinɲ. 21 Nii ne u bira venɲ a mu na naanɲbiirin balia, ba yiraa ne Jeems ari Jɔɔɲ. Ba fa ɲaa Zebidii biirin ne. U naba di ba di ba nyimma fa he ba liinɲ daboro tuɔɲ ne. Ba kenɲ ba jonɲba ɲaa siri di ba yuo. 22 Nii ne Yesu yireba. Ba guu sii a lenɲ ba liinɲ daboro ari ba nyimma an to Yesu harinɲ.

Yesu bul Wia wiaa pi niaa an pe vaareba

Luuk 6.17-19

23 Nii ne Yesu golle Galilii tinteenɲ kala a didage niaa ba Wii-chuole diisinɲ le a bubul Wia wu-zomɔ-la wiaa ari Wia kuorii-la wiaa a pi niaa an pe vivaare niaa nyanyal-yiriba kala. 24 Yesu wiaa teeli Siiria tinteenɲ kala. Nii ne niaa kenɲ ba nyanyal tinɲaa kala kɔ u teenɲ. Ba kenɲ nyanyal-yiriba kala, jin-bonɲɔɔ fa kenɲ dɔɲsunɲ, nialinɲ dɔɲsunɲ faa tel kunɲkunɲsunɲ, dɔɲsunɲ ma fa ɲaa gberikese ne a kɔ. Yesu vaareba kala. 25 Ni-dan to Yesu harinɲ. Ba dɔɲsunɲ lii Galilii tinteenɲ ari ta-geɲtisinɲ fii tinteyee. Dɔɲsunɲ ma lii Jerusalem si he Judiya tinteenɲ le, dɔɲsunɲ ma lii Jɔɔdanɲ fuonɲ cholo seme dɔɲɔ.

5

Nii la si jan ɲaa a kenɲ tuɔɔrunɲ

Luuk 6.20-23

1-2 Yesu si na di niaa yuga ɲii, u jil peelinɲ nyunɲ a honɲ dime. U si honɔ, u haritooro kɔ u teenɲ. U suomo bul wiaa a didageba aa bul,

3 “Wia jan pe nialinɲ si bi Wia jin worunɲ le.

Ba ne janɲ dii Wia kuorii-la.

4 Wia jan pe nialinɲ sii yel le.

U jan lenɲ di ba tuɔsaa pinɲ di-bala.

5 Wia jan pe nialinɲ si bi ba titia ka dage.

Ba janɲ dii Wia kuorii-la tintee-falii-la le.

6 Wia jan pe nialinɲ si faasa che tuɔ-pula a nage losunɲ koo lii-nyuasunɲ si kenɲ niaa ɲ chiche kudiilee koo liinɲ ɲii.

Wia jan ɲaa di ba kenɲ tuɔ-pula.

7 Wia jan pe nialinɲ sii fá niaa nennige le.

U ma jan fába nennige.

8 Wia jan pe nialinɲ si kenɲ tuɔ-pula le.

Ba jan na Wia.

9 Wia jan pe nanjejeeree le.

U jan kenɲba yire u biirinɲ.

10 Wia jan pe nialinɲ ba sii dɔgisu le a tinɲ wutitii ari tuɔ-pula wiaa.

Ba jan he Wia kuorii-la tuɔɲ.

¹¹ Di niaa ne tuusema an pe to ma naasin dudogisema an nyia wu-nyiarin pipima a tin ma si nja mi haritooro wiaa, Wia ma jan pema le. ¹² Má len di ma tuon tere, di ma juuose, bee wiaa ma time jan yuge Wia-jan le. Ba si to ma naasin dudogisema nii, nii titia ne ba fa dogise nialin si laa sipaan bubul wiaa, Wia Din-zon-la dolun le.

*Ma nage yisin a nage chaanin maa
Maak 9.50; Luuk 14.34-35*

¹³ Ma nage yisin ne nuu-kala teen. Yisin sima, ama di u ne sebise, n bira bi jan wuo nja duu sin. U nja ku-toe ne. Ba jonjo ta niaa nunuose.

¹⁴ Ma ma nage chaanin ne dunia niaa kala teen. Tan kala si chin peelin nyun, u bi wuo faa. ¹⁵ Nuukala sii che pulumun u dia le, u bi jan nyige chaanin bil u dia le a ken gbanja a chu to, koo u bi jan jon chaan-la he godo bubuon maa. U yie jonjo bil kua nyun ne, di nuu-kala si he dia-la tuon nina pulumun. ¹⁶ Nii titia ne ma ma maga di ma chaane niaa teen di ba wuo na wu-zom-la ma sii nja di ba wuo denne ma Nyimma si he Wia-jan le.

Yesu dage niaa wii-la ba si nmunsa bil di ba tuto

¹⁷ Ma biina mi ko di mi jon wialin Moosis fa si nmunsa bil di niaa tuto ta nee? Koo ma biina mi ko di mi jon wialin niaa si dagema Wia Din-zon-la dolun le ta nee? Ai, mi bi ko di mi jonba ta, ama mi ko di mi dage ba bubuon titia ne. ¹⁸ Wutitii ne mi bulaa pima, dunia ari wia nyun si jan he dime nii a dieni, wialin Moosis fa si nmunsa bil di niaa tuto, ba bi jan keriba mua ma ta see di kun-kala si he dunia le dere. ¹⁹ Nii wiaa nii-la kala si keru wialin mua ma ta an dage u donsun tinjaa di ba to nii, u tiina ne jan nja ni-bie Wia kuorii-la tuon. Nii-la ma kala sii to wialin a dage u donsun tinjaa di ba ma to nii titia, u tiina jan yuge Wia kuorii-la tuon. ²⁰ Mi jan bula pima, see di ma ken tu-pula a kii Wia tenin kerichiba ari Farisii timma-la a njjaa wialin Wia sii che, di nii dee, ma bi jan wuo juu Wia kuorii-la tuon.”

Yesu bul wiaa a tige baanin nanin le

²¹ Nii ne Yesu bira dage u haritooro a bul, “Ma nia ari faafa kala ne Moosis bula pi niaa a bul di ba si niaa kpu. U fa bula di nii-la kala ne kpu nuu, ba jan kenu kaa mu dii u sariya. ²² Ama lele mi jan bula pima, nii-la kala si na baanin u naanbie nyun, ba jan kenu kaa ku dii u sariya. Nii-la ma kala si yire u naanbie a bul di u nja ni-pepei, ba jan kenu kaa mu nialin si hilime vuure wiaa teen. Nii-la ma kala si yire u naanbie a bul di u nja ni-toe ne, u tiina jan mu juu Wia nyinin. ²³ Di n ne ken puna mu Wia korun di n kpu a nyiga pu an liise mu yi ari n naanbie tuon cheye n nyun, ²⁴ len puna-la koru-la nyun an miira mu ma di n naanbie sin, ka di n-na miira mu di ba kpu puna-la a pi Wia. ²⁵ Di nuu ne samn a kenin kaa mu sariya didiilin, n nja kukeri a bul wii-la wase wonbiin le lima lima an-na mu. Di nii dee, u jan kenin kaa he sariya didiire nisin le. Sariya didiire ma jan kenin kaa he porisiba nisin le. Ba ne jan kenin mu to dia. ²⁶ Di ba kenin mu to dia, n bi jan wuo lii see n tin chin-la kala ba si kere pin.

Yesu bul wiaa a tige haalaa chenin le

²⁷ Ma nia di ba dagema di ma si niaa haalaa che. ²⁸ Ama mi jan bula pima, nuu-kala si na haala a cho duu kenu pin, u tiina juu Wia haache le ne u tuon le. ²⁹ Di n na-diin siin nu che duu kenin he haache le, liisa ta. N si jan juu Wia kuorii-la tuon ari sii-togo, u ne kpia ba si jonun yuo he Wia nyinin le ari siaa balia. ³⁰ Di n na-diin nisin nu che duu kenin he haache

le, kere ta. Nj si jan juu Wia kuorii-la tuon ari na-kuun, u ne kpia nj si ken nj yaraa kala an juu Wia nyininj.

Yesu dage niaa haala vianij wiaa

Mat. 19.9; Maak 10.11-12; Luuk 16.18

³¹ Ba bira dagema a bul,

'Di nuu nii che duu via u haala, u maga duu nmunse tenin pi haal-la ari u jan viau.'

³² Ama leele mi jan bula pima a bul, baal-na kala si via u haala, u nja haal-la juu Wia haache le ne, see di haal-la ka nja ha-chorun wu-njaalaa, ka u bala-na viau. Di haal-la ne bira mu jaa baal don, baal-la si jaa, u ma juu Wia haache le ne.

Yesu bula pi niaa di ba si nmiesu

³³ Ma bira nia di ba bula pi la naabalimaba a bul,

'Di nj ne nmiesa ari nj jan nja wii pi Wia, si leje di wii-la ta,

ama nja wii-la nj si si nj jan nja a pi Wia.'

³⁴ Ama leele mi jan bula pima, di ma ne che di ma nja wii, ma si nmiesu. Ma si Wia nmiesu, bee wiaa u nii benj dunia kun-kala. ³⁵ Koo ma si tinteen ma nmiesu, bee wiaa Wia naasin di-wiesin ne nii. Koo ma si Jerusalem ma nmiesu, bee wiaa kuori-balin jan ne nii. ³⁶ Ma paala si ma nyun ma nmiesu, bee wiaa ma paala bi jan wuo nja di ma nyu-punaa biri koo ba pulle. ³⁷ Ama ma-na yaa bul, 'Oo' koo 'Ai' dunduja a lii nii harin. Di nj ne seye, lenj u sene nja wutitii. Di nj bira bi seye maa, lenj duu nja wutitii. Di nii dunduja dee, u lii Sitaani ne.

Di nuu ne nja wu-bon nj le, si wu-bon-la jonjo timu

Luuk 6.29-30

³⁸ Ma nia ari Moosis fa bula a bul,

'Di nuu ne too nj siinj pure,

nj ma too u siinj pure,

di nuu ne nmoo nj nyilin churi,

nj ma nmoo u nyilin churi.'

³⁹ Ama leele mi jan bula pima a bul, di nuu ne nja wu-bon nj le, si wu-bon-la jonjo timu. Di nuu ne falle nj na-diin chanjkanin le, ken nj na-gua chanjkanin ma kaa birima pu duu falle. ⁴⁰ Di nuu ne saminj kaa juu kooti duu laa nj geri-balin, wuri nj geri-bie ma pe pu. ⁴¹ Di nuu ne fugun di ma duu venj meel-daa, lenj di ma venj meel-daasin balia. ⁴² Di nj ne ken kun, di nuu piese chiche, jonjo pu. Di nuu ne ko nj teenj a chiche kun duu chin, di nj ne kene, jonjo chimu.

Yesu bula ari la cho la dinjonjo

Luuk 6.27-28, 32-36

⁴³ Ma nia ari Moosis fa si di ma cho ma donsun tinjaa an bere ma dinjonjo. ⁴⁴ Ama leele mi jan bula pima, ma cho ma dinjonjo a chuole Wia pipi nialin si to naasin dogisema. ⁴⁵ Di ma ne nja nii, ma jan wuo nja ma Nyimma Wia si he Wia-jan biirin. U lenj Wia pose hihe ni-bonjo ari ni-zonjo kala le ne a lenj duonun nii pipi ni-zonjo ari ni-bonjo kala.

⁴⁶ Di nj ne cho nialin si chonj dunduja, nj bi jan ken time Wia-jan le. Lanpoo lilaaraa ma paala njjaa nii ne. ⁴⁷ Di nj ne tuose nj naanbiirin dunduja chuchuale, nj bi worun ka nja. Nialin si bi Wia jin ma paala njjaa nii ne. ⁴⁸ U maga di ma nja tu-pul timma ne a si kun-kala che ka, ari ma Nyimma si he Wia-jan si nja Tu-pul Tiina nii."

6

Yesu dagela nii la si jan naa a jon kiasa pi niaa

¹ Yesu bira dage u haritooroo a bul, “Di η nūi che di η naa wu-wɔŋ a pɛ η donɔ tiina le, sɪ wu-wɔŋ-la jonɔ naau le niaa tuonj. Di η ne naa nii, η bi time kene η Nyimma si he Wia-jan le teenj. ² Di η ne jon kunj pɛ nuu le, sɪ leɲe di niaa jinj. Nialinj sɪi dage ba titia yie naa nii Wii-chuɔle diisinj le ari wonɓii-porununj le. Ba naa nii di niaa beseba le ne. Wutitii ne mi bulaa pima, ba laa ba time ne. ³ Di η nūi jon kunj a pɛ nuu le, sɪ leɲe di η nanɗon-fieminj paala jinj. ⁴ Leɲ duu naa wu-faali. Di η ne naa nii, η Nyimma Wia jan tɪminj. U nūi na wii-la η si naa.”

*Yesu dage nii la si jan chuchuɔle Wia**Luuk 11.2-4*

⁵ Nii ne Yesu bira bul, “Di ma nūi chuɔle Wia, ma sɪ nialinj sɪi dage ba titia nagu. Ba yie cho di ba chinj Wii-chuɔle diisinj le ari wonɓiee sɛmɛ a chuchuɔle Wia di nuu-kala naba. Wutitii ne mi bulaa pima, ba paala laa ba time ne. ⁶ Ama di ma nūi che di ma chuɔle Wia, má juu ma diisinj a keɲ borusunj tɔ anj sul ma Nyimma-la ma si buu na. U-na na wii-la ma si faa njinaa ne, u jan tɪnma.

⁷ Di ma nūi chuɔle Wia, ma sɪ faasa bul wiaa yuge, ari nialinj si bi Wia jinj sɪi naa nii. Ba biina ari ba sɪi chuɔle Wia deenj deenj nii, Wia jan nii. ⁸ Ma siba nagu. Ma Nyimma paala jinj kialinj ma sɪi che ne, ka ma-na pipiesu nii. ⁹ Nla ne u maga di ma chuɔle Wia: Má bul, ‘La Nyimma Wia si he Wia-jan, leɲ di η yirinj yire.

¹⁰ Leɲ di η kuorii-la kɔ.

Leɲ di niaa sei η niinj tɪnteenj deenj le ari ba si sei Wia-jan le nii.

¹¹ Pila la jininj niinj kudiilinj

¹² anj jon la haacheba chela, ari la ma si jon la donsunj tɪnnaa haacheba cheba nii.

¹³ Liisela wii-la si jan kenla he haache tuonj le,

liisela wu-bonɲɔɔ le, [bɛɛ wiaa kuorii-la ari dolunj ari yiri-la naa η kiasa ne, leɛle a kaa mu deenj deenj. Ami.]’

¹⁴ Di ma donsunj tɪnnaa ne naa wiaa cheima le anj ka ma jonɔ cheba, ma Nyimma Wia si he Wia-jan le ma jan jon wialinj ma si naa chei a chema. ¹⁵ Ama di ma ne bi wialinj ma donsunj tɪnnaa si naa cheima le jonɔ cheba, ma Nyimma Wia ma bi jan jon wialinj ma si naa chei a chema.”

Yesu dage niaa nii-wɔbun wiaa

¹⁶ Nii ne Yesu si, “Di ma ne wɔɔ niinj, ma sɪ siaa kaa chei a nage nialinj sɪi dage ba titia. Ba yie gugolle ari losunj a keɲ siaa kala chei di nuu-kala na a jinj ari baa wɔɔ niinj ne. Wutitii ne, mi bulaa pima, ba-na paala laa ba time kala dɛɛ ne. ¹⁷ Di ma ne wɔɔ niinj, má sɔŋ ma siaa a chaase ma nyunj, ¹⁸ di niaa sɪ wuo jinj ari maa wɔɔ niinj ne see ma Nyimma Wia dunɗunja, Nii-la ma si bi na. U-na na wii-la ma si faa naa ne, u jan tɪnma.”

*Yesu dage nii la si jan naa a keɲ kuorunj Wia-jan le**Luuk 12.33-34*

¹⁹ Yesu bira bula, “Ma sɪ kiasa che bil ma titia le dunia deenj le. Dunia le pugumaa jan dii donsunj anj ka donsunj ma su, gaaraa ma jan juu gaa donsunj. ²⁰ Ama má che kiasa bil ma titia le Wia-jan le, lee-la pugumaa

si bi janj wuo dii. Ba bi janj su maa, gaaraa ma bi janj wuo gaaba. ²¹ Ma tuobiinaa yie he lee-la ma kiaa si he ne.

Yesu dage niaa a tige pulun-la le

Luuk 11.34-36

²² Nj siana ne njaan yaraa pulumun. Di nj siana ne zomɔ, nj yaraa kala ken pulumun ne, ²³ ama di nj siana bi zɔn, nj yaraa kala he biriminj tuɔn ne. Di pulun-la ne ko birime biriminj, biriminj lim le ne nj he njii.

Yesu dage niaa di ba si ba titia walimu a tige kudiilee ari genninj wiaa le

Luuk 16.13; 12.22-31

²⁴ Nu-kala bi janj wuo tinj tintinjaa a pi kuhiasinj balia. U janj cho donjo anj bere donjo. U janj tuto donjo niinj wiaa worun anj via donjo niinj wiaa. N ma saa bi janj wuo to Wia anj bira cho dunia kiaa maa.

²⁵ Mi bulaa pima, ma si ma titia walimu a tige kudiile-la ma si janj dii a ken dolun koo kialinj ma si janj nyunyua. Ma si ma titia ma walimu a tige genni-la le ma sii che di ma lilaale. Ma miisinj ne kii kudiilee, ma yaraa ma kii genninj. ²⁶ Má bee na diibiisinj si he wia nyun a fifil. Ba bi pere, ba bi kiaa kun, ba ma bi kiaa ka tuole virisinj le, ka la Nyimma Wia si he Wia-janj le pipiba kudiilee. Ma ne paala kenj liiba a kii diibiisinj. ²⁷ Di ma nii walime ma titia kiaa deenba wiaa, bua-la le ma miisinj si janj dere, u bi janj kenj tapul-bala ma pe pima. ²⁸ Di ma ne saa bi tapul-bala ma wuo kaa pe ma miisinj le tapulii-la ma si janj suu, bee ne saa tii kiaa deenba wiaa wiwalimema? Má bee na tii-filaa si he girinj le. Ba bi tinj, ba bi genninj ma yere a lilaale, ²⁹ ama ba zomɔ ne worun. Kuoru kubala ne fa he dime. Baa yire Solomɔn. U fa si he u miisinj le, u kenj kiaa ne worun. Ama u genninj fa bi zomɔ mage tii-filaa deenba. ³⁰ Wia ne yie njaan yan nyu a waa a zɔn, ka u bi dieni anj hihil. Di u ne hila, ba yie nyige nyininj. Di Wia ne wuo njaan yan zɔn njii, bee ne tii ma biine ari u bi janj wuo pima kudiilee ari genninj? Ma yarida bi yuge. ³¹ Ma saa si leje di ma walime ma titia kudiile-la ma si janj dii ari ku-la ma si janj nyua ari ku-la ma si janj laale wiaa. ³² Nialinj si bi Wia jinj dunia deenj le, ba ne yie walima chiche kiaa deenba. Ma Nyimma si he Wia-janj le jima ari maa che kiaa deenba kala ne. ³³ Njii wiaa má laa sipaan a che kialinj si he Wia kuorii-la tuɔn a che njii ma si janj njaan a kenj tuɔ-pula u sipaan. U janj jonj kun-kala si ka a pe pima. ³⁴ Ma saa si ma titia walimu a tinj chieminj wiaa. Chee kala kenj u wiwalimia ne. Ma si wii donj kala kaa pe chee kala wiwalimii le.

7

Yesu si di la si la donsun tinjaa wiaa laa jinj

Luuk 6.37-38, 41-42

¹ Ma si ma donsun tinjaa wiaa laa jinj. Di ma ne njaan njii, Wia ma bi janj jonj cheerinj pima. ² Wia janj dii ma sariya ari njii titia ma sii njaan ma donsun tinjaa le. Njii titia ma si jonjo to ma donsun tinjaa le, njii titia ne Wia ma janj jonjo toma le. ³ Ee ne nj janj wuo na daa-bie si tel nj naanbie siinj le anj bi daa-bal-la si tel nj titia siinj le ka na? ⁴ Nj bi janj wuo bula pi nj naanbie a bul duu lenj di nj liise daa-bie-la si he u siinj le, anj ka daa-bal-la si he nj titia siinj le. ⁵ N-na kanfugi tiina, laa sipaan liise daa-bal-la si he nj titia siinj le, ka nj siana wuo na, njii ne nj ma janj wuo pe nj naanbie le a liise daa-bie-la si he u siinj le a pu.

⁶ Ma si ku-zɔnɔnɔnɔ jonjo pi vahinj, ma ma si ma ku-zɔnɔnɔnɔ jonjo bil toonun sipaan. Di ma njaan njii, ba janj nuose ari ba naasinj anj toma harinj a dinjma.

Má che kiaa, ma jarj na

Luuk 11.9-13

⁷ Sul kiaa, η jarj laa. ⁸ Che kiaa, η jarj na. Dū boro, ba jarj kaa suro piη. Nii-la kala si sul kiaa Wia teen, u yie laa ne. Nii-la sūi che kiaa, u yie na ne. Nii-la ma si dū boro, ba yie kaa suro pu ne. ⁹ Di η bie ne piēse a chiche boroboro, η jarj sūi a jōη tabiη puu? ¹⁰ Koo duu ka che cheηfilin, η jarj jōη dimin a puu? Ai, ma bi jarj ηaa ηii. ¹¹ Di la ne bōmo aη jōη ku-zōηjōo aa pi la biirin, εε ne la Nyimma si he Wia-jarj a keη wu-zōηjōo bi jarj jōη ku-zōηjōo a pi nialaa si sula chichee? ¹² Wii-la η si cho di niaa jōη ηijaan le, η ma ηaa kukeri a jōη ηii titia a ηijaaba le. Wialin Moosis fa si ηmunsa bil di niaa tuto ari nialin fa sūi bul wiaa, Wia Diη-zōη-la dolun le, wu-nyun ne wiη deen.”

Má to boi-bie a mu Wia-jarj

Luuk 13.24

¹³ Yesu bira bul, “Má to boi-bie a mu Wia-jarj. Boi-la ba si to aa mu Wia nyinin, u jalia ne, wonbii-la ma venin bi he. Niaa yuga ne a tuto wonbii-la. ¹⁴ Ama Wia-jarj boininiη muuro ne, wonbii-la ma sūi mu lee-la, u venin heye. Niaa banmene dunjun ne yie wuo na wonbii-la a to.

Yesu bul wiaa a tiη nialin si nyia wiaa a bul di ba ηaa nialin sūi bul wiaa, Wia Diη-zōη-la dolun le

Luuk 6.43-44

¹⁵ Má pō ma titia le ari nialin si nyia wiaa a bul di ba ηaa nialin sūi bul wiaa, Wia Diη-zōη-la dolun le ne. Ba jarj kō ma teen ari ni-zōmo ba siaa le, ama ba tuōη le, ba ηaa ni-bōmo ne a nage gunḡurusun si yie keēe kiaa chichan. ¹⁶ Ma jarj to ba wu-ηaalaa le ne a jinba. Sojaamin bi chichueη ka neη, sōgun-gbeηe ma bi tutogo nanbilaa ka neη. ¹⁷ Tia-la kala si keη yarifielaa, uu neη neη-zōηjōo ne, ama tia-la si bi yarifielaa kene nii neη neη-lorunun. ¹⁸ Tia-la si keη yarifielaa bi neη-lorunun wuo neη, tia-la si bi yarifielaa kene ma bi neη-zōηjōo wuo neη. ¹⁹ Tia-la kala si bi neη-zōηjōo ka neη, ba jarj kere ta a jōη yuo he nyinin tuōη. ²⁰ Nii le ne ma jarj to a jin nialin sūi nyia wiaa a bul di ba ne ηaa nialin sūi bul wiaa, Wia Diη-zōη-la dolun le.

Nuu-kala dee bi jarj juu Wia kuorii-la tuōη

Luuk 13.25-27

²¹ Nuu-kala si yiremi, ‘mi Tiina, mi Tiina,’ dee bi jarj juu Wia kuorii-la tuōη, see nialin sūi ηaa wialin mi Nyimma si he Wia-jarj si daga. ²² Di Wia sariya che-diilin ne yie, niaa jarj yuge a bul, ‘La Tiina, la Tiina, la bul Wia wiaa a pi niaa η dolun le aη kiri jinjin niaa le η dolun le, la ηaa wu-magilaa ma a yuge η dolun le.’ ²³ Ama mi jarj bula piba a bul, ‘Mi paala bima jin. Ma wu-bōη ηijaaraa, má surisa lii mi teen!’ ”

Yesu magε namaga a tigε di-saaraa balia le

Luuk 6.47-49

²⁴ Yesu bira si, “Nii-la kala si kō mi teen a jegile nii mi niin wiaa deenba mi si bula pima a tutoba, mi jarj dagema ηii u si naga. U nage wu-jinna si saa u dia ne. U saau kpaginyilin nyun ne. ²⁵ Nii ne duonun nii. Liin sū lerin kala, pelin ma lu a ηmoo lii-la a yage dia-la, ka dia-la bi tele, beē wiaa ba saau worun ne kpaginyilin nyun. ²⁶ Ama nii-la ma kala si jegile nii mi niin wiaa deenba mi si bula pima aη biba to, u nage ni-yaarin si saa

u dia ne. U saau hagili-bunbugulo tuonj ne. ²⁷ Nji ne duonuj nii. Liinj su lerinj kala, pelinj ma lu a nmoo lii-la yage dia-la, dia-la kala tel wuru.”

²⁸ Yesu si bul wiaa deenba dere, ba nja ni-danj-la kala wu-kpunkpere.

²⁹ U biba daga a nage ba Wia teninj kerichiba sii dageba nii. U si dageba nii, u kenj wii-la doluj ne.

8

Yesu vaare gbege

Maak 1.40-45; Luuk 5.12-16

¹ Yesu si bul wiaa deenba dere, u lii peelinj nyunj a ku tuu. Nji ne ni-danj tuto u harinj. ² Gbege kubala ma ko u teenj a tuu kpirimi u sipaanj anj sul Yesu a bul, “Kuhianj, di nj ne cho, nj janj wuo nja di mi duori.” ³ Nji ne Yesu liise u nisinj a digu anj bul, “Mi cho ne. Duori.” Nji ne yawiil-la guu lej baal-la. ⁴ Nji ne Yesu bula pu a bul, “Si wiinj deenj bula pi nuu-kala. Ama kenj nj titia mu dage nii-la si kpu pusunj pipi Wia duu kpu pusunj a pi Wia a pinj ari Moosis fa si dagema nii. Di nj ne nja nii, niaa janj na ari nj bira bi disinninj kene.”

Yesu vaare Rom kuhianj dia tijtinnja

Luuk 7.1-10

⁵ Nji ne Yesu sii mu Kapenam di Rom laali-yuoroo kuhianj ku chemu a sulu duu peu le a bul, ⁶ “Mi kuhianj, mi dia tijtinnu nii wiilu a pinj dia le. U bi wuo venj a nina heenj worunj.” ⁷ Nji ne Yesu bula pu a bul, “Mi janj ku nja duu duori.” ⁸ Ama baal-la bula pu a bul, “Mi Tiina, mi bi maga di nj ku juu mi dia. N-na yaa suri nj niinj dunduja a bul di mi tijtinni-la duori, u janj duori. ⁹ Mi ma paala to mi laali-yuoroo nihiasinj niinj ne. Laali-yuoroo donsunj ma tuto mi ma niinj. Di mi ne bul di nia deenj mu daha, u yie mu ne. Di mi ma ne si di nia deenj ko daha, u yie ko ne. Di mi ne bula pi mi yomo duu nja deenj, u yie nja ne.” ¹⁰ Yesu si nii wiaa deenba, u nja wu-kpunkpere. Nji ne u bula pi ni-danj-la fa sii to u harinj a bul, “Wutitii ne mi bulaa pima, mi ha bi yarida deenj doho na Iziral tijteenj niaa tuonj. ¹¹ Mi bulaa pima, niaa janj yuge a lii tanj-bubuonj ari tanj-seme kala a ko a honj Wia kuorii-la tuonj di ba di Abiraham ari Aizik ari Jekob dii kudiilee, ¹² ama nialinj fa si maga di ba he Wia kuorii-la le anj bi jua, ba janj jonjba yuo ta jeenj harinj di ba he biriminj tuonj a pina yiyel anj didinj ba nyilaa.” ¹³ Nji ne Yesu bula pi laali-yuori-hianj-la a bul, “Mu dia, nj si nja yarida ari wii-la, u janj nja.” Bua-la titia le laali-yuori-hianj-la tijtinni-la duori.

Yesu vaare niaa yuge

Maak 1.29-34; Luuk 4.38-41

¹⁴ Nji ne Yesu mu Piita dia. U si jua, u na di u hiili-haala pina a wiile, u yaraa kala lij. ¹⁵ Nji ne Yesu digi u nisinj le. U yaraa fa si lima nii, u fiele. U sii nja kudiilee piba ba dii. ¹⁶ Didaaninj si yie, ba kenj niaa yuge a kaa ko Yesu teenj. Jinsinj ne kenj niaa donsunj. Yesu bul wiaa a kiri jinj-bomɔ-la ta anj vaare nialinj kala fa sii wiilu. ¹⁷ U nja wiinj deenj di wialinj Azaaya fa si bula ku nja wutitii. Azaaya fa nja nii-la sii bul wiaa, Wia Dinj-zonj-la doluj le ne. U fa bula a bul, “U ne laa la nyanyalaa kala a chunj a kaa mu ta.”

Nialinj si maga di ba to Yesu harinj

Luuk 9.57-62

18 Yesu si na di ni-dan-la ku gollu, u n̄aa ba di u haritooroo chol fuonj cholo dɔŋɔ. 19 N̄ii n̄e Wia teniŋ kerichi kubala kɔ u teenj a bula pu a bul, “Mi kuhianj, mi n̄aa siri di mi to ŋ hariŋ a mu lee-na kala ŋ sii mu n̄e.” 20 N̄ii n̄e Yesu bula pu a bul, “Jollunj keŋ buasunj n̄e a jujuu, diibiisiŋ ma keŋ dellinj a jujuu, ama mi-na Nuhuobiine Bie bi di-piniŋ keŋe di mi pina wiesi.” 21 N̄iaa dɔŋsunj ma fa sii to Yesu hariŋ, ba tuɔŋ kubala ma bula pu a bul, “Kuhianj, leŋ mi laa sipaanj mu hugi mi nyimma.” 22 N̄ii n̄e Yesu bula pu a bul, “To mi hariŋ anj leŋ di suununj huhugi ba titia suununj.”

Yesu n̄aa lii-peliŋ keŋe
Maak 4.35-41; Luuk 8.22-25

23 N̄ii n̄e Yesu juu liiŋ daboro. U haritooroo to u hariŋ a ma mu juu, 24 di pel-duo kubala suomo a lulu n̄ii a ku ŋmoo liiŋ. N̄ii n̄e lii-peliŋ to liiŋ daboro-la. Liŋ daboro-la faa che duu tuu liiŋ bubuɔŋ. Ama Yesu fa piŋ doŋ n̄e. 25 N̄ii n̄e u haritooroo mu chisu a bula pu a bul, “La Tiina, laala ta, laa che di la suu n̄e.” 26 N̄ii n̄e Yesu pieseba a bul, “B̄e n̄e tii fawullunj keŋma? Ma yarida bi yuge.” N̄ii n̄e u sii kpia pel-la le anj bula pi fuo-la maa duu fiela piŋ, lerinj kala guu n̄aa fuui. 27 U n̄aa nuu-kala wu-kpunj kperere. N̄ii n̄e ba pipiese dɔŋɔ, “Ni-b̄e n̄e n̄la? Peliŋ ari lii-peliŋ kala tuto u niinj.”

Yesu kiri jinsiŋ baalaa balia le
Maak 5.1-20; Luuk 8.26-39

28 N̄ii n̄e Yesu sii mu tinjee kubala baa yire Gadara. Lee-la fa he fuonj cholo n̄e. Di baalaa balia lii vaamaa tuɔŋ a ku chemu. Jinsiŋ n̄e fa keŋ baala-la. Ba nyinyaaŋe. Nuu-kala fa bi wonbii-la wuo to. 29 Ba si na Yesu, ba guu ŋmoo niinj a piesu, “B̄e n̄e ŋ chiche di ŋ n̄aala le Wia Bii? Ŋ kɔ di ŋ dɔgisela n̄e, ka bua-la ha bi yiee?” 30 Di toonunj ma he lee-la a yuge a gollo didii kiaa. 31 N̄ii n̄e jinsi-la sul Yesu a bul, “Di ŋ n̄ii che di ŋ kirila di la lii, leŋ di la mu juu toonunj deenba.” 32 N̄ii n̄e Yesu bula piba a bul, “Má lii.” N̄ii n̄e ba lii baala-la le a mu juu toonu-la. N̄ii n̄e toonu-la kala sii fá a lii peel-la nyunj a tuu tel muga tuɔŋ a suu. 33 Too-daara-la fá a juu taŋ-la tuɔŋ a bul wii-la kala si n̄aa a pi n̄iaa ari wii-la si n̄aa baala-la fa si keŋ jinsiŋ le. 34 N̄ii n̄e nuu-kala si he taŋ-la le lii a mu duu na Yesu. Ba si mu nau, ba sulu duu lii ba tinjeŋ le.

9

Yesu vaare gberike
Maak 2.1-12; Luuk 5.17-26

1 N̄ii n̄e Yesu sii juu liiŋ daboro a miira chol a mu u jan, 2 di n̄iaa chuŋ gberiku kubala si piŋ u bɔsɔ nyunj a kaa kɔ Yesu teenj. Yesu si na ari ba n̄aa yarida worunj, u bula pi gberiku-la a bul, “S̄i fawullunj fá mi bii, mi jonj ŋ haacheba cheŋ n̄e.” 3 N̄ii n̄e Wia teniŋ kerichiba-la dɔŋsunj pipiese dɔŋɔ a bul, “Baala deenj tuuse Wia jonjoo n̄e.” 4 Ama Yesu jinj wii-la ba fa sii biinu a pieseba a bul, “B̄e n̄e tii maa biine wu-bɔmunj deenj? 5 Mi si janj bul di mi jonj u haacheba cheu n̄e koo mi si janj bul duu sii a chuoli u bɔsɔ a viiri, ba tuɔŋ kubee n̄e n̄aa moli? 6 Mi janj dagema ari mi-na Nuhuobiine Bie keŋ dolunj dunia le di mi wuo jonj haacheba che n̄iaa.” N̄ii n̄e u bula pi gberiku-la a bul, “Sii a jonj ŋ bɔsɔ a mu dia.” 7 Baal-la guu duori a sii a mu dia. 8 Ni-dan-la si na n̄ii, fawullunj keŋba. Ba denne Wia ari u si wuo jonj dolunj n̄ii a pi nuhuobiine.

Yesu yire Matiu

Maak 2.13-17; Luuk 5.27-32

⁹ Yesu si lii lee-la aa ven, u na lanpoo lilaaru kubala baa yire Matiu. U fa hon u tintinni-dia le ne. Nii ne Yesu yiru a bula pu duu sii to u harinj. U sii a to u harinj.

¹⁰ Nii ne Yesu juu Matiu dia, ba di u haritooroo kala, a hono didii kiaa. Lanpoo lilaaraa yuga ari haache diiree ma a ko, ba kala didii kialinj.

¹¹ Farisii tinjaa dongsun naba a piese Yesu haritooroo a bul, "Bee ne tii ma kuhian ari lanpoo lilaaraa ari haache diiree kala hono didii kiaa?" ¹² Yesu nii wii-la ba si bula a miira bula piba a bul, "Nialinj si ken yarifielaa, ba bi daalusun njinaara ka che, see nialinj sii wiilu. ¹³ Ma mu a benj Wia teninj tuon a na wii-la ba si njmunsa bubuonj. Ba njmunsa, 'Wia si, mi cho di ma fifa niaa nennige ne a kii ma si kpu pusun pipimi.' Mi ko di mi yire haache diiree ne di ba lenj ba haacheba. Nialinj si ken tuo-pula mi sipaanj dee mi ko di mi yire."

Yesu dage nii-vobun wiaa

Maak 2.18-22; Luuk 5.33-39

¹⁴ Nii ne Jonj Wia lii-foori-la haritooroo ko Yesu teenj a piesu a bul, "Bee ne tii la di Farisii tinjaa vuvoo niinj anj ka nj haritooroo-na bi niinj voo?"

¹⁵ Nii ne Yesu pieseba a bul, "Di nuu ne mu jaa haal kaa ko, ka ba duu nanjonsun honj, u nanjonsu-la tuon janj chei? Ai. Ama chee donj ne he dime, ba janj kenj baal-la kaa mu lee, anj ka di u nanjonsu-la voo niinj."

¹⁶ Nii ne u bira mage namaga a piba a bul, "Nuu-kala bi janj jonj geripe-falinj a kaa to geri-bininj. Nj ne njaa nii, nj janj chei geri-falii-la. ¹⁷ Nii titia ne nuu ma bi janj jonj si-huonj a he pupoi-kpaanj le. Nj ne njaa nii, pupoi-la janj yere, di sinj-la kala bisa ta. Si-huonj maga di nj jonj he pupoi-zomunj le ne, di sinj-la ari pupoi-la kala zonj."

Yesu chise juu tinjaa kuhianj tolo suunj le anj pe vaare haal kubala

Maak 5.21-43; Luuk 8.40-56

¹⁸ Yesu fa sii bul wiaa nii, juu tinjaa kuhianj kubala ko u teenj a tuu kpirimi u sipaanj anj bula pu a bul, "Mi tolo ne yie suu leele, ama ku jonj nj nisinj danj le duu duori." ¹⁹ Nii ne Yesu to u harinj, ba di u haritooroo kala.

²⁰ Ba sii mu nii, di haal kubala ma he dime. U fa kenj tinj jisinj fii ari balia ne, ka u po u bi dere. Nii ne u ko a bal Yesu harinj a digi u gerinj niipininj le ²¹ anj bul u titia le, "Di mi ne digi u gerinj maa, mi janj duori."

²² Nii ne Yesu miira daase a nau a bula pu a bul, "Mi tolo, si fawullunj fa, nj yarida ne njaa nj duori." Haal-la guu duori bua-la titia le.

²³ Nii ne ka Yesu-na juu juu tinjaa kuhianj-la dia. U jua di yo-daaraa china aa yel. ²⁴ Nii ne Yesu bula piba di nuu-kala lii, di tolo-la bi suba, di u ta pinj donj ne. Nii ne ba kala mumomu. ²⁵ Ama ba si kiri nialinj kala ba lii, Yesu mu juu tolo-la dia a kenj u nisinj le, u sii. ²⁶ Wiinj deerj Yesu si njaa, u teeli tintee-la kala.

Yesu vaare nyulimaa balia

²⁷ Yesu si lii juu tinjaa kuhianj-la dia-la le aa ven, nii ne nyulimaa balia sii a tuto u harinj anj faasa yire a bula pu a bul, "Yesu, Devit nihinj, fala nennige." ²⁸ Yesu si mu dia, nyulima-la baliainj ma to u harinj juu dia-la. Nii ne u pieseba a bul, "Ma njaa yarida ari mi janj wuo njaa di ma duorii?" Nii ne ba bul, "Oo, la Tiina, la njaa yarida." ²⁹ Nii ne Yesu digi ba siaa le anj bul, "Ma si njaa yarida ari nii janj njaa, mi janj lenj duu njaa." ³⁰ Nii ne

ba siaan sari, ka Yesu bula piba ari siifesiŋ a bul, “Ma sí wiinj deen bula pi nuu-kala.” ³¹ Ama ba lii Yesu teenj a bul wii-la kala Yesu si ŋaa a teeli lerinj kala.

Yesu vaare tarinj

³² Nyulima-la balia si lii dia-la le Yesu fa si he, niaa kenj baal kubala si bi wiaa wuo bul a kaa ko u teenj. ³³ Nii ne Yesu kiri jima-la baal-la le, baal-la suomo bubul wiaa. U ŋaa nuu-kala wu-kpuŋkperere. Nii ne ba bul di ba ha bi wiinj deen yiri na Iziral le. ³⁴ Ama Farisii tinŋaa bul ari jinŋin kuoro ne pu dolun duu kikiri jin-bonŋoŋo nii.

Yesu fá niaa nennige.

³⁵ Nii ne Yesu sii golle ta-balaa ari ta-biisiŋ kala a dage niaa Wii-chuoŋe diisiŋ le a bul Wia wu-zomo-la a tige Wia kuorii-la le anj pe vaare niaa nyanyal-yiriba kala. ³⁶ U fa si na ni-dan-la, nennige kala kenu. U na di wiaa ne faa walimeba. Ba bi ba titia le wuo pe, a nage piesee si bi pie-daara kene. ³⁷ Nii ne u bula pi u haritooroo a bul, “Ku-kumaa yuga ne бага le di ba kunj, ama tintinnaa bi yuge di ba kunj kialinj. ³⁸ Má saa sul бага-la tiina duu he tintinnaa yuge di ba tinj tintimii-la.”

10

Yesu yire u haritooroo fii ari balia

Maak 3.13-19; Luuk 6.12-16

¹ Nii ne Yesu yire u haritooroo fii ari balia a he donj le a piba dolun di ba wuo kikiri jinŋin anj pe vivaare niaa nyanyal-yiriba kala. ² Nialinj u si liisa yiraa ne ŋla: Saamonj, ba fa kenu yiyire Piita ma ne, ari u naanbie Anjuru, ari Jeems, si ŋaa Zebidii bie, ari Joŋ. Joŋ fa ŋaa Jeems ŋaana ne. ³ U bira liise Filip, ari Batolomi, ari Tomas, ari Matiu lanpoo lilaari-la, ari Alifiyas bie Jeems, ari Tadiyas, ⁴ ari Saamonj Zelot, ari Judas Isikarot, nii-la si ku ŋaa zenbe tiina a yalle Yesu.

Yesu tinj u haritooroo fii ari balia

Maak 6.7-13; Luuk 9.1-6

⁵ Niaa deenba fii ari balia, Yesu ne tinba ba lii. Nla ne u bula piba anj ka ba lii: “Ma sí nialinj si bi Juu tinŋaa ŋaa tinteen mu. Ma sí Samaria tinteen ma mu. ⁶ Ama má mu Iziral niaa teenj, niaa deenba lele nage piesee si lele ne a bira bi dia weninj jinj. ⁷ Má mu a bul Wia kuorii-la wiaa piba a bul duu kpaga ne. ⁸ Má vaare nyanyal tinŋaa a chise suunuj a vaare gbegisiŋ a kiri jin-bonŋoŋo niaa le. Ma ne ŋaa nii, ma sí time kala laa, bee wiaa ma ma bi kunj-kala time anj laa. ⁹ Ma sí moribee ma joŋo he ma geri-fesiŋ le. ¹⁰ Ma ma sí sulli-gbaŋsiŋ koru a kaa venj wonbii-la a sí genniŋ tunj-bulia koo nenŋenŋee tunj-bulia laalu, ma sí daantiga ma koru. Di tintinna ne tima, u maga di ba timu ne. ¹¹ Di ma ne mu yi ta-bal koo ta-bie, má juu tarj-la tuŋ a bee che nii-la si janj wuo laama bil a chuchua dii-bala-la le hali di bua-la ma si janj lii tarj-la le yi. ¹² Di ma ne mu juu dia kala, má laa sipaan chuoŋe dia-la niaa a bul, ‘Dia deen niaa janj honj ari yarifielaa.’ ¹³ Di ba ne laama, ba janj kenj yarifielaa. Di ba ne bima laa, yarifiela-la janj miira ko ma teenj. ¹⁴ Di ma mu nuu-kala teenj, duu po di ma sí juu a bi ma wialinj ma jegilee nii, má lii dia-la le koo tarj-la le a kpesi ma naasiŋ hagila ta. Ba janj jinj ari ba ŋaa wii ne a cheima le. ¹⁵ Mi bulaa pima ari sariya

che-diilin, Wia jan dogise tan-la niaa a kii bua-la le u si dogise Sodom niaa nii.”

Hee-la si jan ko

Maak 13.9-13; Luuk 21.12-17

¹⁶ Nii ne Yesu bira bul, “Ma jegile nii, ma nage pie-biisin ne. Mii tinma di ma guoli gungurusun tuon. Ma saa ken wu-jimin a nage dinjaa si ken wu-jimin nii a len di ma siaa fiele a nage kokosun siaa si fiele nii. ¹⁷ Ma ken ma titia worun ni-bonho deenba teen. Ba jan kenma kaa mu nialin si yie hilime vuvure wiaa teen di ba dii ma sariya. Ba jan viirima Wii-chuole diisin le. ¹⁸ A tin mi wiaa, ba jan kenma kaa mu kuoroo ari tan kuhiasin sipaan di ma dii mi dansia, ba di nialin si bi juu tinjaa naa kala teen. ¹⁹ Di ba ne kenma kaa mu di ba dii ma sariya, ma si leje di ma boisin jon wialin ma si jan bul le a laa ma titia. Bua-la le Wia jan jon wu-jimin a he ma nyun le. ²⁰ Wialin ma si jan bul, ma dee bi jan bul. Ma Nyimma Wia jan len di u Din-zon-la toma le a bul wiaa pima. ²¹ Naanbiirin jan ken donjo a kaa mu tia di ba kpu. Nyimmaba ma jan naa nii ba biirin le. Biirin ma jan naa nii a ma kese ba nyimmaba ari ba naanba a kaa mu pa di ba kpu. ²² Nuu-kala jan berema a tin mi wiaa. Ama nii-la kala si nyalime a mu dere, Wia jan laau ta. ²³ Di ba nii dogisema tan-la le, ma lii a fa mu tan donjo. Mi bulaa pima ari ma bi jan wuo tin tintimii-la dere Iziral tasin kala le, ka di mi-na Nuhuobiine Bie-na ko.

²⁴ Sukuuri bie bi u kerichi ka kii, nii-la sii tin tintinjaa nuu donj teen ma bi yuga kii nii-la teen u sii tin tintimii-la. Tintinna bi u kuhian ka kii. ²⁵ Ama di nii-la ne gunne tintimii-la dere, u maga di ba di nii-la si dagu kala mage donjo ne. Di ba ne saa ken dia tiina kaa yire Belizibul, nii-na ba jan he yiri-bonhojo a pi u dia niaa kala.

Nii-la si maga di la fa

Luuk 12.2-9

²⁶ Nii wiaa, ma si nuhuobiinee fa. Wii-kala si faa jan ku lii pulumun, niaa ma jan nii wii-la si naa wu-faali. ²⁷ Wii-kala mi si bula pima birimin tuon, u maga di ma bulu pulumun tuon. Wii-kala bira ba si munso bula pima birimin tuon, ma heele bulu lusun nyun.” ²⁸ Nii ne Yesu bira bul, “Ma si nialin si jan wuo kpu ma yaaraa fa, niaa deenba bi ma dima wuo kpu. Ama ma fa Wia. U ne ken dolun duu wuo jon ma yaraa ari ma dinjin kala a he Wia nyinin tuon. Mi bula pima, ma fifau. ²⁹ Zaarikokobiisin balia dee ba yie jonjo yalle kobu koo? Ama ba tuon kubala ma bi jan tel tinteen, see ma Nyimma Wia seye. ³⁰ Wia paala jin ma nyu-punaa kala ma niin ne. ³¹ Nii wiaa, ma si leje di fawullun kenma. Ma ne paala kii zaarikokobiisin a yuge. ³² Nii-la kala si jan wuo bul niaa tuon ari u naa mi nuu ne, mi ma jan bul nii a tigeu le mi Nyimma Wia si he Wia-jan le sipaan. ³³ Ama nii-la kala si viami niaa tuon, mi ma jan viau mi Nyimma Wia si he Wia-jan le sipaan.

Yesu si duu bi dunia ko di niaa sin, see di ba yuo donjo.

Luuk 12.51-53; 14.26-27

³⁴ Ma fa biina di mi ko dunia di niaa sin nee? Ai, yuosun ne mi kaa ko. ³⁵ Mi ko di niaa pore donjo le ne. Bie jan ken u nyimma di ba yuo donjo. Tolo ma jan ken u naan di ba guraa yuo donjo. Bii-haala ma jan ken u bala naan di ba guraa yuo donjo. ³⁶ Nuu dinjonhojo paala jan he u dia-niaa tuon. ³⁷ Nii-la kala si cho u nyimma ari u naan a kiimi, u bi maga duu naa mi haritooru. Nii-la kala ma si cho u bie koo u tolo a kiimi, u bi maga duu

ɲaa mi haritooru. ³⁸ Nii-la kala si bi u titia daa-geɛɛ baase a to mi hariɲ, u bi maga duu ɲaa mi haritooru. ³⁹ Nii-la kala sii che u titia miisɲ, u jan joɲ u miisɲ ta. Ama nii-la kala si via u miisɲ ta a tiɲ mi wiaa, u jan keɲ miisɲ.

Time-la Wia si jan joɲo tiɲla.

Maak 9.41

⁴⁰ Nii-la kala si keɲma woruɲ, u tiina keɲmi ma woruɲ ne. Nii-la ma kala si keɲmi woruɲ, u keɲ Tiina ma si tiɲmi woruɲ ne. ⁴¹ Nii-la kala si laa Wia tiɲtinna doɲo a kenu woruɲ u dia le a tiɲ u si ɲaa Wia tiɲtinnu wiaa, u jan laa u time. Time-la Wia si jan joɲo tiɲmu, u jan mage time-la Wia si jan tiɲ u tiɲtinni-la. Nii-la kala ma si laa tuo-pul tiina bil a tiɲ u si ɲaa tuo-pul tiina wiaa, time-la Wia si jan joɲo tiɲmu, u jan mage time-la u si jan joɲo tiɲ tuo-pul tiina-la. ⁴² Nii-la ma kala si ɲaa lii-fiela pi mi haritooro deenba tuoɲ ku-bie a tiɲ u sii to mi hariɲ wiaa, u tiina ma jan laa u time."

11

Jooɲ Wia lii-foori-la tiɲ niaa ba ko Yesu teen

Luuk 7.18-35

¹ Yesu si bul wiaa deenba a pi u haritooro fii ari balia-la deɛɛ, u lii lee-la a mu duu dage niaa aɲ pe bul Wia wiaa tasi-la si kpaga lee-la.

² Jooɲ Wia lii-foori-la fa si he sarika le a nii wialɲ Kirisito fa sii ɲaa, u tiɲ u haritooro doɲsuɲ Yesu teen ³ di ba mu piese Yesu a bul, "Bula pila, ɲ ne nii-la Jooɲ fa si si u jan ko, koo la haa gberɛ nuu ma doɲ neɛ?" Nii ne ba mu piesu. ⁴ Ba si piese deɛɛ, Yesu bula piba a bul, "Ma miira mu Jooɲ teen a bula pu wialɲ kala ma si na a nii maa. ⁵ Ma bula pu di nyulimaa siaa suri ne, gberikeɛ viveɲ, gbegisin ma duduori. Tanɲaa ninii wiaa, nialɲ si suba sisii suuɲ le. Summoo ma wuo ninii Wia wu-zooɲoo. ⁶ Nialɲ si bi kaa lere ari mi ne ɲaa nii-la Wia si tima, ba tuoɲ jan toɛɛ."

⁷ Nii ne Jooɲ haritooro-la viiri. Nii ne Yesu suomo bul Jooɲ wiaa a pipi ni-dan-la. U pieseba, "Ma si mu Jooɲ teen tiɲtee-hilii-la le, beɛ ne ma fa gberɛ di ma na? Ma mu di ma na yan peliɲ si kaa viviisi neɛ? Ai. ⁸ Beɛ ne saa ma lii di ma na? Ma lia di ma na nuu si laale geri-zooɲoo neɛ? Ai. Bee na nialɲ si yie laale genniɲ deenba, ba yie juu kuori-diisɲ ne aa nii sima. ⁹ Ma saa dagemi ku-la ma si mua di ma na. Ma mua di ma na nii-la sii bul wiaa, Wia Diɲ-zooɲ-la doluɲ le neɛ? Oo, mi jan bula pima ari ma na nuu duu kii nii-la sii bul wiaa, Wia Diɲ-zooɲ-la doluɲ le ne. ¹⁰ U-na Jooɲ wiaa ne ba ɲmuɲsa bil Wia teniɲ tuoɲ a bul di Wia si, 'Ma jegile nii mi teen, mi jan tiɲ mi tinɲaara duu laa ɲ sipaan a mu a wase wonɲiɲ bilɲ le.' "

¹¹ Nii ne Yesu bira bula pi niaa a bul, "Wutitii, mi bulaa pima, Jooɲ, Wia lii-foori-la ne kii nuu-kala ba si lula. Ama nii-la si ɲaa ni-bie Wia kuorii-la tuoɲ, u ne yuga kii Jooɲ. ¹² A chinɲ bua-la le Jooɲ si suomo bubul Wia wiaa a kaa kuko tapuluɲ deɛɛ, niaa keɲ Wia kuorii-la wiaa yuyuo doɲo ne, ɲii ne ni-duoruɲ wiwalime di ba kaa loriko laa. ¹³ Ka di Jooɲ-na ko, nialɲ fa sii bul wiaa, Wia Diɲ-zooɲ-la doluɲ le fa bul Wia kuorii-la wiaa ne. Wialɲ Wia si leɲe ba ɲmuɲsa bil di niaa tuto ma dage ɲii ne. ¹⁴ Di ma ne ɲaa yarida, ma sei wialɲ ba si bula. Jooɲ ne ɲaa Ilaaja, nii-la wiaa ba fa si bula duu jan ko. ¹⁵ Digilaa tiɲɲaa, ma wuoli ma digilaa a nii wiaa deenba."

¹⁶ Njii ne Yesu bira bul, “Bee ne mi jan ken jinij niaa kaa magise? Ba nage hanbiisin sii gbieli yobo tuon ne. Donsun yie kpia donjo le a bula piba a bul, ¹⁷ ‘La yii yiilaa ne pima, an ka ma bi gua, la yel yoho pima, an ka ma bi yel.’ ¹⁸ Bua-la le Jonj si ko ma teen, uu voo niin ne a bi sinij ma nyua. Njii ne ba si di jin-bon ne kenu. ¹⁹ An ka mi-na Nuhuobiine Bie ko ma teen a didii kiaa an pe nyunyua sinij maa. Njii ne ba bula pi donjo a bul, ‘Baala deen jaa luobii tiina ne a jaa si-nyuaru maa an pe ken lanpoo lilaaraa ari haache diiree kala ma kaa dii nandonsun.’ Nialij si sei wu-jimii-la si lii Wia teen, ba wu-jaalaa daga ari ba sene sei ne.”

Tasi-la si bi Yesu wiaa laa dii

Luuk 10.13-15

²⁰ Tasi-la le Yesu si jaa wu-magilaa yuge, ba niaa bi u wiaa laa dii, njii wiaa ba bi birima lii ba haacheba le. Njii ne u kpiaba le a bul, ²¹ “Ma Korazin tinjaa, ma jan na heen. Betisaada tinjaa maa, ma ma jan na heen. Wu-magila-la ba si jaa ma teen, di ba ne fa jaaba Taya ari Saadon niaa teen jla, ba fa bi jan dieni an hono telle naasin a jaa tuoron buge ba titia, a didage njii ari ba birima lii ba haacheba le ne. ²² Mi bulaa pima, sariya che-diilij, Wia jan dogise Korazin ari Betisaada tinjaa a kii Taya ari Saadon tinjaa. ²³ Ma-na Kapenam tinjaa, ma ne paala chiche di ma ken ma titia a kaa jil Wia-jan. Wia jan jonma yuo ta ne di ma tuu juu u nyinin. Wu-magilaa deenba kala mi si jaa ma teen, di mi fa jaaba Sodom le ne, ba fa jan he dime a kaa kuko jinij. ²⁴ Mi bulaa pima, sariya che-diilij Wia jan fa Sodom niaa nennige a kii Kapenam niaa.”

Yesu bula pi niaa di ba ko u teen a na wiese

Luuk 10.21-22

²⁵ Bua-la titia le Yesu guu yire, “Mi Nyimma, n ne jaa wia nyun ari tinteen kala Tiina. Mii lollun ari n si ken wialij n si jonjo faa a dage nialij si bi wiaa jin, an bi jonjo dage nialij si ken wu-jimij. ²⁶ Mi Nyimma, mii lollun. N titia tuoton le ne n jaa njii.” ²⁷ Njii ne u bira bul, “Mi Nyimma jon kun-kala dolun ne pimi. Mi Nyimma dunduja ne jin njii mi si naga. Mi ma dunduja ne jin njii mi Nyimma ma si naga. Nuu-kala bira buu jin, see nialij dunduja mi sii cho di mi daga.” ²⁸ Njii ne Yesu bira bula pi niaa, “Ma ko mi teen, ma nialij kala si lol, an ka wiaa nyagema bil. Mi jan pima wiese. ²⁹ Ma laa mi chuga a chun an gunne mi teen, bee wiaa mi ken mi titia muuri ne, mi siaa ma fiele. Di ma jaa njii, ma jan na wiese. ³⁰ Chuga-la mi si jan jonjo chunma jan jaa chugi-moli, u bi yun.”

12

Ba piese Yesu che-wiesii-la wiaa.

Maak 2.23-28; Luuk 6.1-5

¹ U bi diene an ka Yesu ari u haritooro sii to nyonso бага tuon che-wiesii-la cheen. Losun fa ken Yesu haritooro. Njii ne ba suomo kiile nyonso-la aa chan. ² Farisii tinjaa si na wiin deen njii, ba piese Yesu a bul, “N bi naa? Che-wiesii-la kisij ne ba chichei njii.” ³ Njii ne Yesu pieseba a bul, “Ma bi wii-la Devit fa si jaa karimaa? Losun fa si kenu ba di u harin niaa, ⁴ u mu juu Wia-dia a jon boroboro-la ba fa si kaa ku bil Wia sipaan a chogo dii, an jonjo pi u harin niaa maa, ba ma dii. U fa jaa kisij ne di ni-wogo dii boroboro-la, see nialij si kpu pusun pipi Wia dunduja. Njii-na u fa bi maga di Devit ari u harin niaa dii kudiile-la. ⁵ Koo ma ha bi wialij

Moosis fa si n̄mun̄sa bil di la tuto karimaa? Ch̄e-wiesii-la ch̄eɛn̄ kala nialin̄ si kpu pusun̄ pipi Wia kuhiasin̄ fa yie chei la kisin̄ Wia-dia l̄e. Ama ba fa si n̄aa n̄ii ch̄e-wiesii-la ch̄eɛn̄, u bi haache n̄aa. ⁶ Mi bulaa pima ari kun̄ n̄e h̄e ma tuon̄ l̄eɛɛ a yuga kii Wia-dia. ⁷ Wia tenin̄ tuon̄, ba n̄mun̄sa di Wia si,

‘Mi cho di ma fifa n̄iaa nennige n̄e a kii ma si kpu pusun̄ pipimi.’
Di ma n̄e fa s̄en̄e jin̄ wiin̄ deen̄ bubuon̄, ma fa bi jan̄ jon̄ cheerin̄ pi nialin̄ si bi wii cheye. ⁸ b̄e wiaa mi-na Nuhuobiine Bie n̄e n̄aa ch̄e-wiesii-la Tiina n̄ii.”

Yesu vaare baal kubala nisin̄ si suba

Maak 3.1-6; Luuk 6.6-11

⁹ N̄ii n̄e Yesu lii lee-la a mu juu Wii-chuole dia, ¹⁰ di baal kubala n̄e n̄ii. U nisin̄ suba n̄e. N̄iaa don̄sun̄ ma fa h̄e dime a chic̄e di ba bul Yesu teen̄ ari u cheye n̄e. N̄ii n̄e ba piesu a bul, “U k̄en̄ won̄biin̄ n̄eɛ di la vaare nyanyal tin̄n̄aa ch̄e-wiesii-la ch̄eɛn̄ koo?” ¹¹ N̄ii n̄e Yesu pieseba a bul, “Di ma kun̄ n̄e k̄en̄ piesu duu tel vilin̄ l̄e ch̄e-wiesii-la ch̄eɛn̄, n̄ jan̄ liisu koo n̄ jan̄ len̄u dime duu suu? Ma jan̄ liise. ¹² Nuhuobiine n̄e paala kii piese. Di la n̄e saa n̄aa wu-zon̄n̄oo ch̄e-wiesii-la ch̄eɛn̄, la bi ch̄e-wiesii-la kisin̄-la cheye.” ¹³ N̄ii n̄e u bula pi na-suu-la tiina a bul, “K̄en̄ n̄e nisin̄ tiene.” U kaa tiene. U fiela a nage u nisi-la don̄o. ¹⁴ N̄ii n̄e Farisii tin̄n̄aa lii lee-la a mu vuure n̄ii ba si jan̄ n̄aa a kpu Yesu.

Yesu bul wiaa a tige u titia l̄e

¹⁵ Yesu si n̄ia di ba vuure di ba kpuu n̄ii, u lii lee-la. Ni-dan̄ to u harin̄. N̄ii n̄e u vaare nialin̄ fa s̄ii wilu kala ¹⁶ an̄ bula piba di ba s̄i len̄ di wiin̄ deen̄ teeli lerin̄ kala. ¹⁷ U n̄aa wiin̄ deen̄ di wialin̄ Azaaya fa si bula ku n̄aa wutitii. Azaaya fa n̄aa nii-la s̄ii bul wiaa, Wia Din̄-zon̄-la dolun̄ l̄e n̄e. ¹⁸ U fa si,

“Mi Tin̄tinna n̄e n̄la, nii-la mi si liisa,
nii-la mi si cho, mi tuon̄ tor̄e u nyun̄.

Mi jan̄ jon̄ mi Din̄-zon̄-la h̄eu l̄e.

U jan̄ bul mi sariya diinin̄ wiaa a pi dunia n̄iaa kala.

¹⁹ U bi jan̄ kaa l̄ere, u bi jan̄ kpia gon̄ maa.

U bi jan̄ n̄in̄aa gon̄ won̄biee l̄e di n̄iaa nin̄ii.

²⁰ U siaa jan̄ fiela nialin̄ si n̄aa puwuoloo teen̄,
a k̄en̄ zile ni-pugunun̄ ma teen̄.

U jan̄ p̄ese halii, see wutitii-la Wia s̄ii ch̄e yuo dii lerin̄ kala.

²¹ U l̄e n̄e dunia n̄iaa kala jan̄ jon̄ ba yiɛlaa h̄e.”

Yesu ari Belizibul

Maak 3.20-30; Luuk 11.14-23

²² N̄ii n̄e n̄iaa don̄sun̄ k̄en̄ baal kubala kaa ko Yesu teen̄. Jin̄sin̄ n̄e fa k̄en̄ baal-la. U fa nyulima an̄ p̄e tan̄. Yesu vaare baal-la. N̄ii n̄e u wuo wiaa bubul an̄ nina maa. ²³ Yesu si n̄aa n̄ii, u fa n̄aa ni-dan̄-la kala wu-kpun̄kpere. N̄ii n̄e ba pipiese don̄o a bul, “Devit bie n̄e n̄laa?” ²⁴ Farisii tin̄n̄aa fa si nii n̄ii, ba bul, di jin̄sin̄ kuoro Belizibul n̄e pu dolun̄, n̄ii n̄e tii u wuo kikiri jin̄sin̄ n̄ii. ²⁵ Yesu wuo jin̄ ba tuobiinaa a bula piba a bul, “Di tan̄ n̄iaa n̄e h̄e dime a bi nii-bala kene, ba tan̄-la jan̄ tel. Di jan̄ n̄iaa koo naan̄biirin̄ ma n̄e bi nii-bala kene, ba dia jan̄ tel. ²⁶ N̄ii n̄e di Sitaani kiri Sitaani, u ma tan̄ bi jan̄ wuo chin̄.” ²⁷ N̄ii n̄e Yesu bira pieseba a bul, “Di Belizibul n̄e pimi dolun̄ mi kaa kiri jin̄-bon̄n̄oo n̄iaa l̄e, kub̄e n̄e saa jon̄

doluṅ pi niaa deenba sii to ma harinṅ ba ma kikiri jin-bonṅoo niaa le? Niaa deenba titia daga ari maa nyia ne. Ba jima ari Sitaani bi u titia wuo guraa yuo. ²⁸ Wia doluṅ ne mi kaa kiri jin-bonṅoo niaa le. Wiinṅ deenṅ ne daga ari Wia kuorii-la paala ko ma teenṅ ne. ²⁹ Nu u tuo si janṅ juu ni-duonṅ dia a gaa u kiaa, see duu keṅ ni-duo-la voo, an-na juu paa u kiaa. ³⁰ Nu-u-kala si bi mi nuu ṅaa, u lii mi harinṅ ne. Nii-la kala si bi mi le pe di la kiri kiaa hihe donṅ le, u kaa pisa tita ne. ³¹ Mi bulaa pima ari Wia janṅ jonṅ niaa haacheba ari wu-bomoo-la ba sii bul a cheba, ama nii-la kala si tuuse Wia Din-zonṅ-la jonṅoo, Wia bi janṅ jonṅ che u tiina. ³² Nii-la kala si bul wu-bonṅoo a mu tige mi-na Nuhuobiine Bie le, Wia janṅ jonṅ cheu, ama nii-la kala si tuuse Wia Din-zonṅ-la jonṅoo, Wia bi janṅ jonṅ che u tiina leele a kaa mu wuu.”

Tia ari u nenεε.

Luuk 6.43-45

³³ Nii ne Yesu bira bul, “Di ṅ nii che tia neṅ neṅ-zonṅoo, see di ṅ keṅ tia-la si keṅ yarifielaa. Di ṅ ne keṅ tia-la si bi yarifielaa keṅε, see duu ninεṅ neṅ-lorunonṅ. Tia-la nenεε ne yie dage tia-la yiri u si ṅaa. ³⁴ Ma ni-bonṅoo deenba, di ma ne bomoo, εε ne ma janṅ wuo ṅaa a bubul wu-zonṅoo? ṅ tuobiinaa si keṅ wii-la ne, u ne ṅ niinṅ bubul. ³⁵ Ni-zomunṅ keṅ tuobiinṅ-zonṅoo ne aa ṅaa wu-zomoo-la u sii biinu. Ni-bomunṅ ma keṅ tuobiinṅ-bonṅoo a maa ṅaa wu-bomoo-la u sii biinu u tuonṅ le. ³⁶ Mi bulaa pima ari sariya che-diilinṅ nuu-kala paala janṅ dage wu-bomoo-la u niinṅ si bula. ³⁷ Wialinṅ titia ma si bula ne janṅ dii ma sariya a dage di ma keṅ tuo-pulaa koo ma bi tuo-pulaa keṅε.”

Nialinṅ che di Yesu ṅaa wu-magilaa

Maak 8.11-12; Luuk 11.29-32

³⁸ Nii ne Wia teninṅ kerichiba donṅonṅ ari Farisii tinṅaa donṅonṅ ma ko Yesu teenṅ a bula pu a bul, “La kuhianṅ, laa che di ṅ ṅaa wu-magil ne di la na.” ³⁹ Nii ne Yesu bul, “Jininṅ niaa ṅaa ni-bomoo ne, ba bi Wia ka fá. Ma si di mi ṅaa wu-magilinṅ. Ai, mi bi ṅaa. Wu-magilinṅ ma sii che, ma bi janṅ wuo nau, see wu-magil-la Wia fa si ṅaa a tige Jona le. ⁴⁰ Jona fa si he cheṅfili-bal-la tuonṅ tapulaa batori wiiheyε ari titaninṅ kala, ṅii titia ne mi-na Nuhuobiine Bie ma janṅ he vaaminṅ tuonṅ tapulaa batori, wiiheyε ari titaninṅ kala. ⁴¹ Sariya che-diilinṅ, Ninive niaa ma janṅ sii a jonṅ cheerinṅ pima woronṅ. Bua-la le Jona ma fa si mu bul Wia wiaa pi Ninive niaa, ba birima lii ba haacheba le ne a to Wia. Mi janṅ bula pima ari nuu ne he ma tuonṅ a yuga kii Jona, ka ma bi sei di ma jegile nii u wiaa.”

⁴² Nii ne Yesu bira bul, “Haal kubala ne fa he dime. U dii kuoronṅ tinṅtee kubala le baa yire Siiba. U sii lii u janṅ le a mu di-bolii duu jegile nii kuoru kubala wu-jiminṅ. U yirinṅ ne fa Solomoonṅ. U fa keṅ wu-jiminṅ kinṅkeṅ kinṅkeṅ. Sariya che-diilinṅ haal-la janṅ sii a jonṅ cheerinṅ a pi jininṅ niaa woronṅ. Mi janṅ bula pima ari nuu ne he ma tuonṅ, u yuga kii Solomoonṅ, ka ma bi sei di ma jegile nii u wiaa.”

Yesu bul wiaa a tige jin-bonṅoo le

Luuk 11.24-26

⁴³ Nii ne Yesu bira bula pi niaa a bul, “Di jin-bonṅ ne lii nuu le, u yie gollo tinṅtee-hilinṅ le ne a chiche di-wiesinṅ, anṅ bi na. ⁴⁴ U si bi lee na ṅii, u yie bul u titia le a bul, ‘Mi janṅ miira mu lee-la mi si lia.’ U janṅ miira mumu, di disinninṅ tuo dia-la le, ba wase u kala zonṅ. ⁴⁵ Nii ne u janṅ miira lii a keṅ jin-bonṅoo balipe, kialinṅ si bomoo kiiu, ba ma ku juu a peu le. Nii harinṅ

le ne baal-la yie kperi a kii bunbun-la. Nii titia ne u ma jan nna ma jiniŋ ni-bonŋon deenba le.”

*Yesu bul wiaa a tige u naan ari u naanbiirin le
Maak 3.31-35; Luuk 8.19-21*

⁴⁶ Yesu fa si bul wiaa pipi nialin nii, u naan ari u naanaa ko u teen a ku chin jeen hariŋ a chiche di ba nau. [⁴⁷ Nii ne nuu bula pu a bul, “Bee na, ŋ naan ari ŋ naanaa ne chin jeen hariŋ a chiche di ba nan.” ⁴⁸ Nii ne Yesu miira pieseba a bul, “Kube ne nna mi naan ari mi naanaa?”] ⁴⁹ Nii ne u liise u nisin a dage u haritooro aŋ bul, “Mi naan ari mi naanbiirin ne nla: ⁵⁰ Nii-la kala si nna wii-la mi Nyimma Wia si he Wia-jan le si cho, u ne nna mi naana ari mi dihaala ari mi naan.”

13

*Yesu mage namaga a tige baal-la si duu kiaa le
Maak 4.1-9; Luuk 8.4-8*

¹ Tapulii-la titia Yesu lii dia-la le ba di u haritooro fa si hono, a sii mu mugi-balin niin a hon dime duu dage niaa. ²⁻³ Niaa yuge a ku gollu chu. Ba si yuga nii, u sii mu juu liin daboro tuon a hon liin tuon, ka ni-dan-la chin muga niin. Nii ne u mage namagaba a dageba wiaa yuge. U namagaba-la dono ne nla: Yesu si, “Baal kubala ne sie a ken u ku-doho kaa lii duu mise. ⁴ U sii mise nii, ku-doho-la donsun tel wonbiin tuon. Diibiisin ku tuosa dii. ⁵ Donsun ma tuu tel kpaginyilin nyun. Hagila si bi yuge nii, ka ba guu nyu. ⁶ Ba naapoloo bi tinteen jua. Wia pose a kpuba, ba suu, bee wiaa ba naapoloo bi tinteen jua. ⁷ Ku-doho-la donsun ma tel sosun tuon. Ba nyu, sosu-la ma nyu a nyaga kpu. Ba bi wasa. ⁸ Ama ku-doho-la donsun ma lii tel tintee-zomun le a nyu a waa a wase worun. Donsun he biee zolo zolo, donsun ma mahin batori batori, donsun ma mara ari fii fii.” ⁹ Yesu si mage namaga-la dere, nii ne u bul, “Digilaa tinnaa, ma wuoli ma digilaa a nii wiaa deenba.”

*Yesu dage u haritooro wii-la si tii u yie mimage namagaba
Maak 4.10-12; Luuk 8.9-10*

¹⁰ Nii ne Yesu haritooro ko u teen a piesu a bul, “Bee ne tii ŋ yie ken namagaba a didage niaa?” ¹¹ Nii ne Yesu bula piba a bul, “Ma niaa deenba ne Wia dage u kuorii-la wiaa bubuon pa, wialin fa si faa, ama ni-dan kala dee. ¹² Nii-la kala si to Wia niin wiaa, Wia jan faasa peu le worun. Nii-la ma si bi Wia niin wiaa ka to, Wia bi jan peu le. U si peu le mua-la maa, u jan laa u kua. ¹³ Wii-la si tii mi yie mimage namagaba ne nla: Ba yie nyilimi nyilimi ne aŋ bi kun-kala wuo na, a jjegili wiaa aŋ bi wii-kala ka nii aŋ bi wialin bubuon ma wuo jin. ¹⁴ Wia si to Azaaya le a bul wialin, ba wiaa ne u bul nii. Ba ku nna wutitii. Azaaya fa nna nii-la sii bul wiaa, Wia Din-zon-la dolun le ne. U fa bula a bul, ‘Niaa deenba jan jegili jegili wiaa aŋ bi wii-kala bubuon wuo jin, ba jan nyilimi nyilimi aŋ bi kun-kala wuo na, ¹⁵ bee wiaa ba bi wu-jimin kene Wia teen, ba via Wia niin wiaa ne, ba to ba digilaa ma ne di ba si wii-kala nii a ken ba saa ma to di ba si kun-kala na. Wia si di nii dee, ba fa jan nina, ba digilaa ma fa ninii wiaa. Ba fa jan jin wiaa bubuon

a birima kō mi teenj di mi vaareba.’

¹⁶ Ma-na, ma tuōŋ tōrō ari ma wuo nina wialinj kala ma sīi na a wuo nii wialinj maa. ¹⁷ Mi bulaa pima ari nialinj fa sīi bul wiaa, Wia Diŋ-zōŋ-la doluŋ le, ari nialinj doŋsuŋ fa sīi to Wia, ba yuga a cho di ba nina wialinj ma sīi na aŋ bi wuo na, a ma fa cho di baa nii wialinj ma sīi nii, aŋ ka ba bi wuo nii.

Yesu dage ku-duuro namaga-la bubuōŋ

Maak 4.13-20; Luuk 8.11-15

¹⁸ Má jegili a nii ku-duuro namaga-la bubuōŋ. ¹⁹ Nialinj si yie nii Wia niinj wialinj a mu tige Wia kuorii-la le aŋ bi ba bubuōŋ jin, ba nage ku-doho-la si tel woŋbiinj le ne. Sitaani yie guu kō a keŋ wialinj a liiri ba tuosaa le. ²⁰ Kialinj ma si tel kpaginyilin nyuŋ ma ne ŋaa nialinj si yie guu a laa Wia niinj wialinj dii ari tuōtoruŋ. ²¹ Ama ba bi boye kene a nage naapoloo si bi tinteenj jua. Ba jaŋ sei wii-la a tou mu mage ŋii. Di heeŋ ne juuba, koo di ba to naasiŋ dudōgiseba a tiŋ wii-la wiaa, ba tuōŋ guu lii wii-la le. Ba joŋo ta. ²² Kialinj si tel sōsuŋ tuōŋ ma ne ŋaa nialinj si yie nii Wia niinj wialinj, ama dunia kīaa wiaa walimeba, ba cho di ba jigi aa che kuŋ-kala. A tiŋ wiaa deenba, ba bi sei di ba to wialinj. Wialinj bi doho kene ba teenj. ²³ Kialinj si tel tintee-zōmuŋ le ma ne ŋaa nialinj si yie nii Wia niinj wialinj a jin ba bubuōŋ, wialinj keŋ doho kinkeŋ kinkeŋ ba teenj, doŋsuŋ neŋ zolo zolo, doŋsuŋ mahinj batori batori, doŋsuŋ ma mara ari fii fii.”

Yesu mage namaga a tige бага si keŋ yaŋ le.

²⁴ Nii ne Yesu bira mage namaga doŋo a piba a bul, “Wia kuorii-la nage baala si sie ne a dŋu miirin u бага le. ²⁵ Titan kubala nīaa kala si piŋ doŋ, u diŋdōmō keŋ yaŋ kaa mu dŋu he бага-la le aŋ viiri. ²⁶ Miiri-la si suomo nyu a ninen, yaŋ-la ma nyu. ²⁷ Nii ne baal-la tintinnaa mu a na бага-la a miira ku bula pi baal-la a bul, ‘La kuhian, ŋ dŋu ku-zōŋŋō ne ŋ бага-la le, ka nii ne yaŋ-la ma nyu бага-la le?’ ²⁸ Nii ne ba kuhian-la bula piba a bul, ‘U naga ari mi diŋdoŋ ne ŋaa ŋii.’ Nii ne u tintinna-la piesu a bul, ‘Ŋŋ che di la mu a churi yaŋ-la ta nee?’ ²⁹ Nii ne baal-la bul, ‘Ai, má leŋ di miiri-la bii. Di ma ne mua di ma churi yaŋ-la leele, ma jaŋ pe churi miiri-la doŋsuŋ ma ta. ³⁰ Di miiri-la ne bia, mi jaŋ leŋ di nialinj sii mu бага di ba laa sipaanj churi yaŋ-la a vōō a nyige, aŋ-na kuŋ miiri-la kaa ku he mi vire le.’”

Yesu mage namaga a mu tige ku-doho kubala baa yire masitad le

Maak 4.30-32; Luuk 13.18-19

³¹ Nii ne Yesu bira mage namaga doŋo a bul di Wia kuorii-la nage baal kubala ne si joŋ ku-doho kubala baa yire masitad a dŋu u бага le. ³² Ku-doho-la bi wii maga. U ne muuro kii ku-doho-na kala si he dime. Ama du ne nyua, u yie waa a birime tia ne a yuga kii бага ku-duuloo kala kala. Nii ne diibiisij yie sageu le a sua ba dellinj u naakelee le.

Yesu mage namaga a mu tige si-buruŋ le

Luuk 13.20-21

³³ Yesu bira mage namaga doŋo a piba a bul, “Wia kuorii-la nage si-buruŋ ne ba si kaa hihe munuŋ le. Haala joŋ munuŋ a he tasi-gbaŋa tuōŋ a joŋ si-buruŋ a kaa kuosi. U dieni mua, ka muŋ-la sii puōra sŋ tasi-gbaŋa-la kala.”

Yesu dage nīaa namagaba

Maak 4.33-34

34 Di Yesu ne fa bul wii-kala pipi ni-dan-la, namaga ne u yie mage. U bi jan bul wii di u bi namaga maga. 35 U naa nii di wialin nuu fa si bula, Wia Din-zon-la doluj le, ku naa wutitii ne. U fa si, "Di mi ne bul wiaa pipi niaa, mi jan mage namagaba, mi jan bul wialin si naa wu-faalaa a chin dunia di-suomun a piba."

Yesu dage namaga-la u si maga a tige yan le bubuon

36 Yesu si ta ni-dan-la, ba viiri, ka u sii juu dia. Nii ne u haritooro ko u teen a piesu a bul, "Dagela namaga-la n si maga a tige baga yan le bubuon."

37 Nii ne Yesu bul, "Nii-la si duu miiri-la ne naa mi-na Nuhuobiine Bie.

38 Baga-la le u si duu miiri-la, u ne naa dunia. Miiri-la ma ne naa nialin si jan juu Wia kuorii-la tuon. Yan-la ma si nyu baga-la le ne naa Sitaani niaa.

39 Din-don-la si duu yan-la ne naa Sitaani. Miiri-la ma kumu ne naa dunia diderin. Nialin ma si kun miiri-la ne naa Wia tin-daaraa. 40 Nii ba si hiesi yan-la a nyige, nii titia ne jan naa dunia diderin. 41 Mi-na Nuhuobiine Bie, mi jan tin mi tin-daaraa di ba juu Wia kuorii-la tuon a tuose nialin si naa haache tinnaa, ari nialin kala si naa wu-bonho 42 a jonho yuo a he Wia nyinin tuon. Lee-la ne ba jan yel an pe didin ba nyilaa. 43 Ka di tuopul tinnaa tutul ari wii-posun sii tul nii la Nyimma Wia kuorii-la tuon. Digilaa tinnaa, ma wuoli ma digilaa a nii wiaa deenba."

Baal-la si pere baga a mol kiaa

44 Yesu bira bul, "Wia kuorii-la nage nla ne: Baal kubala ne mu a pipere baga a na di selime he baga-la le. U si na selime-la, u gbaa to, u tuon kala faasa tore kinke. Nii ne u mu yalle u kiaa kala a ken moribie-la a kaa mu yoo baga-la."

Yesu bira mage namaga a mu tige busiin le

45 Yesu bira si di Wia kuorii-la nage bayala si mua di u yoo busiaa ne. 46 U si na don duu faasa zon kinke, u miira mu jon u kiaa kala u si kene a yalle a yoo busii-la.

Yesu mage namaga a tige jon le

47 Yesu bira si di Wia kuorii-la nage jon ne, ba si jonho yuo he mug-balin tuon. U kese chen-fili-yiriba kala. 48 Di chen-lee ne suo, chen-fili-kpuura-la yie kaa lere lii mug-balin niin ne a tuose chen-filie-la. Ba yie tuose ku-zonho he ba kiaa le an jon kialin si bi zon a yuo ta. 49 Nla ne saa u jan nage dunia diderin. Wia tin-daaraa jan lii a tuose ni-bonho ni-zonho tuon 50 a jonba yuo he Wia nyinin le. Dime ne ba jan yel an didin ba nyilaa.

Yesu mage namaga a tige jon le

47 Yesu bira si di Wia kuorii-la nage jon ne, ba si jonho yuo he mug-balin tuon. U kese chen-fili-yiriba kala. 48 Di chen-lee ne suo, chen-fili-kpuura-la yie kaa lere lii mug-balin niin ne a tuose chen-filie-la. Ba yie tuose ku-zonho he ba kiaa le an jon kialin si bi zon a yuo ta. 49 Nla ne saa u jan nage dunia diderin. Wia tin-daaraa jan lii a tuose ni-bonho ni-zonho tuon 50 a jonba yuo he Wia nyinin le. Dime ne ba jan yel an didin ba nyilaa.

Yesu mage namaga a tige baal-la si ken kiaa u vire le

51 Nii ne Yesu piese u haritooro a bul, "Ma jin wiaa deenba kala bubuon nee?" Nii ne ba si, "Oo." 52 Nii ne Yesu bula piba a bul, "Wiin deen daga ari nii-la kala si gunne Wia tenin worun a ku naa Yesu haritooru a naa siri duu juu Wia kuorii-la tuon, u tiina nage dia tiina si yie chaare mii-binaa ari mii-falaa ne u vire le."

Ba via Yesu Nazaret le

Maak 6.1-6; Luuk 4.16-30

53 Yesu si mage namaga deenba dere, u sii Kapenam le 54 a miira mu Nazaret. Nii ne u mu dage niaa Wii-chuole dia le. Nialin kala si nii wialin u si bula, ba hiriki. Nii ne ba pipiese don, "Nii ne baala deen na wu-jimin deen ari wu-duorun deenba kala naanin? 55 Josef, kapinta-la bie dee nii?"

Mæeri dee bi u naanŋ ɲaa? Jeems ari Josef ari Saamɔŋ ari Judas u naanŋbiirinŋ dee ɲii? ⁵⁶ Ba di u dihaalaa kala dee daha ɲii? Nii le ne saa u na wiaa deenba kala?" ⁵⁷ Nii ne ba na baaninŋ u nyuŋ. Nii ne Yesu bula piba a bul, "Nii-la sii bul wiaa, Wia Din-zɔŋ-la doluŋ le, duu ne mu lee-kala, ba yie zizilu ne, aŋ ka u jaŋ-niaa siinŋ buu ka su." ⁵⁸ A tinŋ ba si bi yarida kene wiaa, u bi wu-duoronŋ wuo ɲaa yuge lee-la.

14

Jɔŋŋ Wia lii-foori-la suba
Maak 6.14-29; Luuk 9.7-9

¹ Bua-la le ne Galilii kuoro Herɔd nii Yesu wiaa. ² U bula pi u nanŋɔɔba ari Jɔŋŋ Wia lii-foori-la ne ɲii. Wia ne chisu suuŋ le, ɲii ne tii u keŋ doluŋ a wuo ɲiŋaa wu-magilaa deenba. ³ Herɔd-la fa sie a mu jaa haal kubala. U yirinŋ ne Herodias. U fa ɲaa u ɲaana Filip haala ne. U laa jaa. ⁴ Nii ne Jɔŋŋ bula pi Herɔd a bul, "Nŋ si keŋ ɲ ɲaana haala laa jaa ɲii, u bi wonŋbiinŋ ɲaa." ⁵ Nii ne Herɔd faa che duu kpu Jɔŋŋ, ama u faa fá Juu tinŋaa ne. Nii wiaa u ɲaa ba kenu tɔ dia. Juu tinŋaa fa si di Jɔŋŋ ɲaa nii-la sii bul wiaa, Wia Din-zɔŋ-la doluŋ le ne. ⁶ Nii ne Herɔd che-lulluŋ tapuluŋ bira yi. U yire u niaa di ba ku gbieli. Herodias tolo ma kɔ a gua ba kala sipaanŋ, Herɔd beŋ a chou. ⁷ Nii ne u bula pi tolo-la a bul, "Mi ɲmiesa, mi jaŋ pinŋ kuŋ-kala ɲ sii che." ⁸ Nii ne tolo-la mu bul wiinŋ deenŋ a pi u naanŋ aŋ piesu, "Mi bul di mii che beɛ kuŋ ne?" Nii ne u naanŋ bula pu duu bul duu che duu kerɔ Jɔŋŋ Wia lii-foori-la nyuŋ a he pirata le ne a pu. Tolo-la bul ɲii. ⁹ Kuoro si nii wii-la, u tuɔŋ kala chei. Ama u si ɲmiesa ɲii, niaa kala nii. Nii ne u bul di ba ɲaa ɲii tolo-la sii che. ¹⁰ U ɲaa ba mu kerɔ Jɔŋŋ nyuŋ sarika le, ¹¹ a he pirata le a kaa ku pi tolo-la. Nii ne u laa a kaa mu pi u naanŋ. ¹² Jɔŋŋ haritooro-la si nii wii-la, ba sii ku laa u ku-suunŋ a kaa mu hugi. Nii ne ba mu bula pi Yesu wialinŋ si ɲaa.

Yesu pi niaa bui banɔŋ kudiilee
Maak 6.30-44; Luuk 9.10-17; Jɔŋŋ 6.1-14

¹³ Yesu si nii Jɔŋŋ wiaa, u sii lee-la u fa si he a juu liinŋ daboro a mumu niaa si tuo lee-la, u dundunŋa. Ama niaa nii Yesu wiaa a lii ba jaŋ le a veŋ naasinŋ le a kiri u hariŋ. ¹⁴ Yesu si mu lii liinŋ daboro-la le, u na ni-danŋ di ba honɔ gberu. Nennige kala kenu. Nii ne u vaare nialinŋ sii wiilu. ¹⁵ Didaaninŋ ku yi, u haritooro kɔ u teenŋ a bula pu a bul, "Tanŋ bire ne. Lerinŋ deenŋ ɲaa girinŋ ne. Ta nialinŋ di ba mu tasi-la si kpaga daha a yɔɔ kudiilee a dii." ¹⁶ Nii ne Yesu bul, "Ma si leŋe di ba viiri. Má-na mu che kudiilee piba di ba dii." ¹⁷ Nii ne u haritooro-la bul, "Ku-la kala la si kene ne boroboroba banɔŋ ari cheŋfilee balia." ¹⁸ Nii ne Yesu bul, "Má kaa kɔ pimi." ¹⁹ U ɲaa nialinŋ tuu honŋ yaŋ nyuŋ. Nii ne u laa boroboroba banɔŋ-la ari cheŋfilee-la balia a wula beŋ wia nyuŋ aŋ lolle Wia aŋ kaa chɔge chɔge a pi u haritooro. U haritooro laa kpaanŋ nialinŋ. ²⁰ Nuu-kala dii a vɔge. Ka u haritooro-la paa ku-kaanŋ-biisinŋ a su siŋsiŋ fii ari balia. ²¹ Nialinŋ fa si dii boroboro-la, ba tuɔŋ baalaa fa ɲaa bui banɔŋ ne.

Yesu veŋ liinŋ nyuŋ
Maak 6.45-52; Jɔŋŋ 6.15-21

²² Nii ne Yesu leŋ u haritooro laa sipaanŋ mu juu liinŋ daboro a duoro chol muga cholo, aŋ ka duu ta ni-danŋ-la di ba viiri. ²³ U si ta ni-danŋ-la ba viiri, u mu jil peelinŋ nyuŋ duu chuɔle Wia. Nii ne wia tuu juu, duu dundunŋa

ne ha he peel-la nyuŋ. ²⁴ Bua-la ɛ di liiŋ daboro-la yi liiŋ tutuɔbaaniŋ. Lii-peliŋ kaa viviisi, ba fa chaase pel-la ne. ²⁵ Siipuuraa, Yesu sii veŋ liiŋ nyuŋ a mumu u haritooro-la teen. ²⁶ Ba si nau duu veŋ liiŋ nyuŋ, fawulluŋ keŋba. Ba bul di ni-dima ne. Fawulluŋ si keŋba nii, ba ŋmuŋmoo niŋ. ²⁷ Nii ne Yesu guu bula piba a bul, “Má nyire ma boye. Mi-na ne. Ma sí leŋe di fawulluŋ keŋma.”

²⁸ Nii ne Piita bul, “Mi Tiina, di ŋ ne, bul di mi lii ko ŋ teen lii-la nyuŋ.” ²⁹ Nii ne Yesu bul duu ko. U si bul nii, Piita lii liiŋ daboro-la tuɔŋ a veŋ liiŋ nyuŋ aa mu Yesu teen. ³⁰ Ama Piita si bee na lii-pel-la, fawulluŋ kenu. U suomo tutuu lii-la bubuɔŋ. Nii ne u faasa ŋmoo niŋ a bul, “Mi Tiina, laami ta.” ³¹ Yesu guu liise u nisiŋ a yia a kenu aŋ bula pu, “Ŋ yarida bi yuge. Bee ne ti ŋ bi mi wiaa laa dii?” ³² Ba si mu juu liiŋ daboro-la dere, pel-la keŋe. ³³ Nialinŋ kala si he liiŋ daboro-la tuɔŋ tuu kpirimi a chuɔle Yesu aŋ bul, “Wutitii, ŋ ne ŋaa Wia Bie.”

Yesu vaare nyanyal tiina Genezaret le
Maak 6.53-56

³⁴ Nii ne ba chol a ku yi taŋ kubala baa yire Genezaret. ³⁵ Nii ne nialinŋ si he lee-la yie jiiŋ Yesu. Nii ne ba mu paa ba nyanyal tiŋŋaa kala si he tasi-la si golli Genezaret a kaa ko Yesu teen. ³⁶ Ba sulu duu leŋ di nialinŋ sii wiilu digi u gerinŋ niipiniŋ le. Di ba ne dige, ba yie duori.

15

Yesu bul wiaa a tige niaa naabalimaba woŋbiinŋ le
Maak 7.1-13

¹ Nii ne Farisii tiŋŋaa doŋsuŋ ari Wia teniŋ kerichiba lii Jerusalem a ko Yesu teen a piesu a bul, ² “Bee ne ti ŋ haritooro chichei la naabalimaba kisinniŋ le? Bee ne ti ba bi ba nisaa ka soŋ nii la naabalimaba si dagela aŋ didii kudiilee?” ³ Nii ne Yesu ma pieseba a bul, “Bee ne ti ma yie via Wia woŋbiinŋ aŋ tuto ma naabalimaba woŋbiinŋ? ⁴ Wia bula di ma fifá ma nyimmaba ari ma naanba, a bira bul di nuu ne sii a bul wu-boŋ a tige u nyimma ari u naaŋ le, di ba kpu tiina. ⁵ Ama ma-na daga ari nuu ne keŋ kuŋ a mage duu joŋo pe u nyimma koo u naaŋ le, tiina mu a bula piba duu jaŋ joŋ ku-la pi Wia. ⁶ U si ŋaa nii, u bira bi maga duu pe u nyimma ari u naaŋ le. A tiŋ nii wiaa, ma via Wia niŋ wiaa aŋ to ma naabalimaba woŋbiinŋ ne. ⁷ Ma ŋaa kaŋfugi timma ne. Azaaya kiaa sima ne, wialinŋ u si bula a tigema le. Azaaya fa ŋaa nii-la sii bul wiaa, Wia Diŋ-zoŋ-la doluŋ le ne. ⁸ U fa si,

‘Wia si, niaa deenba keŋ niŋ ne a pipimi zile,
ka ba tuɔŋ liimi.

⁹ Ba yie chuɔlemi pei ne aa dage nuhuobiine weniŋ aŋ bul di Wia ne bula. Nuhuobiine weniŋ ne baa to aŋ via Wia niŋ wiaa.’ ”

Kialinŋ si yie ŋaa nuhuobiine keŋ disinniŋ
Maak 7.14-23

¹⁰ Nii ne Yesu yire niaa ba ko. U bula piba a bul, “Má jegile nii woruŋ. ¹¹ U bi naga ku-la si yie to nuhuobiine niŋ tuu ne yie ŋaa u keŋ disinniŋ, ama ku-la si yie to u niŋ lii ne keŋ disinniŋ.” ¹² Nii ne Yesu haritooro ko u teen a bula pu a bul, “Ŋ jima ari ŋ chei Farisii timma-la tuɔŋ ne ŋ si bul nii?” ¹³ Nii ne u bula piba a bul, “Tia-la kala mi Nyimma si he Wia-jaŋ si yie bi choŋso, ba jaŋ kaa churo ta. ¹⁴ Ma sí leŋe di ba wiaa wiima, ba

ɲaa nyulimaa ne a laa nyulimaa sipaaj. Di nyulima ne saa keɲ u nyulun dɔɲɔ daaj le, ba kala balia jan̄ tuu buɔtuɔɲ.” ¹⁵ N̄ii ne Piita bul, “Dagela namaga-la bubuɔɲ.” ¹⁶ N̄ii ne Yesu bul, “Ma ma ha bi wu-jimiɲ keɲeɲ? ¹⁷ Ma bi wiin̄ deej bubuɔɲ jin̄? Kuɲ-na kala si juu nuhuobiine niin̄, u yie juu u luorun̄ ne a bira to u yaraa lii. ¹⁸ Ama wialin̄ si yie to ɲ niin̄ lii, ba yie lii ɲ tuɔɲ le ne. Wiaa deen̄ba ne yie ɲaa niaa keɲ disinnin̄. ¹⁹ ɲ tuɔɲ le ne ɲ yie biine wu-bɔɲɲɔ ɲaaniɲ a mu kpu niaa, a mu che niaa haalaa, a ɲaa ba-chɔrun̄ ari ha-chɔrun̄ wu-ɲaalaa, aa gaa, aa nyia wiaa a tige niaa le, a chichei niaa yirin̄. ²⁰ Wiaa deen̄ba ne yie ɲaa niaa keɲ disinnin̄. Ama di nuu ne dii kiaa aɲ bi u nisin̄ sɔmɔ ari ma naabalimaba si dage ɲii, ɲii bi jan̄ wuo ɲaa di tiina keɲ disinnin̄.”

Yesu vaare Keenan̄ tiina
Maak 7.24-30

²¹ N̄ii ne Yesu sii lee-la a mu Taya ari Saadɔɲ tin̄teen. ²² Di haal kubala si he lee-la kɔ u teen. U fa ɲaa Keenan̄ tiina ne. U si kɔ u teen, ɲii ne u bul, “Mi Tiina Devit bii, fámí nennige. Jinsin̄ ne keɲ mi tolo. U nina heɲɲ worun̄.” ²³ Ama Yesu bi wii-kala bula u teen. N̄ii ne u haritooroo kɔ u teen a bula pu duu leɲ di haal-la viiri, di u to ba harin̄ a ɲijaan̄ goɲ ne. ²⁴ N̄ii ne Yesu bula piba a bul, “Wia tin̄mi di mi kɔ che kese piese-la si lele ne Iziral tin̄ɲaa dundun̄ ne ɲii.” ²⁵ N̄ii ne haal-la ku tel u naasin̄ le aɲ bul, “Mi Tiina, pemi le.” ²⁶ N̄ii ne Yesu bula pu a bul, “N̄ ne keɲ han̄biisin̄, ɲ bi jan̄ jon̄ ba kudiilee a yuo pi vahin̄.” ²⁷ N̄ii ne haal-la bul, “Mi Tiina, u ɲaa wutitii ne, ama vahi-la tin̄ɲaa s̄ii dii kialin̄, kialin̄ si tel tin̄teen ne, ba ma jan̄ paa didii.” ²⁸ N̄ii ne Yesu bula pu a bul, “N̄ ɲaa haal-la si keɲ yarida kin̄keɲ ne. Wii-la ɲ s̄ii che, mi jan̄ ɲaa pin̄.” Bua-la titia le u tolo-la duori.

Yesu vaare niaa yuge

²⁹ N̄ii ne Yesu bira sii lee-la a to Galilii muga-la diirin̄ mu. U jil peelin̄ nyun̄ a hoɲ dime. ³⁰ N̄ii ne ni-dan̄ kɔ u teen a keɲ gberikeɲ ari nyulimaa ari tan̄ɲaa ari nyanyal tin̄ɲaa dɔɲsun̄ a kaa kɔ bil Yesu naasin̄ le. U vaareba. ³¹ Ni-dan̄-la si na tan̄ɲaa di ba bul wiaa ari gberikeɲ s̄ii ven̄, ari nyulimaa siaa di ba bira suro, u ɲaaba wu-kpun̄kperere. N̄ii ne ba didenne Iziral tin̄ɲaa Wia.

Yesu pi niaa bui banese kudiilee
Maak 8.1-10

³² N̄ii ne Yesu yire u haritooroo a bula piba a bul, “Mi si beɲ niaa deen̄ba, nennige keɲmi ne. Ba he mi teen tapulaa batori ne ɲla aɲ bi kudiilee na di ba dii. Mi bi sei di ba viiri di ba ne bi kuɲ-kala die. Di mi ɲaa ɲii, ba jan̄ mu yiegi won̄biin̄ le.” ³³ N̄ii ne u haritooroo piesu, “Ee ne la jan̄ ɲaa a na kudiilee di ni-dan̄-la kala dii girin̄ deej tuɔɲ?” ³⁴ U pieseɲba, “Boroboro ban̄mɛe ne he dime?” Ba si, “Kiaa balipe ne ari chen̄fili-biisin̄ ma mua.” ³⁵ N̄ii ne u ɲaa nialin̄ tuu hoɲ tin̄teen. ³⁶ Ka u jon̄ boroboroba-la balipe ari chen̄filie-la a lolle Wia aɲ kaa choɲe choɲe a pi u haritooroo di ba laa kpaan̄ ni-dan̄-la. Ba laa kpaaba. ³⁷ Nu-u-kala dii a vɔge. Ka ba paa ku-kaan̄-biisin̄ a s̄u sin̄sin̄ balipe. ³⁸ Nialin̄ fa si dii kialin̄, ba yi baalaa bui banese, ka haalaa ari han̄biisin̄ ma he dime. ³⁹ N̄ii ne u ta ni-dan̄-la aɲ mu juu liin̄ daboro aɲ mu Magadan̄ tin̄teen.

16

Nialinj che di Yesu n̄aa wu-magilinj
Maak 8.11-13; Luuk 12.54-56

¹ N̄ii n̄e Farisii tin̄jaa ari Sadusii tin̄jaa d̄on̄sunj k̄o Yesu teenj di ba magisu. Ba bula pu duu n̄aa wu-magilinj di ba na a jin̄j ari u dol-la lii Wia n̄e. ² N̄ii n̄e u bula piba a bul, “Di wia n̄ii juu, ka ma na wii-mulunj siinj duu fiesa, ma yie bul di lerinj janj fiela. ³ Chichuo-fiela maa, di lerinj n̄e bire, ma yie bul ari duonun̄ janj n̄ii. Ma yie wuo benj wia nyun̄ a wuo jin̄j wii-la si janj n̄aa, ama ma bi wuo jin̄j wialinj s̄ii n̄aa dunia deenj le leele. ⁴ Jin̄inj n̄iaa n̄aa ni-b̄om̄o n̄e, ba bi Wia ka fá. Ma si di mi n̄aa wu-magilinj. Ai, mi bi n̄aa. Wu-magil-la ma s̄ii che, ma bi janj wuo nau, see Wia fa si n̄aa a tige Jona le.” N̄ii n̄e Yesu len̄ba an̄ yiiri.

Yesu bul wiaa a tige Farisii tin̄jaa ari Sadusii tin̄jaa wu-bulaa le
Maak 8.14-21

⁵ Yesu haritooro-la si juu liinj daboro a duoro chol fuon̄j cholo n̄ii, ba yua ba bi kudiilee koro mu. ⁶ N̄ii n̄e Yesu bula piba di ba p̄o ba titia le worun̄j ari Farisii tin̄jaa ari Sadusii tin̄jaa, di ba nage si-burun̄j ba si jon̄o he boroboro le duu puore. ⁷ N̄ii n̄e ba suomo bula pipi d̄on̄o, “La bi kudiilee koro k̄o, n̄ii n̄e tii u bul wiinj deenj.” ⁸ N̄ii n̄e Yesu jin̄j wii-la ba s̄ii bul a bula piba, “Ma yarida bi yuge. B̄ee n̄e tii ma h̄on̄o vuure ari ma bi kudiilee kene? Ma ha bi wu-jimin̄j kene? ⁹ Ma ha bi wiaa bubun̄j jin̄j? Ma bi biina yi bua-la le mi si jon̄j boroboroba ban̄on̄j kaa ch̄oge a pi n̄iaa bui ban̄on̄j ba dii? Ba si die a v̄oge, siñsin̄j ban̄m̄ee n̄e ma paa ku-kaanaa su? ¹⁰ An̄j ka boroboro balipe-la mi si kaa ch̄oge a pi n̄iaa bui ban̄ese-laa? Ku-kaanaa siñsin̄j ban̄m̄ee n̄e ma paa su? ¹¹ B̄ee n̄e ma biine ari ma teenj ne mii bul kudiilee wiaa? Má p̄o ma titia le ari Farisii tin̄jaa ari Sadusii tin̄jaa le. Ba nage si-burun̄j n̄e.” ¹² N̄ii n̄e u haritooro jin̄j ari u bi si di ba p̄o ba titia le ari si-buru-la ba si kaa hihe boroboro le n̄e, ama u si ba p̄o ba titia le Farisii tin̄jaa ari Sadusii tin̄jaa wu-bulaa le n̄e.

Piita dage nii-la Yesu si n̄aa
Maak 8.27-30; Luuk 9.18-21

¹³ N̄ii n̄e Yesu sii mu Sizariya, Filipa tin̄teenj. N̄ii n̄e u piese u haritooro-la a bul, “Kub̄ee n̄e n̄iaa si di mi-na Nuhuobiine Bie n̄aa?” ¹⁴ N̄ii n̄e ba bul, “D̄on̄sunj si di n̄e n̄aa J̄on̄j, Wia lii-foori-la. D̄on̄sunj ma si n̄e n̄aa Ilaaja. D̄on̄sunj ma si n̄e n̄aa Jerimaya, koo nii-la s̄ii bul wiaa, Wia Din̄j-z̄on̄j-la dolun̄j le d̄on̄o n̄e.” ¹⁵ N̄ii n̄e Yesu bira piese u haritooro-la maa, “Ka ma maa, ma si mi n̄aa kub̄ee n̄e?” ¹⁶ N̄ii n̄e Saamon̄j Piita bul, “N̄ n̄e n̄aa Kirisito, Wia-la si weye Bie.” ¹⁷ N̄ii n̄e Yesu bul, “Saamon̄j, J̄on̄j bie, Wia janj p̄en̄j le, wu-jimin̄j deenj u bi naga nuhuobiine n̄e pin̄j. Mi Nyimma si he Wia-janj n̄e pin̄j. ¹⁸ N̄ii wiaa Piita, mi bulaa pin̄j ari n̄e nage bun̄j n̄e. Bun̄j-la nyun̄j n̄e mi janj saa nialinj si laa mi wiaa dii dia. Suun̄j ma bi janj wuo yigi dia-la lo. ¹⁹ Mi janj jon̄j Wia kuorii-la boribee pin̄j. Wii-la n̄e si via dunia le, ba janj viau Wia-janj maa. Wii-la ma n̄e si seye dunia le, ba ma janj seyu Wia-janj.” ²⁰ N̄ii n̄e Yesu bula pi u haritooro-la ari siifiesinj di ba sí bula pi nuu-kala ari u n̄e n̄aa Kirisito, nii-la Wia si liisa.

Yesu bul u heej naninj ari u suunuj wiaa
Maak 8.31-9.1; Luuk 9.22-27

²¹ A suomi bua-la le Yesu chaasa bula pi u haritooro a bul, “U maga di mi mu Jerusalem a na heej worun̄j juu tin̄jaa nihiasinj ari nialinj si kpu

pusuŋ pipi Wia kuhiasuŋ ari Wia teniŋ kerichiba nisiŋ le. Ba jaŋ kpumi, ama mi jaŋ sii suuŋ le tapulaa batori cheeŋ.” ²² Nii ne Piita kenu kaa suusa lii a kpiuu le a bul, “Wia bi jaŋ sei, mi Tiina. Wii-la bi jaŋ ko duu ŋaari le.” ²³ Nii ne Yesu miira chaase Piita a bula pu a bul, “Sitaani, mu dime! Nŋ che ŋ nyisemi di mi juu haache le ne. Wialin ŋ sii bul, nuhuobiine woŋbiin ne. Wia woŋbiin dee.”

²⁴ Nii ne u bula pi u haritooro a bul, “Di nuu-kala nii che duu tomi, see duu via u titia woŋbiin aŋ joŋ u daa-gesee baase tapulii-na kala a to mi hariŋ. ²⁵ Nii-la kala sii che duu laa u titia miisiŋ, u jaŋ joŋ u miisiŋ ta, ama nii-la si via u miisiŋ ta a tiŋ mi wiaa, u jaŋ sene laa u miisiŋ. ²⁶ Di ŋ ne dii dunia kala aŋ bi miisiŋ kene, bee kuŋ nyuuri ne ŋ na? Dunia deen le, bee kuŋ ne saa ŋ jaŋ wuo kaa yoo ŋ miisiŋ? ²⁷ Mi-na Nuhuobiine Bie, mi jaŋ ko a chaane ari mi Nyimma kuoruŋ. La di Wia tinɗaaraa ne jaŋ ko. Di la ne ko, Wia jaŋ tiŋ nuu-kala a mage ŋii u si tima. ²⁸ Wutitii ne, mi bulaa pima ari niaa doŋsuŋ he dime, ba bi jaŋ suu see di ba na mi-na Nuhuobiine Bie di mi ko ari mi kuorii-la.”

17

Yesu birima

Maak 9.2-13; Luuk 9.28-36

¹ Tapulaa balidu si ku bal, Yesu keŋ Piita ari Jeems ari u naanbie Joŋ, ba duŋduŋa a kaa mu peel-bal kubala nyuŋ. ² Ba beŋ ba sipaan a na Yesu duu birima. U siana kala tutul a nage wii-posuŋ sii tul nii. U genniŋ ma pulle a tutul. ³ Nii ne Moosis ari Ilaaja ku lii ba sipaan. Ba china bubul wiaa Yesu teen. ⁴ Nii ne Piita bula pi Yesu a bul, “La Tiina, u ŋaa wu-zoŋ ne ari la si he daha. Di ŋ nii che la jaŋ he lenŋee batori daha, di ŋ keŋ doŋo, di Moosis ma keŋ doŋo, di Ilaaja ma keŋ doŋo.” ⁵ Piita ha fa sii bul wiaa nii di duoŋbilingbaaniŋ ku toba, ka yiikoro kubala lii duoŋbilingbaani-la tuoŋ a bubul, “Mi Bii-chooluŋ ne ŋla. Mi tuoŋ tore u nyuŋ. Má jegile nii u teen.” ⁶ Yesu haritooro-la si nii nii-la yiikoro, fawulluŋ keŋba, ba tuu tel tiŋteen. ⁷ Nii ne Yesu ko ba teen a digiba aŋ bula piba di ba sii aŋ si fawulluŋ fá. ⁸ Ba si sie, ba beŋ, ba bi nuu-kala na see Yesu duŋduŋa.

⁹ Ba si lii peel-la nyuŋ ku tuu, Yesu bula piba a bul, “Mi bi che di ma bul wii-la ma si naa a pi nuu-kala, see tapulii-la mi-na Nuhuobiine Bie si sii suuŋ le.” ¹⁰ Nii ne Yesu haritooro-la piesu a bul, “Bee ne tii Wia teniŋ kerichiba bul di Ilaaja ne laa sipaan, aŋ ka di Wia Bie-na ko?” ¹¹ Nii ne Yesu bul, “Wutitii, Ilaaja jaŋ sene laa sipaan ko a keŋ kuŋ-kala wasa bil. ¹² Ama mi bulaa pima ari Ilaaja paala ko ne, ama niaa bi wuo jimu. Ba ŋaau nii kala ba sii che. Nii titia ne ba ma jaŋ doŋise mi-na Nuhuobiine Bie.” ¹³ Nii ne u haritooro-la jin ari Joŋ Wia lii-foori-la wiaa ne u bul nii.

Yesu kiri jin-boŋ bie le

Maak 9.14-29; Luuk 9.37-43

¹⁴ Nii ne Yesu ari u haritooro batori-la sii lii peel-la nyuŋ a ku tuu ni-daŋ-la teen. Di baal kubala ko Yesu teen a kpirimi u sipaan ¹⁵ aŋ bula pu a bul, “Mi Tiina, fá mi bie nenniŋ, uu tel kpunŋpusuŋ ne. Nyanyalii-la kenu ne woruŋ, u yie titel nyiniŋ koo liiŋ le. ¹⁶ Mi kenu kaa ko ŋ haritooro teen, ama ba bi wuo vaaru.” ¹⁷ Nii ne Yesu bul, “Ma leele niaa deenba, ma bi yarida kene, ma ŋaa ni-boŋo ne. Ee ne mi jaŋ nyalime a dieni ma teen?”

Njii ne u bula pi baal-la duu kenj u bile ko u teenj. ¹⁸ Njii ne Yesu bul jin-bonj-la le duu lii bile le. Njii ne u lii. Bile guu duori. ¹⁹ Njii ne Yesu haritooro-la ko u teenj a luora piesu a bul, "Beɛ ne tii la-na bi jin-bonj-la wuo kiri?" ²⁰ Njii ne Yesu bula piba a bul, "Ma yarida bi yuge, njii ne tii. Wutitii, mi bulaa pima, di ma yarida ne fa mage kuɲ biinj ba sii yire masitad, ma fa janj wuo bul peelinj le duu sii daha a mu seme donj. U janj sii mu. Wii-kala tuo ma fa bi janj wuo ɲaa. [²¹ Ama Wia bi janj pima doluj di ma wuo kikiri jin-yiri deenja, see ma voo niinj anj pe chuchuele Wia.]"

Yesu bira bul u suuj wiaa

Maak 9.30-32; Luuk 9.43-45

²² Njii ne Yesu ari u haritooroo kala ku hilimi Galilii le. Njii ne u bula piba di ba janj kenj u-na Nuhuobiine Bie a he niaa nisinj le ²³ di ba kpoo, ama u harinj le u janj sii suuj le tapulaa batori cheenj a kenj miisinj. Yesu si bul njii, u haritooroo tuonj chei.

Wia-dia time

²⁴ Yesu ari u haritooroo si ko Kapenam, nialinj sii laa Wia-dia time ko Piita teenj a piesu a bul, "Ma kuhianj ka tinj Wia-dia time neɛ?" ²⁵ Njii ne Piita bul duu tinj ne. Piita si bul njii anj miira juu dia, Yesu laa sipaanj a piesu a bul, "Kubeɛ ne tinj moribiee koo lanpoo a pipi dunia deenj kuoroo? U tanj-la niaa koo nuhuɔraa neɛ? Beɛ ne ɲ biine?" ²⁶ Njii ne Piita bul di nuhuɔraa ne. Yesu bira bul, "Njii-na u tanj-la niaa bi kuɲ-kala tinj. ²⁷ Ama la-na bi che di la maase niaa deenja, njii wiaa kenj gbianj tuu he fuonj le a kese chenfilee. Gbianj-la si kenj chenfile-bunbunj-la, kenj u niinj suri. Nj janj na moribiinj u niinj le. Jonj moribie-la a tinj ma ari mi nyunj time."

18

Yesu dage nii-la si yuga Wia kuorii-la tuonj

Maak 9.33-37; Luuk 9.46-48

¹ Yesu si bul njii a pi Piita dɛre, u haritooroo ko u teenj a ku piesu a bul, "La tuonj kubeɛ ne kii u donj tiina Wia kuorii-la tuonj?" ² Njii ne Yesu yire bii-bie kubala a kii ba tutuɔbaaninj ³ anj bula piba a bul, "Wutitii ne mi bulaa pima, see di ma kenj ma titia muuri a nage hanjbiisinj, di njii dee, ma bi janj wuo juu Wia kuorii-la tuonj. ⁴ Nii-la si kenj u titia muuri a nage hanjbie, u ne ɲaa ma tuonj kuhianj Wia kuorii-la tuonj. ⁵ Di nuu ne kenj bii-bie donj woruj a tinj mi wiaa, mi ne u kenj woruj njii."

Yesu bul wiaa a tige niaa si janj lej di niaa juu haache le

Maak 9.42-48; Luuk 17.1-2

⁶ Nii-la kala si na hanjbiisi-la sii tomi donj a nyisu duu ɲaa wu-bomun, u maga di ba jonj nomun a voo laale u banja le a jonj yuo he muga tuonj uu nyua liinj u suu. Di ba ne ɲaa njii, u ne janj kpia u si weye.

⁷ U janj lore pi nialinj si janj ɲaa di niaa juu haache le. U maga di wialinj ku bal. Ama nii-la si ɲaa ba juu haache le, u janj na heenj. ⁸ Di ɲ nisinj koo ɲ naanj nii che duu keninj he haache le, kere ta. Nj si juu Wia kuorii-la tuonj ari naa-kuunj koo na-kuunj, u ne kpia ɲ si janj kenj na-pilimee koo naa-pilimee a juu Wia nyininj. ⁹ Di ɲ siinj nii che duu keninj he haache le, liisa ta. Nj si janj juu Wia kuorii-la tuonj ari sii-togo, u ne kpia ba si jonjunj yuo he Wia nyininj ari sii-pilimee."

Yesu mage namaga a mu tige pie-lalinj le

Luuk 15.3-7

10 Nii ne Yesu bira si, "Má fiële di ma sí han̄biisij deen̄ba kuŋ-kala kaa gbesi. Mi bulaa pima di Wia ta u tin̄daaraa ne di ba biben̄ba. Ba he Wia-jaŋ bua-na kala le, mi Nyimma si he lee-la.[11 Mi-na Nuhuobiine Bie ko di mi che a laa nialij si lele ne a ta.]

12 Nii ne Yesu mage namaga a bul, "Nuu ne fa he dime a keŋ piesee zolo, nii ne ba tuoŋ doŋo lel." Nii ne Yesu piesee, "Ee ne ma biine ari u jaŋ ŋaa? U bi jaŋ leŋ piesee mahiŋ banese ari fii ari nibi-la a ta peelee nyuŋ aŋ lii gollo chiche pie-lelii-laa? 13 Duu ne nau, mi jaŋ bula pima ari u tuoŋ jaŋ tore u pie-bala-la nyuŋ a kii piesee mahiŋ banese ari fii ari nibi-la si bi lele. 14 Nii titia ne saa mi Nyimma si he Wia-jaŋ bi che di han̄biisij deen̄ba kuŋ lel."

Yesu dage nii la si jaŋ ŋaa di la naan̄bie ne ŋaa wii a cheila le

15 Nii ne Yesu si, "Di ŋ naan̄bie ne ŋaa wii cheiŋ le, mu a bula pu wii-la u si ŋaa chei, ama ŋaa nii ma duu dun̄duŋa balia pege. Di u ne jegile nii wii-la ŋ sii bul, ma di ŋ naan̄bie bira sima ne. 16 Ama duu ne bi jegile nii ŋ teen, keŋ nuu doŋ koo niaa balia pe ŋ titia le di ma mu u teen a bul wii-la u si ŋaa chei duu wase. N si ŋaa nii, ŋ jaŋ keŋ niaa di ba ŋaa ŋ darsia. 17 Ama di u ne via duu jegile nii ma teen, ŋ-na bul wii-la pi nialij kala si laa Yesu wiaa dii aa hilimi. Duu ne via duu jegile nii ba teen maa, dogisu ari ŋ buu jin̄ a nage nii-la si bi Wia jin̄ koo a nage lan̄poo lilaaru ne.

N si via wii-la ari ŋ si sei wii-la

18 Wutitii ne, mi bulaa pima ari wii-la ma si via dunia le, ba jaŋ viau Wia-jaŋ maa. Wii-la ma ŋ si sei dunia le, ba ma jaŋ seyuu Wia-jaŋ. 19 Mi jaŋ wasa bula pima ari ma niaa balia ne he dime a keŋ nii-bala a chuchuoŋe Wia a chiche kuŋ, mi Nyimma si he Wia-jaŋ, u jaŋ joŋo pima. 20 Lee-la niaa balia koo batori si hilime mi doluŋ le, mi jaŋ he ba teen."

Tiŋtinni-la si bi chimiŋ joŋo che u doŋo tiina

21 Nii ne Piita ko Yesu teen a piesu a bul, "Mi Tiina, di mi naan̄bie ne ŋaa wii a cheimi le, naan̄siij buŋmeɛ ne mi jaŋ joŋo cheu? Mi joŋo cheu naan̄siij bulipe koo?" 22 Nii ne Yesu bira bul, "Ai, naan̄siij bulipe dun̄duŋa dee. Joŋo cheu naan̄siij mahiŋ batori ari fii leree bulipe."

23 Nii ne Yesu mage namaga a keŋ Wia kuorii-la a kaa mimagise kuoro ari u tiŋtinnaa a bul, "Kuoru kubala ne sie a chiche duu piese u tiŋtinnaa u chin̄ŋaa. 24 U si suomo duu piesee, ba keŋ u tiŋtinna doŋo ko u teen. U dii u chimiŋ siidi bui bui bui ne. 25 U bi wuo tiŋ. Nii ne u kuhian̄-la bul di ba kenu ari u haala ari u biirin̄ ari kialij kala u si kene a kaa mu yalle a tiŋ chin̄-la bua le. 26 Nii ne tiŋtinni-la tuu kpirimi u naadusuŋ nyuŋ a sulu, 'Mi kuhian̄, ŋaa kenyiri. Mi jaŋ tiŋ ŋ chimiŋ kala.' 27 U kuhian̄-la fáu nisusuŋ woruŋ a joŋ chin̄-la cheu a ŋaa u mu. 28 Nii ne chin̄ tiina-la kuoru-la si joŋ chin̄-la cheu, u lii a ma na u tiŋtinni doŋo tiina si dii u chimiŋ siidi bui. U keŋ u gerin̄ ban̄ŋa le a bul duu tiŋ u chimiŋ. 29 U tiŋtinni-doŋ-la ma tuu kpirimi u naadusuŋ nyuŋ a sulu a bul, 'Ŋaa kenyiri, mi jaŋ tiŋin̄.' 30 U via aŋ kenu mu to dia, aŋ bul see duu tiŋ chin̄-la. 31 U tiŋtinni-doŋsuŋ si na wii-la u si ŋaa, ba tuoŋ kala chei. Ba mu bula pi ba kuhian̄ wii-la kala si ŋaa. 32 Nii ne kuoru-la yiru a piesu a bul, 'N-na tiŋtinna deen̄, ŋ ŋaa niboŋ ne. N si sulmi, mi joŋ chin̄-la kala ŋ si die a cheŋ ne. 33 Bee ne tii ŋ-na bi wuo fá ŋ doŋo tiina-la nennige ari mi si fáŋ nennige nii?' 34 Kuoru-la na baan̄in̄ woruŋ u nyuŋ a ŋaa ba kenu to dia see duu tiŋ chin̄-la kala." 35 Nii

ne Yesu si, “Di ma bi sei di ma jon ma doḡsun tinḡaa haacheba cheba ari ma tuon kala, mi Nyimma Wia si he Wia-jan le ma jan doḡisema nii.”

19

Yesu dage niaa di ba sí ba haalaa via

Maak 10.1-12

¹ Yesu si bul wiaa deenba dexe, u lii Galilii tinḡeen a mu Judiya tinḡeen a chol Joḡdanj fuo-la. ² Ni-danj bira to u harinj. Nii ne u vaare nialinj sii wiilu dime.

³ Nii ne Farisii tinḡaa doḡsun ma sii ko u teen a chiche di ba magisu a piesu a bul, “Di η kenj wii a tige η haala le a chiche η viau, u kenj wonḡbii nee?” ⁴ Yesu miira pieseaba, “Ma bi karima ari bua-la le Wia si bugumo ḡaa dunia, nialinj u si ḡaa, ba fa ḡaa baal ari haal nee?” ⁵ Yesu bira si, “Nii ne tii baal-la jan lenj u nyimma ari u naanj dia anj ka ba di u haala mere doḡo le. Niaa deenba balia jan kenj chal-bala. ⁶ Ba bira bi jan ḡaa niaa balia, see kubala. Nialinj saa Wia si kaa mere doḡo le, u bi maga di nuhuobiine kenba pore doḡo le.” ⁷ Nii ne u haritooro-la bira piesu wiinj deenj a bul, “Bee ne tii saa Moosis fa si di baala nii che u via u haala, duu laa sipaanj a ḡmunḡe teninj a pi haal-la an-na viau?” ⁸ Nii ne Yesu bira bula piba a bul, “Ma tuonj dolie. Nii ne tii Moosis fa sei di ma via ma haalaa. Ama dunia di-suomunj, ba fa bi nii ḡaa. ⁹ Mi bulaa pima, baala-na kala si via u haala anj bira jaa doḡo, u tiina juu haal-la haache le ne, see di haal-la ka ḡaa ha-chorunj wu-ḡaalaa.”

¹⁰ Nii ne Yesu haritooro-la bula pu ari nii-na ne he dime, u bi maga di nuu jaa haal. ¹¹ Nii ne Yesu miira bula piba a bul, “Wiinj deenj bi naga ari nuu-kala janj wuo ḡaa. Nialinj Wia si jonj dolunj pa, ba dunḡunja ne janj wuo ḡaa nii. ¹² Wii-la si tii baalaa bi haalaa ka jaa, ba yuga ne. Ba lul doḡsunj, ba paala bi haalaa wuo pinj. Doḡsunj ma, nuhuobiinee ne ḡaaba nii, doḡsunj ma bi haalaa jaa a tinj Wia kuorii-la wiaa. Nii-la si janj wuo laa wiinj deenj dii, u sei.”

Yesu jonj nisinj danj hanḡbiisinj le

Maak 10.13-16; Luuk 18.15-17

¹³ Nii ne niaa sii ko Yesu teenj a kenj ba hanḡbiisinj kaa ko duu jonj u nisinj danḡba le a chuole Wia piba. Nii ne u haritooro-la kpiaba le. ¹⁴ Yesu si na nii, u bula piba a bul, “Má lenj di hanḡbiisi-la ko mi teenj. Ma síba kiru! Niaa deenba yiri ne he Wia kuorii-la tuonj.” ¹⁵ Nii ne u jonj u nisinj danḡba le anj viiri.

Ku-kenni-la ko Yesu teenj

Maak 10.17-31; Luuk 18.18-30

¹⁶ Baal kubala ne ma sie a ko Yesu teenj. Baal-la kenj kiaa kinḡen. Nii ne u piese Yesu a bul, “Mi kuhianj, wu-zonj bee ne mi janj ḡaa a kenj miisi-la si bi dexe?” ¹⁷ Nii ne Yesu piesu a bul, “Bee ne tii η piesemi wu-zomo-la η si janj ḡḡaa wiaa? Ni-bala dunḡunja ne zomo. Di η nii che di η kenj miisi-la si bi dexe, tuto wialinj Wia si lenje ba ḡmunḡsa bil di maa to.” ¹⁸ Nii ne baal-la piesu, “Wu-beeba ne?” Nii ne Yesu si, “Sí niaa kpu, sí η doḡo tiina haala che, sí gaa, di η ḡaa danḡsia wii le, sí wiaa nyia pe. ¹⁹ Fifá η nyimma ari η naanj, a cho η doḡo tiina ari η si cho η titia nii.” ²⁰ Nii ne baal-la bula pi Yesu, “Mi kuhianj, mi to wiaa deenba kala ne. Bee ne saa ka?” ²¹ Nii ne Yesu bula pu, “Di η nii che η ḡaa ni-zonj a sí wii-kala kenj, jonj η kiaa kala yalle a jonj moribie-la a pi summoo anj ku tomi. Nj ne ḡaa nii, η janj kenj

kiaa Wia-jaŋ lɛ.” ²² Yesu si bul ɲii, baal-la tuoŋ chei, u sii viiri, bɛɛ wiaa u keŋ kiaa nɛ woruŋ.

²³ ɲii nɛ Yesu bula pi u haritooro-la a bul, “Wutitii, mi bulaa pima, u ɲaa wu-duo nɛ ari nii-la si keŋ kiaa si jaŋ wuo juu Wia kuorii-la tuoŋ. ²⁴ Mi bira bulaa pima, u bi hei ari buŋtaŋja si jaŋ wuo to geri-hemin buoŋ lii ari u si heye ɲii nii-la si keŋ kiaa si jaŋ wuo juu Wia kuorii-la tuoŋ.” ²⁵ U haritooro-la si nii wiaa deenba, ba faasa hiriki a piɛsɛ Yesu a bul, “U nɛ nage ɲii, kubɛɛ nɛ saa Wia jaŋ laa ta?” ²⁶ Yesu miira beŋba aŋ bul, “Wii-la si jaŋ kperi nuhuobiine, u bi Wia wuo kperi. Wia wuo wii-kala ɲaa nɛ.” ²⁷ ɲii nɛ Piita bula pu a bul, “Na, la-na leŋ la kuŋ-kala nɛ aŋ tuto ɲ harin. Bɛɛ nɛ saa la jaŋ na?” ²⁸ ɲii nɛ Yesu bula pi u haritooro-la a bul, “Wutitii nɛ mi bulaa pima, di dunia falii-la nɛ yie, mi-na Nuhuobiine Bie jaŋ hoŋ mi kuori-kpasa nyuŋ Wia pulumuŋ tuoŋ. Bua-la lɛ, ma haritooro-la fii ari balia-la si to mi harin, ma ma jaŋ hoŋ kuori-kpasinnin fii ari balia nyuŋ a bibɛŋ Iziral ta-geŋtisin fii ari balia-la a dii ba sariya. ²⁹ Bira nii-la kala si leŋ u diisin koo u naanbiirin koo u nyimma koo u naan koo u biirin koo u bagisin a tinj mi wiaa, u tiina jaŋ bira na kiaa deenba naansiin zoŋ aŋ pɛ keŋ miisi-la si bi dɛrɛ. ³⁰ Ama kuhiasin yuga si jaŋ birime hanbiisin. Hanbiisin ma yuga si jaŋ birime kuhiasin.”

20

Yesu mage namaga a tige бага тинтиннаа лɛ

¹ ɲii nɛ Yesu bira mage namaga a piba a bul di Wia kuorii-la nage baal kubala si keŋ u бага nɛ chichuo-fielɛ. U lii chiche niaa di ba mu pɛrɛ u бага-la lɛ. ² Ba sei ari ba jaŋ mu pɛrɛ, ka u tinjba che-bala time. ɲii nɛ u leŋ ba mu u бага-la pipɛrɛ. ³ U ku mage kerifi nibi, u bira lii a na niaa doŋsuŋ di ba chin yobo tuoŋ pɛi. Ba bi tintimii kala ka tinj. ⁴ ɲii nɛ u bula piba di ba ma mu a pɛrɛ u бага-la lɛ, ka di u tinjba, duu jaŋ piba ɲii kala si maga. ɲii nɛ ba ma mu. ⁵ Kerifi fii ari balia yi, u bira lii a na niaa doŋsuŋ a ɲaa ba ma mu u бага-la. U bira lii kerifi batori bua-la lɛ a bira na niaa doŋsuŋ a ɲaa ba ma mu u бага-la. ⁶ U bira ku kpage kerifi banon, u bira lii yobo tuoŋ a na niaa doŋsuŋ ma di ba ha chin dime. ɲii nɛ u piɛsɛba, “Bɛɛ nɛ tii ma chin daha pɛi chichuoŋ ari wiiheye kala, ma bi tintimii kala ka tinj?” ⁷ ɲii nɛ ba bula pu ari ba bi tintinɲaa na di ba tinj. ɲii nɛ u bula piba di ba ma mu a tinj u бага lɛ. Ba ma mu. ⁸ Didaanin si yie, ɲii nɛ бага-la tiina yire nii-la sii beŋ u бага-la duu yire nialin si tinj u бага-la lɛ a tinjba, duu suomi nialin si to harin mu бага-la a tinjba aŋ-na mu yi nialin si laa sipaan mu бага-la. ⁹ Nialin si to harin mu бага-la, u tinjba che-bala time. ¹⁰ ɲii nɛ u si, ka nialin si laa sipaan mu бага-la, di ba ku laa ba time. Ba fa biina ari ba jaŋ laa kii haritooro-la, ama ba tinjba ma mage ɲii nɛ. ¹¹ Ba ma laa moribie-la aŋ gugurime wiaa nii-la бага-la lɛ ba si pɛrɛ teen. ¹² ɲii nɛ ba bula pu a bul, “Niaa deenba si to harin ko, ba tinj hawa kubala dunɲuŋ nɛ, aŋ ka la-na tinj chichuoŋ ari wiiheye kala, aŋ ka ɲ tinjla kala maga doŋo.” ¹³ ɲii nɛ бага-la tiina bula pi ba doŋo a bul, “Jegile nii, mi bima gura. Ma seye ari ma jaŋ tinj di wia juu nɛ aŋ laa che-bala time. ¹⁴ Má laa ma moribie a viiri. Mii che di mi tinj baalaa deenba si to harin ko ɲii titia mi si tinjma nɛ. ¹⁵ Mi bi wonbiin keɛ di mi keŋ mi moribie tinj mi tuɔtɔrɛ wiaa? Koo ma yaraa bieru a tinj mi si keŋ zile wiaa nɛ?” ¹⁶ ɲii nɛ Yesu bula dɛrɛ, “Kuhiasin jaŋ birime hanbiisin, hanbiisin ma jaŋ birime kuhiasin.”

*Yesu bul u suunj wiaa**Maak 10.32-34; Luuk 18.31-34*

¹⁷ Yesu si bul nii di ba he wonjbiinj le ne aa mu Jerusalem. Nii ne u kenj u haritooroo fii ari balia dunđuŋa a suusa lii a bula piba wonjbiinj le, ¹⁸ “Má jegili mi teenj. Laa mu Jerusalem ne. Di la ne yi dime, ba jan kenj mi-na Nuhuobiine Bie a kaa mu pi nialinj si kpu pusunj pipi Wia kuhiasinj ari Wia teninj kerichiba. Ba jan dii mi sariya a ŋaa di ba kpumi ¹⁹ anj kenjmi kaa mu he nialinj si bi juu tinŋaa ŋaa nisinj le. Ba jan moŋmi. Ba jan viiremi maa anj kpaasemi mere daa-gesee nyun, ka di mi sii suunj le tapulaa batori cheŋj.”

*Zebidii haala sul Yesu a chiche di-honunj duu pi u biirinj balia**Maak 10.35-45*

²⁰ Nii ne Zebidii haala kenj u biirinj balia ko Yesu teenj a kpirimi u sipaanj anj sulu duu peu le. ²¹ Nii ne Yesu piesu, “Wu-bee ne ŋŋ che di mi ŋaa pinj?” Nii ne u bul, “Ŋ si jan dii Wia kuori-la a honj ŋ kuori-kpasa nyun, lej di mi biirinj balia ŋaa ŋ bubuonj huhonnoo, di donjo honj ŋ na-diinj, di donjo ma honj ŋ na-gua.” ²² Nii ne Yesu bula pi u biirinj a bul, “Ma bi jinj ku-la ma sii che. Ma jan wuo nyalima na hee-la mi si jan na? Ma jan wuo fo Wii-chuoŋe liinj ari ba si jan fomi nii, koo?” Ba si, “Oo, la jan wuo.” ²³ Nii ne Yesu bula piba a bul, “Wutitii ne ma bul. Hee-la mi si jan na, u-na ma ma jan na. Ama mi na-diinj ari mi na-gua huhonnoo-la, mi dee bi jan tuoseba. Wia ne jan liiseba di ba honj dime.” ²⁴ Yesu haritooroo fii-la si nii Jeems ari Joonj si bul wii-la, ba na baaninj ba nyun. ²⁵ Nii ne Yesu yire u haritooroo kala. Ba mu u teenj. U bula piba a bul, “Ma jinj nialinj si bi juu tinŋaa ŋaa, ba honj niaa nyun ne. Ba kuhiasinj ma kenjba dolunj. ²⁶ Ama u bi maga di ma ŋinŋaa nii. Ma tuonj nii-la sii che u ŋaa ma kuhianj, u maga duu ne tinj tinjtinŋaa pipima. ²⁷ Ma tuonj nii-la ma sii che u ŋaa ma tuonj kuoro, u maga duu ne ŋaa ma tuonj yomo. ²⁸ Mi-na Nuhuobiine Bie, mi bi ko di mi che niaa di ba tima pimi, mi ko di mi-na tima piba ne a suu a laa niaa miisaa yuge ta a piba.”

*Yesu vaare nyulimaa balia**Maak 10.26-52; Luuk 18.35-43*

²⁹ Yesu ari u haritooroo si lii Jeriko le, ni-danj ne to ba harinj. ³⁰ Di nyulimaa balia honj wonjbiinj niinj a nii di Yesu nii bal. Nii ne ba faasa yire a bula pu a bul, “Yesu, Devit nihii, fála nennige.” ³¹ Nii ne ni-danj-la kpiaba le di ba kenj gonj. Ama ba faasa yire a kii nii a bul, “La Tiina, Devit nihii, fála nennige.” ³² Nii ne Yesu chinj anj yireba a pieseba, “Bee kunj ne ma che mi ŋaa pima?” ³³ Nii ne ba bul, “La Tiina, laa che di ŋ suri la siaa ne.” ³⁴ Nii ne Yesu fába nennige a digi ba siaa le. Ba siaa guu suri, ba tuto u harinj.

21*Yesu juu Jerusalem**Maak 11.1-11; Luuk 19.28-40; Joonj 12.12-19*

¹ Nii ne Yesu ari u haritooroo sii mu Jerusalem. Ba ku yi Betifagi a ku yi peel kubala baa yire Oliv. Nii ne Yesu liise u haritooroo balia a tinjba a bula piba a bul, “Má mu tarj-la si he ma sipaanj. ² Di ma ne mua, ma jan na kakumo ari u bie di ba vobo a kii. Má puri a kaa ko pimi. ³ Di nuu ne piesema, má bula pu ari ma Tiina nii che. U jan lej di ma kaa ko lima.”

4 Wiinj deenj ɲaa di wii-la nii-la fa sɪi bul wiaa, Wia Diɲ-zɔŋ-la dolunj le ku ɲaa wutitii ne. 5 U fa si,
 “Má bulaa pi Zaayɔŋ niaa
 di ba bee na, di ba kuoro nɪi ko ba teenj.
 U keɲ u titia muuri ne a jil kakumo
 a bira jil kakumo bie.”

6 Nɪi ne Yesu haritooro-la mu a ɲaa wii-la Yesu si bula piba di ba ɲaa. 7 Ba keɲ kakumo-la ari u bie kaa ko a joŋ ba gennɪɲ daɲ kakumo-la ari u bie nyunj, Yesu jil. 8 Ni-daɲ-la jesɪɲ joŋ ba gennɪɲ a jere woŋbiɪɲ le, ka doŋsun ma kerɪ pipaariɲ a ma kaa jere woŋbiɪɲ le. 9 Ni-daɲ-la si laa Yesu sipaanj ari nialɪɲ sɪi to u harɪɲ suomo ɲɪaa goɲ a bul, “Tabarikala Devit nihɪɲ! Wia jaɲ pe nii-la sɪi ko la Tiina dolunj le. Má leɲ di la denne Wia!” 10 Yesu si muu juu Jerusalem, taɲ-la kala zigili. Nɪi ne niaa piɛɛ a bul, “Kubɛɛ ne ɲla?” 11 Nɪi ne ni-daɲ-la bul, “Yesu si lii Nazaret si he Galilii tiɲteenj le, nii-la sɪi bul wiaa, Wia Diɲ-zɔŋ-la dolunj le, u ne ɲii.”

Yesu juu Wia-dia

Maak 11.15-19; Luuk 19.45-48; Jɔɔŋ 2.13-22

12 Nɪi ne Yesu juu Wia-dia. Nialɪɲ doŋsun he dime a yiyalle kiaa, doŋsun ma yuyɔɔ kiaa. Yesu kiriba kala ta ba lii. Baalaa ma he dime a yiyere moribiee. Yesu ɲmoo ba teebulba lo. Baalaa doŋsun ma yalle kokosunj. U ɲmoo ba ma kpasinnɪɲ a lo. 13 Nɪi ne Yesu bula piba a bul, “Ba ɲmunɔsa di Wia si, u dia jaɲ ɲaa lee-la niaa si jaɲ chuchuɔle Wia, aɲ ka ma-na miira kaa birime gaari-dia.”

14 Nɪi ne nyulimaa ari gbegisinj ko Yesu teenj Wia-dia le. U vaareba.

15 Ama nialɪɲ si kpu pusunj pipi Wia kuhiasɪɲ ari Wia tenɪɲ kerichiba si na wu-magila-la u sɪi ɲaa a bira na haɲbiisinj sɪi ɲaa goɲ ɲii Wia-dia le, ba na baaniɲ. Haɲbiisi-la fa yire, “Tabarikala Devit nihɪɲ.” 16 Nɪi ne nialɪɲ si kpu pusunj pipi Wia ari Wia tenɪɲ kerichiba piɛɛ Yesu a bul, “Nɪi nialɪɲ ba sɪi bul neɛ?” Yesu bul, “Mi nia ne.” Nɪi ne Yesu ma piɛɛɛba, “Ma bi Wia tenɪɲ karimaa? Ba ɲmunɔɛ Wia tenɪɲ tuɔɲ a bul, ‘Wia jaɲ leɲ di bii-mullunj didenne Wia.’ ”

17 Nɪi ne Yesu leɲba aɲ sɪi mu Betani a chua dime.

Yesu kaliba he tutogo le

Maak 11.12-14, 20-24

18 Taɲ si pula, Yesu miira mu Jerusalem. U sɪi mu, losunj kenu woŋbiɪɲ le. 19 U na tutogo duu chinj u sipaanj woŋbiɪɲ niɪɲ. U mu yi tutogo-la bubuɔɲ a wula beɲ di neneɛ tuo, see pipaariɲ. Nɪi ne u bul tia-la le a bul, “A lii jiniɲ a kaa mumu, ɲ bira bi jaɲ neɲ.” Tia-la guu suu. 20 U haritooroo si na wiinj deenj, u ɲaaba wu-kpuɲkpere. Ba pipiɛɛ doŋɔ a bul, “ɛɛ ne tia-la guu suu lima ɲii?” 21 Nɪi ne Yesu bula piba a bul, “Wutitii ne mi bulaa pima, di ma ne keɲ yarida a bi tuosaa balia keɛ, ma ma jaɲ wuo ɲaa wii-la si ɲaa tutogo-la le. Nɪla ma dunɲunja dee, ama ma jaɲ wuo paala bul peelinj deenj le duu sɪi a mu tel muga tuɔɲ. U jaɲ ɲaa pima. 22 Kialɪɲ-na kala ma si chuɔle Wia a susul, di ma ne keɲ yarida, ma jaɲ naba.”

Niaa piɛɛ Yesu u dolunj wiaa

Maak 11.27-33; Luuk 20.1-8

23 Ba si mu Jerusalem, Yesu mu juu Wia-dia. U si juu Wia-dia-la ɲii a didage niaa, nialɪɲ si kpu pusunj pipi Wia kuhiasɪɲ ari Wia tenɪɲ kerichiba ari Jɔu tiɲɲaa kuhiasɪɲ, ba kala sɪi ko u teenj a piɛsu a bul, “Dol beɛ ne ɲ keɲ a ɲɪaa wiaa deenjba? Kubɛɛ ne piɲ dolunj ɲ kaa ɲɪaa ɲii?” 24 Nɪi

ne Yesu bula piba a bul, “Mi ma jan piesema wu-bala. Di ma ne dagemi u bubuon, mi ma jan dagema dol-la mi si kene bubuon.” ²⁵ Nii ne u pieseba a bul, “Joon, Wia lii-foori-la dolun, u lii nii ne? U lii Wia teen nee koo u lii nuhuobiine teen nee? Má dagemi.” Ba suomo ken wii-la lilere donjo le aa bul, “Wu-bee ne laa che di la bul? Di la ne bula pu a bul di Wia teen ne u lii, u jan piesela a bul, ‘Bee ne saa tii ma bi wialin u si bula laa dii?’ ²⁶ Di la ne saa si u lii nuhuobiine teen ne, fawullun jan kenla a tin ni-dan-la si chin dime wiaa. Niaa bula ari Joon fa sene naa nialin sii bul wiaa, Wia Din-zon-la dolun le donjo ne.” ²⁷ Nii ne ba bula pi Yesu a bul, “La bi jin.” Nii ne Yesu ma bula piba a bul, “Too, mi ma bi jan dagema dol-la mi si kene bubuon.”

²⁸ Nii ne Yesu mage namaga a pi nialin si kpu pusun pipi Wia kuhiasin ari Juu tinnaa a bul, “Baal kubala ne he dime a ken hanbolibiisin balia. U sii mu u bii-hian teen a bula pu a bul, ‘Mi bii, mu бага jinin a tin.’ ²⁹ Nii ne bile bul, ‘Mi bi jan mu бага jinin.’ U nii harin le, u tuon chei wii-la u si bula pi u nyimma le an sii mu бага-la. Nii ne ba nyimma bira mu a bul u bii-bie-la ma le a bul duu mu бага. Nii ne bile bul duu jan mu an via. ³⁰⁻³¹ Hanbiisin deenba balia tuon, kubee ne to ba nyimma niin le? Bee ne ma biine?” Nii ne ba bula pu di u bii-hian-la ne. Nii ne Yesu bula piba a bul, “Wutitii, mi bulaa pima ari lanpoo lilaaraa ari jagumuloba jan laa sipaan ma le a juu Wia kuorii-la tuon. ³² Bee wiaa Joon Wia lii-foori-la ko a dagema wonbii-titii-la ne ma si jan to, an ka ma bi u wiaa laa dii, ama lanpoo lilaaraa ari jagumuloba, ba laa u wiaa dii. Ma si paala na ba si laa u wiaa dii nii, an ka ma ha bi birima di ma laa u wiaa dii.”

*Yesu mage namaga a tige nialin sii tin tintinnaa бага le
Maak 12.1-12; Luuk 20.9-19*

³³ Nii ne Yesu bira mage namaga donjo a bul, “Baal kubala ne bil бага a chonse kiasa si ken nenee yuge a nage chichuen. Ba yiyire gireps. U saa lige бага-la gollii ne. U lu bua бага-la tuon di ba chage tii-nene-la liin hihe. U ma saa lusun nyun dia a hono po. Nii ne u paa niaa a he u бага-la tuon di ba titin. Ka u mu tan donjo. ³⁴ Tii-nene-la biinin si yie, u tin u dia tintinnaa di ba mu tintinna-la teen di ba mu laa tii-nene-la kaa ko. Ba mu. ³⁵ Ba ken donjo a nmobu, a kpu donjo, a yage donjo ari tabiaa a kpuu. ³⁶ Nii ne u tin niaa donsun a wasa kii bunbun-la. Ba naa nii titia nialin ma le. ³⁷ Nii harin le ne u tin u bie. U biina duu bie ne mua, ba jan zilu. U ma bira mu. ³⁸ Tintinna-la si na bile, ba bula pi donjo a bul, ‘Di бага-la tiina ne suba, bie deen ne jan dii u kiasa. Má ko di la kpuu. Di la ne kpuu, la ne jan miira tii u kialin.’ ³⁹ Ba ken bile a jonu yuo ta бага-la harin a kpuu.” ⁴⁰ Nii ne Yesu pieseba, “Di бага-la tiina ne ko, ee ne u jan naa бага tintinna-la le?” ⁴¹ Nii ne ba bula pu a bul, “U jan ko a kpu ni-bomo-la an jon бага-la a pi ni-tania. Di tii-nene-la biinin ne yi, ba jan ken tii-nene-la kaa mu pu.”

⁴² Nii ne Yesu piese nialin si nii namaga-la, “Ma bi Wia ten-la karimaa? a mu yi lee-la ba si bul nla:

‘Tiepii-la dii-saaraa si via,

u ne miira ku naa tiepii-duon ba si jonjo bil dia gentine.

La Tiina Wia tintinnaa ne nii.

U naala wu-kpunkpere ne.’ ”

⁴³ Nii ne Yesu bula pi nialin a bul, “Wia jan ken u kuorii-la laa ma teen, a jonjo pi nialin si jan to Wia niin worun a njnaa wialin si jan dage ari ba birima lii ba haacheba le ne. [⁴⁴ Nii-la si tel tiepii-la nyun, u tiina jan yere

muno muno. Di tiebii-la ma ne tel nuu-kala nyun, u jan yere u tiina muno muno.]”

⁴⁵ Nialin si kpu pusun pipi Wia kuhiasin ari Farisii tinjaa nii Yesu si mage namaga-la a jin ari ba wiaa ne u bubul nii. ⁴⁶ Nii ne ba wiwalime di ba kenu kaa mu to dia. Ama ba faa fa ni-dan-la si he dime, bee wiaa ni-dan-la jon Yesu ari u jaa nialin sii bul wiaa, Wia Din-zon-la dolun le donjo ne.

22

Yesu mage namaga a tige ha-jaari gbiele kudiilee le Luuk 14.15-24

¹ Nii ne Yesu bira mage namaga donjo a didage niaa. ² U si, “Wia kuorii-la nage kuoro kubala ne. U bie jaa haala. Nii ne u jaa ba gbigbieli ha-jaari gbiele a jaa ba yire niaa di ba ko gbiele-la. ³ Ba si jaa kudiile-la dere, u tin u tintinnaa di ba mu yire nialin u si yira, ari ba jaa siri di ba gbieli gbiele-la ne. Ba si mu yireba, ba via. ⁴ Nii ne u bira tin u tintinnaa donsun di ba mu bula pi nialin u si yira di ba kpu ne-bellin ari ne-niinin kala ne a jaa kudiile-la dere, di ba ko ha-jaari gbiele-la. ⁵ Nii ne nialin u si yira bira via di ba mu an titin ba tintinnjaa. Donjo sii mu u бага, donjo ma sii mu u kiaa di-yallin. ⁶ Ka donsun ma kese kuoro dia tintinna-la a nmooba an kpuba. ⁷ Nii ne kuoro-la na baanin a ta u laali-yuoroo. Ba mu kpu nialin si kpu u dia tintinna-la an nyige ba tan kala. ⁸ Nii ne u yire u tintinnaa donsun a bira bula piba, ‘Mi gbiele kudiile-la jaa siri ne, ama nialin mi si yira bi maga di ba ko gbiele-la. ⁹ Má saa lii mu wonbii-porunun a yire nialin kala ma si na dime a bula piba di ba ko a dii kudiile-la.’ ¹⁰ Nii ne tintinna-la lii wonbii-porunu-la a yire nialin kala ba si na lee-la, ni-zonjo ari ni-bonjo kala. Nii ne ba kala ku juu su dia-la le ba fa sii gbieli gbiele-la.

¹¹ Nii ne kuoro-la juu duu na nialin si ko a na baal kubala duu bi ha-jaari gbiele gerin laala. ¹² U piesu a bul, ‘Mi nanjon, ee ne j jaa ku juu daha an bi ha-jaari gbiele gerin laala?’ Baal-la tore u niin. ¹³ Nii ne kuoro-la bula pi u tintinnaa a bul, ‘Má keñ baala deen a voo u nisaa ari u naasin a jonu yuo ta jeen harin birimin tuon duu pina yiyel an didin u nyilaa.’” ¹⁴ Nii ne Yesu bula dere an bul, “Ba yie yire niaa yuge ne, ama ba tuon ba yie tuose niaa banmene ne.”

Ba bul lanpoo timin wiaa Maak 12.13-17; Luuk 20.20-26

¹⁵ Nii ne Farisii tinjaa sii lii a vuure nii ba si jan magise Yesu a bere kenu ari wu-piesaa. Nii ne ba tin ba haritooroo donsun ari Herod ma haritooroo donsun di ba mu Yesu teen. ¹⁶ Nii ne ba ko u teen a piesu a bul, “La kuhian, la jima di j keñ wutitii ne a didage Wia tonun wonbii-titii-la. N sipaan tuo nuu le. N bi ni-bal sii ka fá. ¹⁷ Saa bula pila ari u jaa wonbii nee di la tin lanpoo a pi Rom tinteen kuori-balin ba sii yire Siiza? Ee ne j ma biine?” ¹⁸ Yesu fa jin ba tuobii-bomo-la ne a bula piba a bul, “Ma kanfugi timma! Bee ne ti maa magisem? ¹⁹ Má keñ ma lanpo-la moribii kaa ko di mi bee na.” ²⁰ Ba keñ donjo kaa ko. Nii ne u pieseba, “Kubee nyun ne he dime? Kubee yirin ma ne ba tuoro he moribii-la le?” ²¹ Nii ne ba bul di Siiza yirin ne. U bula piba a bul, “Too, má jon Rom tinteen kuori-bal-la kiaa pu an jon Wia ma kiaa pu.” ²² Yesu si bul nii, u jaaaba wu-kpunkpere ba sii viiri.

Ba piɛsɛ Yesu a tiɛ nialin si suba lɛ.

Maak 12.18-27; Luuk 20.27-40

²³ Chɛɛ-la titia nialin doɔsuɔŋ ba sɛi yirɛ Sadusii tinɔŋaa, ba kɔ u teenɔ. Sadusii tinɔŋaa yie si di nuu ne suba, u bira bi sii. Ba piɛsu wiaa a bul, ²⁴ “La kuhian, Moosis fa si di baala ne jaa haala, di haal-la ari baal-la ne bi bii lula, aŋ ka di baal-la suu, u maga di u ŋaana joŋ yo-haal-la jaa ne. Di u lul biirin pi u maala-la si suba, biiri-la jaŋ chin u nyuɔŋ lɛ. ²⁵ Naanɔbiirin balipe ne fa hɛ dime. Ba kala ŋaa baalaa. Ba naanɔ kubala, ba nyimma kubala. Ba kuhian jaa haala. Ba di haal-la bi bii lula, aŋ ka u suu. U si suba, u ka haal-la a pi u ŋaana doɔŋ ne. ²⁶ Liamin ma suu. Torimunɔ tiina ma joŋ haal-la jaa. U ma ŋii titia ne. Naanɔbiiri-la balipe kala ne jaa haal-la. U bi lula. ²⁷ Ŋii harin lɛ ne haal-la ma titia suu. ²⁸ Tapulii-la niaa si jaŋ sii suun lɛ, baalaa deenɔba balipe tuɔŋ, kubɛɛ ne jaŋ ti haal-la? Ba kala balipe ne jaa.”

²⁹ Ŋii ne Yesu bula piba a bul, “Ma bi Wia tenin jin. Ma ma bi Wia dolun jin. Ŋii ne tii ma yenɔŋi. ³⁰ Tapulii-la niaa si jaŋ sii suun lɛ, baalaa bira bi jaŋ jaa haalaa, haalaa ma bira bi jaŋ jaa balaba. Ba kala jaŋ nage Wia tinɔdaaraa si hɛ Wia-jaŋ lɛ.” ³¹ Ŋii ne Yesu bula piba a bul, “Na ma piɛsemi nialin si jaŋ sii suun lɛ wiaa ne. Ma bi karime wialin Wia fa si bula pi niaa u tenin lɛɛ? ³² U fa si duu ne ŋaa Abiraham Wia ari Aizik Wia ari Jekɔb kala Wia. (Bua-la lɛ u si bul ŋii di Abiraham ari Aizik ari Jekɔb fa suba ne.) Wiaa deenɔba u si bula, ba bubuɔŋ ne di Abiraham ari Aizik ari Jekɔb bira sii suun lɛ ne a hɛ Wia kuorii-la tuɔŋ. Wia bi jaŋ wuo ŋaa nialin si suba Wia, u ŋaa ni-weyee Wia ne.” ³³ Ni-dan-la si nii ŋii u sɛi dage niaa, u ŋaaba wu-kpuɔŋkperɛ.

Wialin si maga di la ŋɔŋaa, ba tuɔŋ wu-balin

Maak 12.28-34; Luuk 10.25-28

³⁴ Farisii tinɔŋaa si nia ari Yesu bul wiaa lo Sadusii tinɔŋaa ba ŋaa fuui, ba kala ku pe doɔŋ lɛ. ³⁵ Ŋii ne Wia tenin kerichiba doɔŋ wiwalime duu magise Yesu a pipiesu wiaa. ³⁶ U piɛsɛ Yesu a bul, “Kuhian, wialin Wia si dage niaa baa to, kubɛɛ ne ŋaa ba tuɔŋ siifian wiin?” ³⁷ Ŋii ne Yesu bul, “‘Keŋ ŋ tuɔŋ kala ari ŋ tuɔbiinaa kala ari ŋ wii-wii-kala a cho ŋ Tiina Wia.’ ³⁸ Wialin Wia si dage niaa baa to, ba tuɔŋ wu-balin ari ba tuɔŋ bunɔbuɔŋ ne ŋii ari ba tuɔŋ siifian wiin ne ŋii. ³⁹ Wu-liamin ma ne ŋla: ‘Cho ŋ doɔŋ tiina ari ŋ si cho ŋ titia ŋii.’ ⁴⁰ Wialin Moosis fa si ŋmuɔsa bil di niaa tuto ari wialin kala nialin sɛi bul wiaa, Wia Din-zɔŋ-la dolun lɛ, ba kala lii wiaa deenɔba baliamin tuɔŋ ne.”

Ba piɛsɛ nii-la Wia si liisa wiaa.

Maak 12.35-37; Luuk 20.41-44

⁴¹ Farisii tinɔŋaa ha si hilimi ŋii, Yesu ma piɛseba a bul, ⁴² “Bɛɛ ne ma biine Kirisito, nii-la Wia si liisa wiaa? Kubɛɛ doho nuu ne u ŋaa?” Ŋii ne ba bul duu ŋaa Devit doho nuu ne. ⁴³ Ŋii ne Yesu bira piɛseba a bul, “Bɛɛ ne saa tii Wia Din-zɔŋ-la fa dage Devit duu kenu yirɛ u Tiina? ⁴⁴ Ŋla ne u bul:

‘Mi Tiina Wia bula pi mi Tiina
duu hoŋ u sɛme, ni-duoŋ di-honun,
see duu yuo dii u dinɔdoŋɔɔ kala dɛɛ.’

⁴⁵ Devit titia si yirɛ nia deenɔ u Tiina, ɛɛ ne saa u jaŋ wuo ŋaa u nihin dunɔduɔŋ?” ⁴⁶ Yesu si bul ŋii, nuu-kala bira bi wii wuo bul. A chin tapulii-la kala a kaa mu, nuu-kala ma bira bi nyu-duoŋ kene duu piɛsu wii-kala.

23

*Yesu bul wiaa, Wia teniŋ kerichiba ari Farisii tinŋaa teen
Maak 12.38-40; Luuk 11.39-44, 46, 52; 20.45-47*

¹ Nii ne Yesu bula pi ni-dan-la ari u haritooroo a bul, ² "Wia teniŋ kerichiba-la ari Farisii timma-la, ba ne ŋaa nialin sii dage wialin Moosis fa si bile di niaa tuto. ³ Nii wiaa ma maga di ma to wialin kala ba si bula pima di ma ŋaa, ama ma si ba wu-ŋaalaa chesu, bee wiaa ba titia bi wialin ba sii dagu ka to. ⁴ Ba yie woo chugi-yunoo ne a kaa chunŋ niaa, ama ba titia bi che di ba peba le a laa chuga-la. ⁵ Ba yie ŋaa wii-kala di niaa naba ne. Ba yie ŋmuŋse Wia niin wiaa a he teŋ-jalaa le a kaa vuvoo ba genniŋ nisaa le ari ba nyun-chuulun le an lenŋ ba genniŋ juosaa ma duomi duomi. ⁶ Di niaa ne yireba di ba ku dii kaaa, ba cho di ba hoŋ ni-balaa di-hoŋoo. Ba ne juu Wii-chuole diinŋ maa, ba cho di ba hoŋ ni-balaa di-hoŋoo. ⁷ Ba yie chiche di niaa chuchuoleba an jujonba jirima niaa tuon an yiyireba kerichiba. ⁸ Ama ma-na si lenŋ di niaa kenŋa kaa yire kerichiba. Ma kala ŋaa naanbiirinŋ ne. Ma kala kerichi ŋaa kubala ne. ⁹ U saa bi maga di ma yire nuu-kala ma nyimma dunia deenŋ le, bee wiaa ma Nyimma ŋaa kubala ne a he Wia-jan. ¹⁰ Ma bira si nuu-kala yire ma kuhian, bee wiaa ma kuhian ne ŋaa Kirisito, nii-la Wia si liisa. ¹¹ U maga di ma tuon kuhian ne birime hanbie a tinŋ tinŋaa pipima. ¹² Nii-la kala sii bigisi u titia le, Wia jan kenu muuri, ka nii-la ma si kenŋ u titia muuri, Wia jan ŋaa duu yuge.

¹³ Ma Wia teniŋ kerichiba ari ma Farisii tinŋaa, ma kanfugi timma-la, ma jan na heenŋ. Ma kenŋ Wia kuorii-la dia-boro yage ne di niaa si juu, bee wiaa ma titia bi che di ma juu, an bira po di nialin sii walime di ba juu, di ba ma si juu. [¹⁴ Ma Wia teniŋ kerichiba-la ari ma Farisii timma-la, ma kanfugi timma-la, ma jan na heenŋ. Ma yie kenŋ yo-haalaa kaaa laa didii a yie fugo chuole Wia didieni. Bua-la le Wia si jan dii ma sariya, ma ne jan na heenŋ a kii nuu-kala.]

¹⁵⁻¹⁶ Ma Wia teniŋ kerichiba ari ma Farisii tinŋaa, ma kanfugi timma-la, ma jan na heenŋ. Ma yie sii a duori linŋ a mu tinŋeyee donsunŋ a bul Wia wiaa dime. Di ni-bala ne laa dii, ma yie lenŋ u wasa bonŋ a nage ma si nage nii ne. Wia ma jan jonu he nyininŋ le ari u si jan jonŋa he nii. Ma nyulun sipaa-laaraa, ma jan na heenŋ. Ma yie bul, 'Di nuu ne ŋmiese Wia-dia, u bi ŋmianŋ ŋaa, ama duu ne ŋmiese selime kialinŋ si he Wia-dia tuon, u chaasa ŋmiese ŋmianŋ ne.' ¹⁷ Ma nyulun-too ne! Selime kialinŋ si he Wia-dia tuon ari dia-la si ŋaa selime-la bi disinninŋ kene, deenba balia tuon kubee ne yuga? ¹⁸ Ma bira bula di nuu ne ŋmiese koru-la le ba si kpu pusunŋ pipi Wia, u bi chaasa ŋmiese ŋmianŋ, ama duu ne ŋmiese ku-la ba si yie jonŋ dan koru-la nyunŋ a pi Wia, u chaasa ŋmiese ŋmianŋ ne. ¹⁹ Ma nyulimaa, ku-la ba si yie jonŋ dan koru-la nyunŋ ari koru-la si ŋaa di ku-la bi disinninŋ kene, kaaa deenba balia tuon kubee ne yuga? ²⁰ Nii wiaa di nuu ne ŋmiese koru-la le ba si yie kpu pusunŋ pipi Wia, u yie ŋmiese ba di ku-la kala ne ba si yie jonŋ danŋ u nyunŋ a pi Wia. ²¹ Di nuu ne bira ŋmiese Wia-dia, u ŋmiese Wia dia-la ari Wia kala ne, bee wiaa Wia he dia-la le ne. ²² Di nuu ne bira ŋmiese Wia-jan, u ŋmiese Wia kuori-kpasa-la ari nii-la si hoŋ u le ma ne.

²³ Ma Wia teniŋ kerichiba ari ma Farisii tinŋaa, ma kanfugi timma-la, ma jan na heenŋ. Di ma jaa pipaari-la suora si sima, ari pipaari-la si heye, ari pipaa-diilee, ma yie kenŋba kala kaa kpaaleree fii fii a jonŋ ba kun-kala lerinŋ donŋ a pi Wia anŋ via di ma to siifanŋ wialinŋ Moosis fa si bile pima

di ma tuto. Ba ne nla: Má to wutitii wonjbiinj a fá niaa nennige a laa Wia dii. U maga di ma kpaá ma kialinj leree fii fii ne a jonj kubala pi Wia, ama u bi maga di ma via wutitii wonjbiinj. ²⁴ Ma nyulunj sipaa-laaraa! Ma yie chuori ma sininj a liise nanjhuosunj kala ta anj bi buntanjabá na anj lilinj.

²⁵ Ma Wia teninj kerichiba ari ma Farisii tinjaa, ma kanfugi timma-la, ma janj na heej. Ma yie chesé ma nyunyualusunj ari ma gbanjsinj harinj worunj di ba zonj anj bi ba tuonj ka tiisi, ka ba tuonj kala birisi. Ma nage nyunyualunj ari gbanjsinj deenba ne. Ma yaraa ne zomó, ama ma tuonj le ma to ma tuotoronj le a gigaa niaa kíaa. ²⁶ Ma nyulunj Farisii tinjaa, má laa sipaanj tiisi ma nyunyualunj tuonj anj-na tiisi harinj ma duu zonj.

²⁷ Ma Wia teninj kerichiba ari ma Farisii tinjaa, ma kanfugi timma-la, ma janj na heej. Ma nage vaamaa ba si kenj tuoronj buge ne. Ba harinj zonj, anj ka ba tuonj kala sú ari hanjgbelee ari ni-suununj. ²⁸ Nii titia ne ma ma nage niaa teenj. Di ba nama, ba yie biine di ma njaa ni-zomó ne, ka ma tuonj sú ari wu-bonjbonj ari kanfugi wu-njaalaa.

Yesu bul niaa dogisunj wiaa.

Luuk 11.47-51

²⁹ Ma Wia teninj kerichiba ari ma Farisii tinjaa, ma janj na heej. Ma kpu nialinj fa sii bul wiaa, Wia Din-zonj-la dolunj le, anj ka ma saa ba vaamaa. ³⁰ Ma si, 'Di la ne fa he dime bua-la le la naabalimaba fa si he ba miisinj le, la fa bi janj njaa nii ba si njaa a kpu nialinj.' ³¹ Ama ma si yireba ma naabalimaba nii, ma sene sei ari ma njaa nialinj si kpu nialinj fa sii bul wiaa, Wia Din-zonj-la dolunj le, ba doho niaa ne. ³² Má saa mu a dere wialinj ma naabalimaba fa si suomo a njjaa. ³³ Ma ni-bonjbonj ari ma ni-bonjbonj biirinj, ma biina ari ma janj wuo fá kage Wia nyinj-la lee? Ai. ³⁴ Nii wiaa, mi janj bira tinj nialinj sii bul wiaa, Wia Din-zonj-la dolunj le ari wu-jinnaa ari kerichiba. Ma janj kpu donjsunj a kenj donjsunj kpaasa mere daa-gesee nyunj, a viire donjsunj maa, ma Wii-chuole diisinj le, a to naasinj dogise donjsunj maa tasinj donjsunj le. ³⁵ Wia janj dogise jininj niaa a tinj ba si kpu niaa, a chinj bua-la le ba si kpu nialinj si bi wii cheye, a suomi Ebil le a kaa ko bua-la le ba si kpu Zekaraya, Berakia bie. Ba kpuu Wia-dia tuonj a kpage koru-la nyunj ba si yie nyige pusunj pipi Wia ne. Ba cheerinj janj he ba nyunj. ³⁶ Wutitii ne mi bulaa pima, dogisunu-la Wia si janj dogise ni-kpuuraa deenba, u janj jonj dogise jininj niaa.

Yesu bul wiaa a tige Jerusalem niaa le

Luuk 13.34-35

³⁷ Ma Jerusalem niaa, ma kpu nialinj sii bul wiaa, Wia Din-zonj-la dolunj le a jonj tabiaa a yage tinjdaara-la Wia si tima di ba ko ma teenj. Naansijnj yuga ne mi fa cho di mi chu to ma niaa kala ari jininj si yie chu to u biirinj nii, ka ma bi seye. ³⁸ Bee na, Wia janj lenj ma tanj pima. ³⁹ Ma bira bi janj nami see bua-la le ma si janj chuolemi a bul, 'Wia janj pe nii-la sii ko la Tiina Wia dolunj le.' "

24

Yesu bul Wia-dia nmolonunj wiaa

Maak 13.1-2; Luuk 21.5-6

¹ Nii ne Yesu sii lii Wia-dia-la le a viiri. Nii ne u haritooro ko a bula pu duu bee na Wia-dia-la si zomó nii, u janj kala ma saa zomó nii ne. ² Nii ne Yesu si, "Oo, ma bee na u si zomó nii ne. Wutitii, mi bulaa pima, ba janj nmoo janj-la kala lo. Ba bi janj lenj di tiebii-bala ma ka danj u donj le."

Dogisunj ari wiwalimaa.

Maak 13.3-13; Luuk 21.7-19

³ Nii ne Yesu mu honj Oliv peel-la nyun. U haritooro luora ko u teen a bira piesu a bul, "Bua bee le ne wiaa deenba janj nja? Bee kiaa ne la jan na a jinj bua-la le nj si janj ko, ari bua-la le dunia si janj dere?" ⁴ Nii ne Yesu bula piba a bul, "Ma keñ ma titia worunj di nuu-kala sima nyisu. ⁵ Niaa janj yuge a ko a jonj mi yirinj he ari ba ne nja Kirisito, a nyise niaa yuge. ⁶ Ma janj nii ari laalinj he daha a he di-bolii. Di ma ne ku nii nii, ma si leñe di ma boye jonj. Wiaa deenba kala janj nja bal, ama dunia diderinj ha dee nii. ⁷ Tinteenj donj niaa janj sii a mu a yuo tinteenj donj niaa. Tanj kuoro ari u niaa janj sii giri a mu yuo kuoro donj ari u niaa. Losunj ma janj juu. Tinteenj janj zigili leree yuge. ⁸ Heñ di-suomunj ne nja.

⁹ Ba janj kesema a jonjma he niaa nisinj le di ba dogisema anj kpu ma donsunj. ¹⁰ Tintee donsunj niaa kala janj berema a tinj mi wiaa. Bua-la le niaa janj yuge a jonj ba yarida ta, ba janj jonj donj yiyalle, a bere donj maa. ¹¹ Nialinj si nyia wiaa a bul di baa bul wiaa, Wia Din-zonj-la dolunj le, ba janj yuge a ko a nyise niaa yuge. ¹² Wu-bonjoo janj purike. A tinj nii wiaa niaa fa si cho niaa nii, ba chonu-la janj dere. ¹³ Ama nii-la kala si nyalime a mu dere, Wia janj laa ta. ¹⁴ Ba janj laa sipaanj bul Wia wu-zomj-la a tige Wia kuorii-la le lee-na kala di dunia nuu-kala nii, ka di dunia diderinj-na yi.

Yesu bul wiaa a tige ku-loru-la si janj he dime

Maak 13.14-23; Luuk 21.20-24

¹⁵ Ma janj na ku-loru-la, u wiaa Daniel fa si bula. Daniel fa nja nii-la sii bul wiaa, Wia Din-zonj-la dolunj le ne. Ba janj jonj ku-la bil Wia-dia le, lee-la si bi disinninj kene (lee-la nii-la si keñ disinninj si bi maga duu mu). Ma nialinj si karime wiaa deenba, ma janj jinj ba bubuosa. ¹⁶ Di ma na nii, ma leñ di nialinj si he Judiya le, di ba fa jil peelee nyun a faa. ¹⁷ Di nuu ne he u lusunj nyun a nii wiaa deenba, di u ne ku tuu, duu si u dia juu a chiche duu paa u kiaa dia le. ¹⁸ Di nuu-kala ne he u бага le a nii wiaa deenba, duu si miira mu dia a chiche duu paa u genninj. ¹⁹ Nialinj si keñ luoroo ari nialinj si noge biirinj, oi, ba janj na heñj worunj. ²⁰ Ma sul Wia di wiinj deenj si yibiininj koo che-wiesinj nja. ²¹ Wia si nja dunia a kuu lii jininj, nuu-kala ha bi he-yiri deenj na a nage nii, ba bira bi janj na heñj nii a kaa mu wuu. ²² Di Wia fa bi tapulia-la kere ta, ni-bala ma fa bi janj ka. Ama nialinj Wia si liisa di baa tou, ba wiaa ne ti u keru tapulia-la ta. ²³ Di nuu-kala ne bula pinj di nj beñ daha a na Kirisito-la, koo di nj beñ dime a nau, si yarida nja. ²⁴ Niaa donsunj janj sii fugo bul di ba ne nja Kirisito, nii-la Wia si liisa. Donsunj ma janj sii fugo bul di ba nja nialinj sii bul wiaa, Wia Din-zonj-la dolunj le ne. Ba janj nja wu-magilaa ari wu-kpunjkerisinj kala a chiche di ba nyise nialinj Wia si liisa di baa toba. ²⁵ Wiaa deenba kala mi laa sipaanj bula pima ne, ka di bua-la-na yi. ²⁶ Ma bee na, di niaa ne bula pima ari nii-la Wia si liisa ne he giri-bine tuonj, ma si dime mu, koo di ba ne bula pima ari u ne faa daha, ma si laa dii, ²⁷ bee wiaa bua-la le mi-na Nuhuobiine Bie si janj miira ko, u janj nage duonunj si ligisa, pulumunj chaane wia nyunj nii a lii wii-pusunj a tuu wii-juulunj. ²⁸ Lee-la kala ku-pua si pina, duunoo ma yie hihilimi ne."

Nuhuobiine Bie koonunj wiaa

Maak 13.24-27; Luuk 21.25-28

²⁹ Nii ne Yesu bira bula piba a bul, "Tapulia-la heeŋ deen si jan dere, u bira bi jan dieni, di taŋ ne pula maa, lerin jan biri, chene ma bira bi jan poŋe. Chenwulaa jan lii wia nyun ku tuu titel. Ba jan kiri wia nyun kialin kala si keŋ dolun di ba lii ba leree. ³⁰ Nii ne ma jan na mi-na Nuhuobiine Bie magilin wia nyun. Di dunia niaa ne nau, ba kala jan yel. Nii le ne ma jan na mi-na Nuhuobiine Bie, di mi to duonbilingbaanaa tuon ku tuu. Mi jan keŋ dolun yuge a chaane. ³¹ Nii ne ba jan nmuu nyil-balin, a tin Wia tinjaaraa di ba mu dunia seme-na kala a keŋ nialin kala Wia si liisa di baa tou a hilimi.

Yesu bul tutogo wiaa

Maak 13.28-31; Luuk 21.29-33

³² Di ma na sojaamin ne kuu toŋe, ma jima ari linbaŋa yie ne. ³³ Namaga deen dagema wu-jimin ne. Di ma na wiaa deenba kala di baa ŋaa, ma jin di mi-na Nuhuobiine Bie kpaga ne. ³⁴ Wutitii mi bulaa pima, ma leele niaa deenba si he miisin le bi jan suu, ka wiaa deenba ŋaa bal. ³⁵ Wia nyun ari tinteen kala jan dere, ama wialin mi si bula bi jan lel.

Yesu bul duu jan ko bua-la le la si buu yiele

Maak 13.32-37; Luuk 17.26-30, 34-36

³⁶ Ama nuu-kala bi jan jin chee-la wiaa deenba si jan ŋaa. Wia tinjaaraa si he Wia-jan ma paala bi jan jin, see mi Nyimma dunɔɔŋa. ³⁷ Bua-la le mi-na Nuhuobiine Bie si jan miira ko, u jan nage bua-la le Nowa fa si he u miisin le ne. ³⁸ Ka di duonun nii a su dunia, nialin dii kudiilee a nyunyua sinin. Baalaa ari haalaa ma jijaa donɔ a mu yi tapulii-la Nowa fa si juu liin daboro-la tuon. ³⁹ Ba fa bi jin wii-la kala si ŋaa see bua-la le lii-la si ku pelle paa ba kala, ba suu. Nii titia ne jan ŋaa bua-la le mi-na Nuhuobiine Bie si jan ko. ⁴⁰ Bua-la le baalaa balia jan pipere бага le. Wia jan jon donɔ an leŋ donɔ ta. ⁴¹ Haalaa balia ma jan nunon munun nomun le. Wia jan jon donɔ an leŋ donɔ ta. ⁴² Ma saa keŋ ma titia worun, bee wiaa ma bi jin tapulii-la ma Tiina si jan ko. ⁴³ Di nuu ne fa jin bua-la le gaara si jan ku gaa u kiaa u dia le, u fa jan hono po u dia. U fa bi jan pin don. U jan wei a po di gaaru-la si ku juu a gaa u kiaa. ⁴⁴ Ma ma saa ŋaa siri, bee wiaa mi-na Nuhuobiine Bie jan ko bua-la le ma si buu yiele."

Nii-la si ŋaa tintinni-titii ari nii-la si bi tintinni-titii ŋaa

Luuk 12.41-48

⁴⁵ Nii ne la Tiina Yesu miira pieseba a bul, "Kube ne saa ŋaa tintinni-titii-la si jin wiaa? U ne nii-la u kuhian si yie liise duu biben u dia, an pe pipi u tintinni-donsun ma kudiilee. ⁴⁶ Di tintinni-la ŋaa wialin u kuhian si dagu duu ŋaa, u tuon jan toŋe bua-la le u kuhian-la si jan miira ko. ⁴⁷ Wutitii, mi bulaa pima, u kuhian-la jan jon u kiaa kala he tintinna deen nisin le duu biben. ⁴⁸ Ama di tintinni-bomola ne bula pi u titia ari u kuhian-la jan dieni ⁴⁹ an suomo nmunmoo u tintinni-donsu-la, baalaa ari haalaa, an faasa didii kudiilee a nyua sinin bubugi, ⁵⁰ duu ŋaa nii, u bi siri ŋaa gberu u kuhian-la. U kuhian-la jan ko tapulii-la le u si bi yiela. ⁵¹ U jan dogisu worun an kenu kaa mu he lee-la kanfugi timma-la si he. Lee-la ne niaa jan yel an didin ba nyilaa."

1 Nii ne Yesu bira mage namaga. U si, "Bua kubala le Wia kuorii-la jan nage nla: Haalaa fii ne fa he dime. Ba sii a paa ba chaanaa a mu di ba cheŋ ha-faliŋ bala, ha-jaari gbiele-la le. 2 Haala-la deenba tuon banon yaare, ka banon ma keŋ wu-jimin. 3 Banon-la si yaara, ba bi nuun logo kori, di ba chaanaa ne disa, di ba jonŋ he. 4 Ama banon-la si keŋ wu-jimin, ba loge nuun kori. 5 Ha-faliŋ bala-la bi lima ko. Ba gberε gberε lol an jonŋ piŋ don. 6 Tita-siesee niaa yire, 'Má bee na baal-la ni ko, má ku lii chemu.' 7 Nii ne haala-la kala sii a keŋ ba chaanaa milima ta di ba jil. 8 Nii ne ni-yaara-la bula pi wu-jinna-la a bul, 'La chaanaa che di ba dise ne, má pila nuun mua.' 9 Nii ne wu-jinna-la bula piba a bul, 'Ai, ŋ bi poɔ nuu-la bi jan yi la kala. Má mu yoɔ ma titia nuun.' 10 Nii ne ba mu di ba yoɔ. Ba si mua di ba yoɔ nuu-la, ha-faliŋ bala-la ko. Haala-la banon fa si ŋaa siri, ba to u hariŋ a juu ha-jaari gbiele-la leriŋ, ka ba keŋ boiŋ to. 11 U nii hariŋ le haalaa banon-la ku-kaanaa ma ko a bul, 'La Tiina, la Tiina, keŋ boro suro pila.' 12 Nii ne u bul, 'Wutitii, mi bulaa pima, mi bima jin.' 13 Nii wiaa má po ma titia le woruŋ. Ma bi jin tapulii-la la Tiina Yesu si jan ko."

Yesu mage namaga a tige tiŋtinnaa batori le.

Luuk 19.11-27

14 Nii ne Yesu bira mage namaga a tige Wia kuorii-la le. U si, "Bua kubala le Wia kuorii-la jan nage baal kubala si keŋ u tiŋtinnaa ne. Tapulii kubala u sii duu ven wonbiin. Nii ne u yire u tiŋtinna-la ba ko. U jonŋ u kiaa he ba nisij le di ba biben. 15 U keŋ kialij kaa kpaaba nii nuu-kala si wuo biben. U jonŋ siidi bui zo-balia a pi doŋo duu biben, a jonŋ siidi bui mahin banese a pi doŋo maa an jonŋ siidi bui mahin balia a pi doŋo-la maa. Nii ne ka u ven u wonbii-la. 16 Tiŋtinni-la si laa siidi bui zo-balia-la, u kaa mu a yoɔ kiaa a yalle a na siidi bui zo-balia nyuuruŋ. 17 Tiŋtinni-la ma si laa siidi bui mahin banese-la, u ma keŋ u kiaa bibirime, a ma na siidi bui mahin banese nyuuruŋ. 18 Ama tiŋtinni-la si laa siidi bui mahin balia-la, u-na kaa mu lu bua a jonŋ moribie-la a hugi. 19 U diene woruŋ, ka tiŋtinna-batori kuhian-la ko a yireba duu na ba kuŋ-kala si na nyuuruŋ mage nii. 20 Tiŋtinni-la si laa siidi bui zo-balia-la keŋ u kiaa ku juu an bula pi u kuhian a bul, 'N pimi siidi bui zo-balia ne, mi ma na siidi bui zo-balia ne pe.' 21 Nii ne u kuhian-la bula pu a bul, 'N ŋaa tiŋtinni-titii ne. N he doluŋ ne a wuo ben kubii-bie-la nyuŋ woruŋ, mi jan len di ŋ biben ku-kenεε. Ku juu di la di ŋ kala ninii sima.' 22 Nii ne tiŋtinni-la ma si laa siidi bui mahin banese-la ma keŋ u kiaa kaa ku juu a bula pi u kuhian a bul, 'N pimi siidi bui mahin banese ne. Mi ma na siidi bui mahin banese ne a pe.' 23 Nii ne u bula pu maa, 'N ma ŋaa tiŋtinni-titii ne, ŋ ma he doluŋ ne a wuo ben kubii-bie-la nyuŋ woruŋ, mi ma jan len di ŋ biben ku-kenεε. Ku juu di la di ŋ kala nii sima.' 24 Nii ne tiŋtinni-la u si jonŋ siidi bui mahin balia pa, u ma ku juu a bul, 'Mi kuhian, mi jima ari ŋ ŋaa ni-tere ne, ŋ yie kukuŋ kialij ŋ si bi duo ne an pipaa kialij lee-la ŋ si bi tima. 25 Nii ne tii mi fifan a jonŋ moribie-la a hugi tiŋteen di ŋ ko. Laa ŋ moribiee.' 26 Nii ne u kuhian-la bula pu a bul, 'N ŋaa tiŋtinni-bon ne a keŋ yariwiin. N jima ari mi yie kukuŋ kialij mi si bi duo ne a paa kiaa lee-la mi si bi tima. 27 N si jin nla le, u fa maga di ŋ jonŋ mi moribiee bil lee-la ba sii bil moribiee ne. Mi fa si miira ko nla, mi fa jan laa moribie-la ari mi nyuuruŋ kala. 28 Nii-na má laa moribie-la u teen a jonŋ pi nii-la si keŋ siidi bui zo-banese-la.' " 29 Nii ne Yesu bula piba a bul, "Nii-la si paala keŋ kiaa yuge ne, Wia jan wasa che a pe pu duu kaa yuge kinkeŋ, ama nii-la si bi faasa

keŋ kīaa yuge, muapilii-la ma u si kene, Wia jaŋ kaa laa u teŋ. ³⁰ Má keŋ tiŋtinni-bómó-la a joŋu yuo ta birimiŋ tuóŋ. Lee-la ne nialin jaŋ yel aŋ didin ba nyilaa.

Sariya che-diili-la si jaŋ yi

³¹ Di mi-na Nuhuobiine Bie ne dii mi kuoruŋ a kó, mi di Wia tiŋdaaraa kala jaŋ kó. Nii ne mi jaŋ hoŋ mi kuori-kpasa nyuŋ a chaane. ³² Dunia nuu-kala jaŋ ku hilimi mi sipaan. Mi jaŋ keŋba kaa kpaa leree balia, ari pie-daara si yie keŋ u piesee póre buunaa le nii. ³³ Mi jaŋ leŋ di tuó-pul tiŋŋaa chinŋ mi na-diin, ka di tuó-bóŋ tiŋŋaa ma chinŋ mi na-gua. ³⁴ Nii ne kuoro jaŋ bula pi nialin si chinŋ u na-diin a bul, 'Má kó. Mi Nyimma Wia ne pema le. Má ku dii Wia kuorii-la ba si wasa bilma le dunia di-suomuŋ. ³⁵ Bée wīaa, bua-la le losuŋ fa si keŋmi, ma ŋaa kudiilee pimi mi dii, bua-la le lii-nyuasuŋ ma fa si keŋmi, ma ŋaa liinŋ pimi mi nyua ne. Bua-la le mi fa si ŋaa nuhuóru, ma keŋmi woruŋ ne. ³⁶ Bua-la le mi fa keŋ yaribiree ne, ma joŋ gerin laalemi. Bua-la le mi fa síi wiilu, ma beŋ mi nyuŋ ne, bua-la le ba si keŋmi tó dia, ma ku nami ne.' ³⁷ Tuó-pul timma-la jaŋ piesemi a bul, 'La Tiina, che bée ne la naŋ di losuŋ keŋin la joŋ kudiilee pin, che bée ne lii-nyuasuŋ keŋin la ŋaa liinŋ pin? ³⁸ Che bée ne la naŋ di ŋ ŋaa nuhuóru la keŋin woruŋ, koo che bée ne la ma naŋ di ŋ keŋ yaribiree la joŋ gerin laalin? ³⁹ Che bée ma ne la naŋ di ŋ wiilu, koo di ba keŋin tó dia la ku naŋ?' ⁴⁰ Kuoru-la jaŋ bula piba a bul, 'Wutitii ne mi bulaa pima, bua-la kala le ma si ŋaa wu-zómuŋ a pi mi naanbiirinŋ deŋba tuóŋ nii-la si bi lee kene, ma ŋaa nii pimi ne.' ⁴¹ Nii ne u jaŋ bula pi nialin si he u na-gua a bul, 'Má surise mi seme, Wia via ma wīaa ne. Má mu a juu nyin-la si bi dise. Wia he nyin-la bil Sitaani ari u tiŋdaara-la ne di ba ku juu. ⁴² Bée wīaa bua-la le losuŋ fa si keŋmi, ma bi kudiilee ŋaa pimi, bua-la lii-nyuasuŋ fa si keŋmi, ma bi liinŋ ŋaa pimi. ⁴³ Bua-la le mi fa si ŋaa nuhuóru, ma bimi kene woruŋ. Bua-la le mi fa si keŋ yaribiree maa, ma bi gerin joŋo laalemi. Bua-la le mi fa síi wiilu maa, ma bi ku nami. Bua-la le ba si keŋmi tó dia maa, ma bi ku nami.' ⁴⁴ Nii ne ba jaŋ piese kuoru-la a bul, 'La Tiina, che bée ne losuŋ keŋin koo lii-nyuasuŋ keŋin koo ŋ fa ŋaa nuhuóru koo, ŋ fa keŋ yaribiree koo, ŋ fa wiilu koo, ba keŋin tó dia aŋ ka la bi ŋ le pé?' ⁴⁵ Kuoru-la jaŋ bul, 'Wutitii ne, bua-la kala le ma si via di ma pe nii-la si bi lee kene mi nīaa tuóŋ, ma via di ma pemi ma le ne nii.' ⁴⁶ Nii ne ba jaŋ juu lee-la hee-la si bi dere, aŋ ka di tuó-pul tiŋŋaa ma juu lee-la miisi-la si bi dere."

26

Ba vuura di ba kpu Yesu

Maak 14.1-2; Luuk 22.1-2; Joŋ 11.45-53

¹ Yesu si dage nīaa dere, u bula pi u haritooroo a bul, "Ma jima, ² tapulaa balia ne ka, ka di diisinŋ kieliŋ gbiele-la yi. Bua-la le ba jaŋ keŋ mi-na Nuhuobiine Bie a joŋmi he nīaa nisinŋ le di ba kpaasemi daa-gesee nyuŋ."

³ Nii ne nialinŋ si kpu pusun pipi Wia kuhiasinŋ ari Juu tiŋŋaa kuhiasinŋ, ba hilimi Kayafas dia le. Bua-la le u fa ŋaa nii-la si kpu pusun pipi Wia kuhianŋ ne. ⁴ Ba hilimi a vuvuure ba si jaŋ to wonbii-la a luora keŋ Yesu a kpu. ⁵ Ama ba bul di ba síu keŋ ba che-bal-la, di ba ne ŋaa nii, nīaa jaŋ ŋaa taaweí.

*Ba keŋ nuuŋ tiŋe Yesu**Maak 14.3-9; Ɔɔɔŋ 12.1-8*

⁶ Yesu fa si he Betani le nii, u mu hoŋ baal kubala dia le baa yire Saamonŋ. Saamonŋ fa ŋaa gbege ne an duori. ⁷ Yesu fa si dii kiaa Saamonŋ dia le, haal kubala ko u teenŋ a keŋ tulaali ari loŋ a joŋo bise he u nyuŋ le. Tulaalii-la yalliŋ heye. ⁸ U haritooro-la si na nii, ba baaniŋ sii. Ba gurima pipiese doŋo a bul, “Beɛ ne tii haala deenŋ keŋ nuu-la kaa chei ŋla?” ⁹ Ba fa jan wuo joŋ tulaalii-la a yalle a na moribiee yuge a joŋo pi summoo.” ¹⁰ Ama Yesu fa jin wii-la ba sii bul. Nii ne u pieŋeba a bul, “Beɛ ne tii ma wiwalime haala deenŋ? Wu-zoŋ ne u ŋaami le. ¹¹ Ma di summoo jan he dime bua-na kala le, ama la di ma bi jan he dime deenŋ deenŋ. ¹² U bise tulaalii-la hemi le a ŋaa siri di mi ne suba, di ba joŋmi hugi. ¹³ Wutitii ne mi bulaa pima, dunia ŋeme-na kala ba si jan wuo mu a bul Wia wu-zomo-la, ba jan liisi haala deenŋ ma wiaa a bul.”

*Judas seye duu joŋ Yesu yalle**Maak 14.10-11; Luuk 22.3-6*

¹⁴ Nii ne Yesu haritooro-la fii ari balia doŋo mu nialiŋ si kpu pusun pipi Wia kuhiasin teenŋ. U yirinŋ ne fa Judas Isikarot. U pieŋeba a bul, ¹⁵ “Di mi ne keŋ Yesu yalle a pima, beɛ ne ma jan pimi?” Nii ne ba diise moribii-biinŋ mara ari fii a joŋo pu. ¹⁶ A chinŋ bua-la le Judas suomo chiche wonbii-la u si jan to a keŋ Yesu yalle a piba.

*Yesu ari u haritooroo dii diisinŋ kielinŋ gbiele-la kudiilee**Maak 14.12-21; Luuk 22.7-13, 21-23; Ɔɔɔŋ 13.21-30*

¹⁷ Gbiele-la le ba si yie dii boroboro-la si bi si-burunŋ keŋe, ba che-bunŋ, Yesu haritooroo ko u teenŋ a piesu a bul, “Nii ne ŋ cho di la mu ŋaa diisinŋ kielinŋ gbiele-la kudiilee di ŋ ku dii?” ¹⁸ Nii ne Yesu bula piba a bul, “Ma mu juu taŋ-la tuonŋ. Ma mu baal kubala teenŋ. Ma mu bula pu a bul, ‘La kuhianŋ si, bua-la le u sii che di ba di u haritooroo dii diisinŋ kielinŋ gbiele-la kudiilee yie ne, laa che di la dii kia-la ŋ dia le ne.’” ¹⁹ Nii ne Yesu haritooro-la ŋaa nii ari Yesu si dageba a ŋaa diisinŋ kielinŋ gbiele-la kudiilee ba dii.

²⁰ Wia si jua, Yesu ari u haritooro-la fii ari balia-la ku juu hoŋ a didii kudiile-la. ²¹ Ba sii dii kiaa nii, nii ne Yesu bula piba a bul, “Wutitii ne mi bulaa pima, ma doŋo jan joŋmi yalle.” ²² Nii ne u haritooro-la tuonŋ chei. Ba suomo pipiesu, kuŋ kuŋ. Doŋo yie pieŋe, “Mi Tiina, mi nee?” ²³ Nii ne Yesu bula piba a bul, “La di nii-la si chala keŋ boroboro tuu yuu gbanja tuonŋ ne jan joŋmi yalle. ²⁴ Mi-na Nuhuobiine Bie jan suu ari ba si ŋmunŋe nii a tigemi le. Ama nii-la si jan joŋ mi-na Nuhuobiine Bie yalle, aa, u jan na heeŋ yuge. Ba fa si buu lula ne kpia.” ²⁵ Nii ne Judas zeŋbe tiina-la pieŋe Yesu a bul, “Mi ne ŋ didagee?” Nii ne Yesu bula pu a bul, “Oo, ŋ ne.”

*Kudiile-la Yesu si si di ba dii a liliisi u wiaa**Maak 14.22-26; Luuk 22.14-20; 1 Kor. 11.23-25*

²⁶ Ba si hono didii kiaa, nii ne Yesu sii a joŋ boroboro a lolle Wia anŋ kaa choŋe choŋe a joŋo pi u haritooroo a bula piba a bul, “Ma laa. Mi yaraa namia ne nii.” ²⁷ Nii ne u bira joŋ nyunyuala maa ari sininŋ. U lolle Wia anŋ joŋo piba a bul, “Ma kala nyua nyunyual-bala-la tuonŋ, ²⁸ beɛ wiaa mi chalinŋ ne nii. Chalinŋ deenŋ wiaa ne tii Wia ta niinŋ ma teenŋ. Mi chalinŋ jan jaase ni-keŋe wiaa, di Wia joŋ ba haacheba cheba. ²⁹ Mi bulaa pima, mi

bira bi jan ko di mi nyua sining deen, see tapulii-la mi si jan ko, nii ne mi jan nyua si-falin mi Nyimma Wia kuorii-la tuonj.”

³⁰ Nii ne ba yii Wii-chuole yiilin anj sii lii a mu peel kubala baa yire Oliv.

³¹ Nii ne Yesu bula piba a bul, “Titanj deen titia ma kala jan fa viiri a tinj mi wiaa. Ba nmunse Wia teninj tuonj di ba jan kpu pie-daara anj ka piesee fa pise. ³² Ama Wia jan chisemi suunj le. U ne chisemi, mi jan laa ma sipaanj a mu Galilii.”

Yesu bula pi Piita ari u jan bul u buu jinj.

Maak 14.27-31; Luuk 22.31-34; Jɔɔɔ 13.36-38

³³ Nii ne Piita bula pi Yesu a bul, “Di ba kala fa maa anj leninj, mi-na bi jan miire nj harinj da.” ³⁴ Nii ne Yesu bula pu a bul, “Wutitii ne, jininj titanj deen nj-na Piita, nj jan bul naansiinj butori ari nj bimi jinj, ka di ji-bele-na yel.” ³⁵ Nii ne Piita bula pu a bul, “La dinj paala susuu maa, mi bi jan bul ari mi binj jinj.” Ku-kaana-la ma kala bul njii.

Yesu chuole Wia Getisemani le

Maak 14.32-42; Luuk 22.39-46

³⁶ Nii ne Yesu ari u haritooroo mu juu lee kubala baa yire Getisemani. Yesu bula pi u haritooroo di ba honj daha, ka u mu chuole Wia anj ko. ³⁷ U kenj Piita ari Zebidii biirinj balia a kaa mu dime. U tuonj faasa chei worunj. U tuonj bi pina. ³⁸ U bula pi u haritooroo a bul, “Mi tuonj kala ne cheye a mage di mi suu. Ma honj di la kala po na.” ³⁹ Ba honj. Ka u surisa mu sipaanj mua a tuu pina chigi tinteenj a sul Wia a bul duu ne kenj wonjbiinj, duu si leje di wii-la juu-u le a bira bul, “Mi Nyimma, di nj nii che, liise hee-la sii ko mi le. Ama mi-na nla tuotorunj le dee, nj-na tuotorunj le ne.” ⁴⁰ U chuola dere anj sii ko u haritooroo teenj di ba pinj donj. Nii ne u piesee Piita a bul, “Nj pina nee? Nj bi donj muapilii ma wuo beree a diene yi hawa kubalaa? ⁴¹ Ma chuole Wia a pupo di Sitaani si wuo nyisema. Ma tuonj le ma cho di ma nja wu-zonjoo, anj ka ma bi dolunj kene.” ⁴² U bira mu a chuole Wia liaminj le a bira bul, ⁴³ “Mi Nyimma, di nj ne bi sei di nj laa heenj deen mi nisinj le, lenj di wii-la nj sii che, duu nja.” U miira ko di ba bira pinj donj, bee wiaa donj kenjba ne worunj. ⁴⁴ Nii ne Yesu mu chuole Wia torimunj le a bira bul njii titia. ⁴⁵ Nii ne u miira ko u haritooroo teenj a pieseeba, “Ma ha pinaa wiesi nee? Ma bee na, bua-la yie ne. Ba jan kenj mi-na, Nuhuobiine Bie a pi haache diiree. ⁴⁶ Ma sii la mu. Nii-la si jan jonjmi yalle ka ko ne.”

Ba kenj Yesu

Maak 14.43-50; Luuk 22.47-53; Jɔɔɔ 18.3-12

⁴⁷ Yesu ha bi wiaa bula dere, di Judas nii ko njii. U fa nja Yesu haritooro-la fii ari balia donj ne. Niaa yuge a tuto u harinj. Donsunj kori tokobiee ari tanguloo. Nialinj si kpu pusunj pipi Wia kuhiasinj ari ba tanj kuhiasinj ne tinjba, ba ko. ⁴⁸ Zenje tiina-la fa pi nialinj magil ne a bul, “Nii-la mi si mu guori, u ne njii. Ma kenu.” ⁴⁹ Nii ne Judas venj tegi a mu Yesu teenj a bula pu, “Mi kuhianj, mii chuolunj”, anj guoru. ⁵⁰ Nii ne Yesu bula pu a bul, “Mi nanjdonj, bee ne tii nj he daha?” Nii ne ba kala guriku a kenu. ⁵¹ Yesu haritooro-la donj liise u tokobii a ta nuu digilinj keru. Nii-la fa nja nialinj si kpu pusunj pipi Wia kuhianj dia-yomo ne. ⁵² Nii ne Yesu bula pu a bul, “Jonj nj tokobii a he u di-heelinj. Nii-la si liise tokobii, tokobii ne ba jan kaa kpuu. ⁵³ Nj bi jinj ari mi fa jan wuo yire mi Nyimma duu pemi lee? Di mi ne fa yiru, u fa jan ta u tinjdaaraa bui buiba di ba ku pemi le. ⁵⁴ Ama duu

ne fa saa n̄aa n̄ji, ɛɛ ne wialin̄ ba fa si n̄muɲsa Wia tenin̄ tuɔŋ jaŋ ku n̄aa wutitiiba?" ⁵⁵ N̄ji ne Yesu piɛse ni-dan̄-la a bul, "Mi n̄aa gaaru neɛ? Ma si keŋ tokobiee ari tanguloo a kuko di ma keŋmii? Ma na tapulii-na kala la di ma ne yie hoŋ Wia-dia le mi didage wiaa a pipima. An̄ ka ma bi walima di ma keŋmi dime." ⁵⁶ Ama wiin̄ deen̄ kala n̄aa di wialin̄ nialin̄ fa si bula, Wia Din̄-zɔŋ-la dolun̄ le ku n̄aa wutitii." N̄ji ne Yesu haritooro-la kala viau aŋ fá.

Yesu chin̄ nialin̄ si hilime wuvuure wiaa sipaan̄

Maak 14.53-65; Luuk 22.54-55, 63-71; Joŋ 18.13-14, 19-24

⁵⁷ N̄ji ne nialin̄ si keŋ Yesu, ba kenu kaa mu Kayafas dia. U ne fa n̄aa nialin̄ si kpu pusun̄ pipi Wia kuhian̄. Di Wia tenin̄ kerichiba ari ba tan̄ kuhiasin̄ kala hilimi dime. ⁵⁸ Piita daa tuto ba harin̄ a to juu nialin̄ si kpu pusun̄ pipi Wia kuhian̄ kaala. U juu kaala-la a mu hoŋ nialin̄ sii pɔ kaala-la teen̄ duu na wii-la si jaŋ n̄aa Yesu le. ⁵⁹ N̄ji ne nialin̄ si kpu pusun̄ pipi Wia kuhiasin̄ ari nialin̄ kala si yie hilime wuvuure wiaa chiche di ba nyia wiaa a tige Yesu le di ba kpuu. Ba che che wii ka. ⁶⁰ Niaa paala yuge ne a ku nyia wiaa pu, ama ba fa bi wuo na wii-kala u si n̄aa chei. ⁶¹ N̄ji ne niaa balia ku lii a bul, "Baala deen̄, u si u jaŋ wuo n̄moo Wia-dia-la lo an̄ bira saau tapulaa batori pege." ⁶² N̄ji ne nialin̄ si kpu pusun̄ pipi Wia kuhian̄ sii chin̄ a piɛse Yesu a bul, "N̄ bi nia niaa deen̄ba si bul wialin̄ a tigen̄ leɛ? N̄-na bi wii keɛ ɲ si jaŋ bul?" ⁶³ Yesu tɔre u niin̄. N̄ji ne nialin̄ si kpu pusun̄ pipi Wia kuhian̄ bula pu a bul, "Wia-la si weye yirin̄ le, bula pila, ɲ ne n̄aa Kirisito, nii-la Wia si liisaa? N̄ ne Wia Biee?" ⁶⁴ N̄ji ne Yesu bula pu a bul, "Mi-na ne, ama mi bulaa pima kala, a lii bua deen̄ le a kaa mu, ma jaŋ na mi-na Nuhuobiine Bie di mi hoŋ Wia seme, ni-duon̄ di-honun̄ a to duon̄bilingbaanaa tuɔŋ ku tuu." ⁶⁵ Yesu si bul n̄ji, nialin̄ si kpu pusun̄ pipi Wia kuhian̄ keŋ u gennin̄ kiese an̄ bul, "N̄ chei Wia yirin̄. U bi maga di la bira che dan̄siaba. Ma kala bi nia u si chei Wia yirin̄ nii?" ⁶⁶ Bɛɛ ne ma biine?" N̄ji ne ba bul, "U cheye ne. U maga di ba kpuu ne." ⁶⁷ N̄ji ne ba tu nan̄tuɔrun̄ he u siaa le a n̄mobu. Nialin̄ don̄sun̄ sii n̄mobu n̄la ne, ba bula pu a bul, ⁶⁸ "N̄-na Kirisito, nii-la sii bul wiaa, Wia Din̄-zɔŋ-la dolun̄ le, dage nii-la si n̄mobun̄."

Piita si u bi Yesu jin̄

Maak 14.66-72; Luuk 22.56-62; Joŋ 18.15-18, 25-27

⁶⁹ Piita si hoŋ kaala-la le, n̄ji ne nialin̄ si kpu pusun̄ pipi Wia kuhian̄ dia tin̄tinni-tolo kubala ku lii a bul, "N̄ ma faa to Yesu harin̄ ne, baal-la si lii Galilii." ⁷⁰ N̄ji ne Piita nyia wiaa a bul ba kala nii, "Mi bi Yesu jin̄. Mi bi wii-la ɲ si paala bubul jin̄," an̄ sii lii chin̄ zawura tuɔŋ. ⁷¹ Piita si chin̄ dime, n̄ji ne tin̄tinni-tolo don̄ɔ ma bira nau a bula pi nialin̄ si china kpagu a bul, "Baala deen̄ ma n̄aa Yesu si lii Nazaret haritooro-la don̄ɔ ne." ⁷² Piita bira nyia wiaa an̄ n̄miesa bul duu dee. ⁷³ Muasuaa nialin̄ si chin̄ dime ma bula pu a bul, "Wutitii ne, ɲ ma n̄aa ba don̄ɔ ne, ɲ yiikoro ne dage nii." ⁷⁴ N̄ji ne Piita n̄miese a bul, "Mi bi baala deen̄ jin̄." U si bul n̄ji dɛre di ji-bele ye. ⁷⁵ N̄ji ne Piita liisi wii-la Yesu si bula pu ari u jaŋ nyia wiaa a pu naan̄siin̄ butori, n̄ji ne u lii a faasa yel.

27

Ba keŋ Yesu mu Paalit teen̄

Maak 15.1; Luuk 23.1-2; Joŋ 18.28-32

¹ Tan-pul nialin si kpu pusun pipi Wia kuhiasin kala ari Juu tinjaa kuhiasin hilimi a vuure. Ba kala vuura di ba kpu Yesu. ² Ba kenu a vobu a kenu kaa mu Paalit teenj. U ne fa hon Rom kuori-balin nyun Judiya tinteen le.

Judas suba

Yesu nanz. tintinjaa 1.18-19

³ Judas zenbe tiina-la si nia di baa che di ba kpu Yesu ne, u tuonj chei ari u si yalle Yesu nii. U miira kenj moribii-biinj mara ari fii a kaa mu nialin si kpu pusun pipi Wia kuhiasin ari Juu tinjaa kuhiasi-la teenj a bul, ⁴ “Mi nja haache ne. Mi jonj nii-la si bi wii cheye yalle di ba kpuu.” Nii ne nialin bul di ba sipaa kala tuo dime. Di u wii ne. ⁵ Nii ne Judas jonj moribie-la a yuo ta Wia-dia tinteenj anj lii a mu yuo nmeninj. ⁶ Nialin si kpu pusun pipi Wia kuhiasin paa moribie-la anj bul, “Chalin moribiee ne nja. La kisin ne la jonba he Wia-dia moribiee le.” ⁷ Nii ne ba vuure di ba jinj wii-la ba si janj jonj moribie-la a nja. Ba jonj moribie-la yoo tinteenj. Lee-la ne ba huhugi nuhuoora. Ba laa tintee-la yoo pupoi-meere teenj ne. ⁸ Nii ne ba kenj lee-la yiyire chalin tinteenj ari jininj kala. ⁹ Ba si nja nii, wialinj Jerimaya fa si bul, Wia Din-zon-la dolun le ku nja wutitii. U fa si,

“Iziral doho niaa donsun sei di ba tinj moribii-biinj mara ari fii anj kenj Wia Tuo-pul Tiina-la.

¹⁰ Ba jonj moribie-la ba si miira laa a yoo tinteenj pupoi-meere teenj.

Mi Tiina Wia ne fa bula di mi nja nii.”

Paalit piese Yesu wiaa

Maak 15.2-5; Luuk 23.3-5; Jooj 18.33-38

¹¹ Yesu si chinj nii-la si honj kuori-balinj nyun sipaanj Judiya tinteenj le, nii ne kuoru-la piesu a bul, “N ne nja Juu tinjaa kuoro koo?” Nii ne Yesu bula pu a bul, “Oo, mi ne.” ¹² Ama nialin fa si kpu pusun pipi Wia kuhiasin ari Juu tinjaa kuhiasin si jonj cheerinj pu nii, u bi wii bula. ¹³ Nii ne Paalit piesu, “N bi wiaa deenba kala nia ba si bula a tigenj lee?” ¹⁴ Ama Yesu bi u niinj suru, u bi wu-bala ma bula. Wii-la kperi Paalit worunj.

Ba si di ba kpu Yesu

Maak 15.6-15; Luuk 23.13-25; Jooj 18.39-19.16

¹⁵ Di diisinj kielinj gbiele ne yie-na kala, Paalit fa yie lenj ba liise nialin ba si kaa to dia donj ne, nii-la niaa si cho. ¹⁶ Bua-la le di ba kenj baal kubala baa yire Barabas a to dia. ¹⁷ Ni-danj-la si hilime, nii ne Paalit pieseba, “Ni-bee ne ma cho di mi liisa pima? Barabas koo Kirisito, nii-la Wia si liisaa?” ¹⁸ Paalit fa jima worunj ari Juu tinjaa kuhiasin yaraa faa bieru ne, nii ne tii ba kenj Yesu kaa ko u teenj. ¹⁹ Paalit fa si honj sariya didiilinj nii, u haala tinj tinjaarinj a lenj di ba bula pu a bul, “Si baala deenj wii-kala nja. U nja tuo-pul tiina ne. Diaminj titaanj mi duosi wiaa a tigeu le ne. U wiaa wiimi worunj ne.” ²⁰ Nii ne nialin si kpu pusun pipi Wia kuhiasin ari Juu tinjaa kuhiasi-la nyise ni-danj-la he di ba bul di Paalit liise Barabas ta anj ka di ba kpu Yesu. ²¹ Nii ne Paalit piese ni-danj-la a bul, “Niaa deenjba baliaminj tuonj, kubee ne ma che di mi liisa pima?” Nii ne ba bul, “Barabas!” ²² Nii ne Paalit piese nialin a bul, “Anj ka Yesu ba sii yiru Kirisito, bee ne ma si mi kenu kaa nja?” Nii ne ba kala bul, “Lenj di ba kenu kpaasa mere daa-geese nyun.” ²³ Nii ne Paalit pieseba a bul, “Wu-bonj bee ne u nja?” Nii ne ba kpia a kii bunbun-la a bul, “Lenj di ba kenu kpaase daa-geese nyun.”

²⁴ Nii ne Paalit na ari goŋ-la yuga kinkeŋ, ari yuosuŋ jaŋ juu. Nii wiaa u bi wii-kala wuo ŋaa. Di liiŋ chiŋ u seme. U ŋaa a soŋ u nisaa nialiŋ sipaŋ aŋ bul, “Mi sipaa tuo baala deeŋ suunuŋ le. U he ma teeŋ.” ²⁵ Nii ne ni-dan-la kala bul, “Di la ne cheye wiŋ deeŋ le, leŋ di Wia doŋisela ari la biirin a tiŋ la si kpuu.” ²⁶ Nii ne Paalit liise Barabas ta a piba aŋ ŋaa ba viire Yesu aŋ joŋu piba di ba kaa mu kpaasa mere daa-geŋe nyuŋ.

*Laali-yuoroo moŋ Yesu le
Maak 15.16-20; Joŋ 19.2-3*

²⁷ Nii ne Paalit laali-yuoroo doŋsuŋ keŋ Yesu kaa juu Paalit dia kaala tuoŋ. Laali-yuoro-la ku-kaanaa kala ma ku peba le a hilimi. ²⁸ Ba wuri Yesu genniŋ kala aŋ joŋ geri-fiaŋ laalu ²⁹ a che soŋuŋ a kaa sua nyuŋ-chuulo a nage kuoro nyuŋ-chuulo a joŋo chuu a joŋ daantiga he u na-diŋ le aŋ tuu kpirimi u sipaŋ a moŋu le a bul, “Juu tinŋaa kuoro, laa chuoluŋ.” ³⁰ Ba tu nanŋuoroŋ a heu le a laa daa-la a ŋmoo u nyuŋ le. ³¹ Ba si moŋu le dere, ba wuri geri-fiaŋ-la aŋ paa u titia genniŋ a laalu aŋ kenu kaa lii wonŋiŋ di ba kpaasu mere daa-geŋe nyuŋ.

*Ba kpaase Yesu daa-geŋe nyuŋ
Maak 15.21-32; Luuk 23.26-43; Joŋ 19.17-27*

³² Ba si kenu kaa lili di ba kpaasu daa-geŋe nyuŋ nii, ba cheŋ baal kubala baa yiru Saamoŋ. U jaŋ yiriŋ ne Sariini. Nii ne laali-yuoro-la fugu u laa Yesu daa-geŋe-la a baase. ³³ Nii ne ba ku yi lee kubala baa yire Goligota. Yiri-la bubuoŋ ne nyu-kunŋkogulo. ³⁴ Ba si yi dime, ba joŋ sinin a guoli ku-hariŋ le a joŋo pi Yesu duu nyua. U si lenne di u heye, u via. ³⁵ Nii ne ba kpaasu mere daa-geŋe nyuŋ aŋ toŋse Yesu genniŋ wiaa, di ba paa kpaas doŋo a jiŋ geri bee ne nuu-kala jaŋ laa. ³⁶ Nii ne ba hoŋ dime a bibenu. ³⁷ Ba si si Yesu ŋaa wialiŋ chei, ba ŋmuŋsa he daa-geŋe-la le a bul, “Juu tinŋaa kuoro Yesu ne ŋla.” ³⁸ Nii ne ba kpaase gaaraa balia ma a pe Yesu le. Doŋo he u na-diŋ, doŋo ma he u na-gua. ³⁹ Ba si kpaasu mere daa-geŋe-la nyuŋ nii, nialiŋ si to dime bibal, ba tutuusu aŋ keŋ ba nyuŋ chuchugisi ⁴⁰ a bul, “Oi, ŋ ne ŋaa nii-la si si ŋ jaŋ ŋmoo la Wia-dia lo aŋ bira wuo saau tapulaa batori pege. Ŋ si ŋaa Wia Bie, lii daa-geŋe-la nyuŋ a laa ŋ titia ta.” ⁴¹ Nialiŋ si kpu pusuŋ pipi Wia kuhiasi-la ari Wia teniŋ kerichiba ari taŋ-la kuhiasiŋ ma sisieri Yesu le a bula pipi doŋo, ⁴² “U wuo niaa laa tita ne aŋ bi u titia wuo laa ta. U si si u ne ŋaa Kirisito, Juu tinŋaa kuoro, leŋ duu lii daa-geŋe-la nyuŋ ku tuu di la na a laa u wiaa dii. ⁴³ U laa Wia dii ne a bula duu ŋaa Wia Bie ne. Toŋ, má leŋ di la na di Wia ne jaŋ laau ta leele.” ⁴⁴ Gaara-la balia ma ba si kpaasa a pe Yesu le, ba ma tuusu nii titia.

*Yesu suba
Maak 15.33-41; Luuk 23.44-49; Joŋ 19.28-30*

⁴⁵ Wia ku mage nyu-gbaŋa, leriŋ kala biri lim a mu yi didaaniŋ, ka leriŋ bira pulle. ⁴⁶ Nii ne Yesu faasa yire u yiikoro le a bul, “Eloi, Eloi, lama sabakitani.” U bubuoŋ ne: “Mi Tiina Wia, bee ne tii ŋ joŋmi ta?” ⁴⁷ Di niaa doŋsuŋ chiŋ dime a jegile nii wialiŋ u si bula. Nii ne ba bula pi doŋo a bul, “Ilaaja ne baal-la yiire nii.” ⁴⁸ Nialiŋ doŋo fa si chiŋ dime fá mu joŋ suosuo a kaa mu yuu sinin si nyala a joŋo tuu sakeliŋ le a kaa mu he u niŋ le duu nyua. ⁴⁹ Nii ne nialiŋ doŋsuŋ fa si he dime bul, “Má leŋ la gbera a na ari Ilaaja jaŋ ku soru daa-geŋe-la nyuŋ koo.” ⁵⁰ Nii ne Yesu faasa yel aŋ wiesi u wiesi kati.

⁵¹ Patiisa ne fa he Wia-dia tuonj. Ba kaa kerε. U kiesε balia a chinj nyu-gbaŋa a kiesa ku tuu. Nji ne tinteenj zigili, busunj ma yere a kpa a kpa. ⁵² Vaamaa ma suri suri. Nialinj Wia si liisa, ba yuga a sii suunj le a lii vaama-la le. ⁵³ Yesu si sii suunj le, ba mu Jerusalem. Niaa yuga a naba lee-la. ⁵⁴ Laali-yuoroo zolo kuhianj ari laali-yuoro-la fa si chinj dime a bibenj Yesu a na tinteenj si zigili nji ari wialinj kala si ŋaa, fawullunj kenba. Nji ne ba bul, “Wutitii, baala deenj sene ŋaa Wia Bii ne.”

⁵⁵ Haalaa yuga a ma fa chinj di-bolii a bibenu. Haala-la fa to Yesu harinj ne a lii Galilii tinteenj a pipeu le. ⁵⁶ Ba tuonj Mεeri Magidalinj ari Mεeri donjo. U fa ŋaa Jeems ari Josef naan ne. Zebidii haala ma peba le.

Ba hugi Yesu

Maak 15.42-47; Luuk 23.50-56; Jɔɔŋ 19.38-42

⁵⁷ Didaaninj si yie, baal kubala a lii tanj kubala baa yire Arimatiya ma ko. U fa ŋaa kiasa tiina ne. U yirinj ne fa Josef. U ma fa ŋaa Yesu haritooro-la donjo ne. ⁵⁸ U mu Paalit teenj a sul Yesu ku-suunj. Nji ne Paalit bul di ba mu jonjo pu. ⁵⁹ Nji ne Josef laa a kenj geripe-pul-falinj a beu ⁶⁰ a jonjo hugi u titia bua fali-la le u fa si loso bunj nyunj. U bilimi tabii-balinj kaa ko to bua-la niinj anj viiri. ⁶¹ Ka Mεeri Magidalinj ari Mεeri donjo-la faa honj a chaase bua-la lerinj.

Laali-yuoroo pɔ vaan-la

⁶² U tanj si pula, che-wiesii-la cheenj, nialinj si kpu pusunj pipi Wia kuhiasinj ari Farisii tinŋa-la, ba mu Paalit teenj a bula pu a bul, ⁶³ “Kuhianj, la liisi wii ne. Bua-la le wu-nyiaru-la si he u miisinj le, u fa bula ari u ne suba, u janj sii suunj le tapulaa batori cheenj. ⁶⁴ Nji wiaa lenj di niaa mu a pɔ u vaan-la worunj di tapulaa batori-la yi, di u haritooroo si wuo mu a gaa kuusi anj bula pi niaa ari u sii suunj le ne. Di ba ne ŋaa wiinj deenj, u ne janj paala kii wialinj kala u si nya.” ⁶⁵ Nji ne Paalit bula piba di ba kenj laali-yuoroo mu di ba pɔ vaan-la niinj worunj. ⁶⁶ Nji ne ba laali-yuoro-la mu a jonj bunj a to bua-la niinj anj lenj niaa pɔ lee-la.

28

Yesu sii suunj le

Maak 16.1-10; Luuk 24.1-12; Jɔɔŋ 20.1-10

¹ Ba che-wiesii-la cheenj si dere, Lahadi cheenj siipuuraa, Mεeri Magidalinj ari Mεeri-la donjo mu bua-la niinj di ba na lee-la ba si hugi Yesu. ² Ba si yi lee-la, muasaa di lerinj guu zigili. Di Wia tinɗaara lii wia nyunj ku tuu a bilimi tabii-la ta anj honj u nyunj. ³ U siaa nage duonunj si ligisa ne, anj ka u genninj pulle kpul kpul. ⁴ Laali-yuoro-la fa si pɔ bua-la, fawullunj kenba. Ba chichel a nage di ba suba. ⁵ Nji ne Wia tinɗaari-la bula pi haala-la si he dime a bul, “Ma si fawullunj fá. Mi jima ari Yesu ne maa che, nii-la ba si kpaasa merε daa-geseε nyunj. ⁶ U tuo daha, u sie ne ari u fa si bul nji pima. Má ku na lee-la ba fa si jonj hugi. ⁷ Má mu limaa lima a bula pi u haritooroo ari u sii suunj le ne. Má bee na, u laa ma sipaninj a mu Galilii. Di ma ne mu dime, ma janj nau. Mi paala bula pima.” ⁸ Nji ne ba lii vaan-la lerinj aa tuosi. Fawullunj fa kenba ne, ama ba tuonj ma tɔre. Ba fá mu di ba bula pi Yesu haritooroo wii-la si ŋaa. ⁹ Nji ne Yesu guu chenba a bula piba a bul, “Ma janj honj ari yarifielaa.” Ba mu u teenj a kenj u naan le a

chuolu. ¹⁰ Nii ne Yesu bula piba a bul, “Ma sí leɛe di fawulluɛ keɛɛma. Má mu bula pi mi haritooroo di ba mu Galilii. Ba jaɛ namí dime.”

Nialin si pɔ vaar-la nyia wiaa a tige Yesu le

¹¹ Haala-la si miira viiri, laali-yuoro-la fa si pɔ bua-la, ba doɛsuɛ miira mu taɛ tuɔɛ a bula pi nialin si kpu pusun pipi Wia kuhiasin wii-la si ɛaa.

¹² Nii ne nialin si kpu pusun pipi Wia kuhiasin ari Juu tinɛaa kuhiasin hoɛ a vuure wii-la ba si jaɛ ɛaa. Ba vuura di ba jaɛ joɛ moribii-dan a kpal laali-yuoro-la fa si pɔ bua-la aɛ bula piba a bul, ¹³ “Má bula pi niaa ari ma piɛ doɛ ne, aɛ ka u haritooroo ku gaa a kuusi Yesu. ¹⁴ Di nii-la si hoɛ kuori-balin nyun ne nii wiiɛ deɛɛ, la jaɛ bula pɛma le ari ma bi wii cheye. Wii-kala bi jaɛ walimema.” ¹⁵ Nii ne laali-yuoro-la fa si pɔ vaar-la laa moribie-la aɛ nyia wiaa ari nialin si kpu pusun pipi Wia kuhiasin fa si bula piba di ba ɛaa. Wii-la Juu tinɛaa fa si nyia teeli lerin kala a kaa ko ari jinin.

Yesu keɛ u titia ku dage u haritooroo

Maak 16.14-18; Luuk 24.36-49; Joɛɛ 20.19-23; Yesu nanɛ. tinɛtinɛaa 1.6-8

¹⁶ Nii ne Yesu haritooro-la fii ari kubala-la mu Galilii tinɛteen a jil peel-la nyun, ari Yesu fa si bul nii piba. ¹⁷ Nii ne ba nau dime a chuolu, ama doɛsuɛ bi laa dii. ¹⁸ Nii ne Yesu ku kpageba a bula piba a bul, “Wia joɛ dolun kala a pimi ne Wia-jaɛ ari dunia kala le. ¹⁹ Má saa mu dunia seme-na kala a bul mi wiaa pi niaa a leɛ di ba ɛaa mi haritooroo a foba Wii-chuoɛ liin mi Nyimma ari u Bie ari u Diɛ-zɔɛ-la dolun le. ²⁰ Má dageba a leɛ di ba to wialin kala mi si bula pima di ma to. Mi jaɛ he ma teen bua-na kala le a kaa mumu dunia diderin.”

**WIA WU-ZOMO-LA
MAAK
SI N̄MUNSA**

*Jɔɔŋ Wia lii-foori-la bul Wia wiaa pipi niaa
Mat. 3.1-12; Luuk 3.1-18; Jɔɔŋ 1.19-28*

¹ Wia wu-zɔŋŋɔɔ di-suomun̄ ne ŋla. Wiaa deen̄ba ŋaa Wia Bie Yesu Kirisito wu-zɔŋŋɔɔ wiaa ne.

² Nii-la sii bul wiaa, Wia Diŋ-zɔŋ-la dolun̄ le ba sii yire Azaaya fa ŋmun̄sa ari Wia si,
“Bee na, mi jan̄ tin̄ mi tin̄daara duu laa ŋ sipaan̄ mu
a wase won̄biin̄ bilin̄ le di ŋ kɔ.”

³ U bira si,
“Nuu ne chin̄ giri-bine tuon̄ a heele bul,
‘Má kɔ a wase won̄biin̄ bil di ma Tiina kɔ a tuto.
Ma ŋaa ŋii, duu ne kɔ, u di-venin̄ jan̄ pin̄ worun̄.’ ”

⁴ N̄ii ne baala deen̄ sii. Baa yiru Jɔɔŋ, Wia lii-fooro. U sii ku lii giri-bine tuon̄ a heele bul, “Má birime a lii ma haacheba le, ka di mi foma Wii-chuoɔle liin̄. Di ma ne ŋaa ŋii, Wia jan̄ jon̄ ma haacheba a chema.” ⁵ U si bul ŋii, Judiya tin̄ŋaa ari Jerusalem tin̄ŋaa kala lii a mu u teen̄ a dage ba haacheba an̄ tuu Jɔɔdan̄ fuo-la u foba Wii-chuoɔle liin̄. ⁶ Bun̄tan̄ŋa puna gennin̄ ne Jɔɔŋ fa laale a ken̄ ten̄biin̄ ɔɔ u tin̄a. Nyanḡirikɛba ari tuun̄ ne fa ŋaa u kudiilee. ⁷ U yie bul Wia wiaa pipi niaa a bul, “Nuu dɔŋ jan̄ to mi harin̄ kɔ. U ne jan̄ kiimi. Mi paala bi maga di mi kpagu a ken̄ u nen̄ten̄ŋee ŋmesin̄ ma kaa puri. ⁸ Liin̄ dun̄duŋa ne mi-na kaa fufoma, ama u-na jan̄ jon̄ Wia Diŋ-zɔŋ-la hema le.”

*Jɔɔŋ fo Yesu Wii-chuoɔle liin̄
Mat. 3.13-4.11; Luuk 3.21-22; 4.1-13*

⁹ Bua-la le Yesu sii a lii tan̄-la ba sii yire Nazaret a he Galilii tin̄teen̄ le a kɔ lee-la Jɔɔŋ fa si he. U ku juu fuo-la. Jɔɔŋ fou Wii-chuoɔle liin̄. ¹⁰ U miira lii fuo-la tuon̄ ku lii a wula ben̄, di wia nyun̄ guu kpaa balia. N̄ii ne ka Wia Diŋ-zɔŋ-la ku tuu heu le a nage kokomo. ¹¹ Ka u nii nuu yiikoro duu lii wia nyun̄ a bula pu a bul, “Mi Bii-choolun̄ ne ŋla. Mi tuon̄ tore ŋ nyun̄.”

Sitaani ku magise Yesu

¹² U bi diene ka Wia Diŋ-zɔŋ-la ken̄u juu girin̄. ¹³ U he dime ŋii hali tapulaa mahin̄ balia, ba di girin̄ tuon̄ kiaa dun̄duŋa. Sitaani yie kɔ a magisu. Yesu bi seye. N̄ii ne Wia tin̄daaraa ku tuu tima pu.

*Yesu yire chen̄fili-kpuuraa banese
Mat. 4.12-22; Luuk 4.14-15; 5.1-11*

¹⁴ U bi diene, ka ba ken̄ Jɔɔŋ to dia. N̄ii ne Yesu sii a mu Galilii tin̄teen̄ a bubul Wia wu-zomɔ-la aa pi niaa ¹⁵ a bul, “Bua-la yie ne. Wia kuorii-la kɔ ne. Má birima lii ma haacheba le a laa Wia wu-zomɔ-la dii.”

¹⁶ N̄ii ne u yi Galilii muga a mu to muga-la niin̄ a na Saamɔŋ ari u ŋaana An̄duru. Ba ŋaa chen̄fili-kpuuraa ne. Uu mu, di ba ken̄ ba jon̄ba a kaa kikese chen̄filee. ¹⁷ U yireba a bul, “Má sii to mi harin̄. Mi jan̄ ŋaa di ma kese niaa pe ma titia le ari ma sii kese chen̄filee ŋii.” ¹⁸ Ba sii a jon̄ ba jon̄ba ta an̄ guu to u harin̄. ¹⁹ U jon̄ ŋii baa mu, di baalaa balia ne ŋii. Baa

yire Jeems ari Joon. Ba fa n̄aa Zebidii biirin̄ n̄e. Ba hon̄ ba liin̄ daboro le a tuto ba jon̄ba buusun̄. ²⁰ U si naba, u yireba. Ba len̄ ba nyimma ari nialin̄ kala ba fa si n̄aa ba tima pipiba an̄ lii liin̄ daboro-la tuon̄ an̄ mu to u harin̄.

Yesu vaare baal kubala fa si ken̄ jin̄-bomun̄
Luuk 4.31-37

²¹ Ba jon̄ n̄ii aa mu a ku yi Kapenam. N̄ii n̄e che-wiesii-la cheen̄, Yesu sii a mu juu Wii-chuole dia a didage n̄iaa. ²² U sii dageba n̄ii, u n̄aaba wu-kp̄un̄kper̄e. U bi baa daga ari Wia tenin̄ kerichiba si yie didageba n̄ii. U bul wiaa ari u n̄e ken̄ wii-la dolun̄.

²³ N̄ii n̄e di baal n̄e n̄ii. Jin̄-bomun̄ ken̄u. U ku juu aa chiire, ²⁴ “Yesu, n̄ si lii Nazaret, b̄e n̄e n̄ chiche n̄ n̄aala? N̄ ko di n̄ kpula n̄e? Mi jim̄in̄ n̄e, n̄ n̄e n̄aa Wia Tuo-pul Tiina.” ²⁵ Yesu si nii wialin̄ baal-la si bula, u kp̄ia jin̄-bon̄-la le a bul, “Ken̄ gon̄ an̄ ku lii baal-la le.” ²⁶ Jin̄-bon̄-la ken̄ baal-la teriki an̄ faasa chiire kin̄ken̄ a lii baal-la le. ²⁷ Nialin̄ kala miira hiriki a pipise don̄o, “B̄e n̄e n̄laa? Wu-falii n̄e uu dage. U paala ken̄ dolun̄ a wuo jin̄-bon̄on̄o a bul wiaa piba, ba tuto u niin̄.”

²⁸ A lii n̄ii le n̄e, u yirin̄ guu teeli Galilii tin̄teen̄ kala.

Yesu vaare n̄iaa yuge
Mat. 8.14-17; Luuk 4.38-41

²⁹ N̄ii n̄e Yesu guu sii a lii Wii-chuole dia-la le, ba di Jeems ari Joon, a mu juu Saamon̄ ari An̄duru dia. ³⁰ Ba mua di Saamon̄ hiili-haala pina wiwille. U yaraa kala lin̄. Yesu si ko n̄ii, ba bula pu. ³¹ N̄ii n̄e u ku juu a ken̄ haal-la nisin̄ le a kaa chuule. U yaraa fa si lima n̄ii, u fiele. U sii n̄aa kudiilee piba ba dii.

³² U didaanin̄ si yie, ba ken̄ nialin̄ kala sii wiilu ari jin̄sin̄ si ken̄ nialin̄ kala a kaa ko Yesu teen̄. ³³ Tan̄ tin̄n̄aa kala gire ko a hilimi Saamon̄ dia boin̄niin̄. ³⁴ Yesu vaare nialin̄ yuge sii wiilu a kiri jin̄-bom̄o-la ma a yuge a ta n̄iaa le. Jin̄si-la jin̄ Yesu. N̄ii n̄e tii u biba won̄biin̄ pa di ba bul wiaa.

Yesu bul wiaa Galilii tin̄teen̄ le
Luuk 4.42-44

³⁵ Siipuuraa Yesu sii lii dia-la le a mu lee-la n̄iaa si tuo a chuchule Wia. ³⁶ Ka Saamon̄ ari u nan̄don̄sun̄ ma sii ko a chicheu. ³⁷ Ba si nau, ba bula pu ari nuu-kala n̄e ko a chicheu. ³⁸ N̄ii n̄e Yesu bula piba a bul, “Má len̄ la mu tasin̄ don̄sun̄ di mi bul Wia wiaa dime maa. N̄ii wiaa n̄e mi ko.”

³⁹ U saa sii a mu duure Galilii tin̄teen̄ kala a juu Wii-chuole diisin̄ aa bul Wia wiaa an̄ p̄e kiri jin̄sin̄ ma n̄iaa le a ta.

Yesu vaare gbege
Mat. 8.1-4; Luuk 5.12-16

⁴⁰ N̄ii n̄e gbege kubala ma sii ko Yesu teen̄ a tuu kpirimi a sulu a bul, “Di n̄ n̄e cho, n̄ jan̄ wuo n̄aa di mi duori.” ⁴¹ Nisusun̄ ken̄ Yesu. U liise u nisin̄ a digu an̄ bul, “Mi cho n̄e, duori.” ⁴² N̄ii n̄e yawiil-la guu len̄ baal-la. U duori. ⁴³ N̄ii n̄e Yesu bula pu ari siifiesin̄ a bul, ⁴⁴ “Viiri an̄ sí wii bula pi nuu-kala. Ama ken̄ n̄ titia kaa mu dage nii-la si kpu pusun̄ pipi Wia duu kpu pusun̄ pi Wia a piise n̄ disinnin̄ ta ari Moosis fa si dagema n̄ii. Di n̄ n̄e n̄aa n̄ii, n̄iaa jan̄ na ari n̄ bira bi disinnin̄ ken̄e.”

⁴⁵ Ama baal-la ken̄ wii-la kaa lii a bula gaare lerin̄ kala. N̄ii n̄e Yesu bira bi wuo chaasa juu tan̄ kala tuon̄, ama u yie hon̄ girin̄ tuon̄ n̄e, ka n̄iaa lii lee-na kala a kuko u teen̄.

2

Yesu vaare gberike

Mat. 9.1-8; Luuk 5.17-26

¹ Tapulaa banmene, Yesu miira mu Kapenam. Niaa nii duu miira ko a he dia le. ² Nii ne ba yuge a gire ko a to lee-la kala a to boinjinij maa. Ka u bul Wia wiaa pipiba. ³ Nii ne di niaa donsun ne nii. Ba banese jon gberiku kubala kaa ko. U pinj u bosole. ⁴ Niaa si to lerinj kala nii, ba bi jinj lee-la ba si janj to a juu. Nii ne ba jil lusunj nyunj a ta luri a jon bosole ari gberiku-la kala a to bua-la ta u tuu Yesu sipaan. ⁵ Nii ne Yesu jinj ari ba naau yarida ne worunj a bul gberiku-la le a bul, "Mi bii, mi jonj η haacheba a chej ne."

⁶ Di Wia teninj kerichiba donsunj ma honj dime a kenj ba tuosaa pipiese ba titia, ⁷ "Bee ne tii baala deenj bubul nii? Uu tuuse Wia jonjoo ηla. Kubee ne janj wuo jonj haacheba che nuu, di Wia dunjuna dee?" ⁸ Yesu wuo jinj ba tuobiinaa a pipieseba, "Bee ne tii ma bibiine wiaa deenja?" ⁹ Mi si janj bul gberiku-la le di mi jonj u haacheba cheu ne, koo mi si janj bul duu sii chuoli u bosole a viiri, ba tuonj kubee ne ηaa moli? ¹⁰ Mi janj dagema ari mi-na, Nuhuobiine Bie, kenj dolunj dunia le di mi jonj haacheba che niaa." ¹¹ Nii ne u bula pi gberiku-la a bul, "Sii a jonj η bosole a mu dia." ¹² Baal-la guu sii a jonj u bosole a vene lii ba sipaan. Ba kala hiriki a denne Wia yirinj a bul, "La ha bi wiinj deenj donj naa."

Yesu yire Liivai

Mat. 9.9-13; Luuk 5.27-32

¹³ Nii ne Yesu sii dime a miira tuu muga niinj. Niaa yuge a ku hilimi, u didageba. ¹⁴ U si kiele mu sipaan, u na baal kubala baa yire Liivai. U nyimma yirinj ne Alifiyas. U fa ηaa lanjoo lilaaru ne a honj u tinjinjaa dia le. Nii ne u yiru a bula pu duu sii a tuto u harinj. U sii to.

¹⁵ Nii ne Yesu mu juu Liivai dia, ba di u haritooro kala, a hono didii kiaa. Lanjoo laara-la donsunj ari haache diiree ma ko, ba kala didii kialinj. Ba fa yuga worunj a tuto Yesu harinj. ¹⁶ Wia teninj kerichiba ari Farisii tinjaa naba a ku piесе Yesu haritooro a bul, "Bee ne tii Yesu ari haache diiree ari lanjoo laaraa, ba kala hono didii kiaa?" ¹⁷ Yesu si nii wii-la ba sii bul, u bula piba a bul, "Nialinj si kenj yarifielaa, ba bi daalunj ηijaaru ka che, see nialinj sii wiilu. Mi ko di mi yire haache diiree ne di ba lenj ba haacheba. Nialinj si kenj tuo-pula mi sipaanj dee mi ko di mi yire."

Ba bul nij-vobunj wiaa

Mat. 9.14-17; Luuk 5.33-39

¹⁸ Chee donj Jonj, Wia lii-foori-la haritooro ari Farisii tinjaa haritooro, baa voo niinj. Nii ne niaa sii ku piесе Yesu, "Bee ne tii Jonj haritooro ari Farisii tinjaa haritooro-naa voo niinj, anj ka η haritooro-na bi niinj voo?" ¹⁹ Nii ne Yesu piесеba a bul, "Di nuu mu jaa haal kaa ko, ka ba duu nanjonsunj honj, u nanjonsu-la janj voo niinj? Ai, di baal-la ari u nanjonsunj ne hono, ba bi niinj ka voo. ²⁰ Ama chee donj ne he dime, ba janj kenj baal-la kaa mu lee, anj ka di u nanjonsu-la voo niinj." ²¹ Nii ne u bira bula piba a bul, "Di η ne kenj geri-bininj duu luri, η janj jonj geripe-falinj a too? Ai, η ηaa nii, ku-falii-la janj kuure di geri-la wasa kiесе kii nii. ²² Di η ne kenj pupoi-kpaanj, η janj ηaa si-huonj a he duu yel? Ai, η ne ηaa nii, pupoi-la janj yere, di sinj-la kala ta. Nj yie jonj si-huonj a he pupoi-zomunj le ne."

Ba bul che-wiesii-la wiaa

Mat. 12.1-8; Luuk 6.1-5

²³ Che-wiesin chee kubala Yesu ari u haritooroo sii a mu nyonso tuon. Baa mu nii, u haritooro-la kiile nyonso-la a chichan. ²⁴ Nii ne Farisii tinjaa piesu a bul, “N bi naa? Che-wiesii-la cheen kisin ne ba chichei nii. Bee ne tii?” ²⁵ Nii ne Yesu miira pieseba a bul, “Ma ha bi wii-la Devit fa si nja karimaa? Losun fa si kenu ba di u harin niaa, u mu juu Wia-dia a jon boroboroba-la ba fa si kaa ku bil Wia sipaan a chogɔ dii an jonjo pi u niaa maa, ba ma dii. ²⁶ U fa nja kisin ne ari ni-wogo si jan jon boroboro-la dii, see nii-la si kpu pusun pipi Wia dunɔnɔ. Ka u jonjo dii nii. Bua-la le Abiata ne fa nja nialin si kpu pusun pipi Wia kuhian.” ²⁷ Nii ne Yesu bira bula piba a bul, “Wia liise che-wiesii-la pi niaa ne di ba tiuu. U bi si di che-wiesii-la ne tii niaa. ²⁸ Mi-na Nuhuobiine Bie ne saa nja che-wiesii-la tiina nii.”

3

Yesu vaare baala u nisin si suba

Mat. 12.9-14; Luuk 6.6-11

¹ Yesu sii a miira mu juu Wii-chuole dia, di baal kubala ne nii. U nisin suu. ² Ba si na Yesu duu jua, ba kala chaare siaa bibenu di ba na ari u jan vaare baal-la che-wiesii-la cheen. Baa che di ba na wii ne a to nii le a ken Yesu a bul u teen duu chei ba kisin le ne. ³ Nii ne Yesu bul na-suu-la tiina le duu sii ko ba tutuɔbaanin. U sii mu. ⁴ Nii ne Yesu piese nialin a bul, “Ee ne la naabalimaba kisinnin bul di la ninjaa che-wiesii-la cheen? Di la pipe niaa le koo di la dudɔgiseba? Di la laa niaa miisin koo di la kpuɔpuba?” U si piese nii, ba nja fuui. ⁵ Nii ne Yesu na baanin ba nyun. U tuon chei a tin ba digilaa si bi nii wiaa. Nii ne u bula pi na-suu-la tiina a bul, “Ken j nisin tiene.” U kaa tiene. U nisi-la fiele a nage u nagin.

⁶ Nii ne Farisii tinjaa sii lii. Ba di Herod niaa mu vuure nii ba si jan wuo nja a ken Yesu a kpu.

Yesu bul wiaa a pi niaa an pe vaare niaa mugi-balin nin

⁷ Yesu ari u haritooroo sii a mu mugi-balin nin. Niaa yuge a lii Galilii tinteen a tuto ba harin. Donsun ma lii Judiya tinteen, ⁸ donsun ma lii Jerusalem ari Idumiya tinteen. Donsun ma lii Joodan fuo-la cholo. Donsun ma lii Taya ari Saadon tinteen. Niaa deenba kala fa nii Yesu wiaa a lii ba tasin a kuko u teen. ⁹ Nii ne u bula pi u haritooro-la di ba mu jon liin daboro a kaa ku kii liin nin duu juu, di nialin siu kaa yigi. ¹⁰ Yesu fa vaare niaa a yuge. Nii wiaa nyanyal tinjaa kala ku ken u banja le aa che di ba digu. ¹¹ Di jin-bonɔɔ ken niaa donsun nialin tuon. Di ba ne na Yesu kala, ba yie ku tel u naasin le ne a chichiire ari u ne nja Wia Bie. ¹² U bula piba ari siifesiin di ba si leɔe di wiin deen teeli lerin kala.

Yesu tuose u haritooroo fii ari balia

Mat. 10.1-4; Luuk 6.12-16

¹³ Yesu sii a mu lee-la si ken peelee a yire u si cho nialin kala, ba mu u teen. ¹⁴ U bira liise ba tuon niaa fii ari balia di ba ne he u teen. U liiseba nii di ba ma bul Wia wiaa. ¹⁵ U piba dolun maa di ba wuo kikiri jinjin niaa le. ¹⁶ Nialin fii ari balia yiraa ne nla: Saamon, Yesu ne he Piita pu, ¹⁷ Zebidii bie Jeems ari Joon. Joon fa nja Jeems njaana ne. Yesu kenba kaa yire Buanaajis. Yiri-la bubuon ne baanin tinjaa. ¹⁸ Ba ku-kaanaa ma ne

ηλα: Anđuru ari Filip ari Batolomi ari Matiu ari Tōmas ari Jeems Alifiyas bie, ari Tadiyas ari Saamōη Zelot ¹⁹ ari Judas Isikarot, nii-la si ku ηaa zēηbe tiina a yalle Yesu. U liise nialin dēre an ηa miira mu dia.

Yesu mage namaga a mu tige Sitaani le

Mat. 12.22-32; Luuk 11.14-23; 12.10

²⁰ Nii ne niaa bira ku hilimi. U di u haritooroō paala bi chinij na di ba dii kudiilee. ²¹ Nii ne u taη niaa nii a sii lii di ba kenu an bul, “Uu che u nyaase ne.” ²² Wia tenin kerichiba doηsun ma he dime. Ba lii Jerusalem ne a ko. Ba ma bul di jin-bōηηoo kala kuoro ba sii yire Belizibul ne kenu. U ne pu dolun u kikiri jinjin niaa le ηii. ²³ Nii ne Yesu yireba a mage namagaba a pipiba a bul, “Ee ne Sitaani jaη wuo ηaa a kiri u titia? ²⁴ Di taη niaa ne he dime an bi nii-bala kene, ba taη jaη tel. ²⁵ Di niaa ne bira bi nii-bala kene, ba dia jaη tel. ²⁶ Di Sitaani niaa saa bi nii-bala kene, ba taη bi jaη chin. U jaη tele dēre. ²⁷ Nuu tuo si jaη juu ni-duon dia a gaa u kiaa see duu keη ni-duo-la voo bil an-na juu paa u kiaa.”

²⁸ Nii ne Yesu bira bula pi niaa a bul, “Wutitii ne mi bulaa pima, di niaa ne ηaa haacheba kala an pe tuuse Wia jonηoo maa, Wia jaη wuo jonba kala cheba. ²⁹ Ama di nuu ne tuuse Wia Diη-zōη-la jonηoo, Wia bi jaη jonō cheu da. U tiina ηaa haache-la si maga di u suu ne. Wia jaη laa wii-la he u tuon le.” ³⁰ Nialin doηsun fa bula ari jin-bomun ne keη Yesu. Nii ne tii u bul ηii.

Yesu naan ari u ηaanaa ko u teenj.

Mat. 12.46-50; Luuk 8.19-21

³¹ Muapilii Yesu naan ari u ηaanaa ko a chin di-jalin an tin niaa di ba yiru. ³² Di ni-dan hōno gollu chu. Nii ne ba bula pu a bul, “N naan ari η ηaanaa ne chin jeη harin aa cheη.”

³³ Nii ne Yesu miira pieseba, “Kubeē ne ηaa mi naan ari mi naanbiirin?” ³⁴ U miira beη nialin si hōno gollu chu an bula piba a bul, “Mi naan ari mi naanbiirin ne ηla. ³⁵ Nii-la kala sii ηaa wialin Wia si cho, u ne ηaa mi ηaana ari mi dihaala ari mi naan.”

4

Yesu mage namaga a mu tige baal-la si dyu kiaa le

Mat. 13.1-9; Luuk 8.4-8

¹ Nii ne Yesu miira mu hōη Galilii muga-la niin a didage niaa. Niaa yuge a ku gollu chu. Ba si yuga ηii ne, u sii mu juu linj daboro tuon a hōη linj tuon. Ka nialin hōη muga niin. ² Nii ne u mage namagaba a dageba wiaa yuge. U namagaba-la doηo ne ηla: U si, ³ “Má jegile nii mi teenj. Baal kubala ne sie a keη u ku-doho kaa lii duu mise. ⁴ U sii mise ηii, ku-doho-la doηsun tel wonbiin tuon. Diibiisin ku tuosa dii. ⁵⁻⁶ Doηsun ma tuu tel kpaginyilin nyun. Hagila bi yuga, ka ba guu nyu. Ba naapoloo bi tinteenj jua. Wia pose a ηmooba ba suu, a tin beē wiaa ba naapoloo bi tinteenj jua. ⁷ Ku-doho-la doηsun ma tuu tel soηun tuon a nyu. Soηu-la ma nyu a nyageba kpu. Ba bi wasa. ⁸ Ku-doho-la doηsun ma lii tel tintee-zomun le a nyu a waa a wase worun. Doηsun he biee mara ari fii fi, doηsun ma mahin batori batori, doηsun ma zolo zolo.” ⁹ Yesu mage namaga-la dēre, ηii ne u bul, “Digilaa tinηaa, má wuoli ma digilaa a nii wiaa deenba.”

Yesu dage namaga-la bubuon

Mat. 13.10-17; Luuk 8.9-10

10 Nii ne nialin viiri. An ka Yesu dunɗunɗa hoŋ. U haritooroo ari nialin si kpaga dime, ba ku piese namagaba-la bubuɗsaa. 11 Nii ne u bula piba a bul, “Ma niaa deenba ne Wia dage u kuorii-la bubuɗon pa. Ama ni-kaanaa-na kala, namagaba ne u yie kaa didageba. 12 Nii ne ba yie jegili jegili an bi ba bubuɗsaa wuo jin, a bira nyilimi nyilimi an bi kuŋ-kala ma wuo na. Di ba ne fa jin ba bubuɗsaa, ba fa jan birima to Wia, di u jon ba haacheba cheba.”

Yesu dage namaga-la bubuɗon

Mat. 13.18-22; Luuk 8.11-15

13 Nii ne Yesu pieseba a bul, “Ma bi namaga deen bubuɗon jin? Ee ne saa ma jan nɗa a jin namagaba kala bubuɗsaa?” an dage namaga-la bubuɗon. U si, 14 “Baal-la sii ɗuɗu kaaa, u nage Wia niin wiaa ne u kaa lii di u ɗuɗu nii. 15 Kialin si tel wonɗiin le ne nɗa nialin si yie nii Wia niin wialin. Di ba nii wialin dere, Sitaani yie guu ko a keŋ wii-la a liiri ba tuɗsaa le. 16 Kialin ma si tel kpaginyilin nyun ne nɗa nialin si yie nii Wia niin wialin a guu laa wialin dii ari tuɗɗon. 17 Ama ba bi boye kene a nage kialin naapoolo si bi tinteŋ jua. Ba jan sei wii-la a tou mu mage nii. Di heeŋ ne juuba, koo di ba to naasin dudɗigseba a tin wii-la wiaa, ba tuɗon lii wii-la le. Ba jonɗo ta. 18-19 Kialin ma si tel sosun tuɗon ma ne nɗa nialin si yie nii Wia niin wialin, ama dunia kaaa wiaa wiwalimeba, ba cho di ba jigi aa che kuŋ-kala. A tin kaaa deenba wiaa ba bi sei di ba to wialin. Wialin bi doho kene ba teen. 20 Kialin ma si tel tinte-zomun le ma ne nɗa nialin si yie nii Wia niin wialin. Ba nii wialin a laa he ba tuɗsaa le a keŋ doho, ɗonɗun mara ari fii fii, ɗonɗun mahin batori batori, ɗonɗun zolo zolo.”

Yesu mage namaga a mu tige chaanin le

Luuk 8.16-18

21 Nii ne Yesu bira bul, “N nii che pulumun a chol chaanin ku juu dia, n jan keŋ gbanɗa a chu too? Koo n jan jonɗo kii godo bubuɗon? Ai, n jan jonɗo kii kua nyun duu chaane. 22 Wu-faali tuo, see duu ku lii di-jalin. Wii-kala si he birimin tuɗon ma jan ku lii pulumun. 23 Digilaa tinɗaa, ma wuoli ma digilaa a nii.” 24 U bira bula piba a bul, “Ma fiele ma siaa worun ari wialin ma sii nii. Nii titia ma si to ma ɗonɗun tinɗaa le, nii titia ne Wia ma jan jonɗo toma le. 25 Nii-la kala sii to Wia niin wiaa, Wia jan faasa peu le duu to worun. Nii-la ma si bi Wia niin wiaa ka to, Wia bi jan peu le. U si peu le mua-la maa, u jan laa u kua.”

Yesu mage namaga a tige kaaa ɗunun le

26 U bira bula piba a bul, “Wia kuorii-la nage ari nia si sie a mu di u ɗuɗu kaaa бага le ne. 27 Tan biri u miira mu pin. Tan pul u bira sii. Tapulaa banmene u sie di kialin nyua a waa, ka u bi jin ba si nɗa nii a nyu. 28 Ba yie nyu ba titia le a waa a he nyun a bii ba titia le. 29 Ba bia, u nɗa ba jon sia a kaa mu kuŋ.”

Yesu mage namaga a mu tige ku-doho kubala ba sii yire Masitad le

Mat. 13.31-32, 34; Luuk 13.18-19

30 Nii ne Yesu bira pieseba a bul, “Bee ne la jan jon Wia kuorii-la a magise? Wu-bee ne la jan kaa dage u bubuɗon? 31 U nage ku-doho kubala ba sii yire masitad ne, ba yie jon a ɗu. Baa ɗu, di u bi wii maga. U ne muuro kii ku-doho-na kala si he dime. 32 Ba ne ɗu dere, u nyu. U yie sii waa a nɗa tia a kii бага ku-duuloo kala kala. U naakelee yuge. Diibiisin yie ku sageu le a saa ba dellin dime.”

³³ Yesu mage namagaba a yuge a didage niaa. U yie didageba a mage nii ba si jan wuo laa a he ba nyun le ne. ³⁴ U yie bi sei duu bul wii-kala polli see u mage namaga. Ama ba di u haritooro dundunja ne hono, u yie dage namagaba-la bubuon a piba ne.

Yesu naa lii-peliŋ kere
Mat. 8.23-27; Luuk 8.22-25

³⁵ Chee-la titia didaaninŋ u bula pi u haritooro-la a bul, "Má len di la chol muga cholo." ³⁶ Ba ta ni-dan-la kala ba viiri, an ku juu liin daboro-la u fa si hono a kenu baa mu. Liin daborusunŋ donsun ma ne he dime a mumu. ³⁷ Nii ne di pel-duo kubala suomo ninjaa a ku nmoo liin he liin daboro-la le u chiche duu su. ³⁸ Ama Yesu fa piŋ don ne daboro-la hariŋ a yelli nyu-yelle. Ba ku chisu a bula pu a bul, "La kuhian, ŋ bi jin di laa che la suu nee?" ³⁹ Nii ne u sii don le a kpia pel-la le a bula pi muga-la maa duu fiela piŋ. Pel-la kere, ka lerin kala naa fuui. ⁴⁰ Nii ne Yesu piese u haritooro-la a bul, "Bee ne tii fawullunŋ kenma? Ma ha bi yarida naa?" ⁴¹ Nii ne fawullunŋ kenba worun, ba pipiese don, "Kubee ne saa paala naa nia deen? Peliŋ ari mugisunŋ kala tuto u niin."

5

Yesu vaare baal-la jin-bomun si kene
Mat. 8.28-34; Luuk 8.26-39

¹ Nii ne ba sii chol muga cholo a ku yi Gerasa tinjaa tinteenŋ a lii liin daboro le. ² Ba lia di ba chin, di baal ne nii, jin-bomun kenu. ³ U lii vaamaa tuon a ko. ⁴ Ba fa yie ken chorumoo vobu a lol. Ba vobu u kaa kere. Ba yie kenu he kurunŋ maa, u ta kuru-la yere an sii mu honŋ vaamaa tuon. Nu-kala bi dolun kene duu wuo kenu. ⁵ Wiiheyey ari titariŋ kala u yie he vaamaa tuon ari peelee nyun a yie sii a duduure. U duure vaama-la tuon a chichiire a kenŋ tabiaa pipaase u titia. ⁶ U si na Yesu duu he di-boli, u fá mu a chemu a kpirimi a chuolu. ⁷⁻⁸ Nii ne Yesu bula pi jin-bon-la duu lii baal-la le. Baal-la chiire a bul, "Yesu, Wii-balinŋ Bie, bee ne ŋ che di ŋ naami le? Mi jonŋ Wia chuunŋ di ŋ sími dogisu!" ⁹ Nii ne Yesu piesu a bul, "N yirinŋ ne bee?" U si, "Mi yirinŋ ne ku-kene, bee wiaa la yuga ne." ¹⁰ Nii ne u sulu kinŋenŋ a bul duu sí leŋe di jinŋsi-la lii tinŋee-la le. ¹¹ Di toonunŋ ma he lee-la a yuge a didii kiaa peel-la nyun. ¹² Jinŋsi-la sul Yesu duu len di ba mu juu toonu-la. ¹³ U sei. Nii ne ba lii baal-la le a mu juu toonu-la. Toonu-la kala sii a fá lii peel-la nyun tuu. Ba tuu tel muga tuonŋ a nyua liin a suu. Toonu-la fa yi bui balia.

¹⁴ Nii ne too-daara-la fá mu a kenŋ doworo mu bula pi bagi-daaraa ari tan-la niaa kala. Ba sii ku lii Yesu teenŋ. ¹⁵ Baa ko, di baal-la jin-bomunŋ fa si kene, duu hono a laale gerinŋ a kenŋ yarifielaa. Ba si na nii, fawullunŋ kenba. ¹⁶ Nialinŋ fa si he dime a na wii-la si naa baal-la ari toonu-la le, ba bul wii-la pi nialinŋ. ¹⁷ Ba si nii nii, ba ku sul Yesu a bul duu lii ba tinŋteenŋ le. ¹⁸ Nii ne Yesu mu duu juu liin daboro. Baal-la jinŋsinŋ fa si kene sulu a bul duu lenŋ duu ko di ba mu. ¹⁹ Yesu bi seye an bula pu duu miira mu dia a bula pi u dia niaa wii-la kala la Tiina Wia si naau le, ari u si fáu nennige nii. ²⁰ Baal-la miira mu Dekapolis tinŋteenŋ a bul wii-la kala Yesu si naau le. Niaa nii, u naaba wu-kpunŋkperere.

Yesu chise Jaaris tolo suun le an pe vaare haal kubala
Mat. 9.18-26; Luuk 8.40-56

²¹ Nii ne Yesu miira mu juu liinj daboro a chol muga cholo a mu hōj muga niinj. Niaa gire ku chu.

²² Nii ne baal kubala he dime. Baa yire Jaaris. U fa ŋaa Wii-chuoŋe dia kuhianj ne. Nii ne u na Yesu a tuu tel u naasinj le ²³ a sulu a bul, "Mi tolo nii wiilu a pina kikiiki duu suu. Mii che di ŋ kō a jonj ŋ nisinj danju le, duu duori ne."

²⁴ Yesu sii to u harinj, ba mumu. Niaa ma sii tuto u harinj a gollu chu.

²⁵ Baa mu di haal ne nii. Nyanyalii kubala ne kenu. U fa keŋ tinja ne deen deen jisinj fii ari balia. ²⁶ U fa gollo ŋaa daalusunj kinkeŋ a na heeŋ woruŋ a paala chei u moribiee kala pei. Ka u nyanyalii-la wasa juu-u le. ²⁷⁻²⁸ U si nii Yesu wiaa ne, u ku to niaa tuōŋ a biina u tuōŋ le, "Di mi digi u gerinj maa, mi jaŋ duori." Nii ne u piege nialinj a mu chinj Yesu harinj a keŋ nisinj a digi u gerinj le. ²⁹ U si digi u gerinj le nii, u tinja-la guu dere. Nii ne u titia jinj ari u tinja-la dere ne. ³⁰ Ka Yesu ma jinj u tuōŋ le ari dol kubala ne liiu le. U birime nialinj teenj a pieseba a bul, "Kubee ne digi mi gerinj le nii?"

³¹ Nii ne u haritooroo bul, "Ŋ bi na niaa si yuga nii a gollunj chuu? Ka ŋ pipiese di kubee ne digi ŋ gerinj le." ³²⁻³³ Aŋ ka Yesu ha bibenj duu na nii-la si digu. Ama haal-la jinj wii-la si ŋaau le ne. Nii ne u ko a chichel a tuu tel Yesu naasinj le a bul wii-la kala pu. ³⁴ Nii ne Yesu miira bula pu a bul, "Mi tolo, ŋ yarida ne ŋaa ŋ duori. Mu ari yarifelaa. Nyanyalii-la bira bi jaŋ keninj."

³⁵ Yesu haa bul wiaa nii haal-la teenj di tinjaaraa lii kuhianj Jaaris dia ko a bula pi Jaaris a bul, "Ŋ tolo-la suba ne, bira si la kuhianj-la walimu."

³⁶ Yesu nii ba si bul nii a bula pi Wii-chuoŋe dia kuhianj Jaaris a bul, "Si leŋe di ŋ boye jonj. ŋaa mi yarida." ³⁷ Nii ne Yesu sii a bi leŋe nuu-kala to u harinj see Piita ari Jeems ari u ŋaana Jooŋ. Ba dunduŋa ne to u harinj.

³⁸ Nii ne ba ku yi Wii-chuoŋe dia kuhianj-la dia. Baa ko di baa ŋaa goŋ aa ŋmoo niinj bage bage a yiyel. ³⁹ U mu juu a pieseba, "Bee ne tii maa ŋaa goŋ deenj kala? Bile bi suba. U pinj doŋ ne." ⁴⁰ Ba kala miira china mumomu. Nii ne u kiriba ta ba lii, aŋ ka u keŋ bile nyimma ari u naan ari u harinj niaa ba juu dia-la bile si pina. ⁴¹ Ba si juu dia-la nii, Yesu mu keŋ bile nisinj le aŋ bul, "Talita kumi." U bubuōŋ ne: Hantolibie, mi si di ŋ sii!

⁴² Bile guu sii aa veŋ. Bile fa ŋaa jisinj fii ari balia ne. U ŋaa wu-kpunkpere ba le. ⁴³ Nii ne Yesu bul ari siifiesinj di ba si leŋe di nuu-kala nii wii-la, aŋ bul di ba ŋaa kudiilee pi bile duu dii.

6

Nazaret niaa via Yesu

Mat. 13.53-58; Luuk 4.16-30

¹ Nii ne u lii dime a mu u tinteenj. U haritooroo ma to mu. ² Che-wiesii-la cheeŋ u mu juu Wii-chuoŋe dia a didage niaa. Ba si nii, ba jesinj kala hiriki a bul, "Ee ne u ŋaa a jinj wiaa deenba? Kubee ne pu wu-jiminj deen? Ee ne u wuo ŋinjaa wu-duorunj deenba? ³ La jimu, kapiŋta dee nii? Meeŋi ne u naan. Jeems ari Joozis ari Judas ari Saamōŋ, ba ŋaa u ŋaanaa ne. U dihaalaa ma ne he daha ŋla." Nii ne ba na baaninj u nyuŋ. ⁴ Yesu bula piba a bul, "Nii-la sii bul wiaa, Wia Diŋ-zōŋ-la dolunj le, u yie mu lee-kala, ba zizilu ne, aŋ ka u jaŋ-niaa ari u dia-niaa siinj buu ka su." ⁵ A tinj ba si bi yarida kene wiaa, u bi wu-duo kala wuo ŋaa lee-la, u ta jonj u nisinj ne danj nyanyal tinjaa banmene le ne ba duori.

Yesu tiŋ u haritooroo fii ari balia

Mat. 10.5-15; Luuk 9.1-6

⁶ U kperi Yesu ari ba si buu yarida ŋaa. Nii ne u sii a mu golle tasin a didage niaa. ⁷ U yire u haritooroo fii ari balia a hilimi a tiŋba balia balia a piba dolun di ba wuo jin-bonŋɔɔ. Nii ne u bula piba a bul, ⁸ “Ma si kun-kala kaa pe ven wonbii-la, see ma daantigisin dunɔɔna. Ma si kudiilee kaa mu. Ma bira si sulli-gbanja ma koru. Ma si moribee ma jono he ma geri-fesinin le. Ma si gennin tun bulia ma laalu. ⁹ Ama ma paa ma nenɛnenɛ he a laale geri-bala-bala aa ven.” ¹⁰ U bira bula piba a bul, “Di ma ne mua a juu tan kala, ma juu dia-la niaa si cho ma wiaa a he dii-bala le hali di bua-la le ma si jan lii tan-la le yi. ¹¹ Di ma mu tan kala, di ba po di ma si juu a bi ma wialin jegile nii, ma kiele mu. Di ma lia, ma kpesi ma naasin hagila ta. Ba jan jin ari ba ŋaa wii ne a cheima.” ¹² U tinba nii, ba lii a mu bul niaa le di ba birime a lii ba haacheba le. ¹³ Ba kiri jinjin ma a yuge niaa le, ba lii. Ba jon nuun mua ma a bisa he nyanyal tinŋaa le ba duori.

Jɔɔŋ Wia lii-foori-la suba

Mat. 14.1-12; Luuk 9.7-9

¹⁴ Nii ne Yesu yirin teeli lee-na kala. Kuoro Herod ma nii u wiaa. Niaa donsun si, “U ne ŋaa Jɔɔŋ, Wia lii-foori-la. Wia chisu suun le ne. Nii ne tii u ken dolun a ŋɔɔna wu-magilaa deenba.” ¹⁵ Ka donsun ma si u nage Ilaaja ne. Donsun ma si, “U ŋaa nii-la sii bul wiaa, Wia Din-zon-la dolun le ne ari faafaa nialin sii bul wiaa, Wia Din-zon-la dolun le nii.”

¹⁶ Kuoro Herod si nii u wiaa u bul, “Jɔɔŋ ne nii. U ne nii-la mi si ŋaa ba keri u nyun. U ne sii suun le nii.” Wii-la si tii u ŋaa ba keri u nyun ne ŋla: ¹⁷ Herod fa sie a mu jaa haal kubala. U yirin ne Herodias. U fa ŋaa u ŋaana Filip haala ne. U laa jaa. ¹⁸ Nii ne Jɔɔŋ fa bula pi Herod, “N si ken ŋ ŋaana haala laa jaa nii, u bi wonbiin ŋaa.” ¹⁹ U si bul nii, Herodias na baanin u nyun a chiche di ba kpu Jɔɔŋ. ²⁰ Nii ne Herod ŋaa ba kenu to dia. Ama u na Jɔɔŋ duu ŋaa tuɔ-pul tiina a ŋɔɔna wialin sii to wonbiin. Nii ne tii u fifau a bibenu worun a bi che di ba kpuu. Wialin kala Jɔɔŋ si bula kperu ne, ari nii kala u ha cho duu jegile nii wialin u sii bul. ²¹ Kuoro Herod che-lullun tapulun ne bira yie. Nii ne u sii a ŋaa kudiilee yuge a ken u kuori-biisin ari u laali-yuoro-hiasin ari Galilii kuhiasin kala, ba kala ko a hono didii kiaa. ²² Ba hono di Herodias tolo ne nii. U ku juu gugua. Herod ari nialin kala biben a chou. Nii ne Herod bula pu di ku-la-na kala u sii che, u jan pu. ²³ U paala nmiese a bul, “N sii che ku-la-na kala, mi jan pin. N nii che mi tinteen senpen donjo a yi lebi maa, mi jan poi a pin.” ²⁴ Hanɔlibie-la sii lii a piese u naan, “Mi bul mii che beɛ kun?” Nii ne Herodias si, “Bula pu a bul ŋ che Jɔɔŋ Wia lii-foori-la nyun ne.”

²⁵ Tolo-la miire lima lima a mu kuoru-la teenj a bula pu a bul, “Mii che di ŋ keri Jɔɔŋ Wia lii-foori-la nyun a he pirata le a kaa ku pimi.” ²⁶ Kuoro si nii wii-la, u tuon kala chei. Ama u si nmiesa nii, niaa kala nii. U bira bi u ninj wuo birime. ²⁷⁻²⁸ Nii ne di laali-yuoroo china a po ba kuoro. U yire ba donjo duu mu keri Jɔɔŋ nyun kaa ko. Laali-yuori-la sii a mu lee-la ba si kenu mu to a keri u nyun a he pirata le a kaa ko pi tolo-la. U laa a kaa mu pi u naan. ²⁹ Jɔɔŋ haritooro-la si nii wii-la, ba sii ko a laa u ku-suun a kaa mu hugi.

Yesu pi niaa bui banonj kudiilee

Mat. 14.13-21; Luuk 9.10-17; Joonj 6.1-14

³⁰ Yesu nanjzoba saa sii a miira ko Yesu teenj a bula pu wialinj kala ba si nja ari wialinj kala ba si daga. ³¹ Niaa donsun yie lilii, ka donsun ku jujuu. Yesu ari u haritooro paala bi chiniñ na di ba dii kiaa. Nii ne u bula piba a bul, “Má leñ di la mu lee-la niaa si tuo di ma wiesi mua.” ³² Ba sii a juu liinj daboro a mumu niaa si tuo lee-la. ³³ Niaa yuge a naba a wuo jinj di ba ne. Nii ne niaa lii tasinj yuge a fá mu lee-la Yesu fa sii mu a laa sipaan yi dime. ³⁴ Ba ma ko a lii liinj daboro le. Yesu si mu lii liinj daboro-la le, u na ni-danj di ba hono gberu. Nennige kala kenú. Nialinj nage piesee si bi pie-daara kene ne. U sii a dageba wiaa yuge.

³⁵⁻³⁶ Didaaninj ku yi, u haritooro ko u teenj a bula pu a bul, “Lerinj deen nja girinj ne. Ka wia fiela nja. Ta nialinj di ba mu tasinj ari bagisinj si kpage daha a mu yoo kudiilee a dii.” ³⁷ Di u si, “Má mu che kudiilee piba ba dii.” Ba piesu a bul, “Nj che di la kenj siidi bui balia a kaa mu yoo kudiilee a kaa ko piba di ba dii?” ³⁸ U pieseba a bul, “Boroboro banme ne he dime? Má mu na.” Ba mu anj miira ku bul, “Banonj ne ari cheñfilee balia.” ³⁹ Nii ne u bul di nialinj kala tuu gulimo honj honj ya-fieliñ nyunj. ⁴⁰ Donsun honj zolo zolo, donsun ma mahinj balia ari fii fii. ⁴¹ Nii ne u jonj boroboro-la banonj ari cheñfilee balia-la a wula beñ wia nyunj anj lolle Wia anj kaa choge a pi u haritooro. Ba laa a kaa mu kpa nialinj. U saa jonj cheñfilee balia-la maa a kaa choge nii, ba kala dii. ⁴²⁻⁴³ Nuu-kala dii a voge. Ka ba mu paa ku-kaanaa, boroboroba ari cheñfilee-la si ka, a paa suj sinjinj fii ari balia. ⁴⁴ Nialinj si dii kialinj, ba tuonj baalaa fa nja bui banonj ne.

Yesu venj liinj nyunj

Mat. 14.22-33; Joonj 6.15-21

⁴⁵ Nii ne u leñ u haritooro mu juu daboro a laa sipaan duoro chol muga cholo a mu Betisaada. Ka u ta ni-danj-la ba viiri. ⁴⁶ U haritooro mua, u mu jil peel kubala nyunj duu chuole Wia dime. ⁴⁷ Wia tuu juu di liinj daboro-la he liinj tutubaaninj. Anj ka u dunđanja ha he muga niinj. ⁴⁸ Nii ne Yesu bee na di pelinj ka lu a po di liinj daboro-la sí mu. Ba duori duori liinj daboro-la lol. Siipuraa u sii a venj liinj nyunj a mumu a ku kpageba a chiche duu kieliba. ⁴⁹ Ba nau duu venj liinj nyunj. Ba si nau, ba biina di ni-dima ne. Fawullunj kenja, ba nmoo niinj. ⁵⁰ Nii ne u guu bula piba a bul, “Má nyire ma boye. Mi-na ne. Ma si leñe di fawullunj kenma.” ⁵¹ U saa ku juu ba teenj liinj daboro-la le. Pel-la kere. U njaaba wu-kpunkpere. ⁵² Ba fa na Yesu duu kenj boroboro banonj a kpa niaa bui banonj, ka ba ha bi u dolunj jinj. Ba siaa ha bi suro.

Yesu vaare nyanyal tinjaa Genezaret le

Mat. 14.34-36

⁵³ Nii ne ba chol a ku yi tanj kubala baa yire Genezaret a lii liinj daboro-la le anj kaa voo liinj niinj. ⁵⁴ Ba lii didere, di niaa jima ari Yesu ne. ⁵⁵ Ba mu duure ba tinteenj kala a paa nyanyal tinjaa ari ba bosunanj a kaa mu lee-na kala ba si nia di Yesu he. ⁵⁶ Lee-na kala Yesu si mua, ta-balaa koo ta-biisinj koo bagisinj, niaa yie paa ba nyanyal tinjaa kaa juu yosunj tuonj a sulu duu leñ ba digi u gerinj niipininj le. Di ba ne dige, ba yie duori ne.

7

Farisii tinjaa ari Wia tenij kerichiba bul ba nyimmaba wonjbiij tonuj wiaa

Mat. 15.1-9

¹ Nii ne chεε kubala nialij ba sii yire Farisii tinjaa ari Wia tenij kerichiba dɔnsun si lii Jerusalem kɔ, ba kala sii gire kɔ Yesu teen. ² Ba kɔ di Yesu haritooro dɔnsun hɔnɔ didii kiaa an bi liij somɔ. Ba si u nii nja disij ne. ³ Farisii tinjaa ari Juu tinjaa kala, ba bi kunj-kala ka dii, see di ba sɔŋ liij, ari ba naabalimaba si dageba nii. ⁴ Di ba ne yɔɔ kiaa lii yɔɔɔ ma kaa kɔ, ba bi dii, see di ba sɔŋ liij. Ba kisinnij yuga. Ba keŋ wonjbi dɔŋ ne ba sii tiisi ba nyunyualusun ari ba gbanjin ari ba hɔɔŋ pupoyee kala maa.

⁵ Nii ne ba ku piese Yesu a bul, “Bεε ne tii ŋ haritooro chichei la naabalimaba kisinnij le? Bεε ne tii ba bi liij somɔ an didii kiaa?” ⁶ Nii ne u miira bula piba a bul, “Ma nja kanfugi timma ne. Wialij kala Azaaya fa sii bul, Wia Diŋ-zɔŋ-la dolun le a tigema le nja wutitii ne. Ba ŋmunse Wia tenij tuɔŋ ari u bul di Wia si, ‘Niaa deenba keŋ niij ne a pipimi zile, ka ba tuɔŋ liimi.

⁷ Ba yie chuɔlemi pei ne aa dage nuhuobiine wenij an bul di Wia ne bula.’

⁸ Nuhuobiine wenij ne maa to an via Wia niij wiaa.”

⁹ U bira si, “Ma keŋ wu-jimij a via Wia wenij an tuto ma naabalimaba wonjbiij. Ma sii nja nii, ma kiaa simaa? ¹⁰ Moosis fa ŋmunsa a bul ari Wia si di ŋ fɔ ŋ nyimma ari ŋ naan, a bira ŋmunse di nuu ne sii a bul wu-bɔmun a tige u nyimma koo u naan le, di ba kpu tiina. ¹¹ Moosis fa ŋmunse nii ne. Ama ma-na si di nuu ne keŋ kunj a mage duu joŋo pe u nyimma koo u naan le, tiina mu a bula piba, ku-la u fa si jan joŋo peba le nja kunj ne baa yire ‘Kooban’. U bubuɔŋ ne: Wia ne tiuu. Nii wiaa u bi jan joŋo piba.” ¹² Nii ne Yesu bira bula piba a bul, “Ma bira bi sei di nuu nja wii-kala pe u nyimma ari u naan le. ¹³ Ma yie nja nii a via Wia niij wiaa an tuto ma naabalimaba wonjbiij a bira joŋoo dage ma hanjbiisij maa. Wu-yiriba-la yuga ne ma sii nja.”

Kialij si keŋ disinnij

Mat. 15.10-20

¹⁴ Nii ne Yesu bira yire niaa ba kɔ. Ba si kɔ, u bula piba a bul, “Má kala jegili a nii worun. ¹⁵ Kunj-kala sii tuu ŋ tuɔŋ bi disinnij kenε. Ama wialij si he ŋ tuɔŋ a kuu lii, ba ne keŋ disinnij. [¹⁶ Digilaa tinjaa, má wuoli ma digilaa a nii.]”

¹⁷ U si bul nii dere, u mu juu dia an lej nialij. Nii ne u haritooro ku piesu namaga-la bubuɔŋ. ¹⁸ Nii ne u pieseba, “Ma ha bi wu-jimij kenεε? Ma bi jin ari nuu ne dii kunj, u bi jan wuo nja u keŋ disinnij? ¹⁹ N ne dii kunj nii, u bi ŋ tuɔŋ ka tuu see ŋ luorun, a bira to ŋ yaraa lii.” (U dageba nii ari kudiilee kisij bira tuo.) ²⁰ Nii ne u bul, “Wialij kala si he ŋ tuɔŋ a kuu lii, ba ne keŋ disinnij. ²¹ N tuɔŋ le ne ŋ yie biine wu-bɔŋɔɔ ŋaanij a ŋnjaa ba-chɔrun ari ha-chɔrun wu-ŋaalaa, a gigaa niaa kiaa, a bira kpukpu niaa, a chiche niaa haalaa, ²² a bira cho ŋ keŋ niaa kiaa lila, a ŋnjaa wu-bɔŋ-na kala, a ŋmunmoo niaa puo, a nja wialij kala si bi maga di ŋ nja. N yaraa ma bibieri niaa le. N yie chichei niaa yirij maa, a

bibigisi η titia le, a ηaa ni-yaari. ²³ Wu-bonηoo deenba kala yie lii η tuon ne a keη disinnin.”

²⁴ Nii ne Yesu sii a lii dime a mu Taya ari Saadon tinteen a mu juu faa dia kubala le a bi che di nuu-kala jin u wiaa, ka ba via an jin.

Siiria tinηaa haala ηaa yarida

Mat. 15.21-28

²⁵⁻²⁶ Haal kubala ne he dime. U ηaa nuhuoru ne a lii Foniisa tan-la si he Siiria tinteen le. U yikoro ηaa Giriik. Jin-bon ne fa keη u tolo. Nii ne u nii Yesu wiaa a sii ko a tuu tel u naasin le a sulu duu kiri jin-bon-la u bie le.

²⁷ Yesu piesu, “N ne keη hanbiisin, η jan jon ba kudiilee a pi va-biisin? Ai, η laa sipaan ηaa kudiilee pi η hanbiisin ne di ba dii. Ba ne die an ka, η saa jono pi vahin.” ²⁸ Haal-la si, “Wutitii ne, mi Tiina. N bi jan jon hanbiisin kudiilee a pi vahin. Ama hanbiisi-la sii dii kialin, kialin si tel tinteen ne, vahi-la ma jan paa dii.” ²⁹ Nii ne Yesu bula pi haal-la a bul, “A tin η si bul wiin deen wiaa, jin-bon-la lii η tolo le ne. Mu dia.” ³⁰ Haal-la viiri. U mua di u bile pina. Jin-bon-la liiu le.

Yesu vaare tanj

³¹ Nii ne Yesu miira lii Taya tinteen le a mu to Saadon ari tasin fii tinteen a mu yi Galilii muga. ³² Nii ne di tanj he dime. Ba kenu kaa ko a sul Yesu duu jon u nisin danu le. ³³ Yesu kenu kaa lii niaa tuon. Ba dunɗunɗa balia hon. Nii ne u jon u neniee a kaa mu tuu u digilaa le a tu nanɗuon he u nenɗelimin le, ³⁴ an beη nyun an faasa wiesi fir an bul baal-la le, “Efata.” Efata bubuon ne: Kaa suri. ³⁵ Baal-la digilaa suri. U nenɗelimin ma birime. U bubul wiaa woruη. ³⁶ Nii ne Yesu bula pi nialin ari siifiesin di ba si wiin deen bula pi nuu-kala. Nii titia u sisi di ba si wii-la bula pi niaa, nii titia ne ba ma fiese sii a bul wii-la gaara bal. ³⁷ Nialin kala si nii wii-la, ba hiriki a bul, “Wii-na kala ne u ηjinaa woruη. U paala ηaa tanj digilaa suri ne u ninii wiaa a bubul wiaa.”

8

Yesu pi niaa bui banese kudiilee

Mat. 15.32-39

¹ Ni-dan bira ku hilimi bua kubala le. Tapulii kubala, ba bira bi kudiilee kene di ba dii. Nii ne Yesu yire u haritooro a bula piba, ² “Mi beη niaa deenba, nennige keηmi ne. Ba he mi teen tapulaa batori ne ηla, ba bi kudiilee na di ba dii. ³ Di ba ne bi kuη-kala die, ka di mi bul di ba viiri, ba jan mu yegi wonbiin le. Ba donsuη ma lii di-bolii ne.” ⁴ Nii ne u haritooro piesu, “Ee ne η jan ηaa a na kudiilee di niaa deenba kala dii girin deen tuon?” ⁵ U pieseba, “Boroboroba bannee ne he dime?” Ba si, “Kiaa balipe ne.” ⁶ Nii ne u ηaa nialin tuu hon tinteen. Ka u jon boroboroba-la balipe a lolle Wia, an kaa choηe choηe, a pi u haritooro di ba laa kpa nialin. Ba laa kpaaba. ⁷ Di ba keη cheηfili-biisin ma mua. U jonba maa a chuole Wia an ηaa u haritooro laa kpa nialin. ⁸ Nuu-kala dii a voge. Ka ba paa ku-kaan-biisin a su siηsin balipe. ⁹ Nialin fa si dii kialin, ba yi bui banese. ¹⁰ Nii ne u taba an keη u haritooro ba mu juu liin daboro a mu Dalmanuuta tinteen.

Farisii tinηaa ka che di Yesu dage u doluη

Mat. 16.1-4

¹¹ Nii ne Farisii tinjaa doŋsunj sii ko aa che di ba magise Yesu a ku kenj wiaa lilere a bul, “Nj si kenj dolun, ŋaa wu-magil di la na a jinj ari ŋ dol-la lii Wia ne.” ¹² Yesu tuonj chei. U faasa wiesi. Nii ne u pieseba, “Ma leelee niaa deenba, bee ne tii ma yie chiche di mi dage mi dolun? Wutitii, mi bulaa pima, mi bi janj ŋaa wu-magil kala di ma leelee niaa deenba na.” ¹³ Njii ne u lenja anj miira juu liinj daboro a duoro chol muga cholo.

Yesu bul wiaa a mu tige Farisii tinjaa ari Herod le.

Mat. 16.5-12

¹⁴ Yesu ari u haritooroo si duoro chol muga cholo njii, u haritooroo liisi ari ba yu ba kudiilee ta, anj ka boroboro kubala, u he liinj daboro le. ¹⁵ Njii ne Yesu bul ari siifiesinj di ba po ba titia le ari Farisii tinjaa ari Herod le. U di ba nage si-burunj ne. Di ŋ jonjo he kunj-kala le, u yie puore ne. ¹⁶ U si bul njii, ba hono vuuvure a bul, “La bi boroboro kene, njii ne tii u bul njii.” ¹⁷ Yesu jinj ba sii vuure wii-la a pieseba, “Bee ne tii ma hono vuure a bul, ‘La bi boroboro kene?’ Ma ha bi wu-jiminj kenee? Ee ne ma tuonj dol njii?” ¹⁸ Ma kenj siaa ne, ba bi naa? Ma kenj digilaa ne, ba bi nii? Ma bi wii-la liisee? ¹⁹ Mi jonj boroboroba banonj a chogo kpa a baalaa bui banonj. Ma si paa ku-kaanaa, sijsinj banme ne ma paa su?” Ba si, “Sijsinj fii ari balia.” ²⁰ U bira pieseba, “Mi si jonj boroboroba balipe a chogo kpa a niaa bui banese, ma si paa ku-kaanaa, sijsinj banme ne ma paa su?” Ba si sijsinj balipe ne. ²¹ Njii ne u pieseba, “Ma saa ha bi wu-jiminj kenee?”

Yesu vaare nyulima Betisaada le

²² Yesu ari u haritooroo bira ku yi tanj kubala baa yire Betisaada. Njii ne niaa doŋsunj sii a kenj nyulunj kubala a kaa ko a sul Yesu duu jonj u nisinj a digu. ²³ U kenj nyulunj-la nisinj le a leru lii tanj-la tuonj a tu nanjurunj he u siaa le a jonj u nisaa danj le anj piesu di uu na lerinj nee? ²⁴ U benj lerinj anj bul, “Mii na niaa ne, ama ba nage tiisinj ne aa golle.” ²⁵ Njii ne Yesu miira kenj u nisaa danj u siaa le. Baal-la faasa chaare siaa worunj a na kunj-kun-kala worunj. U siaa bira nina. ²⁶ Njii ne Yesu bula pu duu bira si tanj-la tuonj juu, duu mu u janj.

Piita si di Yesu ne ŋaa Kirisito

Mat. 16.13-20; Luuk 9.18-21

²⁷ Yesu ari u haritooroo bira sii lee-la a mumu Sizariya Filipa tinjteenj. Ba sii mu njii, Yesu piese u haritooroo a bul, “Kubee ne niaa si di mi ŋaa?” ²⁸ Ba si, “Doŋsunj si di ŋ ŋaa Joonj ne, Wia lii-foori-la. Doŋsunj ma si di ŋ ne ŋaa Ilaaja, nii-la fa sii bul wiaa, Wia Din-zonj-la dolun le ne. Doŋsunj ma si di ŋ ne ŋaa nialinj sii bul wiaa, Wia Din-zonj-la dolun le doŋo ne.” ²⁹ Njii ne Yesu bira piese u haritooroo maa a bul, “Ka ma maa, ma si mi ŋaa kubee ne?” Piita si, “Nj ne ŋaa Kirisito, nii-la Wia si liisa.” ³⁰ Piita si bul njii, Yesu bula piba ari siifiesinj di ba po di ba si wii-la bula pi nuu-kala.

Yesu bul njii u si janj na heej anj pe suu

Mat. 16.21-28; Luuk 9.22-29

³¹ Njii ne Yesu didage u haritooro-la a bul, “Mi-na, Nuhuobiine Bie, mi janj na heej worunj. Kuhiasinj ari nialinj si kpu pusunj pipi Wia kuhiasinj ari Wia teninj kerichiba, ba kala janj viami anj ŋaa di ba kpumi. Di ba ne kpumi, mi janj ŋaa tapulaa batori anj bira sii suunj le.” ³² U chaasa bul wiinj deenj ne piba. Njii ne Piita kenu kaa suusa lii, a kpiau le, a bul u teenj ari u si njii bul, u bi worunj bula. ³³ Njii ne Yesu birime u haritooroo teenj anj kpia

Piita le a bul, "Sitaani, mu dime. Wialij η sii bul, nuhuobiine wonjiin ne, Wia wonjiin dee."

³⁴ Nii ne u yire u haritooro ari nialij kala di ba ko a bula piba a bul, "Di nuu-kala nii che duu tomi, see duu via u titia wonjiin an jon u daa-geese baase a tomi. ³⁵ Nii-la kala sii che duu laa u miisin, u jan via u miisin ta. Ama nii-la si via u miisin ta a tij mi wiaa ari Wia wu-zom-la wiaa, u jan sene laa u miisin. ³⁶ Di η ne dii dunia kala an bi miisin kene, bee kuj nyuurii ne η na? ³⁷ Dunia deen le, bee kuj ne saa η jan wuo kaa yoo laa η miisin? ³⁸ Ma leele ni-bonjoo deenba, ma yie fifa hiisin a tij mi wiaa ari mi wu-bulaa le. Ama chee kubala mi-na Nuhuobiine Bie, mi jan ko a chaane, ari mi Nyimma si chaane nii. Mi jan kenj Wia tinjaaraa di la kala ko. Bua-la le ne, nii-la si fa mi hiisin, mi ma jan fau hiisin."

9

¹ Nii ne Yesu bira bula pi u haritooro-la a bul, "Wutitii ne mi bulaa pima, niaa donsun he dime, ba bi jan suu, see di ba na Wia kuorii-la china dere ari dolun, ka di ba-na suu."

Yesu birima

Mat. 17.1-13; Luuk 9.28-36

² Tapulaa balidu si ku bal, Yesu kenj Piita ari Jeems ari Joon, ba dunjuna, a kaa mu jil peel-bal kubala nyun. Ba benj ba sipaan a na Yesu duu birima. ³ U gennij kala pulle kinjen a tutul. Geri-cheseru kala bi jan wuo chese gennij di ba pulla nage nii. ⁴ Ilaaja ari Moosis ku lii ba sipaan a china bubul wiaa Yesu teen. ⁵ Nii ne Piita bula pi Yesu a bul, "La kuhian, u nna wu-zon ne ari la si he daha. Len di la he lenjese batori, di η kenj donjo, di Moosis ma kenj donjo, di Ilaaja ma kenj donjo." ⁶ Fawullun fa kenjba ne worun. Nii ne ti u bul nii. U bi jinj wii-la kala u si jan bul.

⁷ Nii ne duonbilinbaanij ku toba. Ka yiikoro kubala lii duonbilinbaan-la tuon a bubul, "Mi Bii-choolun ne nla. Ma jegile nii u teen." ⁸ Ba nii yiikoro deen a miira daase. Ba bi nuu-kala na see Yesu dunjuna.

⁹ Ba si lii peel-la nyun kuu tuu, nii ne Yesu bula piba a bul, "Mi bi che di ma bul wii-la ma si na, see di mi-na, Nuhuobiine Bie sii suun le." ¹⁰ Nii ne ba sei a kenj wii-la ba tuon an pipiese donjo, "U si jan sii suun le, u bubun ne bee?" ¹¹ Nii ne ba piese Yesu, "Bee ne ti Wia tenij kerichiba bul ari Ilaaja ne jan laa sipaan ko, an ka di Wia Bie-na ko?" ¹² U bula piba a bul, "Wutitii, Ilaaja jan sene laa sipaan ko a kenj kuj-kala wasa bil. Ba saa nmunja bil Wia tenij tuon a mu tige Nuhuobiine Bie le duu jan na heen kinjen, di ba jan benu a nage ni-pei. Bee ne ti ba nmunse nii?" ¹³ Leele mi jan bula pima ari Ilaaja paala ko ne. Ba nnaa nii kala ba sii che. Ba fa nmunse nii ne a tigele Wia tenij tuon."

Yesu kiri jin-bomunj bie le

Mat. 17.14-21; Luuk 9.37-43

¹⁴ Ba si ku yi haritooro ku-kaana-la di niaa yuga a hilimi dime. Ba di Wia tenij kerichiba kenj wiaa lilere. ¹⁵ Nialij si na Yesu duu ko, ba guu hiriki a sii fa a mu chemu a chuolu. ¹⁶ Nii ne u pieseba, "Wu-bee ne ma hilimi nii a kaa lilere?" ¹⁷ Nialij donjo bul, "La kuhian, mi bie ne mi kaa ko η teen. Jin-bon ne kenu. U birime tanj. ¹⁸ U yie ku kenu u tuu tel tinjeen, nantuo-funfuga to u niin, u chichan u nyilaa a teriki. La saa sul η haritooro di ba kiri jin-bon-la u le, ama ba bi wuo kiri." ¹⁹ Nii ne Yesu bula piba a bul, "Ma leele niaa, ma bi yarida kene. Ee ne mi jan nyalime

a dieni ma teenj? Má keŋ bile kaa kɔ mi teenj.” ²⁰ Nii ne ba keŋ bile kaa kɔ u teenj. Jij-bɔŋ-la si ku na Yesu, u keŋ bile teriki, u tuu tel tinteenj a bibilimi, nantɔɔ-funfuga-la ku tɔ u niinj. ²¹ Nii ne Yesu piese u nyimma, “Che bɛe ne u suomi u le?” U si, “U hanbiirin kala le ne u suomi. ²² Bua dɔŋɔ u yie jonu a lulo nyininj le ari liinj le a chiche duu kpuu. N-na si wuo wii-na kala njɔaa, fála nennige aŋ pela le.” ²³ Nii ne Yesu si di nii-la kala si ŋaa yarida, u jaŋ wuo ŋaa wii-na kala. ²⁴ Nii ne bile nyimma sii chinj a faasa bubunsi, “Mi ŋaa yarida, ama u bi yuge. Pemi le di mi yarida yuge.” ²⁵ Ba si china bubul nii, niaa yuga a fá ku hilimi. Yesu ku na a bula pi jijn-bɔŋ-la ari siifiesinj a bul, “Jijn-tari, mi ne bula di ŋ leŋ bile. Pupo di ŋ maachie bira suu keŋ.” ²⁶ Jijn-bɔŋ-la chiire aŋ kenu teriki a ku lenu, ka bile nage duu suba. Nialinj jesinj kala bul di bile suba ne. ²⁷ Ama Yesu mu keŋ u nisinj le u sii chinj. ²⁸ Nii ne Yesu ari u haritooro juu dia. Ba luora piesu, “Bɛe ne tii la-na bi jijn-bɔŋ-la wuo kiri?” ²⁹ U bula piba, “Nuu-kala bi jijn-bɔŋ-la si nage nii wuo kire tita, see u chuole Wia woruŋ.”

Yesu bira bul u suuŋ wiaa.

Mat. 17.22-23; Luuk 9.43-45

³⁰ Nii ne ba sii lii lee-la a mu to Galilii tinteenj. Yesu bi cho di nuu-kala jijn lee-la u si he, ³¹ bɛe wiaa uu dage u haritooro ne ari ba jaŋ keŋ u-na, Nuhuobiine Bie a he niaa nisinj le di ba kpuu, ka duu sii suuŋ le tapulaa batori cheŋ a keŋ miisinj. ³² Ama ba fa bi jijn wii-la u si bula bubuɔŋ aŋ fifá fawulluŋ di ba piesu.

Yesu haritooro che di ba jijn ba tuɔŋ kuhianj

Mat. 18.1-5; Luuk 9.46-48

³³ Nii ne ba sii kɔ Kapenam. Ba si juu dia, Yesu piese u haritooro-la a bul, “Bɛe kuŋ ne ma fa kaa lilere wonbiinj le nii?” ³⁴ Nii ne ba tɔre ba niinj, bɛe wiaa ba fa keŋ ba tuɔŋ kuhianj wiaa ne lilere wonbiinj le. ³⁵ Nii ne Yesu hɔŋ aŋ yire u haritooro-la fii ari balia a bula piba, “Nii-la sii che duu ŋaa ma tuɔŋ kuhianj, see duu ku ŋaa ma tuɔŋ hanbie a timaa pi ma kala!” ³⁶ Nii ne u keŋ bii-bie a kaa ku bil ba tutuɔbaaninj a guoru aŋ bula piba a bul, ³⁷ “Di nuu ne keŋ bii-bie deŋ dɔŋɔ woruŋ a tinj mi wiaa, mi ne u keŋ woruŋ nii. Nii-la ma kala si keŋmi woruŋ, mi dunɔŋa dee u keŋ woruŋ nii. Nii-la si tinjmi ma ne u keŋ woruŋ nii.”

Baala kiri jijn-bɔŋŋɔ Yesu doluŋ le

Luuk 9.49-50

³⁸ Nii ne Joɔŋ bula pi Yesu a bul, “La kuhianj, la na baal kubala duu kiri jijn-bɔŋŋɔ niaa le ŋ doluŋ le. La kiru duu sí nii ŋaa, bɛe wiaa u bi la dɔŋɔ ŋaa.” ³⁹ Ama Yesu bula piba a bul, “Duu níi ŋaa nii, má bira síu kiru. Di nuu ne ŋaa wu-kpunjperere kala mi doluŋ le, u chie bira bi jaŋ chei mi yirinj. ⁴⁰ Nii-la kala si bi la hariŋ lia, u ŋaa la dɔŋɔ ne. ⁴¹ Wutitii mi bulaa pima, nii-la kala si jonj gbanja ari liinj a pima a tinj ma síi tomi wiaa, u jaŋ laa u time.

Wialinj si jaŋ keninj he haache le

Mat. 18.6-9; Luuk 17.1-2

⁴² Nii-la kala si na hanbiisi-la síi tomi dɔŋɔ a nyisu duu ŋaa wu-bɔmuŋ, u maga di ba jonj nɔmuŋ a wɔɔ laale u banja le a jonu yuo he muga tuɔŋ. Di ba ne ŋaa nii, u ne jaŋ kpia u si weye. ⁴³ Di ŋ nisinj níi che duu keninj he haache le, kere ta. Nj si jaŋ juu Wia kuorii-la tuɔŋ ari na-kuuŋ, u ne kpia ŋ si keŋ na-pilimee aŋ juu Wia nyininj. Lee-la nyinj-la bi jaŋ dise. [

44 Lee-la nan̄chuolaa jan̄ dii η yaraa deen̄ deen̄ a bi jan̄ suu, ka nyin̄-la ma bi jan̄ dise.] 45 Di η naan̄ n̄ii che u kenin̄ he haache le, kere ta. N̄ si jan̄ juu Wia kuorii-la tuon̄ ari naa-kuun̄, u ne kpia ba si jan̄ jonun̄ yuo he Wia nyinin̄ le ari naa-pilimee. [46 Lee-la nan̄chuolaa jan̄ dii η yaraa deen̄ deen̄ a bi jan̄ suu, ka nyin̄-la ma bi jan̄ dise.] 47 Di η siin̄ n̄ii che duu kenin̄ he haache le, liisa ta. N̄ si jan̄ juu Wia kuorii-la tuon̄ ari sii-togo, u ne kpia ba si jonun̄ yuo he Wia nyinin̄ le ari siaa balia. 48 Lee-la nan̄chuolaa jan̄ dii η yaraa deen̄ deen̄ a bi jan̄ suu, ka nyin̄-la ma bi jan̄ dise. 49 Wia jan̄ len̄ di η na heen̄ an̄-na na wu-zomun̄. 50 Yisin̄ sima, ama di u ne sebise, η bira bi jan̄ wuo ηaa duu sin̄. Má len̄ di ma tuosaa sin̄, ari yisin̄ si sima ηii, an̄ len̄ di ma kala ken̄ nii-bala.”

10

Yesu dage niaa di ba sí ba haalaa via

Mat. 19.1-12; Luuk 16.18

1 N̄ii ne Yesu sii a lii dime a mu Judiya tin̄teen̄ a chol Joodan̄ fuo-la. Ni-dan̄ bira hilimi u teen̄. U bira dageba ari u si yie dageba ηii.

2 N̄ii ne Farisii tin̄ηaa don̄sun̄ ma sii kō u teen̄ a chiche di ba magisu a piesu a bul, “N̄ si via η haala, u ken̄ won̄biin̄ nee?” 3 Yesu miira pieseba, “Ee ne Moosis dagema di ma tuto?” 4 Ba bul, “Moosis si di baala n̄ii che u via u haala, duu laa sipaan̄ a ηmun̄se tenin̄ a pi haal-la an̄-na viau.” 5 Yesu bula piba a bul, “Ma tuon̄ dolie, ηii ne tii Moosis ηmun̄se ηii pima. 6 Ama Wia si bugumo ηaa dunia, nialin̄ u si ηaa, ba ηaa baal ari haal ne. 7 N̄ii ne baal-la jan̄ len̄ u nyimma ari u naan̄ dia [an̄ ka ba di u haala mere don̄o le]. 8 Niaa deen̄ba balia jan̄ ken̄ chal-bala. Ba bira bi jan̄ ηaa niaa balia, see kubala. 9 Nialin̄ saa Wia si kaa mere don̄o le, u bi maga di nuhuobiine kaa por̄e.”

10 Yesu ari u haritooroo miira sii juu dia. N̄ii ne ba bira piesu wiin̄ deen̄.

11 U bula piba, “Baal-la-na kala si via u haala an̄ bira jaa don̄o, u tiina ηaa haal-la juu Wia haache le ne. 12 Di haala ma ne via u bala an̄ ma bira mu jaa baal don̄, u ma ηaa baal-la juu Wia haache le ne.”

Yesu jon̄ nisin̄ dan̄ han̄biisin̄ le

Mat. 19.13-15; Luuk 18.15-17

13 Niaa sii kō Yesu teen̄ a ken̄ ba han̄biisin̄ kaa kō, duu jon̄ u nisin̄ dan̄ba le di Wia peba le. N̄ii ne u haritooro-la kpiaba le. 14 Yesu si na ηii, u na baan̄in̄ u haritooro-la nyun̄ a bula piba a bul, “Má len̄ di han̄biisi-la kō mi teen̄. Ma síba kiru. Niaa deen̄ba yiri ne he Wia kuorii-la tuon̄. 15 Wutitii ne, mi bulaa pima, di η bi Wia to a nage han̄bie si yie to u nyimma ari u naan̄ ηii, η bi jan̄ wuo juu Wia kuorii-la tuon̄.” 16 N̄ii ne u jon̄ han̄biisi-la a nōge, a jon̄ u nisin̄ dan̄ba le, a chuole Wia pipiba di Wia peba le.

Baal-la si ken̄ kiaa kō Yesu teen̄

Mat. 19.16-30; Luuk 18.18-30

17 Yesu bira sie duu ven̄ won̄biin̄. Baal kubala fá ku kpirimi u sipaan̄ a piesu, “Mi kuhia-zomun̄, ee ne mi jan̄ ηaa a ken̄ miisi-la si bi dere?” 18 Yesu piesu, “Bee ne tii η yiremi kuhia-zomun̄? Nu-u-kala bi zon̄ see Wia dun̄dun̄a. 19 Na η jin̄ wialin̄ Wia si len̄e ba ηmun̄sa bil di niaa tuto. Ba ne n̄la: Sí niaa kpu, si η don̄o tiina haala che, sí gaa, di η ηaa dan̄sia wii le, sí wiaa nyia. Sí nuu-kala kun̄ girima laa. Fifá η nyimma ari η naan̄.” 20 N̄ii ne baal-la bula pi Yesu, “Mi kuhian̄, mi to wiaa deen̄ba kala mi han̄biirin̄

le ne.” ²¹ Nii ne Yesu nyilimi u siaa le a chou an bula pu, “Wu-bala ne ka, η ha bi ηaa. Jon η kīaa kala yalle a jon moribie-la a pi summoo an ku tomi. N η ne ηaa nii, η jan keη kīaa Wia-jan le.” ²² Yesu si bul nii, u ηaa baal-la siaa biri, beη wīaa u keη kīaa ne woruη. U tuoη chei, u sii viiri. ²³ Nii ne Yesu beη nīaa an miira bula pi u haritooro-la a bul, “U ηaa wu-duo ne ari nialin si keη kīaa si jan wuo juu Wia kuorii-la tuoη.” ²⁴ U bul nii, u haritooro-la hiriki. U saa miira bula piba a bul, “Mi nanɔŋsun, u ηaa wu-duo ne ari nialin si keη kīaa si jan juu Wia kuorii-la tuoη. ²⁵ U bi hei ari buntaηηa si jan wuo to geri-hemin buoη lii ari u si heye nii nii-la si keη kīaa si jan wuo juu Wia kuorii-la tuoη.”

²⁶ Yesu si bul nii, u haritooro-la faasa hiriki a pipiese doηo, “U ne nage nii, kubee ne saa Wia jan laa ta?” ²⁷ Yesu miira beηba an bul, “Wii-la si jan kperi nuhuobiine, u bi Wia wuo kperi. Wia wuo wii-kala ηaa ne.” ²⁸ Nii ne Piita bula pu a bul, “Na, la-na leη la kuη-kala ne an tuto η hariη.” ²⁹ Yesu bula pu a bul, “Wutitii ne, ma leη ma kīaa kala ne an tutomi. Mi saa jan bula pima, nii-la kala si jan wuo leη u dia koo u naanbiirin koo u naan koo u nyimma koo u biirin koo u bagisin mi wīaa ari Wia wu-zomo-la wīaa, ³⁰ u tiina jan bira na diisin ari naanbiirin ari naanba ari biirin ari bagisin naanšin zolo dunia deη le. Ba ma jan to u naasin dudogisu. Di u ne ku suu, u ma jan na miisi-la si bi dere. ³¹ Ama kuhiasin yuga si jan birime hanbiisin. Hanbiisin ma yuga si jan birime kuhiasin.”

Yesu bira bul u suuη wīaa.

Mat. 20.17-19; Luuk 18.31-34

³² Yesu si bul nii di ba he woηbiin le ne aa mu Jerusalem. Yesu laa ba sipaan. U haritooro hiriki, fawulluη ma keη nialin doηsun sii to ba hariη. Nii ne Yesu keη u haritooroo dunɔŋa a suusa lii, a bula piba wii-la kala nīaa si jan ηaa le a bul, ³³ “Má jegili mi teen. Laa mu Jerusalem ne. Di la ne yi dime, ba jan keη mi-na Nuhuobiine Bie kaa mu pi nialin si kpu pusun pipi Wia kuhiasin ari Wia tenin kerichiba. Ba jan dii mi sariya a bul di u maga di mi suu ne, an keηmi kaa mu he nialin si bi juu tinηaa ηaa nisin le di ba kpumi. ³⁴ Ba jan moηmi a jan tu nanɔŋruη ma hemi le. Ba jan viiremi an kpumi maa, ka di mi sii suuη le tapulaa batori cheη.”

Jeems ari Joηη sul Yesu aa che di-hoηuη Wia teen

Mat. 20.20-28

³⁵ Nii ne Jeems ari Joηη sii. Ba fa ηaa Zebidii biirin ne a mu Yesu teen a bula pu a bul, “La kuhian, laa suluη di η ηaa wii ne a pila.” ³⁶ Nii ne Yesu piaseba a bul, “Wu-bee ne maa che di mi ηaa pima?” ³⁷ Ba bul, “N si jan dii Wia kuorii-la a keη yirin a hoη η kuori-kpasa nyuη, leη la ηaa η bubuoη huhoηno, di doηo hoη η na-diin, di doηo ma hoη η na-gua.”

³⁸ Nii ne Yesu bula piba a bul, “Ma bi jin ku-la ma sii che. Ma jan wuo nyalima na hee-la mi si jan naa? Ma jan wuo fo Wii-chuo le liin ari ba si jan fomi nii koo?” ³⁹ Ba si, “Oo, la jan wuo.” Nii ne Yesu bula piba a bul, “Wutitii ne ma bul. Hee-la mi si jan na, u-na ma ma jan na. Ba si jan fomi Wii-chuo le liin nii, ba jan foma ma nii. ⁴⁰ Ama mi na-diin ari mi na-gua huhoηno-la, mi dee bi jan tuoseba. Wia ne jan liiseba di ba hoη dime.”

⁴¹ Yesu haritooroo fii-la si ka nii Jeems ari Joηη si bul wii-la, ba na baanin ba nyuη. ⁴² Nii ne Yesu yire u haritooro kala. Ba mu u teen. U bula piba a bul, “Ma jin nialin si ηaa nialin si bi juu tinηaa ηaa kuoro, a fa mage di ba beη nīaa woruη, an ka ba via an hoη ba nyuη. Ba kuhiasin ma keηba doluη. ⁴³ Ama u bi maga di ma ηinηaa nii. Ma tuoη nii-la sii che u ηaa ma

kuhian, u maga duu ne tinj tintinḡaa pipima. ⁴⁴ Ma tuḡḡ nii-la sii che u ḡaa ma tuḡḡ kuoro, u maga duu ne ḡaa ma tuḡḡ yomo. ⁴⁵ Mi-na Nuhuobiine Bie, mi bi kḡ di mi che niaa di ba tima pimi, mi kḡ di mi-na tima piba, a suu, a laa niaa miisaa yuge ta a piba ne.”

Yesu vaare nyulima

Mat. 20.29-34; Luuk 18.35-43

⁴⁶ Nii ne ba ku yi taḡ kubala baa yire Jeriko. Ni-dan ku hilimi a toba. Ba kala kuu lii dime di nyulima ḡoḡ woḡbiinḡ niinḡ. U ḡaa sullu ne. U yirinḡ ne Batimeyas a ḡaa Timeyas bie. ⁴⁷ U nia di Yesu si lii Nazaret nii kḡ. U si nii ḡii, u faasa yire a bula pu a bul, “Yesu, Devit nihinḡ, fámi nennige.” ⁴⁸ Niaa yuga a kpiau le duu keḡ goḡ, ama u faasa yire a kii ḡii a bul, “Yesu, Devit nihinḡ, fámi nennige.” ⁴⁹ Nii ne Yesu chinḡ anḡ bul di ba yiru duu kḡ. Nii ne ba yire nyulunḡ-la a bula pu a bul, “Nyire ḡ boye anḡ sii kḡ. Uu yirinḡ ne.” ⁵⁰ U si nii ḡii, u wuri u geri-balinḡ ta anḡ sii fula mu yi Yesu. ⁵¹ Nii ne Yesu piesu, “Bee kunḡ ne ḡ che mi ḡaa a pinḡ?” Nii ne u bula pu, “Mi kuhian, lenḡ di mi siaa suri di mi nina.” ⁵² Nii ne Yesu bula pu a bul, “ḡ yarida ne ḡaa ḡ duori. Mumu.”

Nii ne u siaa guu suri, u tuto Yesu harinḡ.

11

Yesu juu Jerusalem

Mat. 21.1-11; Luuk 19.28-40; Jḡḡḡ 12.12-19

¹ Nii ne Yesu ari u haritooro-la sii mumu Jerusalem. Ba ku yi Betifagi ari Betani diirinḡ, a ku yi peel kubala baa yire Oliv. ² Nii ne Yesu liise u haritooro balia a tinḡba a bula piba a bul, “Má mu taḡ-la si he ma sipaanḡ. Di ma ne mua, ma janḡ na kaku-bie di ba vḡḡ bil. Nu-kala ha buu jila. Má puri a kaa kḡ. ³ Di ma nii puru, di ba piesema a bul di bee ne tii maa puri, má bul di ‘la Tiina nii che. U ne si la puro kaa kḡ. La janḡ miira kenu kaa kḡ lele.”

⁴ Ba to woḡbiinḡ bibal di ba vḡḡ kaku-bie a kii dia kubala boinḡniinḡ. Ba mu di ba puri. ⁵ Ba sii puri kaku-bie-la, di niaa doḡsunḡ chinḡ dime a pieseba, “Bee ne tii maa puri kaku-bie-la?” ⁶ Nii ne ba bul wialinḡ kala Yesu si si di ba bul. Ba si bul ḡii, ba lenḡ ba puro mu. ⁷ Ba keḡ kaku-bie-la kaa mu pi Yesu a wuri ba genninḡ a danḡ kaku-bie-la nyunḡ. Yesu jila ḡoḡ. ⁸ Doḡsunḡ ma joḡ ba genninḡ a jere woḡbiinḡ le. Doḡsunḡ ma keru pipaarinḡ a ma kaa lii jere woḡbiinḡ le duu vivenḡ. ⁹ Niaa doḡsunḡ he u sipaanḡ. Doḡsunḡ maa to u harinḡ. Ba kala faasaa ḡaa goḡ a bubul, “Tabarikala! Wia janḡ pe baala deenḡ sii kḡ la Tiina Wia dolunḡ le. ¹⁰ La naabalima Devit kuorri-la sii kḡ. Wia janḡ pe u duu kḡ. Má lenḡ di la denne Wia.”

¹¹ Nii ne Yesu mu Jerusalem a mu juu Wia-dia a beḡ kialinḡ kala si he dime. U bene dere di taḡ bire. Nii ne ba di u haritooro-la fii ari balia miira mu Betani a mu chua dime.

Yesu kaliba he tutogo le

Mat. 21.18-19

¹² Taḡ si pula, ba sii lii Betani a joḡ woḡbiinḡ mumu. Losunḡ keḡ Yesu. ¹³ U na tutogo duu mu chinḡ sipaanḡ a keḡ pipaarinḡ. U mu yi u bubuonḡ a biine ari nenee he dime ne. U mu wula beḡ, di nenee tuo see pipaarinḡ, bee wiaa ba neninḡ ha bi yie. ¹⁴ Nii ne Yesu bul tia-la le a bul, “A lii jininḡ a

kaa mumu, nuu-kala bira bi jarj dii η nenεε.” U haritooroo nii Yesu si bul ηii.

*Yesu kiri nialinj sii yalle kiaa Wia-dia le
Mat. 21.12-17; Luuk 19.45-48; Jooη 2.13-22*

¹⁵ Nii ne ba mu yi Jerusalem. Ba si yie, Yesu juu Wia-dia. Nialinj doηsun he dime a yiyalle kiaa, doηsun ma yuyoo kiaa. Yesu kiriba kala ta ba lii. Baalaa ma he dime a yiyere moribiee. Yesu ηmoo ba teebulba lo. Baalaa doηsun ma yalle kokosun. U ηmoo ba ma kpasinnij a lo. ¹⁶ U bi seye di nuu-kala keη kiaa kaa ku to Wia-dia-la tuonj. ¹⁷ Nii ne Yesu dageba a bula piba a bul, “Ma bi liise wialinj ba si ηmuηsa Wia teninj leε? Ba ηmuηsa di Wia si, u dia jarj ηaa lee-la niaa si jarj chuchuole Wia, aη ka ma-na miira kaa birime gaari-dia.” ¹⁸ Nialinj si kpu pusun pipi Wia kuhiasinj ari Wia teninj kerichiba, ba kala nii wii-la u si bula. Nii ne baa che wonjbiinj di ba to kpuu.

Wialinj Yesu si daga, niaa yuga a jegile nii, u ηaaba wu-kpunjkpere. Nii ne tii fawullun keη nialinj si kpu pusun pipi Wia kuhiasinj ari Wia teninj kerichiba. Ba chiche di ba kpuu. ¹⁹ Didaaninj si yie, Yesu ari u haritooroo lii tanj-la le di ba mu pinj.

*Yesu dage tutogo-la suunj bubuonj
Mat. 21.20-22*

²⁰ Chichuo-fiela ba jonj wonjbiinj aa venj, a bira na tutogo-la duu kala suba a tuu keη u naapoloo pe. ²¹ Nii ne Piita liisi wii-la Yesu si bul tia-la le a bula pi Yesu a bul, “La kuhianj, bee na tia-la le η si kaliba he, u suba ne.” ²² Nii ne Yesu bula piba a bul, “Ma ηaa yarida ari Wia. ²³ Wutitii ne mi bulaa pima, di ma ne ηaa Wia yarida a bi tuosaa balia kene, ma jarj bul di peelinj sii mu tel muga tuonj. U jarj ηaa a pima. ²⁴ Nii wiaa kialinj-na kala ma si chuole Wia a susul, di ma ne keη yarida, ma jarj naba. ²⁵ Bua-na kala di η ne sii chinj a chuchuole Wia, biina na di ma di nuu keη wii. Di u cho duu nage ηii ma kala, η jonjo cheu. η ne ηaa ηii, Wia si he Wia-jarj le, u ma jarj jonj η haacheba cheη. [²⁶ Ama di η ne bi wiaa jonjo che η doηsun tinηaa, η Nyimma Wia si he Wia-jarj le, u ma bi jarj jonj η haacheba cheη.”]

*Niaa piese Yesu u dolunj wiaa
Mat. 21.23-27; Luuk 20.1-8*

²⁷ Ba bira ko Jerusalem a mu juu Wia-dia. Yesu sii venj Wia-dia tuonj ηii, nialinj si kpu pusun pipi Wia kuhiasinj ari Wia teninj kerichiba ari juu tinηaa kuhiasinj, ba kala sii ko u teenj ²⁸ a piesu a bul, “Dol bee ne η keη a ηijaa wiaa deenba? Kubee ne pinj dolunj η ηijaa ηii?” ²⁹ Nii ne Yesu bula piba a bul, “Mi ma jarj piesema wu-bala. Di ma ne dagemi u bubuonj, mi ma jarj dagema dol-la mi si kene bubuonj.” ³⁰ Nii ne u pieseba a bul, “Jooη, Wia lii-foori-la dolunj, u lii Wia teenj neε koo u lii nuhuobiine teenj neε? Ma dagemi.”

³¹ Ba suomo keη wii-la lilere doηo le aa bul, “Wu-beε ne laa che di la bul? Di la ne bula pu a bul di Wia teenj ne u lii, u jarj piesela a bul, ‘Bee ne saa tii ma bi wialinj u si bula laa dii?’ ³² La saa jarj wuo bul u lii nuhuobiine teenj neε? Ai.” Fawullun keηba a tinj nialinj si chinj dime wiaa. Niaa bula ari Jooη fa sene ηaa nii-la sii bul wiaa, Wia Diη-zonj-la dolunj le ne. ³³ Nii ne ba bula pi Yesu a bul, “La bi jinj.” Yesu ma bula piba a bul, “Too, mi ma bi jarj dagema dol-la mi si kene bubuonj.”

12

Yesu mage namaga a tige nialinj sii tinjtinnaa бага ле

Mat. 21.33-46; Luuk 20.9-19

¹ Yesu bira mage namaga a piba a bul, “Baal kubala ne bil бага a chõnse kiaa si kenj nenee yuge a nage chichuenj. Ba yiyire gireps. U saa lige бага-la gollì ne. U lu bua бага-la tuõj di ba chage tii-nene-la liinj hihe, a saa lusunj nyunj dia ma a honõ põ. U paa niaa a he u бага-la tuõj di ba titinj. Ka u mu tanj dõj. ² Tii-nene-la bii, u tinj u dia tintinnaa dõjõ duu mu tintinna-la teenj a laa tii-nenee kaa kõ. U mu. ³ Ba kenu a ñmõbu anj leñj u kenj na-hillinj miira mu бага tiina teenj. ⁴ U bira miira tinj tintinna-la dõjõ. U ma bira mu. Ba kenu a ñmõbu a yage u nyunj luri a jolimu. ⁵ U bira tinj tori, u bira mu. Ba kpuu. U tinj niaa yuge. Ba ñaa ñii titia nialinj ma le. Ba ñmoo dõnsunj anj kpu dõnsunj maa. ⁶ Nii-la si ka, u bii-choolunj ne ñii. Ñii harinj le ne u timu. U biina u bie ne mua, ba janj zilù. U ma bira mu. ⁷ Tintinna-la si na bile, ba bula pi dõjõ a bul, ‘Di бага-la tiina ne suba, bie deenj ne janj dii u kiaa. Má kõ di la kpuu. Di la ne kpuu, la ne janj miira tii u kialinj.’ ⁸ Ba kenj bile a kpuu a jonj yuo ta бага-la harinj.”

⁹ Ñii ne Yesu pieseba, “Ee ne бага-la tiina janj ñaa? U janj kõ a kpu tintinna-la kala, anj jonj бага-la a pi ni-tania.” ¹⁰ Ñii ne Yesu piese nialinj si nii namaga-la, “Ma bi Wia tenj-la karimaa a mu yi lee-la ba si bul ñlaa? ‘Tiebi-la dii-saaraa si via,

u ne miira ku ñaa tiebii-duõj ba si jonj bil dia gentine.

¹¹ La Tiina Wia tintinnaa ne ñii.

U ñaala wu-kpunkpere ne.’ ”

¹² Yesu si bul ñii, Juu tinnaa kuhiasinj chiche di ba kenu kaa mu tõ dia, bæe wiaa ba jima ari u mage namaga-la a tigeba le ne. Ama ba fá nialinj si he dime. Ñii ne tii ba lenj anj viiri.

Ba piese Yesu lanpoo wiaa

Mat. 22.15-22; Luuk 20.20-26

¹³ Ba miira mu anj tinj Farisii tinnaa dõnsunj ari Herõd haritooroo dõnsunj di ba bira mu Yesu teenj a magisu a berẽ kenu. ¹⁴ Ba kõ u teenj a bula pu a bul, “La kuhianj, la jima di ñ kenj wutitii ne. Ñ sipaan tuo nuu le. Ñ bi ni-bal sii ka fá. Ñj dage Wia wonjbii-titii ne. U ñaa wonjbiinj ne di la tinj lanpoo a pi Rom tinteenj kuori-balinj ba sii yire Siiza koo? Dagela. ¹⁵ La time pu koo la sí pa?” Yesu jima ne di ba fugoo bul ne, ñii ne u pieseba a bul, “Bee ne tii maa magisemi? Má kenj moribii-biinj kaa kõ di mi bee na.”

¹⁶ Ba kenj dõjõ kaa kõ. Ñii ne u pieseba, “Kubee nyunj ne he dime? Kubee yirinj ma ne ba tuuro he moribii-la le?” Ñii ne ba bul di Siiza yirinj ne. ¹⁷ U bula piba a bul, “Tõõ, má jonj Rom tinteenj kuori-bal-la kiaa pu anj jonj Wia ma kiaa pu.” Yesu si bul ñii, ba niirinj kala maa. Ba lenj anj viiri.

Ba piese Yesu a tige nialinj si suba le

Mat. 22.23-33; Luuk 20.27-40

¹⁸ Ñii ne nialinj dõnsunj ba sii yire Sadusii tinnaa, ba kõ u teenj. Sadusii tinnaa yie si di nuu ne suba, u bira bi sii. Ba piesu wiaa a bul, ¹⁹ “La kuhianj, Moosis dagela Wia teninj tuõj ari baala ne jaa haala, di haal-la ari baal-la ne bi bii lula, anj ka di baal-la suu, u maga di u ñaana jonj haal-la jaa ne. Di u lul biirinj pa di maala-la si suba, biiri-la janj chinj u nyunj le. ²⁰ Naanjbiirinj balipe ne fa he dime. Ba kala ñaa baalaa ne. Ba naanj kubala, ba nyimma ma kubala. Ba kuhianj jaa haala. Ba di haal-la bi bii lula, anj ka u suu. ²¹ Liaminj tiina jonj haal-la jaa. Ba duu ma bi bii lula. Ka u ma

suu. Torimuj tiina ma jon haal-la jaa. U ma nii titia ne. ²² Naanbiiri-la balipe kala ne jaa haal-la. U bi lula. Nii harij le ne haal-la ma titia suu. ²³ Tapulii-la niaa si jan sii suuj le, baalaa deenba balipe tuoj, kubee ne jan tii haal-la? Ba kala balipe ne jaau.”

²⁴ Nii ne Yesu bula piba a bul, “Ma bi Wia tenin jin. Ma ma bi Wia doluj jin. Nii ne tii ma yenji. ²⁵ Tapulii-la niaa si jan sii suuj le, baalaa bira bi jan jaa haalaa, haalaa ma bira bi jan jaa balaba. Ba kala jan nage Wia tinpaaraa si he Wia-jan le.” ²⁶ Nii ne Yesu bula piba a bul, “Na ma piesemi nialin si jan sii suuj le wiaa. Ma bi karime wialin Moosis si bula Wia tenin tuoj, lee-la u fa si bul wiaa a tige tii-bie sii dii nyinin lee? Wia ne bula pu duu ne nja Abiraham Wia ari Aizik Wia ari Jekob Wia. (Bua-la le u si bul nii di Abiraham ari Aizik ari Jekob fa suba ne.) ²⁷ Wiaa deenba u si bula, ba bubuosa ne di Abiraham ari Aizik ari Jekob bira sii suuj le ne a he Wia kuorii-la tuoj. Wia bi jan wuo nja nialin si suba Wia. U nja ni-weyee Wia ne. Ma bi wii-kala jin.”

Yesu dage Wia wiaa tuoj ku-balin

Mat. 22.34-40; Luuk 10.25-28

²⁸ Wia tenin kerichiba donjo nia ba si ken wii-la liler. U ko ba teen. U si na di Yesu chaare wiaa siaa woruj, u piesu a bul, “Wialin Wia si dage niaa baa to, kubee ne nja ba tuoj wu-balin?” ²⁹ U bula piba a bul, “Ba bula pi Iziral niaa a bul, ‘Iziral niaa, ma jegile nii mi teen. La Tiina Wia dunduja ne he dime. ³⁰ N ken n tuoj kala ari n tuobiinaa kala ari n wii-wii-kala a cho n Tiina Wia.’ Ba tuoj ku-balin ne nii. ³¹ Wu-liamin ma ne nja: ‘Cho n donjo tiina ari n si cho n titia nii.’ Wialin Wia si bula, wii-kala tuo a kii wiaa deenba baliamin.” ³² Nii ne Wia tenin kerichi-la bula pu a bul, “La kuhian, wutitii ne n bul nii. Wia dunduja ne he dime, ku-kala bira tuo see Wia dunduja. ³³ N si jan ken n tuoj kala ari n tuobiinaa kala ari n wii-wii-kala a cho Wia, a cho n donjo tiina ari n si cho n titia nii, u ne kpia n si jon pusun kpu a nyiga pi Wia, koo n si jon kiaa donsun a bile pi Wia.” ³⁴ Yesu na di baal-la ken wu-jimin. Nii ne u bula pu a bul, “Ma di Wia kuorii-la bi bol.” U si bul nii dere, nuu-kala bira bi nyu-duon kene duu piesu wii-kala.

Yesu dage niaa a tige Kirisito, nii-la Wia si liisa le

Mat. 22.41-46; Luuk 20.41-44

³⁵ Yesu bira dage niaa Wia-dia tuoj a pieseba, “Ee ne Wia tenin kerichiba jan wuo bul ari Kirisito, nii-la Wia si liisa, jan nja Devit nihi dunduj ne?” ³⁶ Wia Din-zon-la ne fa dage Devit duu bul wiaa a tige Kirisito le. Nja ne u bul, ‘La Tiina Wia bula pi mi Tiina duu hon u seme, ni-duon di-honuj, see duu yuo dii u dinjonjo kala dere.’

³⁷ Devit titia yire nia deen u Tiina. Ee ne saa u jan wuo nja u nihi dunduj?” Yesu sii bul wiaa, niaa yuga a jegile nii u teen ari tuotruj.

Yesu dage niaa di ba ken ba titia woruj Wia kerichiba le

Mat. 23.1-36; Luuk 20.45-47

³⁸ Yesu bira dageba a bul, “Ma ken ma titia woruj Wia tenin kerichiba le. Ba yie gugolle yobo le ari ba geri-duduosun aa che di niaa jujonba jirima a chuchualeba. ³⁹ Ba yie chiche ni-balaa di-honuj Wii-chuale diisin le. Di ba ne yireba di ba ku dii kiaa, ba cho di ba hon ni-balaa di-honoo maa.

40 Ba yie fugo chuole Wia didieni a keŋ yo-haalaa kiaa laa didii. Bua-la le Wia si jaŋ dii ba sariya, ba ne jaŋ na heeŋ a kii ba doŋsuŋ tinŋaa kala.”

Yo-haala joŋ u moribiinŋ kala a pi Wia

Luuk 21.1-4

41 Yesu mu hoŋ lee-la niaa si joŋ ba moribiee bil a pipi Wia a nina nii ba sii he. Nialinŋ si keŋ kiaa, ba faasa hihe moribiee. 42 Nii ne yo-haal kubala ma ko. U ŋaa summu ne a mu joŋ amiisinŋba balia a ma he. Kɔbu ne nii. 43 Nii ne Yesu yire u haritooroo a bula piba a bul, “Wutitii ne mi bulaa pima, yo-haala deenŋ moribii-bie-la u si joŋo he, u ne kii nialinŋ moribie-la kala. 44 Nialinŋ kala si joŋ moribiee a pi Wia, ba liisa aŋ ka ne. Aŋ ka u-na joŋ u summu moribiinŋ kala a he, ku-la kala u si kene ne nii.”

13

Yesu bul nii ba si jaŋ ŋmoo Wia-dia lo.

Mat. 24.1-2; Luuk 21.5-6

1 Yesu si lii Wia-dia ku lii, nii ne u haritooroo doŋo bula pu a bul, “Mi kuhianŋ, na tiebie-la ba si kaa saa dia-la, ba zomo kinkeŋ, jaŋ-la ma kala zɔŋ.” 2 Nii ne Yesu bula pu a bul, “Ŋ na ja-balinŋ deenŋ? Ba jaŋ ŋmoo jaŋ-la kala lo. Ba bi jaŋ leŋ di tiebii-bala ma ka dan u doŋo le.”

Hee-la si jaŋ ko

Mat. 24.3-14; Luuk 21.7-19

3 Ba mu jil peel kubala baa yire Oliv, a hoŋ u nyuŋ, a bee nina ja-bal-la. Piita ari Jeems ari Joŋoŋ ari Aŋduru luora piesu, 4 “Bua bee le ne wiaa deenŋba jaŋ ŋaa? Bee kiaa ne la jaŋ na, ka wiaa deenŋba-na ŋaa?” 5 Nii ne Yesu bula piba a bul, “Má keŋ ma titia woruŋ di nuu-kala sí ma nyisu. 6 Niaa jaŋ yuge a ko a joŋ mi yirinŋ he ari ba ne ŋaa Kirisito, a nyise niaa yuge. 7 Ma jaŋ nii ari laalinŋ he daha a he di-boluŋ maa. Di ma ne ku nii nii, ma sí leŋe di ma boye joŋ. Wiaa deenŋba kala jaŋ ŋaa bal, ama dunia diiderinŋ ha dee nii. 8 Tinteenŋ doŋo niaa jaŋ sii a mu a yuo tinteenŋ doŋo niaa. Taŋ kuoro ari u niaa jaŋ sii giri a mu yuo kuoro doŋo ari u niaa. Tinteenŋ jaŋ zigili leree yuge. Losuŋ ma jaŋ juu. Heeŋ di-suomuŋ ne ŋla. 9 Ama má keŋ ma titia woruŋ. Ba jaŋ keŋma kaa mu nialinŋ si yie hilime vuvuure wiaa teen di ba dii ma sariya. Ba jaŋ ŋmooma Wii-chuole diisinŋ le. Ma ma jaŋ chinŋ kuoroo ari taŋ kuhiasinŋ sipaan a tinŋ mi wiaa a dii mi danŋsia. 10 Ba jaŋ laa sipaan bul Wia wu-zɔŋŋoo a pi niaa lerinŋ kala aŋ ka di wiaa deenŋba-na ŋaa. 11 Di ba ne keŋma kaa mu di ba dii ma sariya, ma sí leŋe di ma boisinŋ joŋ wialinŋ ma si jaŋ bul le a laa ma titia. Bua-la le Wia jaŋ joŋ wu-jiminŋ a he ma nyuŋ le. Wii-la kala si ko ma nyuŋ, má bul. Ma dee bi jaŋ bul, Wia Din-zɔŋ-la ne jaŋ joŋo he ma nyuŋ le.

12 Naanbiirinŋ jaŋ keŋ doŋo a kaa mu pa di ba kpu. Nyimmaba ma jaŋ ŋaa nii ba biirinŋ le. Biirinŋ ma jaŋ ŋaa nii a ma kese ba nyimmaba ari ba naanŋba, a ma kaa mu pa di ba kpu. 13 Nu-u-kala jaŋ berema a tinŋ mi wiaa. Ama nuu-kala si nyalime a mu dere, Wia jaŋ laau ta.

Yesu bul wiaa a tige ku-lɔru-la le si jaŋ he dime

Mat. 24.15-28; Luuk 21.20-24

14 Ma jaŋ na di ba joŋ ku-lɔruŋ a bil lee-la u si bi maga u he. Kua deenŋ jaŋ ŋaa wu-boŋŋoo. U jaŋ chei Wia yirinŋ. (Ma si jaŋ karime wiaa deenŋba, ma jaŋ jinŋ ba bubuɔsaa.) Di ma na nii, má leŋ di nialinŋ si he Judiya le, di ba fá jil peelee nyuŋ a faa. 15 Di nuu-kala he lusuŋ nyuŋ a nii wiaa deenŋba,

di u ne ku tuu, duu sí u dia juu a chiche u paa u kiaa. ¹⁶ Di nuu ne he baga le a nii wiaa deenba, duu sí miira mu dia a chiche duu jon u gerin.

¹⁷ Nialinj si ken luoroo ari nialinj si noge biirin, oi, ba jan na heen yuge. ¹⁸ Maa sul Wia di wiinj deenj sí yibiininj naa. ¹⁹ Wia si naa dunia a ku lii jininj, nuu-kala ha bi heen deenj na a nage nii, nuu bira bi jan na heen nii a kaa mu wuu. ²⁰ Di Wia fa bi tapulia-la kere ta, ni-bala ma fa bi jan ka. Ama nialinj Wia si liisa di baa tou, ba wiaa ne tii u keru tapulia-la ta.

²¹ Di nuu-kala ne bula pinj di n bej daha a na Kirisito-la, koo di n bej dime a nau, síu yarida naa. ²² Niaa donsun jan sii fugo bul di ba ne naa Kirisito, nii-la Wia si liisa. Donsun ma jan sii fugo bul di ba naa nialinj sii bul wiaa, Wia Din-zonj-la dolunj le ne. Ba jan naa wu-magilaa ari wupunkperisinj a chiche di ba nyise nialinj Wia si liisa di baa tou. ²³ Wiaa deenba kala mi laa sipaanj bula pima, ka di bua-la-na yi. Má ken ma titia worun.”

Yesu bula pi niaa duu jan miira ko

Mat. 24.29-31; Luuk 21.25-28

²⁴ Nii ne Yesu bira bula piba a bul, “Tapulia-la heen deenj si kiele, tan jan biri di tan ne pula maa. Chene ma bira bi jan pose. ²⁵ Chenwulaa jan lii wia nyunj ku tuu a titel. Ba jan kiri wia nyunj kialinj kala si ken dolunj di ba lii ba leree. ²⁶ Nii le ne ma jan na mi-na Nuhuobiine Bie, di mi to duonbilinbaanaa tuonj ku tuu. Mi jan ken dolunj yuge a chaane. ²⁷ Nii le ne mi jan tinj Wia tinjaaraa di ba mu dunia seme-na kala a ken nialinj kala Wia si liisa di baa tou a hilimi.

Yesu bul tutogo wiaa

Mat. 24.32-35; Luuk 21.24-33

²⁸ Di ma na sojaaminj duu kuu tose, ma jima ari linbana yie ne. ²⁹ Namaga deenj le ma jan gunne wiaa. Di ma na wiaa deenba kala di baa naa, ma jin di mi-na Nuhuobiine Bie kpaga ne. ³⁰ Wutitii mi bulaa pima, ma leele niaa deenba si he ma miisinj deenj le bi jan suu, ka wiaa deenba naa bal. ³¹ Wia nyunj ari tinteenj kala jan dere, ama wialinj mi si bula bi jan lel.

Nuu-kala bi jan jinj chee-la wiaa deenba si jan naa

Mat. 24.36-44

³² Ama nuu-kala bi jan jinj chee-la wiaa deenba si jan naa. Wia tinjaaraa si he Wia-jan ma paala bi jan jinj. Mi-na Wia Bie ma bi jan jinj, see mi Nyimma dunduja. ³³ Má ken ma titia worun a po, bee wiaa ma bi wialinj si jan naa chee-la jinj. ³⁴ U nage baala si sie aa che u venj wonbinj ne. Di u lii dia le, u jan dage u tintinnaa ba tintinnaa an bula pi nii-la sii ben u dia maa duu po worun duu miira ko.

³⁵ Má saa po worun, bee wiaa ma bi jinj chee-la dia-la tiina si jan ko, di didaaninj nee, di tita-siesee nee, di siipuuraa nee, koo chichuonj nee, ma bi jinj. ³⁶ Má biben a po worun, di nii dee, u jan guu ko di ma pinj donj. ³⁷ Wii-la mi si bulaa pima, u ne mi bulaa pi nuu-kala, má po worun.”

14

Niaa ka che ba kpu Yesu

Mat. 26.1-5; Luuk 22.1-2; Joonj 11.45-53

¹ Tapulaa balia ne ka duu yi ba che-bal-la: Diisinj kielinj gbiele-la. Tapulii-la ne ba yie dii boroboro sí bi si-burunj kene. Nii ne nialinj si kpu pusun

pipi Wia ari Wia teniŋ kerichiba, baa che woŋbiin di ba luora keŋ Yesu a kpu. ² Ba bula di ba síu keŋ ba che-bal-la cheeŋ, di ba ne ŋaa ŋii, niaa jaŋ ŋaa taaweí.

Haala joŋ nuuŋ a bisa he Yesu nyuŋ le
Mat. 26.6-13; Joŋ 12.1-8

³ U mu Betani a hoŋ Saamŋ dia le a didii kiaa. Saamŋ fa ŋaa gbege ne aŋ ku duori. Uu dii kiaa di haal kubala ku juu a keŋ tulaali ari loŋ. U suora sima, u yalliŋ ma heye. U keŋ loŋ-la suri a liise nuu-la a bisa he Yesu nyuŋ le. ⁴ Ka nialiŋ doŋsuŋ hoŋo gugurime a pipiese doŋo a bul, “Bee ne tii haala deeŋ keŋ nuu-la a kaa chei ŋla?” ⁵ Di ba ne fa yaara joŋ nuu-la a yalle, u fa jaŋ kii siidi bui balia di ba fa joŋo pi summoo.” Ba sii tutuuse haal-la. ⁶ Ŋii ne Yesu bula piba a bul, “Má leŋ haal-la. Bee ne tii ma wiwalimu? Wu-zoŋ ne u ŋaami le. ⁷ Ma di summoo jaŋ he dime bua-na kala le. Bua-na kala le ne ma chiche ma ŋaa wu-zomŋ a pi summo-la, ma jaŋ wuo ŋaa, ama la di ma bi jaŋ he dime deeŋ deeŋ. ⁸ Haal-la ŋaa kukeri ne. U ŋaa wii-la kala u si jaŋ wuo ŋaa ne. U tise mi yaraa di ba hugi ne, ka mi ha bi suba. ⁹ Wutitii ne mi bulaa pima, dunia seme-na kala ba si jaŋ wuo mu a bul Wia wu-zomŋ-la, ba jaŋ liisi haala deeŋ ma wiaa a bul.”

Judas seye ari u jaŋ joŋ Yesu yalla piba
Mat. 26.14-16; Luuk 22.3-6

¹⁰ Ŋii ne Judas Isikarot sii. U ŋaa Yesu haritooro-la fii ari balia doŋo ne. U sii mumu nialiŋ si kpu pusun pipi Wia kuhiasin teen duu keŋ Yesu yalla piba.

¹¹ Ba si nii ŋii, ba tuoŋ tore. Ba bul ba jaŋ joŋ moribee pu. A chin bua-la le u suomo chiche woŋbii-la u si jaŋ to a keŋ Yesu yalla piba.

Yesu ari u haritooro dii diisin kielin gbiele kudiilee
Mat. 26.17-25; Luuk 22.7-14, 21-23; Joŋ 13.21-30

¹² Ba che-bal-la tapul-buŋbuŋ ba si yie dii boroboro-la si bi si-burun keŋe aŋ kpu piese-la ba si yie kaa ŋaa gbiele-la kudiilee, Yesu haritooro-la sii a piesu, “Nii ne ŋ cho di la mu ŋaa diisin kielin gbiele-la kudiilee di ŋ ku dii?” ¹³ Ŋii ne u tin u haritooro balia a bula piba a bul, “Má mu juu taŋ-la tuoŋ. Di ma ne mua, ma jaŋ cheŋ baal kubala duu chuŋ nyuvie ari liin. Má to u harin. ¹⁴ Dia-na kala u si jua, má to juu bula pi dia-la tiina a bul, ‘La kuhian si, la piesin di nii le ne nuhuora dia he di ba di u haritooro juu a hoŋo dii diisin kielin gbiele kudiilee?’ ¹⁵ U jaŋ dagema dii-bal kubala. U ŋaa lusun nyuŋ dia ne. Ba wasu kala. Lee-la ne ma jaŋ ŋaa kudiile-la.” ¹⁶ Ŋii ne u haritooro-la sii lii a mu taŋ tuoŋ a na wialin kala Yesu si bula piba di ba ŋaa wutitii a ŋaa diisin kielin gbiele-la kudiilee ba dii.

¹⁷ Wia si jua, Yesu ari u haritooro ku juu a hoŋ a didii kialin. ¹⁸ Ba sii dii kiaa ŋii, ŋii ne Yesu bula piba a bul, “Wutitii, mi bulaa pima, ma niaa deeŋba sii dii kialin, ma doŋo jaŋ joŋmi yalle. La duu ne pe doŋo a didii kiaa leele.” ¹⁹ Ba si nii wii-la, ba tuoŋ chei. Ba kala pipiese kuŋ kuŋ. Doŋo yie piase, “Mi nee?” ²⁰ Yesu bula piba a bul, “Ma fii ari balia deeŋba tuoŋ kubala ne, la kala ne chala keŋ boroboro tutuu gbaŋa-la tuoŋ. ²¹ Mi-na, Nuhuobiine Bie, mi jaŋ suu ari ba si ŋmuŋse ŋii a tigemi le. Ama nii-la si joŋ mi-na Nuhuobiine Bie yalle, aa, u jaŋ na heeŋ yuge. Ba fa si buu lula, u ne kpia.”

Kudiile-la Yesu si si di ba dii a liliisi u wiaa
Mat. 26.26-30; Luuk 22.14-20; 1 Kor. 11.23-25

22 Ba si hõno didii kiaa, nii ne Yesu sii a jonj boroboro a lolle Wia anj kaa chõge chõge, a jonjo pi u haritooroo, a bula piba a bul, "Má laa. Mi yaraa namia ne nii." 23 Nii ne u bira jonj nyunyuala maa ari sininj a lolle Wia anj jonjo piba. Ba kala nyua nyunyual-bala-la tuõj. 24 Nii ne Yesu bula piba, "Mi chalinj ne nii. Chalinj deenj wiaa ne tii Wia ta niinj ma teenj. Mi chalinj janj jaase ni-kene wiaa, di Wia jonj ba haacheba cheba. 25 Wutitii ne mi bulaa pima, mi bira bi janj kõ di mi nyua sininj deenj, see tapulii-la mi si janj kõ ne, mi janj nyua si-falinj Wia kuoriii-la tuõj."

Yesu bula pi Piita ari u janj bul u buu jinj
Mat. 26.31-35; Luuk 22.31-34; Jõõj 13.36-38

26 Nii ne ba yii Wii-chuõle yiilinj a dere anj sii lii a mu peel kubala baa yire Oliv. 27 Nii ne Yesu bula piba a bul, "Ma kala janj fá viiri. Ba ñmunõse Wia teninj tuõj di Wia janj kpu pie-daara, anj ka piesee fá pise. Ba si ñmunõse nii Wia tenj-la, wii-la janj ñaa. Ma kala janj fá mi teenj anj lenjmi. 28 Wia janj chisemi suuj le. U ne chisemi, mi janj laa ma sipaanj a mu Galilii." 29 Nii ne Piita bula pi Yesu a bul, "Di ba kala fá maa anj lenj, mi-na bi janj miire ñ harij." 30 Nii ne Yesu bula pu a bul, "Wutitii ne, jininj titanj deenj, ñ-na Piita, ñ janj bul naansijn butori ari ñ bimi jinj, ka di ji-bele-na yel naansijn bulia." 31 Nii ne Piita bul ari siifjesinj a bul, "La diñ paala susuu maa, mi bi janj bul ari mi biñ jinj." Ku-kaanaa ma kala bul ñii.

Yesu chuõle Wia Getisemani le
Mat. 26.36-46; Luuk 22.39-46

32 Nii ne ba mu juu lee kubala baa yire Getisemani. Yesu bula pi u haritooroo di ba hõj daha, ka u mu chuõle Wia anj kõ. 33 U keñ Piita ari Jeems ari Jõõj a kaa mu dime. Yesu tuõj kala chei. U tuõj bi pina. 34 U bula pi u haritooroo a bul, "Mi tuõj kala ne cheye a mage di mi suu. Má hõno põ daha." 35 Ba hõj. Ka u suusa mu sipaanj mua a tuu kpirimi tinteenj a sul Wia a bul duu ne keñ wonjbiinj, duu si lenj di wii-la juu-u le 36 a bira bul, "Mi Nyimma, ñ janj wuo ñaa wii-kala. Liise hee-la sii kõmi le. Ama mi-na ñla tuõtoruj le dee, ñ-na tuõtoruj le ne."

37 U chuõla dere anj sii kõ u haritooroo teenj di ba piñ donj. Nii ne u piese Piita a bul, "Ñ pina nee? Ñ bi donj muapilii ma wuo berese a diene yi hawa kubalaa? 38 Má chuõle Wia a pupõ di Sitaani si wuo nyisema. Ma tuõj le ma cho di ma ñaa wu-zõõõõ, anj ka ma bi doluj kene." 39 U bira mu a chuõle Wia a bira bul ñii titia. 40 U miira kõ di ba bira piñ donj, bee wiaa donj keñba ne woruj. Ba bi jinj ba si janj bul wii-la kala a pu. 41 U miira mu torimuj anj ku pieseba, "Ma ha pinaa wiesi nee? Má sii, bua-la yie ne. Ba janj keñ mi-na, Nuhuobiine Bie a pi haache diiree. 42 Má sii, la mu. Nii-la si janj jonjmi yalle ka kõ ne."

Ba keñ Yesu
Mat. 26.47-56; Luuk 22.47-53; Jõõj 18.3-12

43 Yesu ha bi wiaa bula dere, di Judas ñii kõ ñii. U fa ñaa Yesu haritooro-la fii ari balia dõõõ ne. Niaa yuge a tuto u harij. Dõõõõõ kori tokobiee ari tanguloo. Nialinj si kpu pusunj pipi Wia kuhiasinj ari Wia teninj kerichiba ari ba tanj kuhiasinj ne tinjba, ba kõ. 44 Zẽnbe tiina-la fa pi nialinj magil ne a bul, "Nii-la mi si mu guori, u ne ñii. Má kenu." 45 Judas si yi lee-la Yesu si he, u mu u teenj tegi tegi anj bul, "La kuhianj!" anj guoru. 46 Ba kala guriku a kenu. 47 Ka niaa china bibenj. Ba tuõj dõõõ liise u tokobiinj, a ta nuu

digilin keri. Nii-la fa ɲaa nialin si kpu pusun pipi Wia kuhian dia-yon ne. ⁴⁸ Nii ne Yesu pieseba a bul, “Mi ɲaa gaaru nee? Ma si kori tokobiee ari tanguloo a kuko di ma kenmii? ⁴⁹ Na, tapulii-na kala la di ma ne yie he Wia-dia le, mi dage Wia wiaa a pipima. Aɲ ka ma bi walima di ma kenmi dime. Ama wialin kala ba si ɲmuɲsa Wia tenin tuon a tigemi le, ba kala jan ɲaa.” ⁵⁰ Nii ne u haritooro kala viau aɲ fá.

⁵¹ Ka bapucsi kubala baage geri-boso a tuto Yesu harin a mumu. Baa walime di ba kenu. ⁵² Ama u wuri geri-boso-la a ta aɲ ken yaribiree a fá viiri.

*Ba ken Yesu kaa mu nialin si kpu pusun pipi Wia kuhian dia
Mat. 26.57-68; Luuk 22.54-55, 63-71; Joon 18.13-14, 19-24*

⁵³ Ba saa ken Yesu a kaa mu nialin si kpu pusun pipi Wia kuhian teen. Ba ko dime di nialin si kpu pusun pipi Wia kuhian ari ba Wii-chuole hiasin ari Wia tenin kerichiba kala hilime. ⁵⁴ Ba kenu mumu nii, ka Piita daa tuto ba harin a mu juu nialin si kpu pusun pipi Wia kuhian kaala. U jua di nialin sii po kaala-la hono wiwieni nyinin. U mu peba le.

⁵⁵ Nii ne nialin si kpu pusun pipi Wia kuhian-la ari nialin kala si yie hilime wuvuure wiaa chiche di ba na Yesu si ɲaa wii-la chei di ba kpuu a che che wii ka. ⁵⁶ Niaa yuga a nyia wiaa pu. Ama ba bul nii-lierin ne, ba bi nii-bala bula. ⁵⁷ Nii ne niaa donsun sii chin a nyia wiaa pupu a bul, ⁵⁸ “La nia ari Yesu si u jan ɲmoo Wia-dia-la niaa si saa a lo aɲ bira wuo saa u donjo tapulaa batori cheen, di niaa dee bi jan saa dia-la-na.” ⁵⁹ Ama ba wialin kala bi kubala ɲaa. ⁶⁰ Nii ne nialin si kpu pusun pipi Wia kuhian sii lii chin nialin tutubaanin a piese Yesu a bul, “N bi nia niaa deenba si bul wialin a tigen lee? N-na bi wii kene n jan bul?” ⁶¹ Nii ne Yesu tore u niin. U bi wii-kala bula. Nii ne baal-la bira piesu, “N ne ɲaa Kirisito, nii-la Wia si liisa? N ne Wia Biee?” ⁶² Nii ne Yesu bul, “Mi-na ne. Ma jan na mi-na Nuhuobiine Bie di mi hon Wia seme, ni-duon di-honun, a to duonbilinbaanaa tuon a kuu tuu.” ⁶³ U bul nii, baal-la ken u gennin kaa kiesa aɲ bul, “U bi maga di la bira che danjiaba. ⁶⁴ Ma kala bi nia u si chei Wia yirin nii? Bee ne ma biine?” Nii ne nialin kala bul di u cheye ne, u maga di ba kpuu ne. ⁶⁵ Donsun ma sii a tu nanjurun a he u siaa le aɲ voo u siaa to a ɲmobu aɲ bula pu duu dage nii-la si ɲmobu. Nii ne ka ba kenu kaa mu pi laali-yuoroo. Ba falle u chanƙpanɲaa le.

*Piita bula ari u bi Yesu jin
Mat. 26.69-75; Luuk 22.56-62; Joon 18.15-18, 25-27*

⁶⁶ Piita si hon kaala-la le, nii ne nialin si kpu pusun pipi Wia kuhian dia tintinni-tolo kubala ku lii ⁶⁷ a na Piita duu hono wiwieni nyinin. U benu worun aɲ bula pu a bul, “N ma faa to Yesu harin ne, baal-la si lii Nazaret.” ⁶⁸ Nii ne Piita nyia wiaa a bul, “Mi bi Yesu jin. Mi bi wii-la n si paala bubul jin,” aɲ sii lii chin zawura tuon. ⁶⁹ Piita si chin dime, nii ne tintinni-tolo donjo bira nau a bula pi nialin si china kpagu a bul, “Baala deen ma ɲaa Yesu haritooro-la donjo ne.” ⁷⁰ Piita bira nyia wiaa a bul duu dee. Muasuaa nialin si chin dime ma bula pu a bul, “Wutitii ne, n ma ɲaa ba donjo ne, n lii Galilii ne.” ⁷¹ Nii ne Piita ɲmiese a bul, “Mi bi baala deen jin.” ⁷² U si bul nii dere di ji-bele yeke liamin le. Piita liisi wii-la Yesu si bula pu ari u jan nyia wiaa a pu naanjin butori, ka di ji-bele-na yel naanjin bulia. U saa ken nyun gure a yiyel.

15

Ba keŋ Yesu kaa mu Paalit teenj

Mat. 27.1-2, 11-14; Luuk 23.1-5; Jɔɔŋ 18.28-38

¹ Nii ne taŋ-pul. Nialin si kpu pusun pipi Wia kuhiasin ari ba taŋ kuhiasin ari Wia tenin kerichiba ari nialin kala si yie hilimi aa vuure wiaa, ba kala ku hilimi a vuure. Ba keŋ Yesu a vɔbu a kenu kaa mu Paalit teenj. ² Nii ne Paalit piese Yesu a bul, “N ne ŋaa Juu tinŋaa kuoro, koo?” Yesu bula pu a bul, “Oo, mi ne.” ³ Nii ne nialin si kpu pusun pipi Wia kuhiasin bul wiaa yuge Yesu si ŋaa chei, ka u bi wii bula. ⁴ Nii ne Paalit bira piese Yesu a bul, “N bi wii kene ŋ si jaŋ bula pibaa? Bee na wiaa si mage nji ba bul di ŋ cheye.” ⁵ Yesu bira bi u niin suro. Wii-la kperi Paalit.

Ba seye ari ba jaŋ kpu Yesu

Mat. 27.15-26; Luuk 23.13-25; Jɔɔŋ 18.39-19.16

⁶ Ba gbieli-bal-la ne yie-na kala Paalit yie liise nialin ba si kaa to dia doŋo ne a ta, nii-la niaa si sula laa ta. ⁷ Di nialin doŋsun ma fa he sarika le. Ba fa ŋaa taawei ne a kpu niaa. Ba keŋba kaa mu to dia. Ba doŋo yirin ne Barabas.

⁸ Nii ne niaa yuge a gire mu Paalit teenj a bul duu ŋaa nji u si venee ŋaa piba. ⁹⁻¹⁰ Paalit jima ari nialin si kpu pusun pipi Wia kuhiasin yaraa bieri ne, nji ne ti ba keŋ Yesu a ko u teenj. Nii ne u piese nialin a bul, “Ma cho di mi liise Juu tinŋaa kuoro-la ne a pimaa?” ¹¹ Nii ne nialin si kpu pusun pipi Wia kuhiasin nyise niaa he di ba sei di ba liise Barabas a ta an leŋ Yesu. ¹² Nii ne Paalit bira piese nialin a bul, “An ka baal-la ma sii yire Juu tinŋaa kuoro, bee ne ma si mi kenu kaa ŋaa?” ¹³ Nii ne ba kala faasa kpia a bul, “Leŋ di ba kenu kaa kpaasa mere daa-gesee nyun.” ¹⁴ Nii ne Paalit pieseba a bul, “Wu-bɔŋ bee ne u ŋaa?” Nii ne ba faasa kpia a kii bunbun-la a bul, “Leŋ di ba kenu kpaasa mere daa-gesee nyun.” ¹⁵ Paalit che duu ŋaa di nialin tuon tore. U liise Barabas an leŋ ba viire Yesu an bul ba kenu kaa mu kpaasa mere daa-gesee nyun.

Laali-yuoroo moŋ Yesu

Mat. 27.27-31; Jɔɔŋ 19.2-3

¹⁶ Nii ne laali-yuoroo kenu kaa lii ba kuori-balin dia kaala tuon a yire ba laali-yuoroo doŋsun kala. Ba kala ku hilimi. ¹⁷ Nii ne ba jon geri-fianj a laalu a che soŋun a kaa sua nyun-chuulo a nage kuoro nyun-chuulo a jono chuu. ¹⁸ Ba saa tuu kpirimi u sipaan a zilu a bul, “Juu tinŋaa kuoro, laa chuolun.” ¹⁹ Ba jon sekelin a viire u nyun le, a tu nanɔuorun ma a heu le a tuu kpirimi a zilu. ²⁰ Ba si momu le a dere, ba wuri geri-fianj-la an paa u titia gennin a laalu, a kenu kaa lii wonbin di ba kenu kaa mu kpaase daa-gesee nyun.

Ba kpaase Yesu daa-gesee nyun

Mat. 27.32-44; Luuk 23.26-43; Jɔɔŋ 19.17-27

²¹ Ba si ku lii nji di ba cheŋ baal kubala baa yire Saamonj. U jaŋ yirin ne Siriini. U ne fa ŋaa Alekizanda ari Rufas nyimma. U lii бага a jujuu taŋ-la tuon. Uu ko nji, ba kenu a fugu u jon daa-ge-se-la a baase. ²² Ba keŋ Yesu kaa mu lee kubala, baa yire Gologota. Yiri-la bubuon ne nyu-kunƙogolu. ²³ Ba si yi dime, ba jon sinin a guoli ti-keŋin kubala baa yire mee le a jono pu duu nyua. U via. ²⁴⁻²⁵ Di wia mage ji-loolun, ba kenu kpaase a mere daa-la nyun. Nii ne ba toŋse Yesu gennin wiaa di ba kpa, a jin geri bee

ne nuu-kala jan laa. ²⁶ Ba si si Yesu n̄aa wialin chei, ba n̄mun̄sa m̄ere daa-gese-la le a bul, “Juu tin̄n̄aa kuoro ne n̄la.”

²⁷ Gaaraa balia ma ne ba kpaase a pe Yesu le. D̄on̄o he Yesu na-diin, d̄on̄o ma he u na-gua. [²⁸ Ba fa n̄mun̄sa bil Wia tenin̄ tuon̄ a bul di ba jan kenu kaa pe haache diiree le. Leele wiaa deen̄ba kala sene n̄aa.] ²⁹ Ba si kpaasu m̄ere daa-gese-la nyun̄ n̄ii, nialin̄ si to dime bibal, ba tutuus̄u an̄ ken̄ ba nyun̄ chuchugisi a bul, “Oi, n̄ ne n̄aa nii-la si si n̄ jan̄ n̄moo la Wia dia lo an̄ bira wuo saau tapulaa batori p̄ege. ³⁰ Lii daa-la nyun̄ a laa n̄ titia ta.” ³¹ Nialin̄ si kpu pusun̄ pipi Wia kuhiasi-la ari Wia tenin̄ kerichiba, ba ma sisieri Yesu le a bulaa pi d̄on̄o, “U wuo n̄iaa laa tita ne an̄ bi u titia wuo laa ta. ³² U si si u ne n̄aa Kirisito, juu tin̄n̄aa kuoro, len̄ duu lii daa-la nyun̄ ku tuu di la na a laa u wiaa dii.” Nialin̄ balia ma ba si kpaasa a pe Kirisito le, ba ma tuusu.

Yesu suba

Mat. 27.45-56; Luuk 23.44-49; J̄on̄n̄ 19.28-30

³³ Wia ku mage nyu-gbana, lerin̄ kala biri lim a mu yi didaanin̄, ka lerin̄ bira pulle. ³⁴ N̄ii ne Yesu faasa yire u yiikoro le a bul, “Eloi, Eloi, lama sabakitani.” U bubuon̄ ne: “Mi Tiina Wia, bee ne tii n̄ jon̄mi ta?” ³⁵ Di n̄iaa d̄on̄sun̄ chin̄ dime a jegile nii wialin̄ u si bula. N̄ii ne ba bula pi d̄on̄o a bul, “Na Ilaaja ne u yiyire n̄ii.” ³⁶ Nialin̄ d̄on̄o fa si chin̄ dime mu jon̄ suosuo a kaa mu yuu sinin̄ si nyala a jon̄o tuu sekelin̄ le, a kaa mu he u niin̄ le duu nyua. U si n̄aa n̄ii, u bul, “Má len̄ la gber̄e a na ari Ilaaja jan̄ ku soru daa-la nyun̄ koo.” ³⁷ N̄ii ne Yesu faasa yire an̄ wiesi u wiesi kati. ³⁸ Patiisa ne fa he Wia-dia tuon̄. Ba kaa kere. U kies̄e balia a chin̄ nyu-gbana a kies̄a ku tuu. ³⁹ N̄ii ne di laali-yuoroo zolo kuhian̄ kubala fa chin̄ Yesu sipaan̄ a pou. U si na Yesu duu wiesi u wiesi kati n̄ii, u bul, “Wutitii, baala deen̄ sene n̄aa Wia Bii ne.”

⁴⁰ Haalaa d̄on̄sun̄ ma fa chin̄ di-bolii a bibenu. Ba tuon̄ M̄eri Magidalin̄ ari Saloomi ma fa he dime. Jeems ari Joozis naan̄ ma he dime. Ba fa ken̄ Jeems kaa yire bapuōsun̄ ne. ⁴¹ Haalaa deen̄ba kala faa to Yesu harin̄ ne a pipeu le Galilii le. Haala-la ma fa si to Yesu harin̄ a ko Jerusalem, ba jesin̄ ma fa he dime.

Ba hugi Yesu

Mat. 27.57-61; Luuk 23.50-56; J̄on̄n̄ 19.38-42

⁴²⁻⁴³ Tapulii-la di ba n̄aa siri didaanin̄ a gber̄e ba che-wiesii-la, baal kubala ma fa he dime. U yirin̄ ne Josef. U lii Arimatiya ne. U fa n̄aa nialin̄ si yie hilimi a vuvuure wiaa d̄on̄o ne. N̄iaa jujon̄u jirima. U ma fa gber̄e Wia kuorii-la ne duu ko. N̄ii ne didaanin̄ si yie, u ken̄ nyu-duon̄ a mu Paalit teen̄ a sul Yesu ku-suun̄. ⁴⁴ N̄ii ne Paalit guu hiriki a pipiese u titia, “Yesu dan̄a suba nee?” N̄ii ne u yire laali-yuoroo zolo kuhian̄-la a piesu, “Yesu dan̄a suba nee?” ⁴⁵ U bul, “Oo, u suba ne.” U si nii n̄ii, u pi Josef won̄biin̄ duu mu sori Yesu ku-suun̄ a kaa ku tuu tin̄teen̄. ⁴⁶ N̄ii ne Josef mu yoo geripe-pula a kaa beu a jon̄u hugi. U kenu kaa mu hugi bun̄ ba si l̄oso le. U bilimi tabii-balin̄ ne a to bua-la niin̄. ⁴⁷ M̄eri Magidalin̄ ari Joozis naan̄ M̄eri ma he dime a na lee-la ba si jon̄u hugi.

16

Yesu sii suun̄ le

Mat. 28.1-8; Luuk 24.1-12; J̄on̄n̄ 20.1-10

¹ Ba che-wiesii-la si dere, Lahadi cheej siipuuraa, Meeri Magidalin ari Jeems naan Meeri ari Saloomi mu yoo tulaali di ba kaa mu a tise Yesu ku-suuj. ² Lahadi cheej chichuonj, wia si poso, ba sii mu Yesu bua-la lerinj. ³ Ba sii mu nii, ba pipiese donjo, "Kubee ne jan wuo bilimi tabii-la ta bua-la niinj?" ⁴ Nii ne ba mu kpage bua-la lerinj di ba kenj tabii-la suri bua-la niinj a bilime ta. Tabii-la fa yuga ne woruj. ⁵ Nii ne ba mu juu bua-la a na bapusi-bie duu honj bua-la tuonj na-diinj a laale geri-pula. Ba hiriki. ⁶ Nii ne u bula piba a bul, "Ma si fawulluj fa. Mi jima ari Yesu si lii Nazaret ne maa che, nii-la ba si kpaasa mere daa-la le. U tuo daha. U sie ne. Ma ku na lee-la ba si jonj hugi. ⁷ Ma mu a bula pi Piita ari Yesu haritooroo, ari Yesu jan laa ma sipaanj a mu Galilii. Di ma ne mu dime, ma jan nau dime ari u si bul nii pima." ⁸ Ba hiriki a chichel a sii lii bua-la le a fa. Fawulluj kenba, ba bi wii wuo bula pipi nuu-kala.

[⁹ Yesu sii suuj le Lahadi cheej siipuuraa ne. U si sie, u leje Meeri Magidalin ne laa sipaanj nau, nii-la le u si kiri jin-bonjoo balipe ta. ¹⁰ Nii ne Meeri sii a mu bula pi Yesu haritooroo wii-la si nja. U mua di ba hono yiyel. ¹¹ Nii ne u bula piba ari Yesu sii suuj le a he u miisinj le, di u-na nau. Ba si nii wii-la, ba bi laa dii.

¹² Nii harinj baalaa balia sii lii a jonj wonjiinj aa mu tanj donjo. Ba sii mu nii, Yesu bira to wonjiinj donjo a kenj u titia ku dageba. ¹³ Nii ne ba miira ku bula pi Yesu haritooro-la ku-kaanaa wii-la si nja. Ba bi laa dii.

¹⁴ Nii harinj ne Yesu haritooro-la fii ari kubala hono didii kaa. Baa dii di Yesu ne nii. U kpiaba le a tinj ba tuonj si dolie wiaa ari ba si bi laa dii ari nialinj si si ba nau duu sii suuj le, di ba bul wutitii ne. ¹⁵ Nii ne u bula piba a bul, "Ma mu dunia seme-na kala a bul Wia wu-zomola a pi nuu-na kala. ¹⁶ Nii-la kala si laa mi wiaa dii a lej ba fou Wii-chuole liinj, Wia jan laau ta, ama nii-la si bi mi wiaa laa dii, Wia jan jonj cheerinj pu chee-la u si jan dii dunia niaa kala sariya.

¹⁷ Wu-magilaa deenba ne ma jan wuo na a jinj nialinj si laa mi wiaa dii. Ba ne nla: Ba jan wuo kikiri jin-bonjoo mi doluj le. Ba jan wuo bubul yiikori-yiriba. ¹⁸ Ba jan wuo kukori dinjaa, a nyua daalusunj sii kpu niaa, ka u bi jan njaaba wii-kala. Ba jan wuo jonj ba nisaa a danj nyanyal tinjaa le di ba duori."

¹⁹ La Tiina Yesu si bul wialinj dere, Wia jonj a kaa mu Wia-janj, u honj Wia seme, ni-duonj di-honuj.

²⁰ Nii ne u haritooroo sii lii a mu lee-na kala a bubul Wia wiaa. La Tiina Wia peba le ba mu a njjaa wu-magilaa, di nialinj jinj wialinj ba sii bul nja wutitii ne. Ami.]

WIA WU-ZOMO-LA LUUK SI NMONSA

¹⁻² Mi-na Luuk ne nmunse tenin deen a pipi n-na mi nanɔɔɔɔ Tiafilas. Niaa yuga a he ba dolun a nmunse wialin kala si naala le. Ba nmunse wialin kala niaa si bula pila. Ba ne na wiaa deenba kala a suomi bunbun kala, a ma bul Wia niin wiaa a pipi niaa.

³ Mi kuhian, mi jegile nii wiaa deenba worun a gunne ba kala ma worun. U naa wu-zon ne di mi nmunse wialin kala a pin. ⁴ Mi nmunsa pin di n wuo jin ari wialin kala ba si dajin naa wutitiiba ne.

Ba bul Joon Wia lii-foori-la lullun wiaa

⁵ Baal kubala ne fa he dime. Baa yire Zakaraya. U fa naa nialin si kpu pusun pipi Wia donɔ ne. Bua-la le di ba ken nialin si kpu pusun pipi Wia kala kaa kpaaleree mara ari banese ne. Baal kubala ma fa he dime. U fa naa kuhian lee-la Zakaraya fa si he ne. U yirin ne Abija. Zakaraya haala ma yirin ne Elizabet. U ma fa lii nialin si kpu pusun pipi Wia doho niaa tuon ne. Aaron fa naa u nihiliere. Bua-la le di Herod ne fa naa Judiya tinteen kuoro. ⁶ Zakaraya ari u haala kala fa naa tuo-pul timma ne. Ba kala balia fa to Wia niin wialin kala ne worun. ⁷ Elizabet fa naa ha-piri ne, ba bi bii kala lula, an ka ba di u bala Zakaraya ma kala hiase.

⁸⁻⁹ Nii ne Zakaraya ari u niaa tapulun yi di ba tin tintin naa nialin si kpu pusun pipi Wia si venee naa. Ba sii tin ba tintin naa nii, ba yie tonse di ba jin nii-la ba si jan liise duu juu Wia-dia. Ba si naa nii, Zakaraya dii a juu Wia-dia. Nii ne u he nyinin a nyige tii-kelin tulaali a pi Wia, Wia korun le.

¹⁰ U si jua nii, nialin si ka, ba he kaala le a chuchuo le Wia.

¹¹ Zakaraya si nyige nyinin nii, di Wia tin daara kubala ko u teen a chin koru-la seme na-diin. ¹² Zakaraya nau a chichel. Fawullun kenu. ¹³ Nii ne Wia tin daari-la bula pu a bul, "Zakaraya, si leje di fawullun kenin. Wialin n si sul Wia teen, u jonon pin ne. N haala Elizabet jan lul baal. N jan he u yirin Joon. ¹⁴ N tuon jan faasa tore. Ni-dan ma tuon jan tore u lullun wiaa. ¹⁵ U jan naa ni-bal Wia teen. U bi jan nyunyua si-duorun. Ba si lulu bua-la le, Wia Din-zon-la jan heu le worun a kaa mu deen deen. ¹⁶ U jan wuo naa di Iziral tin naa yuge a birima to ba Tiina Wia. ¹⁷ U jan naa Wia tintinnu a ken dolun ari Ilaaja fa si ken dolun nii. (Ilaaja fa naa nii-la sii bul wiaa, Wia Din-zon-la dolun le ne.) U jan wuo naa di biirin ari ba nyimmaba kala miira sin. U ma jan wuo naa di nialin si bi Wia niin wiaa ka to, di ba birime a to tuo-pul tin naa wonbiin a len di niaa naa siri di ba Tiina ko di ba tou."

¹⁸ Nii ne Zakaraya piase Wia tin daari-la a bul, "Ee ne mi jan wuo naa, a jin di wialin n si bula naa wutiti? Mi naa ba-nihian ne, mi haala ma naa ha-nihian."

¹⁹ Nii ne Wia tin daari-la bula pu a bul, "Mi yirin ne Gebiral a hon Wia seme. U ne tinmi di mi ku bul wu-zomun deen a pin. ²⁰ Wialin mi si bula pin jan ku naa, an ka n bi laa dii. Nii wiaa n bira bi wiaa jan wuo bul, see tapulii-la si yie di wiaa deenba mi si bula pin naa."

²¹ Wia tin daari-la sii bul wiaa Zakaraya teen nii, nialin si gberɛ Zakaraya kaala tuon bi jin wii-la si tii u didieni nii Wia dia-la tuon. U kperiba. ²² Nii

ne Wia tinjdaari-la viiri, an ka Zakaraya ku lii kaala nialinj teenj. U bi wiaa wuo bula piba. Njii ne u kenj u nisaa a bul wiaa ba teenj. U si bi wiaa wuo bubul njii, ba jinj ari u na wiaa ari duosoo tuonj Wia-dia-la tuonj ne. ²³ Njii ne Zakaraya tintinjjaa tapulaa dere Wia-dia-la le. U miira mu u dia.

²⁴ U bi diene, ka u haala Elizabet kenj luorunj. U si kenj luorunj njii, u bi dia le lia chejnsinj banonj ²⁵ a bul, "Wia diene anj leele pemi le njla. U to mi hiisinj ne dunia le."

Ba bul Yesu lulluj wiaa.

²⁶ Elizabet si kenj luorunj u chejnsinj balidu le, Wia bira tinj u tinjdaara Gebiral duu mu Galilii tintteenj tanj kubala baa yire Nazaret. ²⁷ U timu duu kenj tinjdaarinj a kaa mu pi tolo kubala ha si bi baal jinj baa yire Mæeri. U faa che duu jaa baal kubala ne baa yire Josef. Josef fa njaa kuoro Devit doho nuu ne.

²⁸ Njii ne Wia tinjdaari-la ko u teenj a chuolu anj bula pu a bul, "Wia cho nj wiaa a penj le worunj." ²⁹ Mæeri si nii wialinj Wia tinjdaari-la si bula pu, fawullunj kenu. U kenj wialinj u si bula bubuonj bibiine. ³⁰ Njii ne Wia tinjdaari-la bula pu a bul, "Mæeri, Wia cho nj wiaa, si lenje di fawullunj keniinj. ³¹ Nj janj kenj luorunj a lul baal. Nj janj he u yirinj Yesu. ³² U janj njaa ni-bal. Ba janj kenu yire Wii-balinj Bie. Wia janj njaa duu dii kuorunj ari u naabalima Devit fa si dii kuorunj njii. ³³ U janj dii kuorunj Jekob doho niaa tuonj a kaa mu wuu. U bi janj dere da." ³⁴ Njii ne Mæeri bula pi Wia tinjdaari-la a bul, "Mi ha bi baal jinj. Ee ne saa wiinj deenj janj wuo njaa?" ³⁵ Njii ne Wia tinjdaari-la bula pu a bul, "Wia Dinj-zonj-la janj henj le. Nj janj kenj luorunj Wia dolunj le. Njii wiaa bile janj njaa Tuo-pul Tiina. Ba kenu yiyire Wia Bie. ³⁶ Na nj naanbie Elizabet si hiesia njii. Ba si u bi bii wuo lul, anj ka u kenj luorunj u chejnsinj balidu ne njla. ³⁷ Wia kenj dolunj. U janj wuo njaa wii-kala." ³⁸ Njii ne Mæeri bula pu a bul, "Mi njaa Wia tintinnu ne. Lenj di wialinj nj si bula pimi, di ba njaa." Njii ne Wia tinjdaari-la tau anj viiri.

Mæeri mu chuole Elizabet

³⁹ Njii ne Mæeri sii lima lima a mu duu chuole Elizabet u janj le. U fa he Judiya tintteenj le ne. Peelee ne golli lee-la chu. ⁴⁰ U si yi dime, u mu juu Zakaraya dia a mu chuole u haala Elizabet. ⁴¹ U laa Mæeri chuolaa. U si laa njii, bile si he u luorunj le sii birime. Njii ne Wia Dinj-zonj-la ku he Elizabet le worunj. ⁴² U faasa bula pi Mæeri a bul, "Wia penj le a kii haalaa kala. Wia ma janj pe bile nj si janj lul le. ⁴³ Mi ma njaa kubee ne, Wia Bie naanj ko duu chuolemi? ⁴⁴ Mi si laa nj chuolaa njii, bile si he mi luorunj le tuonj ma tore. U sii fuful. ⁴⁵ Nj ma laa dii ari wialinj Wia si bula pinj janj njaa wutiiba. Njii wiaa nj tuonj janj tore."

Mæeri denne Wia

⁴⁶ Njii ne Mæeri bula pu a bul, "Mi tuonj tore ne. Mi didenne Wia.

⁴⁷ Wia ne njaa mi Laataara. Njii ne tii mi juuose.

⁴⁸ Mi njaa u tintinni-bii ne, u liisi mi wiaa.

A lii leele a kaa mu, nuu-kala janj kenjmi yiyire tuotore tiina.

⁴⁹ Wia njaa Wii-bal ne a njaa wu-kpunjkerisinj mi le.

U njaa Tuo-pul Tiina ne.

⁵⁰ Uu fa nialinj kala sii fau, nennige, doho-na kala le ne.

⁵¹ U kenj u na-duo-la kaa tiene

a ηmoo babii-balaa a ηaa ba wu-ηaala-la kala pugi.

52 U kiri ni-balaa ba kuori-kpasinnij nyun
aη ka ni-biisij hōη.

53 U joη ku-zōηηōō a pi summoo
aη kiri nialij si keη kīaa ba keη na-hillin miire.

54 U fa bil niij ne a pi la naabalimaba
duu jaη pe u tiηtinnaa Iziral tiηηaa le. Wii-la u fa si bula ku ηaa
wutitii. U peba le.

55 U fa fá Abiraham nennige.

U saa jaη fá u doho nīaa kala ma nennige a kaa mu wuu.”

56 Mēeri si bul wialij dēre, u hōη Elizabet teen a yi cheηsij batori ne,
aη-na miira mu dia.

Ba lul Jōōη Wia lii-foori-la

57 Nii ne Elizabet lulluη yi. U lul baal. 58 U si lul nii, u doηsuη tiηηaa ari
u naaηbiirin nii ηii Wia si fáu nennige. Ba tuōη kala tōre, ba jujuōse.

59 Bile si yi tapulaa chori di ba kerī u penij aη he u yirin. Ba faa che di
ba joη u nyimma Zakaraya yirin ne he pu. 60 Nii ne u naaη via aη bul di
ba he Jōōη pu.

61 Nihiasi-la bula pu ari ba bi naaηbii kala keηe u yirin dii Jōōη. 62 Nii
ne ba keη nisaa bul wīaa pi u nyimma a piesu di yiri beē ne uu che duu
he pu.

63 Zakaraya ηaa ba keη daa-bori-bie kaa kō duu ηmuηse bile yirin a piba.
Ba joηo pu. U ηmuηse daa-boro-la le di bile yirin ne Jōōη. Ba karime. Ba
si karime a na bile yirin, u ηaaba wu-kpuηkperē. 64 Zakaraya si ηaa ηii
dēre, u bira suomi a bubul wīaa a didenne Wia.

65 Nialij fa si he dime a na wii-la si ηaa, fawulluη keηba. Ba keη wii-
la lii a bula gaare Judiya tiηteenj seme-na kala, lee-la peelee si gollo chu.

66 Nialij kala si nii ηii, ba keη wii-la bibiine ba tuōsaa le aa bul, “Bie deēη
saa jaη ηaa kubēe ne?” Ba na ari Wia doluη heu le ne. Nii ne tii ba bul
ηii.

Zakaraya bul wīaa, Wia Diη-zōη-la doluη le

67 Nii ne Wia Diη-zōη-la ku he Zakaraya le, u bul wīaa, Wia Diη-zōη-la
doluη le a bul,

68 “Má leη di la dēne Wia, Wia-la Iziral tiηηaa sīi to.

U kō duu pe u nīaa le ne a laaba ta.

69 U liise ni-duoη ne pīla duu kō laala ta.

U lii Devit doho nīaa tuōη ne.

70 Faafaa kala ne Wia to u nialij fa sīi bul wīaa u Diη-zōη-la doluη le, a
bula pīla

71 ari u jaη laala ta la diηdoηηōō

ari nialij kala si berela nisij le.

72 U ma bula ari u jaη fá la doho nīaa nennige, a liise yi wii-la u fa si bula
pi la naabalimaba.

73-74 U fa bula pi la naabalima Abiraham a ηmiēse

ari u jaη laala ta la diηdoηηōō nisij le

a pīla woηbiin di la keη nyu-duoη a tima pu.

75 Nii le ne la jaη wuo to a keη tuō-pula u teen,
la miisij kala le.”

76 Zakaraya si bul wīaa deēηba dēre, u bul wīaa a pi u bie ma a bul,

“N-na mi bii, η jaη ηaa nii-la sīi bul wīaa, Wii-balin Diη-zōη-la doluη le.

N jan laa la Tiina-la si jan ko sipaan
a wase wonbiinj bilu le.

77 N ma jan bula pi nialinj si nja siri di ba tou, di Wia jonj ba haacheba
cheba anj laaba ta.

78 Wia kenj zile anj fifa niaa nennige.

U jan laala ta a lej di la honj pulumunj tuonj.

79 Pulunj-la jan lii Wia-jan a pose he nialinj kala si honj biriminj tuonj a
faa che di ba suu.

U jan dagela wonbii-la si kenj yarifielaa di la to."

80 Nii ne bile sii waa a he yaraa a kenj dolunj ari wu-jiminj. U mu he giri-
bine tuonj a mu yi tapulii-la u si kenj u titia kaa ku lii dage Iziral tinjaa.

2

Ba lul Yesu Mat. 1.18-25

1 Baal kubala ne fa he dime, baa yire Ogasitas. U ne fa nja Rom tinjaa
kuori-balinj. Bua-la le u bul di ba diise u tinteenj niaa. Ba ha bi nii nja,
see leele ne ba nja nii. 2 Ba si bugumo diise niaa nii, baal kubala ne fa
chinj kuori-balinj nyunj Siiria tinteenj le. Baa yire Kiriinias.

3 Nii ne nuu-kala mu u jan di ba diisu dime. 4 Josef ma sii Nazaret Galilii
tinteenj le a mu Judiya tinteenj, a mu juu tanj kubala baa yire Betilehem.
Lee-la ne ba fa lul kuoro Devit. Josef fa nja kuoro Devit doho nuu ne. Nii
ne tii u mu dime. 5 Ba di Meeri kala mu dime. Meeri fa nja nii-la si si u
jan jaau ne, ka u kenj luorunj.

6 Ba si yi Betilehem, ba honj dime. Nii ne Meeri lullunj yi, 7 anj ka ba bi
lerinj na nuuora dia-la le di ba juu. Nii ne tii ba mu juu ja-dia. Dime ne
Meeri lul u bii-bunbun, baal, a kenj gerinj a beu a jonj bil yanj nyunj.

Pie-daaraa nii bile lullunj wiaa.

8 Bua-la le pie-daaraa ne fa he tintee-la seme donj a he yanj tuonj a chua
dime titanj aa benj ba piesee.

9 Nii ne Wia tinjaara kubala ko ba teenj. U si ko nii, Wia pulumunj
chaana heba le. Fawullunj kenba. 10 Nii ne Wia tinjaari-la bula piba a
bul, "Ma si leje di fawullunj kenma. Mi kenj wu-zonjoo ne ko di mi bula
pima. Nii-la kala si nii wu-zomola, u tuonj jan tore. 11 Titanj deenj ba lul
na Laataara ne Devit jan le. Baa yiru la Tiina Kirisito, nii-la Wia si liisa.
12 Nla ne ma jan wuo to jinj. Di ma mu dime, ma jan na bile di ba kenj
genninj beu a jonj bil yanj nyunj."

13 Nii ne Wia tinjaaraa yuge a guu lii a pe Wia tinjaari-la le a yii yiilaa
a denne Wia a bul,

14 "Ma lej di la denne Wia si he Wia-jan le.

Wia ma tuonj tore nialinj si he tinteenj le ne. Ba ma jan na yarifielaa."

15 Nii ne Wia tinjaara-la miira mu Wia-jan. Ka pie-daara-la bula pi donj
a bul, "Ma lej di la mu Betilehem a na wii-la la Tiina Wia si to u tinjaaraa
le a bula pila."

16 Ba sii fa lima lima a mu na Meeri ari Josef. Ba naba anj na bile maa
di u pinj yanj nyunj. 17 Nii ne pie-daara-la bula pi bile naanj ari u nyimma
wialinj Wia tinjaara-la si bula piba a tige bile le. 18 Nialinj kala si nii nii,
u njaaba wu-kpunjkpere. 19 Meeri laa wiaa deenjba kala a he u nyunj le a
kaa bibiine.

²⁰ Nii ne pie-daara-la miira mu ba pie-daalinj. Baa mu a yiyii yiilaa a didenne Wia. Wialinj kala Wia tinjdaara-la si bula piba, ba naba.

Ba he Yesu yirinj

²¹ Bile si yi tapulaa chori, ba keru u peninj anj he u yirinj. Ba he Yesu pu, yiri-la Wia tinjdaari-la fa si daga bua-la le Mæeri fa ha si bi luorunj kenë.

Ba keŋ Yesu juu Wia-dia.

²²⁻²³ Wialinj Moosis fa si ŋmuŋsa bil di niaa tuto doŋo ne ŋla:

“Di baal ari u haal ne lul ba bii-bunbun, duu ne ŋaa baal, u maga di ba mu piise ba disinnij ta ne.”

Moosis fa bira ŋmuŋsa bil Wia teninj tuonj di nuu-na kala ne lul u bii-bunbun, di bile ne ŋaa baal, duu jono pi Wia. Nii ne Josef ari Mæeri ŋaa ŋii. Ba sii jonj bile a kaa mu Jerusalem a jonu pi Wia. ²⁴ Ba bira ŋmuŋsa di ba kpu kokosunj balia maa a pi Wia. Nii ne Josef ari Mæeri sii mu Wia-dia di ba ŋaa ŋii.

²⁵ Bua-la le baal kubala ne fa he Jerusalem le, baa yire Simianj. U fa ŋaa ni-zonj ne a fifá Wia a fa gbigbere di Wia laa Iziral tinjŋaa ta. Wia Din-zonj-la ma heu le woruj. ²⁶ Wia Din-zonj-la fa bula pu ari u bi janj suu see duu na Kirisito, nii-la Wia si janj liise duu ko. ²⁷ Nii ne Yesu nyimma ari u naanj juu Wia-dia a jonu pi Wia anj pe ŋaa ŋii Wia niinj wiaa si bula ŋii ne. Di Wia Din-zonj-la keŋ Simianj ma ku juu Wia-dia. ²⁸ Simianj na bile a laau a he u nisaa le anj denne Wia a bul,

²⁹ “Mi Tiina, ŋ leŋ di wialinj ŋ si bula pimi sene ku ŋaa.

Ŋ si ŋaa ŋii, leŋ di mi-na ŋ tintinna na wonbiinj a suu ari yarifielaa.

³⁰ Mi sene na nii-la si ko duu laa dunia niaa ta ne.

³¹ Ŋ timu duu ko nuu-kala teenj ne, di nuu-kala nau.

³² Bie deenj janj nage pulumunj a dage nialinj si bi Juu tinjŋaa ŋaa wonbiinj, ka di ŋ niaa Iziral tinjŋaa ma na.”

³³ Simianj si bul ŋii dere, wialinj u fa si bula a tige bile le ŋaa bile nyimma ari u naanj wu-kpunjkerpe.

³⁴ Nii ne Simianj chuole Wia piba duu peba le anj bula pi u naanj a bul, “Wia liise ŋ bie deenj duu ku dogise nialinj si bi u wiaa laa dii, anj ma laa nialinj si laa u wiaa dii ta Iziral tinjŋaa tuonj. Wia ta bie deenj duu ŋaa magil ne. Niaa yuge janj jonj ba harinj yiaa. ³⁵ Ka ba tuobiinaa janj lii di-jalinj.” Nii ne u bira bula pi Mæeri a bul, “Ŋ titia tuonj janj chei woruj ŋ bile wiaa a nage ba si jonj sia tobunj.”

³⁶ Haal kubala ma ne fa he dime. U yirinj ne Ana. U fa ŋaa nii-la sii bul wiaa, Wia Din-zonj-la doluj le ne. U nyimma ma yirinj ne fa Fanuwel a lii Asa doho niaa tuonj. U fa ŋaa ha-nihianj ne. U fa jaa bala jisinj balipe ne ka u suu. ³⁷ U bala si suba, u hono a ŋaa yo-haal ne jisinj mahinj banese ari banese. Bua-na kala le u yie venë mu Wia-dia wiilheye ari titaninj kala. U yie voo niinj dime anj pe chuole Wia. ³⁸ Simianj fa sii bul wiaa pipi Mæeri ŋii, di Ana ma ku juu. U na bile a denne Wia anj bul wiaa a tige bile le a pi nialinj kala fa si gberë di Wia laa Jerusalem niaa ta.

Ba miira mu Nazaret

³⁹ Mæeri ari Josef si ŋaa wialinj kala Wia si si di ba ŋaa Jerusalem le a dere, ba miira mu Galilii tinjteenj a mu ba janj Nazaret. ⁴⁰ Bile waa a keŋ doluj a kala ŋaa wu-jimii. Wia peu le.

Yesu mu Wia-dia

⁴¹ Jina-na kala Yesu nyimma ari u naan yie mu Jerusalem di ba gbieli diisin kielin gbiele. ⁴² Yesu si n̄aa jis̄in fii ari balia, ba di u nyimma ari u naan mu diisin kielin gbiele-la Jerusalem le, ari ba si ven̄ee n̄aa nii. ⁴³ Gbiele-la si dere, ba miiraa mu dia, ka Yesu ha he harij. U naan ari u nyimma bi jin. ⁴⁴ Ba fa biina ari u he ba nialin si miira mu ba jan tuon̄ ne. Ba suomo chicheu ba naan̄biirin ari ba nan̄d̄on̄sun̄ tuon̄. Ba ven̄ deen̄ deen̄ wia tuu juu a cheu ka. ⁴⁵ Ba si cheu ka, ba miira mu Jerusalem a bene chicheu dime.

⁴⁶ U tapulaa batori cheen̄ ne ba nau Wia-dia le, di ba di juu tin̄n̄aa kerichiba h̄on̄o. Uu jegili wialin ba s̄ii bul an̄ pe pipieseba wiaa maa. ⁴⁷ Nialin kala si he dime a nii u s̄ii chaare wiaa siaa ari wu-jimin̄ n̄ii, u n̄aaba wu-kpun̄kperere. ⁴⁸ U nyimma ari u naan̄ si nau, u n̄aaba ma wu-kpun̄kperere. Nii ne u naan̄ piesu, “Mi bii, bee ne tii n̄ n̄aala n̄la? La di n̄ nyimma gollo cheen̄ ka ne.” ⁴⁹ Nii ne u pieseba a bul, “Bee ne tii ma golloo chemi? Ma bi jin̄ ari mi jan̄ he mi Nyimma dia le?” ⁵⁰ Ama ba fa bi wii-la u si bula piba bubun̄ jin̄.

⁵¹ Nii ne Yesu ari u nyimma ari u naan̄ miira mu Nazaret a he dime. Ba si he dime, u to ba niin̄ worun̄. U naan̄ laa wialin̄ kala si n̄aa a he u tuon̄ le aa biine.

⁵² Nii ne Yesu waa, u wu-jimin̄ ma pun̄a pe. Wia chou, niaa ma zizilu worun̄.

3

J̄on̄ Wia lii-foori-la bul Wia wiaa Mat. 3.1-12; Maak 1.1-8; J̄on̄ 1.19-28

¹⁻² Nii ne Wia ta Zakaraya bie J̄on̄ duu mu bul Wia wiaa pi niaa giri-bine tuon̄. U si suomo n̄ii, Rom tin̄teen̄ kuori-balin̄ Tabiiras dii kuoron̄ u jis̄in̄ fii ari ban̄on̄ ne n̄ii. P̄on̄s̄os Paalit ma fa chin̄ kuori-balin̄ nyun̄ Judiya tin̄teen̄ le. Herod̄ ma fa biben̄ Galilii tin̄teen̄. U naan̄bie Filip̄ ma fa biben̄ Ituriya ari Takonaatis tin̄teen̄. Baal-la ba s̄ii yire Lasiinias ma n̄ii ben̄ Abiliini tin̄teen̄. Anas ari Kayafas ma ne fa n̄aa nialin̄ si kpu pusun̄ pipi Wia kuhiasin̄ Jerusalem le. ³ Nii ne J̄on̄ golle J̄odan̄ fuo-la kala nyun̄ a bubul Wia wiaa pi niaa a bul, “Má birima lii ma haacheba le an̄ lēn̄ di mi foma Wii-chuole liin̄, di Wia jon̄ ma haacheba chema.”

⁴ Azaaya fa n̄mun̄se n̄ii Wia tenin̄ seme don̄o. U fa n̄aa nii-la s̄ii bul wiaa, Wia Din̄-zon̄-la dolun̄ le ne. Wialin̄ u fa si n̄mun̄sa ne n̄la:
“Nuu n̄ii heeli girin̄ tuon̄ a bul,

‘Má wase Wia won̄biin̄ bilu le;
má lēn̄ di won̄bii-la n̄aa tegi tegi duu to.

⁵ Má to buotonun̄ kala.
Má ker̄i peelee ari dun̄dollun̄ ari tin̄teen̄
a kaa j̄ere di ba mage don̄o,
won̄bii-la si golibo, má kaa tuule.

Má to won̄bii-la si ken̄ buotonun̄ di ba n̄aa mula mula.

⁶ Di ma n̄aa n̄ii, dunia niaa kala jan̄ na n̄ii Wia si laa niaa tita.’ ”

⁷ Nii ne niaa yuge a ko J̄on̄ teen̄ duu foba Wii-chuole liin̄. U bula piba a bul, “Ma nialin̄ wu-n̄aalaa nage din̄n̄aa ne. Ma biina ma jan̄ wuo fá a lel chee-la Wia si jan̄ dii nuu-kala sariyaa? ⁸ Má lēn̄ ma wu-n̄aalaa nage ari ma birima lii ma haacheba le ne, an̄ sí bula bul di ma n̄aa Abiraham doho niaa ne. Mi jan̄ bula pima ari Wia paala jan̄ wuo n̄aa di tabiaa deen̄ba ma

si na birime Abiraham doho niaa a pi Abiraham. ⁹ Na ba keŋ saan jee ne a ŋaa siri di ba keru tiisin lo. Tia-la kala si bi neŋ-zoŋŋo kene, ba jan keru ta a joŋo yuo he nyinin tuoŋ.”

¹⁰ Nialin doŋsun si nii wialin u si bula piesu a bul, “Bee ne la saa jan ŋaa?” ¹¹ U bula piba a bul, “Di ŋ keŋ gennin balia, u maga di ŋ joŋ doŋo a pi nii-la si bi kur kene. Nii-la si keŋ kudiilee maa, u maga duu ŋaa kpaanialin si bi kudiilee kene ne.”

¹² Nii ne lanpoo lilaaraa doŋsun ma ko duu foba Wii-chuoŋe liin a piesu a bul, “La kuhian, bee ne la ma jan ŋaa?” ¹³ U bula piba a bul, “Ma si moribee laa kii ŋii ba si daga di maa laa.” ¹⁴ Laali-yuoroo doŋsun ma piesu a bul, “Ka la maa, bee ne la ma jan ŋaa?” U bula piba a bul, “Ma si nuu-kala moribee kaa laa ari dolun, ma ma si wu-nyiarin nyia a laa moribee. Má leŋ di ma tuoŋ toŋe ari time-la ma sii laa.”

¹⁵ Niaa fa si gberɛ Kirisito duu ko, ba biina ari u naga ari u ne ŋaa Kirisito. ¹⁶ Nii ne Joŋ bula piba a bul, “Mi dee. Liin dunɔnɔnɔ ne mi-na kaa foma. Ama nii-la si jan ko, u ne yuga kiimi. Mi paala bi maga di mi kpagu a keŋ u neŋteŋŋee ŋmenin ma kaa puri. U ne jan joŋ Wia Diŋ-zoŋ-la he ma doŋsun le an joŋ nyinin ma he doŋsun le. ¹⁷ U jan kori u mi-chaari-gbanja. Duu ŋmoo u miaa kala dere, u jan keŋ gbanja-la a kaa chaare a liise mi-biin a he u vire le an joŋ joŋruŋ a he nyinin le. Nyin-la bi jan dise.” ¹⁸ Joŋ to wonbiee yuge a bul Wia wu-zomɔ-la a pi nialin a didageba.

¹⁹ Ama Joŋ bul wiaa juu kuori-balin Herod le. U fa jaa u naanbie Filip haala baa yire Herodias. Joŋ bula pu duu bi maga duu jaa u naanbie haala. Wu-boŋŋo doŋsun yuga Herod fa ŋaa. ²⁰ Nii ne u paala wasa ŋaa wu-boŋŋo a pe bunbun wu-bomɔ-la le a keŋ Joŋ to dia.

Joŋ fo Yesu Wii-chuoŋe liin

Mat. 3.13-17; Maak 1.9-11

²¹ Bua-la Joŋ sii fo niaa kala Wii-chuoŋe liin, u fo Yesu Wii-chuoŋe liin maa. Ba si fou liin dere, u chuoŋe Wia, di wia nyun kpaanialia. ²² Nii ne Wia Diŋ-zoŋ-la ku tuu heu le a nage kokomo. U nii nuu yiikoro si lii wia nyun a bula pu a bul, “Ŋ ne ŋaa mi Bii-choolun. Mi tuoŋ toŋe ŋ nyun.”

Yesu doho niaa

Mat. 1.1-17

²³ Yesu fa si suomo a titin u tintinŋaa, u fa yi jisin mara ari fii ne. U doho niaa ne ŋla: Josef fa ŋaa u nyimma. U ne niaa fa biine ari u ne lul Yesu. Josef nyimma yirin ne fa Heli. ²⁴ Heli nyimma ma yirin ne fa Matat. Matat ma nyimma yirin ne fa Liivai. Liivai ma nyimma yirin ne fa Meliki. Meliki nyimma ma yirin ne fa Jana. Jana nyimma ma yirin ne fa Josef. ²⁵ Josef nyimma ma yirin ne fa Matatayas. Matatayas nyimma ma yirin ne fa Emos. Emos nyimma ma yirin ne fa Neham. Neham nyimma ma yirin ne fa Ezili. Ezili nyimma ma yirin ne fa Nagai. ²⁶ Nagai nyimma ma yirin ne fa Maat. Maat nyimma ma yirin ne fa Matatayas. Matatayas nyimma ma yirin ne fa Semeen. Semeen nyimma ma yirin ne fa Josek. Josek nyimma ma yirin ne fa Joda. ²⁷ Joda nyimma ma yirin ne fa Juanan. Juanan nyimma ma yirin ne fa Riisa. Riisa nyimma ma yirin ne fa Zerubabil. Zerubabil nyimma ma yirin ne fa Sialitel. Sialitel nyimma ma yirin ne fa Neeri. ²⁸ Neeri nyimma ma yirin ne fa Meliki. Meliki nyimma ma yirin ne fa Adi. Adi nyimma ma yirin ne fa Kosam. Kosam nyimma ma yirin ne fa Elimadam. Elimadam

nyimma ma yiriŋ ne fa Eri. ²⁹ Eri nyimma ma yiriŋ ne fa Josua. Josua nyimma ma yiriŋ ne fa Eliyiiza. Eliyiiza nyimma ma yiriŋ ne fa Jorim. Jorim nyimma ma yiriŋ ne fa Matat. Matat nyimma ma yiriŋ ne fa Liivai. ³⁰ Liivai nyimma ma yiriŋ ne fa Simiaŋ. Simiaŋ nyimma ma yiriŋ ne fa Juda. Juda nyimma ma yiriŋ ne fa Josef. Josef nyimma ma yiriŋ ne fa Jonam. Jonam nyimma ma yiriŋ ne fa Elayakim. ³¹ Elayakim nyimma ma yiriŋ ne fa Meliya. Meliya nyimma ma yiriŋ ne fa Mena. Mena nyimma ma yiriŋ ne fa Mataata. Mataata nyimma ma yiriŋ ne fa Neetiŋ. Neetiŋ nyimma ma yiriŋ ne fa Devit. ³² Devit nyimma ma yiriŋ ne fa Jesi. Jesi nyimma ma yiriŋ ne fa Obed. Obed nyimma ma yiriŋ ne fa Buas. Buas nyimma ma yiriŋ ne fa Salimɔŋ. Salimɔŋ nyimma ma yiriŋ ne fa Naasuŋ. ³³ Naasuŋ nyimma ma yiriŋ ne fa Amiinadab. Amiinadab nyimma ma yiriŋ ne fa Adimiŋ. Adimiŋ nyimma ma yiriŋ ne fa Aani. Aani nyimma ma yiriŋ ne fa Hezurɔŋ. Hezurɔŋ nyimma ma yiriŋ ne fa Peres. Peres nyimma ma yiriŋ ne fa Juda. ³⁴ Juda nyimma ma yiriŋ ne fa Jekɔb. Jekɔb nyimma ma yiriŋ ne fa Aizik. Aizik nyimma ma yiriŋ ne fa Abiraham. Abiraham nyimma ma yiriŋ ne fa Teera. Teera nyimma ma yiriŋ ne fa Nehɔ. ³⁵ Nehɔ nyimma ma yiriŋ ne fa Serug. Serug nyimma ma yiriŋ ne fa Riu. Riu nyimma ma yiriŋ ne fa Peleg. Peleg nyimma ma yiriŋ ne fa Iba. Iba nyimma ma yiriŋ ne fa Sela. ³⁶ Sela nyimma ma yiriŋ ne fa Keenaŋ. Keenaŋ nyimma ma yiriŋ ne fa Afakizat. Afakizat nyimma ma yiriŋ ne fa Sem. Sem nyimma ma yiriŋ ne fa Nowa. Nowa nyimma ma yiriŋ ne fa Lameki. ³⁷ Lameki nyimma ma yiriŋ ne fa Metuusila. Metuusila nyimma ma yiriŋ ne fa Inɔk. Inɔk nyimma ma yiriŋ ne fa Jarid. Jarid nyimma ma yiriŋ ne fa Mahalalil. Mahalalil nyimma ma yiriŋ ne fa Keenaŋ. ³⁸ Keenaŋ nyimma ma yiriŋ ne fa Inɔs. Inɔs nyimma ma yiriŋ ne fa Set. Set nyimma ma yiriŋ ne fa Adam. Wia ne ta Adam.

4

Sitaani ku magise Yesu *Mat. 4.1-11; Maak 1.12-13*

¹ Njii ne Yesu miira lii Jɔɔdan fuo-la le ku lii di Wia Diŋ-zɔŋ-la heu le woruŋ. Njii ne u kenu kaa juu giri-bine tuɔŋ tapulaa mahiŋ balia. Sitaani yie kɔ a mimagisu. (U bi seye.) ² Tapulaa mahiŋ balia deenba kala pege u bi kuŋ-kala die. Njii ne losuŋ kpuu. ³ Njii ne Sitaani ku bula pu a bul, "Di ŋ ne ŋaa Wia Bie, leŋ di tabiiŋ deen ŋ si na birime boroboro." ⁴ Njii ne Yesu miira bula pu a bul, "Ba ŋmuŋse Wia teniŋ tuɔŋ ari 'Kudiilee dunduŋa dee bi nuhuobiine miisiŋ ka pa.' "

⁵ Njii hariŋ Sitaani bira kenu kaa jila dage dunia kuoruŋ fine ⁶ aŋ bul, "Kuoruŋ deen kala ŋaa mi kua ne. Mi jaŋ ŋaa di ŋ keŋ ba kala doluŋ a tii ba kala a nii ba sima. Mi-na jaŋ wuo joŋo pi nuu-kala mi sfi che. ⁷ Di ŋ ne tuu kpirimi mi sipaan a chuɔlemi, kias deenba kala jaŋ ŋaa ŋ kias." ⁸ Njii ne Yesu bira bula pu a bul, "Ba ŋmuŋse Wia teniŋ tuɔŋ ari, 'U maga di laa chuɔle la Tiina Wia dunduŋa ne aŋ pe timaa pu.' "

⁹ Njii ne Sitaani bira kenu kaa mu Jerusalem a kenu kaa jil Wia-dia nyugbara aŋ bula pu a bul, "Di ŋ ne ŋaa Wia Bie, joŋ ŋ titia yuo daha a tuu chigisi tiŋteen. ¹⁰ Na ba ŋmuŋse Wia teniŋ tuɔŋ ari Wia jaŋ leŋ di u tiŋdaaraa ku cheme kenin. ¹¹ Ba bira ŋmuŋsa ari

'Ba jaŋ keŋe keŋiŋ di ɲ sɪ ɲ naaŋ joŋo ɲmoo tabiiŋ.' "

¹² Nii ne Yesu bira bula pu a bul, "Ba ma bul Wia teniŋ tuoŋ ari u bi maga di ɲ mimagiŋe ɲ Tiina Wia."

¹³ Sitaani si magiŋe Yesu ɲii a dere, u leŋu, ka di tapulii doŋ bira yi.

Yesu suomi u tiŋtiŋŋaa Galilii tiŋteen ɛ

Mat. 4.12-17; Maak 1.14-15

¹⁴ Nii ne Yesu lii giri-bine-la tuoŋ Wia Diŋ-zoŋ-la doluŋ ɛ a mu Galilii tiŋteen. Yesu wiaa teeli Galilii tiŋteen kala. ¹⁵ Nii ne u dage niaa Wii-chuoŋe diisiŋ ɛ. Ba kala bibeseu ɛ.

Ba via Yesu Nazaret ɛ

Mat. 13.53-58; Maak 6.1-6

¹⁶⁻¹⁷ Nii ne Yesu mu Nazaret, lee-la ba si lulu. Che-wiesii-la cheŋu u mu juu Wii-chuoŋe dia ari u si veneŋe ɲaa ɲii. Nii ne u sii duu karime Wia teniŋ a pi niaa. Ba joŋ Wia teniŋ tuoŋ seme doŋo pu, teŋ-la Azaaya si ɲmuŋsa, nii-la fa sɪi bul wiaa, Wia Diŋ-zoŋ-la doluŋ ɛ. U suri a na lee-la ba si ɲmuŋse ɲla a karime a bul,

¹⁸ "Wia Diŋ-zoŋ-la heme ɛ ne.

U ne liisemi di mi bul Wia wu-zomɔ-la a pi summoo.

U ne tiŋmi di mi bula pi yosuŋ ari Wia jaŋ joŋba ta,

a bira bula pi nyulimaa di ba siaa jaŋ suri.

U bira tiŋmi di mi laa niaa ba si nyaga bil a ta

¹⁹ a bula piba di jina jaŋ yi

di la Tiina Wia jaŋ laa u niaa ta."

²⁰ Yesu si karime teŋ-la dere, u kaa to aŋ joŋo pi nii-la sɪi bil teŋ-la aŋ tuu hoŋ. Nialiŋ kala si he Wii-chuoŋe dia-la ɛ chaare ba siaa a peu ɛ.

²¹ Nii ne Yesu bula piba a bul, "Teŋ-la mi si karima pima, jiniŋ u sene ku ɲaa wutitii ne." ²² Nii ne niaa kala tuoŋ toŋe u nyuŋ. Wu-zoŋhoŋo kala u si bula piba ɲaaba wu-kpuŋkpeŋe. Ba pipiese doŋo, "Josef bile dee ɲlaa?"

²³ Nii ne Yesu bira bula piba a bul, "Mi laa dii ari ma jaŋ mage namaga a pimi. U ne ɲla: 'Daalusuŋ tiina, mu vaare ɲ titia.' Ma jaŋ bira bula pimi a bul di wialiŋ kala mi si ɲaa Kapenam ɛ, di mi ɲaaba mi titia jaŋ ɛ maa." ²⁴ Nii ne Yesu bira bul, "Wutitii, mi bulaa pima ari nii-la sɪi bul wiaa, Wia Diŋ-zoŋ-la doluŋ ɛ ne, duu ne ko u titia jaŋ, u niaa buu cho."

²⁵ Nii ne Yesu bira bul, "Má jegili, wutitii mi bulaa pima. Ilaaja fa si he u miisiŋ ɛ, duonuŋ bi nia jisiŋ batori ari lebi. Ilaaja fa ɲaa nii-la sɪi bul wiaa, Wia Diŋ-zoŋ-la doluŋ ɛ ne. Losuŋ juu Iziral tiŋteen woruŋ. Bua-la ɛ yo-haalaa yuga a fa he dime. ²⁶ Ama Wia bi leŋe Ilaaja mu pe juu tiŋŋaa yo-haalaa kuŋ-kala ɛ. U timu u mu pe yo-haal kubala duŋduŋa ɛ a lii Saadoŋ tiŋteen ɛ, taŋ kubala baa yire Zarefat. ²⁷ Bua-la ɛ Ilaasa ma fa si he u miisiŋ ɛ, gbegisiŋ ma yuga ne a he Iziral tiŋteen ɛ, ama Wia bi leŋe Ilaasa vaare ba kuŋ-kala see baal kubala baa yire Neyeman. U lii Siiria tiŋteen ne."

²⁸ Nialiŋ kala fa si he Wii-chuoŋe dia-la ɛ a nii wiin deŋ, ba baaniŋ sii u nyuŋ. ²⁹ Ba sii a keŋ Yesu lere lii ba taŋ tuoŋ a kenu kaa jil duŋdolo-la nyuŋ ba fa si saa ba jaŋ. Ba kenu kaa jil duŋdolo-la nyuŋ di-boliu aa che di ba joŋu yuo ta duu tuu tel tiŋteen. Ba cheu ka. ³⁰ Ka u to nialiŋ tuoŋ a lii viiri.

Baala si keŋ jir-bomun

Maak 1.21-28

³¹ Nii ne Yesu lii Nazaret le a mu Kapenam si he Galilii tinteenj. Che-wiesii-la cheej u mu juu Wii-chuo le dia a didageba. ³² U si dageba nii, u naaba wu-kpunkpere, bee wiaa uu bul wiaa ari dolun ne. ³³ Di baal kubala ne fa he Wii-chuo le dia-la le. Jij-bomun ne fa kenu. Nii ne u faasa chiire ³⁴ a bul, "Yesu n si lii Nazaret, bee kun ne n che n naala le? N ko di n kpula nee? Mi jimij ne. N naa Wia Tu-pul Tiina ne." ³⁵ Yesu si nii wialij baal-la si bula, u kpia jij-bon-la le a bul, "Ken gon an ku lii baal-la le." Jij-bon-la naa baal-la tel ba kala sipaan an lii baal-la le. U bi wu-bon kala naa le. ³⁶ Ba si na nii, u naa nuu-kala wu-kpunkpere. Nii ne ba pipiese donjo a bul, "Ee ne u si wuo bul na? Baal-la deen ken dolun a wuo jij-bonjo, a bul wiaa piba ba lii niaa le." ³⁷ Nii ne Yesu wiaa teeli lee-la kala.

Yesu vaare niaa yuge

Mat. 8.14-17; Maak 1.29-34

³⁸ Nii ne Yesu lii Wii-chuo le dia-la le a mu baal kubala dia baa yire Saamonj. U mua di Saamonj hiili-haala pina aa wiile. U yaraa kala lij. Ba si bul u wiaa pu, ³⁹ Yesu mu chin u seme an kpia nyanyalii-la le duu lenu. Nyanyalii-la len haal-la, an ka u guu sii a naa kudiilee piba ba dii.

⁴⁰ Di niaa donsun ma ne nii, ba nanjonsun wiwiile. Nyanyal-yiriba kala ne kenba. Wia si jua, ba kenba kaa ko Yesu teenj. U jon u nisaa a dan ba kun-kala le, ba duori. ⁴¹ Jij-bonjo ma lii niaa le a yuge aa chiire, a bula pi Yesu a bul, "N ne naa Wia Bie." Nii ne Yesu kpiaba le di ba si u wiaa bul, bee wiaa ba jima ari u ne naa Kirisito.

Yesu bul Wia wiaa Judiya tinteenj le

Maak 1.35-39

⁴² Siipuuraa Yesu lii tan-la le a mu lee-la niaa si tuo dime. Nii ne nialij suomo chicheu. Ba si mu nau, ba wiwalime di ba kenu bil duu si viiru. ⁴³ Nii ne Yesu bula piba a bul, "U maga di mi mu tasin donsun maa a bul Wia kuorii-la wiaa dime. Nii ne Wia tinmi di mi ku naa." ⁴⁴ Nii ne u bul Wia wiaa Judiya tinteenj, Wii-chuo le diisij le.

5

Yesu yire u bunbun haritooro

Mat. 4.18-22; Maak 1.16-20

¹ Bua kubala Yesu chin maga kubala niij baa yire Genezaret. Niaa yuge a yigi donjo a kuko u teenj di ba nii Wia wiaa. ² Nii ne Yesu na lij daborusun balia di ba chin lij niij. Ba tinnaa kaa ku bil ne an mu di ba chese ba jonba. Saamonj ne tii donjo. ³ Nii ne Yesu juu Saamonj lij daboro an bul duu yigu duu juu lij tuon mua. U mu yigu. Nii ne Yesu hon lij daboro-la tuon an didage ni-dan-la kala. ⁴ U si bul wiaa pi nialij dere, u bula pi Saamonj a bul, "Kuosi lij daboro-la duu mu lee-la lij si lunje mua, di ma di n nanjonsun yuo ma jonba a kese chenfilee." ⁵ Nii ne Saamonj bula pu a bul, "Mi kuhian, la yuo jonba titanij kala kala ne an bi kun-kala kene. Ama n-na si bul nii pimi, mi jan yuo." ⁶ Nii ne ba naa nii a kese chenfilee yuge kinjen. Ba si kese yuge nii, ba jonba chiche di ba kiese. ⁷ Di ba nanjonsun he lij daboro donjo tuon. Nii ne ba yireba di ba ku peba le. Ba ko a chaare chenfilee-la a su lij daborusu-la baliamin kala. Ba paala chiche di ba tuu lij bubun. ⁸ Saamonj yirij donjo ma ne fa naa Piita. Saamonj Piita si na wii-la si naa, u tuu kpirimi u naadusun nyun Yesu sipaan an bul, "Mi Tiina, sii lii mi teenj. Mi naa haache tiina ne." ⁹ Ba

si kesse chenfilie-la yuge nii, u n̄aa Piita ari nialin̄ kala wu-kpun̄kpere. ¹⁰ Saamon̄ nan̄donsun̄ Jeems ari Joon̄ ma fa he dime. Ba fa n̄aa Zebidii biirin̄ n̄e. Wialin̄ ba si na ma n̄aaba wu-kpun̄kpere. Nii n̄e Yesu bula pi Saamon̄ a bul, “Sı fawullun̄ fá. A suomi jinin̄, η jan̄ che kikese niaa ari η sii kesse chenfiliee nii.”

¹¹ Nii harin̄ ba sii a ken̄ lin̄ dabori-biisi-la kaa ku lii lin̄ niin̄. Ba len̄ kun̄-kala ta dime an̄ sii to Yesu harin̄.

Yesu vaare gbege

Mat. 8.1-4; Maak 1.40-45

¹² Nii n̄e Yesu mu tan̄ kubala di baal kubala n̄e nii. U n̄aa gbege n̄e. U na Yesu a tuu kpirimi u sipaan̄ an̄ sulu a bul, “Mi kuhian̄, di η n̄e cho, η jan̄ wuo n̄aa di mi duori.” ¹³ Nii n̄e Yesu liise u nisin̄ a digu an̄ bul, “Mi cho n̄e. Duori.” Yawiil-la guu len̄ baal-la. ¹⁴ Nii n̄e Yesu bula pu a bul, “Sı wiin̄ deen̄ bula pi nuu-kala. Ama ken̄ η titia mu dage nii-la si kpu pusun̄ pipi Wia duu kpu pusun̄ pipi Wia, a piise η disinnin̄ ta ari Moosis fa si dagema nii. Di η n̄e n̄aa nii, niaa jan̄ na ari η bira bi disinnin̄ ken̄e.” ¹⁵ An̄ ka wii-la ha faasa teeli lerin̄ kala a mu. Niaa yuga a ko u teen̄ di ba nii u wiaa, an̄ ka duu pe vaare ba nyanyalaa maa. ¹⁶ Ka Yesu yie sii mu girin̄ duu chuole Wia.

Yesu vaare gberike

Mat. 9.1-8; Maak 2.1-12

¹⁷ Tapulii kubala Yesu didage niaa, di Wia dolun̄ heu le u kaa vivaare nyanyal tin̄jaa. Farisii tin̄jaa ari Wia tenin̄ kerichiba si lii Galilii tin̄teen̄ ari Judiya tin̄teen̄ ari Jerusalem kala ma fa hon̄ dime.

¹⁸ Nii n̄e niaa chun̄ gberiku kubala ari u boso kala a kaa ko a wiwalime di ba kenu kaa juu dia-la le Yesu si he a bil u sipaan̄. ¹⁹ Ama niaa fa si yuga nii, ba bi won̄biin̄ na di ba kenu juu. Nii n̄e ba kenu kaa jil lusun̄ nyun̄ a ta luri a jon̄u ta. U to dime a tuu nialin̄ tutuobaanin̄ Yesu sipaan̄. ²⁰ Yesu si na ari niaa deen̄ba n̄aau yarida worun̄, u bula pi gberiku-la a bul, “Mi nan̄don̄, mi jon̄ η haacheba chen̄ n̄e.” ²¹ Nii n̄e Farisii tin̄jaa ari Wia tenin̄ kerichiba-la suomi pipiese don̄o a bul, “Kubee n̄e nia deen̄ sii tuuse Wia jon̄oo n̄la? Nuukala bi jan̄ wuo jon̄ haacheba che nuu see Wia dundun̄a.” ²² Nii n̄e Yesu wuo jin̄ ba tuobiinaa a pieseba a bul, “Bee n̄e tii ma biine wiaa deen̄ba ma tuon̄ le? ²³ Mi si jan̄ bul di mi jon̄ u haacheba cheu n̄e koo mi si jan̄ bul duu sii a chuoli u boso a viviiri, ba tuon̄ kubee n̄e n̄aa mol̄i? ²⁴ Mi jan̄ dagema ari mi-na Nuhuobiine Bie ken̄ dolun̄ dunia le di mi jon̄ haacheba che niaa.” Nii n̄e u bula pi gberiku-la a bul, “Sii a jon̄ η boso a mu dia.” ²⁵ U guu duori a sii a jon̄ u boso-la u fa si pin̄ u nyun̄ a mu dia an̄ didenne Wia. ²⁶ U n̄aa nialin̄ kala fa si he dime wu-kpun̄kpere. Fawullun̄ ken̄ba. Ba denne Wia a bul, “La na wu-kpun̄kpere jinin̄.”

Yesu yire Liivai

Mat. 9.9-13; Maak 2.13-17

²⁷ Nii harin̄ Yesu bira sii a lii a na lan̄poo lilaara kubala baa yire Liivai duu hon̄ u tin̄tinni dia le. Nii n̄e Yesu yiru a bula pu duu sii a tuto u harin̄.

²⁸ Nii n̄e Liivai sii an̄ len̄ u kun̄-kala ta an̄ to u harin̄.

²⁹ Nii n̄e Liivai n̄aa di ba gbieli gbiele u dia le. Yesu ari u haritooro ari lan̄poo lilaaraa don̄sun̄ yuge, ari niaa don̄sun̄ ma fa he dime.

³⁰ Nii n̄e Farisii tin̄jaa don̄sun̄ ari Wia tenin̄ kerichiba ari ba nan̄donsun̄ sii a pipiese Yesu haritooro a bul, “Bee n̄e tii ma di lan̄poo lilaaraa ari

haache diiree kala hõno didii kudiilee?" ³¹ Yesu nii ba sii bul nii. Nii ne u bula piba a bul, "Nialinj si ken yarifielaa bi daalunj njaara ka che, see nialinj sii wiilu. ³² Mi ko di mi yire haache diiree ne di ba lenj ba haacheba. Nialinj si ken tuo-pula mi sipaan dee mi ko mi yire."

Ba piese Yesu nii-vobunj wiaa

Mat. 9.14-17; Maak 2.18-22

³³ Nii ne niaa dojsunj ku piese Yesu a bul, "Joon Wia lii-foori-la haritooro yie vuvoo niinj ne anj pe chuchuale Wia bua-na kala le. Farisii tinjaa haritooro ma njjaa nii titia. Ama n-na haritooro bi niinj ka voo."

³⁴ Nii ne Yesu ma pieseba a bul, "Di nuu ne mu jaa haala kaa ko, di ba duu nanjdojsunj gbigbieli ha-jaari gbiele, u nanjdojsunj jan voo niinj koo? Ai, ba bi niinj ka voo. ³⁵ Ama chee doj ne he dime, ba jan ken baal-la kaa mu lee, anj ka di u nanjdojsu-la voo niinj."

³⁶ Nii ne u bira mage namaga a piba a bul, "Nuu-kala bi jan keru geripe-falin a kaa to geri-bininj. N ne njaa nii, n jan chei geri-falii-la. Geripe-falii-la ma n si kere to geri-kosu-la ma bi jan challe. ³⁷ Nii titia ne nuu ma bi jan jonj si-huonj a he pupoi-kpaan le. N ne njaa nii, pupoi-la jan yere, di sinj-la kala bisa ta. ³⁸ Si-huonj maga di n jonj he pupoi-zomunj le ne. ³⁹ Di nuu ne nyua si-yele, u bira bi che duu nyua si-huonj, bee wiaa nuu-kala jima ari si-yele ne zomo kii si-huonj."

6

Ba piese Yesu che-wiesii-la cheenj wiaa

Mat. 12.1-8; Maak 2.23-28

¹ Bua kubala, che-wiesii-la cheenj, Yesu ari u haritooro to nyonjo бага tuoñ bibal. Nii ne u haritooro-la bori nyonjo-la a chichanj.

² Di Farisii tinjaa dojsunj ma he dime a naba. Ba si naba nii, ba pieseba a bul, "Bee ne tii ma njaa njla? Maa chei la che-wiesii-la cheenj kisinj ne nii."

³ Nii ne Yesu pieseba a bul, "Ma bi wii-la Devit fa si njaa karimaa? Losunj fa si kenu ba di u harij niaa, ⁴ u mu juu Wia-dia a jonj boroboroba-la ba fa si kaa ku bil Wia sipaan a chogo dii anj jonjo pi u harij niaa maa, ba ma laa dii. U fa njaa kisinj ne ari ni-wogo si jan jonjo dii, see nii-la si kpu pusunj pipi Wia dunjuna, ka Devit ari u niaa dii." ⁵ Nii ne Yesu bira bula piba a bul, "Mi-na Nuhuobiine Bie ne njaa che-wiesii-la tiina nii."

Yesu vaare baala u nisinj si suba

Mat. 12.9-14; Maak 3.1-6

⁶ Che-wiesii-la cheenj dojjo Yesu bira juu Wii-chuale dia a didage niaa, di baal kubala ma fa he dime. U na-diiñ nisinj suba ne. ⁷ Wia teninj kerichiba ari Farisii tinjaa dojsunj ma fa he dime. Baa che di ba na wii ne a to nii le a kenj Yesu, a bul duu chei ba kisinj le ne. Ba kala chaare siaa bibenu di ba na ari u jan vaare baal-la che-wiesii-la cheenj. ⁸ Ama Yesu fa jinj ba tuoñinaa kala ne. Nii ne u bula pi na-suu-la tiina a bul duu sii a ku chinj ba tutuobaaninj. Nii ne baal-la sii a mu chinj dime. ⁹ Nii ne Yesu bira pieseba a bul, "Ee ne la naabalimaba kisinj bul di la njjaa che-wiesii-la cheenj? Di la pipe niaa le koo di la dudogiseba? Di la lilaa niaa miisinj koo di la kpukpuba?" ¹⁰ Yesu si bul nii, u benj nialinj kala fa si honj dime golli anj bula pi na-suu-la tiina duu kenj u nisinj tiene. U kaa tiene. U nisinj bira nage u naging. ¹¹ Yesu fa si njaa nii, baaninj faasa kenj Farisii tinjaa ari Wia teninj kerichiba-la. Ba vuvuure nii ba si jan njaa le.

Yesu liise u haritooroo fii ari balia

Mat. 10.1-4; Maak 3.13-19

¹² Tapulii kubala Yesu jil peelinj nyunj duu chuole Wia. U chuole Wia nii deenj deenj tan-pul. ¹³ Tanj si pula, u yire u haritooroo ba ko u teenj. Nii ne u liise ba tuonj niaa fii ari balia a kenba kaa yire u nanjzoba maa. ¹⁴ Nialinj u si liisa ne nla: Saamɔŋ (Yesu fa kenu yiyire Piita ne) ari u naanbie Anjduru, ari Jeems ari Jɔɔŋ ari Filip ari Batolomi ¹⁵ ari Matiu ari Tomas ari Alifiyas bie Jeems, ari Saamɔŋ Zelot, ¹⁶ ari Jeems bie Judas, ari Judas Isikarot, nii-la si ku njaan zenbe tiina.

Yesu dage niaa anj pe vaare ba dɔŋsunj maa

Mat. 4.23-25

¹⁷ Nii ne Yesu ari u nanjzoba-la lii peel-la nyunj ku tuu a chinj tinteen, di u haritooroo dɔŋsunj ma he dime a yuge. Niaa dɔŋsunj ma yuga a he dime a lii Judiya tinteen, dɔŋsunj lii Jerusalem, dɔŋsunj ma lii Taya ari Saadɔŋ tinteen a kpage mugi-balinj niinj. ¹⁸ Niaa deenba kala ko di ba jegile nii wialinj Yesu sii bul ne anj ka duu vaareba. Nialinj dɔŋsunj ma he dime, jin-bɔŋŋɔ kenba. Yesu njaan ba duori. ¹⁹ Wia dolunj ne heu le u vivaare niaa. Nii wiaa ne nialinj kala ninerike di ba digu. Di ba ne digu, dol-la liiu le, u njaan ba duori.

Nii la si janj njaan a kenj tuɔɔɔruŋ

Mat. 5.1-12

²⁰ Yesu si vaare nialinj dere, u miira berj u haritooroo anj bul, “Ma nialinj si njaan summoo, Wia janj pema le.

Ma ne janj dii Wia kuorii-la.

²¹ Ma ma nialinj losunj sii kpu leele, Wia janj pema le.

U janj pima kudiilee di ma dii a voge.

Ma nialinj sii yel leele, Wia ma janj pema le,

bee wiaa Wia janj njaan ma mɔŋ.

²² Di niaa ne berema a liiseema ta ba tuonj a tutuusema a chichei ma yirinj a bul di ma njaan ni-bomɔ ne, di ba ne bul nii a tinj ma sii to mi-na Nuhuobiine Bie harinj wiaa, Wia ma janj pema le. ²³ Di nii ne ku chinjma le, ma lej di ma gugua ari tuɔɔɔruŋ, bee wiaa ma time janj yuge Wia-janj le. La naabalimaba ma dogise nialinj fa sii bul wiaa, Wia Dinj-zɔŋ-la dolunj le nii ne.

²⁴ Ama ma nialinj si kenj kiaa leele, ma janj na heenj,

bee wiaa ma laa sipaanj dii ma sima dere ne.

²⁵ Ma nialinj si voge leele, ma ma janj na heenj.

Losunj janj kenjma.

Ma nialinj sii mɔŋ leele, ma janj na heenj.

Ma tuonj janj chei, di ma yel.

²⁶ Di niaa kala yie besema le, ma ma janj na heenj, bee wiaa la naabalimaba juu tinjmaa ma besen nialinj fa si nyia wiaa a bul di baa bul wiaa, Wia Dinj-zɔŋ-la dolunj le ne.”

Yesu dage niaa di ba cho ba dinjɔŋŋɔɔ

Mat. 5.38-48; 7.12

²⁷ Nii ne Yesu bira dage niaa a bula piba a bul, “Ma nialinj sii jegili mi teenj, mi bulaa pima di ma cho ma dinjɔŋŋɔɔ aa njaan wu-zɔŋŋɔɔ nialinj si berema le. ²⁸ U maga di maa sul Wia duu pe nialinj sii bul wu-bɔŋŋɔɔ ma le a chuole Wia pi nialinj sii dogiseema. ²⁹ Di nuu ne falle njaan-gua chanjkanj le, kenj njaan-dii chanjkanj ma birima pu duu falle. Di nuu ne kenj njaan geri-balinj laa, wuri njaan geri-bie ma pe pu. ³⁰ Di njaan ne kenj kunj, di

nuu piese chiche, jono pu. Di nuu ne jon η kun maa, bira sí piesa laa. ³¹ Ma sí che di niaa njjaa nii ma le, má ma jon nii njjaaba le.

³² Di ma ne cho nialin si choma dundun, u bi maga di ma ken time, bee wiaa haache diiree ma cho dɔɔɔ ne. ³³ Di maa nja wu-zɔɔɔɔ nialin sí nja wu-zɔɔɔɔ ma le, ma bi time kene, bee wiaa haache diiree ma nja nii ne. ³⁴ Di ma ne jon kiaa a chin nialin ma si biina ba jan wuo time pima an vɔɔ niaa dɔɔɔɔ, ma bira bi time kene, bee wiaa haache diiree ma jon kiaa chichin haache diiree dɔɔɔɔ ne an gberɛ di ba bira tinba nii titia. ³⁵ Ama wialin mi sí che di ma nja ne nla: Má cho ma dindɔɔɔɔ aa nja wu-zɔɔɔɔ ba le, a jon kiaa chinba an sí gberɛ di ba tinma. Di ma ne nja nii, Wia jan len di ma nja u-na Wii-balin biirin, duu jon ku-bal-bal tinma. Wia yie pe ni-bɔɔɔɔ ari nialin ma kala si ken siin le ne. ³⁶ Má fifá niaa nennige ari ma Nyimma Wia sí fá niaa nennige nii.

Ma sí ma dɔɔɔɔ tinjaa wiaa laa jjin

Mat. 7.1-5

³⁷ Ma sí ma dɔɔɔɔ tinjaa wiaa laa jjin a ma sí cheerin jono piba. Di ma ne nja nii, Wia ma bi jan jon cheerin pima. Má jon wiaa che ma dɔɔɔɔ tinjaa. Di ma ne nja nii, Wia ma jan jon ma wiaa chema. ³⁸ Má nja kiaa pipi ma dɔɔɔɔ tinjaa. Di ma nja nii, Wia ma jan nja kiaa a pima a ma jan ken zile ma teen. U jan magise kiaa chuɔɔ a pima. Ku-la η si kaa magisa pi η dɔɔɔɔ tinjaa, u titia ne Wia ma jan kaa magisa pin.”

³⁹ Nii ne Yesu bira mage namaga piba a bul, “Nyulima bi jan wuo a ken nyulima dɔɔɔɔ daan le. Di u ne nja nii, ba kala balia jan tel buɔɔɔɔ le. ⁴⁰ Sukuuri-bie bi u kerichi ka kii, ama di kerichi-la dage bile dɛɛ, u jan wuo mage u kerichi-la. ⁴¹ Eɛ ne η jan wuo na daa-bie si tel η naanbie siin le an bi daa-bal-la si tel η titia siin le ka na? ⁴² N bi jan wuo bula pi η naanbie a bul duu len di η liise daa-bie-la si he u siin le, an paala bi daa-bal-la si he η titia siin le ka na. N-na kanfugi tiina, laa sipaan liise daa-bal-la si he η titia siin le, ka η siaa wuo na, nii ne η ma jan wuo pe η naanbie le a liise daa-bie-la si he u siin le a pu.”

Yesu mage namaga a tige tia ari u nene le

Mat. 7.16-20; 12.33-35

⁴³ Nii ne Yesu mage namaga a pi niaa a bul, “Tia-la si ken yarifielaa bi jan nen nen-lɔɔɔɔ, an ka tia-la si bi yarifielaa kene ma bi jan nen nen-zɔɔɔɔ. ⁴⁴ Tia-la nene ne yie dage tia-la yiri. Sojaamin bi tutogo nanbilaa ka nen, sɔɔɔɔ-gberɛ ma bi chichuɔɔ ka nen. ⁴⁵ Ni-zɔɔɔɔ ken tuɔɔɔɔ-zɔɔɔɔ ne u tuɔɔɔɔ le aa nja wu-zɔɔɔɔ-la u sí biinu. Ni-bɔɔɔɔ ma ken tuɔɔɔɔ-bɔɔɔɔ ne u tuɔɔɔɔ le a maa nja wu-bɔɔɔɔ-la u sí biinu u tuɔɔɔɔ le. N tuɔɔɔɔinaa si ken wii-la ne, u ne η niin bubul.”

Yesu mage namaga a tige di-saaraa balia le

Mat. 7.24-27

⁴⁶ Nii ne Yesu bira bul, “Bee ne tii ma kenmi yiyire ‘La Tiina, la Tiina,’ an bi wialin mi sí bula pima ka nja? ⁴⁷ Nii-la kala si kɔ mi teen a jegile nii mi niin wiaa a tutoba, mi jan dagema nii u si naga. ⁴⁸ U nage baala si saa dia ne a lu dia-la gɛɛtine, u faasa tuu kpaginyilin nyun. Nii ne duonun nii, fuon sɔɔ a pelle yage dia-la, ka dia-la bi jigise maa, bee wiaa u saau worun ne. ⁴⁹ Ama nii-la si jegile nii wialin mi sí bula an biba to, u nage baal-la si saa u dia tinteen an bi gɛɛtine luo u tuu ne. Nii ne duonun nii, fuon sɔɔ, liin pelle yage dia-la, dia-la kala tel wuru.”

7

*Yesu vaare laali-yuoroo kuhian yomo**Mat. 8.5-13*

¹ Yesu si bul wiaa deenba kala a pi nialin dere, u sii mu tan kubala baa yire Kapenam.

² Baal kubala ne fa he dime. U fa nna Rom laali-yuoroo kuhian ne a fa ken u yomo ne a chou worun. Yomo-la wiwiile a pina kikiiki. ³ Nii ne laali-yuoroo kuhian-la nii Yesu wiaa. U si nii nii, u liise juu tinjaa kuhiasin di ba mu sulu duu ku vaare u yomo-la. ⁴ Ba sii a mu Yesu teen a sulu kinken kinken a bul, "Baala deen nna ni-zon ne. U maga di n pœu le. ⁵ U cho la niaa worun. U titia ne saa Wii-chuole dia a pila."

⁶ Nii ne Yesu to ba harin mu. Ba si mu kpage laali-yuoroo kuhian dia, baal-la tin u nanjonsun di ba ku lii bula pi Yesu a bul, "Mi Tiina, si n titia walimu a ko mi dia. Mi bi maga di n ku juu mi dia. ⁷ Nii ne tii mi paala bi n teen ko. N-na yaa suri n niin a bul di mi yomo-la duori, u jan duori. ⁸ Mi ma paala to mi laali-yuoroo nihiasin niin ne. Laali-yuoroo dõnsun tuto mi niin maa. Di mi ne bul di niaa deenba mu daha, ba yie mu ne. Di mi bira si di nia deen ko daha, u yie ko ne. Di mi ne bula pi mi womo duu nna deen, u yie nna ne." ⁹ Yesu si nii wiaa deenba, u nnaa wu-kpunkpere. U miira daase harin a bula pi ni-dan-la fa sii to u harin a bul, "Mi ha bi yarida deen doho na Iziral tinteen niaa tuon."

¹⁰ Nii ne nialin laali-yuoroo kuhian-la fa si tima, ba miira mu u dia, di u yomo-la duoro.

Yesu chise yo-haala bie

¹¹ Yesu si vaare Rom laali-yuoroo kuhian yomo-la, u bi diene ka u mu tan kubala baa yire Neen. Ni-dan ari u haritooro ne to u harin mu. ¹² U si mu kpage tan-la niin di baa yel yoho. Baal kubala ne suba. U ne fa nna u naan bie kala. U naan ma fa nna yo-haal ne. Niaa yuga a lii tan-la a ku chigi haal-la. ¹³ Yesu si na haal-la, nennige kala kenu. U bula pu a bul duu si yel. ¹⁴ Nii ne u mu a digi daga-la ba fa si jon suu-la he. Nialin fa si chun daga-la a kaa mu di ba hugi, ba chin. Nii ne Yesu bula pi suu-la a bul, "Bapuosi-bie, mi bula pin di n sii suun le." ¹⁵ Baal-la sii suun le a suomo bubul wiaa. Nii ne Yesu jonu pi u naan. ¹⁶ Fawullun ken nuu-kala. Ba denne Wia a bul, "Nialin sii bul wiaa, Wia Din-zon-la dolun le, ba tuon ku-bal ne ku tuu la tuon. Wia ko duu laa u niaa ta ne."

¹⁷ Nii ne wiin deen Yesu si nna, teeli Judiya tinteen kala ari ta-biisi-la si gollu Judiya tinteen.

*Jõõ, Wia lii-foori-la tin tinjaaraa**Mat. 11.2-19*

¹⁸ Jõõ haritooro bul wiaa deenba kala Yesu si nna a pu. ¹⁹ Nii ne Jõõ, Wia lii-foori-la yire ba tuon niaa balia, a tinba di ba mu Yesu teen a piesu a bul, "N ne nii-la Jõõ si si u jan ko, koo la gberẽ nuu ma don nee?" Nii ne ba mu Yesu teen. ²⁰ Ba si mu u teen, ba piesu a bul, "Jõõ, Wia lii-foori-la ne tinla di la ku piesin ari n ne nii-la u si si u jan ko koo la gbigberẽ nuu don nee?" ²¹ Bua-la titia le Yesu vaare nyanyal tinjaa a yuge, a kiri jin-bõõõõ niaa le, an suri nyulimaa ma siaa. ²² Nii ne u bula pi Jõõ haritooro-la a bul, "Má miira mu a bula pi Jõõ wialin kala ma si nia an na maa. Nyulimaa siaa susuri, gberikẽe viven, gbegisin duduori. Tanjaa ninii wiaa. Nialin si suba sisii suun le. Summoo ma wuo ninii Wia

wu-zonjoo. ²³ Nialinj si bi kaa lere ari mi ne nja nii-la Wia si tima, ba tuonj janj tore.”

²⁴ Nii ne Joon haritooro-la viiri. Ka Yesu suomo bul Joon wiaa a pipi ni-danj-la. U pieseba, “Ma si mu Joon teen giri-bine le, bee ne ma fa gbera di ma na? Ma mu di ma na yan pelinj si kaa viviisi nee? Ai. ²⁵ Bee ne saa ma lii di ma na? Ma lia di ma na nuu si laale geri-zonjoo nee? Ai. Bee na nialinj si yie laale genninj deenba, ba yie juu kuori-diisinj ne aa nii sima.

²⁶ Má saa dagemi ku-la ma si mua di ma na. Ma mu di ma na nii-la sfi bul wiaa, Wia Din-zonj-la dolunj le nee? Oo, mi janj bula pima ari ma na nuu duu kii nii-la sfi bul wiaa, Wia Din-zonj-la dolunj le. ²⁷ U-na Joon wiaa ne ba nmunsa bil Wia teninj tuonj, a bul di Wia si,

‘Má jegile nii mi teenj, mi janj tinj mi tinjaara duu laa nj sipaan a mu a wase wonbiinj bilinj le.’ ”

²⁸ Nii ne Yesu bira bula pi niaa a bul, “Joon ne kii nuu-kala ba si lula. Ama nii-la si nja ni-bie Wia kuorii-la tuonj, u ne yuga kii Joon.”

²⁹ Nialinj ari ba tuonj lanpoo lilaaraa fa si nii wialinj Joon si bula, ba laa dii a to Wia. Ba ne ku nja tuo-pul timma. Joon foba Wii-chuole lijn maa.

³⁰ Ama Farisii tinjaa ari Wia teninj kerichiba via Wia niinj wialinj Joon si bula. Ba ne bi seye di Joon foba Wii-chuole lijn.)

³¹ Nii ne Yesu bira bul, “Bee ne mi janj kenj jininj niaa kaa magise? Ee ne ba nage? ³² Ba nage hanbiisinj sfi gbieli yobo tuonj ne. Donsunj yie kpia donj le, a bula piba a bul, ‘La yii yilaa ne pima, anj ka ma bi gua, la yel yoho pima, anj ka ma bi yel.’ ³³ Bua-la le Joon Wia lii-foori-la si ko ma teenj, uu voo niinj ne a bi sininj ma nyua. Nii ne ma si di jin-bonj ne kenu. ³⁴ Anj ka mi-na Nuhuobiine Bie ko ma teenj a didii kiaa anj pe nyunyua sininj maa. Nii ne ma bula pi donj a bul baala deenj nja luobii tiina ne a nja si-nyuaru maa, anj pe kenj lanpoo lilaaraa ari haache diiree kala kaa dii nanjonsunj. ³⁵ Nialinj si sei wu-jimii-la si lii Wia teenj, ba wu-njaalaa daga ari ba sene lii Wia teenj ne.”

Yesu juu Farisii kubala dia baa yire Saamonj

³⁶ Tapulii kubala Farisii tinjaa tuonj donj yire Yesu duu ko u dia di ba dii kudiilee. Yesu mu a honj di ba dii kiaa. ³⁷ Di haal kubala he tanj-la le a nja haache diiru. Haal-la nii Yesu wiaa ari u he Farisii tiina-la dia le aa dii kiaa. Nii ne u sii jonj tulaali lonj a kaa mu juu dia-la. ³⁸ U si juu dia-la, u chinj Yesu naasinj seme a yiyel sii-liirinj a hihe Yesu naasinj le. Sii-liirinj si he Yesu naasinj le nii, u kenj u nyu-punaa kaa tiike anj guori Yesu naasinj, a bise tulaalii-la he u naasinj le. ³⁹ Farisii tiina-la si yire Yesu duu ku dii kiaa na wiinj deenj a bibiine u tuonj le, “Di baala deenj sene nja nii-la sfi bul wiaa, Wia Din-zonj-la dolunj le ne, u fa janj jinj ari haala deenj si digu nja haache diiru ne.” ⁴⁰ Nii ne Yesu bula pi Saamonj a bul, “Saamonj, mi kenj wii ne di mi bula pinj.” Nii ne Saamonj bula pu a bul, “Mi kuhianj, bula pimi.” Nii ne Yesu bula pu a bul, ⁴¹ “Baalaa balia ne he dime a sii mu chinj moribee kiaa tiina teenj. Donj chinj siidi bui banese, donj ma chinj siidi zo-banese. ⁴² Njaa deenba balia tuonj, kunj-kala bi u chiminj wuo tinj. Nii ne kiaa tiina-la jonj chinj-la a che ba kala. Njaa deenba baliainj tuonj, kubee ne janj cho baal-la worunj?” ⁴³ Nii ne Saamonj bula pu duu biina ari nii-la chiminj si yuga ne. Nii ne Yesu bula pu di wutitii ne.

⁴⁴ Nii ne u miira bej haal-la anj piee Saamonj a bul, “Nj na haal-la deenj nee? Mi ko nj dia, anj ka nj bi lijn nja pimi di mi sonj mi naasinj, anj ka u-na kenj u sii-liirinj kaa sonj mi naasinj anj kenj u nyu-punaa ma tiike. ⁴⁵ Mi sfi

ko η dia, η bimi guoro, ka u-na guori mi naasin. ⁴⁶ N bi nuun ηaa tise mi nyun, ka u-na ηaa tulaali tise mi naasin. ⁴⁷ Mi bula piη ari mi jon u haacheba yuge ne a cheu, ηii ne tii u chomi worun ηii. Ama nii-la ma mi si jon u haacheba muapilii cheu, u tiina ma chomi muapilii ne.” ⁴⁸ Nii ne Yesu bula pi haal-la niaa tuon ari u jon u haacheba a cheu ne. ⁴⁹ Nii ne nialin ku-kaanaa fa si hono didii kudiile-la bibiine ba tuon le a bul, “Kubee ne nia deen si paala jon haacheba che niaa?” ⁵⁰ Ama Yesu bula pi haal-la a bul, “N yarida ne laan ta. Mu ari yarifilaa.”

8

Haala-la sii to Yesu harin

¹ Nii harin Yesu gollo to ta-balaa ari ta-biisin a bubul Wia wu-zom-la a tige Wia kuorii-la le. U haritooro-la fii ari balia to u harin mu, ² ari haalaa donsun maa. Ba tuon donsun faa wiile ne, jin-bonjoo ma fa ken donsun. Yesu vaare ba kala. Ba tuon donj yirin ne Meeri Magidalin. Yesu fa kiri jin-bonjoo balipe ne u le. ³ Donj ma yirin ne Juana. U bala ma yirin ne Kusa. Kusa fa ηaa nihian ne kuoro Herod dia le. Haal-la ba sii yire Suzana ma he dime a pe haalaa donsun yuge ma le. Ba peba le ari kialin kala Yesu ari u haritooro sii che.

Yesu mage namaga a tige baal-la sii dyu kiaa le

Mat. 13.1-9; Maak 4.1-9

⁴ Nii ne niaa lii tasin a kuko Yesu teen. Ni-dan-la si ku hilime dere, Yesu mage namaga a piba a bul, ⁵ “Baal kubala ne sie a mu u dyu u kiaa. U jon u ku-doho aa mise ne. U sii mise ηii, donsun tel wonbiin tuon. Niaa vene nuose, ka diibiisin tuosa dii. ⁶ Donsun ma tel kpaginyilin nyun a nyu an suu, bee wiaa liin tuo dime. ⁷ Donsun ma tuu tel sosun tuon a nyu, ba di sosun kala waa he donj le. Sosu-la wulimin ken kialin, ba suu. ⁸ Ku-dohola donsun ma tel tintee-zomun le. Ba nyu a waa a wase kinken a he biee zolo zolo.” Nii ne Yesu mage namaga-la dere an bul, “Digilaa tinjaa, ma wuoli ma digilaa nii.”

Yesu dage namaga-la bubuon

Mat. 13.10-23; Maak 4.10-20

⁹ Nii ne Yesu haritooro piese namaga-la bubuon. ¹⁰ Yesu bula piba a bul, “Ma niaa deenba ne Wia dage u kuorii-la bubuon pa. Ama ni-dan kala, namagaba ne u yie kaa didageba. Ba yie jegili jegili an bi ba bubuon jin a bira nyilimi nyilimi an bi kun-kala ma wuo na.

¹¹ Namaga-la bubuon ne nla: Wia niin wiaa ne ηaa ku-doho-la. ¹² Kialin si tel wonbiin tuon ne ηaa nialin si yie nii Wia niin wialin, ka Sitaani ku liiri wialin ba tuon, di ba si wialin laa dii di Wia laaba ta. ¹³ Kialin si tel kpaginyilin nyun ma ne ηaa nialin si yie nii Wia niin wialin a sei ari tuotorun. Ama u bi ba tuon tibe. Ba yie sei wii-la a mu mage ηii an via. Di wiaa ne juuba, ba jonj ta. ¹⁴ Kialin si tel sosun tuon ma ne ηaa nialin si yie nii Wia niin wialin, ama dunia kiaa wiaa wiwalimeba, ba cho di ba jigi a chiche dunia tuotore wu-ηaalaa. A tin kiaa deenba wiaa ba yie to mu mage ηii an bira via wialin. Wialin lel ba tuon. ¹⁵ Kialin si tel tintee-zomun tuon ma ne ηaa nialin si nii Wia niin wialin a laaba he ba tuosaa le a tutoba, a pese wialin le halii, ba ken doho.”

Yesu mage namaga a mu tige chaanin le

Maak 4.21-25

¹⁶ Nii ne Yesu bira dage niaa a bul, "Nuu-kala sii che pulumun u dia le, u bi jan nyige chaanin bil u dia le a ken gbaa a chu to, u bira bi jan jon chaan-la he godo bubuon maa. U yie jonjo bil kua nyun ne di niaa ne kuu juu u dia, di ba na pulumun. ¹⁷ Wu-faali tuo see duu ku lii di-jalin. Wii-kala si he birimin tuon ma jan ku lii pulumun. ¹⁸ Ma fiela ma siao worun ari wialin ma sii nii le. Nii-la kala sii to Wia niin wiaa, Wia jan faasa peu le duu to worun. Nii-la ma si bi Wia niin wiaa ka to, Wia bi jan peu le. U si peu le mua-la maa, u jan laau kaa viiri."

Yesu naan ari u naanbiirin ko Yesu teen

Mat. 12.46-50; Maak 3.31-35

¹⁹ Nii ne Yesu naan ari u naanaa ko lee-la Yesu si he di ba nau. Niaa si yuga nii, ba buu wuo na. ²⁰ Nii ne nuu bula pi Yesu a bul, "N naan ari n naanaa ne chin jeen harin a chiche di ba nan." ²¹ Nii ne Yesu bula pi ba kala a bul, "Nialin si nii Wia niin wiaa a tutoba, ba ne naa mi naan ari mi naanbiirin."

Yesu naa pelin chin

Mat. 8.23-27; Maak 4.35-41

²² Tapulii kubala Yesu ari u haritooro sii juu liin daboro. Nii ne Yesu bul di ba chol muga cholo donjo. Nii ne ba juu liin daboro-la a duoro mu. ²³ Ba fa si duoro mu nii, Yesu pin donj. Nii ne pel-duo kubala suomo njjaa, a ku nmoo liin a he liin daboro-la tuon u chiche u su. U fa ka mua di ba tuu liin bubuon.

²⁴ Nii ne Yesu haritooro-la mu lee-la u fa si pina, a chisu a bula pu a bul, "La kuhian, laa che di la suu ne." Nii ne Yesu sii donj le a kpia pel-la le an bul lii-pel-la ma le duu fiela pin. Pel-la kere, ka lerin kala naa fuui. ²⁵ Nii ne Yesu piese u haritooro a bul, "Ma bi yarida naa?" U naa nuu-kala wu-kpunkpere. Fawullun ma kenba.

Nii ne ba pipiese donjo a bul, "Kube ne saa paala naa niaa deen? U bul wiaa a pi pelin ari lii-pelin, ba kala to u niin."

Yesu vaare baal kubala, jin-bonjo ko fa si kene

Mat. 8.28-34; Maak 5.1-20

²⁶ Nii ne ba duoro ko Gerasin tinteen. Gerasin ari Galilii tinteen kpage donjo ne. ²⁷ Ba si mu yi lee-la, Yesu lii liin niin. U si lia, di baal kubala ma lii tan-la a ku chemu. Jin-bonjo kenu. U ken yaribiree ne aa golle a dieni. U bi dia maa juu. Vaamaa lerin ne u yie he. ²⁸ U si na Yesu, u nmoo niin an tuu tel u sipaan, an bula pu a bul, "Yesu, Wii-balin Bie, bee ne n che n naami le? Mii sulun, si mi dogisu." ²⁹ Yesu fa bula pi jin-bon-la duu lii baal-la le, nii ne tii u bul nii. Jinsi-la fa vene kenu a yuge ne. Niaa kenu kaa to dia a heu kuru a ken chorumoo vobu an he niaa ba bibenu. U yie ken chorumoo-la kaa kere, ka jinsi-la kenu kaa lii juu girin. ³⁰ Nii ne Yesu piesu a bul, "N yirin ne bee?" Nii ne baal-la bul duu yirin ne ku-kene, bee wiaa jinsin fa yuga ne a kenu. ³¹ Nii ne jinsi-la sul Yesu di ba ne len baal-la, duu si len di ba tuu buotuo-lunun.

³² Di toonun ma he lee-la a yuge a didii kiaa peelin nyun. Nii ne jinsi-la sul Yesu duu len di ba mu juu toonu-la. U sei. ³³ Ba lii baal-la le a mu juu toonu-la. Nii ne toonu-la kala sii a fa lii peel-la nyun a tuu tel muga tuon a nyua liin a suu.

³⁴ Too-daara-la si na wii-la si naa, ba fa mu a ken doworo mu bula pi bagi-daaraa ari tan-la niaa kala. ³⁵ Niaa sii lii mu di ba na wii-la si naa a ko Yesu teen. Baa ko di baal-la Yesu si kiri jinsin u le, duu hon Yesu seme

a laale gerin a ken yarifielaa. Ba si na nii, fawullun kenba. ³⁶ Nialin si he dime aa ben, ka Yesu vaare baal-la, ba bula pi ba donsun tinjaa nii u si nnaa a vaare baal-la. ³⁷ Ba si nii wialin, fawullun kenba worun. Nii ne tan-la niaa kala ku bula pi Yesu duu lii ba jan le. Nii ne Yesu sii juu liin daboro. Ba di u haritooro duoro viiri. ³⁸ Nii ne baal-la Yesu si kiri jin-bonjoo u le ma sulu duu len duu ko di ba mu. U bi seye an bula pu a bul, ³⁹ "Mu dia a bula pi n dia niaa, Wia si nnaa wii-la n le." Nii ne baal-la golle jan tuon kala a bul wii-la Yesu si nnaa le.

Yesu vaare Jaaris tolo

Mat. 9.18-26; Maak 5.21-43

⁴⁰ Nii ne Yesu miira mu juu liin daboro a duoro chol muga. Ba cholo nii di ni-dan hilime a hono gberu.

⁴¹⁻⁴² Di baal kubala ma ko dime. Baa yire Jaaris. U fa nnaa Wii-chuole dia kuhian ne. U fa ken toli-bala ne. Tolo-la fa yi jisin fii ari balia ne. Nii ne baal-la ko Yesu teen a tuu tel u naasin le a sulu duu ko u dia. U bula pu ari u tolo ne pina kikiiki. Nii ne Yesu sii duu mu baal-la dia. U sii mu nii, di niaa gollu chu seme-na kala.

⁴³ Haal kubala ma fa he ba tuon. U fa ken tinja ne jisin fii ari balia, u po u bi dere. [U gollo nnaa daalusun kinken a chei u moribiee kala, ka daalusu-la buu laa.] ⁴⁴ Nii ne u lugisi nialin tuon a ku chin Yesu harin a digi u gerin niipinin le. U tinja-la guu dere. ⁴⁵ Nii ne Yesu piase a bul di kubee ne digu. Nuu-kala bul duu-na dee. Nii ne Piita bula pi Yesu a bul, "Kuhian, ka n na niaa si yuga nii ne a gollun chu a yiyigi donjo." ⁴⁶ Ama Yesu ha bul di nuu ne digu. U jima ari dolun ne liiu le. ⁴⁷ Haal-la si na ari wii-la u si nnaa bi wu-faali nnaa, u ku kpirimi Yesu sipaan a chichel, a bul nialin tuon wii-la si tii u digu, a dage nii u si digu a duori lima. ⁴⁸ Nii ne Yesu bula pu a bul, "Mi tolo, n yarida ne tii n duori, mu ari yarifielaa."

⁴⁹ Yesu fa sii bul wiaa nii, di tinjaara ko. U lii Jaaris dia ne a ko. U si ko, u bula pi Jaaris a bul, "N tolo-la suba ne, bira si la kuhian-la walimu."

⁵⁰ Yesu sii nii nii, u bula pi Jaaris a bul, "Si lenje di fawullun kenin. Di n nnaa yarida, u jan sii."

⁵¹ Yesu si mu yi baal-la dia, u bi lenje di nuu-kala to u harin juu dia-la, see Piita ari Jonn ari Jeems, a pe bile nyimma ari u naan le. ⁵² Ba ku juu dia-la di nialin kala si he dime china yel bile yoho. Nii ne Yesu bula piba a bul, "Ma si yel, bile bi suba, don ne u pin." ⁵³ Nii ne ba kala momu, bee wiaa ba jima ari u suba ne. ⁵⁴ Nii ne Yesu guu mu ken bile nisin le an yiru a bul, "Sii mi bii." ⁵⁵ Nii ne u dima miira ku juu. U sii lima lima. Nii ne u bul di ba nnaa kudiilee pu duu dii. ⁵⁶ Wii-la nnaa bile nyimma ari u naan wu-kpunkpere. Nii ne Yesu bula piba di ba si wiin deen si nnaa bula pi nuu-kala.

9

Yesu tinj u haritooro fii ari balia

Mat. 10.5-15; Maak 6.7-13

¹ Nii ne Yesu yire u haritooro fii ari balia a he donjo le, a piba dolun di ba wuo jin-bonjoo an vivaare nyanyal tinjaa maa. ² Nii ne u tinba di ba lii a bul Wia kuorii-la wiaa an pe vaare nyanyal tinjaa. ³ U bula piba di ba si kun-kala kaa pe ven wonbii-la, di ba si daantigisin kuru, di ba si luogaba ma kuru, di ba si kudiilee ma kuru, di ba si moribiee ma kuru, a si gennin balia ma paa. ⁴ U bira bula piba a bul, "Di ma ne mu a juu tan

kala, má juu dia-la niaa si cho ma wiaa, a he dii-bala le halii a mu lii taŋ-la le. ⁵ Di ma mu taŋ kala, di ba po di ma sí juu, má kiele mu. Di ma mua, má kpesi ma naasiŋ hagila ta. Nii jaŋ ŋaa di ba jin ari ba ŋaa wii ne a cheima.”

⁶ Nii ne Yesu haritooro-la sii a gollo to tasiŋ aa bul Wia wu-zomɔ-la wiaa aŋ pɛ vaare niaa lee-na kala ba si mua.

Herod tuɔbiinaa vugima

Mat. 14.1-12; Maak 6.14-29

⁷ Galilii tinŋaa kuoro Herod si nii wialiŋ Yesu haritooro-la fa si gollo ŋaa, u tuɔŋ kala vugima, bɛɛ wiaa niaa doŋsuŋ bula ari Joɔŋ Wia lii-foori-la ne sii suuŋ le. ⁸ Niaa doŋsuŋ ma si Ilaaja ne sii suuŋ le, doŋsuŋ ma si nialiŋ fa sii bul wiaa, Wia Diŋ-zoŋ-la doluŋ le faafa doŋo ne sii suuŋ le. ⁹ Nii ne Herod bul, “Mi ŋaa ba kpu Joɔŋ a keru u nyuŋ ne, ka kubɛɛ wiaa ne saa mi biraa nii ŋla?” Nii ne u ninerike duu na Yesu.

Yesu pi niaa bui banɔŋ kudiilee

Mat. 14.13-21; Maak 6.30-44; Joɔŋ 6.1-14

¹⁰ Nii ne Yesu nanzooba-la miira ko u teen a bul wialiŋ kala ba si ŋaa pu. Nii ne u keŋ ba duŋduŋa mu taŋ kubala baa yire Betisaada. ¹¹ Nialiŋ si nii Yesu wiaa duu mu Betisaada, ba to u hariŋ mu. U keŋba woruŋ a bul Wia kuorii-la wiaa piba, aŋ vaare nialiŋ sii wiilu.

¹² Wia si suomo duu juu, u haritooro-la fii ari balia-la ko u teen a bula pu a bul, “Leŋ di niaa deenba viiri a mu taŋ tuɔŋ ari bagisiŋ si kpaga daha a che kudiilee ari di-piniŋ, bɛɛ wiaa kuŋ-kala tuo daha.” ¹³ Nii ne Yesu bula piba a bul, “Má mu che kudiilee a piba di ba dii.” Nii ne ba bula pu a bul, “Ku-la la si keɛ ne boroboroba banɔŋ ari cheŋfilee balia. Nŋ che di la mu yoo kudiilee kaa ko pi ni-dan deen kala neɛ?” ¹⁴ Baalaa fa si he nialiŋ tuɔŋ yi bui banɔŋ ne. Nii ne Yesu bula pi u haritooro a bul, “Má leŋ di nialiŋ gulimo hoŋ hoŋ mahiŋ balia ari fii leree.” ¹⁵ Nii ne u haritooro-la ŋaa nialiŋ kala tuu hoŋ. ¹⁶ Yesu laa boroboroba banɔŋ-la ari cheŋfilee balia-la a wula beŋ wia nyuŋ aŋ chuɔle Wia, aŋ kaa choŋe choŋe a pi u haritooro. Ba laa kaa mu kpa nialiŋ. ¹⁷ Ba kala dii a voŋe aŋ ka. U haritooro-la paa ku-kaan-biisiŋ a su siŋsiŋ fii ari balia.

Piita dage Yesu si ŋaa nii-la

Mat. 16.13-19; Maak 8.27-29

¹⁸ Tapulii kubala Yesu duŋduŋa chuchuɔle Wia. U haritooro ma he u teen. Nii ne u pieseba a bul, “Kubɛɛ ne niaa si mi ŋaa?” ¹⁹ Nii ne u haritooro-la bul, “Doŋsuŋ si ŋ ŋaa Joɔŋ ne, Wia lii-foori-la. Doŋsuŋ ma si di ŋ ŋaa Ilaaja ne. Doŋsuŋ ma si ŋ ŋaa nialiŋ fa sii bul wiaa, Wia Diŋ-zoŋ-la doluŋ le faafa doŋo ne si sii suuŋ le.” ²⁰ Nii ne Yesu miira piese u haritooro maa a bul, “Ka ma maa, ma si mi ŋaa kubɛɛ ne?” Piita si, “N ne ŋaa Kirisito, nii-la Wia si liisa.”

Yesu bul nii u si jaŋ na heeŋ aŋ pɛ suu

Mat. 16.20-28; Maak 8.30-9.1

²¹ Nii ne Yesu bula piba ari siifiŋsiŋ di ba po di ba sí wii-la bula pi nuu-kala. ²² U bira bula piba a bul, “Mi-na Nuhuobiine Bie jaŋ na heeŋ kinkeŋ. Juu tinŋaa nihiasin ari nialiŋ si kpu pusun pipi Wia kuhiasin ari Wia teniŋ kerichaba kala jaŋ viami. Ba jaŋ kpumi, ka di mi sii suuŋ le tapul-torimuŋ cheeŋ.”

²³ Nii ne u bula pi nialinj kala a bul, “Di nuu-kala nii che duu tomi, see duu via u titia wonjbiinj an jonj u daa-gesee baase tapullii-na kala a to mi harinj. ²⁴ Nii-la kala sii che duu laa u miisij, u jan jonj u miisij ta, ama nii-la si via u miisij ta a tij mi wiaa, u jan sene laa u miisij. ²⁵ Di η ne tii dunia kala an bi miisij kene, bee kunj nyuuri ne η na? ²⁶ Mi-na Nuhuobiine Bie jan mu Wia-jan an miira ko, a chaane ari mi Nyimma si chaane nii. Wia tinjdaaraa ma jan to mi harinj ko a ma chaane. Ba-na bi disij kene. Nialinj hiisij si kene a tij mi wiaa ari wialinj mi si bula wiaa, mi ma jan faba hiisij bua-la le mi si jan miira ko. ²⁷ Wutitii ne mi bulaa pima, niaa dɔnsun he daha, ba bi jan suu see di Wia kuorii-la ko.”

Yesu birima

Mat. 17.1-8; Maak 9.2-8

²⁸ Yesu si bul wiaa deenba kala dere, u tapulaa chori cheej ne u sii jl peelinj nyunj duu chuole Wia. U keη Piita ari Jɔɔη ari Jeems ba jil. ²⁹ U fa sii chuole Wia nii, u siaa birime. U gerinj ma pulle a tutul. ³⁰ Niaa balia guu ko u teenj a kalaa tul. Moosis ari Ilaaja ne. ³¹ Ba chinj aa bul wiaa. Baa bul nii Yesu si jan suu Jerusalem le. U tinjinjaa diderinj ne nii.

³² Piita ari u nanɔɔnsun fa pinj dorj ne, ama ba hirike sii a na Yesu sii tul nii, a na nialinj balia ma si chinj u teenj. ³³ Nii ne nialinj ta Yesu an viviiri. Ba si viire nii, Piita bula pu, “Kuhian, u ηaa wu-zɔη ne la si he daha. La jan he lenjɔee batori, di η keη dɔɔɔ, di Moosis ma keη dɔɔɔ, di Ilaaja ma keη dɔɔɔ.” U sii bul wiaa deenba kala, u fa paala bi jinj wii-la kala u sii bul.

³⁴ Piita ha sii bul wiaa nii, duonbilingbaaninj ku tuu toba. U si toba nii, fawullunj keη Yesu haritooro-la. ³⁵ Ka nuu yiikoro lii duonbilingbaan-ja tuonj aa bul, “Mi Bie ne ηla. U ne ηaa nii-la mi si liisa. Ma jegile nii u teenj.” ³⁶ Yiikori-la si bul wiaa dere, u-na Yesu dunɔɔna ne he dime. Nii ne u haritooro-la tore ba niinj. Ba bi wii-la ba si na bula pi nuu-kala.

Yesu kiri jinj-bɔmunj bie le

Mat. 17.14-18; Maak 9.14-27

³⁷ U tanj si pula, ba lii peel-la nyunj tuu, nii ne ni-danj ku cheη Yesu. ³⁸ Di baal kubala lii ni-danj-la tuonj a faasa yire, “La kuhian, bee na mii sulunj di η pe mi bie le. U ne mi bie kala. ³⁹ Jinj-bɔmunj ne kenu, u chichiire a teriki. Nanjtuɔ-funfuga yie to u niinj. Uu walimu a po u buu ka lenj. ⁴⁰ Mi mu sul η haritooroo di ba kiri jinj-bɔη-la u le, ama ba bi wuo kiri.” ⁴¹ Nii ne Yesu bula piba a bul, “Ma leele niaa deenba, ma bi yarida kene. Ma ηaa ni-bɔmɔ ne. Ee ne mi jan nyalime a dieni ma teenj?” Nii ne u bula pi baal-la a bul, “Keη η bile kaa ko mi teenj.” ⁴² Nii ne bile sii mu. Bile sii mu nii, nii ne jinj-bɔη-la ηmobu lo tinjteenj u teriki. Nii ne Yesu bul jinj-bɔη-la le duu lii bile le. U lii, ka bile duori, anj ka Yesu jonj pi u nyimma.

⁴³ U ηaa nialinj kala wu-kpunjɔpere. Ba si di Wia keη dolunj worunj.

Yesu bira bul u suunj wiaa

Mat. 17.22-23; Maak 9.30-32

Nialinj kala haa biine wu-kpunjɔperisi-la Yesu si ηaa le. Nii ne u bula pi u haritooro-la a bul, ⁴⁴ “Ma si wii-la mi si jan bula pima yu. U ne ηla: Ba jan jonj mi-na, Nuhuobiine Bie a he niaa nisij le.” ⁴⁵ Ama u haritooro-la bi wii-la u si bula bubuonj jinj. U ηaa wu-faali ne ba teenj. Nii ne tii ba bi u bubuonj wuo jinj. Ama ba fifa fawullunj di ba piese wii-la bubuonj.

Yesu haritooroo keŋ ba tuɔŋ kuhianj wiaa lilere

Mat. 18.1-5; Maak 9.33-37

⁴⁶ Nii ne Yesu haritooroo keŋ ba tuɔŋ kuhianj wiaa lilere. ⁴⁷ Yesu fa jinj wii-la ba sii biinu a keŋ bii-bie kaa kɔ kii u seme, ⁴⁸ aŋ bula piba a bul, "Di nuu-kala ne keŋ bii-bie dɔŋɔ woruŋ a tinj mi wiaa, mi ne u keŋ woruŋ nii. Nii-la ma kala si keŋmi woruŋ, mi dundunja dee u keŋ woruŋ nii. Nii-la si tinjmi ma ne u keŋ woruŋ nii. Nii-la si ŋaa ni-bie ma tuɔŋ, u ne ŋaa ma tuɔŋ kuhianj."

Nii-la kala si binj bere, u choŋ ne

Maak 9.38-40

⁴⁹ Nii ne Joɔŋ bula pi Yesu a bul, "Kuhianj, la na baal kubala duu yire ŋ yirinj aa kiri jinj-bɔŋŋɔɔ niaa le. La kiru duu sɔŋ nii ŋaa, bere wiaa u bi la dɔŋɔ ŋaa." ⁵⁰ Nii ne Yesu bula pi Joɔŋ ari u haritooroo ku-kaanaa a bul, "Ma siu kiru, bere wiaa nii-la kala si bi ma hariŋ lia, u ŋaa ma dɔŋɔ ne."

Samaria tinjteenj seme dɔŋɔ niaa via Yesu

⁵¹ Nii ne tapulii-la kpage di ba joŋ Yesu a kaa jil Wia-jarj. U ŋaa siri a sii, a joŋ wonjbiinj a mumu Jerusalem. ⁵² U tinj tinjdaaraa di ba laa u sipaanj a mu Samaria tinjteenj ta-bie kubala, a che lerinj a bilu le. ⁵³ Ka nialinj bi siri ŋaa di ba laau, bere wiaa ba jima duu mu Jerusalem ne.

⁵⁴ U haritooroo Jeems ari Joɔŋ si na nii, ba piese Yesu a bul, "La Tiina, ŋ janj lej di la sul nyininj duu lii wia nyuŋ ku tuu a diiba koo?" ⁵⁵ Nii ne Yesu daase hariŋ aŋ kpiaba le [a bul, "Ma bi jinj dima-la yiri Wia si joŋɔ pima. Mi-na Nuhuobiine Bie bi kɔ di mi kpu niaa, ama di mi laa niaa ta ne."] ⁵⁶ Nii ne ka ba kiele mu tanj dɔŋɔ.

Nialinj si maga di ba to Yesu hariŋ

Mat. 8.19-22

⁵⁷ Ba si lii joŋ ba wonjbiinj, baal kubala bula pi Yesu a bul, "Mi ŋaa siri di mi to ŋ hariŋ a mu lee-na kala ŋ sii mu." ⁵⁸ Nii ne Yesu bula pu a bul, "Jolluŋ keŋ buasuj ne a jujuu, diibiisinj ma keŋ dellinj ne a jujuu, ama mi-na Nuhuobiine Bie bi di-pininj kene di mi pina wiesi." ⁵⁹ Nii ne u bula pi nuu dɔŋ maa a bul, "To mi hariŋ." U bula pu a bul, "Mi Tiina, lej di mi laa sipaanj mu hugi mi nyimma." ⁶⁰ Nii ne Yesu bula pu a bul, "Lej di suunuŋ tinjŋaa mu hugi ba suunuŋ, aŋ ka di ŋ ma mu bul Wia kuorii-la wiaa a pi niaa."

⁶¹ Nuu ma dɔŋ bira bula pu a bul, "Mi Tiina, mi janj to ŋ hariŋ, ama lej di mi mu ta mi dia niaa aŋ kɔ." ⁶² Nii ne Yesu bula pu a bul, "Nuu-na kala si suomo duu pere aŋ didaase u hariŋ, u bi tinjtimii kala kene Wia kuorii-la le."

10

Yesu tinj u narjɔɔba mahinj batori ari fii

¹ Yesu si bul wiaa deenba dere, u liise niaa mahinj batori ari fii a keŋba kaa kpa a balia balia, a tinjba di ba laa sipaanj mu lee-kala u titia si janj mu. ² U bula piba a bul, "Kiaa yuga baga le di ba ŋaa, ama tinjtinnaa bi yuge di ba tinj. Má sul baga-la tiina duu he niaa di ba tinj tinjtimii-la. ³ Má sii mu. Ma nage pie-biisinj ne. Mii tinjma di ma guoli gunjurusuj tuɔŋ. ⁴ Ma sí moribiee koru, ma sí sulli-gbanjŋ koru a sí nenjenjere tunj bulia bulia ma koru a sí china chuɔle niaa ma dieni wonjbiinj le. ⁵ Di ma ne mu juu dia kala, má laa sipaanj bula pi dia-la niaa a bul, 'Dia deenj niaa janj

hōŋ ari yarifielaa.’ ⁶ Di nuu ne he dime si cho yarifiela-la, má leŋ duu hōŋ ari yarifielaa ari ma si sul ŋii. Di nuu tuo dia-la le a cho yarifiela-la, yarifiela-la ma si sula jaŋ miira kō ma teen. ⁷ Di ba ne pima di-piniŋ, má he dii-bala le halii aa dii kudiile-la ba si ŋaa pima aa nyua liiŋ ma dime. Di tiŋtinna ne tima, u maga di ba ŋimu ne. Ma sí gollo pipiŋ niaa diisiŋ le. ⁸ Di ma ne mu taŋ kala, di ba ne pima di-piniŋ, máa dii kialiŋ kala ba si ŋaa pima lee-la. ⁹ Má vaare nyanyal tiŋŋaa ma kala si he taŋ-la le aŋ bula piba a bul, ‘Wia kuorii-la ku kpagema ne.’ ¹⁰ Ama di ma ne mu taŋ kala, di ba ne bima di-piniŋ pa, má lii chiŋ woŋbiiŋ le aŋ bula piba a bul, ¹¹ ‘Ma taŋ-la hagila si mere la naasiŋ le, ba ne la kpesee hema le ŋla. Ama u maga di ma jiŋ ari Wia kuorii-la ku kpagema ne.’ ¹² Mi bulaa pima ari sariya che-diiliŋ, Wia jaŋ dōgise taŋ-la niaa a kii bua-la le u si dōgise Sodōm niaa ŋii.”

Tasi-la niaa si bi Yesu wiaa laa dii

Mat. 11.20-24

¹³ Ŋii ne Yesu bula pi taŋ-la niaa si bi u wiaa laa dii a bul, “Ma Koraziŋ tiŋŋaa, ma jaŋ na heeŋ. Betisaada tiŋŋaa maa, ma ma jaŋ na heeŋ. Wu-magila-la ba si ŋaa ma teen, di ba ne fa ŋaaba Taya ari Saadōŋ niaa teen ŋla, ba fa bi jaŋ dieni aŋ hōŋo telle telle naasiŋ a ŋaa tuōruŋ bubuge ba titia, a didage ŋii ari ba birima lii ba haacheba le ne. ¹⁴ Sariya che-diiliŋ, Wia jaŋ dōgise Koraziŋ ari Betisaada tiŋŋaa a kii Taya ari Saadōŋ tiŋŋaa. ¹⁵ Ma-na Kapenam tiŋŋaa, ma ne paala chiche di ma keŋ ma titia a kaa jil Wia-jaŋ. Ama Wia jaŋ joŋma yuo ta di ma tuu juu Wia nyiniŋ.”

¹⁶ Ŋii ne aŋ ka u bira bula pi u haritooro-la a bul, “Nii-la kala si jegile nii ma teen, u jegile nii mi ma teen ne. Nuu-kala si viama, u viami ma ne. Nii-la kala ma si viami, u ma via nii-la si tiŋmi ne.”

Yesu nanzōoba-la mahiŋ batori ari fii miira kō Yesu teen

¹⁷ Ŋii ne Yesu nanzōoba-la mahiŋ batori ari fii-la miira kō Yesu teen. Ba tuōŋ tōre kiŋkeŋ a bula pi Yesu a bul, “La Tiina, di la ne yire ŋ yiriŋ, jiŋ-bōŋŋō ma yie paala to la niŋ ne.” ¹⁸ Ŋii ne Yesu bula piba a bul, “Mi na Sitaani duu lii wia nyuŋ ku tuu tel a nage duonuŋ sii ligise ŋii.” ¹⁹ Ŋii ne Yesu bira bula piba a bul, “Má jegile nii mi teen. Mi pima doluŋ di ma wuo vireŋ diŋŋaa ari nuōmaa tuōŋ, ka ba bima wuo diŋ. Mi pima doluŋ di ma wuo Sitaani maa. U bi jaŋ wuo keŋma walime. ²⁰ Ama ma sí leŋe di ma tuōŋ tōre ari jiŋ-bōŋŋō sii to ma niŋ le, má miira leŋ di ma tuōŋ tōre a tiŋ ba si ŋmuŋse ma yiraa he Wia-jaŋ le.”

Yesu tuōŋ tōre Wia Diŋ-zōŋ-la doluŋ le

Mat. 11.25-27; 13.16-17

²¹ Bua-la titia le Yesu tuōŋ tōre Wia Diŋ-zōŋ-la doluŋ le a bul, “Mi Nyimma, ŋ ne ŋaa wia nyuŋ ari tiŋteen kala Tiina. Mii lolluŋ ari ŋ si keŋ wialiŋ ŋ si joŋo faa a dage nialiŋ si bi wiaa jiŋ, aŋ bi joŋo dage nialiŋ si keŋ wu-jimiŋ. Mi Nyimma, mii lolluŋ. Ŋ titia tuōtōruŋ le ne ŋ ŋaa ŋii.”

²² Ŋii ne u bira bul, “Mi Nyimma joŋ kuŋ-kala doluŋ ne pimi. Mi Nyimma dunduŋa ne jiŋ ŋii mi si naga. Mi ma dunduŋa ne jiŋ ŋii mi Nyimma ma si naga. Nuu-kala bira buu jiŋ, see nialiŋ dunduŋa mi sii cho di mi dage.”

²³ Ŋii ne Yesu miira daase u haritooro-la aŋ bula piba ba dunduŋa a bul, “Ma tuōŋ tōro ari ma wuo nina wialiŋ kala ma sii na. ²⁴ Mi jaŋ bula pima ari buŋbuŋ nialiŋ fa sii bul wiaa, Wia Diŋ-zōŋ-la doluŋ le ari faafaa

kuoroo paala yuga a faa cho di ba na wialinj ma sii na anj bi wuo na, a ma faa cho di ba nii wialinj maa ma sii nii, anj ka ba bi wuo nii."

Yesu dage niaa ba si jan nja nji a cho ba dɔnsun tinjaa

²⁵ Nii ne Wia teninj kerichi kubala ko a wiwalime duu magise Yesu a piesu a bul, "Kuhian, bee kun ne mi jan nja a ken miisi-la si bi dere?"

²⁶ Nii ne Yesu piesu a bul, "Bee ne ba nmunse Wia teninj tuon? Ee ne n yie karime?" ²⁷ Nii ne baal-la bula pu a bul, "Ba si di n ken n tuon kala ari n kunj-kala ari n tuobiinaa ma kala a cho n Tiina Wia, a cho n dɔnɔ tiina maa ari n si cho n titia nii." ²⁸ Nii ne Yesu bula pu a bul, "Wialinj kala n si bula nja wutitii ne. N ne nja nii, n jan ken miisinj."

²⁹ Nii ne Wia teninj kerichi-la chiche duu dage ari u ken wutitii. Nii ne u piese Yesu a bul, "Kubee ne nja mi dɔnɔ tiina?" ³⁰ Nii ne Yesu mage namaga a bul, "Baal kubala ne sie a lii tan kubala baa yire Jerusalem a mumu Jeriko. U fa nja juu tiina ne. U si mu nii, u mu juu gaaraa tuon. Ba wuri u genninj kala anj nmobu a bolimu anj fa lel, ka u pinj dime a chiche duu suu. ³¹ Nii ne di nialinj si kpu pusun pipi Wia, ba tuon kubala ma jon wonbii-la aa venj. U si ku a nau, u to seme dɔn ne a kperɛ bal. ³² Nii ne Wia-dia nanzɔɔ kubala ma ko lee-la a ma kperɛ bal. ³³ Ka Samaria tinjaa baal kubala ma fa jon wonbii-la a venɛe ko. U si nau, nennige kenu. ³⁴ U mu u teenj a chese u naawiilaa a vɔɔ, anj jonu he u titia kakumo le a kenu kaa mu nuhɔraa dia kubala aa benu. ³⁵ Tan-pul u jon siidi zɔɔ a pi dia tiina anj bula pu duu biberj u nyun worun. Duu ne miira ko, u jan tinj u si nmoo chiminj mage nii kala." ³⁶ Nii ne Yesu piese Wia teninj kerichi-la a bul, "Niaa deenba batorimunj tuon, kubee ne nja baal-la si juu gaaraa tuon dɔnɔ tiina? Bee ne n biine n tuon le?" ³⁷ Nii ne Wia teninj kerichi-la bul, "Baal-la si fau nisusunj." Nii ne Yesu bula pu, "Tɔɔ, n ma mu nja nii titia."

Yesu mu Maata ari Mɛeri dia

³⁸ Yesu ari u haritooroo si jon wonbiinj mumu nii, ba ko tan kubala, di haal kubala ma he dime. Baa yire Maata. U ken Yesu kaa juu u dia. ³⁹ U njaana ma fa he dime. Baa yiru Mɛeri. Yesu si hon dia-la tuon, u ku hon Yesu seme a jegilee nii wialinj u sii bul, ⁴⁰ ka Maata fiɛɛ sii a njjaa kudiilee duu pi Yesu a kala lol. Nii ne u na baaninj Mɛeri nyun a ku lii, a bula pi Yesu a bul, "Mi Tiina, n biina u zɔmɔ ne mi njaana si lenj tinjinjaa kala pimi mi tinj? Lenj duu ku pemi le." ⁴¹ Nii ne Yesu bula pu a bul, "Maata, wiaa yuga ne he dime a wiwaliminj. ⁴² U maga di n che wu-bala dunjun ne. Wii-la titia ne Mɛeri liise nii. Wii-la ba bi jan wuo kaa laa u teenj."

11

Yesu dage niaa ba si nja nji aa chuɔle Wia

Mat. 6.9-13; 7.7-11

¹ Tapulii kubala Yesu sii a mu chuɔle Wia lee kubala. U si chuɔle Wia dere, u haritooroo tuon kubala ko u teenj a bula pu a bul, "La Tiina, dagela nii la si jan nja a chuɔle Wia, ari Jɔɔn fa si dage u haritooroo ba si nja nji aa chuɔle Wia." ² Nii ne Yesu bula piba a bul, "Nla ne ma jan chuchuɔle Wia: Má bul,

'La Nyimma Wia,
lenj di n yirinj yire,
lenj di n kuorii-la ko.

³ Pila la niinj kudiilinj tapulii-na kala.

⁴ Jonj la haacheba chela ari la ma si jonj la doņsunj tinjhaa haacheba cheba nji,

a liisela wii-la si janj kenjla he haache tuoj le.' "

⁵ Nii ne Yesu bula pi u haritooroo a bul, "Má lenj di la jonj ari ma kuj ne nu u nanđoņo dia tita-siesee, a bula pu a bul, 'Mi nanđoņo, chijmi boroboro batori. ⁶ Mi nanđoņo ne lii wonjbiinj a ko mi teenj titanj deenj, ka mi bi kuj kene di mi ŋaa pu duu dii.' ⁷ Nj biina ari ŋ nanđoņ-la ne he dia tuoj anj bula pinj a bul, 'Sí mi walimu, boinj yaga ne. Ka la di mi biirinj pinj doņ. Mi bi janj wuo sii a pinj kuj-kala.' Ai, u bi janj bul nji. ⁸ Bee ne u janj ŋaa? Mi janj bula pima, di ŋ ne china pese, ma nanđoņsunj wiaa dee u janj sii doņ le a pinj kudiile-la. Ama ŋ si pese nji anj bi hiisinj fá ne tii u janj sii a pinj ku-la kala ŋ sii che. ⁹ Nii wiaa mi janj bula pima, Má sul kiaa, ma janj laa, má che kiaa, ma ma janj na. Má duj boro, ba janj kaa suro pima. ¹⁰ Nii-la kala si sul kiaa Wia teenj, u yie laa ne. Nii-la kala sii che kiaa, u yie na ne. Nii-la ma kala si duj boro, ba yie kaa suro pu ne. ¹¹ Nyinj bee ne ma tuoj si janj jonj diminj a pi u bie duu ne piesa chiche cheñfilinj? ¹² Koo duu ka che ji-halinj, ma tuoj nyinj bee ne janj jonj nuomunj pi u bie? Ma tuoj nuu-kala bi janj ŋaa nji. ¹³ Ma nialinj ŋaa ni-bonjho ko ne, ka ma wuo jonj ku-zonjho a pi ma biirinj. Ama mi Nyimma si he Wia-janj, u kenj wu-zonjho a kuma, nji ne tii u bi janj via duu jonj u Din-zonj-la a pi nii-la si sul chiche."

Yesu ari Belizibul

Mat. 12.22-30, 43-45; Maak 3.20-27

¹⁴ Baal kubala ma ne fa ko Yesu teenj. Jij-bomunj kenu a ŋaa u tanj. Nii ne Yesu ŋaa jij-bonj-la lii baal-la le, ka baal-la wuo bubul wiaa. Ni-danj-la si he dime a na wii-la, u ŋaaba wu-kpuņkpere. ¹⁵ Nii ne niaa doņsunj ma si di jij-bonjho kuoro ba sii yire Belizibul ne pu dolunj duu kikiri jij-bonjho nji. ¹⁶ Niaa doņsunj ma chiche di ba magisu. Nii ne ba si duu ŋaa wu-magilinj di ba na a jij ari Wia dolunj ne u kaa ŋjhaa nji. ¹⁷ Yesu wuo jij ba tuobiinaa a bula piba a bul, "Di tanj niaa ne he dime a bi nii-bala kene, ba tanj janj tel. Di naanjbiirinj ma ne bi nii-bala kene, ba dia janj tel. ¹⁸ Di Sitaani niaa ne bi nii-bala kene, ba tanj bi janj wuo chinj." ¹⁹ Nii ne Yesu bira bula piba, "Ma bula ari Belizibul ne pimi dolunj mi kaa kiri jij-bonjho niaa le. Kubee ne saa jonj dolunj pi niaa deenjba sii to ma harinj ba ma kikiri jij-bonjho niaa le? Niaa deenjba titia daga ari maa nyia ne. Ba jima ari Sitaani bi u titia wuo guraa yuo. ²⁰ Wia dolunj ne mi kaa kiri jij-bonjho niaa le. Wiinj deenj ne daga ari Wia kuorii-la paala ko ma teenj ne. ²¹ Di ni-duoj ne vo ko u tuonuj a hono po u dia, nuu-kala bi u dia kuj-kala wuo juu jonj. ²² Ama nii-la ma si kenj dolunj a kiiu duu wuo ku kenj baal-la, anj kenj u tuonuj kala u si kaa po u kiaa a kaa laa u teenj, u janj wuo paa u kialinj kala kaa viiri. ²³ Nuu-kala si bi mi nuu ŋaa, u lii mi harinj ne. Nii-la ma kala si bi mi le pe di la kiri kiaa hihe doņo le, u kaa pisa tita ne."

²⁴ Nii ne Yesu bira bula pi niaa a bul, "Di jij-bonj ne lii nuu le, u yie golle tintee-hilinj le a chiche di-wiesinj. Di u ne bi lee na, u yie bul u titia le a bul, 'Mi janj miira mu lee-la mi si lia.' ²⁵ U janj miira mumu, di disinninj tuo dia-la le, ba wasa u kala zonj. ²⁶ Nii ne u janj miira lii, a kenj jij-bonjho balipe, kialinj si bom ko kiiu, ba ma ku juu a peu le. Nii harinj le ne baal-la yie kperi a kii bunjbu-ja."

Nii la si janj ŋaa a kenj tuotoronj kinjkenj

²⁷ Yesu si bul nji dɛrɛ, di haal kubala hɛ ni-dan-la tuɔŋ a faasa bula pu a bul, “Wia jan pɛ haal-la si lulun lɛ a diesin ari yilin. U jan len duu tuɔŋ tɔrɛ.” ²⁸ Nji nɛ Yesu miira bula pu a bul, “Nii-la si nii Wia niin wiaa a tutoba, u-na tiina tuɔŋ nɛ jan tɔrɛ.”

Nialin che di Yesu ŋaa wu-magilaa

Mat. 12.38-42

²⁹ Nialin si gollu Yesu nji, u bula piba a bul, “Bee na, jinin niaa deenba bɔmɔ nɛ. Ba si di mi ŋaa wu-magilin di ba na a jin ari mi dol-la lii Wia teen nɛ. Ai, mi bi ŋaa. Wu-magilin ma sii che, ma bi jan wuo na, see wu-magil-la Wia fa si ŋaa a tige Jona lɛ. ³⁰ Wia jon Jona a kɛnu ŋaa wu-magilin Ninive niaa teen. Nii titia nɛ u jan jon mi-na Nuhuobiine Bie ma a kɛnmi ŋaa wu-magilin jinin niaa teen.”

³¹ Nii nɛ Yesu bira bul, “Haal kubala nɛ fa hɛ dime. U dii kuorun tintee kubala lɛ baa yirɛ Siiba. U sii lii u jan lɛ a mu di-bolii duu jegile nii kuoru kubala wu-jimin. U yirin nɛ fa Solomɔŋ. U fa kɛŋ wu-jimin kinɛŋ kinɛŋ. Sariya che-diilin, haal-la jan sii a jon cheerin a pi jinin niaa worun. Mi jan bula pima ari nuu nɛ hɛ dime, u yuga a kii Solomɔŋ, ka ma bi sei di ma jegile nii u wiaa. ³² Sariya che-diilin, Ninive niaa ma jan sii a jon cheerin a pima worun. Bua-la lɛ Jona ma fa si mu bul Wia wiaa pi Ninive niaa, ba birima lii ba haacheba lɛ nɛ aŋ to Wia. Mi jan bula pima ari nuu nɛ hɛ ma tuɔŋ a yuga kii Jona, ka ma bi sei di ma jegile nii u wiaa.”

Yesu dage niaa a tige pulun-la lɛ

Mat. 5.15; 6.22-23

³³ Nii nɛ Yesu bira dage niaa a bul, “Di ŋ nɛ nyige chaanin aa che di pulumun hɛ dia tuɔŋ, ŋ bi jan kɛŋ kua kɛrɛ. Ŋ bira bi jan jon gbanja ma a chu tɔ. Ŋ yie jonɔ dan kun nyun nɛ, di nuu-kala nɛ ku juu ŋ dia, duu wuo na pulumun a ku juu dia-la. ³⁴ Ŋ siaa nɛ ŋaa ŋ yaraa pulumun. Di ŋ siaa nɛ zɔmɔ, ŋ yaraa kala kɛŋ pulumun nɛ, ama di ŋ siaa nɛ bi zɔŋ, ŋ yaraa kala hɛ birimin tuɔŋ nɛ. ³⁵ Má pɔ di pulun-la ma si kɛnɛ sí birimin birimu. ³⁶ Di ŋ yaraa kala nɛ kɛŋ pulumun aŋ ka ŋ lee-kala bi birimin kɛnɛ, u jan chaanɛ lee-kala, ari chaanin si yie chaanɛ nii.”

Yesu bul Farisii tinŋaa ari Wia tenin kerichiba teen worun

Mat. 23.1-36; Maak 12.38-40

³⁷ Yesu si bul wiaa deenba dɛrɛ, Farisii tiina kubala yiru duu kɔ u dia a dii kudiilee. Nii nɛ Yesu mu hɔŋ duu dii kudiile-la. U bi liin zɔmɔ aŋ didii kudiile-la. ³⁸ Farisii tiina-la si na nii, u ŋaau wu-kpunɔpɛrɛ. ³⁹ Nii nɛ la Tiina Yesu bula pu a bul, “Ma-na Farisii tinŋaa, ma yie chɛsɛ ma gbanjin ari ma nyunyualun harin worun di ba zɔŋ aŋ bi ba tuɔŋ ka tiisi, ka ba tuɔŋ kala birisi. Ma nage nyunyualun ari gbanjin deenba nɛ. Ma yaraa nɛ zɔmɔ, ama ma tuɔŋ lɛ ma kɛŋ yaribierin ari tuɔ-bɔmun. ⁴⁰ Ma ŋaa ni-yaaraa nɛ. Wia-la si ŋaa ma harin, u nɛ ŋaa ma tuɔŋ maa. ⁴¹ Di ma nii che di ma tuɔŋ pulle, má kɛŋ ma tuɔŋ a cho summoo a fifaba nennige.

⁴² Ma Farisii tinŋaa, ma jan na hɛɛŋ. Ku-biisin, ma yie kaa kpaalɛree fii fii, a jon lerin kubala a pi Wia. Di ma nɛ jaa pipaari-la suɔra si sima ari pipaari-la suɔra si bi sin ari pipaa-diilee maa, ma yie kɛŋba kaa kpaalɛree fii fii, a jon ba kun-kala lerin dɔŋɔ a pi Wia, ama ma via wutitii wonbiin a bi Wia cho. U maga di ma kpaalɛree ma kialin lɛree fii fii, a jon lerin kubala a pi Wia, ama u bi maga di ma via wutitii wonbiin. ⁴³ Ma Farisii tinŋaa, ma jan na hɛɛŋ. Di ma nɛ juu Wii-chuɔlɛ diisin, ma yie cho ni-balaa di-honun nɛ. Di ma nii gollɛ yɔbɔ lɛ maa, ma yie cho di nuu-kala nɛ pima jirima a

chuchuolema. ⁴⁴ Ma jaŋ na heeŋ kiŋkeŋ kiŋkeŋ. Ma nage vaamaa ba si kaa jere, di ba di tinteen kala mage doŋo ne, ka niaa bi jin aŋ viven ba nyuŋ.”

⁴⁵ Yesu si bul nii dere, di Wia teniŋ kerichi doŋo bula pu a bul, “Kuhian, ŋ si bul ŋla, ŋ tuusela ma ne.” ⁴⁶ Nii ne Yesu bira bul, “Ma-na Wia teniŋ kerichiba, ma jaŋ na heeŋ. Ma yie joŋ chuga a daŋ niaa hariŋ le, ka ba bi wuo chuŋ. Aŋ ka ma titia bi jaŋ peba le a laa chuga-la. ⁴⁷ Ma jaŋ na heeŋ kiŋkeŋ. Ma naabalimaba bi woruŋ ŋaa a kpu nialiŋ fa sii bul wiaa, Wia Diŋ-zoŋ-la doluŋ le. Ma ne paala saa ba vaama-la. ⁴⁸ Ma ne sei wialiŋ ma naabalimaba si ŋaa a bul di ba ŋaa wutitii ne. Ba kpu nialiŋ fa sii bul wiaa, Wia Diŋ-zoŋ-la doluŋ le, ma ma ne saa ba vaamaa. ⁴⁹ A tiŋ wiin deen wiaa, ba ŋmuŋse Wia teniŋ seme doŋo ba sii yire Wia wu-jimiŋ a bul, ‘Mi jaŋ ta nialiŋ sii bul wiaa, Wia Diŋ-zoŋ-la doluŋ le ari mi tinđaraa di ba mu ba teen. Ba jaŋ kpu doŋsuŋ aŋ to doŋsuŋ naasiŋ a doŋiseba.’ ⁵⁰ Wia jaŋ doŋise jiniŋ niaa a tiŋ ba si kpu nialiŋ fa sii bul wiaa, Wia Diŋ-zoŋ-la doluŋ le a lii dunia di-suomuŋ, ⁵¹ a chiŋ bua-la le ba si kpu Ebil a kaa mu yi bua-la le ba si kpu Zakaraya. Ba kpuu Wia-dia tuoŋ ne a kpage koru-la nyuŋ ba si yie nyige pusuŋ pipi Wia ne. Wutitii, mi jaŋ bula pima, Wia jaŋ doŋise jiniŋ niaa kala kiŋkeŋ a tiŋ wiaa deenba kala le. ⁵² Ma Wia teniŋ kerichiba, ma ma jaŋ na heeŋ kiŋkeŋ. Ma to wonbi-la nialiŋ sii to a yi lee-la ba si jaŋ na wu-jimiŋ ne. Ma titia bi che di ma to wonbiin deen, aŋ po di nialiŋ ma sii walime di ba to, di ba si to.”

⁵³ Yesu si lii lee-la, Wia teniŋ kerichiba-la ari Farisii tiŋŋa-la suomo bul wiaa a liliu u hariŋ a piesu wiaa yuge. ⁵⁴ Baa walime di ba bere kenu di u ne bul wii chei.

12

Yesu bula pi niaa di ba si kanfugi tiŋŋaa nagu

Mat. 10.26-27

¹ Nialiŋ fa si ko Yesu teen, ba yi niaa bui bui bui a yiyigi doŋo. Nii ne Yesu laa sipaan a bula pi u haritooro a bul, “Ma po ma titia le ari Farisii tiŋŋaa. Ba ŋaa kanfugi timma ne. Ba nage si-buruŋ ne. Di ŋ ne joŋo he kuŋ-kala le, u yie puore ne. ² Wii-kala si faa, u jaŋ ku lii pulumuŋ, niaa ma jaŋ nii wii-la si ŋaa wu-faali. ³ Wii-kala maa ŋ si bul birimiŋ tuoŋ, ba jaŋ niu pulumuŋ le. Wii-kala bira ŋ si muŋso bul a he nuu duŋduŋ digilin le dia tuoŋ, ba jaŋ faasa heele bulu lusuŋ nyuŋ.”

Nii-la si maga di ŋ fá

Mat. 10.28-33; 12.32; 10.19-20

⁴ Nii ne Yesu bira bul, “Mi nanđoŋsuŋ, mi jaŋ bula pima, ma si nialiŋ si jaŋ wuo kpu ma yaraa le fá. Ba bira bi jaŋ wuo ŋaa wu-boŋ kala ma le. ⁵ Mi jaŋ dagema nii-la si maga di ma fá. Má fá Wia. U ne jaŋ wuo kpuma aŋ bira keŋ doluŋ duu wuo joŋma he Wia nyiniŋ tuoŋ. Mi bulaa pima, ma fifáu. ⁶ Zaarikokobiisiŋ banoŋ dee ba yie joŋo yalle kobu balia koo? Ama Wia bi ba tuoŋ kubala ma wiaa yua. ⁷ Wia paala jin ma nyu-punaa kala ma niuŋ ne. Nii wiaa, ma si leŋe di fawulluŋ keŋma. Ma ne paala kii zaarikokobiisiŋ a yuge.

⁸ Mi bulaa pima, nii-la kala si jaŋ wuo bul niaa tuoŋ ari u ŋaa mi nuu ne, mi-na Nuhuobiine Bie ma jaŋ bul nii a tigeu le Wia tinđaraa sipaan. ⁹ Ama nii-la kala si viami niaa tuoŋ, mi-na Nuhuobiine Bie ma jaŋ viau Wia tinđaraa sipaan. ¹⁰ Nii-la kala si bul wu-boŋŋo a mu tige mi-na

Nuhuobiine Bie le, Wia jan jonjo cheu, ama nii-la kala si tuuse Wia Din-zon-la jonjoo, Wia bi jan jonjo che u tiina.

¹¹ Di ba ne kenma kaa juu Wii-chuole diisinj koo kuoroo ari kuhiasinj teen di ba dii ma sariya, ma si leje di ma boisinj jonj nii ma si jan nja a laa ma titia, koo wii-na kala ma si jan bul. ¹² Bua-la titia le Wia Din-zon-la jan dagema wii-la ma si jan bul."

Yesu mage namaga a tige bagi-daari tuoluj tiina le

¹³ Yesu fa si bul wiaa pipi ni-dan-la nii, baal kubala lii ba tuon a bula pu a bul, "Mi kuhian, la nyimma suba an ka kiasa. Mii suluj di n bula pi mi naanbie duu kaa kpa a pimi." ¹⁴ Nii ne Yesu bula pu a bul, "Mi nanjon, mi tintimii dee di mi laa ma sariya dii pima koo di mi ken ma kiasa kaa kpaama." ¹⁵ Nii ne u bira bula pi niaa a bul, "Ma fiele ma siaa a si tuolunjon ken. Di nuhuobiine ne ken kiasa kinjen, kialinj bi jan wuo len duu ken miisinj."

¹⁶ Nii ne Yesu bira mage namaga a bul, "Baal kubala ne fa he dime a ken kiasa woruj a bil u baga. U baga-la kiasa wase woruj. ¹⁷ Nii ne u bibiine u tuon le a bul, 'Ee ne mi jan nja? Mi bira bi lerinj kene di mi tuole mi kiasa.' ¹⁸ Nii ne u bul, 'Mi jan nmoo mi virisinj deenba mi si kene a ta an wasa saa ku-balaa. Mi jan jon mi kuorimaa ari mi kiasa kala a tuole dime ¹⁹ an bula pi mi titia a bul, Mi tuole kiasa yuge ne. Mi jan dii jisi ari jisi. Mi-na jan ta jia a dii kiasa ari tuotoruj.' ²⁰ Nii ne Wia bula pu, 'Ni-yaari, titaninj deen mi jan len di n suu. Kialinj saa n si che bil, kubee ne jan dii?' " ²¹ Nii ne Yesu bula pi niaa a bul, "Nii-la kala si yie che kiasa bil u titia le an bi kuoru nja Wia teen, u nage baala deen ne."

Yesu dage niaa di ba si ba titia walimu a tige kudiilee ari genninj wiaa le Mat. 6.25-34

²² Nii wiaa Yesu bula pi u haritooroo a bul, "Mi bulaa pima, ma si ma titia walimu a tige kudiile-la ma si jan dii a ken doluj, koo ma si ma titia ma walimu a tige genni-la le ma sii che di ma lilaale. ²³ Ma miisinj ne kii kudiilee, ma yaraa ma kii genninj. ²⁴ Ma bee na diibiisinj, ba bi pere, ba bi kiasa ka tuole virisinj le, ka Wia pipiba kudiilee. Ma ne paala ken nyuuruj a kii diibiisinj. ²⁵ Di ma nii walime ma titia kiasa deenba wiaa, bua-la le ma miisinj si jan dere, u bi jan ken tapul-bala ma pe pima. ²⁶ Di ma ne saa bi tapul-bala ma wuo kaa pe ma miisinj le tapulii-la ma ma si jan suu, bee ne saa tii kiasa deenba wiaa wiwalimema? ²⁷ Ma bee na tii-fiilaa. Ba bi tinj, ba bi genninj ma yere a lilaale, ama ba zomo woruj. Kuoru kubala ne fa he dime. Baa yie Solomon. U fa si he u miisinj le, u ken kiasa ne woruj. Ama u genninj fa bi zomo mage tii-fiilaa deenba. ²⁸ Wia ne yie nja yan nyu a waa a zon, ka u bi dieni an hil. Di u ne hila, ba yie nyige nyininj. Di Wia ne wuo nja yan zon nii, bee ne tii ma bibiine ari u bi jan wuo pima kudiilee ari genninj? Ma yarida bi yuge. ²⁹ Ma si leje di ma walime ma titia kudiile-la ma si jan dii ari ku-la ma si jan nyua wiaa. ³⁰ Nialinj si bi Wia jinj dunia deen le, ba ne yie walima chiche kiasa deenba. Ma Nyimma jima ari ma che kiasa deenba ne. ³¹ Nii wiaa, ma laa sipaan a che kialinj si he Wia kuorii-la tuon. U jan jon kuj-kala si ka a pe pima."

Nii la si jan nja a ken kiasa Wia-jan le Mat. 6.19-21

³² Nii ne Yesu bira bul, "Ma nialinj sii tomi, ma bi yuge. Ma si leje di fawulluj kenma. Ma Nyimma tuon tere ne duu jon kuorii-la pima. ³³ Ma

jon ma kiasa kala yalle a jon moribie-la a pi summoo. Má che kialinj si bi chei a bil ma titia le, a jon ma kiasa bil Wia-janj le. Dime ba bi jan dere, gaaru kala bi jan wuo paaba dime, pugumaa ma bi jan diiba. ³⁴ Ma tuobiinaa jan pinj lee-la ma kiasa si he.

³⁵ Má woo ma damerisij woruj ma tijsij le a nyige ma chaanaa di ba chaane, di ma nja siri ari wii-na kala si jan njaama le. ³⁶ Má lej di ma nage dia tijsinni-zonjoo. Di ba kuhianj mu ha-jaari gbiele anj ko, ba hono gberu. Ba nja siri di bua-la le u si miira ko a du boro, ba jan suro pu lima lima. ³⁷ Di ba kuhianj ne miira ko a na di ba weye a nja siri, ba tuonj jan tore. Wutitii, mi jan bula pima, u jan woo u damere woruj anj nja di u tijsinna-la honj, a jon kudiilee piba di ba dii. ³⁸ Duu ne miira ko tita-siesee maa, koo duu ne paala kieli nii maa, ba tuonj jan tore woruj. ³⁹ Di nuu ne fa jima bua-la le gaara si jan ku gaa u kiasa u dia le, u fa jan hono po u dia. Di u ne weye, u bi jan sei di gaara juu gaa u kiasa. Má liisi wiinj deenj. ⁴⁰ Má ma saa nja siri, be wiaa, mi-na Nuhuobiine Bie jan ko bua-la le ma si buu yiele.”

Nii-la si nja tijsinni-titii ari nii-la si bi tijsinni-titii nja
Mat. 24.45-51

⁴¹ Nii ne Piita piese Yesu a bul, “La Tiina, nj mage namaga deenj pipila ne koo nj bula pi nuu-kala nee?” ⁴² Nii ne la Tiina Yesu miira pieseba a bul, “Kube ne saa nja tijsinni-titii-la si jinj wiaa? U ne nii-la u kuhianj si yie liise duu biben u dia, anj pe pipi u tijsinni-donsun ma kudiilee. ⁴³ Di tijsinna-la nja wialinj u kuhianj si dagu duu nja, u tuonj jan tore bua-la le u kuhianj-la si jan miira ko. ⁴⁴ Wutitii mi bulaa pima, u kuhianj-la jan jon u kiasa kala he tijsinna deenj nisij le duu biben. ⁴⁵ Ama di tijsinni-la ne bula pi u titia ari u kuhianj-la jan dieni ne anj suomo nmunmoo u tijsinni-donsu-la, baalaa ari haalaa kala, a he donjo le, anj faasa didii kudiilee a nyunyua sinij bubugi, ⁴⁶ duu nja nii, u bi siri nja gberu u kuhianj-la. U kuhianj-la jan ko tapulii-la le u si bi yiele. U jan dogisu woruj anj kenu kaa mu he lee-la nialinj si bi u niinj wiaa nii si he. ⁴⁷ Tijsinni-la si jinj tijsimii-la u kuhianj sii che duu tinj anj bi siri nja duu tinj tijsimii-la, u kuhianj jan chaasa viiru kinjen. ⁴⁸ Ama tijsinni-la si bi tijsimii-la u kuhianj sii che duu tinj jinj anj nja wii-la si maga di ba viiru, ba jan viiru mua. Di ba jon kiasa yuge a pi nuu, u maga di ba piese laa kiasa yuge nii-la teenj. Di ba jon kiasa yuge kinjen kinjen a pi nuu duu benj, u ma maga di ba piese laa kiasa kinjen kinjen u teenj.”

A tinj Yesu wiaa, niaa jan pore donjo le
Mat. 10.34-36

⁴⁹ Nii ne Yesu bira bul, “Mi ko di mi nja di dunia dii nyininj ne. Mi saa fa cho duu suomo a didii ne leele. ⁵⁰ Mi jan juu heenj le ari niaa si yie juu liinj nii, bua-la le ba sii foba Wii-chuole liinj. Mi tuonj bi jan pinj di-bala see di mi na heen-la dere. ⁵¹ Ma biina di mi kenj yarifielaa ne kaa ko di mi pi dunia? Ai. Mi paala ko di mi nja di niaa pore donjo le ne. ⁵² A chinj leele a kaa mu, dia niaa jan pore donjo le. Di ba ne nja banonj a juuu dia, ba jan pore donjo le. Niaa batori jan kenj nii-bala, di niaa balia ma kenj nii-bala. Niaa batori-la jan pe donjo le a yuyuo niaa balia-la. Niaa balia-la ma jan pe donjo le a yuo niaa batori-la. ⁵³ Biirinj nyimmaba ari ba biirinj jan guraa yuo donjo. Biirinj ma kenj ba nyimmaba di ba yuyuo donjo. Biirinj naanba ma jan kenj ba biirinj yuyuo donjo, biirinj ma jan kenj ba naanba di ba yuyuo

dɔŋɔ. Bala naanba ma jan keŋ ba bii-haalaa yuyuo dɔŋɔ. Bii-haalaa ma jan keŋ ba bala naanba yuyuo dɔŋɔ.”

U maga di ma jin wialin si ŋaa dunia le bubuɔŋ

Mat. 16.2-3

⁵⁴ Nii ne Yesu bula pi nialin a bul, “Di ma ne na duonbilingbaanaa di ba ne lii wii-juulun a kuu jil, ma yie bul di duonun nfi che duu nii. Nii ne duonun sene yie nii. ⁵⁵ Di ma ne bira na pelin duu ne lu a lii tan-bubuɔŋ, ma yie bul di lerin jan lin. U sene lin. ⁵⁶ Ma kanfugi tinŋaa deenba. Ma yie wuo beŋ tinŋeen a beŋ wia nyun maa a wuo dage wii-la si jan ŋaa. Bɛɛ ne saa tii ma bi jan wuo jin wialin sii ŋaa dunia deen le ba bubuɔŋ?”

Wii-la si maga di ma ŋaa

Mat. 5.25-26

⁵⁷ Nii ne Yesu bira bul, “Ma si jin wii-la si maga di ma ŋaa, bɛɛ ne tii ma buu ŋaa? ⁵⁸ Di nuu ne samin a kenin kaa mu sariya di-diilin, ŋ ŋaa kukeri a bul di wii-la wase wonbiin le an-na mu. Di nii dee, u jan kenin kaa lere sariya didiire teen. Sariya didiire bira jan kenin kaa he porisiba nisin le. Ba jan kenin mu to dia. ⁵⁹ Di ba ne kenin mu to dia, ŋ bi jan wuo lii, see di ŋ tin chin-la kala ba si kere pin.”

13

Yesu bula pi niaa di ba birima lii ba haacheba le

¹ Bua-la le Yesu fa si bul wiaa pipi niaa, nialin dɔŋsun fa si he dime bul wiaa pu a mu tige Paalit le, u fa si kpu Galilii tinŋaa dɔŋsun nii. U kpuba bua-la le ba sii kpu pusun pipi Wia ne. ² Nii ne Yesu pieseba a bul, “Ma biina ari Galilii tinŋaa deenba Paalit si kpua ne ŋaa haache a kii Galilii tinŋaa dɔŋsun kalaa? ³ Ai, nii dee. Di ma ne bi birima lii ma haacheba le, ma kala jan suu ari niaa deenba si suu nii. ⁴ Nialin fii ari chori ma fa si he dime, dii-duduon tele ŋmooba kpu Siloom le. Ma biina ari ba ne ŋaa haache a kii nialin dɔŋsun kala fa si he Jerusalem le koo? ⁵ Ai, nii dee. Mi bulaa pima, di ma kala bi birima lii ma haacheba le, ma kala jan suu niaa deenba fa si suu nii.”

Yesu mage namaga a tige tia-la si bi neŋ le

⁶ Nii ne Yesu mage namaga a pi niaa a bul, “Baal kubala ne fa he dime. U fa keŋ tutogo ne u бага le. Tutogo-la nenin yi, u mu a chiche nene tutogo-la le. U bi neŋ kala na. ⁷ Nii ne u bula pi u bagi-paara a bul, ‘Jisin batori ne ŋla tia-la si bi nene, u maga di ŋ kere ta ne. U china to lerin ne.’ ⁸ Nii ne bagi-paari-la bula pu a bul, ‘Mi kuhian, leŋ duu chin jina deen ma le di la na. Mi jan huro golli u bubuɔŋ a he na-binin. ⁹ Di u ne nene harin jina-la le, u jan zɔŋ. Di u ne bi nene, kere ta.’ ”

Yesu vaare guma tiina

¹⁰ Che-wiesii-la cheen kubala Yesu juu Wii-chuo le dia a didage niaa Wia wiaa. ¹¹ Di haal kubala he dime. Jin-bɔŋ kubala ne kenu a ŋaa uu wiile. U wiile nii a yi jisin fii ari chori. U fa kenu bori ne. U bi wuo tienaa chin. ¹² Yesu si na haal-la, u yiru a bul, “Haal, ŋ duoro ne. ŋ nyanyalii-la lii-ŋ le ne.” ¹³ Nii ne u jon u nisaa a dan haal-la le. Haal-la guu tiene u tita a denne Wia. ¹⁴ Nii ne Wii-chuo le dia-la kuhian na baanin ari Yesu si vaare niaa che-wiesii-la cheen. U bula pi nialin a bul, “Tapulaa balidu ne he dime. U maga di la tin tinŋaa tapulaa deenba pege di ba vaarema,

ama che-wiesii-la cheeη dee.” ¹⁵ Nii ne la Tiina Yesu bula piba a bul, “Ma kanfugi tinjaa deenba, ma tuon kubee ne bi neeη koo u kakumo puro kaa lii u nyunyua liin che-wiesii-la cheeη? ¹⁶ Haala deenη naa Abiraham doho nuu ne. Sitaani kenu voo bil jisij fii ari chori. U saa bi maga di la laau ta che-wiesii-la cheeη koo?” ¹⁷ U si bul nii, hiisinη keη u dindomɔ-la kala, aη ka nialin ku-kaanaa tuon tore ari Yesu si nja wu-kpunjkpere-la.

Yesu mage namaga a mu tige ku-doho kubala le baa yire masitad
Mat. 13.31-32; Maak 4.30-32

¹⁸ Nii ne Yesu piese nialin a bul, “Bee kun ne mi jan keη Wia kuorii-la kaa magise? Ee ne Wia kuorii-la nage? ¹⁹ U nage ku-doho kubala ba kaa yire masitad ne. Baal kubala jonɔ duu u бага le. U nyu a waa a birime tia. Nii ne diibiisin ku sua ba dellin u naakelee le.”

Yesu mage namaga a mu tige si-burun le
Mat. 13.33

²⁰ Nii ne Yesu bira pieseba a bul, “Bee kun ne mi bira jan keη Wia kuorii-la a kaa magise? ²¹ Wia kuorii-la nage si-burun ba si kaa he munun le, u sii a puore ne. Haala jon munun a he tasi-gbana tuon, a jon si-burun a kaa kuosi. U dieni mua, ka mun-la sii su tasi-gbana-la kala.”

Yesu bula pi niaa di ba to boi-la si bi jal
Mat. 7.13-14, 21-23

²² Nii ne Yesu mu Jerusalem diirin. U sii mu nii, u golle ta-balaa ari ta-biisin a didage niaa. ²³ Nii ne nuu kubala ku piesu a bul, “La Tiina, nialin Wia si laa ta, ba jan nja niaa muapilii dunɔun koo?” ²⁴ Nii ne Yesu bula pi niaa a bul, “Di ma nu che di ma juu Wia kuorii-la tuon, u maga ari ma to boi-la si bi jal ne. Ma he dolun a to boi-la a juu. Mi jan bula pima, niaa jan yuge a wiwalime di ba to lee-la juu aη walima lol. ²⁵ Tapulii kubala dia-la tiina jan sii a keη u boin to. Ka η-na jan he harin a suomo du boro-la a bul, ‘La Tiina, keη boi-la suri a pila.’ Nii ne u jan bula pima a bul, ‘Mi bi lee-la ma si lia jin.’ ²⁶ Ma ma jan bula pu a bul, ‘La di ma kala ne fa hon di-bala a dii kiaa. N dagela η wiaa la jan ma le.’ ²⁷ Nii ne u jan bira bula pima a bul, ‘Mi bi lee-la ma si lia jin. Ma suusa lii mi teen. Ma kala nja ni-bonɔɔ ne.’ ²⁸ Tapulii kubala ma jan na Abiraham ari Aizik ari Jekob, ari nialin kala sii bul wiaa, Wia Din-zon-la dolun le di ba hon Wia kuorii-la tuon, ka ma-na jan he jeen harin a na baanin a yiyel aη didin ma nyilaa, aη bi wuo juu. ²⁹ Niaa jan lii dunia seme-na kala a hon Wia kuorii-la tuon aa gbieli. ³⁰ Ama kuhiasin yuga a jan ku birime hanbiisin. Hanbiisin yuga a ma jan ku birime kuhiasin.”

Yesu cho Jerusalem niaa
Mat. 23.37-39

³¹ Bua-la titia le ne Farisii tinjaa donsun ko Yesu teen a bula pu a bul, “Lii daha, bee wiaa Herod ka che duu kpun ne.” ³² Nii ne Yesu bula piba a bul, “Ma mu bula pi nyinyiseri-la, mi jan kiri jin-bonɔɔ aη vaare niaa jinin ari chie. Chieto mi jan tin mi tintinjaa dere. ³³ Ari nii kala, u maga di mi ha he mi wonbin le jinin ari chie ari chieto kala. U bi wonbii kene di ba kpu nialin sii bul wiaa, Wia Din-zon-la dolun le lee-kala see Jerusalem le. ³⁴ Ma Jerusalem niaa, ma yie kpu nialin sii bul wiaa, Wia Din-zon-la dolun le, a jon tabiaa a yage tinɔara-la Wia si tima di ba ko ma teen. Naansin yuga ne mi fa cho di mi chu to ma niaa kala, ari jimin si yie chu to u biirin nii, ka ma bi seye. ³⁵ Bee na, Wia jan len ma jan pima. Ma bira

bi jaŋ nami, see bua-la ɛ ma si jaŋ chuɔlemi a bul, ‘Wia jaŋ pɛ nii-la sɪi kɔ la Tiina Wia doluŋ ɛ.’ ”

14

Yesu vaare baala sɪi wiilu

¹ Che-wiesii-la chɛɛ kubala, Yesu mu duu dii kudiilee Farisii tinŋaa kuhian kubala dia ɛ. Nii nɛ niaa faasa bibenu woruŋ. ² Di baal kubala nɛ hɛ dime a kɔ Yesu teenj. U yaraa kala fa nɛmɛ nɛ. ³ Nii nɛ Yesu piesɛ Wia teniŋ kerichiba ari Farisii tinŋaa a bul, “U keŋ wonbiiŋ nɛɛ di la vaare nyanyal tinŋaa che-wiesii-la chɛɛŋ koo?” ⁴ Ba bi wii-kala bula. Nii nɛ Yesu keŋ baal-la a vaaru aŋ tau u mu dia. ⁵ Nii nɛ u bira piesɛba a bul, “Di ŋ bie koo ŋ nɛɛŋ nɛ tel vilin ɛ che-wiesii-la chɛɛŋ, ma tuɔŋ kubɛɛ nɛ bi jaŋ lɛrɛ liisu?” ⁶ Ba bi wii-kala wuo bula pu.

Yesu bula pi niaa di ba keŋ ba titia muuri, a keŋ zile, a huhuɔrɛ niaa

⁷ Yesu si beŋ nialin ba si yira baa juu dia nii, u na di ba juu chichɛ ba hɔŋ ni-balaa di-hɔnɔɔ. Nii nɛ u mage namaga a piba a bul, ⁸ “Di nuu nɛ yirin di ŋ kɔ u ha-jaari gbiele a dii kudiilee, si mu bagisa jon ni-balaa di-hɔnɔŋ a hɔŋ. Dia tiina jaŋ wuo yirɛ nuu ma si kiin bira duu hɔŋ dime. ⁹ Nii-la si yirema jaŋ wuo ku bula pin a bul, ‘Suusa mu, ka di ŋ doŋɔ tiina hɔŋ ŋ di-hɔnɔŋ.’ Nii nɛ ŋ jaŋ sii a mu hɔŋ ni-biisin di-hɔnɔŋ. Hiisin jaŋ kenin woruŋ. ¹⁰ Nii nɛ saa di ba nɛ yirin di ŋ ku dii kudiilee, di ŋ nɛ mua, hɔŋ ni-biisin di-hɔnɔŋ. Di nii-la si yirin nɛ kɔ nan, u jaŋ bula pin a bul, ‘Mi nanɔŋ, sii hɔŋ di-hɔŋ-zɔmuŋ.’ U nɛ ŋaa nii, u jaŋ pin jirima nialin kala si hɛ dime teenj. ¹¹ Nii-la kala sɪi bigisi u titia ɛ, Wia jaŋ kenu muuri. Ka nii-la ma si keŋ u titia muuri, Wia jaŋ ŋaa duu yuge.”

¹² Nii nɛ Yesu bula pi nii-la si yiru duu ku dii kudiilee a bul, “Di ŋ nɛ ŋaa kudiilee, si ŋ nanɔŋsuŋ koo ŋ naanbiirin yiru, si ŋ dia niaa koo ŋ doŋsuŋ tinŋaa si keŋ kiaa ma yiru. Ba ma jaŋ wuo yirin maachie di ŋ ku dii kudiilee ba teen a tin ŋ chimin. ¹³ Di ŋ nii yirɛ niaa di ba ku gbieli gbiele a dii kudiilee, yirɛ summoo ari nialin naasin koo nisaa si suba ari nyulimaa kala. ¹⁴ Di ŋ nɛ ŋaa nii, Wia ma jaŋ pɛŋ ɛ, bɛɛ wiaa ba-na bi jaŋ wuo tin ŋ chimin. Wia jaŋ tin ŋ chimin tapulii-la tuɔ-pul tinŋaa si jaŋ sii suuŋ ɛ.”

Yesu mage namaga a tige baal-la si ŋaa ba gbieli gbiele ɛ

Mat. 22.1-10

¹⁵ Yesu si bul wiin deen, nii nɛ nialin si hɔnɔɔ dii kialin doŋɔ bula pi Yesu a bul, “Nialin si jaŋ dii kiaa Wia kuorii-la tuɔŋ, ba tuɔŋ jaŋ tɔrɛ.”

¹⁶ Nii nɛ Yesu mage namaga a bul, “Baal kubala nɛ fa hɛ dime. U ŋaa ba gbieli gbieli-bal. Nii nɛ u yirɛ niaa yuge di ba kɔ di ba gbieli. ¹⁷ Gbiele-la si ŋaa siri, u tin u tintinna duu mu bula pi nialin u si yira ari ba ŋaa siri nɛ di ba gbieli gbiele-la. ¹⁸ U si mu yirɛba, ba kala via. Ni-bunbun si duu yɔɔ baga nɛ a chichɛ duu mu na, nii wiaa u bi jaŋ wuo kɔ. ¹⁹ Doŋɔ ma si duu ma yɔɔ nɛ-bellin fii nɛ a ma kaa lii duu kaa mu pɛrɛ na. Nii wiaa u ma bi jaŋ wuo kɔ. ²⁰ Doŋɔ tiina ma si di lɛɛɛ nɛ u jaa haala. A tin nii wiaa u ma bi jaŋ wuo kɔ. ²¹ Nii nɛ tintinni-la miira mu bula pi u kuhian-la. U si nii nii, u baaniŋ sii kinkeŋ. Nii nɛ u bira bula pu a bul, ‘Lii mu wonbiiŋ niŋ lima ari jaŋ tuɔŋ wonbii-biisin a yirɛ summoo ari gberikɛ ari nyulimaa, ari nialin naasin ari nisaa si suba.’ ²² Lima lima di baal-la u si tima lia a yirɛ nialin ba ku juu, ka u juu bula pi u kuhian-la ari nialin kɔ nɛ, ama ba

ha bi yuge. ²³ Nii ne baal-la bira bula pi u tiñtinni-la a bul, 'Bira lii bagisiin woñbiee ari woñbii-biisiin kala a yire niaa di ba ku juu di mi dia su.' ²⁴ Mi jan bula pima ari nialinj mi si yira, ba kuñ-kala bi jan dii kudiilee deenba."

Wii-la η si jan ηaa aη-na ku ηaa Yesu haritooro

Mat. 10.37-38

²⁵ Yesu fa sii mu woñbiinj nii, ni-danj to u harinj. Nii ne u daase harinj a bula piba a bul, ²⁶ "Di nuu-kala ne ko mi teenj, u bi jan wuo ηaa mi haritooro, see u bere u nyimma ari u naanj ari u haala ari u biirinj ari u naanbiirinj ari u titia wu-ηaalaa kala. ²⁷ Nii-la kala si bi u titia daa-gesee baase aη to mi harinj, u bi maga duu ηaa mi haritooro. ²⁸ Di ma kuñ nii che di η saa dii-duduonj, η jan laa sipaanj hoñ a biine a na di moribiee maga di η kaa saa dia-la dere. ²⁹ Di η ne bi nii ηaa aη suomo bil dia-la gentine aη bira bi moribiee kene di η saa dia-la dere, niaa jan na wii-la η si ηaa. Ba jan mumomunj. ³⁰ Ba jan bul, 'Baala deenj suomo duu saa dia ne aη bi wuo saa dere.' "

³¹ Nii ne Yesu bira mage namaga doñjo a bul, "Kuoro ne sie a keñ niaa bui fii a kaa mu duu yuo u kuoru doñjo. Ka kuoru-la ma keñ niaa bui mara ne. U jan laa sipaanj hoñ a biina na duu ne jan wuo yuo dii kuoru-la aη-na mu yuou. ³² Di u ne bi jan wuo dii kuoru-la, u jan tiñ tinjaaraa di ba mu cheñ kuoru-la doñjo di ba he di-bolii, a leñ di ba sulu di ba sinj." ³³ Nii ne Yesu bira bula piba a bul, "Nii titia ne ma kuñ-kala bi jan wuo ηaa mi haritooro, see η via kuñ-kala η si kene ta.

Yesu bul wiaa a tige yisiin le

Mat. 5.13; Maak 9.50

³⁴ Yisiin sima, ama di u ne sebise, η bira bi jan wuo ηaa duu sinj. ³⁵ Nii bira bi jan wuo joño he бага le duu leñ di kiaa wase. U bira bi nyuurunj kala kene. Ba yie joño yuo ta ne. Ma digilaa tinñaa, má wuoli ma digilaa a nii wiaa deenba."

15

Yesu mage namaga a tige piesi-la si lele le

Mat. 18.12-14

¹ Tapulii kubala lanpoo lilaaraa ari haache diiree yuga ko Yesu teenj di ba jegile nii u wiaa. ² Nii ne Farisii tinñaa ari Wia teninj kerichiba suomo gugurime wiaa a bul, "Baala deenj leñe haache diiree kuko u teenj ne aη pe leñ ba di ba kala didii kiaa."

³ Yesu si nii nii, u mage namaga piba a bul, ⁴ "Baal kubala ne he dime a keñ piesee zolo. Nii ne ba tuonj doñjo lel. U leñ piesee mahinj banese ari fii ari nibi-la ta girinj tuonj aη gollo chiche pie-lelii-la a bul di see duu che nau. ⁵ U si nau, u joño baase a kaa mu dia. ⁶ U si kaa mu dia, u yire u nandonsunj ari u naanbiirinj a bula piba, 'Má leñ di la kala tuonj tore. Mi na mi piesi-la si lele ne.' Ma tuonj kubee ne bi jan ηaa wii-la baal-la si ηaa?"

⁷ Yesu dage namaga-la bubuonj a bul, "Di haache diire kubala ma ne birima lii u haacheba le, nialinj si he Wia-janj le, ba tuonj jan tore. Ba tuonj jan tore nia deenj nyunj a kii niaa mahinj banese ari fii ari nibi-la si keñ tuo-pula a biine u bi maga di ba birima lii ba haacheba le.

Haal-la moribiee si lele

⁸ Leñ la jonj ari haal kubala ne he dime a keñ selime moribii-biinj fii. Di doñjo ne lele, ee ne u jan ηaa? U jan nyige nyininj a tii u dia kala a beñ worunj see duu nau. ⁹ U si nau, u yire u tanjonsunj ari u naanbiirinj kala

a he dɔŋɔ a bula piba a bul, 'Má leŋ di la kala tuɔŋ tɔɛ. Mi moribii-la si lele, mi nau ne.' " ¹⁰ Njii ne Yesu bul, "Mi jaŋ bula pima ari njii titia ne, di haache diire kubala ne birima lii u haacheba le, Wia tinjdaaraa tuɔŋ yie tɔɛ ne."

Yesu mage namaga a tige bile si lele le

¹¹ Yesu bira mage namaga dɔŋɔ a bul, "Baal kubala ne he dime a keŋ u hanjbiisiŋ balia. Ba fa ŋaa baalaa ne. ¹² Njii ne ba tuɔŋ ku-bie sii mu bula pi ba nyimma a bul, 'Mi nyimma, kialiŋ ŋ si jaŋ suu aŋ ka pilla, joŋ mi toruŋ pimi.' Njii ne u keŋ kialiŋ kaa kpaa. ¹³ U bi diene, ka ba tuɔŋ ku-bie sii paa u toruŋ kala u si laa a he dɔŋɔ le, a sii mu ta-bolii kubala. Dime u keŋ kialiŋ kala kaa mu ŋaa wu-tɔɔnuŋ, ba kala dɛɛ. ¹⁴ U si dii kialiŋ kala dɛɛ njii, di losuŋ juu taŋ-la woruŋ. U che kudiilee ka. ¹⁵ Njii ne u mu che tinjŋŋaa. Taŋ-la nuu sei duu biheŋ u toonuŋ. U keŋ u titia kaa mu mere nii-la le a didaa u toonu-la. ¹⁶ U sii daa toonu-la, nuu-kala buu kudiilee ka pa. U fa chiche duu dii toonu-la kudiilee. ¹⁷ Njii ne u biine u tuɔŋ le a mu yi u nyimma le a bul, 'Mi nyimma ma keŋ tinjŋnaa yuge ne. Ba kala nina kudiilee didii aŋ kika, aŋ ka mi-na he daha a susu losuŋ. ¹⁸ Mi jaŋ sii a miira mu mi nyimma teen. Di mi ne mua, mi jaŋ bula pu, Mi nyimma, mi ŋaa haache ari Wia arin kala. ¹⁹ U bira bi maga di mi ŋaa ŋ bii. Joŋmi di mi pe ŋ tinjŋnaa le di la titiŋ.' Njii ne u sii a kuko u nyimma teen. ²⁰ U si ko u nyimma teen, u fa ha he di-bolii ne, ka u nyimma nau. Nennige kenu woruŋ. U fá mu a guoru. ²¹ Njii ne bile bula pi u nyimma a bul, 'Mi ŋaa haache ari Wia arin kala. U bira bi maga di mi ŋaa ŋ bii.' ²² Ama u nyimma ha bula pi u tinjŋnaa a bul, 'Má mu lima a joŋ geri-zomuŋ a kaa ko laalu. Má joŋ nenii-piriŋ maa a he u nisiŋ aŋ joŋ neŋteŋŋee ma a heu. ²³ Má mu keŋ neŋŋ-la ma si nere a kaa ku kpu di la kala dii, di la tuɔŋ tɔɛ. ²⁴ U naga mi bie deen fa suba ne aŋ sisele sii. U fa lele ne, ka la lele nau. Njii ne ba dii kiaa ari tuɔtoruŋ.'

²⁵ Bua-la le di bile malima he бага le. Njii ne u ko dia. U si ku kpage u dia, u nia di baa du kiaa a gugua. ²⁶ Njii ne u yire u nyimma tinjŋna-la dɔŋɔ a piesu a bul, 'Bee ne baa ŋaa njii?' ²⁷ Njii ne u bula pu a bul, 'Njjaana ne miira ko. Njii ne ŋ nyimma keŋ ne-fere a kpu a pu, bee wiaa u miira ko dia ari yarifielaa ne.' ²⁸ Njii ne bile malima-la na baaniŋ kinkeŋ. U bi dia jua. U nyimma ku lii a sulu duu ku juu dia. ²⁹ Bile bula pi u nyimma a bul, 'Jisiŋ deenba kala le mi faasa tinjŋŋaa woruŋ a piŋ. Mi ha bi ŋ niin wiaa via che-bala maa. Bee kuŋ ne ŋ saa pimi? Nj ha bi buu-bie ma kaa pimi di mi kpu la di ma nanjɔnsuŋ gbieli gbiela aŋ chan. ³⁰ Ka ŋ bie deen-na keŋ ŋ kiaa kala chei ha-chorumuŋ le. Ka u si miira ko dia njii, ŋ kpu ne-fere a pu.' ³¹ Njii ne bile nyimma bula pu a bul, 'Mi bii, ŋ yie he dia le bua-na kala le ne. Kuŋ-kala mi si kene, ŋ ma ne tiu. ³² Ama u maga di la gbieli gbiela a leŋ di la tuɔŋ tɔɛ ne, bee wiaa u nage ŋ ŋaana deen fa suba ne aŋ sii. U fa lele ne, ka la lele nau.' "

16

Yesu mage namaga a tige tinjŋni-la si keŋ wu-jimiŋ le

¹ Yesu mage namaga dɔŋɔ a pi u haritooro a bul, "Baal kubala ne fa he dime. U fa ŋaa kiaa tiina ne. U fa keŋ tinjŋnu. U ne faa beŋ u kialiŋ. Njii ne niaa ku bula pi kiaa tiina-la, ari u tinjŋni-la keŋ u kialiŋ chichei ne. ² U si nii njii, u mu yiru a piesu, 'Bee na wialiŋ mi sii nii a tigeŋ le. Leŋ di mi

jij nialij η si yalle mi kialij ba yoo. N bira bi jan wuo ηaa mi tijtinnu.’
³ Nii ne baal-la bul u titia le a bul, ‘Mi kuhian ka che duu kirimi ne mi tijtijnjaa le. Bεε ne mi jan ηaa? Mi bi doluj kene di mi pere. Mi bira bi jan wuo gollo susul kiaa ma. Mi jan fifa hiisin.’
⁴ Di mi tijtijnjaa ne cheye, mi jij ηii mi si jan ηaa a wuo keη nanɔɔsun, a ηaa di ba keηmi woruj ba diisin le.’
⁵ Nii ne u yire nialij kala si dii u kuhian chimin. U yireba kubala kubala ne. Nii ne u yire bunbun nia a piesu, ‘Chimin η si dii mi kuhian teen ηaa banmεε ne?’
⁶ Nii ne u si di nuuj ne u chimu ankuraba zolo. Nii ne tijtinni-la jon ten-la si dage chin-la a pu an bul, ‘Ten-la si dage η chimin ne ηla. N chimin ηaa ankuraba ari nuuj zolo ne. Birima ηmunse ankuraba mahin balia ari fii.’
⁷ Nii ne u yire donɔ tiina ma a piesu, ‘Ka η maa?’ U ma si di chimin u si die ηaa miaa botoba bui ne. Nii ne tijtinni-la bula pu a bul, ‘Tenin tuon ba ηmunsa he ari η chimin mage ηla ne, ama birima ηmunse boto zolo chori.’
⁸ Nii ne kiaa tiina-la bese singirin tiina-la le a bul duu ηaa kukeri an keη wu-jimin u si ηaa wu-bonɔɔ ηii.’ Nii ne Yesu bira bul, ‘Bee na nialij si cho dunia kiaa kinkeη keη wu-jimin a pipe donɔ le a kii nialij sii to Wia.’
⁹ Nii ne Yesu bira bula pi u haritoo-ro-la a bul, ‘Mi bulaa pima, ma jon moribee a kaa dii nanɔɔsun. Di moribie-la dere, Wia jan keηma kaa mu u jan a jon miisi-la si bi dere a pima.’

¹⁰ Di η jon kiaa mua a pi nuu duu beη, ηii ne u beη ba nyun woruj, u tiina ma jan wuo beη kiaa si yuga nyun woruj. Di nuu ma ne keη kiaa mua an bi ba nyun woruj ka beη, duu ne keη kiaa woruj, u biba ma nyun wuo beη woruj.
¹¹ Di η ne bi dunia kiaa wuo beη ari wutitii, nuu-kala bi jan wuo jon kialij si faasa keη nyuuruj a he η nisin le di η biben.
¹² Di η ne bi niaa kiaa wuo beη ari wutitii, ba jan wuo jon η titia kiaa pin di η beη? Ai.
¹³ Yon-bala bi jan wuo tin tijtijnjaa a pi kuhiasin balia. U jan cho donɔ an bere donɔ. U jan tuto donɔ niin wiaa woruj an via donɔ niin wiaa. N ma saa bi jan wuo to Wia an bira cho dunia kiaa maa.”

Yesu bul wiaa a pi Farisii tijjaa

Mat. 11.12-13; 5.31-32; Maak 10.11-12

¹⁴ Farisii tijjaa nii wiin deen Yesu si bula. Ba fa cho dunia kiaa kinkeη ne. Nii ne tii ba sisieru le.
¹⁵ Nii ne Yesu bula piba a bul, ‘Ma nialij, ma yie che di niaa biine ma keη wutitii, ama Wia jij ma tuosaa. Kialij si ηaa ku-zonɔɔ nuhuobiinee teen, ba ne ηaa ku-lorunuj Wia teen.’

¹⁶ Nii ne Yesu bira bul, ‘Nialij faa to wialij Moosis fa si bile. Ba ma to tenni-la le nialij fa sii bul wiaa, Wia Din-zonɔ-la doluj le, fa si ηmunsa a kaa mu bua-la le Jon si ko, nii-la fa sii fo niaa Wii-chuole liin. Jon si ko ηii, ba suomo bubul Wia wu-zomɔ-la a tige Wia kuorii-la le aa pi niaa. Nii ne nuu-kala fiese siin a wiwalime duu juu Wia kuorii-la tuon.’
¹⁷ Di wia nyun ari tin teen kala ne fa dere, u fa bi jan hei. U fa bi jan hei ari Moosis niin wialij tuon ku-bie bira si bi bubuon kene.

¹⁸ Baal-na kala si via u haala an bira mu jaa donɔ, u tiina juu Wia haache le ne. Baal-la ma si jaa haala si via u bala, u ma juu Wia haache le ne.”

Yesu mage namaga a tige kiaa tiina ari Lazɔɔs le

¹⁹ Nii ne Yesu bira mage namaga a bul, ‘Kiaa tiina kubala ne fa he dime. U yie lilaale geri-zomɔ-la yallij si heye, a pin sima nyun woruj tapulii-na kala.
²⁰ Ka summu ma fa he dime. Baa yiru Lazɔɔs. U yaraa kala ηaa naawiilaa ne.
²¹ Vahin yie ko a lilenni u naawiilaa. U yie mu hon kiaa tiina-la boininiin a chiche di kiaa tiina-la si dii kudiile-la an ka, duu ma paa dii.
²² Nii ne summo-la sii suu. Wia tin daara ku jonu a kaa mu Abiraham

teen. U hõn u semē Wia-jaŋ lē aa nii sima. ²³ Ka kiaa tiina-la ma suu. Ba jonu hugi. U mu juu Wia nyiniŋ a nina hēeŋ woruŋ. Nii nē u bee mu na Abiraham duu hõn di-boli, ka Lazõrõs ma hõn u semē. ²⁴ Nii nē u yiru a bul, 'Mi nyimma Abiraham, fámi nennige aŋ tiŋ Lazõrõs duu keŋ u neniin yuu liiŋ a kaa kõ a fiele mi nendelimiŋ. Mii na hēeŋ nē woruŋ nyiniŋ deen tuõŋ.' ²⁵ Nii nē Abiraham bula pu a bul, 'Mi bii, liise mu yi ŋ fa si hē ŋ miisiŋ lē, ŋ faa nii sima nē woruŋ, aŋ ka Lazõrõs fa nina hēeŋ. Ama lēle Lazõrõs ma nii sima daha, aŋ ka ŋ ma hē hēeŋ tuõŋ. ²⁶ Nii ma dunđuŋa dee, buõtuõ-luŋi nē piŋ la pēge. Di nialiŋ si hē la teen nūi che di ba lii kiele mu ma teen, ba bi jaŋ wuo. Nu ma bi jaŋ wuo lii ma teen a ku kieli a kõ la teen.' ²⁷ Nii nē kiaa tiina-la bira bula pu a bul, 'Mi nyimma Abiraham, ŋii nē saa mi suluŋ di ŋ tiŋ Lazõrõs duu mu mi nyimma dia. ²⁸ Mi keŋ naaŋbiiriŋ banõŋ nē dime. Leŋ duu kpurise ba digilaa di ba ma sí hēeŋ deen leriŋ kõ bua-la lē ba si jaŋ suu.' ²⁹ Nii nē Abiraham bula pu a bul, 'Wialiŋ Moosis ari nialiŋ fa sii bul wiaa, Wia Diŋ-zõŋ-la doluŋ lē fa si ŋmuŋsa, ba hē ŋ naaŋbiiriŋ teen. Leŋ di ba jegile nii wialiŋ ba sii bul.' ³⁰ Nii nē kiaa tiina-la bira bul, 'Nii ha bi maga, mi nyimma. Ama di nuu nē fa sii suuŋ lē a mu ba teen, ba fa jaŋ wuo birima lii ba haacheba lē.' ³¹ Nii nē Abiraham bira bula pu a bul, 'Di ba nē bi jaŋ jegile nii wialiŋ Moosis ari nialiŋ fa sii bul wiaa, Wia Diŋ-zõŋ-la doluŋ lē fa si ŋmuŋsa, ba ma fa bi jaŋ sei wialiŋ di nuu nē paala sii suuŋ lē a mu ba teen a dageba.' "

17

Yesu bul wiaa a tigē haache lē *Mat. 18.6-7, 21-22; Maak 9.42*

¹ Yesu bula pi u haritooroo a bul, "Wialiŋ si jaŋ ŋaa di niaa juu haache lē jaŋ hē dime. Ama nii-la si jaŋ ŋaa di ba juu haache lē jaŋ na hēeŋ woruŋ. ² U maga di ba jon nõmuŋ nē a võõ laale u banŋa lē, a jonu yuo hē muga tuõŋ duu suu. Di ba nē ŋaa ŋii, u nē jaŋ kpiã u si jaŋ ŋaa di harŋbiisiŋ deenba tuõŋ kubala ŋaa wu-bõmuŋ. ³ Má põ ma titia lē. Di ŋ naaŋbie nē ŋaa haache, kpiãu lē. Di u nē si duu cheye nē, jonõ cheu. ⁴ Di u nē ŋaa wii cheiŋ lē aŋ ku bula piŋ ari u cheye nē, a ŋaa ŋii a yi naaŋsiŋ bulipe che-bala, jonõ cheu."

Yesu bul wiaa a tigē yarida lē

⁵ Nii nē Yesu nanzõõba-la bula pu a bul, "La Tiina, ŋaa di la yarida yuge kinkeŋ." ⁶ Nii nē la Tiina Yesu bula piba a bul, "Di ma yarida nē fa mage kuŋ biŋ ba sii yire masitad, ma fa jaŋ wuo bula pi tia duu keŋ u naakelee kala churi a jila chõŋse muga lē. U fa jaŋ to ma niin lē a ŋaa ŋii."

Yesu bul tiŋtinnaa tiŋtimiŋ wiaa

⁷ Nii nē Yesu bira bul, "Di ma kuŋ nē keŋ tiŋtinnu u pipere ŋ бага lē koo u didaa ŋ piesee, duu nē lii бага koo pie-daaliŋ kõ, ŋ jaŋ bula pu a bul duu ŋaa lima a dii kudiilee koo? ⁸ Ai, ŋ ma jaŋ bula pu duu ŋaa siri a laale u genniŋ a ŋaa kudiilee piŋ di ŋ dii. Di ŋ nē dii dere, u ma jaŋ wuo dii u kudiilee. ⁹ N jaŋ lõlle ŋ tiŋtinni-la a tiŋ u si ŋaa wialiŋ ŋ si dagu wiaa? Ai. ¹⁰ Ma ma saa nage ŋii nē. Di ma nē ŋaa wialiŋ kala ba si si di ma ŋaa, u maga di ma bul, 'La ŋaa tiŋtinnaa nē. U bi maga di ba lõllela. Tiŋtimiŋ-la si maga di la tiŋ dunđuŋa nē la titiŋ.' "

Yesu vaare gbeŋiŋ fi

11 Nii ne Yesu bira sii mu Jerusalem diirin. U to Samaria tinteenj ari Galilii tinteenj ne a mu. 12 Nii ne u mu juu tanj kubala, di gbegisinj fii ku chemu. Ba fa chinj di-bolii ne 13 anj faasa yire a bul, "Yesu, la kuhianj, fála nennige." 14 Nii ne Yesu naba a bul, "Má keñ ma titia mu a dage nü-la si kpu pusuñ pipi Wia." Nii ne ba mu. Ba síi mu ñii, ba duori. 15 Ba tuonj donjo si na duu duoro, u miire a faasa didenne Wia. 16 U mu Yesu teenj a tuu kpirimi tinteenj u naasinj le a löllu. Baal-la fa ñaa Samaria tiina ne. 17 Nii ne Yesu piesu, "Niaa fii dee mi vaaree? Nii ne nibi-la he? 18 Bee ne tii nuhuora deenj dunduña ne miira ko duu lölle Wia?" 19 Nii ne Yesu bula pi baal-la a bul, "Sii a viiri, ñ yarida ne ñaa ñ duori."

Yesu bul wiaa a tige bua-la le Wia kuorii-la si janj ko

Mat. 24.23-28, 37-41

20 Nii ne Farisii tinjaa piесе Yesu di bua bee le ne Wia kuorii-la janj ko? Nii ne u bula piba a bul, "Di Wia kuorii-la ne janj ko, wu-magil dee bi janj ñaa di niaa jin. 21 Nuu-kala ma bi janj wuo bul, 'Bee na, u he daha koo u he dime.' Má bee na, Wia kuorii-la he ma tuonj ne."

22 Nii ne u bula pi u haritooro-la a bul, "Tapulii janj yi di ma cho di ma na mi-na Nuhuobiine Bie tapulaa tuonj che-bala dunduña maa. Ama ma bi janj wuo nami. 23 Niaa donsun janj bula pima a bul, 'Nau, u ne ñla, koo, na u ne he daha.' Di ba ne bul ñii, ma sí lii gollo chicheu. 24 Mi-na Nuhuobiine Bie si janj miira ko tapulii-la, u janj nage duonun si ligisa a lii wia nyun seme donjo a ku tuu seme donjo. 25 Ama mi janj laa sipaan na heen. Ma leele niaa, ma janj viami. 26 Bua-la le mi-na Nuhuobiine Bie si janj miira ko, u janj nage bua-la le Nowa fa si he u miisinj le ne. 27 Bua-la le nialinj fa dii kudiilee, haalaa ari baalaa ma jijaa donjo a mu yi tapulii-la Nowa fa si juu liin daboro-la tuonj. Liin ku pelle paa nialinj donsun kala, ba suu. 28 U ma janj nage bua-la le Lot fa si he u miisinj le. Nuu-kala fa he dime a didii kudiilee a yiyalle kiaa a yuyoo kiaa a duduu kiaa a sisaa diisinj. 29 Ka tapulii-la Lot si lii tanj kubala ba síi yire Sodóm le, nyininj ari jiribiinj lii wia nyun, a ku tuu kpu nialinj donsun kala. 30 Nii ne u janj nage tapulii-la mi-na Nuhuobiine Bie ma si janj miira ko. 31 Di nuu ne he u lusun nyun tapulii-la le anj keñ kiaa u dia tuonj, ma sí leñe duu tuu a juu u dia a paa u kiaa. Nii-la ma si he u baga le, duu ma sí miira mu dia. 32 Má liise yi wii-la si ñaa Lot haala le. 33 Nii-la kala síi walime duu laa u miisinj, u janj jonjo ta. Nii-la kala ma si jonj u miisinj ta, u janj laa u miisinj. 34 Mi janj bula pima, tapulii-la niaa balia janj pinj donj godo bala nyun titaninj, Wia janj jonj donjo anj leñ donjo ta. 35 Haalaa balia ma janj nunonj mununj. Wia janj jonj donjo anj leñ donjo ta. 36 Baalaa balia ma janj he baga le a pipere, Wia janj jonj donjo anj leñ donjo ta." 37 Nii ne Yesu haritooro-la piesu a bul, "Nii le ne ñii, la Tiina?" Nii ne Yesu bula piba a bul, "Lee-la ku-pua si pina ne, dununj ma hihilimi."

18

Yo-haala mu na sariya diire

1 Nii ne Yesu bira mage namaga piba a dageba di ba chuchuo le Wia bua-na kala le a sí leñ. 2 U si, di sariya diiru ne fa he dime tanj kubala le. U fa bi Wia ka fá. U bi nuhuobiinee ma jirima ka jonj. 3 Yo-haal kubala ma ne fa he tanj-la le. U yie venee mu sariya diiri-la teenj a susulu duu peu le di u wuo dii sariya a lo u dinjom. 4 Bunbunj kala baal-la via duu peu le. Ama

u si yie veneε kō u teenŋ nii, nii ne baal-la bula pi u titia a bul, “Mi paala bi Wia ka fá, mi bi nuhuobiinee ma jirima ka jonŋ. ⁵ Ama yo-haala deenŋ si veneε walimemi nii, mi janŋ p̄u le duu dii u sariya. Nii dee u ha janŋ vene wiwalimemi di mi lōl.” ⁶ Nii ne la Tiina Yesu bira bula pi niaa a bul, “Má jegile nii wialinŋ sariya diiri-la si bi wutitii kene si bula. ⁷ Ma saa biina Wia saa bi janŋ wuo p̄e nialinŋ u si liisa le di ba níi laa ku-sinŋaa? Di ba níi yel u teenŋ wiiheye ari titanŋinŋ kala, u bi janŋ dieni anŋ p̄eba le. ⁸ Mi janŋ bula pima, u janŋ p̄eba le di ba laa ku-sinŋaa. U janŋ ŋaa nii lima lima. Ama bua-la le mi-na Nuhuobiine Bie si janŋ miira kō, mi janŋ na nialinŋ si ŋaa mi yarida, koo?”

⁹ Yesu bira mage namaga a pi nialinŋ si biina ba tuonŋ le di ba kenŋ tuo-pula anŋ lilieni ba donŋsunŋ tinŋaa kala. U bula piba a bul, ¹⁰ “Baalaa balia ne sii mu Wia-dia di ba chuolē Wia. Donŋo lii nialinŋ ba sii yire Farisii tinŋaa tuonŋ ne. Donŋo-la ma ŋaa lanpoo lilaaru ne. ¹¹ Farisii tiina-la sii chinŋ a chuolē Wia ŋla u tuonŋ le a bul, ‘La Tiina Wia, mii lollunŋ ari mi si bi niaa donŋsunŋ naga, nialinŋ si gollo kenŋ niaa kiaa lilaa, koo nialinŋ si bi wutitii kene, koo nialinŋ si gollo che niaa haalaa. Mi bi lanpoo lilaara deenŋ ma si he daha naga. ¹² Mi yie vōo niinŋ bulia ne yōbo-na kala le. Ku-la kala mi si na, mi yie kaa kpaalere fii ne a jonŋ donŋo pinŋ.’ ¹³ Ka lanpoo lilaari-la chinŋ di-bollii. U paala bi u siaa ma kaa wul wia nyunŋ anŋ paa u nisaa chunŋ u nyunŋ le anŋ bul, ‘Wia, fámi nisusunŋ. Mi ŋaa haache diiru ne.’” ¹⁴ Nii ne Yesu bira bul, “Mi janŋ bula pima ari Wia jonŋ lanpoo lilaari-la haacheba cheu, u mu dia. Ama u bi nii ŋaa Farisii tiina-la le. Nii-la kala sii bigisi u titia le, Wia janŋ kenu muuri. Ama nii-la si kenŋ u titia muuri, Wia janŋ ŋaa duu yuge.”

Yesu chuolē Wia duu p̄e hanŋbiisinŋ le

Mat. 19.13-15; Maak 10.13-16

¹⁵ Niaa donŋsunŋ kenŋ ba hanŋbiisinŋ ma kō Yesu teenŋ duu jonŋ u nisinŋ danŋba le di Wia p̄eba le. Yesu haritooro naba a kpiaba le. ¹⁶ Ba si kō nii, u bula pi u haritooro-la a bul, “Má lenŋ di hanŋbiisi-la kō mi teenŋ. Ma siba kiru. Nialinŋ si janŋ juu Wia kuorii-la tuonŋ nage hanŋbiisinŋ deenŋba ne.” ¹⁷ U bira bula pi niaa a bul, “Wutitii, mi bulaa pima, nii-la kala si bi Wia to a nage hanŋbie si yie to u nyimma ari u naanŋ nii, u bi janŋ wuo juu Wia kuorii-la tuonŋ.”

Kiaa tiina kō Yesu teenŋ

Mat. 19.16-30; Maak 10.17-31

¹⁸ Nii ne juu tinŋaa kuhianŋ kubala kō Yesu teenŋ a piesu, “Mi kuhia-zomunŋ, εε ne mi janŋ ŋaa a kenŋ miisi-la si bi dere?” ¹⁹ Nii ne Yesu piesu a bul, “Bεε ne tii ŋ yiremi kuhia-zomunŋ? Nuu-kala bi zōnŋ see Wia. ²⁰ Nŋ jinŋ wialinŋ ba si ŋmunŋsa bil di ma tuto neε? Ba ne ŋla: Sí ŋ donŋo tiina haala che. Sí niaa kpu. Sí gaa. Di ŋ ŋaa danŋsia wii le, sí wiaa nyia, fifá ŋ nyimma ari ŋ naanŋ.” ²¹ Nii ne baal-la bul, “Mi to wiaa deenŋba kala mi hanŋbiirinŋ le.” ²² U si bul nii, Yesu bula pu a bul, “Wu-bala ne ka ŋ ha janŋ ŋaa. Jonŋ ŋ kiaa kala a yalle, a jonŋ moribie-la a pi summoo, anŋ ku tomi. Nŋ ne ŋaa nii, ŋ janŋ kenŋ kiaa Wia-janŋ le.” ²³ Baal-la si nii wiinŋ deenŋ, u tuonŋ kala chei, bεε wiaa u fa kenŋ kiaa ne worunŋ. ²⁴ Yesu si na di u tuonŋ cheye, u bul, “U ŋaa wu-duo ne ari nialinŋ si kenŋ kiaa si janŋ wuo juu Wia kuorii-la tuonŋ. ²⁵ U bi hei ari bunŋanŋa si janŋ wuo to ḡeri-heminŋ buonŋ lii ari u si heye nii ni-la si kenŋ kiaa si janŋ wuo juu Wia kuorii-la tuonŋ.”

²⁶ Nialinŋ si nii Yesu si bul nii, ba piesu a bul, “Kubεε ne saa Wia janŋ laa ta?” ²⁷ Nii ne Yesu bula piba a bul, “Wii-la si janŋ kperi nuhuobiine, u bi

Wia wuo kperi. Wia wuo wii-kala ŋaa ne.” ²⁸ Njii ne Piita bula pu a bul, “Bee na, la lej la diisinj ne anj tuto ŋ hariŋ.” ²⁹ Njii ne Yesu bula piba a bul, “Wutitii ne mi bulaa pima, nii-la kala si jaŋ wuo lej u dia ari u haala koo u naanjiirinj koo u nyimma ari u naanj koo u biirinj a tinj Wia kuorii-la wiaa, ³⁰ u jaŋ bira na kiaa yuge a kii kialinj u si leje ta. Di u ne ku suu, u ma jaŋ na miisi-la si bi dere.”

Yesu bira bul u suuŋ wiaa pi u haritooroo

Mat. 20.17-19; Maak 10.32-34

³¹ Njii ne Yesu keŋ u haritooroo fii ari balia-la a kaa suusa lii a bula piba, “Má jegile nii mi teenj. Laa mu Jerusalem ne. Dime wialinj nialinj si bula, Wia Diŋ-zoŋ-la dolonj le a tige mi-na Nuhuobiine Bie le a ŋmuŋsa bil, ba jaŋ ŋaa dere. ³² Ba jaŋ jonmi he nialinj si bi Juu tinŋaa ŋaa nisinj le di ba moŋmi. Ba jaŋ tuusemi anj pe tu nanjuorunj hemi le. ³³ Ba jaŋ viiremi anj pe kpumi, ka di mi sii suuŋ le tapulaa batori cheeŋ.” ³⁴ Ama Yesu haritooro-la bi wii-la u si bula bubuonj jinj. (Wii-la u fa si bula bubuonj fa faa ne.)

Yesu vaare sullu-la si nyulima

Mat. 20.29-34; Maak 10.46-52

³⁵ Njii ne Yesu ari u haritooroo sii di ba mu Jerusalem. Ba mu kpage tan kubala baa yire Jeriko, di nyulunj kubala fa hoŋ wonjiinjinj niinj a susul kiaa. [³⁶ U si nii ni-dan-la sii bal domo, u piese, “Bee kuŋ ne?”] ³⁷ Njii ne ba bula pu ari Yesu si lii Nazaret nii bal. ³⁸ Njii ne u yire Yesu a bul, “Yesu, Devit nihiliere, fámi nennige.” ³⁹ Nialinj si laa u sipaanj kpiau le duu keŋ goŋ. Ama u faasa yire a kii njii a bul, “Yesu, Devit nihiliere, fámi nennige.” ⁴⁰ Njii ne Yesu chinj anj bul di ba keŋ nyulunj-la kaa ko u teenj. Nyulunj-la ko. ⁴¹ Njii ne Yesu piesu a bul, “Bee kuŋ ne ŋj che di mi ŋaa pinj?” U bula pu a bul, “Mi kuhianj, lej di mi siaa suri di mi nina.” ⁴² Njii ne Yesu bula pu, “Nj siaa jaŋ suri, ŋ yarida ne ŋaa ŋ duori.” ⁴³ U siaa guu suri. Njii ne u to Yesu hariŋ a didenne Wia. Ni-dan-la ma kala si na njii, ba ma kala denne Wia.

19

Zakiyas

¹ Yesu mu to taŋ kubala baa yire Jeriko. ² Di baal kubala ne fa he dime. U fa ŋaa lanpoo lilaaraa kuhianj ne. U yirinj ne fa Zakiyas. U fa keŋ kiaa ne worunj. ³ U faa che duu na Yesu, ama u fa ŋaa ni-kuu ne. A tinj ni-dan-la fa si he dime njii, u fa buu wuo na. ⁴ Njii ne u kieli ni-dan-la, a fá mu jil tia, duu wuo na Yesu. U jima duu jaŋ ku to tia-la bubuonj bal. ⁵ Yesu si ku to tia-la bubuonj bibal, u wula beŋ tia-la nyunj a nau a bula pi Zakiyas a bul, “Zakiyas, ku tuu lima. U maga di mi chua ŋ dia le ne jininj.” ⁶ Zakiyas si nii njii, u tuonj tore. U tuu lima lima a keŋ Yesu mu u dia. ⁷ Nialinj kala si he dime a na njii, ba suomo gugurime wiaa a bul, “Baala deenj mu duu chua haache diiri-la dia le ne.” ⁸ Yesu si he Zakiyas dia le njii, Zakiyas sii chinj a bula pi la Tiina Yesu a bul, “Mi kuhianj, jegile nii mi teenj. Mi jaŋ jonj mi kiaa lebi a pi sumoo. Di mi ne girime nuu maa, mi jaŋ tinj u tiina ari moribee naanjsiinj bunese.” ⁹ Njii ne Yesu bula pu a bul, “Wia laanj di ŋ dia niaa kala ta ne jininj. Baala deenj ma ŋaa Abiraham doho nuu ne, ¹⁰ bee wiaa mi-na Nuhuobiine Bie ko di mi che a laa nialinj si lele ne a ta.”

Yesu mage namaga a tige moribiinj le

Mat. 25.14-30

11 Nii ne Yesu mage namaga a pi nialin si nii wialin u si bula. Bua deen le u ka mua ka duu yi Jerusalem. Nii ne tii nialin biine ari bua-la le Wia kuorii-la si jan ko kpaga ne. 12 Nii ne u bul, "Ni-bal kubala ne sie a mu ta-bolii kubala di ba bil u kuoron, ka di u miira ko u jan a nja kuoro. 13 Ka duu-na mu, u yire u dia tintinnaa fii, a jon siidi bui a pi kun-kala, a bul di ba kaa bibirime duu mu an ko. 14 Ama u tan-la niaa bere ni-bal-la ne. Nii ne ba tin tinndaaraa ba kiri u harin mu a bula pi tan-la donjo kuoro ari ba bi cho duu nja ba tan kuoro. 15 Ka baal-la mu dii kuoron an miira ko. U si miira ko, u yire u tintinna-la u fa si jon moribii-la pa duu na ba si na nyuuron mage nii. 16 Nii ne tintinni-bunbun ko u teen a bula pi u kuhian a bul, 'Mi kuhian, n siidi bui-la n si jonjo pimi birime siidi bui fii ne.' 17 Nii ne u kuhian-la bula pu a bul, 'N nja worun. N nja tintinni-titi ne. N si nja nii a ben kubii-bie nyun worun, mi jan len di n biben tasin fii.' 18 Nii ne tintinni-liamin ma ko u teen a bul, 'Mi kuhian, n siidi bui-la n si jonjo pimi, u birime siidi bui banon ne.' 19 Nii ne u kuhian-la bula pu duu jan biben tasin banon. 20 Nii ne tintinni don-la ma ko a bula pu a bul, 'Mi kuhian, na n siidi bui-la n si jonjo pimi, mi jonjo gul geri-kosun le ne a jonjo faa. 21 Mii fan ne. N nja ni-tere ne. N yie ken niaa kiaa lilaa ne an yie kukun kialin n si bi duo.' 22 Nii ne u kuhian-la bula pu a bul, 'N nja tintinni-bon ne. Wialin titia n si bula ne jan dii n sariya a jon cheerin pin. N jima ari mi nja ni-tere ne a ken niaa kiaa lilaa an pe kukun kialin mi si bi duo. 23 Bee ne saa tii n bi mi moribii jon bil lee-la ba sii bil moribiee? Mi fa si miira ko nla, mi fa jan laa moribie-la ari mi nyuurii kala.' 24 Nii ne u bula pi u tintinni donsu-la fa si chin dime a bul, 'Ma laa siidi bui-la u teen a jonjo pi nii-la si ken siidi bui fii-la.' 25 Nii ne ba bula pu a bul, 'La Tiina, bee na, u paala ken siidi bui fii ne, an ka n che di n jon siidi bui-la a pe pu nii.' 26 Nii ne u bula piba a bul, 'Nii-la si paala ken kiaa yuge ne, Wia jan wasa che a pe a pu, ama nii-la si bi faasa ken kiaa yuge, maapilii-la ma u si kene, Wia jan kaa laa u teen. 27 Mi dinjonjon deenba saa si bi cho di mi nja ba kuoro, ma kenba kaa ko dahi di mi nja ba kpuba mi sipaan.'

Yesu juu Jerusalem

Mat. 21.1-11; Maak 11.1-11; Jon 12.12-19

28 Yesu si bul wiaa deenba dere, u jon u wonbii a laa u haritooro sipaan ba mumu Jerusalem. 29 Ba ku yi Betifagi ari Betani diirin a ku yi peel kubala baa yire Oliv. Nii ne Yesu liise u haritooro balia a tinba a bula piba a bul, 30 "Ma mu tan-la si he sipaan. Di ma ne mua, ma jan na kaku-bie di ba wobo a kii. Nuu ha buu jila. Ma mu puri a kaa ko. 31 Di ma nu puru, di ba piesema a bul di bee ne tii maa puri, ma bul di la Tiina Yesu nii che, duu ne si di ma puro kaa ko." 32 Nii ne ba mu a na wialin kala Yesu fa si bula piba. 33 Ba sii puri kaku-bie-la, u tiina pieseba a bul, "Bee ne tii maa puri kaku-bie-la?" 34 Nii ne ba bula pu a bul, "La Tiina nii che." 35 Nii ne ba ken kaku-bie-la a kaa mu pi Yesu, a wuri ba gennin a dan kaku-bie-la nyun, an ken Yesu u jila hon. 36 U si jil kaku-bie-la aa ven nii, ba jon ba gennin jere wonbii le. 37 U si mu kpaga Jerusalem, lee-la wonbii si lii Oliv peel-la nyun tuu, ni-dan-la fa si to Yesu harin suomo juuose a faasa didenne Wia a tin u wu-magila-la kala ba si na. 38 Ba bula, "Wia jan pe kuoro-la sii ko la Tiina Wia dolun le. Ba jan hon ari yarifielaa Wia-jan le. Wia yirin ma jan yire." 39 Nii ne Farisii tinjaa donsun fa si he

ni-dañ-la tuoŋ bula pi Yesu a bul, “La kuhian, ŋaa di η haritooro-la keŋ goŋ.” ⁴⁰ Nii ne Yesu bula piba a bul, “Mi jaŋ bula pima, di ba ne fa bi goŋ maa ŋaa, tabiaa ma titia jaŋ ŋaa goŋ.”

Yesu yel Jerusalem wiaa

⁴¹ Yesu sii mu nii, u ku kpage Jerusalem a na taŋ-la. U yel a tiŋ taŋ-la niaa wiaa aŋ bul, ⁴² “Mi fa cho di ma taŋ niaa deenba jin nii ma si jaŋ ŋaa a hoŋ ari yarifielaa ne jiniŋ, ama ma bi wuo na. ⁴³ Tapulii jaŋ yi di ma dindɔŋɔɔ saa jebiŋ gollima, di ma si wuo lii. ⁴⁴ Ba jaŋ kpu ma nialiŋ kala si he taŋ-la tuoŋ, ma di ma biiriŋ kala. Tabii-bie ma bira bi jaŋ daŋ u doŋo le lee-la. Ma bi seye bua-la le Wia si ko duu laama ta. Nii ne tii ba jaŋ ŋaa nii.”

Yesu juu Wia-dia

Mat. 21.12-17; Maak 11.15-19; Joŋ 2.13-22

⁴⁵ Yesu si mu juu Wia-dia, u suomo kikiri nialiŋ sii yalle kiaa dime ⁴⁶ aŋ bula piba a bul, “Ba ŋmuŋse Wia teniŋ tuoŋ a bul ari Wia si, u dia jaŋ ŋaa lee-la niaa si jaŋ chuchuoŋe Wia, aŋ ka ma miira kaa birime gaari-dia.”

⁴⁷ Tapulii-na kala Yesu yie dage niaa Wia-dia-la tuoŋ. Nii ne nialiŋ si kpu pusuj pipi Wia kuhiasin ari Wia teniŋ kerichiba ari Juu tiŋŋaa kuhiasin chiche di ba kpuu. ⁴⁸ Ama ba bi jin woŋbii-la ba si jaŋ to, beŋe wiaa nialiŋ kala fa si he dime jegile ninii wialiŋ u sii bul ne ari siifesiŋ.

20

Farisii tiŋŋaa piese Yesu u doluj wiaa

Mat. 21.23-27; Maak 11.27-33

¹ Tapulii kubala Yesu didage niaa Wia-dia le aŋ pe bubul Wia wu-zomɔ-la wiaa. Nii ne nialiŋ si kpu pusuj pipi Wia kuhiasin ari Wia teniŋ kerichiba ari Juu tiŋŋaa kuhiasin sii ko u teen. ² Ba piesu a bul, “Dol beŋe ne η keŋ a ŋiŋaa wiaa deenba? Kubee ne piŋ doluj η ŋiŋaa nii?” ³ Nii ne Yesu bula piba a bul, “Mi ma jaŋ piesema wii. Má dagemi. ⁴ Joŋ, nii-la fa sii fo niaa Wii-chuoŋe liiŋ, u doluj, u lii Wia teen neŋe koo nuhuobiine teen neŋe?” ⁵ Nii ne ba suomo keŋ wii-la lilere doŋo le aa bul, “Wu-beŋe ne laa che di la bul? Di la ne bula pu a bul di Wia teen ne u lii, u jaŋ piesela a bul, ‘Beŋe ne saa tii ma bi wialiŋ u si bula laa dii?’ ⁶ Di la ne bira si nuhuobiine teen ne, ni-dañ-la kala si hilimi daha, ba jaŋ yagela ari tabiaa, beŋe wiaa ba seye ari Joŋ fa ŋaa nii-la sii bul wiaa, Wia Diŋ-zoŋ-la doluj le ne.” ⁷ Nii ne ba bula pu a bul, “La bi jin u dol-la si lii lee-la.” ⁸ Yesu ma bula piba a bul, “Too, mi ma bi jaŋ dagema dol-la mi si keŋe bubuoŋ.”

Yesu mage namaga a tige tiŋtinnaa si he бага le

Mat. 21.33-46; Maak 12.1-12

⁹ Nii ne Yesu mage namaga a pi nialiŋ si he dime a bul, “Baal kubala ne fa he dime a bil бага a choŋse kiaa si keŋ neneŋe yuge a nage chichueŋ. Ba yiriŋ ne gireps. Nii ne u paa niaa he бага-la le di ba biben, aŋ sii mu tiŋtee doŋ a dieni dime. ¹⁰ Kialiŋ neniŋ si yie, u tiŋ u tiŋtinnaa doŋo duu mu tiŋtinna-la teen a laa tii-nene-la doŋsuŋ kaa ko. U mu ba keŋu a ŋmobu aŋ kiru, u miira keŋ na-hilliŋ a kaa mu бага tiina teen. ¹¹ Nii ne u bira tiŋ u tiŋtinna-la doŋo maa. U ma bira mu. Nialiŋ ŋmobu maa aŋ hiisu aŋ bira kiru maa, u miire ari na-hilliŋ. ¹² Nii ne u bira tiŋ ni-tori. Nialiŋ piru maa aŋ kiru ta. ¹³ Nii ne бага-la tiina bul, ‘Wu-beŋe ne mi jaŋ ŋaa? Mi jaŋ tiŋ mi bii-chooluj. N bi pɔɔ, ba jaŋ zilu.’ Nii ne u tiŋ bile u mu.”

14 Tintinna-la si nau duu kɔ, nii ne ba bula pi dɔŋɔ a bul, 'Baga-la tiina bie ne nii. Di baga-la tiina ne suba, bie deen ne jan dii u kiaa. Má len di la kpɔu, ka di baga-la ŋaa la kuŋ.' 15 Ba kenu kaa lii baga-la tuɔŋ a kpɔu." Nii ne Yesu piese nialin a bul, "Ɛe ne baga-la tiina jan ŋaa? 16 U jan kɔ a kpu tintinna-la kala arj jonj baga-la a pi ni-tania."

Nialin si nii wialin Yesu si bula, ba si di Wia bi jan sei di ba ŋaa nii. 17 Nii ne Yesu benba arj pieseba a bul, "Ba ŋmunse Wia tenin tuɔŋ ari tiebii-la dii-saaraa si via ta, u ne jan ku ŋaa tiebii-duonj ba si jonjo bil dia gentine. Wiinj deenj bubuɔŋ ne saa ŋaa beɛ? 18 Nii-la kala si tel tiebii-la nyun, u tiina jan yere muno muno. Di tiebii-la ma ne tel nuu-kala nyun, u jan yere u tiina muno muno."

Yesu bul lanpoo timin wiaa

Mat. 22.15-22; Maak 12.13-17

19 Nii ne Wia tenin kerichiba ari nialin si kpu pusun pipi Wia kuhiasin walime di ba kenj Yesu naa-buasu-la le, beɛ wiaa ba jima ari u mage namaga-la a tigeba le ne. Ama baa fá nialin si he dime ne. 20 Nii ne ba bee chiche wonbii-la ba si jan to a kenu. Ba kpál niaa a ŋaa di ba fugi ari ba ŋaa ni-titiiba ne. Ba jonj moribiee piba di ba mu a magise Yesu a piesu wiaa a na duu ne bul wii chei, di ba wuo to nii le a kenu a kaa mu he ba kuori-balinj nisinj le, duu ŋaaŋu nii kala u si cho. 21 Nii ne nialin ba si he, ba mu Yesu teenj, a piesu a bul, "La kuhianj, la jima wialin kala ŋ sii bul arj didage maa, ba ŋaa wutitiiba ne. La jima ari ŋ jonj niaa kala ba ŋaa kubala ne, ŋŋ dage Wia wonbii-titii ne. 22 U ŋaa wonbii ne di la tinj lanpoo a pi Rom tinteen kuori-balinj ba sii yire Siiza koo? Dagela." 23 Ama Yesu jinj ba bubuɔŋ. Nii ne u pieseba a bul, 24 "Má kenj moribii-biinj kaa kɔ mi bee na. Kubee nyun ne he dime? Kubee yirinj ma ne ba tuuro he moribie-la le?" Nii ne ba si, "Siiza yirinj ne." 25 Nii ne Yesu bul, "Tɔɔ, má jonj Rom tinteen kuori-bal-la kiaa a pu, arj jonj Wia ma kiaa pu." 26 U si bul nii, ba bi wii-kala na ba si jan wuo to nii le kenu nialin si he dime sipaanj. Wialin u si bula ŋaaba wu-kpunj kperɛ, ba niinj kala maa.

Yesu bul wiaa a tige nialin si sii suunj le

Mat. 22.23-33; Maak 12.18-27

27 Nii ne Sadusii tinŋaa dɔnsunj ma kɔ Yesu teenj. Niaa deenba laa dii ari nialin si suba bira bi jan sii suunj le. Nii ne ba piesu a bul, 28 "La kuhianj, Moosis dagela Wia tenin tuɔŋ ari baal ne jaa haala, di haal-la ari baal-la ne bi bii lula, arj ka di baal-la suu, duu ŋaana jaa yo-haal-la a lul biirinj pi u malima si suba, di biiri-la chinj u nyun le. 29 Naanbiirinj balipe ne fa he dime bua kubala le. Ba kuhianj jaa haala. Ba di haal-la bi bii lula, arj ka u suu. 30 Liaminj tiina jonj haal-la jaa. Ba duu ma bi bii lula, arj ka u ma suu. 31 Torimunj tiina ma jonj haal-la jaa. U ma nii titia ne. Nii ne naanbiiri-la balipe kala jaa haal-la. Ba kala suu arj bi bii lula. 32 U nii harinj haal-la ma suu. 33 Tapulii-la niaa si jan sii suunj le, baalaa deenba balipe tuonj kubee ne jan tii haal-la? Ba kala balipe ne jaau."

34 Nii ne Yesu bula piba a bul, "Baala-la ari haala-la si he ba miisinj le leele, ba níi jaa dɔŋɔ. 35 Ama bua-la le baala-la ari haala-la si jan sii suunj le a kenj miisi-la si bi dere, ba bira bi jan jaa dɔŋɔ. 36 Ba jan nage Wia tinɔdaaraa a bira bi jan suu. Wia si chiseba suunj le nii, ba jan ŋaa Wia biirinj. 37 Moosis fa paala chaasa dage ari ba jan chise nialin si suba suunj le di ba wei. U fa bul Wia tenin seme dɔŋɔ ari la Tiina Wia ne ŋaa Abiraham Wia ari Aizik Wia ari Jekɔb ma Wia. Lee-la u fa si bul wiaa a tige tii-bie-la

síi dii nyinin le ne, u fa bul nii. ³⁸ U si bul nii daga ari u nna ni-weyee Wia ne. U bi jan wuo nna nialin si suba Wia." ³⁹ Nii ne Wia tenin kerichiba donsun bula pu a bul, "La kuhian, n bul worun ne." ⁴⁰ Ba bira bi nyu-duon kene di ba piесе Yesu wii-kala.

Ba piесе Kirisito, nii-la Wia si liisa, wiaa

Mat. 22.41-46; Maak 12.35-37

⁴¹ Nii ne Yesu piесеba, "Ee ne ba jan wuo bul ari Kirisito, nii-la Wia si liisa, jan nna Devit nihiliere dunɗunɗa?" ⁴² Devit titia bula Wia tenin seme donɗo ba sii yire Saams a bul,

'Mi Tiina Wia bula pi mi Tiina,
duu hon u seme, ni-duon di-honun,

⁴³ see duu yuo dii u dinɗonɗoo kala dere.'

⁴⁴ Devit titia yire nia deen u Tiina. Ee ne saa u jan wuo nna Devit nihiliere dunɗunɗa?"

Yesu bul Wia tenin kerichiba wiaa

Mat. 23.1-36; Maak 12.38-40

⁴⁵ Nii ne Yesu bula pi u haritooroo nialin kala sipaan a bul, ⁴⁶ "Ma ken ma titia worun Wia tenin kerichiba le. Ba yie gugolle yobo le ari ba geriduduosun, a cho di niaa jujonba jirima a chuchuleba. Ba yie chiche di-hon-zonɗoo Wii-chuole diisin le. Di ba ne yireba di ba ku dii kiaa, ba cho di ba hon ni-balaa di-honoo maa. ⁴⁷ Ba yie fugo chuole Wia didieni a ken yo-haalaa kiaa kaa laa didii. Bua-la le Wia si jan dii ba sariya, ba ne jan na heen a kii ba donsun tinjaa kala."

21

Yo-haala jon kiaa pi Wia

Maak 12.41-44

¹ Bua kubala Yesu he Wia-dia le a na nialin si ken kiaa si jon ba moribiee bil a pipi Wia. ² Nii ne u bira na yo-haal ma si jon amiisinba balia a ma he.

³ Nii ne u bula pi nialin a bul, "Wutitii ne mi bulaa pima, yo-haala deen moribii-bie-la u si jon he, u ne kii nialin moribie-la kala. ⁴ Nialin kala si jon moribiee a pi Wia, ba liisa an ka ne. An ka u-na jon u summu moribiin kala a he, ku-la kala u si kene ne nii."

Yesu bul nii Wia-dia si jan tel

Mat. 24.1-2; Maak 13.1-2

⁵ Nii ne Yesu haritooroo donsun bul wiaa a tige Wia-dia-la le a bul duu zomɗo, di u tiebie-la ba si kaa saau ma zomɗo, a bira bul nii niaa si jon ku-zonɗoo a pi Wia ba kaa wase dia-la, ba kala ne nna dia-la zon nii. ⁶ Nii ne Yesu bul, "Bua kubala jan yi, ba jan nmoo kiaa deenba kala ma sii na a lo. Ba bi jan len di tiebii-bala ma dan u donɗo le."

Yesu bul nii ba si jan dogise nialin sii tou

Mat. 24.3-14; Maak 13.3-13

⁷ Nii ne ba piесе Yesu a bul, "La kuhian, bua bee le ne wiaa deenba jan nna? Bee kiaa ne la jan na, ka di wiaa deenba-na nna?" ⁸ Nii ne Yesu bula piba a bul, "Ma ken ma titia worun di nuu-kala sima nyisu," a bira bul, "Niaa jan yuge a ko a jon mi yirin he ari ba ne nna Kirisito, a bul di bua-la dunia si jan dere kpaga ne. Ama ma si ba harij to. ⁹ Ma jan nii ari laalin ari yuosun he daha a he di-boloo maa. Di ma ne ku nii nii, ma si lenje di

ma boisin jonj. Wiaa deenba kala jan n̄aa bal, ama u n̄ii saa bi naga ari dunia diderin yie n̄e.”

¹⁰ N̄ii n̄e Yesu bira bul, “Tin̄teen̄ d̄on̄o n̄iaa jan̄ sii a mu yuo tin̄teen̄ d̄on̄o n̄iaa. Tan̄ kuoro ari u n̄iaa jan̄ sii giri a mu yuo kuoro d̄on̄o ari u n̄iaa. ¹¹ Tin̄teen̄ jan̄ zigili worun̄, losun̄ ma jan̄ juu, nyanyalaa jan̄ juu n̄iaa leree yuge, wu-bal-lorun̄ ari wu-magilaa kala jan̄ n̄aa wia nyun̄. ¹² Ka di wiaa deenba kala-na n̄aa, ba jan̄ kesema a to naasin̄ d̄ogisema. Ba jan̄ jon̄ma he n̄iaa n̄isin̄ le di ba dii ma sariya Wii-chuole diisin̄ le a ken̄ma to dia. Ba jan̄ ken̄ma kaa mu kuoro ari ni-balaa sipaan̄ a tin̄ mi wiaa. ¹³ Bua deen̄ le n̄e ma jan̄ wuo na won̄biin̄ a bul Wia wu-zom̄o-la. ¹⁴ Má ken̄ ma titia he d̄on̄o le a sí lēne duu walimema n̄ii ma si jan̄ bul wiaa a laa ma titia, ¹⁵ b̄e wiaa mi jan̄ jon̄ wu-jimin̄ a he ma nyun̄ le di ma bul wialin̄ ma din̄d̄on̄o si bi jan̄ wuo kaa lere ari wutitii dee. ¹⁶ Ma nyimmaba ari ma naan̄biirin̄ ari ma doho n̄iaa ari ma nan̄d̄on̄sun̄ paala jan̄ jon̄ma he ma din̄d̄on̄o n̄isin̄ le. Ba jan̄ kpu ma d̄on̄sun̄. ¹⁷ Nuu-kala jan̄ berema a tin̄ mi wiaa. ¹⁸ Ama ma kun̄ nyu-pun̄ ma bi jan̄ lel. ¹⁹ Di ma n̄e nyalima, ma jan̄ laa ma miisin̄.”

Yesu bul ari ba jan̄ n̄moo Jerusalem lo

Mat. 24.15-21; Maak 13.14-19

²⁰ N̄ii n̄e Yesu bira bul, “Di ma n̄e na di laali-yuoro gollu Jerusalem, ma jan̄ jin̄ ari tan̄-la jan̄ tel lēle. ²¹ N̄ii-na má len̄ di nialin̄ si he Judiya le fá mu jil peelee nyun̄. Nialin̄ ma si he tan̄-la tuon̄, u maga di ba lii tan̄-la tuon̄. Nialin̄ ma si he ba bagisin̄ le, ma sí miira juu tan̄-la tuon̄. ²² Tapulii-la Wia jan̄ d̄ogise Iziral n̄iaa, a len̄ di wialin̄ kala ba si bula Wia tenin̄ tuon̄ sene ku bal. ²³ Haala-la si ken̄ luoro ari haala-la si ken̄ bii-mullun̄ baa wase yilin̄, tapulia-la le ba jan̄ na heen̄. Tin̄tee-la kala jan̄ na heen̄ worun̄. Wia jan̄ na baanin̄ tin̄teen̄ deen̄ n̄iaa nyun̄ a d̄ogiseba. ²⁴ Ba jan̄ kpu d̄on̄sun̄ ari tokobee, an̄ kese d̄on̄sun̄ di ba ma n̄aa yosun̄ tin̄tee-d̄on̄sun̄ le, ka nialin̄ si bi juu tin̄n̄aa n̄aa yigi Jerusalem tan̄-la kala lo, see bua-la yie di Wia piba won̄biin̄ di ba len̄.”

Yesu bula pi n̄iaa duu jan̄ miira ko

Mat. 24.29-31; Maak 13.24-27

²⁵ N̄ii n̄e Yesu bira bul, “N̄iaa jan̄ na wu-magilaa wii-p̄osun̄ ari chene ari ch̄en̄wulaa le. Dunia kala le, n̄iaa bi jan̄ jin̄ wii-la kala le ba si he. Di muḡi-balaa n̄ii huuru, fawullun̄ jan̄ ken̄ba. ²⁶ Fawullun̄ jan̄ ken̄ n̄iaa di ba yen̄ji a tin̄ ba sii yiele wii-la si jan̄ n̄aa dunia kala le. Ba jan̄ kiri wia nyun̄ kialin̄ kala si ken̄ dolun̄ di ba lii ba leree. ²⁷ N̄ii le n̄e ma jan̄ na mi-na Nuhuobiine Bie di mi to duon̄bilin̄baanin̄ tuon̄ kuu tuu. Mi jan̄ ken̄ dolun̄ a chaane kin̄ken̄. ²⁸ Di wiaa deenba suomo a n̄in̄aa, má sii chin̄ a ken̄ ma digilaa wuoli, b̄e wiaa bua-la le Wia si jan̄ laama ta yie n̄e.”

Yesu bul tutogo wiaa

Mat. 24.32-35; Maak 13.28-31

²⁹ N̄ii n̄e Yesu mage namaga piba a bul, “Má bee na tutogo ari tiisin̄ d̄on̄sun̄. ³⁰ Di ma n̄e na tiisin̄ di ba suomo tutose, ma jima yibiin̄in̄ jua n̄e. ³¹ N̄ii titia n̄e, di ma n̄e na wiaa deenba kala mi sí dagema di baa n̄aa, ma jin̄ ari Wia kuorii-la kpage n̄e. ³² Wutitii n̄e, mi bulaa pima, ma lēle n̄iaa deenba si he ma miisin̄ le, ma bi jan̄ suu, ka wiaa deenba n̄aa bal. ³³ Wia nyun̄ ari tin̄teen̄ kala jan̄ dere, ama wialin̄ mi si bula bi jan̄ lel.

³⁴ Má keŋ ma titia, a sí wu-fuoloo ɲɪŋaa, a sí sinin nyua bubugi. Ma sí leŋe di dunia kɪaa wɪaa walimema. Di wɪaa deenba níi walimema, tapulii-la mi-na Nuhuobiine Bie si jaŋ kɔ, u jaŋ guu ku di-ma le a nage ba si he beré, kɪaa vene mu juu-u le aŋ bi jin ɲii. ³⁵ Tapulii-la jaŋ keŋ dunia nuu-kala lee-kala le. ³⁶ Má pɔ a chuchuoŋe Wia bua-na kala le. Di ma ne ɲaa ɲii, ma jaŋ keŋ doluŋ a lii wialin kala si jaŋ ɲaa le ari yarifielaa a wuo chin mi-na Nuhuobiine Bie sipaan.”

³⁷ Yesu fa yie he Wia-dia le wiiheyɛ ari chichuoŋ kala a didage nɪaa. Di didaanin ne yie-na kala, u yie mu Oliv pel-la nyuŋ ne a pin. ³⁸ Siipuraa-na kala saa nɪaa yie mu Wia-dia di ba jegile níi wialin u síi bul.

22

Ba vuura di ba kpu Yesu

Mat. 26.1-5; Maak 14.1-2; Jɔɔŋ 11.45-53

¹ Tapulaa deenba, diisin kielin gbiele-la kpaga ne, gbiele-la le ba si yie dii boroboro-la si bi si-buruŋ keŋe. ² Nii ne nialin si kpu pusun pipi Wia kuhiasin ari Wia tenin kerichiba wiwalime di ba na wonbii-la ba sí jaŋ to a kpu Yesu di nialin bi jin, beɛ wɪaa baa fá nialin ne.

Judas seye duu joŋ Yesu yalle

Mat. 26.14-16; Maak 14.10-11; Jɔɔŋ 11.45-53

³ Nii ne Sitaani ku juu baal kubala. U fa ɲaa Yesu haritooroo fii ari baliia-la doŋɔ ne. U yirin ne Judas. Baa yiru Isikarɔt ma ne. ⁴ Nii ne Judas sii mu bula pi nialin si kpu pusun pipi Wia kuhiasin ari Wia-dia kuhiasin ɲii u si jaŋ to a keŋ Yesu yalla piba. ⁵ Ba tuon tɔre. Ba sei ari ba jaŋ pu moribiee. ⁶ Nii ne Judas sei, a suomo chiche wonbii-la u si jaŋ to a keŋ Yesu yalla piba di nialin bi jin.

Yesu ari u haritooroo dii diisin kielin gbiele kudiilee

Mat. 26.17-25; Maak 14.12-21; Jɔɔŋ 13.21-30

⁷ Nii ne gbiele-la le ba si yie dii boroboro-la si bi si-buruŋ keŋe yi, bua-la le u si maga di ba kpu pie-bie-la ba si jaŋ kaa ɲaa gbiele-la kudiilee. ⁸ Nii ne Yesu tin Piita ari Jɔɔŋ a bul di ba mu ɲaa ba diisin kielin gbiele kudiilee di ba dii. ⁹ Nii ne ba piesu a bul, “Nii ne ɲɛ che di la ɲaa kudiile-la?” ¹⁰ U bula piba a bul, “Bee na, di ma ne juu tan tuon, ma jaŋ cheŋ baal kubala duu kori lon ari liin. Má to u harin juu dia-la u síi juu. ¹¹ Di ma ne mua, má bula pi dia-la tiina a bul, ‘La kuhian si la piesin di nii le ne nuhuoraa dia he, di ba di u haritooroo juu honɔ dii diisin kielin gbiele-la kudiilee?’ ¹² U jaŋ dagema dii-bal kubala. U ɲaa lusun nyun dia ne. Ba wasu kala. Lee-la ne ma jaŋ ɲaa kudiile-la.” ¹³ Nii ne ba mu a na wialin kala u si bula piba ari ba jaŋ na, a ɲaa diisin kielin gbiele kudiile-la ba dii.

Kudiile-la la si jaŋ dii a liliisi Yesu wɪaa

Mat. 26.26-30; Maak 14.22-26; 1 Kɔr. 11.23-25

¹⁴ Bua-la si yie di ba dii kudiile-la, Yesu ari u nanɔɔba kala honɔ di ba dii kɪaa. ¹⁵ Nii ne Yesu bula piba a bul, “Mi fa paala cho di la di ma dii kɪaa deenba, aŋ ka di mi-na na heɛŋ. ¹⁶ Mi jaŋ bula pima ari mi bira bi jaŋ kɔ di mi dii kudiilee deenba, see bua-la le Wia kuorii-la si jaŋ kɔ. Nii le ne la jaŋ jin kudiile-la la si die bubuoŋ.” ¹⁷ Nii ne u joŋ nyunyuala ari sinin a lolle Wia aŋ joŋo pi u nanɔɔba-la a bul, “Má laa nyunyuala deen ari sinin a kaa kpaa ma titia. ¹⁸ Mi bulaa pima, mi bira bi jaŋ kɔ di mi nyua

siniŋ deen, see bua-la ɛ Wia kuorii-la si jaŋ kɔ.” ¹⁹ Njii ne Yesu bira joŋ boroboro a ɔllɛ Wia aŋ kaa chɔge chɔge, a joŋo piba aŋ bul, “Mi yaraa ne njii. [Mi joŋo pi Wia a tiŋ ma wiaa, má laa dii. Má ŋaa njii a liliisi mi wiaa.” Njii ne ba dii. ²⁰ Ba si dii kialin dere, u bira joŋ nyunyuala ari sin-la a piba aŋ bul, “Nyunyuala ari siniŋ deen ŋaa nji-falii ne Wia ta. Mi chalin si jaŋ jaŋe ma wiaa ne ti Wia ta nji-la.] ²¹ Má bee na, nii-la si jaŋ keŋmi yalle he la tuɔŋ ne, la kala didii kaa. ²² Mi-na Nuhuobiine Bie, mi jaŋ suu ari Wia si dage njii, ama nii-la si jaŋ joŋmi yalle, u jaŋ na heeŋ yuge.” ²³ Njii ne Yesu nanjɔɔba-la suomo pipiese doŋo ari ba tuɔŋ kubee ne jaŋ ŋaa njii?

Yesu haritooroo keŋ ba tuɔŋ kuhian wiaa kaa lilere

²⁴ Njii ne Yesu haritooroo keŋ ba tuɔŋ kuhian wiaa kaa lilere. ²⁵ Yesu bula piba a bul, “Nialin si bi juu tinŋaa ŋaa keŋ ba dolun kaa hoŋ ba niaa nyun ne. Kuoroo doŋsuŋ sii beŋ niaa, ba cho di nialin ba sii beŋ keŋba kaa yiyire ni-zɔmɔ. ²⁶ Ama u bi maga di ma njaa njii. U maga di ma tuɔŋ kuhian ne birime hanbie, di ma sipaa-laara ma tiŋ tintinŋaa pipima. ²⁷ Nuu ne hoŋo, aŋ ka u doŋo ŋaa kudiilee pupu u didii. Ba di nii-la si ŋaa kudiile-la pupu, ba tuɔŋ kubee ne yuga? Nii-la si hoŋo, ka ba ŋaa kudiilee pupu, u ne yuga. Ama mi-na he ma tuɔŋ a tiŋ tintinŋaa pipima.

²⁸ Mi si he ma teen njii, mi na heeŋ woruŋ. Aŋ ka ma chin mi seme aŋ bimi via ta. ²⁹ Mi Nyimma pimi dolun ne di mi ŋaa kuori-balin. Njii titia ne mi ma jaŋ pima dolun di ma ŋaa kuori-balaa. ³⁰ La di ma kala jaŋ dii kudiilee Wia kuorii-la tuɔŋ. Ma jaŋ hoŋ kuori-kpasinnin nyun a dii Iziral tinŋaa ta-gentisi-la fii ari balia-la sariya.”

*Yesu bula pi Piita ari u jaŋ bul duu buu jin
Mat. 26.31-35; Maak 14.27-31; Joŋ 13.36-38*

³¹ Njii ne Yesu bula pi Saamɔŋ Piita a bul, “Saamɔŋ, Sitaani laa wonbiin ne duu magise ma kala, duu pore ni-zɔŋɔɔ ni-boŋɔɔ ɛ, ari paara si yie chaare mii-joŋruŋ ta, aŋ ka mii-biin njii. ³² Ama mi chuɔle Wia pi ŋ-na Saamɔŋ ne di ŋ yarida si lel. Di ŋ ne miira kɔ mi teen, pe ŋ naanbiirin ma le di ba chin ba yarida naan le woruŋ.” ³³ Njii ne Piita bula pu a bul, “Mi Tiina, mi sii to ŋ hariŋ njii, di ba ne toŋ dia maa, mi paala ŋaa siri ne di ba keŋmi ma to. Di ba kpuŋ maa, mi ma ŋaa siri ne di mi suu.” ³⁴ Njii ne Yesu bula pi Piita a bul, “Piita, ji-bele bi jaŋ yel, aŋ ka di ŋ bul naanjin butori ari ŋ bimi jin.”

Yesu bula pi u haritooro-la moribee ari tokobee wiaa

³⁵ Njii ne Yesu piese u haritooroo a bul, “Bua-la ɛ mi si tinŋma, ma lii aŋ bi moribee koo sulli-gbanŋin ma koro, a bi neŋteŋŋee tun bulia bulia ma koro. Ma si mu njii, ma che kuŋ ne kaa?” Ba bul di ba bi kuŋ-kala che ka. ³⁶ Njii ne Yesu bula piba a bul, “Ama leele ma ku-la kala si keŋ moribee koo sulli-gbana, u maga duu joŋ. Ma ku-la ma kala si bi tokobii keŋe, u maga duu joŋ u geri-balin yalle ne a yɔɔ doŋo. ³⁷ Njii ne ba ŋmuŋse Wia tenin tuɔŋ. Ba bula ari ba jaŋ keŋu pe wu-boŋ njaaara ɛ. Wiaa deenba ba ŋmuŋsa a tigemi le ne. Ba kala jaŋ ŋaami le ne, bee wiaa wialin kala ba si ŋmuŋsa a tigemi le, ba kala jaŋ sene ŋaa a dere.” ³⁸ Njii ne u haritooroo bula pu a bul, “La Tiina, bee na, tokobee balia ne ŋla.” Njii ne Yesu bula piba a bul, “Má len di wii-la kala bal.”

*Yesu chuɔle Wia pel-la nyun ba sii yire Oliv
Mat. 26.36-46; Maak 14.32-42*

³⁹ Njii ne Yesu lii Jerusalem le a jil peel-la nyun ba sfi yire Oliv, ari u si venee naa njii. Njii ne u haritooroo to u harij mu. ⁴⁰ Ba si yi lee-la, u bula piba a bul, "Má chuole Wia, di Sitaani sí wuo nyisema." ⁴¹ U si bul njii dere, u kieli u haritooro-la a mu sipaan muapilii, a tuu kpirimi duu chuole Wia. ⁴² U chuole Wia a bul, "Mi Nyimma, di η tuotorun le ne, liise hee-la sii komi le. Ama mi-na tuotorun le dee η-na tuotorun le ne." [⁴³ Njii ne Wia tinjara kubala lii wia nyun a ku tuu u teen a pu dolun. ⁴⁴ U tuon faasa chei kinkej kinkej. Njii ne u faasa chuole Wia ari siifiesin. U suolun paala nage chalin a tutuu tinjeen.] ⁴⁵ U si chuole Wia dere, u sii a miira mu u haritooroo teen, di ba pin don, bee wiaa ba tuon cheye ne worun. ⁴⁶ Njii ne u pieseba, "Ma sene pin nee? Má sii chuole Wia, di Sitaani sí wuo nyisema."

Ba kej Yesu

Mat. 26.47-56; Maak 14.43-50; Joon 18.3-11

⁴⁷ Yesu ha sfi bul wiaa njii, di ni-dan ko. Yesu haritooro-la fii ari balia-la donjo ne kenba kaa ko lee-la. U yirin ne Judas. Ba si ko, Judas mu Yesu teen a guoru. ⁴⁸ Njii ne Yesu bul, "Judas, η sene guorimi nla ne di η jon mi-na Nuhuobiine Bie yalle?" ⁴⁹ Yesu haritooro-la fa si he dime a na wii-la sfi naa, njii ne ba piese Yesu a bul, "La Tiina, ηη che di la kej la tokobie-la taba nee?" ⁵⁰ Njii ne Yesu haritooroo donjo jon tokobii, a ta nialin donjo na-diiη digilin kiesee. Baal-la fa naa nii-la si kpu pusun pipi Wia kuhian yomo ne. ⁵¹ Njii ne Yesu bul di u maga ne, di ba len. U si bul njii, u digi baal-la digilin le a naa u fiele. ⁵² Njii ne Yesu piese nialin si kpu pusun pipi Wia kuhiasin ari Wia-dia kuhiasin ari ba tan kuhiasi-la si ko di ba kenu, a bul, "Mi naa gaaru nee? Ma sfi kori tokobiee ari tanguloo a kuko di ma kenmi?" ⁵³ La di ma kala ne fa he Wia-dia le tapulii-na kala, an ka ma bi walima di ma kenmi dime. Ama bua deen le ne birimin tiina Sitaani pima dolun ma wuo ko di ma kenmi."

Piita si u bi Yesu jin

Mat. 26.57-58, 69-75; Maak 14.53-54, 66-72; Joon 18.12-18, 25-27

⁵⁴ Njii ne ba kej Yesu. Ba kenu kaa mu nii-la si kpu pusun pipi Wia kuhian dij, ka Piita daa tuto ba harij. ⁵⁵ Di ba he nyinin kaala tuon. Ba si jua, Piita mu pe nialin sfi wieni nyin-la le. ⁵⁶ Toli-bie kubala ma he dime. U fa naa dia-la tinjinnu ne. U na Piita duu hono aa wieni nyinin. U bul, "Baala deen ma faa to Yesu harij ne." ⁵⁷ Njii ne Piita si, "Haal, mi paala buu jin." ⁵⁸ Muapilii di baal kubala ma nau a bul, "N ma naa ba donjo ne." Njii ne Piita bira bul duu dee. ⁵⁹ U bi diene bira di baal don ma ne njii a pese ari Piita naa Yesu haritooroo donjo ne, bee wiaa u ma naa Galilii tiina ne. ⁶⁰ Njii ne Piita bira bula pu a bul, "Baal, mi paala bi wii-la η sfi bul jin." Piita sfi bul njii, u bi bula dere di ji-bele ye. ⁶¹ Njii ne la Tiina Yesu daase a berj Piita. U liisi wii-la Yesu fa si bula pu ari u jan bul naansiin butori ari u bi u-na Yesu jin, ka di ji-bele-na yel. ⁶² Njii ne Piita lii a faasa yel.

Ba sieri Yesu le an ηmobu

Mat. 26.67-68; Maak 14.65

⁶³ Njii ne nialin si po Yesu sieru le an ηmobu. ⁶⁴ Ba woo u siaa to a ηmobu an piesu duu dage nii-la si ηmobu. ⁶⁵ Ba bul wiaa ma yuge a tuusu.

Ba kej Yesu ko nialin si yie hilime vuvuure wiaa sipaan

Mat. 26.59-66; Maak 14.55-64; Joon 18.19-24

⁶⁶ Tanj si pula, Juu tinjmaa tanj kuhiasinj ari nialinj si kpu pusunj pipi Wia kuhiasinj ari Wia teninj kerichiba, ba hilimi a lenj ba kenj Yesu ko ba sipaanj, lee-la ba si yie hilime wuvuure wiaa. ⁶⁷ Nii ne ba piesu a bul, "Dagela, nj ne nja nii-la Wia si liisaa?" Nii ne Yesu bula piba a bul, "Di mi ne bula pima maa, ma bi janj laa dii. ⁶⁸ Di mi ne saa bira piesema wii maa, ma bi janj bul wii-kala, ⁶⁹ ama a lii leele a kaa mu mi-na Nuhuobiine Bie janj honj Wii-balinj seme, ni-duonj di-honunj." ⁷⁰ Nii ne ba kala piesu a bul, "Nj ne saa nja Wia Bie koo?" Nii ne Yesu bula piba a bul, "Ma bul worunj ne, mi ne sene nja Wia Bie." ⁷¹ Nii ne nialinj bul, "La bira bi siada tiina kala ka che. La titia nia wii-la u si bula ne."

23

Ba kenj Yesu kaa mu Paalit sipaanj

Mat. 27.1-2, 11-14; Maak 15.1-5; Jooj 18.28-38

¹ Nii ne niaa deenja kala sii, a kenj Yesu a kaa mu Paalit teenj. ² Dimo ne ba suomo a bul wialinj u si njaa chei a bul, "La kenj baala deenj duu nyise la niaa di ba via la wonjii-la la sii to, anj bul di ba si lanpoo ma time pi Rom tinjteenj kuori-balinj. U bira bula a tige u titia le di u ne nja Kirisito, nii-la Wia si liisa, a bul duu nja kuoro ma." ³ Nii ne Paalit piesu a bul, "Nj ne nja Juu tinjmaa kuoro koo?" Yesu bula pu a bul, "Oo, mi ne." ⁴ Nii ne Paalit bula pi nialinj si kpu pusunj pipi Wia kuhiasinj ari ni-danj-la kala si hilime a bul, "Mi bi wii-la na baala deenj si njaa chei a mage di ba kpuu." ⁵ Nii ne nialinj sii bul Yesu teenj ha pese a bul, "U dage niaa a nja ba njjaa taawei ne. U suomi nii Galilii le ne, a sii ko Judiya tinjteenj, a golle lee-la kala aa dageba, a nja ba njjaa taawei anj leele ko Jerusalem ma njla."

Ba kenj Yesu mu Herod teenj

⁶ Paalit si nii ari Yesu lii Galilii ne, u piese nialinj sii bul Yesu teenj a bul, "Baala deenj nja Galilii tiina nee?" Nii ne ba bula pu di kuoro Herod ne faa benj tinjee-la Yesu si lia. ⁷ Paalit si nii nii, u nja ba kenu kaa mu Herod teenj. Bua-la le di Herod he Jerusalem le. ⁸ Herod tuonj kala tore u si na Yesu, bee wiaa u nii u wiaa faafaa kala ne a yie chiche duu nau. U faa che di Yesu nja wu-kpunkpere ne duu na. ⁹ Nii ne Herod piese Yesu wiaa yuge, ama u bi wii bula. ¹⁰ Nialinj si kpu pusunj pipi Wia kuhiasinj ari Wia teninj kerichiba-la sii tuora mu Yesu le a faasa bul u teenj worunj. ¹¹ Herod ari u laali-yuoro sieri Yesu le a dogisu, anj lenj ba jonj geri-balinj ku-zonj kubala laalu, anj miira kenu mu Paalit teenj. ¹² Herod ari Paalit faa yuo donjo ne. A lii tapulii-la ne, ba sinj a dii nanjonjonj.

Ba si di ba kenj Yesu mu kpu

Mat. 27.15-26; Maak 15.6-15; Jooj 18.39-19.16

¹³ Nii ne Paalit yire nialinj si kpu pusunj pipi Wia kuhiasinj ari Juu tinjmaa kuhiasinj ari niaa donjonj a bula piba a bul, ¹⁴ "Ma kenj baala deenj kaa ko mi teenj a bula pimi ari u nja di niaa via wonjii-la la sii to ne. Mi saa piesu ma kala sipaanj. Wialinj ma sii bul u teenj a bul duu cheye, mi bi ba tuonj kubala ma na duu njaa chei. ¹⁵ Herod ma si bi na u si nja wii-la chei, nii ne tii u lenj ba bira kenu kaa ko daha. Ma bee na, baala deenj bi wii-kala njaa chei a mage di ba kpuu. ¹⁶ Mi janj lenj di ba viiru anj jonjo ta." [¹⁷ Ama diisinj kielinj gbiele-la ne yie-na kala, ba yie lenj Paalit liise dansarikaba tuonj kubala ne a ta, nii-la Juu tinjmaa si cho di ba liisa.]

18 Nii ne nialinj kala kpia goŋ a bul di ba kpu Yesu aŋ liise Barabas piba. 19 Bua kubala le, niaa sii ŋaa taawei ne ba ta-balinj le. Barabas kpu nuu, nii ne tii ba kenu mu to dia. 20 Paalit si cho duu joŋ Yesu ta, nii ne u bira suomo bul wiaa pi ni-dan-la. 21 Ama ba faasa kpia goŋ a bul, "Má kpaasu daa-geseɛ nyuŋ, má kpaasu daa-geseɛ nyuŋ!" 22 Nii ne Paalit pieseba naanjiinj butorimunj a bul, "Bee ne tii? Bee kuŋ ne baala deen ŋaa chei, ka mi-na bi na? Mi-na bi na u si ŋaa wii-la chei a mage di ba kpuu. Mi jaŋ lej di ba viiru aŋ joŋu ta." 23 Ka ba ha pese, a faasa kpia goŋ a bul, "U maga di ba keŋ Yesu a kpaase daa-geseɛ nyuŋ ne." Ba sii ŋaa goŋ nii, Paalit ku sei ba kua 24 a bul di ba keŋ Yesu kpaase daa-geseɛ nyuŋ, ari nialinj fa si sul nii. 25 Nii ne Paalit liise nii-la ba fa si cho a ta, nii-la ba fa si kaa to dia a tiŋ u si ŋaa taawei a kpu niaa le. U joŋ Yesu a he ba nisinj le di ba ŋaa wii-la ba si cho.

Ba keŋ Yesu kpaase daa-geseɛ nyuŋ

Mat. 27.32-44; Maak 15.21-32; Joŋ 19.17-27

26 Nii ne ba keŋ Yesu kaa lii di ba kaa mu kpaase daa-geseɛ nyuŋ. Ba sii mu nii, ba cheŋ baal kubala baa yire Saamɔŋ a lii Sariini, duu lii бага a juuu Jerusalem. Ba kenu a joŋ daa-gese-la baasu a ŋaa u kaa tuto Yesu harinj. 27 Ni-dan-la ma to u harinj. Ba tuɔŋ haalaa yuga a yiye Yesu wiaa. 28 Nii ne Yesu miira daaseba aŋ bula piba a bul, "Jerusalem haalaa, ma si mi wiaa yel. Má yel ma titia ari ma biirinj wiaa. 29 Bee na tapulaa ka ko ne, niaa jaŋ bul, 'Ha-piraa ari haala-la si bi biirinj lula di ba dieɛ, ba tuɔŋ jaŋ toɛ.' 30 Bua-la le ne niaa jaŋ bul di peelee tele toba, di dunɔllunj ma jere toba. 31 Mi si nage tii-weyinj, aŋ ka ba dogisemi ŋla, ee ne ba jaŋ ŋaama ma le, ma ma si nage tii-hilia le?"

32 Ba si keŋ Yesu mu nii, ba keŋ ni-boŋɔɔ balia ma kaa mu di ba kpuba a pe Yesu le. 33 Nii ne ba mu yi lee kubala baa yire nyu-kunjkogulo. Ba si yi lee-la, ba joŋ Yesu ari ni-boɔɔ-la balia a kpaaseba daa-geseɛ nyuŋ. Doŋɔ he daa-geseɛ nyuŋ si he Yesu na-diinj, doŋɔ ma he daa-geseɛ nyuŋ si he u na-gua. 34 Nii ne Yesu chuɔle Wia a bul, "Mi Nyimma, joŋ wii-la ba si ŋaa a cheba, bee wiaa ba bi jinj wii-la kala ba sii ŋaa." Nii ne ba toŋse Yesu genninj wiaa di ba kpaas, a jinj geri-la nuu-kala si jaŋ laa. 35 Niaa doŋsunj ma chinj dime a bibenj, aŋ ka juu tinŋaa kuhiasinj sisieru le a bul, "Duu ne ŋaa Kirisito, nii-la Wia si liisa, má lej duu laa u titia ta yei. U wuo laa niaa tita ne." 36 Laali-yuoroo ma sieru le a ŋaa sininj si nyala kaa mu pu duu nyua 37 aŋ bula pu duu ne ŋaa juu tinŋaa kuoro, duu laa u titia ta. 38 Ba ma ŋmunsa mere u daa-gese-la le a bul, "Juu tinŋaa kuoro ne ŋla."

39 Nii ne ni-boɔɔ-la doŋɔ ma si sage daa-geseɛ nyuŋ tuuse Yesu a bul, "N ne ŋaa nii-la Wia si liisa koo? Saa laa ŋ titia ta aŋ pe laala ma ta." 40 Nii ne ni-boɔɔ-la doŋ-la kpiau le a bula pu a bul, "N bi Wia ka fáa? La duu kala ne juu wu-bala. 41 U maga di ba ŋaala-na nii ne, bee wiaa la ŋaa wu-boŋ ne, aŋ ka u-na bi wii-kala ŋaa chei." 42 Nii ne aŋ ka u bula pi Yesu a bul, "Yesu, di ŋ ne dii kuorunj, liisi mi ma wiaa." 43 Nii ne Yesu bula pu a bul, "Wutitii ne mi bulaa pinj, la dinj kala jaŋ he Wia-jaŋ jininj."

Yesu suba

Mat. 27.45-56; Maak 15.33-41; Joŋ 19.28-30

44 Wia si ku mage nyu-gbaŋa, lerinj kala biri lim a mu yi didaaninj, ka lerinj bira pulle. 45 Patiisa ne fa he Wia-dia tuɔŋ. Ba kaa kere. U kiɛɛ balia. 46 Nii ne ka Yesu faasa yire a bul, "Mi Nyimma, mi joŋ mi titia a he ŋ

nisiŋ le.” U bul nŋi ne aŋ wiesi u wiesi kati aŋ suu. ⁴⁷ Nŋi ne di laali-yuoroo zolo kuhianŋ kubala fa chinŋ dime. U na wii-la si ŋaa, a denne Wia a bul, “Wutitii, baala deenŋ fa ŋaa tuo-pul tiina ne, u bi wii-kala cheye.” ⁴⁸ Nialinŋ kala fa si hilime dime di ba na wii-la si janŋ ŋaa aŋ l  le na wii-la si ŋaa, ba paa ba nisaa chunŋ ba nyunŋ le a miira mu dia. ⁴⁹ Nialinŋ kala fa si jinŋ Yesu, ari haala-la kala fa sii to u hariŋ a lii Galilii ko, ba chinŋ di-bolii a na wiaa deenŋba kala.

Ba hugi Yesi

Mat. 27.57-61; Maak 15.42-47; J  ŋ 19.38-42

⁵⁰⁻⁵¹ Baal kubala ma ne fa he dime. U yirinŋ ne Josef. U fa ŋaa Juu tiina ne a lii Arimatiya. U fa ŋaa nialinŋ si yie hilimi a vuvuure wiaa doŋo ne. U fa ŋaa tuo-pul tiina ne. Niaa ma jujonŋ jirima. U ma fa gber e Wia kuorii-la ne duu ko. Ba fa sii vuure di ba kpu Yesu a sen e ŋaa nŋi a kpuu, u fa bi seye. ⁵² Nŋi ne u sii mu Paalit teenŋ a sul Yesu ku-suunŋ. Paalit leŋ u mu sori. ⁵³ U sori Yesu nŋi, a jonŋ geri-pula a beu, a jonŋ hugi. U kenu kaa mu hugi bunŋ ba si loso le ne. Ba ha bi nuu-kala hugo dime. ⁵⁴ Tapulii-la di ba ŋaa siri didaaninŋ a gber e ba che-wiesii-la. ⁵⁵ Haala-la fa si to Yesu hariŋ a lii Galilii ko, ba to Josef hariŋ a mu na bunŋ-la, a na nŋi u si hugi Yesu. ⁵⁶ Nŋi ne ba miira mu dia a che tulaali di ba kaa mu tise Yesu. Che-wiesii-la cheenŋ ba sii a wiesi. Wialinŋ Moosis fa si ŋmunŋsa bil di niaa tuto bul nŋi ne.

24

Yesu sii suunŋ le

Mat. 28.1-10; Maak 16.1-8; J  ŋ 20.1-10

¹ Lahadi cheenŋ siipuuraa, haala-la sii a kenŋ tulaalii-la a kaa mu bua-la lerinŋ. ² Ba si yi lee-la, ba na di tabii-la ba fa si kaa to bua-la niinŋ suro. ³ Nŋi ne ba juu bua-la tuonŋ, ama ba bi la Tiina Yesu ku-suunŋ na. ⁴ Ba chinŋ dime a bi jinŋ wii-la kala ba si janŋ ŋaa. Ba ŋaa di ba beŋ, di baalaa balia ne chinŋ ba seme nŋi. Ba genninŋ faasa tutul. ⁵ Fawullunŋ kenŋ haala-la. Ba kenŋ ba nyusunŋ gure. Nŋi ne baala-la pieseba a bul, “Be e ne tii ma chiche nii-la si weye ni-suununŋ tuonŋ?” ⁶ U tuo daha. U sie ne. M a liise mu yi wii-la u fa si bula pima le, bua-la le u fa si he Galilii le. ⁷ U fa bula pima ari ba janŋ jonŋ u-na Nuhuobiine Bie a he haache diiree nisiŋ le di ba kpaasu mere daa-gese e nyunŋ duu suu, aŋ ka duu sii suunŋ le tapulaa batori cheenŋ.” ⁸ Nŋi ne haala-la liise yi wii-la u fa si bula piba. ⁹ Ba miira lii bua-la lerinŋ a mu bula pi Yesu haritooro fii ari kubala-la, ari nialinŋ doŋsunŋ fa sii to u hariŋ wialinŋ kala si ŋaa. ¹⁰ Haala-la si mu bua-la lerinŋ ne ŋla: M eri Magidalinŋ, Juana ari Jeems naanŋ M eri. Ba di haalaa doŋsunŋ ne bul wiaa deenŋba si ŋaa a pi Yesu nanŋzoba-la. ¹¹ Ama Yesu nanŋzoba-la fa biina ari wii-la haala-la si bula ŋaa wu-nyariŋ ne. Ba bi laa dii. [¹² Ama Piita sii a f a mu bua-la lerinŋ, a mu juu bua-la, a beŋ a na genni-la ba fa si jonŋ be Yesu di ba pina, aŋ ka u bi kunŋ-kala na. Nŋi ne u miira mu dia a kenŋ wii-la si ŋaa a bibiine. U kperu.]

Niaa balia fa sii to Yesu hariŋ mu taŋ kubala baa yire Emeyas

Maak 16.12-13

¹³ Tapulii-la titia ne niaa balia fa sii to Yesu hariŋ mumu taŋ kubala baa yire Emeyas. Emeyas ari Jerusalem yi ari meel-daasinŋ balipe ne. ¹⁴ Ba sii mu taŋ-la nŋi, ba bula pipi doŋo wialinŋ kala si ŋaa. ¹⁵ Ba sii bul wialinŋ nŋi a

vuvuure, nii ne Yesu titia ku yiba ba kala viveri. ¹⁶ Ba nau, ama ba bi wuo jin ari u ne. ¹⁷ Nii ne Yesu pieseba a bul, “Wu-bee ne maa bul nii wonjbiinj lee?” Nii ne ba chin, ba tuon kala chei. ¹⁸ Ba tuon donjo yirin ne Kiliapas. Nii ne Kiliapas piesu a bul, “N dunduja ne nja nuhuoru a he Jerusalem le a bi wii-la si nja tapulaa deenba niaa?” ¹⁹ Nii ne u pieseba a bul, “Wu-bee ne nii?” Nii ne ba bula pu a bul, “Wii-la si nja Yesu si lii Nazaret le. Baala deen fa nja nii-la fa sii bul wiaa, Wia Din-zon-la dolun le ne. Wialin u sii nja ari wialin u sii bul fa ken dolun Wia ari nuhuobiinee kala teen. ²⁰ Nialin si kpu pusun pipi Wia kuhiasin ari juu tinjaa kuhiasin jonu he Paalit nisin le duu kpuu. Nii ne Paalit nja ba kpaasu mere daa-gese ne nyun u suu. ²¹ La faa yiele ari u ne nja nii-la si ko duu laa Iziral tinjaa ta. Ba si kpu Yesu nii, u tapulaa batori ne jinin. ²² La di haala-la donsun fa sii to Yesu harin ku bul wii pila. U kperila. Ba sii mu bua-la lerin siipuura a an bi Yesu ku-suun na. ²³ Ba ku bul nii pila. Ba bula ari ba na Wia tinjaaraa ari duosoo tuon. Ba bula piba ari Yesu weye ne. ²⁴ La tuon donsun ma mu bua-la lerin a na ari wii-la haala-la si bula nja wutitii ne. Ba bi Yesu na.” ²⁵ Nii ne Yesu bula piba a bul, “Ni-yaaraa, ma digilaa yunje, ma bi wialin nialin fa sii bul wiaa, Wia Din-zon-la dolun le laa dii. ²⁶ Ma bi jin ari u maga di nii-la Wia si liisa, na heen ne an-na juu u kuorii-la tuon a laa yirin?” ²⁷ Nii ne Yesu bula piba wialin kala ba si nmunsa Wia tenin tuon a tigeu le, a suomi ten-la Moosis si nmunsa a kaa mu tenni-la kala nialin sii bul wiaa, Wia Din-zon-la dolun le si nmunsa le. U dageba wialin kala bubuon.

²⁸ Ba sii mu nii, ba ku kpage tan-la ba sii mu. Nii ne Yesu nja a nage duu ha kiele mu ne. ²⁹ Nii ne ba kenu lere bil di tan bire, duu len di ba chua. Nii ne u juu di ba pin. ³⁰ Ba si he dia tuon, ba hon di ba dii kudiilee. Nii ne Yesu jon boroboro a chuole Wia an kaa choge piba di ba dii. ³¹ U si nja nii, ba siaa luome ba jin ari Yesu ne. Ka u lel ba sipaan. ³² Nii ne ba bula pi donjo a bul, “La yaraa fa fiela ne worun u si bul wiaa pipila wonjbiinj le, an pe didage la Wia tenin wialin bubuon.” ³³ Nii ne ba sii lima lima a miira mu Jerusalem, a na Yesu haritooro-la fii ari kubala, ari nialin donsun ma fa sii to Yesu harin. ³⁴ Nii ne Yesu haritooro-la fii ari kubala-la bula piba a bul, “La Tiina Yesu sene sii ne. U ken u titia kaa ko dage Saamon ne!” ³⁵ Nii ne nialin baliamin ma bul wii-la si nja wonjbiinj le, ari nii ba si ku jin ari la Tiina Yesu ne. Ba si di bua-la le u si ken boroboro choge a piba le ne ba jin ari u ne.

Yesu ken u titia ku dage u haritooro

Mat. 28.16-20; Maak 16.14-18; Jon 20.19-23; Yesu nanj. tintinja 1.6-8

³⁶ Nialin balia sii bul wialin nii, di Yesu titia ne chin ba tutuobaanin nii [a bula piba a bul, “Ma jan hon ari yarifielaa.”] ³⁷ Nii ne fawullun kenba, ba biina ari ni-dima ne ba na nii. ³⁸ Nii ne Yesu pieseba a bul, “Bee ne tii fawullun kenma maa walime ma titia? Bee ne tii ma tuobiinaa vugime nii?” ³⁹ Ma bej a na mi nisaa ari mi naasin a jin di mi ne. Ma dige na. Ma jima ari ni-dima bi yaraa kene ari mi si ken nii.” [⁴⁰ U si bul nii, u ken u nisaa ari u naasin kala a dageba di ba na.] ⁴¹ Ba ha bi laa dii, ka wii-la sima piba kinken. U njaaba wu-kpunkpere. Nii ne u pieseba a bul, “Ma ken kudiilee nee?” ⁴² Nii ne ba jon chenfilin ba si wasa a pu. ⁴³ U laa chan ba sipaan.

⁴⁴ Nii ne u bula piba a bul, “Mi fa bula pima ari wii-na kala ba fa si nmuṅsa a tigemi le jaŋ ṅaa wutitii. Ba nmuṅse wiaa a tigemi le wialin tuon Moosis fa si nmuṅsa bil di niaa tuto ari wialin tuon nialin fa sii bul wiaa, Wia Din-zon-la dolun le fa si nmuṅsa, ari wialin tuon ba si nmuṅse Wia tenin seme dono ba sii yire Saams. Ba kala ku ṅaa wutitii.” ⁴⁵ Nii ne Yesu ṅaa ba keŋ wu-jimin di ba wuo jin Wia tenin wiaa bubuon. ⁴⁶ Nii ne u bula piba a bul, “Nla ne ba nmuṅsa bil: ‘U maga di Kirisito, nii-la Wia si liisa na heŋ a suu aŋ sii suu le tapulaa batori cheŋ.’

⁴⁷ Ba bira nmuṅsa di niaa jaŋ bul Wia wiaa, nii-la Wia si liisa dolun le, dunia lee-na kala, a bula piba di ba birima lii ba haacheba le di Wia jon ba haacheba cheba, di ba suomo ṅaa nii Jerusalem le.” ⁴⁸ Nii ne Yesu bira bula piba a bul, “Ma ṅaa wiaa deerba kala si ṅaa siada, di ma wuo bula pi niaa. ⁴⁹ Má bee na, mi jaŋ jon ku-la mi Nyimma si si u jaŋ jon pima a hema le. Ama má gberɛ Jerusalem le, see bua-la yie di dolun lii Wia teen a ku tuu hema le.”

Wia jon Yesu jil Wia-jaŋ

Maak 16.19-20; Yesu nanz. tɔŋtɔŋaa 1.9-11

⁵⁰ Nii ne u keŋ u haritooro-la ba lii ta-bal-la le a jon wonbiin a mumu Betani diirin. Dime ne u keŋ u nisaa kaa chu toba le aŋ chuole Wia piba di Wia peba le. ⁵¹ U ha si chuole Wia pipiba nii a susulu duu peba le, nii ne u sii ba teen, [ka Wia jonu kaa jil Wia-jaŋ.] ⁵² Nii ne ba chuolu aŋ miira mu Jerusalem. Ba tuon kala faasa tore. ⁵³ Ba yie juu Wia-dia bua-na kala le a chuchuele Wia.

WIA WU-Zጋጠጋ-LA ገገገ SI Nጠጠጠ

Wii-la si pi niaa miisin

¹ Ka di Wia ne ስaa dunia, wii-la fa he dime ne, u fa he Wia teen ne. Ba di Wia kala fa ስaa kubala ne. ² Buገbuገ kala ne u fa he Wia teen. ³ U le ne Wia to a ta kuገ-kala. Kuገ-kala si he dunia le, u ne ta. ⁴ Wii-la fa weye ne a keገ pulumuገ kaa ku pi niaa. ⁵ Puluገ-la chaane birimiገ tuጋገ, biriገ-la bi puluገ-la wuo to.

⁶ Nii ne Wia tiገ u tiገdaara kubala baa yire ገገገ. ⁷ U ne ko duu bul puluገ-la wiaa pi niaa. U ስaa ስii di nuu-kala wuo nii a tou le a laa puluገ-la wiaa dii. ⁸ ገገገ fa dee bi puluገ-la ስaa, ama u ta ko duu bul puluገ-la wiaa ne a pi niaa.

⁹ Nii ne puluገ-la titia ku tuu dunia duu chaana he nuu-kala le. ¹⁰ U fa he dunia-la le Wia si tou le ta ne, ama dunia niaa buu jiገ. ¹¹ U ko u titia jaገ, ama u jaገ niaa buu laa. ¹² Aገ ka niaa doገsuገ-na laau a laa u wiaa dii. Nii ne u piba woገbiገ di ba wuo ስaa Wia biiriገ. ¹³ Niaa deገba bi naga baala si jiገ u haala ba lul biiriገ ስii ne. Wia titia ne ስaa ba Nyimma.

¹⁴ Nii ne wii-la birime nuhuobiine a ku he la tuጋገ. U fa he la teen a fifala nennige woruገ, a keገ wutitii. La na u si keገ yiriገ. Yiriገ deገ u Nyimma Wia ne joገ pu, ari u ne ስaa u Bie kala. ¹⁵ ገገገ bul u wiaa pila. Wialinገ u si heele bul ne ስla: "Nii-la si jaገ to mi hariገ ko, u ne kiimi, beገ wiaa u he dime ne, ka ba-na lumli." ¹⁶ Ku-la kala u si keገ, la ma na kpaalinገ u tuጋገ ne. U yie fala nennige a pela le bua-na kala le. ¹⁷ Wia to Moosis le ne a bil u niገገ pila. Ama Yesu Kirisito le ne Wia to a fala nennige a pela le woruገ, a dagela wutitii. ¹⁸ Nuu-kala ha bi Wia naa. U Bii-bala-la si hoገ u seme ne dagela u wiaa.

ገገገ bula ari u dee bi Kirisito ስaa

Mat. 3.1-12; Maak 1.1-8; Luuk 3.1-18

¹⁹ Juገ tiገገaa fa si he Jerusalem le tiገ nialinገ si kpu pusuገ pipi Wia ari nialinገ ba sii yire Liivai timma, ba ko ገገገ teen a piesu a bul, "Kubeገ ne ስ ስaa?" ²⁰ Nii ne ገገገ bi wiaa nyia aገ chaasa bul ari u dee Kirisito, nii-la Wia si liisa. ²¹ Nii ne ba bira piesu a bul, "Kubeገ ne saa ስ ስaa? ገ ne ስaa Ilaaja?" U bul duu dee. Nii ne ba bira piesu, "ገ ne ስaa nii-la sii bul wiaa, Wia Diገ-zoገ-la doluገ le la sii gberu?" U bira si duu dee. ²² Nii ne ba bira piesu, "Kubeገ ne saa ስ ስaa? U maga di ስ dagela, di la mu bula pi nialinገ si tiገla. Wu-beገ ne ስ bul a tige ስ titia le?" ²³ Nii ne ገገገ bul, "Mi ne ስaa yiikori-la si he giri-bine tuጋገ aa bul, 'Ma wase woገbiገ bil di la Tiina ko.' ገla ne Azaaya fa bul di ma ስaa." Azaaya fa ስaa nii-la sii bul wiaa, Wia Diገ-zoገ-la doluገ le ne.

²⁴ Nialinገ fa si ku piese ገገገ wiaa deገba, Farisii tiገገaa ne fa tiገba. ²⁵ Nii ne ba bira piese ገገገ a bul, "ገ dee bi Kirisito ስaa, nii-la Wia si liisa, ስ dee bi Ilaaja ma ስaa, ስ bira bi nii-la sii bul wiaa, Wia Diገ-zoገ-la doluገ le ma ስaa. Beገ ne saa tii ስ fufo niaa Wii-chuoገ liገ?" ²⁶ Nii ne ገገገ bul, "Mi sii fo niaa Wii-chuoገ liገ, liገ duገduገa ne mi kaa fufoba, ama nuu doገ ne he ma tuጋገ ስii, ka ma buu jiገ. ²⁷ U ne to mi hariገ ko. Mi paala bi maga di

mi keŋ u neŋteŋŋeŋe ŋmeŋiŋ ma kaa puri.” 28 Ba sii bul wiaa deenba kala ŋii, Betani le ne ba he, Jɔɔdan fuo-la seme doŋɔ. Lee-la ne Jɔɔŋ faa fo niaa Wii-chuoŋe liiŋ.

Jɔɔŋ bul Wia piesi-la wiaa

29 U taŋ si pula, Jɔɔŋ na Yesu duu ko. U si nau, u bul, “Bee na, Wia Pie-bie-la ne ŋii. U ne laa dunia haache ta. 30 Baala deen wiaa ne mi faa bul ŋii, mi si bula ari nuu ne jaŋ ko mi hariŋ. U ne kiimi, u he dime ne, ka ba-na lulmi. 31 Mi fa bi jin nii-la kala u si ŋaa. Ama mi ta ku fufo niaa Wii-chuoŋe liiŋ ne, di Iziral tiŋŋaa ku jimu.” 32 Wialiiŋ Jɔɔŋ si bula pi niaa a tigeu le ne ŋla: U si, “Mi na Wia Diŋ-zɔŋ-la duu lii wia nyuŋ a nage kokomo, a ku tuu togiliu le. 33 Mi ma titia fa buu jin. Ama Wia si tiŋmi di mi fo niaa Wii-chuoŋe liiŋ, u ne bula pimi a bul, ‘Ŋ jaŋ na Wia Diŋ-zɔŋ-la duu ku tuu a he nuu le, tiina ne jaŋ jɔŋ Wia Diŋ-zɔŋ-la a he niaa le!’ ” 34 Ŋii ne Jɔɔŋ bira bul, “Mi sene nau a bulaa pima ari u ne ŋaa Wia Bie.”

Nialiiŋ si laa sipaŋ ku to Yesu hariŋ

35 U taŋ si pula, Jɔɔŋ ari u haritooroŋ balia bira chin lee-la a na Yesu. 36 Jɔɔŋ si nau duu bal, ŋii ne u bul, “Bee na, Wia Pie-bie-la ne ŋla.” 37 U haritooro-la balia nii u si bul wiin deen a to Yesu hariŋ. 38 Yesu miira daase, di baa to u hariŋ. U pieseba a bul, “Bee kuŋ ne maa che?” Ŋii ne ba ma piesu a bul, “La kuhian, nii le ne ŋ jujuu?” 39 Ŋii ne Yesu bula piba a bul, “Má ko na mi sii juu lee-la.” Ŋii ne ba to u hariŋ mu a na lee-la u sii juu. Bua-la le ŋaa didaaniiŋ ne. Ŋii ne ba he u teen wii-kaaniiŋ tiire juu. 40 Nialiiŋ balia fa si nii wii-la Jɔɔŋ si bula a to Yesu hariŋ, doŋɔ yirin ne Anɖuru. U fa ŋaa Saamɔŋ Piita ŋaana ne. 41 Ŋii ne Anɖuru ma che u malima Saamɔŋ leriiŋ, a bula pu a bul, “La na Kirisito, nii-la Wia si liisa.” 42 U keŋ Saamɔŋ kaa ko Yesu teen. Ŋii ne Yesu benu aŋ bula pu a bul, “Ŋ ne Jɔɔŋ bie Saamɔŋ. Ba jaŋ keniiŋ kaa yire Kiifas.” Kiifas ari Piita fa ŋaa yiri-bala ne. U bubuoŋ ne buŋ.

Yesu yire Filip ari Nataniel

43 U taŋ si pula Yesu sii duu mu Galilii tiŋteen. Ŋii ne u na Filip a bula pu a bul, “To mi hariŋ.” Ŋii ne Filip to u hariŋ. 44 Filip fa lii Betisaada ne, taŋ-la Anɖuru ari Piita ma si lia. 45 Ŋii ne Filip na Nataniel a bula pu, “La na nii-la, u wiaa ne Moosis fa ŋmuŋsa bil di niaa tuto ŋii. Nialiiŋ sii bul wiaa, Wia Diŋ-zɔŋ-la doluŋ le ma fa bul u wiaa ne, ba ŋmuŋsa bil. Ba fa ŋmuŋsa ari u ne Josef bie Yesu a lii Nazaret.” 46 Ŋii ne Nataniel piesu a bul, “Ŋ ha na ku-zɔŋ duu lii taŋ-la ba sii yire Nazaret?” Ŋii ne Filip bula pu a bul, “Ku nau.” 47 Yesu si na Nataniel duu ko u teen, u bubul u wiaa a bul, “Nia deen ŋaa Iziral tiina titii ne. U keŋ wutitii.” 48 Ŋii ne Nataniel piesu a bul, “Ee ne ŋ ŋaa jinmi?” Ŋii ne Yesu bula pu a bul, “Mi naŋ ne ŋ si hoŋ tutogo bubuoŋ, ka Filip-na yirin.” 49 Ŋii ne Nataniel bula pu a bul, “Kuhian, ŋ ne ŋaa Wia Bie. Ŋ ne ŋaa Iziral tiŋŋaa kuoro maa.” 50 Ŋii ne Yesu piesu, “Mi si bula bul di mi naŋ di ŋ hoŋ tutogo bubuoŋ ne tii, ŋ laa mi wiaa dii koo? Ŋ jaŋ na wu-kpunŋkerisin a kii ŋla.” 51 Ŋii ne Yesu bula pu a bul, “Wutitii ne mi bulaa pin, ma jaŋ na wia nyuŋ duu suro, di Wia tiŋdaaraa lii dime a ku tuu mi-na Nuhuobiine Bie teen, aŋ miira jijil.”

¹ Tapulaa balia si bala, baa che di ba gbieli ha-jaari gbiele taŋ kubala le baa yire Keena. Keena he Galilii tinŋteen le ne. Yesu naan ma fa he dime. ² Ba fa yire Yesu ari u haritooroo maa ha-jaari gbiele-la lerin. ³ Ba sii gbieli gbiele-la nii, ba nyunyua sinin. Ba si nyua sinin kala dere, Yesu naan bula pu di sin-la dere ne. ⁴ Nii ne Yesu bula pu a bul, "U bi maga di ŋ dagemi nii mi si jan ŋaa. Bua-la le mi si jan tin tinŋŋaa ha bi yie." ⁵ Yesu naan saa bula pi dia-la tinŋinnaa a bul, "Má ŋaa wii-la kala u si bula pima." ⁶ Juu tinŋaa fa keŋ ba Wii-chuoŋe wonbiin ne aa soŋ liin. Nii wiaa pupoi-balaa balidu ma fa he dime ari liin. Kuŋ-kala tuoŋ liin yi galaŋ mara a kaa mu galaŋ mara ari fii. ⁷ Nii ne Yesu bula pi dia-la tinŋinnaa a bul, "Má ŋaa liin a su pupoye-la." Ba ŋaa liin su pupoye-la pilim pilim. ⁸ Nii ne Yesu bira bula piba di ba ŋaa lii-la pupoi-la tuoŋ a kaa mu pi nii-la sii beŋ gbiele-la. Ba ŋaa mu pu. ⁹ U laa lii-la nyua a na lii-la, duu birime sinin. U bi jin lee-la ba si na sin-la. Ama dia-la tinŋinnaa-na jin. Nii ne u yire haal-la tiina ¹⁰ a bula pu a bul, "Gbiele-na kala, lee-na kala ba yie laa sipaan ne a keŋ si-zomun a lii ba nyua. Nuu-kala si nyua voŋe, ŋ saa-na keŋ sin-la si bi sin a kaa to harin ko. Ka ŋ-na joŋ si-zomun bil harin u ku yi bua deen kala le."

¹¹ Yesu si ŋaa liin birime sinin Keena le Galilii tinŋteen ne ŋaa u wu-magil-bunbun u si ŋaa. Dime ne u dage nii Wia dolun si heu le. U haritooroo si na nii, ba laa u wiaa dii.

¹² A lii gbiele-la harin Yesu ari u naan ari u ŋaanaa ari u haritooroo sii mu Kapenam tinŋteen a he dime tapulaa banmene.

Yesu juu Wia-dia

Mat. 21.12-13; Maak 11.15-17; Luuk 19.45-46

¹³ U ka mua, ka di Juu tinŋaa diisin kielin gbiele-la yi. Nii ne Yesu sii mu Jerusalem a juu Wia-dia. ¹⁴ U si juu dime, u na niaa di baa yalle nesin, piesee ari kokosun. Nialin sii yere moribiee ma hoŋ ba teebulba nyun. ¹⁵ Nii ne Yesu keŋ ŋmenin a birime chiba a kiri nialin ari ba piesee ari ba nesin kala ta ba lii Wia-dia-la le, aŋ keŋ moribii-yiyerile-la ma teebulba-la kaa birima chu, aŋ keŋ ba moribii-biin ma jaase tinŋteen. ¹⁶ Nii ne ka u bula pi nialin ma sii yalle kokosun a bul, "Má kaa lii dia-la tuoŋ. Ma si mi Nyimma dia kaa birime yoba." ¹⁷ U haritooroo liisi wii-la ba si ŋmunse Wia tenin tuoŋ a bul, "Wia-dia wiaa ka diimi ne worun a nage nyinin." ¹⁸ Nii ne Juu tinŋaa miira ko u teen a piesu, "Beŋ kuŋ wu-magil ne ŋ jan wuo joŋo dagela ari ŋ keŋ dolun di ŋ wuo ŋaa wiin deen?" ¹⁹ Nii ne Yesu bula piba a bul, "Má ŋmoo Wia-dia deen lo, mi jan wuo joŋ tapulaa batori a bira saau." ²⁰ Nii ne ba bula pu a bul, "Jisin mahin balia ari balidu ne ba joŋo saa Wia-dia deen, ka ŋ-na bul di ŋ jan keŋ tapulaa batori saau koo?" ²¹ Ama Yesu si bul Wia-dia-la wiaa nii, u titia yaraa wiaa ne u bubul nii. ²² Bua-la le u si sii suun le ne u haritooroo liisi a yi wii-la u fa si bula le. Nii ne ba laa wialin ba fa si ŋmunsa Wia tenin tuoŋ dii, a laa wialin ma Yesu si bula dii.

²³ Yesu fa si he Jerusalem le, diisin kielin gbiele-la le, niaa yuga a laa u wiaa dii a tin ba si na wu-magila-la u sii ŋaa le. ²⁴ Ama Yesu bi u titia kaa pulle ba teen, beŋ wiaa u jin nuhuobiinee kala ne worun. ²⁵ U fa bi maga di nuu-kala bira bul nuhuobiinee wiaa pu, beŋ wiaa u fa jin nuhuobiinee tuoŋ wu-kenin kala ne.

3

Nikodiimas cheŋ Yesu

1 Baal kubala ne fa he dime. Baa yire Nikodiimas. U fa ŋaa Juu tinŋaa kuhian ne a he Farisii tinŋaa paati tuon. 2 Titan kubala u sii ko Yesu teen a bul, “Kuhian, la jima ari ŋ ne ŋaa nii-la Wia si ta di ŋ dage niaa. Nuu-kala bi jaŋ wuo ŋaa wu-magila-la ŋ sŋi ŋaa, see di Wia pe tiina le.” 3 Nŋii ne Yesu bula pu a bul, “Wutitii ne mi bulaa piŋ, nuu-kala bi jaŋ wuo juu Wia kuorii-la tuon, see di ba wasa lul tiina.” 4 Nŋii ne Nikodiimas piesu a bul, “Ee ne ba-nihian jaŋ wuo ŋaa di ba bira wasa lulu? U jaŋ bira wuo juu u naaŋ luorun di u bira wasa luluu koo?” 5 Nŋii ne Yesu bul, “Wutitii ne mi bulaa piŋ, nuu-kala bi jaŋ wuo juu Wia kuorii-la tuon, see di Wia jon u Diŋ-zon-la he tiina le, di tiina ma pe fo Wii-chuoŋe liiŋ. 6 Nuhuobiine yie lul nuhuobiine u keŋ miisŋ ne tinŋeeŋ deen le. An ka Wia ma yie jon u Diŋ-zon-la a heu le duu keŋ miisŋ Wia teen. Nuhuobiine bi Wia Diŋ-zon-la jaŋ wuo jon he nuu le. 7 Si leŋe duu ŋaa wu-kpunŋkperere ŋ le mi si bula piŋ ari u maga di ba wasa luluŋ. 8 Peliŋ yie lu lee-na kala u si cho ne. N ninii u domo, ama ŋ bi jiiŋ lee-la u si lii ko, koo ŋ bira bi jiiŋ lee-la u sŋi mu. U saa nage ŋii ne nuu-kala le Wia si jon u Diŋ-zon-la heu le.” 9 Nŋii ne Nikodiimas piese, “Ee ne wiin deen jaŋ wuo ŋaa?” 10 Nŋii ne Yesu bula pu a bul, “N ŋaa kerichi-bal ne Iziral tinŋeeŋ le, an ka be ne tii ŋ bi wiin deen bubuon jiiŋ? 11 Wutitii ne mi bulaa piŋ, la yie bul wii-la la si jima ne, a ŋaa siada ari wii-la la si na. Ama ma kuŋ-kala bi che di ma sei wii-la la si bula. 12 Mi bul dunia wiaa ne pipiŋ, ka ŋ bi laa dii. Ee ne saa ŋ jaŋ wuo laa dii di mi ne bul Wia-jaŋ wiaa piŋ?” 13 Nuu-kala ha bi Wia-jaŋ jila, see mi-na Nuhuobiine Bie si lii dime ku tuu. 14 Moosis fa si he giri-bine tuon, u fa keŋ hoon a libi dimiŋ, a jon meŋe daan le a kaa jee. Nŋii titia ne ba jaŋ kpaase mi-na Nuhuobiine Bie ma daan le a kaa jee, 15 di nuu-kala si laa mi wiaa dii, u jaŋ wuo keŋ miisi-la si bi dere.

16 Wia cho dunia niaa a mu kieli, ŋii ne tii u jon u Bii-bala a pila, di nii-la kala si laa u wiaa dii, u bi jaŋ leŋ, ama u jaŋ keŋ miisi-la si bi dere. 17 Wia bi u Bie ta duu ku tuu laa dunia niaa wiaa jiiŋ, ama duu laa dunia niaa ta. 18 Nuu-na kala si laa Yesu wiaa dii, u bi jaŋ dii u tiina sariya a jon cheeriŋ pu, ama nii-la kala si bi u wiaa laa dii, u paala dii u tiina sariya a jon cheeriŋ pu, be wiaa u bi Wia Bii-bala-la wiaa laa dii. 19 Wii-la si tii Wia dii dunia niaa sariya a jon cheeriŋ piba ne ŋla: Pulumun ku tuu dunia ne, ama niaa cho birimiŋ ne a kii pulun-la, be wiaa baa ŋaa wu-boŋŋo ne. 20 Nuu-na kala sŋi ŋaa wu-boŋŋo bi pulumun cho, u bi pulumun tuon lii, be wiaa u bi che di u wu-boŋo-la lii pulumun. 21 Ama nuu-na kala sŋi ŋaa wu-zonŋo cho pulumun a yie lili pulumun tuon, di niaa wuo na ari u ŋaa wu-zom-la Wia dolun le ne.”

Ἰωάν cheŋ Yesu

22 Nŋii hariŋ ne Yesu ari u haritooro lii Jerusalem a mu Judiya tinŋeeŋ, a dieni mua dime aa fo niaa Wii-chuoŋe liiŋ. 23 Joon ma fa he lee kubala baa yire Aanon le a kpage Seelim aa fo niaa Wii-chuoŋe liiŋ, be wiaa liiŋ fa yuga kiŋkeŋ dime. Niaa faa mu u teen u fufoba Wii-chuoŋe liiŋ. 24 (Bua-la le di ba ha bi Joon kaa to dia.)

25 Nŋii ne Joon haritooro donsun ari Juu tiina kubala keŋ liiŋ somun wiaa a kaa lilere. 26 Ba mu Joon teen a piesu a bul, “La kuhian, ŋ liisi baal-la fa si he Joon fuo-la seme donŋo wiaa ne, nii-la ŋ si bul u wiaa?”

dime læle sene bi η bal-titii ηaa. Ἡ bul wutitii ne pimi.” ¹⁹ Ἡii ne haal-la bula pi Yesu a bul, “Mi Tiina, u naga η ηaa nii-la sii bul wiaa, Wia Diη-zoη-la doluη le ne.” ²⁰ Haal-la bira bula pu a bul, “La-na Samaria tinηaa naabalimaba, baa chuole Wia peeliiη deen ηyuη ne, aη ka ma Juu tinηaa si, di Jerusalem ne lee-la la si maga di laa chuole Wia.” ²¹ Ἡii ne Yesu bula pu a bul, “Bua kubala jaη yi, niaa si bi jaη chuole la Nyimma Wia peeliiη deen ηyuη koo Jerusalem le. Laa wiin η deen dii. ²² Ma-na Samaria tinηaa sene bi jin nii-la ma sii chuolu. La-na Juu tinηaa jin Nii-la la sii chuolu ne. Nii-la le Wia si jaη to a laa dunia niaa ta, u lii Juu tinηaa tuoη ne. ²³ Bua kubala jaη yi, u paala yi ne, nialiiη si jaη sene chuole Wia, ba jaη chuole la Nyimma Wia ari wutitii, Wia Diη-zoη-la doluη le. Ἡii ne Wia che di niaa chuchuolu. ²⁴ Wia ηaa ni-dima ne, nialiiη sii che di ba chuolu, u maga di ba chuolu ari wutitii, u Diη-zoη-la doluη le.” ²⁵ Ἡii ne haal-la bula pu di u jima ari nii-la ba sii yire Kirisito, nii-la Wia si liisa, u jaη ko. Di u ne ko, u jaη dageba wii-na kala. ²⁶ Yesu miira bula pu a bul, “Mi ne ηii, mi nii bul wiaa η teen ηii.”

²⁷ Bua-la di Yesu haritooro miira ko. U kperiba ba si ku nau, duu bul wiaa haal-la teen. Ama ba kuη-kala bi niin suru a piesu a bul, “Bee ne ηη che u teen?” Koo ba bira bi piesa bul, “Bee ne ti η bubul wiaa haal-la teen?”

²⁸ Ἡii ne haal-la leη u pupoiη dime, aη miira mu jaη tuoη, a yire niaa a bula piba, ²⁹ “Ma ko na baal kubala si wuo dage wialiiη kala mi si ηaa. Nia deen ne saa ηaa Kirisito, nii-la Wia si liisaa, koo?” ³⁰ Niaa si nii wiin deen, ba lii mu Yesu teen. ³¹ Bua-la le di Yesu haritooro ka sulu a bul, “La kuhian, laa kiaa dii.” ³² Ἡii ne Yesu bula piba a bul, “Mi keη kudiilee ne mi dii, ama ma bi kialiiη wiaa jin.” ³³ Ἡii ne Yesu haritooro-la miira chinaa piese doηo a bul, “Nuu ne saa keη kudiilee ku pu koo?” ³⁴ Yesu bula piba a bul, “Mi kudiilee ne di mi sei nii-la si tinmi niin, a tin tinimii-la u si pimi dere. ³⁵ Ma si u ha ka cheηsin banese ne, ka di ma wase baga kiaa he doηo le. Mi jaη bula piba, ma bee na, kiaa ne bia a gollima ηii di ma wasa he doηo le. Ba ne nialiiη si ηaa siri di ba laa mi wiaa dii. ³⁶ Nialiiη kala si wase kialiiη he doηo le, ba jaη laa ba time. Kialiiη ma ma si wasa he doηo le, ba ma ne ηaa nialiiη si laa mi wiaa dii. Ba ne jaη keη miisi-la si bi dere. Ἡii wiaa nialiiη si kese nialiiη si laa mi wiaa dii ari nialiiη sii bul Wia wiaa pipi niaa, ba kala tuoη jaη tore. ³⁷ Wii-la sene ηaa wutitii ne. Nuu doη ne bul Wia wiaa, nuu doη ma kese nialiiη si laa mi wiaa dii he doηo le. ³⁸ Mi tinηa ne di ma mu kese nialiiη si laa mi wiaa dii. Ma si ηaa ηii, ma nage nialiiη si mu wase baga kiaa ne he doηo le, baga-la le ba si bi tima. Niaa doηsuη ne tin baga-la le, ka ba pe nii baga-la sima ηii.”

³⁹ Ἡii ne niaa yuga Samaria tinηteen le a laa Yesu wiaa dii. Haal-la si bul wialiiη Yesu si bula a tigeu le ne tii ba laa Yesu wiaa dii ηii. ⁴⁰ Samaria nialiiη si ko Yesu teen, ba sulu duu chua ba teen. Yesu sei a chua dime tapulaa balia. ⁴¹ Niaa bira yuga a laa u wiaa dii a tin wialiiη u si dageba wiaa. ⁴² Ἡii ne nialiiη bula pi haal-la a bul, “Læle la laa u wiaa dii a tin la titia si nii u niin wiaa ηii ne, u bi naga wii-la η si bula pila ne tii. La titia wuo jin ari u ne sene ηaa dunia Laataara.”

Yesu vaare kerichi-bal kubala bie

⁴³ Yesu si chua dime tapulaa balia-la, u sii a bira mu Galilii tinηteen. ⁴⁴ Yesu titia fa bula pi niaa ari nii-la sii bul wiaa, Wia Diη-zoη-la doluη le, ba buu jirima ka pa u titia jaη le. ⁴⁵ U si mu Galilii tinηteen ηii, ba kenu

woruj a tinj wialinj kala u si n̄aa ba-na Juu tinj̄aa gbiele-la le Jerusalem le. Ba ma fa he dime.

⁴⁶ Yesu bira miira mu lee-la ba sii yire Keena a he Galilii tinj̄teen le, lee-la u fa si keŋ liinj birime sininj. Di kerichi-bal kubala fa he tanj kubala le baa yire Kapenam le. U bie fa wiwiile. ⁴⁷ U si nia di Yesu lii Judiya tinj̄teen a ko Galilii tinj̄teen, u mu Yesu teen a sulu duu ku vaare u bie pu, di u kpaga suunj ne. ⁴⁸ Nii ne Yesu bula pu, "See di ma na wu-magilaa ari wu-kpunj̄kperisinj, ma bi janj n̄aa yarida." ⁴⁹ Nii ne kerichi-la bula pu, "Mi kuhianj, ko lagi di mi bie si suu." ⁵⁰ Nii ne Yesu bula pu, "Mu dia, ŋ bie duoro ne." Baal-la laa wii-la Yesu si bula pu dii a jonj u wonj̄biinj aa venj. ⁵¹ Uu mu n̄ji, u tinj̄tinna ku chemu a bula pu ari bile duoro ne. ⁵² U piese duu na bua-la le u si duoro. Ba bula pu ari diaminj wiiheye, kerifi kubala le ne waari-la lenj. ⁵³ Nii ne bile nyimma jinj ari bua-la le ne Yesu bula pu ari u bie keŋ miisinj ne. Nii ne ba di u dia niaa kala laa u wiaa dii. ⁵⁴ Wu-liaminj ne n̄ji Yesu si n̄aa, u si bira lii Judiya ko Galilii tinj̄teen.

5

Yesu vaare baal kubala fuonj le

¹ Nii harinj le ne Juu tinj̄aa gbiele kubala bira yi Jerusalem le. Nii ne Yesu sii mu lee-la.

² Jerusalem le, fuo kubala ne fa he dime. U fa kpaga boinj̄niiri-la doŋo ba fa si to jujuu tanj-la tuonj ne. U yirinj ne fa piese boinj̄niinj. Hiiburu yiikoro le ba keŋ fuo-la kaa yire Betizata. Ba he palaa banonj ne a kere fuo-la.

³ Nyanyal tinj̄aa fa yuga a he pala-la tuonj. Doŋsunj nyulime, doŋsunj fa n̄aa naa-suunuj ari na-suunuj tinj̄aa. Doŋsunj ma gberike. [Ba fa hono gbere fuo-la di lii-la fa vuugi.] ⁴ Bua doŋo Wia tinj̄daaru ne fa yie ku tuu fuo-la a keŋ lii-la kaa vuugi. Di Wia tinj̄daari-la ne keŋ lii-la vuugi, nyanyal tiina-la si laa sipaanj tuu lii-la, u nyanyalinj cho duu nage n̄ji ma kala, u yie duori ne.

⁵ Baal kubala ma ne fa he nyanyal timma-la tuonj. U fa wiila ne a yi jisinj mara ari fii ari chori. ⁶ Yesu si na baal-la duu pinj dime, u jinj ari baal-la wiila dieni ne. Nii ne u piesu a bul, "Nj che di ŋ duori ne?"

⁷ Nii ne baal-la bul, "Mi kuhianj, mi bi nuu kene dahanj u si janj wuo jonmi kaa tuu he fuo-la le di ba ne keŋ lii-la vuugi. Ba yie keŋ lii-la vuugi, mii nerike di mi tuu, di nuu laa sipaanj tuumi le." ⁸ Nii ne Yesu bula pi baal-la a bul, "Sii a chuoli ŋ boŋo a viiri."

⁹ Baal-la guu duori a sii chuoli u boŋo a chunja viiri. Tapulunj deenj n̄aa che-wiesii-la cheenj ne.

¹⁰ Nii ne Juu tinj̄aa bula pi baal-la Yesu si vaara a bul, "Jininj n̄aa che-wiesii-la cheenj ne. Uu kise ne di ŋ chunj boŋo tapulunj deenj cheenj." ¹¹ Nii ne baal-la ma bul, "Nii-la si vaaremi ne bula pimi di mi chuoli mi boŋo a viiri."

¹² Nii ne ba piesu, "Kube ne baal-la si bula pinj di ŋ chuoli ŋ boŋo a viiri?" ¹³ Ama baal-la bi nii-la si vaaru jinj. Bua-la le di niaa si yuga n̄ji, Yesu lel. ¹⁴ U n̄ji harinj ne Yesu na baal-la Wia-dia le a bula pu, "Na, leele ŋ duoro ne, bira si haache n̄aa. Di n̄ji dee, wiinj janj wasa juunj le a kii n̄ji."

¹⁵ Nii ne baal-la sii a mu bula pi Juu timma-la ari Yesu ne fa vaaru n̄ji. ¹⁶ Yesu si n̄aa n̄ji che-wiesii-la cheenj, n̄ji ne tii Juu tinj̄aa suomo to Yesu naasinj di ba dogisu. ¹⁷ Nii ne Yesu bula piba a bul, "Mi Nyimma ka tinj ne, n̄ji ne tii mi maa tinj."

¹⁸ Yesu si bul n̄ji n̄aa Juu timma-la wasa chiche wonj̄bii-la ba si janj to kpuu. Wiaa balia ne ba si duu cheye, u chei ba kisinj

le che-wiesii-la cheen, an pe bul di Wia ne qaa u Nyimma, a bul nii di ba di Wia mage donjo ne.

Wia Bie si kenj dolun nii

19 Nii ne Yesu bula pi niaa a bul, “Mi bul wutitii ne aa pima, mi-na Wia Bie bi wii-kala wuo qaa mi titia dolun le. Mi yie njjaa wialin mi si na di mi Nyimma qaa ne. Wii-na kala u sii qaa ne, mi ma u Bie njjaa, 20 bee wiaa mi Nyimma chomi, mi si qaa u Bie, aa dagemi wialin kala u titia sii qaa. U jan dagemi wiaa a kii qaa di mi qaa, di ba qaama wu-kpunjhpere. 21 Mi Nyimma si chise nialin si suba ba bira kenj miisin nii, nii titia ne mi ma u Bie jon miisin a pipi nialin mi sii che. 22 Mi Nyimma-na bi nuu-kala sariya ka dii, ama u jonba kala he mi-na u Bie nisij le ne. 23 U qaa nii di nuu-kala to nii le a zizil mi-na u Bie ne, ari ba sii zil mi Nyimma nii. Nii-la-na kala si bi mi-na Wia Bie ka zil, u tiina ma bi mi Nyimma Wia si tinji ka zil. 24 Wutitii ne mi bula pipima, nii-la kala si jegile nii mi niin wiaa a laa nii-la ma si tinji wiaa dii, u jan kenj miisi-la si bi dere. U tiina, ba bi u-na sariya ka dii, u saa lii suun bua le ne a kenj miisin.

25 Wutitii ne mi bula pipima, bua-la jan yi, u saa yie ma ne, di nialin si suba jan nii mi-na Wia Bie yiikoro. Nialin saa si nii mi yiikoro, ba jan kenj miisin. 26 Mi Nyimma si kenj dolun duu pi niaa miisin nii, nii ne u qaa mi ma u Bie kenj dolun di mi pi niaa miisin. 27 U saa pi mi-na u Bie dolun ne di mi dii niaa sariya, bee wiaa mi ne qaa Nuhuobiine Bie. 28 Ma si leje di wiin deen qaama wu-kpunjhpere. Bua-la jan ko di nialin kala si suba a he buasun le jan nii mi yiikoro. 29 Ba saa jan sii ba buasun le. Nialin si qaa wu-zonjho jan sii a kenj miisin, nialin ma si qaa wu-bonjho, di ba ma sii di Wia dii ba sariya a jon cheerin piba.”

30 Nii ne Yesu bira bul, “Mi-na bi wii-kala wuo qaa mi titia dolun le. Mi yie dii sariya ari Wia si si mi dii nii ne. Nii wiaa mi si yie dii sariya-la nii, u qaa wutitii ne, bee wiaa mi bi che di mi qaa wii-la mi sii che, ama wii-la nii-la si tinji sii che. 31 Di mi dunjuna ne bul mi wiaa, u bi yunjun jan kenj. 32 Ama nuu ma ne he dime a bubul mi wiaa. Mi saa jima wialin u sii bul a tigemi le, ba qaa wutitiiba ne. 33 Ma tin ma tinjaaraa ba mu Jon teen a piise mi wiaa. Jon bul wutitii ne piba a tigemi le. 34 U saa bi naga wialin nuhuobiinee si bula a tigemi le wiaa ne mi chil, ama mii bul wiin deen di ma qaa siri di Wia wuo laama ta ne. 35 Jon fa nage chaanin ne a chaane, ma fa cho di ma nii u chaan-la sima muapilii. 36 Ama wiin donjo he dime a laa mi nyun a bubul wiaa. U ne kii Jon. Tinjimii-la mi sii tin ne nii, tinjimii-la mi Nyimma si jonjo pimi di mi tin. Nii daga ari mi Nyimma ne tinji. 37 Mi Nyimma-la si tinji, u maa bul mi wiaa ne. Ma ha bi u yiikoro nia, ma ha buu na ari ma siaa maa. 38 U niin wiaa bima le he, bee wiaa ma bi mi-na nii-la u si tima wiaa laa dii. 39 Ma yie fiise siin a kikarime Wia tenin. Ma biina ari ma nuu qaa nii, ma jan wuo kenj miisi-la si bi dere. Wia ten-la ma sii karimu ma paala bul mi wiaa ne. 40 Ka ma via di ma ko mi teen a wuo kenj miisin. 41 Mi bi che di nuhuobiinee besemi le. 42 Mi jima ari ma tuon le ma bi Wia cho. 43 Mi ko mi Nyimma dolun le ne, ka ma bimi kene worun. Di nuu don ne fa ko u titia dolun le, u ne ma fa jan kenj worun. 44 Ma cho di niaa besema le ne, ama ma bi cho di Wia ne besema le. Ee ne saa ma jan wuo laa mi wiaa dii? 45 Ma si biina bul ari mi jan jon cheerin pima mi Nyimma sipaan. Moosis ne jan jon cheerin pima. Ma yielaa kala heu le ne. 46 Di ma ne sene fa laa Moosis wiaa dii, ma fa

janj laa mi ma wiaa dii. Mi wiaa ne Moosis fa ስጢን ይኸው ነዝ. ⁴⁷ Ama di ma bi wialinj u si ስጢን laa dii, ይኸው ነዝ ma janj wuo laa wialinj mi sfi bul dii?"

6

Yesu pi niaa bui banonj kudiilee

Mat. 14.13-21; Maak 6.30-44; Luuk 9.10-17

¹ U njii harij ne Yesu miira chol mugi-balinj kubala baa yire Galilii mugibalinj. U yirinj donjo ma ne Tabiiras. ² Niaa yuga a tuto u harij, bee wiaa ba fa na u si ስጢን wu-magila-la a vaare nyanyal tinjaa ne. ³ Njii ne Yesu ari u haritooroo mu jil peelinj nyunj a honj dime. ⁴ Di Juu tinjaa diisinj kielinj gbiele-la ma kpaga. ⁵ Ba si honj dime, Yesu bee na di ni-danj nfi ko u teenj njii. U piess Filip a bul, "Njii ne la janj na kudiilee a yoo a pi niaa deenjba kala di ba dii wogee?" ⁶ Yesu titia fa jinj wii-la u si janj ስጢን ne, ama u ta bul njii duu magise Filip ne. ⁷ Njii ne Filip bula pu a bul, "Di la ne yoo boroboro a yi siidi bui balia maa, u bi niaa deenjba wii-kala wuo ስጢን, ba donsun paala bi mua mua maa na." ⁸ Njii ne di u haritooro donjo he dime, baa yire Anduru. U fa ስጢን Saamonj Piita naanbie ne. U bula pi Yesu a bul, ⁹ "Bii-bie kubala ne he la tuonj a keñ boroboroba banonj ari chenfilee balia. ይኸው ነዝ saa kiaa deenjba janj wuo ስጢን niaa deenjba?" ¹⁰ Njii ne Yesu bul di ba leñ di nialinj honj. Di yanj bumo tose lee-la. Njii ne nialinj honj. Ba tuonj baalaa fa ስጢን bui banonj ne. ¹¹ Njii ne Yesu laa boroboroba-la a chuole Wia, anj kaa kpaa nialinj si honj. Njii ne u keñ chenfilee-la ma kpaaba. Ba kuñ-kala dii a wogee. ¹² Ba si dii a wogee njii, u bula pi u haritooroo di ba mu paa boroboroba-la si ka, di kuñ-kala si lele. ¹³ Njii ne ba paa ku-kaana-la nialinj si die anj ka, a su siñsiñ fii ari balia. ¹⁴ Nialinj si he dime a na Yesu si ስጢን wu-magilinj deenj, ba bul di wutitii, baala deenj sene ስጢን nii-la sfi bul wiaa, Wia Din-zonj-la dolunj le ba si si u janj ko dunia ne.

¹⁵ Njii ne Yesu jinj ari ba ስጢን siri ne di ba ku fugu duu dii ba kuorunj. Njii ne u mu faa peelinj nyunj.

Yesu venj liinj nyunj

Mat. 14.22-33; Maak 6.45-52

¹⁶ Didaaninj, Yesu haritooroo tuu muga ¹⁷ a juu liinj daboro, a bira duoroo chol muga aa mu Kapenam. Tanj bire di Yesu ha bi ba teenj ko. ¹⁸ Bua-la le di pel-duo kubala maa lu a keñ liinj kala ስጢን u wiviisi. ¹⁹ Di u haritooro-la ma duoro a mu yi meel-daasinj batori koo banese, anj na Yesu duu venj liinj nyunj a kuko daboro-la teenj. Ba si na njii, fawullunj keñba. ²⁰ Njii ne Yesu bula piba a bul, "Ma si leñe di fawullunj keñma, mi-na ne." ²¹ Njii ne ba tuonj tose, ba jonu he liinj daboro-la tuonj. Di liinj daboro-la guu yi lee-la ba fa sii mu.

Niaa yuga aa che Yesu

²² Tanj si pula, ni-danj-la bira chinj muga-la cholo seme donjo, lee-la ba si mua. Didaan-la ba fa na liinj daboro kubala ne duu chinj dime. Ba jima ari Yesu haritooroo dunduna ne juu liinj daboro-la. Yesu tuo ba tuonj. ²³ Ba si chinj dime njii, liinj daborusunj donsun lii Tabiiras ko lee-la, a kpaga lee-la Yesu fa si chuole Wia anj jonj boroboro piba di ba dii. ²⁴ Nialinj si na di Yesu tuo, u haritooroo ma tuo, ba sii juu liinj daborusu-la a mu Kapenam aa cheu.

Yesu si duu ne ስጢን boroboro-la si keñ miisinj

²⁵ Nialinj si na Yesu muga-la cholo dጋጋ, ba piesu a bul, “La kuhian, bua bεε le ne η ko daha?” ²⁶ Nii ne Yesu bula piba a bul, “Wutitii ne mi bulaa pima, maa chemi a tinj boroboro-la ma si dii voge wiaa ne, ama wu-magila-la ma si na di mi ηaa wiaa dee. ²⁷ Ma si ma doluj kala he a che kudiilee. Kudiile-la janj chei, ama ma tima chiche kudiile-la si janj pima miisi-la si bi dere. Kudiilee deerba mi-na Nuhuobiine Bie ne janj pima, bεε wiaa mi Nyimma Wia jonj doluj hemi le ne di mii ηaa ηii.” ²⁸ Nii ne ba piesu, “Eε ne la janj wuo ηaa a tinj Wia tintinjaa?” ²⁹ Nii ne u bul, “Tintimii-la Wia si cho di maa tinj ne ηla: Ma laa mi wiaa dii, mi ne nii-la Wia si tima.” ³⁰ Nii ne ba piesu, “Wu-magili bεε ne η janj ηaa di la na a laa η wiaa dii? Bεε ne η janj ηaa?” ³¹ Na la naabalimaba dii kudiilee ne girinj tuጋጋ baa yire Mana. Wialinj ba si ηmunse Wia teninj tuጋጋ ne ηla: Ba si,

‘U jonj boroboro-la si lii wia nyuj ne a piba di ba dii.’ ”

³² Nii ne Yesu bul, “Mi bul wutitii ne aa pima. Kialinj Moosis si pima, u dee bima pa, Wia ne pima. Kudiile-la bima miisi-la si bi dere ka pa. Mi Nyimma nii pi niaa boroboro titii-la si lii Wia-janj. Kudiile-la jonj miisi-la si bi dere a pi dunia niaa. ³³ Boroboro-la Wia si ta, u lii Wia-janj ne a ku tuu. U ne pi dunia niaa miisinj.” ³⁴ Nii ne ba bul, “La Tiina, ηii-na vene jonj boroboro deenj pipila.” ³⁵ Nii ne Yesu bula piba a bul, “Mi ne ηaa kudiile-la sii pi niaa miisinj. Nii-la kala si ko mi teen, losuj bira bi janj keጋ u tiina. Nii-la ma si laa mi wiaa dii, lii-nyuasuj ma bira bi janj kenu. ³⁶ Mi bula pipima ari ma nami ne, ama ma bi mi wiaa laa dii. ³⁷ Nu-na kala mi Nyimma si jonjo pimi, u janj ko mi teenj. Niaa deerba kala si ko mi teenj, mi bi janj ko di mi kiriba ta, ³⁸ bεε wiaa mi lii Wia-janj ku tuu di mi ηaa wialinj nii-la si tinjmi sii che ne, mi titia tuጋጋre wiaa dee. ³⁹ ηla ne nii-la si tinjmi chiche di mii ηaa: di mi si leጋe di nialinj u si jonjo pimi kur-kala lel, ama di mi chuuleba kala dunia diderinj di ba keጋ miisinj. ⁴⁰ Wialinj mi Nyimma sii che ne ηla: Di nu-na kala si na mi-na u Bie a laa mi wiaa dii, duu janj keጋ miisi-la si bi dere. Dunia diderinj maa, ba ma janj chisu suuj le duu keጋ miisinj.”

⁴¹ Nii ne Juu timma-la suomo gugurime wiaa. U si si u ne ηaa kudiile-la si lii Wia-janj ku tuu, ηii ne tii ba gugurime u wiaa ηii. ⁴² Nii ne ba bul, “Baala deenj dee Josef bie Yesuu? La jinj u nyimma ari u naanj kala ne. Eε ne saa leele u si duu lii Wia-janj ne a ku tuu?” ⁴³ Nii ne Yesu bira bula piba, “Ma leጋ ma wialinj gurimuj. ⁴⁴ Nu-kala bi janj wuo ko mi teenj, see di mi Nyimma-la si tinjmi ne keጋ u tiina kaa ko mi teenj, di mi chisu suuj le dunia diderinj. ⁴⁵ Nialinj sii bul wiaa, Wia Din-zጋጋ-la doluj le, ba ηmunse ηla ne Wia teninj tuጋጋ. Ba si,

‘Wia janj dage niaa kala.’

Nuu-kala si ηaa siri duu jegile nii wialinj Wia sii dagu, a gunne u teenj, u ne janj ko mi teenj. ⁴⁶ U ηii ma saa bi nage ari nuu-kala na mi Nyimma Wia ne, see nii-la si lii Wia teenj. U dunጋጋ ne nau. ⁴⁷ Wutitii ne mi bulaa pima, nii-la kala si laa mi wiaa dii, u janj keጋ miisi-la si bi dere. ⁴⁸ Mi ne ηaa kudiile-la sii pi niaa miisinj. ⁴⁹ Ma naabalimaba dii kudiile-la ba sii yire ‘Mana’ ne girinj tuጋጋ. Ari ηii kala ba-na ha suba ne. ⁵⁰ Ama kudiile-la si lii Wia-janj ku tuu, di nuu ne diiba, u bi janj suu. ⁵¹ Mi-na ne ηaa kudiile-la si keጋ miisinj a lii Wia-janj ku tuu. Di nuu ne dii kudiilee deerba, u janj keጋ miisi-la si bi dere. Mi yaraa namia ne ηaa kudiile-la mi si janj jonjo pi dunia niaa di ba keጋ miisi-la si bi dere.”

⁵² Yesu si bul nii, Jju tinገaa suomo keጅ wii-la lilere a bul, “ፎ ነፍ baala deenጅ jaጅ wuo ገaa a joጅ u yaraa namia pila di la chaጅ?” ⁵³ Nii ነፍ Yesu bula piba a bul, “Wutitii ነፍ mi bulaa pima, di ma ነፍ bi mi-na Nuhuobiine Bie yaraa namia chaጅ, a nyua mi chaliጅ maa, ma bi jaጅ keጅ miisi-la si bi dere. ⁵⁴ Nii-la kala si chaጅ mi yaraa namia, a nyua mi chaliጅ maa, u jaጅ keጅ miisi-la si bi dere. Di dunia ma ነፍ dere, mi jaጅ chise u tiina suuጅ ፎ duu keጅ miisiጅ, ⁵⁵ beፍ wiaa mi yaraa namia sene ገaa kudiilee ነፍ. Mi chaliጅ ma sene ገaa lii-nyualuጅ ነፍ. ⁵⁶ Nii-la kala si chaጅ mi yaraa namia-la a nyua mi chal-la, u jaጅ he mi teenጅ a kaa mu wuu, mi ma jaጅ he u teenጅ a kaa mu wuu. ⁵⁷ Mi Nyimma-la si keጅ miisiጅ a tiጅmi nii, nii ነፍ mi ma keጅ miisiጅ. Nii titia ነፍ nii-la ma si chaጅ mi yaraa namia ma jaጅ keጅ miisiጅ a tiጅ mi wiaa. ⁵⁸ Kudiile-la si lii Wia-jaጅ ku tuu ነፍ nii. U bi naga kudiile-la ma naabalimaba si die aጅ ha suu ነፍ. Nii-la kala si dii kudiilee deenጅba, u jaጅ keጅ miisi-la si bi dere.” ⁵⁹ Yesu bul wiaa deenጅba duu he Kapenam tiጅteenጅ ፎ ነፍ aa dage niaa Wii-chuoፎ dia ፎ.

Wialiጅ si jaጅ pi niaa miisi-la si bi dere

⁶⁰ Niaa yuga a faa to Yesu harinጅ, a nii wialiጅ u si bula a bul, “Wiaa deenጅba u sii dage, ba heye kiጅkeጅ. Kubee ነፍ jaጅ wuo jegili wiaa deenጅba?” ⁶¹ Ba bi wii-kala bula, ka Yesu jinጅ ari u haritooro-la ka gurime wiaa ነፍ a tiጅ wialiጅ u si bula ፎ. Nii ነፍ u pieseba a bul, “Wiinጅ deenጅ leጅ ma na baaniጅ neፍ? ⁶² Ka di ma ነፍ saa fa na mi-na Nuhuobiine Bie di mi miiraa mu lee-la mi si liaa? ⁶³ Wia Diጅ-zoጅ-la ነፍ ku-la si pila miisi-la si bi dere. Nuhuobiine yaraa doluጅ-na ገaa pei ነፍ. U bi miisi-la si bi dere wuo pa. Wia Diጅ-zoጅ-la wiaa ነፍ mi bula pima. Ba jaጅ pima miisi-la si bi dere. ⁶⁴ Ama ma doጅsuጅ bi mi wiaa laa dii.” Burbuጅ kala Yesu fa jinጅ nialiጅ si bi u wiaa laa dii ነፍ ari nii-la si jaጅ joጅ yalle. ⁶⁵ Nii ነፍ Yesu bira bul, “Wiinጅ deenጅ wiaa ነፍ tii mi bula pima ari nuu-kala bi jaጅ wuo ko mi teenጅ, see di mi Nyimma pi u tiina woጅbiinጅ duu wuo ko.”

⁶⁶ A tiጅ wiinጅ deenጅ wiaa ni-danጅ-la fa si to u harinጅ, ba miire harinጅ. ⁶⁷ Nii ነፍ Yesu piese u haritooro fii ari balia-la a bul, “Ma ma cho di ma miire mi harinጅ neፍ?” ⁶⁸ Nii ነፍ Saamoጅ Piita piesu a bul, “La Tiina, kubee teenጅ ነፍ saa la ma jaጅ mu? Wialiጅ ጅ sii bul nii pi niaa miisi-la si bi dere. ⁶⁹ Leeፎ la laa dii a jinጅ ari ጅ ነፍ ገaa Wia Tuፅ-pul Tiina.” ⁷⁰ Nii ነፍ Yesu pieseba a bul, “Ma niaa fii ari balia dee mi liiseፍ? Ama ma doጅጅ ገaa diጅdoጅ ነፍ a ገaa Sitaani tiina.” ⁷¹ Judas, Saamoጅ Isikarፅ bie wiaa ነፍ u faa bul nii. U fa he u haritooro-la fii ari baliaminጅ tuፅጅ ነፍ, ama u ነፍ fa jaጅ joጅ Yesu yalle.

7

Yesu mu gbieli-balinጅ Jerusalem ፎ

¹ Nii harinጅ Yesu gugolle Galili tiጅteenጅ. U bi cho duu mu golle Judiya tiጅteenጅ ፎ, beፍ wiaa Jju tinገaa fa si he Judiya tiጅteenጅ ፎ ka che di ba kpau ነፍ. ² Di Jju tinገaa gbieli-bal kubala yie. Gbiele-la ፎ ba yie leጅ ba diisiጅ aጅ he leጅጅ ነፍ a juuu. Di gbiele-la ነፍ dere, ba bira miira mu a juuu ba diisiጅ. ³ Nii ነፍ Yesu ገaanaa bula pi Yesu a bul, “Sii daha a mu Judiya tiጅteenጅ, di ጅ haritooro ma wuo na wialiጅ ጅ sii ገaa. ⁴ Nii-la sii che di ba jimu, u bi faa ገinጅba wiaa. ጅ sii ገaa wiaa deenጅba, leጅ di dunia niaa kala na.” ⁵ Ba titia paala bi u wiaa laa dii, nii ነፍ tii ba bul nii. ⁶ Nii ነፍ Yesu bula piba a bul, “Bua-la si jaጅ yi di mi mu gbiele-la, u ha bi yie. Ma-na teenጅ bua-na kala maga ነፍ. ⁷ Dunia niaa bima bere, ama ba bere mi-na ነፍ.

Mi venεε bula piba ari baa ḡaa wu-bḡḡḡḡḡḡ nε. ⁸ Mά-na lii mu ḡbiele-la, mi-na ha bi mu, bεε wiaa bua-la si jan yi di mi mu ha bi yie." ⁹ U bul ḡii aḡ ḡḡ Galilii tiḡteen ḡe ne.

¹⁰ Yesu ḡaana-la si mu ḡbiele-la dεre, Yesu ma sii mu. Ama u bi niaa ḡarin to. U luḡra mu nε. ¹¹ Juu tiḡḡaa si ḡe ḡbiele-la ε, ba bee chiche Yesu ḡbiele-la ε, a pipiese di nii ε nε u ḡe? ¹² ḡii nε nialin si ḡe ḡbiele-la lerin, ba jesin suomo a muḡsi a bubul Yesu wiaa. Dḡḡsuḡ si duu ḡaa ni-zḡḡḡ nε. Dḡḡsuḡ ma bi seye aḡ bul duu nyise niaa nε. ¹³ Ama ba kala faa fá Juu timma-la nε, ḡii nε tii nuu-kala bi wuo faasa bul u wiaa.

¹⁴ ḡbiele-la si ku kpaa maga dḡḡḡ, Yesu juu Wia-dia a didage niaa. ¹⁵ U si dage niaa ḡii ḡaa Juu timma-la si jegile nii wialin wu-kpuḡkperε. Ba si, "εε nε baala deen ḡin wiaa ḡla kinḡen aḡ bi lee yie?" ¹⁶ ḡii nε Yesu bula piba a bul, "Wialin mi sii dagu, mi titia doluḡ ḡe dee mi dage. Nii-la si tiḡmi nε dagemi wialin. ¹⁷ Nii-la kala sii che duu ḡaa wii-la mi si cho, u jan wuo ḡin ari wialin mi sii dagu lii Wia teen nε, koo mi titia doluḡ ḡe nε. ¹⁸ Nii-la si yie bubul wiaa u titia doluḡ ḡe yie bula chiche u titia yirin nε. Ama nii-la sii che di nii-la si timu laa yirin, u ḡaa ni-titi nε. U bi wiaa ka nyia. ¹⁹ Moosis bil niin pima nε di maa to. Ama ma kuḡ-kala bi ḡii-la to. Bεε nε tii maa che di ma kpumi?" ²⁰ ḡii nε nialin bula pu a bul, "ḡḡ nyaase nε. Kubεε nii che di u kpuḡ?" ²¹ ḡii nε Yesu bula piba a bul, "Mi ḡaa wu-bala nε ma che-wiesii-la cheεḡ, u ḡaa ma wu-kpuḡkperε. ²²⁻²³ Moosis fa bula pima di ma kikeri ma biirin peneε. U dee bi ḡii suomo. U naabalimaba nε suomo ḡaa ḡii. U si ḡaa ma kisin ḡii, ma paala yie keri ma biirin peneε che-wiesii-la cheεḡ, di ba lulluḡ nε tel ḡii ε. Di ma nε saa jan wuo to Moosis niin aa keri ma biirin peneε che-wiesii-la cheεḡ, di ba lulluḡ nε tel che-wiesii-la cheεḡ, bεε nε saa tii maa na baanin a tiḡ mi si ḡaa puwuḡḡḡ duori che-wiesii-la cheεḡ? ²⁴ Di nuu nε ḡaa wii, ma si guu jḡḡ taali pu a tiḡ ma si biina ari u bi woruḡ ḡaa wiaa. Mά biine wii-la tuḡḡ a ḡin u wutitii, aḡ-na jḡḡ taali pu."

²⁵ ḡii nε niaa dḡḡsuḡ si lii Jerusalem piese a bul, "Baala deen dee ba chiche di ba kpu ḡii? ²⁶ Na, u nε chin niaa tuḡḡ ḡii aa bul wiaa, ka nuu-kala bi wii wuo bul, koo nihiasi-la jima ari u nε ḡaa Kirisito, nii-la Wia si liisaa? ²⁷ Nii-la Wia si jan tiḡ, duu nε kḡ, nuu-kala bi jan ḡin u si lii lee-la, ama la kala nε ḡin lee-la baala deen si lia." ²⁸ Yesu sii dage niaa Wia-dia-la tuḡḡ ḡii, ḡii nε u faasa piese, "Ma sene ḡinmi nεε, a ḡin lee-la mi si liaa? Ama mi saa bi mi titia doluḡ ḡe nε kḡ. Nuu nε tiḡmi. Nii-la ma saa si tiḡmi ḡaa Wutitii Tiina nε. Ma buu ḡin. ²⁹ Mi-na jimu nε, bεε wiaa mi fa ḡe u teen nε. ḡii nε u tiḡmi." ³⁰ ḡii nε ba chiche di ba kenu, ama bua-la ε u si jan suu ha bi yie. ḡii nε tii nuu-kala nisin buu dige. ³¹ Ama niaa yuga nialin tuḡḡ a laa u wiaa dii a piese a bul, "Ma biina di Kirisito, nii-la Wia si jan liise nε kḡ, u jan ḡaa wu-magilaa kii nia deen?"

Ba tiḡ niaa di ba mu keḡ Yesu

³² Farisii tiḡḡaa si nia di nialin muḡso bubul Yesu wiaa ḡii, ḡii nε ba di nialin si kpu pusuḡ pipi Wia kuhiasin tiḡ ba tiḡtinni-biisin di ba mu keḡ Yesu. Ba si mu lee-la Yesu fa si ḡe di ba kenu, ba nii wialin u si bula pipi niaa. ³³ U si, "Mi jan ḡe ma teen tapulaa banmεnε, aḡ miira mu nii-la si tiḡmi teen. ³⁴ Ma jan chemi ka. Lee-la mi si jan ḡe, ma bi jan wuo mu dime." ³⁵ ḡii nε Juu timma-la piese di nii nε uu che duu mu ba bi jan nau? Duu che duu mu Giriik tiḡteen, lee-la Juu tiḡḡaa si guoli ba tuḡḡ nε, a

didagebaa? Ba bira si, ³⁶ “U si di la jan cheu ka, a bira bul di la bira bi jan wuo mu lee-la u si jan he. U si bul nii, u bubuon ne bee?”

Yesu bul wiaa a tige lii-la sii pi niaa miisij le

³⁷ Gbiele-la che-derinj, tapulii-la ne fa nna gbiele-la siifian cheen. Nii ne Yesu sii chinj a faasa bul, “Nii-la kala lii-nyuasun si kene, ma lej duu ko mi teenj a nyua liinj. ³⁸ Nii-la kala si laa mi wiaa dii, u jan nage lii-bulo u tuonj le a bubul. Ba bul nla ne Wia teninj tuonj.” ³⁹ Yesu bul wiaa deenba a tige Wia Din-zonj-la le ne u si jan jonjo he nialinj si laa u wiaa dii le. Bua-la le di u ha bi Wia Din-zonj-la jonjo heba le, bee wiaa u ha bi suunj le sie duu laa yirinj.

Nialinj pore donjo le a tinj Yesu wiaa

⁴⁰ Ni-danj-la fa si he dime a nii wialinj Yesu si bula, nii ne ba donsun bul di nia deenj sene nna nii-la sii bul wiaa, Wia Din-zonj-la dolunj le ne. ⁴¹ Donsun ma si, duu ne nna Kirisito, nii-la Wia si liisa. Ama donsun ma si di nii-la Wia si liisa bi jan lii Galilii tinteenj. ⁴² Wia teninj tuonj ba bula ari Kirisito, nii-la Wia si liisa, nna Devit doho nuu ne a lii Betilehem. Devit jan ne fa Betilehem. ⁴³ Nii ne nialinj kenj wiinj deenj lilee a pore donjo le. ⁴⁴ Ba donsun chiche di ba kenj Yesu, ama nuu-kala bi nisinj jonjo digu.

⁴⁵ Nii ne tinjinni-biisi-la ba si tima di ba mu kenj Yesu, ba miira mu Farisii tinjaa ari nialinj si kpu pusunj pipi Wia kuhiasinj teenj, ari na-hillinj. Nii ne ba pieseba a bul, “Bee ne tii ma buu kaa ko?” ⁴⁶ Nii ne ba bul, “Nuu-kala ha bi wiaa bula ari baala deenj sii bul nii.” ⁴⁷ Nii ne Farisii kuhiasi-la pieseba a bul, “U nyisema ma nee? ⁴⁸ Ma nia ari ma kuhiasinj tuonj koo la Farisii tinjaa tuonj kubala ma ha laa u wiaa dii? ⁴⁹ Ama ni-danj deenj kala si hilime, ba bi wialinj Moosis si nmunsa bil jinj. Wia jan kpuse ba nyusunj.” ⁵⁰ Baal kubala baa yire Nikodiimas, u ma fa nna Farisii tinjaa donjo ne a he ba tuonj. U-na fa laa sipaanj mu Yesu teenj ne anj ka. ⁵¹ Nii ne u bula piba a bul, “La kisinj ne di la jonj cheerinj a pi nuu duu ne nna wii, see di la laa sipaanj nii tiina niinj, a jinj wii-la u si nna.” ⁵² Nii ne Farisii timma-la piesu a bul, “N ma nna Galilii tiina nee? Karime Wia teninj. Di nj nna nii, nj jan na ari nialinj sii bul wiaa, Wia Din-zonj-la dolunj le, ba kunj bi Galilii tinteenj lia.” [⁵³ Nii ne ba kala sii pise a mu ba diisinj.

8

Ba kenj haal-la si pij nuu bala

¹ Nii ne ka Yesu ma lii dime a jil peel kubala baa yire Oliv nyunj. ² Tanj si pula chichuo-fiela, u bira miira mu a juu Wia-dia. Niaa ku gbaaru, u honj a bira suomo didageba. ³ Nii ne Wia teninj kerichiba ari Farisii tinjaa kenj haal kubala ku juu. Ba kenj haal-la duu pij nuu bala. Ba lej u chinj ba tutuobaaninj. ⁴ Nii ne ka ba bula pi Yesu a bul, “La kuhianj, la kenj haala deenj duu hiile nuu bala ne. ⁵ Wialinj Moosis fa si bile di niaa tuto daga ari nuu-kala ne nna nii, di la yaga kpuu ne ari tabiaa. Bee ne nj ma bul?” ⁶ Ba bul nii di ba nmoo Yesu fehe le ne, a wuo na wonjiinj a bul u teenj. Nii ne Yesu kenj u nyunj chugili tinteenj anj kenj u neniinj tutuuri tinteenj. ⁷ Ka ba ha chinj aa piese wiaa. Nii ne Yesu kenj u nyunj wul wia nyunj a bula piba a bul, “Ma ku-la kala ha si bi haache wii nna, ma lej duu laa sipaanj jonj tabiinj a yage haal-la, di ku-kaanaa ma pe.” ⁸ Nii ne u bira kenj u nyunj chugili a bira kenj u neniinj a tutuuri tinteenj. ⁹ Ba si nii wialinj u si bula, ba

kala lii kuŋ kuŋ. Ba tuoŋ nihiasi-la ne laa sipaan lii, ka ku-kaanaa tuto, aŋ ka Yesu ari haal-la dunduŋa lee-la. ¹⁰ Nii ne Yesu keŋ u nyuŋ jee a piɛɛ haal-la a bul, “Nii ne nialin he? Nuu-kala tuo duu yagin kpuu?” ¹¹ Haal-la si di nuu-kala tuo. Nii ne Yesu bula pu a bul, “Tɔɔ, mi ma bi jan ŋaan wii-kala. Viiri aŋ bira si haache ŋaa.”]

Yesu si duu ne ŋaa dunia niaa pulumuŋ

¹² Nii ne Yesu bira suomi a didage niaa. U bula piba a bul, “Mi ne ŋaa dunia niaa pulumuŋ. Nii-la kala si tomi bi jan veŋ birimin tuoŋ. U jan veŋ pulumuŋ tuoŋ. Miisi-la mi si jan pu jan chaane.” ¹³ Nii ne Farisii timma-la bula pu a bul, “N titia wiaa ne ŋ bubul ŋii, wialin saa ŋ si bula bi wutitii keɛɛ.” ¹⁴ Nii ne Yesu bula piba a bul, “Di mi ne bul mi titia wiaa maa, wii-la mi si bula ŋaa wutitii ne, beɛ wiaa mi jin lee-la mi si lia ne, a jin lee-la mi si jan mu. Ama ma-na bi lee-la mi si lia jin, a bira bi lee-la mi si jan mu ma jin. ¹⁵ Ma yie joŋ cheerin pi nuu a tinj ma si biina ari u si bi woruŋ ŋaa wiaa. Mi-na bi nuu-kala cheerin pa. ¹⁶ Di mi ne faa joŋ cheerin pi niaa maa, u fa jan ŋaa wutitii, beɛ wiaa mi dunduŋa dee bi cheerin joŋo pi tiina, mi Nyimma-la si tinjmi ne pemi le la joŋ cheerin a pi tiina. ¹⁷ Wialin Moosis fa si bile di niaa tuto daga ari niaa balia ne na wiin, a bul duu ŋaa wutitii ne, di wii-la sene ŋaa wutitii ne. ¹⁸ Mii bul mi titia wiaa ne, mi Nyimma-la ma si tinjmi, u ma bubul mi wiaa.” ¹⁹ Nii ne ba piɛɛ, “Nii ne ŋ Nyimma he?” Nii ne Yesu bul, “Ma bimi jin, ŋii wiaa ma bi mi Nyimma ma jin. Di ma ne fa jinjmi, ma fa jan jin mi Nyimma maa.” ²⁰ Yesu bul wiaa deenba kala bua-la le u sii dage niaa Wia-dia le ne, lee-la ba si yie joŋ kialin bile pipi Wia. Ka nuu-kala buu keɛɛ, beɛ wiaa bua-la le ba si jan kenu ha bi yie.

Yesu si di niaa bi jan wuo mu lee-la u si jan mu

²¹ Nii ne Yesu bira bula pi nialin a bul, “Mi jan viiri, ma jan chemi ka, ma saa jan suu ari ma haacheba. Lee-la mi sii mu, ma bi jan wuo mu dime.” ²² Nii ne Juu timma-la piɛɛ doŋɔ a bul, “U si, la bi jan wuo mu lee-la u sii mu. U saa bula magise ari u jan kpu u titia ne koo eɛ ne u bul ŋla?” ²³ Nii ne Yesu bira bula piba a bul, “Ma lii dunia deen ne, ka mi ma lii Wia-jaŋ. Ma lii dunia ne, aŋ ka mi ma bi dunia lia. ²⁴ Mi laa sipaan bula pima ari ma jan suu ari ma haacheba. Ma sene jan suu ari ma haacheba, see di ma laa mi wiaa dii ari mi si si mi ŋaa nii-la.” ²⁵ Nii ne ba piɛɛ a bul, “Kubeɛ ne ŋ ŋaa?” Nii ne Yesu bula piba a bul, “Mi si suomo dage niaa, mi dage nii-la mi si ŋaa ne a pima. ²⁶ Mi keŋ wiaa yuge ne di mi bul a tigema le, a wuo to wialin le a joŋ cheerin pima. Nii-la si tinjmi, u sene ŋaa Wutitii Tiina ne. Wialin mi sii nii, u niin le ne mi saa bula pi dunia niaa.” ²⁷ U si bul ŋii, nialin fa bi jin ari u Nyimma Wia wiaa ne u bulaa piba ŋii. ²⁸ Nii ne Yesu bula piba, “Di ma ne keŋ mi-na Nuhuobiine Bie kpaase daa-geɛɛ nyuŋ, ma jan jin ari mi ne ŋaa nii-la mi si si mi ŋaa. Nii ma le ne ma jan to jin ari mi bi wii-kala ŋaa mi titia doluŋ le, ama mi yie bul wialin mi Nyimma si dagemi ne. ²⁹ Nii-la ma saa si tinjmi bimi dunduŋa leŋe, u ma he mi teen ne, beɛ wiaa mi yie ŋaa wialin sii toɛ u tuoŋ ne.” ³⁰ U si bul wiin deen, niaa yuga a laa u wiaa dii.

Nialin si sene ŋaa Abiraham doho niaa

³¹ Nii ne Yesu bula pi Juu timma-la si laa u wiaa dii a bul, “Di ma ne nii mi niin wialin, ma jan sene ŋaa mi haritooroo. ³² Ma jan jin wutitii. Wutitii-la saa jan leŋ di Wia laama ta di ma tii ma titia.” ³³ Juu timma-la

si laa Yesu wiaa dii ma bul, “La paala ḡaa Abiraham doho niaa ne. La ha bi nuu-kala yosu ḡaa. Bεε ne saa tii ḡ bul di Wia jan̄ laala ta di la tii la titia?”

³⁴ Nii ne Yesu bula piba a bul, “Wutitii ne mi bulaa pima, nuu-na kala si ḡaa haache, u tiina ḡaa haache yon̄ ne. ³⁵ Di yomo ne he nuu dia ε, u bi dia-la le jan̄ he deen̄ deen̄. Ama di dia-la tiina ne ken̄ bi, u-na jan̄ he dia-la ε a kaa mu wuu. ³⁶ Di mi-na Wia Bie ne saa laama ta, mi sene laama ta ne di ma tii ma titia. ³⁷ Mi jima ari ma ḡaa Abiraham doho niaa ne, an̄ ka ma chiche di ma kpumi, bεε wiaa wialin̄ mi si dagema bi ma digilaa jua. ³⁸ Mi-na yie bul wialin̄ mi Nyimma si dagemi ne, ma ma ḡin̄aa wialin̄ ma nyimma si dagema di ma ḡin̄aa.”

³⁹ Nii ne ba bula pu a bul, “Abiraham ne ḡaa la nyimma.” Nii ne Yesu ma bul, “Di ma ne sene fa ḡaa Abiraham biiri, ma fa jan̄ ḡin̄aa wialin̄ Abiraham fa sii ḡaa. ⁴⁰ Mi bul wutitii ne pima, wialin̄ Wia si dagemi. A tin̄ wiin̄ deen̄ wiaa ne maa che di ma kpumi. Abiraham fa bi nii ḡaa. ⁴¹ Maa ḡaa wialin̄ ma nyimma sii ḡaa ne.” Nii ne ba bul, “La bi mangaa-biiri ḡaa. La kala nyimma ne kubala. Wia ne ḡaa la Nyimma.” ⁴² Nii ne Yesu bula piba a bul, “Di Wia ne sene fa ḡaa ma Nyimma, ma fa jan̄ chomi, bεε wiaa, Wia teen̄ ne mi lii a kō daha. Mi titia dolun̄ le dee mi kō. U ne tin̄mi. ⁴³ Bεε ne saa tii ma bi wialin̄ mi si bula bubuon̄ jin̄? Ma bi che di ma jegile nii wialin̄ mi sii bul. Nii ne tii ma bi ba bubuon̄ jin̄. ⁴⁴ Ma nyimma ne ḡaa Sitaani. Ma ma saa cho di maa ḡaa u tuotore wiaa ne. Dunia di-suomun̄ kala le ne u ḡaa ni-kpuuru. U titia bi wutitii kene. Nii ne tii u bi wutitii ka to. Di u ne nyia wiaa maa, u nagisin̄ ne paala ḡii. U ḡaa wu-nyiaru ne, a paala ḡaa wu-nyiaraa kala nyimma maa. ⁴⁵ Ama a tin̄ mi sii bul wutitii wiaa ne ma bi mi wiaa laa dii. ⁴⁶ Ma kubεε ne jan̄ wuo dage ari mi ken̄ haache? Di mi nii bul wutitii, bεε ne saa tii ma bi mi wiaa laa dii? ⁴⁷ Nii-la kala si lii Wia teen̄ yie jegile nii wialin̄ Wia sii bul ne. Ma bi Wia teen̄ lia, nii ne tii ma bi wialin̄ u sii bul jegile nii.”

⁴⁸ Nii ne Juu timma-la bula pi Yesu a bul, “La bi wutitii bulaa, la si si ḡ ḡaa Samaria tiina neε, jin̄-bomun̄ ma keniḡn̄?” ⁴⁹ Nii ne Yesu bula piba a bul, “Jin̄-bon̄ bimi kene, ama mii pi mi Nyimma jirima ne, an̄ ka ma-na bimi jirima ka pa ḡii. ⁵⁰ Mi bi yirin̄ che pipi mi titia. Ama nuu ne he dime a che yiri-la pipimi. U ne saa jan̄ dii nialin̄ si via mi wiaa sariya. ⁵¹ Wutitii ne mi bulaa pima, nii-la kala sii to mi niin̄ wiaa, u bi jan̄ suu.” ⁵² Nii ne Juu timma-la bula pu a bul, “Leele la jima ari ḡ ken̄ jin̄-bon̄ ne. Abiraham suba ne. Nialin̄ ma sii bul wiaa, Wia Din̄-zon̄-la dolun̄ ε, ba ma suu. An̄ ka ḡ bul di nii-la kala sii to ḡ niin̄ wiaa bi jan̄ kō duu suba. ⁵³ La nyimma Abiraham suba ne. N̄ saa biina di ḡ kiiu neε? Nialin̄ sii bul wiaa, Wia Din̄-zon̄-la dolun̄ le ma suu. N̄ saa biina ḡ ḡaa kubεε ne?” ⁵⁴ Nii ne Yesu bira bula piba a bul, “Di mi nii pi mi titia yirin̄, yiri-la ḡaa yiri-peī ne. Mi Nyimma ne nii-la sii pimi yirin̄, nii-la ma si si u ḡaa ma Wia ne. ⁵⁵ Ma buu jin̄, ama mi-na jim̄u ne. Di mi ne jan̄ bul ari mi buu jin̄, mi jan̄ ḡaa wu-nyiaru, ari ma si ḡaa wu-nyiaraa ḡii. Mi saa jim̄u ne a tuto u niin̄. ⁵⁶ Ma naabalima Abiraham nia ari mi jan̄ kō dunia duu nami. U si nii ḡii, u tuon̄ fa tōre. U paala nami ne.” ⁵⁷ Nii ne Juu timma-la bula pu a bul, “N̄ ha paala bi jis̄in̄ mahin̄ balia ari fii yie. Eε ne saa ḡ ḡaa a na Abiraham?” ⁵⁸ Nii ne Yesu bula piba a bul, “Wutitii ne mi bulaa pima, ka di ba-na lul Abiraham, mi fa he dime ne.” ⁵⁹ Nii ne ba paa tabiaa di ba yagu. U ken̄ u titia faa a luora lii Wia-dia-la tuon̄.

9

Yesu vaare baal-la ba si lulu duu nyulima

1 Yesu si jon wonḅiin viven, u na baal kubala, ba lulu duu nyulima ne.
 2 Nii ne Yesu haritooroo piesu a bul, “Kuhian, kubee haache ne ḅaa baala deen nyulime? Baal-la haache ne koo u nyimma ari u naan haache ne?”
 3 Nii ne Yesu bula piba a bul, “Baal-la nyulimuj bi u haacheba le lia, u nyimma ari u naan haache ma dee bi tii u nyulime. U nyulima di niaa wuo na nii Wia dol-la si wuo tinj tintinḅaa u le ne. 4 La si na wonḅiin, má len di la tinj tintimii-la nii-la si tinji di mi tinj. Bua kubala jan yi nuu-kala bira bi jan wuo tinj tintimii-la. 5 Mi ha si he dunia le nii, mi ne ḅaa dunia niaa pulumuj.” 6 Yesu si bul nii ne, u tu nanḅuoruj bil tinteen a kaa buu tiarin, a paa a taa baal-la siaa, an bula pi baal-la a bul, 7 “Sii tu fuo kubala baa yire Siloom (yirin deen bubuon ne ḅaa ‘mi timu ne’) a son ḅ siaa.” Nii ne baal-la sii tuu son u siaa fuo-la le. U siaa suri, u miira ko. 8 Nii ne nialin si kpagu, an nialin kala fa si na baal-la duu faa sul kiaa, ba pipiese donjo, “Baala deen dee fa bi hono susul kiaa nii?” 9 Donḅsun si u ne, donḅsun ma si duu dee, ama u ta nagu ne. Nii ne baal-la titia bul duu ne nii. 10 Nii ne ba piesu, “Ee ne ḅ ḅaa ḅ siaa suri?” 11 Nii ne baal-la bul di nii-la ba sii yire Yesu ne buu tiarin, a paa taa u siaa le, an bula pu duu tuu Siloom fuo-la a son. U tuu son, u siaa suri. 12 Nii ne ba piesu, “Nia le ne u he?” Baal-la bul di u bi jin.

Farisii tinḅaa piесе nyuluj-la vaariḅ wiaa

13 Nii ne ba ken baal-la fa si nyulima a kaa mu Farisii tinḅaa teen.
 14 Tapulii-la Yesu si buu tiarin a taa baal-la siaa ba suri, u ḅaa che-wiesii-la cheen ne. 15 Nii ne Farisii timma-la piесе baal-la nii u si ḅaa u siaa suri. Baal-la bula piba a bul di Yesu ḅaa tiarin ne taa u siaa, u son, u siaa suri. 16 Nii ne ba ken wii-la lilere. Farisii tinḅaa donḅsun bula ari Wia dee bi baala deen tima, bee wiaa u bi ba che-wiesii-la kisin le ka to. Nii ne donḅsun ma si di “Ee ne nuu si ḅaa haache tiina jan wuo ḅaa wu-magilaa deenba?” 17 Nii ne Farisii timma-la bira piесе baal-la a bul, “U si suri ḅ siaa nii, ni-bee ne ḅ biina ari u ḅaa?” Nii ne baal-la si u-na biina ari nialin sii bul wiaa, Wia Din-zon-la doluj le donjo ne.

18 Ama Juu tinḅaa kuhiasi-la si, ba-na bi laa dii ari baal-la fa nyulima ne an leele nina nii, see di ba yire u nyimma ari u naan. 19 Nii ne ba yire baal-la nyimma ari u naan a piесеba, “Ma bie ne ḅlaa? Ma si, ma lulu duu nyulima nee? Ee ne u ḅaa a nina leele?” 20 Nii ne baal-la nyimma ari u naan bul, “La jima ari la bie ne ḅla. La jima la lulu maa duu nyulima ne. 21 Ama la bi jin u si ḅaa nii u siaa suri, la bira bi jin nii-la ma si ḅaa u siaa suri. Má piesu, u waa ne. U titia jan wuo bula pima.” 22 Baal-la nyimma ari u naan faa fá Juu timma-la ne. Nii ne tii ba bul nii. Juu timma-la fa si di nii-la kala si bula ari Yesu ne ḅaa Kirisito, nii-la Wia si liisa, ba jan kiru ba Wii-chuole dia le. 23 U naan ari u nyimma jin nii ne a bul duu waa ne, di ba piesu.

24 Nii ne Farisii timma-la bira yire baal-la ba si lulu duu nyulima a bul, “La jima ari baala deen ḅaa haache tiina ne. Wia sipaan bul wutitii pila.” 25 Baal-la si, “Mi-na bi jin di baal-la ḅaa haache tiina koo u bi haache tiina ḅaa. Ama wii-la mi-na si jima ne ḅla: Mi fa nyulima ne, ama leele mi siaa suro ne.” 26 Nii ne ba piesu a bul, “Ee ne u ḅaa a suri ḅ siaa?” 27 Nii ne baal-la bula piba a bul, “Mi laa sipaan bula pima ne, ka ma bi jegile. Bee

ne tii ma bira chiche di ma nii? Ma ma saa che di ma mu ስaa u haritooro ne?" ²⁸ Nii ne ba tuusu woruጅ aጅ bul, "ገ ne ስaa u haritooro, ama la-na ስaa Moosis haritooro ne. ²⁹ La jima ari Wia fa bul wiaa pi Moosis ne, ama baal-la deen-na, la bi jin u si lii lee-la kala." ³⁰ Nii ne baal-la bul, "Wu-kpuጅkperene ne ስla. Ma bi jin lee-la u si lia, ama u ne suri mi siaa. ³¹ La jima ari Wia bi haache tinጅaa wu-buluጅ ka jegili. Uu jegili nialin sū zilu ne aጅ pe ስጅaa wialin u si cho. ³² Dunia si suomo, ma ha nia ari nuu ba si lula duu nyulima, di nuu suri u siaa? ³³ Di nii-la ne bi Wia teen ስia, u bi wiin deen wuo ስaa." ³⁴ Nii ne ba bula pi baal-la a bul, "Ba paala luluጅ di ስ ስaa haache tiina ne, ka ስ ma saa che di ስ dagela koo?" Nii ne ba kiru ta u lii Wii-chuoጅ dia-la ጅ.

Nii-la si bi Wia Diጅ-zጅጅ-la keጅ, u nyulima ne.

³⁵ Yesu si nia di ba kiri baal-la ta u lii Wii-chuoጅ dia-la tuጅጅ, u mu cheu, a nau a piesu, "ገ laa Nuhuobiine Bie wiaa dii koo?" ³⁶ Nii ne baal-la piesu, "Kubጅ ne ስii? Dageጅ tiina di mi laa u wiaa dii." ³⁷ Nii ne Yesu bula pu a bul, "ገ paala nau ne. U ne nii-la sū bul wiaa ስ teen ስii." ³⁸ Nii ne baal-la tuu kpirimi Yesu sipaan a chuጅlu aጅ bul, "Mi Tiina, mi laa ስ wiaa dii ne." ³⁹ Nii ne Yesu bul, "Mi ko dunia di mi ስaa di nialin si nyulima, di ba siaa suri ne, ka di mi ስaa di nialin si si di ba siaa suro ne, di ba nyulime." ⁴⁰ Farisii timma-la si chin dime a nii Yesu si bul ስii, ba piesu a bul, "ገ biina la ma nyulima ne?" ⁴¹ Nii ne Yesu bula piba a bul, "Di ma ne fa nyulima a bi wutitii jin, ma fa bi wii-kala cheye. Ama ጅጅጅ ma si folo bul di maa na ne a jin wutitii ስla, ስii-na ma cheerin ha hema ጅ ne."

10

Yesu si u ne ስaa pie-daari-zጅጅጅ

¹ Nii ne Yesu mage namaga a bul, "Wutitii ne mi bulaa pima, nii-la kala si bi boinጅniin to juu pie-dia, aጅ wule to kere juu, u tiina ስaa gaaru ne. ² Ama nii-la si to pie-dia boinጅniin juu, u ne ስaa piese-la pie-daara. ³ Pie-dia bibenne yie suri pie-dia boinጅniin ne a pu. Piese-la ma jin u yiikoro. U yie yiyireba kubala kubala, a laa ba sipaan a keጅba lii. ⁴ Di u ne keጅ u kiaa kala lii, u yie laa ba sipaan ne, ka piesee tuto u harin, beጅ wiaa ba jin u yiikoro ne. ⁵ Ba bi nuhuጅro harin ka to, ba jan miira fá u harin, beጅ wiaa ba bi nuhuጅro-la yiikoro jin." ⁶ Yesu mage namaga deen piba, ka ba bi wii-la u si bula piba bubuጅጅ jin. ⁷ Nii ne Yesu bira bula piba a bul, "Wutitii ne mi bulaa pima, mi ne ስaa pie-dia-la boinጅniin. ⁸ Nialin kala si laa sipaan ko mi ጅ a nya wiaa bul di Wia ne tinጅa, ba kala ስaa gaaraa ne, piese-la ma bi ba yiikoro ጅ ka to. ⁹ Mi ne ስaa boi-la, nii-la kala si tomi ጅ juu, mi jan laa ta. Nialin kala si juu, mi jan beጅba ari niaa sū beጅ piesee ስii, a leጅ ba lii didii yan aጅ miira kuu juu. ¹⁰ Gaara-na yie ko duu gaa a kpu ne koo duu chei kiaa, ama mi-na ko di niaa wuo keጅ miisin, di ba tuጅጅ tutጅre woruጅ bua-na kala ጅ." ¹¹ Yesu bira bula, "Mi ne ስaa pie-daari-zጅጅጅ. Pie-daari-zጅጅጅ yie jon u miisin yጅጅ suuጅ ne u piesee wiaa. ¹² Ama nii-la si bi piesee tii aጅ didaa, ka ba titimu, u ne yie na gunጅguro duu ko, u leጅ piese-la aጅ fá. Gunጅguro-la ku keጅ ba doጅsuጅ aጅ ስaa doጅsuጅ piese. ¹³ U yie fá, beጅ wiaa u daa piese-la, ka ba titimu ne. U sipaa kala tuo piese-la ጅ. ¹⁴ Mi ne ስaa pie-daari-zጅጅጅ. Mi jin mi piesee, mi piesee ma jinmi. ¹⁵ Nii titia ne mi Nyimma jinmi, mi ma jim. Mi jon mi miisin yጅጅ suuጅ, mi piesee wiaa. ¹⁶ Mi keጅ piesee doጅsuጅ

maa, aŋ ka ba tuo piesee deenba tuon. Mi jaŋ kenba kaa ko. Ba ma jaŋ jin mi yiikoro a kala ŋaa ni-bala piesee, ba pie-daara ma ŋaa kubala. ¹⁷ Mi jon mi miisin ne yoo suun mi piesee wiaa, ka di mi bira laa. Nii ne tii mi Nyimma cho mi wiaa nii. ¹⁸ Nuu-kala dee bi jaŋ wuo len mi jon mi miisin yoo suun, mi titia tuoton le ne. Mi ken dolun di mi jon mi miisin a yoo suun, a bira ken dolun di mi laa mi miisin maa. Mi Nyimma ne pimi dolun deen.”

¹⁹ Yesu si bul wiaa deenba, Juu timma-la bira ken wiaa lilerε. ²⁰ Ba jesin si di beε ne tii ba jijegili u wiaa, di jinsin ne kenu u nyinyaase. ²¹ Ba donsun ma bul di nii-la jisin si kene bi wiaa deenba wuo bul. U bira bi nyulimaa ma siala wuo suri.

Yesu bula ari u ne ŋaa Wia Bie

²² Nii ne Juu tinŋaa gbiele kubala yi di ba gbieli Jerusalem le. Bua deen le ne ba liliisi ba si saa ba Wia dia dere a jonjo pi Wia. ²³ U fa ŋaa waarin chene tuon ne. Bua deen le ne Yesu vinen zawura-la tuon ba sii yire Solomon zawura a he Wia dia-la le. ²⁴ Nii ne Juu tinŋaa gbaaru a piesu a bul, “Eε ne ŋ jaŋ kenla dieni mage ŋla aŋ-na bula pila nii-la ŋ si ŋaa? Di ŋ ne ŋaa Kirisito, nii-la Wia si liisa, chaasa bula pila.” ²⁵ Nii ne Yesu bula piba a bul, “Mi laa sipaan bula pima ne, ka ma bi laa dii. Tinjimii-la mi sii tinj mi Nyimma dolun le dage nii-la mi si ŋaa ne. ²⁶ Ama ma bi mi piesee ŋaa, nii ne tii ma bi mi wiaa laa dii. ²⁷ Mi piesee jin mi yiikoro ne, mi ma jinba, ba tuto mi harij. ²⁸ Nii ne mi piba miisi-la si bi dere, ba bi jaŋ ko di ba suba. Nuu ma saa bi jaŋ wuo kenba kaa laa mi nisin le da. ²⁹ Mi Nyimma-la si jonba pimi, u ne kii kun-kala. Nuu ma kala saa bi jaŋ wuo kenba kaa laa u nisin le. ³⁰ La di mi Nyimma kala ŋaa kubala ne.”

³¹ Yesu si bul nii, Juu timma-la bira paa tabiaa di ba yagu. ³² Nii ne Yesu bula piba a bul, “Mi ŋaa wu-zonŋoo yuge ne ma sipaan di ma na. Mi Nyimma ne pimi dolun mii ŋaa. Ba kubee wiaa ne tii maa che di ma yagemi?” ³³ Juu timma-la ma miira bul, “La bi che di la yagin a tinj ŋ si ŋaa wu-zomε-la wiaa, ama ŋ ŋaa nuhuobiin ne aŋ ken ŋ titia a kaa birime Wia, a tutuuse Wia jonŋoo. Nii ne tii.” ³⁴ Nii ne Yesu bula piba a bul, “Wia tenin tuon seme donŋ ba ŋmunsa a bul di la nage Wia ne. Wia bul wiin deen pi nialin ba si ŋmunse Wia tenin pa ne. ³⁵ U ŋaa wutitii ne, la bi jaŋ wuo via Wia tenin.” ³⁶ Nii ne Yesu bul, “Wia si liisemi, a tinjmi mi ku tuu dunia, εε ne saa ma jaŋ bul di mii tuuse Wia jonŋoo ne di mi ne bula bul di mi ŋaa Wia Bii ne? ³⁷ Di mi ne bi mi Nyimma tinjtinŋaa ka tinj, ma si mi wiaa laa dii. ³⁸ Ama di mi nii tinj mi Nyimma tinjtinŋaa, má laa mi wiaa dii a tinj tinjimii-la mi sii tinj wiaa, ari ma si bi wialin mi si bula pima laa dii kala. Nii le ne ma jaŋ wuo to jin a laa dii ari mi Nyimma hemi le ne. Mi ma heu le.” ³⁹ U si bul nii, ba bira chiche di ba kenu, u fori ba nisin le.

⁴⁰ Nii ne Yesu bira miira mu kieli Joodan fuon, a mu lee-la Jɔɔŋ fa sii fo niaa Wii-chuoε liin a he dime. ⁴¹ Niaa yuga a ko u teenj. Ba si di Jɔɔŋ fa bi wuu-magil kala ŋaa, ama wialin kala u fa si bula a tige baala deen le ŋaa wutitii ne. ⁴² Niaa fa yuga a laa u wiaa dii lee-la.

11

Lazɔɔs sii suun le

¹⁻² Baal kubala ne fa he taŋ kubala le, taŋ-la yirin ne Betani. Baal-la yirin ne fa Lazɔɔs. U dihaalaa Mεeri ari Maata ma fa he lee-la ne. Mεeri deen

ne bua kubala le jon tulaali a bisa he la Tiina Yesu naasin le, an ken u nyu-punaa a tiike. Nii ne Lazoros fa wiwiile. ³ U dihaalaa tin ba mu bula pi Yesu a bul, "La Tiina, nii-la η si cho ka wiilu ne." ⁴ Yesu si nii wiin deen, u si, "Nyanyalin deen dee bi maga di Lazoros wiila suu, ama di Wia yirin to nii le ne a yire, di mi ma Wia Bie yirin to dime yire."

⁵ Yesu fa cho Maata ari u ηaana ari Lazoros ne kinken. ⁶ U si nia di Lazoros ka wiilu lee-la u fa si he, nii ne u bira chua dime tapulaa balia. ⁷ Nii harin ne u bula pi u haritooroo a bul, "Má leη di la miira mu Judiya tinteen." Betani fa he Judiya tinteen le ne. ⁸ Nii ne Yesu haritooroo bula pu a bul, "La kuhian, Juu tinηaa faa che di ba paa tabiaa yagin lee-la ne, u bi diene, an ka η biraa che di η mu dime ηii?" ⁹ Nii ne Yesu mage namaga a dage ari u suun bua ha bi yie. U si, "Tapulun ken hawaba fii ari balia ne. Nii wiaa, di nuu nii venj wiiheyē, u bi jan gigerē kiaa, bee wiaa lerin pulla ne. ¹⁰ Ama di η nii venj titanin, η yie gigerē kiaa ne, bee wiaa pulumun tuo." ¹¹ Nii ne Yesu bira bula pi u haritooroo a bul, "La nanδonδ Lazoros pin don ne, ama mi saa jan mu chisu don le." ¹² Nii ne u haritooroo bula pu, "Di u ne pin don, ηii-na u jan duori." ¹³ Yesu si bul ηii, u si ari Lazoros suba ne, an ka u haritooroo biine ari don titia ne u sene pin. ¹⁴ Nii ne Yesu chaasa bula piba ari Lazoros suba ne. ¹⁵ Nii ne Yesu bul, "A tin ma wiaa mi tuon toro ari bua-la le Lazoros si suba mi tuo lee-la. Nii le ne ma jan to a wuo laa mi wiaa dii. Má leη di la mu u teen." ¹⁶ Yesu haritooroo tuon don yirin ne fa Tomas. Ba kenu yiyire daalierin ma ne, bee wiaa ba fa ηaa daalierin ne. Nii ne u bula pi u donsun tinηaa a bul, "Má leη di la kala to Yesu harin, duu ne ηaa suu maa, di la kala suu."

¹⁷ Nii ne Yesu ari u haritooroo mu Betani. Ba si mu yi lee-la, niaa bula pu ari ba si hugi Lazoros, u tapulaa banese ne ηla. ¹⁸ Betani ari Jerusalem fa ηaa ari meel-daasin balia ne. ¹⁹ Juu tinηaa fa yuga a lii Jerusalem ko Betani di ba lolle Maata ari Mēeri a tin ba dibaala si suba wiaa. ²⁰ Maata si nia ari Yesu faa ko ne, u sii lii duu chemu wenin le, an ka Mēeri-na fa he dia le. ²¹ Nii ne Maata bula pi Yesu a bul, "Mi Tiina, di η ne fa he daha, mi dibaala fa bi jan suu. ²² Ari ηii ma ha, mi jima ari η ne sul Wia chiche kun-kala, u jan pin." ²³ Nii ne Yesu bula pu ari u dibaala jan bira sii a ken miisin. ²⁴ Nii ne Maata bula pu, "Mi jima ari dunia che-derin u jan sii suun le, bua-la le nialin kala si suba si jan sii." ²⁵ Nii ne Yesu bula pu, "Mi ne ηaa nii-la si jan sii suun le, a chise niaa suun le di ba ken miisin. Nuu-kala si laa mi wiaa dii, di η suba maa, η jan sii a ken miisin. ²⁶ Nii-la ma kala si weye an laa mi wiaa dii, u bi jan ko duu suba. η laa wiin deen dii koo?" ²⁷ Nii ne Maata bul, "Oo, mi Tiina. Mi laa dii ari η ne ηaa Kirisito, nii-la Wia si liisa, a ηaa Wia Bie maa, nii-la si maga duu ko dunia deen."

²⁸ Maata si bul wiaa deenba dere, u miira juu dia a luora yire u ηaana Mēeri, a munso a bula pu a bul, "Mēeri, la kuhian ko ne aa yirin." ²⁹ Mēeri si nii ηii, u sii lima a lii duu chemu. ³⁰ Bua-la le di Yesu ha bi tan-la tuon jua, u ha he lee-la Maata si chemu ne. ³¹ Juu timma-la ari Mēeri fa si he dia le baa nyagu, ba na Mēeri duu sii lima. Ba si na ηii, ba sii to u harin, bee wiaa ba fa biina duu che duu mu yel ne lee-la ba fa si hugi u dibaala. ³² Mēeri si yi lee-la Yesu fa si he a nau, u tuu tel u naasin le an bul, "Mi Tiina, di η ne fa he daha, mi dibaala fa bi jan suu." ³³ Yesu si na Mēeri ari Juu timma-la sii to u harin ko di baa yel, u tuon faasa chei. U yaraa ma faasa venj. ³⁴ Nii ne u pieseba a bul, "Nii le ne ma hugu?" Ba bula pu,

“La Tiina, ku na lee-la.” ³⁵ Ba si bul nii, Yesu yel. ³⁶ Nii ne Juu timma-la bul, “Má bee na u si chou nii.” ³⁷ Dõnsun ma piëse a bul, “Ka u ne suri nyulimaa siaa nii, u saa fa bi jan wuo ñaa di Lazõros sí suu?”

³⁸ Ba si bul nii, Yesu yaraa bira ven. Nii ne ba mu yi bua-la lerinj. Bua-la fa he bun le ne. Ba jon tabiin to niinj. ³⁹ Nii ne Yesu bul di ba suri tabii-la bua-la niinj. Nii ne Maata, baal-la si suba dihaala dõnj, bula pu, “Mi Tiina, u si suba, u tapulaa banese ne jinin. Nla uu suõru.” ⁴⁰ Nii ne Yesu bula pu a bul, “Mi bi bula pin ari ñ ne laa mi wiaa dii, ñ jan na nii Wia si kenj dolun?” ⁴¹ Nii ne ba kenj tabii-la suri. Yesu wula bej wia nyun ari bul, “Mi Nyimma, mii lollun ari ñ si jegile nii mi teenj. ⁴² Mi jima ari ññ jegili mi teenj ne bua-na kala le. Ama mi bul wiinj deen a tinj nialinj si he daha wiaa ne, di ba wuo laa dii ari ñ ne tinji.” ⁴³ Yesu si bul nii dere, ñii ne u faasa bul, “Lazõros, ku lii!” ⁴⁴ U si bul nii, baal-la si suba sii ku lii. U si ku lii, geri-kõsumõõ ne fa wõõ u naasinj ari u nisaa kala. Gerinj dõnjõ ma to u siaa. Nii ne Yesu bula pi nialinj a bul, “Má kenu puro ta duu viiri.” Ba kenu puri.

Ba vuura di ba kpu Yesu

Mat. 26.1-5; Maak 14.1-2; Luuk 22.1-2

⁴⁵ Juu timma-la fa si kõ di ba chuõle Mëeri, a to u harinj mu a na wii-la Yesu si ñaa, ba tuõj niaa yuga a laa u wiaa dii. ⁴⁶ Ka dõnsun ma miira mu bula pi Farisii tinjaa wii-la Yesu si ñaa. ⁴⁷ Nii ne Farisii timma-la ari nialinj si kpu pusunj pipi Wia kuhiasinj ari niaa dõnsun hilimi a hõnõ vuure a bul, “Bee ne la jan ñaa? Má na wu-magila-la kala baala deen sii ñaa ne. ⁴⁸ Di la ne leje duu ññaa wiaa deenba, nuu-kala jan laa u wiaa dii. Nii harinj Rom tinteen niaa jan kõ a kenj la Wia-dia ari la tinteen kala kaa laa.” ⁴⁹ Juu nihiasi-la tuõj dõnjõ ne ba faa yire Kayafas. Jina-la le u ne fa ñaa nialinj si kpu pusunj pipi Wia kuhianj. Nii ne u bul, “Ma bi wii jin. ⁵⁰ Ma bi jin di ni-bala ne laa tinteen niaa kala nyun suu, u ne kpia la tinteen niaa kala si suba, koo ma bi wiinj deen jin?” ⁵¹ U si bul nii, u bi naga u titia dolun le ne u bul nii, ama u si ñaa nialinj si kpu pusunj pipi Wia kuhianj jina-la, ñii ne tii u wuo bul wiaa, Wia Din-zõj-la dolun le, ari Yesu jan laa tinteen niaa kala nyun suu, ⁵² tinteen deen niaa ma dunõnja wiaa dee, ama duu wuo pe kese Wia biiri-la si pisa he leree dõnsun maa a he dõnjõ le. ⁵³ A chinj tapulii-la a kaa mu Juu tinjaa kuhiasi-la vuure ñii ba si jan to kpu Yesu.

⁵⁴ Nii wiaa Yesu bira bi chaasaa gõlle kpilii Juu tinjaa tuõj. U lii dime a mu lee kubala baa yire Efirim a kpage giri-bine tuõj. Ba di u haritooroo he dime.

⁵⁵ Bua-la le di Juu tinjaa diisinj kielinj gbiele-la kpaga. Nii ne Juu tinjaa yuga a lii ba jasin le a mu Jerusalem, di ba piise ba disinninj ta, ari ka di gbiele-la-na yi. ⁵⁶ Nii ne ba bee chiche Yesu gbiele-la tuõj. Ba si hõj Wia-dia tuõj, ñii ne ba pipiëse dõnjõ, “Ma biina u jan kõ gbiele-la koo, u bi jan kõ?” ⁵⁷ Bua-la le, di nialinj si kpu pusunj pipi Wia kuhiasinj ari Farisii tinjaa pa niinj, di nuu-kala ne jinj Yesu si he lee-la, duu dage, di ba wuo kenu.

12

Mëeri ñaa nuun tise Yesu naasinj

Mat. 26.6-13; Maak 14.3-9

¹ Leele u ka tapulaa balidu ne, ka di Juu tinjaa diisinj kielinj gbiele-la-na yi. Nii ne Yesu sii mu Betani, lee-la Lazõros si he, baal-la u fa si chisa suunj le. ² Nii ne u juu Lazõros dia. Ba ñaa kudiilee di ba huõru. Nii ne

Lazərəs ari niaa dōnsuŋ pɛ Yesu lɛ di ba dii kudiile-la. Maata nɛ fa kɛŋ kudiile-la gollɔɔ kpaa. ³ Nii nɛ Mɛəri jon nuuŋ ari loŋ. U suɔra sima. U yalliŋ ma hɛye. Nii nɛ u joŋo bisa hɛ Yesu naasiŋ lɛ, a kɛŋ u nyu-punaa kaa tiikɛ. Nu-la suɔra sɔ dia-la kala. ⁴ Di Yesu haritoooro dōŋo baa yire Judas Isikarɔt, duu fa hɛ dime, nii-la fa si jaŋ jon Yesu yalle. Nii nɛ u bul, ⁵ “Bɛɛ nɛ tii ba bi nuuŋ deen joŋo yalle siidi bui balia, a jon moribie-la pi summoo?” ⁶ U si bul nii, u bi naga duu cho summo-la nɛ tii, ama u fa ŋaa gaaru nɛ. U nɛ faa kori ba moribiee a yie liliisɛ moribie-la si hɛ dime. ⁷ Nii nɛ Yesu bula piba a bul, “Má leŋ haal-la. Má leŋ duu ŋaa nii a gbɛrɛ tapulii-la ba si jaŋ hugimi. ⁸ Ma di summoo jaŋ hɛ dime bua-na kala lɛ. Ama la di ma bi jaŋ hɛ dime deen deen.”

⁹ Niaa yuga juu timma-la tuɔŋ a nii di Yesu hɛ Bɛtani lɛ, a sii mu dime. Yesu duŋduŋa wiaa deɛ ba mu dime. Ba mua ka di ba pɛ na Lazərəs, nii-la u fa si chisa suuŋ lɛ nɛ. ¹⁰ Nii nɛ nialiŋ si kpu pusuŋ pipi Wia kuhiasin vuurɛ di ba kpu Lazərəs maa. ¹¹ A tiŋ Yesu si chisɛ Lazərəs suuŋ lɛ wiaa juu tinŋaa yuga a via ba nihiasin niin, aŋ laa Yesu wiaa dii.

Ba zil Yesu kaa juu Jerusalem

Mat. 21.1-11; Maak 11.1-11; Luuk 19.28-40

¹² Tan si pula, ni-dañ-la si kɔ diisin kielin gbiele-la nii ari Yesu ka kɔ Jerusalem nɛ. ¹³ Nii nɛ ba kala kaarɛ abɛɛ pipaariŋ a kaa mu di ba chemu, a faasa ŋaa gon a bubul, “Tabarikala. Wia jaŋ pɛ nii-la sii kɔ la Tiina Wia doluŋ lɛ. U nɛ ŋaa la Iziral tinŋaa kuoro.” ¹⁴ Ba sii ŋaa nii, nii nɛ Yesu na kaku-bie a hoŋ u nyuŋ. Ba fa ŋmuŋsɛ nii nɛ Wia tenin tuɔŋ a bul, ¹⁵ “Ma nialiŋ si hɛ Zaayon lɛ, ma si fawulluŋ fá. Ma kuoro ní kɔ ma teen a jil kaku-bie.”

¹⁶ Yesu haritoooro fa bi wii-la bubuɔŋ jin, ama Yesu si suba aŋ sii suuŋ lɛ a laa yirin nii, bua-la lɛ nɛ ba liisi ari wialiŋ ba si ŋmuŋsa a tigeu lɛ nɛ, ba sene ŋaau lɛ nii. ¹⁷ Ni-dañ-la fa si hɛ dime a na Yesu duu yire Lazərəs u sii a lii suuŋ bua lɛ, nii nɛ baa bul wii-la. ¹⁸ Ni-dañ-la si nia ari Yesu ŋaa wu-magilin deen, ba kala lii di ba chemu. ¹⁹ Nii nɛ Farisii timma-la bula pi dōŋo a bul, “La bi wii-kala wuo ŋinŋaa. Má bee na, dunia niaa kala ní to u harin nii.”

Yesu bul u suuŋ wiaa

²⁰ Nialiŋ si lii Giriis tinteen dōnsuŋ ma fa hɛ nialiŋ si mu Jerusalem di ba chuɔle Wia gbiele-la lɛ tuɔŋ nɛ. ²¹ Nii nɛ niaa deenba mu Filip teen. Filip fa lii Betsaada nɛ, Galilii tinteen. Ba bula pi Filip ari baa che di ba na Yesu nɛ. ²² Filip ma mu bula pi Anjduru. Nii nɛ ba balia-la mu bula pi Yesu. ²³ Nii nɛ Yesu bula piba a bul, “Bua-la lɛɛɛ kpaga nɛ di mi-na Nuhuobiine Bie laa yirin. ²⁴ Wutitii nɛ mi bulaa pima, di ŋ nɛ jon mii-biin duu, u yie pua nɛ tinteen, aŋ nyu, a hɛ mii-biee yuge. Di ŋ nɛ bi joŋo duu tinteen duu pua, u bi jaŋ kɛŋ bieɛ. ²⁵ U si nage nii mii-biin ŋ si joŋo duu lɛ, nii titia nɛ u nage nuhuobiine ma lɛ. Nii-la kala sii che duu laa u miisin, u jaŋ via u miisin ta, ama nii-la kala si via u miisin ta dunia deen lɛ, u tiina jaŋ kɛŋ miisi-la si bi dɛrɛ. ²⁶ Nii-la kala si cho duu tima pipimi, see tiina to mi harin. Lee-la kala mi si hɛ, u tiina ma jaŋ hɛ dime. Di nuu-kala nɛ tima pipimi, mi Nyimma jaŋ zil u tiina.

²⁷⁻²⁸ Lɛɛɛ mi tuɔŋ bi di-bala pina. Bɛɛ nɛ saa mi jaŋ bul? Mi saa bul di mi Nyimma si leŋe di wialiŋ kala si jaŋ ŋaami lɛ ŋaa koo? Ai, mi bi jaŋ wuo bul nii. Wiaa deenba si jaŋ ŋaami lɛ wiaa nɛ tii mi kɔ dunia. Mi

Nyimma, lenj di niaa yire η yiriŋ.” Nii ne nuu yiikoro lii wia nyuŋ a bul, “Mi paala laa yiriŋ ne. Mi saa jaŋ bira lenj di niaa yire mi yiriŋ.” ²⁹ Ni-dan-la si chiŋ dime a nii nii-la yiikoro, doŋsuŋ si di taŋ ne domo. Doŋsuŋ ma si di Wia tiŋdaaru ne bul wiaa pu. ³⁰ Nii ne Yesu bula piba, “Ma wiaa ne tii yiikoro deen bul nii, mi wiaa dee. ³¹ Bua-la le Wia si jaŋ dii dunia niaa sariya yie ne. Bua deen le ne u ma jaŋ kiri Sitaani ta, nii-la si ŋaa dunia niaa kuoro. ³² Ama di ba ne kpaasemi daa-geŋe nyuŋ, mi jaŋ ŋaa di niaa kala ko mi teenj.” ³³ U si bul wiin deen, u bula dage suu-la yiri u si jaŋ suu ne. ³⁴ Nii ne nialin bul, “Ba dagela ari ba ŋmuŋŋe Wia tenin tuoŋ a bul di Kirisito, nii-la Wia si liisa, bi jaŋ suu, duu jaŋ he dime deen deen. Ee ne saa η bul di ba jaŋ keŋ Nuhuobiine Bie a kpaase daa-geŋe nyuŋ? Kubee ne saa Nuhuobiine Bie deen wiaa η sii bul?” ³⁵ Nii ne Yesu bula pi nialin a bul, “Puluŋ-la si he ma teenj, u bi jaŋ dieni. Puluŋ-la ha si he dime nii, ma veŋ puluŋ-la le, di birimiŋ sima to. Nii-la sii veŋ birimiŋ tuoŋ bi jin lee-la u sii mu. ³⁶ Puluŋ-la si he ma teenj nii, ma laa u wiaa dii. Di ma ne ŋaa nii, ma ma jaŋ keŋ pulumuŋ a ma chaane.”

Yesu si bul wiaa deenba dere, u lii a keŋ u titia faa di ba si u na. ³⁷ U si ŋaa wu-magila-la kala ba na, ari nii kala, ba ha bi u wiaa laa dii. ³⁸ Ba si bi u wiaa laa dii nii, nii leŋe wialin nii-la fa sii bul wiaa, Wia Diŋ-zoŋ-la doluŋ le baa yire Azaaya si bula ŋaa wutitii ne. U fa bula, “Nuu-kala bi wialin la si bula piba laa dii.

Nuu-kala ma bi la Tiina Wia doluŋ na.”

³⁹ Ba sene bi Wia wiaa wuo laa dii. Nla ne Azaaya bira bul a tigeba le. ⁴⁰ U si,

“Wia to ba siaa ne
aŋ nyire ba tuoŋ,

di ba siaa si kuŋ-kala wuo na,

di ba si wiaa bubuoŋa ma wuo jin.

Di nii dee, ba fa jaŋ ko Wia teenj duu pulle ba tuoŋ, di ba birima tutou.”

⁴¹ Azaaya fa na Kirisito fa si jaŋ keŋ doluŋ, nii ne tii u bul nii. ⁴² Ari nii ma kala juu tiŋŋaa kuhiasin yuga a laa Yesu wiaa dii, ama a tiŋ Farisii tiŋŋaa wiaa fawulluŋ fa keŋba. Ba bi wuo chaasa bul ari ba laa u wiaa dii, di nii dee, ba fa jaŋ kiriba Wii-choole dia le. ⁴³ Ba fa cho di niaa ne bibeseba le a kii Wia si beseba le.

⁴⁴ Nii ne Yesu faasa bul, “Nii-la kala si laa mi wiaa dii, u ma laa nii-la si tiŋmi wiaa dii ne. Mi duŋduŋa wiaa dee u laa dii. ⁴⁵ Nii-la kala si nami, u ma na nii-la si tiŋmi ne. ⁴⁶ Mi ku tuu dunia di mi ŋaa dunia pulumuŋ ne a chaane. Nii-la kala si laa mi wiaa dii bira bi jaŋ he birimiŋ tuoŋ. ⁴⁷ Nii-la kala si nii mi wu-bulaa aŋ bi baa to, mi bi u tiina sariya ka dii, bee wiaa mi bi ko di mi dii dunia niaa sariya. Mi ko di mi laa dunia niaa ta ne. ⁴⁸ Wialin mi si bula pima ne jaŋ dii tiina si bi mi wiaa laa dii sariya chee-la dunia si jaŋ dere. ⁴⁹ Wialin mi si bula, mi titia doluŋ le dee mi bul. Mi Nyimma-la si tiŋmi, u titia ne dagemi wialin mi sii bul. ⁵⁰ Mi jima ari wialin u sii daga jaŋ pi nialin sii toba miisi-la si bi dere. Nii wiaa, wialin kala mi sii bul ŋaa mi Nyimma ne dagemi.”

13

Yesu soŋ u haritooroo naasinj

¹ Leele u ka tapulii kubala ne, ka di juu tiŋŋaa diisinj kielin gbiele-la yi. Bua deen le Yesu jin ari u jaŋ lenj dunia deen aŋ mu u Nyimma teenj. U

cho nialin sfi to u harin ne dunia deen le. Bua deen le saa dage ari u cho u haritooro ne a mu kiel. ² Tapulii-la didaanin Yesu ari u haritooro hon di ba dii kudiilee. Bua deen le di Sitaani ku juu Saamon bie Judas Isikarot duu jon Yesu yalle. ³ Yesu fa jima ari u ne lii Wia teen ne. U si lii Wia teen nii, u jan bira miira mu u teen. U bira jima ari u Nyimma fa jon kun-kala dolun ne a he u nisin le. ⁴ Nii ne Yesu sii kudiile-la nyun, a wuri u geri-balin bil, an jon popo voo u tinja, ⁵ a naa liin he taasi-gbana le, a suomo suson u haritooro-la naasin a ken popo-la titiike. ⁶ U si ku yi Saamon Piita le, nii ne Piita piesu a bul, "Mi Tiina, nj che di n ne son mi naasin?" ⁷ Nii ne Yesu bula pu, "Bua deen le n bi jin wii-la mi sfi naa, ama u harin le n jan jin u bubuon." ⁸ Nii ne Piita bira bula pu a bul, "N bi jan son mi-na naasin da." Nii ne Yesu ma bul, "Di mi ne bi n naasin somo, n bira bi mi haritooro naa." ⁹ Nii ne Piita bira bul, "Mi Tiina, di nii-na ne, si mi naasin dunduja son, son mi nyun ari mi nisaa maa." ¹⁰ Nii ne Yesu bul, "Nii-la kala si fo liin, u yaraa kala zom ne, u saa bira bi maga duu fo liin, [see duu son u naasin dunduja.] Ma kala saa bi disinnin kene, ama ni-bala dunduja ne ken disinnin ma tuon." ¹¹ Yesu paala jin nii-la sfi che duu jon yalle ne. Nii ne tii u bul di ba kala tuon dee bi pulla nii.

¹² Yesu si son u haritooro-la naasin dere, u bira jon u gerin laale a bira mu hon u di-honun, nii ne an pieseba a bul, "Ma jin wii-la mi si naama le bubuon nee?" ¹³ Ma kenmi kaa yire ma kuhian ari ma Tiina. U saa ken wonbiin ne di ma yiremi nii, bee wiaa mi ne sene nii. ¹⁴ Mi si naa ma Tiina ari ma kuhian an son ma naasin, u maga di ma saa son ma donsun tinjaa naasin. ¹⁵ Mi laa sipaan naama-na ne, di ma saa wuo njjaa nii donjo le. ¹⁶ Wutitii ne mi bulaa pima, tintinnu kala bi u kuhian kii, nii-la ma ba si tima, u ma bi nii-la si timu kii. ¹⁷ Ma leele si jin wiaa deenba nii, di ma ni naaba, ma tuon jan tore. ¹⁸ Ma kala dee mi bul ari ma tuon jan tore. Mi jin nialin mi si liisa ne. Wii-la ba si njumusa Wia tenin tuon sene jan naa wutitii. Ba bula ari la di nii-la kala si pe donjo le dii kudiilee ne jan miira gollimi le. ¹⁹ Mi bul wiin deen pipima ne, ka duu-na naa, di nii ne sene ko duu naa, ma jan laa mi wiaa dii ari mi ne naa Kirisito, nii-la wiaa ba si njumusa. ²⁰ Wutitii ne mi bulaa pima, nii-la kala si ken nii-la mi si tima worun, u tiina ken mi ma worun ne. Nii-la ma kala si kenmi worun, u tiina ma ken nii-la si tinmi worun ne."

Yesu bula ari ba jan jon yalle.

Mat. 26.20-25; Maak 14.17-21; Luuk 22.21-23

²¹ Yesu si bul wiaa deenba dere, u tuon bi di-bala pina. Nii ne u chaasa bul, "Wutitii ne mi bulaa pima, ma donjo ne jan jonmi yalle." ²² Nii ne u haritooro-la miira didaase donjo. Ba bi jin tiina u sfi dagu. ²³ Yesu haritooro-la tuon nii-la u fa si cho ne fa hono kpagu. ²⁴ Nii ne Saamon Piita loge u haritooro-la donjo duu piese Yesu-na di kubee ne u didage? ²⁵ Nii ne haritooro-la fa si kpaga Yesu wasa suusa mu yi Yesu a piesu a bul, "Mi Tiina, kubee ne?" ²⁶ Nii ne Yesu bul, "Mi si jan jon boroboro yuu disin a pi nii-la, u ne nii." Nii ne u jon boroboro-la a yuu disin a jonjo pi Judas, nii-la si naa Saamon Isikarot bie. ²⁷ Judas si yia laa boroboro-la dere, Sitaani ku juu-u. Nii ne Yesu bula pu, "Wii-la n sfi che di n naa, naau lima lima." ²⁸ Nialin donsun kala fa sfi dii kudiile-la, ba bi jin wii-la kala u fa si bula bubuon. ²⁹ Judas fa sfi kori ba moribiee nii, Yesu haritooro-la donsun fa biina ari Yesu faa che duu mu yoo kialin ba sfi che di ba dii ne

gbiele-la le, koo duu jon kun ne a pi summoo. ³⁰ Judas si laa boroboro-la dere, u guu sii a lii lima lima. Bua-la le titan je ne.

Yesu bil nji-falii ne a pi niaa

³¹ Judas si lia, nii ne Yesu bul di niaa jan na u-na Nuhuobiine Bie dolun si mage nii. Niaa ma jan tou le ne a na nii Wia si ken dolun. ³² Nii ne Yesu bira bul, "Mi si jan dage Wia dolun si mage nii, nii ne Wia ma jan dage mi-na Nuhuobiine Bie dolun si mage nii. U jan qaa nii lima. ³³ Mi biirin, mi bira bi jan he ma teen dieni. Ma jan bee chemi. Ama mi si bul nii a pi juu tinqaa, mi jan bul nii a pima maa. Lee-la mi si jan mu, ma bi jan wuo mu dime. ³⁴ Nii-falii ne mi bilee pima. U ne qla: Ma jima ari mi choma ne worun. Má cho doqo ari mi si choma nii. ³⁵ Di ma ne cho doqo, nii le ne niaa kala jan to jin ari ma sene qaa mi haritooroo ne."

*Yesu bula pi Piita ari u jan bul u buu jin
Mat. 26.31-35; Maak 14.27-31; Luuk 22.31-34*

³⁶ Nii ne Saamon Piita piese Yesu a bul, "Mi Tiina, nii ne q mumu?" Nii ne Yesu ma bula pu a bul, "Lee-la mi si jan mu, q bi jan wuo to mu, ama u harin ne q jan wuo to." ³⁷ Nii ne Piita bira piesu a bul, "Mi Tiina, bee ne tii mi bi jan wuo to q harin leele? Mi paala qaa siri di mi jon mi miisin yoo suun ne q wiaa." ³⁸ Nii ne Yesu piesu a bul, "N sene qaa siri di q jon q miisin yoo suun ne mi wiaa? Wutitii ne mi bulaa pin, ka di ji-bele-na yel, q jan bul naansiin butori ari q bimi jin."

14

Yesu si u ne qaa wonbii-la sii mu Wia teen

¹ Nii ne Yesu si, "Ma si leqe di ma tuon vugime. Má laa Wia wiaa dii a laa mi ma wiaa dii. ² Mi Nyimma jan le diisin yuga he dime. Di nii fa dee, mi bi jan bula pima ari mi jan mu wase lerin a bilma le. ³ Di mi ne mua a wase lee-la bilma le dere, mi jan bira ko a kenma kaa mu mi teen Wia-jan le, di la kala he di-bala. ⁴ Lee-la ma mi si jan mu, ma jin wonbiin ne." ⁵ Nii ne Tomas bula pu a bul, "La Tiina, la bi jin lee-la q sii mu, ee ne la jan wuo qaa jin u wonbiin?" ⁶ Nii ne Yesu bula pu a bul, "Mi ne qaa wonbiin aa mu Wia-jan. Mi ne bira Wutitii Tiina maa, a biraa pi niaa ma miisin. Nu-kala bi mi Nyimma teen wuo mu, see duu tomi le. ⁷ Di ma ne jinmi, ma jin mi Nyimma ma ne. A lii jinin saa ma paala jimu ne a nau maa."

⁸ Nii ne Filip bula pu a bul, "Mi Tiina, dagela la Nyimma, wii-la kala la sii che ne nii." ⁹ Nii ne Yesu piesu a bul, "Filip, la di q he dime a dieni nii, ka q ha bimi jin? Nii-la kala si nami, u na mi Nyimma ma ne. Bee ne saa ti q bul di mi dagema mi Nyimma? ¹⁰ N bi laa dii ari mi he mi Nyimma le ne, mi Nyimma ma hemi lee? Wialin kala mi si yie bulaa pima, mi titia dolun le dee mii bul. Wialin ma mi sii qaa, mi Nyimma hemi le nii qaa nii. ¹¹ Má laa dii ari mi he mi Nyimma le ne, mi Nyimma ma hemi le. Di ma ne bi nii wuo laa dii, má laa dii a tin wialin mi sii qaa wiaa. ¹² Wutitii ne mi bulaa pima, nii-la kala si laa mi wiaa sii, u jan wuo ninqaa wialin mi sii qaa. U jan paala wuo qaa kii wialin mi sii qaa, bee wiaa mi jan miira mu mi Nyimma teen. ¹³ Kun-na kala ma si piese chiche mi dolun le, mi jan jon pima. Mi jan qaa nii di niaa wuo tomi le a na mi Nyimma si ken dolun nii, a yire u yirin. ¹⁴ Di ma nii che kun-kala mi dolun le, mi jan qaa pima."

Yesu bula ari u jan jon Wia Din-zon-la a he niaa le

¹⁵ Njii ne Yesu bira bul, “Di ma ne chomi, ma jan tuto mi niinj wiaa. ¹⁶ Di ma nii naa njii, mi jan sul mi Nyimma duu jonj u Diŋ-zonj-la pima, duu pipema le. U jan he ma teenj a kaa mu wuu. ¹⁷ U jan didagema wutitii. Dunia niaa buu jinj. Ba bi jan wuo nau, njii ne tii u bi jan wuo heba le. Ama ma-na jimu ne. U saa jan hema le.

¹⁸ Mi bi jan lej ma dunduja ta, mi jan miira ko ma teenj. ¹⁹ U ka mua dunia niaa bira bi jan nami, ama ma-na jan nami. Mi si jan kej miisiŋ njii, ma ma jan kej miisiŋ. ²⁰ Tapulii-la Wia si jan jonj u Diŋ-zonj-la hema le ne, ma jan jinj ari mi he mi Nyimma le ne, ma ma hemi le, mi ma hema le.

²¹ Nii-la kala si nii mi niinj wiaa aa toba, u tiina ne chomi. Mi Nyimma ma saa jan cho nii-la si chomi. Mi ma jan cho tiina a kej mi titia kaa dagu.”

²² Njii ne Judas bul (nii-la ba sii yire Isikarot dee), “Mi Tiina, ee ne ŋ jan naa a kej ŋ titia dagela, aŋ bi ŋ titia kaa dage dunia niaa?” ²³ Njii ne Yesu bula pu a bul, “Nii-la kala si chomi, u jan tuto mi niinj wiaa. U si naa njii, mi Nyimma ma jan chou. La di mi Nyimma kala ma jan ku heu le. ²⁴ Nii-la si bimi cho, u bi mi niinj wiaa ka to. Wialinj ma si nii saa, mi titia dee bi bul. Ama mi Nyimma-la si tiŋmi ne dagemi nii bul.

²⁵ Mi ha he ma teenj ne, njii ne mi bul wiaa deenba pipima. ²⁶ Ama mi Nyimma jan jonj u Diŋ-zonj-la duu ku tuu a hema le mi doluj le. U jan pema le a wuo dagema wi-kala, a lej di ma liisi wialinj kala mi si bula pima. ²⁷ Mi sii mu njii, mi jan lej di ma honj ari yarifielaa di ma tuonj tere. Yarifiela-la mi si pima, u bi naga yarifiela-la dunia niaa si kene ne. Ma si leŋe di ma tuobiinaa vugime, a bira si leŋe di fawulluj ma keŋma. ²⁸ Ma nia ari mi si bula pima ari mi jan miira viiri aŋ bira miira ko ma teenj. Di ma ne fa chomi, ma tuonj fa jan tere ari mi si mu mi Nyimma teenj, bee wiaa u ne kej doluj a kiimi. ²⁹ Mi laa sipaanj bul wiaa deenba pipima ne, ka di ba-na naa, ma jan laaba dii. ³⁰ Mi bi jan wuo bul wiaa ma teenj a dieni, bee wiaa dunia kuoro ka ko ne. U bi dol kala kene mi le. ³¹ Ama mii che di dunia niaa jinj ari mi cho mi Nyimma ne. Njii ne tii mi njinaa wialinj kala u si si di mi naa. Má lej di la lii. Má sii.”

15

Yesu ne naa tii-titii-la ba sii yire vainj

¹ Njii ne Yesu si, “Mi nage tia-la titia ba sii yire vainj ne. Ama mi ne tii-titii-la. Mi Nyimma ma nage nii-la sii beŋ tia-la ne. ² Naakel-la kala si mere tia-la le aŋ bi neŋ, u yie kere ta ne, naakel-la kala sii neŋ, u yie buoro ta ne, ka di u wuo faasa neŋ woruj. ³ Ma tuonj paala bira bi disinninj kene a tiŋ wialinj mi si bula pima. ⁴ Má meremi le di mi ma merema le. Tia naakelee dunduja bi jan wuo neŋ, see di ba mere tia gentine le. Ma ma bi jan wuo tiŋ tiŋtiŋ-zonjoo, see di ma meremi le.” ⁵ Njii ne Yesu bira bul, “Mi nage tia ne, ma ma nage tia-la naakelee. Nii-la kala si meremi le, mi ma mere tiina le. Njii ne jan wuo naa duu tiŋ tiŋtiŋ-zonjoo woruj, a tiŋ bee wiaa di ma ne bimi le mere, ma bi jan wuo naa wii-kala. ⁶ Di nuu ne bimi le mere, ba jan jonj tiina yuo ta, a nage ba si yie keru tia naakelee ta, ba hil. Ba paaba a yuo he nyininj le ba dii njii. ⁷ Di ma meremi le, mi niinj wiaa mi si bula pima jan he ma tuonj. Di ma ne naa njii, kuŋ-kala ma si piŋsemi chiche, mi jan wuo naa pima. ⁸ Di ma ne tiŋ tiŋtiŋ-zonjoo woruj, ŋla ne mi Nyimma yirinj jan yire. Ma jan wuo dage njii ari ma naa mi haritooro ne. ⁹ Mi choma ari mi Nyimma si chomi njii ne. Njii wiaa, má meremi le di mi choma a kaa mu wuu. ¹⁰ Di ma nii to mi niinj wiaa, mi jan choma a

kaa mu, ari mi sīi to mi Nyimma niij wiaa a mæru le u chomi nji. ¹¹ Mi bul wiaa deenba pima di ma wuo na tuoturu-la mi si jonjo pima. Nji ne ma tuon jan faasa tore woruj a mu dere.

¹² Mi choma ne woruj. Wii-la mi si bula pima di maa nja ne nja: Má cho donjo ari mi si choma nji. ¹³ Di nuu ne nja siri duu jon u miisin yoo suuj u nanndonjo wiaa, u chou ne woruj. Nu-u-kala bi nii-la cho mage nia deen. ¹⁴ Di ma níi nja wialij mi sīi bula pima di maa nja, ma jan nja mi nanndonjon. ¹⁵ Mi bira bi jan kenma kaa yire mi tintinnaa, bee wiaa tintinna bi wii-la u kuhian sīi nja jin. Ama mi-na bul wialij kala mi Nyimma si bula pimi pima ne. Nji ne tíi mi kenmaa yire mi nanndonjon. ¹⁶ Ma dee bimi liisa, mi ne liisema. Mi liisema di ma mu faasa nja wu-zonjo ne, wu-zomola-la si bi jan lel. Di ma níi nja nji, mi Nyimma jan pima kun-kala ma si piesu chiche mi dolon le. ¹⁷ Wii-la mi si bula pima di maa nja ne nja: Má cho donjo.

Yesu bul nji dunia niaa si jan bere ba di u haritooro

¹⁸ Di dunia niaa ne berema, ma jin ari ba laa sipaan beremi ne. ¹⁹ Di ma ne fa nja dunia niaa, dunia niaa fa jan choma woruj, ari ba si cho donjo nji. Ma di dunia niaa bi kubala nja. Mi liisema dunia niaa tuon ne. Nji ne tíi ba berema. ²⁰ Mi laa sipaan bula pima ari tintinnu bi u kuhian kii. Má liisi wiin deen. Ba si dogisemi nji, ba jan dogisema ma nji. Di ba ne fa sei mi niin wiaa, ba fa jan sei ma ma niin wiaa. ²¹ Ba jan nja wiaa deenba kala a tin ma sīi to mi harij wiaa. Ba si bi nii-la si tinmi jin ne tíi baa nja nji. ²² Di mi ne fa bi ku bul wiaa piba, ba si nja wu-bomola-la kala, mi fa bi jan wuo bul di ba chei wii-kala. Ama mi si folo ku bul wiaa piba, ba bira bi jan wuo bul ari ba bi wii-kala cheye. ²³ Nii-la si beremi, tiina bere mi Nyimma ma ne. ²⁴ Wialij kala mi si nja, nuu-kala biba nja. Di mi ne fa biba nja di ba na, ba fa bi jan chei wii-kala. Ama ba naba kala ne an ha bere la di mi Nyimma kala. ²⁵ Ba si beremi nji, wialij kala ba si nmunsa Wia tenij tuon sene nja. Nja ne ba nmunse, ‘Mi bi wii-kala nja chei, ka ba beremi.’ ²⁶ Ama mi jan len di Wia Din-zon-la lii mi Nyimma teen a ku tuu hema le. U jan pema le a dagema wutitii. U ne jan bul mi wiaa pima. ²⁷ Ma ma jan bul mi wiaa pi niaa, bee wiaa mi si suomo didage niaa, la di ma kala níi to donjo.

16

¹ Mi bul wiaa deenba kala pipima di ma sí harij miiru ne. ² Bua-la jan yi di juu tinjaa kirima ta Wii-chuole diisin le. Bua ma don jan yi di niaa kpuma an biine di baa to Wia wonjiin ne nji. ³ Ba jan nja wiaa deenba kala a tin ba si bi mi Nyimma jin, a bimi ma jin. ⁴ Mi bul wiaa deenba kala pipima di bua-la ne ku yi di wiaa deenba njjaa, ma jan liisi ari mi bula pima.

Wia Din-zon-la tintinnaa

La di ma kala fa sīi to donjo, nji ne tíi mi bi wiaa deenba bula pima faafaa. ⁵ Ama leele mii mu nii-la si tinmi ne, an ka ma kun-kala ha bi mi piesa a bul di nii ne mii mu? ⁶ Mi si bul wiaa deenba pima leele nja, ma tuon cheye ne. ⁷ Ama wutitii ne mi bulaa pima nja. Mi sīi mu nji, u jan zom pima. Di mi ne bi mua, Wia Din-zon-la si jan ko a pema le bi jan ko. Ama di mi ne mua, mi jan len duu ko. ⁸ Duu ne saa ko, u jan len di dunia niaa jin ari ba nja haacheba ne. U jan bira dageba nji ba si jan to

a keḅ tuo-pula Wia sipaan, a bira dageba ari Wia jan dii ba sariya. ⁹ Ba jan jin ari ba si bi mi wiaa laa dii, u nii ስaa haache ne. ¹⁰ Mi si miira mu mi Nyimma teenj nii, ma bira bi jan nami. U nii ma jan dage ari mi keḅ tuo-pula ne Wia sipaan. ¹¹ Wia si folo dii dunia kuoro Sitaani sariya nii, ba ma jan jin ari Wia ma jan dii ba sariya.

¹² Wiaa yuga ne mi ha keḅ di mi bula pima, ama ma biba wuo nyalime. ¹³ Ama di Wia Diḅ-zoḅ-la ne ko, u jan dagema wutitii kala. U bi jan bubul wiaa u titia doluj le, ama wialij kala u si nii mi Nyimma niij le ne u jan bul. U ma jan dagema wialij kala si jan ስaa. ¹⁴ U jan lej di niaa yire mi yirin, beḅ wiaa wialij kala mi si kene mi bul, u jan kaa ku bula pima. ¹⁵ Ku-la kala mi Nyimma si kene ስaa mi kunj ne. Nii ne tii mi bula pima ari wialij kala mi si kene mi bul, Wia Diḅ-zoḅ-la jan kaa ku bula pima.”

Yesu bula pi u haritooroo ari ba tuoḅ jan tore

¹⁶ Nii ne Yesu bira bula piba a bul, “Ma bira bi jan nami. Tapulaa baḅmene cheḅ ne ma jan bira nami.” ¹⁷ Nii ne u haritooroo doḅsun pipiese doḅo a bul, “Wiiḅ deḅ bubuoḅ ne beḅ? U bula pila ari tapulaa baḅmene la bi jan nau, di tapulaa baḅmene cheḅ ne la bira jan nau. U bira bula ari u si jan mu u Nyimma teenj ne tii la bira bi jan nau. ¹⁸ U si yie bul di tapulaa baḅmene deḅ, u bubuoḅ ne beḅ? La bi u bubuoḅ jin.” ¹⁹ Yesu jima ari baa che di ba piesu ne. Nii ne u bula piba, “Mi si si tapulaa baḅmene ma bi jan nami, di tapulaa ma baḅmene cheḅ ma jan bira nami, nii wiaa ne ma pipiese doḅo? ²⁰ Wutitii ne mi bulaa pima, ma jan ስmuḅmoo niij kala, di dunia niaa tuoḅ tore, ma tuoḅ jan chei, ama ma tuoḅ-chei-la jan miira birime tuotoḅ. ²¹ Di haala luoruj nii wii duu che u lul, u yie tuune niij ne. U heḅ yie ne. Duu ne saa ku lul bile dere, u yu u heḅ-la kala le. U si lul bie ne tii u tuoḅ yie tore. ²² Nii ne saa u jan nagema ma le. Leele ma tuune niij ne, ama mi jan bira nama di ma tuoḅ kala tore. Bua-la le nuu-kala bi jan wuo ስaa di ma tuoḅ bira chei. ²³ Di tapulii-la ne yie, ma bi jan piesemi chiche kunj-kala. Wutitii ne mi bulaa pima, mi Nyimma jan pima kunj-kala ma si piesu chiche mi doluj le. ²⁴ Leele ስla ma ha bi kunj-kala piesu chiche mi doluj le. Nii wiaa má saa piesu, u jan joḅo pima, di ma tuoḅ faasa tore a mu dere.

²⁵ Wiaa deḅba kala mi sii bul, namagaba ne mii mage. Ama bua kubala jan yi, mi bira bi jan mage namagaba, mi jan chaasa bul wiaa pima a mu tige mi Nyimma le, di ma jin ba bubuoḅaa woruj. ²⁶ Di tapulii-la ne yie, ma ne jan piesu chiche kiaa mi doluj le. Mi bi si mi ne jan sula pima, ²⁷ beḅ wiaa mi Nyimma titia ma choma ne. Ma chomi ne a laa mi wiaa dii ari mi lii u teenj ne. Nii ne tii u ma choma. ²⁸ Mi lii mi Nyimma teenj ne a ku tuu dunia. Leele mi saa jan lej dunia aḅ miira mu mi Nyimma teenj.”

²⁹ Nii ne u haritooro-la bula pu a bul, “Leele ስ chaasaa bul wiaa ne. N bira bi namagaba ka mage. ³⁰ Leele la jima di ስ jin wii-wii-kala ne, ስ bi che di nuu-kala piesin wii-kala. Wiiḅ deḅ ne ስaa di la jin ari ስ lii Wia teenj ne.” ³¹ Nii ne Yesu pieseba, “Leele saa ma laa mi wiaa dii neḅ? ³² Bua-la jan yi, u saa paala yi ma ne, ma kala jan pise a mu ma diisin, aḅ ka mi dunḅa. Ama saa, mi bi jan ስaa mi dunḅ. Mi Nyimma hemi le ne. ³³ Mi bul wiaa deḅba pima di ma wuo hoḅ ari yarifelaa ne. Dunia deḅ tuoḅ ma jan na heḅ. Ama má lej di ma nyuj nyaase. Mi yuo dii dunia ne.”

17

Yesu chuole Wia pi u haritooroo

1 Yesu si bul wiaa deenba dere, u wula beŋ wia nyuŋ aŋ bul, “Mi Nyimma, bua-la yie ne. Leŋ di mi-na ŋ Bie laa yiriŋ, di mi ma leŋ di ŋ yiriŋ yire. 2 Ŋ ne joŋ doluŋ pimi di mi bibeŋ nuhuobiinee kala, a joŋ miisila si bi dere a pi nialiŋ kala ŋ si liisa pimi. 3 Nialiŋ si jima ari ŋ ne sene ŋaa Wia, Wia bira tuo, aŋ pe jiriŋ mi-na Yesu Kirisito, nii-la ma ŋ si tima, ba ne keŋ miisila si bi dere. 4 Mi leŋe ŋ laa yiriŋ ne tiŋteen deen le. Mi tiŋ tiŋtimii-la dere ne, tiŋtimii-la ŋ si joŋo pimi di mi tiŋ. 5 Oo, mi Nyimma, leŋ di mi yiriŋ yire ŋ sipaan leele, yiri-la la di ŋ kala fa si laa, aŋ ka ŋ-na suomo ŋaa dunia.

6 Mi leŋe nialiŋ ŋ si liisa pimi dunia niaa tuoŋ jimiŋ ne. Ba fa ŋaa ŋ kiaa ne, ŋ ne liiseba pimi. Ba ne sei ŋ niinŋ wiaa. 7 Leele ba jima ari wii-kala mi si ŋaa, mi ŋaa ŋ doluŋ le ne. 8 Mi bul ŋ niinŋ wialiŋ ŋ si bula pimi piba ne. Ba laa dii a jiriŋ ari wutitii ne, mi sene lii ŋ teenŋ ne. Ba ma laa dii ari ŋ ne tiŋmi. 9 Mi suluŋ pipiba ne. Mi biŋ sula pipi dunia niaa, see nialiŋ ŋ si liisa pimi dunduŋa. Ba ne ŋaa ŋ kiaa. 10 Nialiŋ kala mi si kene ŋaa ŋ niaa ne. Nialiŋ kala ŋ ma si kene ŋaa mi ma niaa ne. Ba ne leŋe mi laa yiriŋ. 11 Leele mii ko ŋ teenŋ ne, mi bira bi jaŋ he dunia le, ama ba-na jaŋ he dunia le. Mi Nyimma, ŋ ne ŋaa nii-la si bi disinniŋ kene. Beŋ nialiŋ ŋ si liisa pimi woruŋ ŋ doluŋ le, a leŋ di ba ŋaa kubala, ari la di ŋ kala si ŋaa kubala nii. 12 Mi fa si he ba teenŋ, mi beŋ ba nyuŋ ne woruŋ ŋ doluŋ le, dol-la ŋ si joŋo pimi ne mi kaa beŋba. Mi si ŋaa nii, ba kubala ma bi lele, see nii-la si maga duu lel, di wialiŋ ba fa si ŋmuŋsa Wia teniŋ tuoŋ sene ŋaa. 13 Leele saa mii ko ŋ teenŋ ne. Mi ha si he dunia le nii, nii ne mi bul wiaa deenba piba di ba tuoŋ faasa toŋe, ari mi tuoŋ si toŋe nii. 14 Mi bul ŋ niinŋ wiaa piba ne. Ba di dunia niaa bi kubala ŋaa, ari la di dunia niaa si bi kubala ŋaa nii. Nii ne tii dunia niaa bereba. 15 Mi bi si di ŋ liiseba dunia le, ama mi si di ŋ poŋa ne a liiseba Sitaani nisiŋ le. 16 Ba di dunia niaa bi kubala ŋaa, ari la di dunia niaa si bi kubala ŋaa nii. 17 Ŋ niinŋ wiaa ŋaa wutitiiba ne. Dageba, di ba bira si disinniŋ keŋ. 18 Ŋ ne tiŋmi dunia niaa teenŋ. Ŋ si tiŋmi nii, nii titia ne mi ma tiŋba dunia niaa teenŋ. 19 Mi joŋ mi miisiŋ ne a yoo suuŋ wiaa. Mi ŋaa nii di ba ma ŋaa siri di ba joŋ ba miisiŋ yoo suuŋ wutitii wiaa ne.

20 Mi biŋ sula pipiba dunduŋ, mi pe sula pi nialiŋ si laa mi wiaa dii a tiŋ ba si bul mi wiaa piba le ne. 21 Mii suluŋ nii di ba kala wuo ŋaa kubala ne. Ŋ hemi le ne. Mi ma heŋ le. Leŋ di ba kala ma wuo hela le. Di ŋ ne ŋaa nii, dunia niaa jaŋ wuo laa dii ari ŋ ne tiŋmi. 22 Ŋ si leŋ mi laa yiriŋ nii, nii ne mi ma leŋ ba laa yiriŋ. Mi ŋaa nii di ba kala wuo ŋaa kubala ne, ari la di ŋ kala si ŋaa kubala nii. 23 Mi heba le ne, ŋ ma hemi le. La he doŋo le nii di ba wuo ŋaa kubala ne. Nii ne dunia niaa jaŋ jiriŋ ari ŋ ne tiŋmi. Ba ma jaŋ jiriŋ ari ŋ choba ne ari ŋ si chomi nii. 24 Mi Nyimma, ŋ paala chomi ne a leŋ mi laa yiriŋ, ka dunia-na suomi. Mi saa che di ŋ leŋ di nialiŋ ŋ si liisa pimi, di ba he mi teenŋ lee-na kala mi si jaŋ he, di ba wuo na nii ŋ si leŋe mi laa yiriŋ. 25 Mi Nyimma, ŋ keŋ wutitii. Dunia niaa biŋ jiriŋ, ama mi-na jimiŋ ne. Niaa deenba ma jiriŋ ari ŋ ne tiŋmi. 26 Mi saa ŋaa ba jimiŋ ne, mi saa ha jaŋ leŋ di ba jimiŋ. Mi ŋaa nii, di nii ŋ si chomi, di ba ma cho doŋo, di mi ma heba le.”

18

*Ba keḡ Yesu**Mat. 26.47-56; Maak 14.43-50; Luuk 22.47-53*

¹ Yesu si bul wiaa deenba dere, ba duu haritooroo sii kieli fuo-naan kubala ba kaa yire Kidiroḡ. Lee kubala ne fa he dime ba choḡse tiisinḡ. Nii ne Yesu ari u haritooroo juu lee-la. ² Ba venee mu lee-la ne, nii ne tii Judas, nii-la si joḡu yalle, ma wuo jin dime. ³ Nii ne Judas keḡ laali-yuoroo doḡsunḡ ari nialinḡ si kpu pusunḡ pipi Wia kuhiasinḡ tiḡtinni-biisinḡ, ari Farisii tiḡḡaa tiḡtinni-biisinḡ, di ba mu keḡ Yesu. Ba mu lee-la Yesu si he. Ba sii mu nii, ba kori chaanaa, ka-pilaa ari nyininḡ ari ba ba-kiaa. ⁴ Yesu jin wii-la kala fa si jaḡ ḡaa u le ne. Nii ne u mu chenba a pieseba, “Kubee ne maa chee?” ⁵ Nii ne ba si, “Yesu si lii Nazaret ne la chiche.” Nii ne u bula piba, “Mi ne ḡla.” Judas, nii-la fa si jaḡ joḡu yalle, u ma fa he ba tuḡn ne. ⁶ Yesu si bul nii, ba miira yala mu harinḡ a tuu tel. ⁷ Nii ne Yesu bira pieseba a bul, “Kubee ne maa che?” Ba si, “Yesu si lii Nazaret.” ⁸ Nii ne Yesu bula piba, “Mi laa sipaanḡ bula pima ari mi ne ḡla. Di ma nii chemi, má leḡ di ni-kaanaa viiri.” ⁹ (U bul nii di wii-la u fa si bula, duu wuo sene ḡaa wutiti. U fa bula ari nialinḡ kala Wia si liisa pu, ba kuḡ-kala bi lele.) ¹⁰ Saamḡn Piita fa kori tokobii ne. Nii ne u tuure a ta nialinḡ si kpu pusunḡ pipi Wia kuhianḡ dia-yomo na-diinḡ digilinḡ a keru. Yomo-la yirinḡ ne fa Malikas. ¹¹ Nii ne Yesu bula pi Piita a bul, “Joḡ ḡ tokobii-la he u peḡn le. U bi maga di mi na hee-la, mi Nyimma sii che di mi na, koo?”

Ba keḡ Yesu kaa mu Anas sipaanḡ

¹² Nii ne laali-yuoroo ari ba kuhianḡ ari Juu tiḡḡaa titinni-biisi-la keḡ Yesu a vobu. ¹³ Ba laa sipaanḡ kenu kaa mu Anas teenḡ ne. Anas ne fa ḡaa Kayafas hiili-baala. Jina-la Kayafas ma ne fa ḡaa nialinḡ si kpu pusunḡ pipi Wia kuhianḡ. ¹⁴ Kayafas ne fa laa sipaanḡ bula pi Juu tiḡḡaa ari ni-bala ne laa tiḡteenḡ niaa kala nyunḡ suu, u ne kpia ni-danḡ si suba.

*Piita si u bi Yesu jin**Mat. 26.69-70; Maak 14.66-68; Luuk 22.55-57*

¹⁵ Saamḡn Piita ari Yesu haritooroo doḡḡo to Yesu harinḡ, a juu nialinḡ si kpu pusunḡ pipi Wia kuhianḡ kaala. Kuhianḡ-la fa jinḡ Yesu haritooro deenḡ ne. Nii wiaa haritooru-la to Yesu harinḡ a juu kaala-la tuḡn. ¹⁶ Ka Piita chinḡ kaala-la jeenḡ harinḡ boinḡniinḡ. Nii ne Yesu haritooro-la doḡḡo, nii-la nialinḡ si kpu pusunḡ pipi Wia kuhianḡ si jima, u miira lii, a bula pi toli-bie kubala si po boinḡ-la niinḡ duu leḡ di Piita ku juu, aḡ keḡ Piita ku juu. ¹⁷ Nii ne tolo-la si chinḡ boi-la niinḡ piese Piita, “ḡ ma bi baal-la haritooroo doḡḡo ḡaa?” Nii ne Piita si, “Ai, mi dee.” ¹⁸ Di waarinḡ fa he dime. Nii ne dia-la tiḡtinnaa ari nialinḡ si kpu pusunḡ pipi Wia kuhianḡ tiḡtinni-biisinḡ he nyininḡ a china golli aa wieni. Piita ma mu chinḡ ba teenḡ aa wieni nyinḡ-la.

*Yesu bul u suunḡ wiaa**Mat. 26.59-66; Maak 14.55-64; Luuk 22.66-71*

¹⁹ Nii ne nialinḡ si kpu pusunḡ pipi Wia kuhianḡ piese Yesu wiaa a tige u haritooroo le ari wialinḡ u fa sii dagu. ²⁰ Nii ne Yesu bul, “Wialinḡ kala mi si bula, mi yie chinḡ ni-danḡ tuḡn, lee a bul. Mi yie chaasa chinḡ Wii-chuole diisinḡ tuḡn ne ari Wia-dia tuḡn, ne-la Juu tiḡḡaa kala si yie ku hilimi ne a bul. Mi ha bi wii-kala luora bul. ²¹ Bee ne saa tii ḡ piesemi? Piese nialinḡ si nii wialinḡ mi si bula, di ba daginḡ. Ba jinḡ wialinḡ mi si bula ne.” ²² Yesu si bul nii, nialinḡ si kpu pusunḡ pipi Wia tiḡtinni-bie doḡḡo falle Yesu chanḡkpaninḡ le

an̄ bul, “N̄la ne u mage di η bul wiaa nialin si kpu pusun̄ pipi Wia kuhian̄ teen̄ koo?” ²³ N̄ii ne Yesu bul, “Di mi ne bul wii chei, u maga di η bul di nuu-kala nii ne. Ka di wii-la mi si bula ne ηaa wutitii, bee ne tii η fallemi?” ²⁴ Ba si voo Yesu ηii, ηii ne Anas leη ba kenu ηii kaa mu nii-la si kpu pusun̄ pipi Wia kuhian̄ Kayafas teen̄.

Piita bira bula ari u bi Yesu jin̄

Mat. 26.71-75; Maak 14.69-72; Luuk 22.58-62

²⁵ Ka Piita ha chin̄ kaala-la tuon̄ aa wieni nyin̄-la. N̄ii ne nialin̄ don̄sun̄ piesu a bul, “N̄ ma bi baala deen̄ haritooroo don̄o ηaa?” Piita kaa via an̄ bul, “Ai, mi dee.” ²⁶ N̄ii ne nialin̄ si kpu pusun̄ pipi Wia kuhian̄ dia tin̄tin̄naa don̄o ma p̄eu le. U fa ηaa nii-la Piita si ta u digilin̄ keru, u naan̄bii ne. U piesu a bul, “Mi fa bi ma di baal-la na, lee-la ba si chon̄se tiisin̄η?” ²⁷ N̄ii ne Piita bira kaa via an̄ bul di ai, u dee. U bul ηii d̄ere di ji-bele ye.

Ba keη Yesu kaa mu Paalit teen̄

Mat. 27.1-2, 11-14; Maak 15.1-5; Luuk 23.1-5

²⁸ Chichuo-fiela felele ba keη Yesu lii Kayafas dia le, a kenu kaa mu baal kubala dia baa yire Paalit. Paalit ne fa h̄on̄ Rom kuori-balin̄ nyun̄ lee-la. Juu tin̄ηaa bi to juu. Ba bi che di ba ηaa disinn̄in̄ a chei ba kisin̄ le, an̄ wuo dii diisin̄ kielin̄ gbiele kudiilee. ²⁹ N̄ii ne Paalit lii a pieseba a bul, “Bee ne ma si baala deen̄ ηaa chei?” ³⁰ N̄ii ne ba bula pu a bul, “Di u ne fa bi wii ηaa chei, la fa bi jan̄ kenu kaa ko η teen̄.” ³¹ N̄ii ne Paalit bula piba a bul, “M̄a kenu kaa mu to ma titia won̄biin̄ le a dii u sariya.” N̄ii ne ba bula pu a bul, “La bi won̄biin̄ kene di la kpu nuu-kala.” ³² Yesu fa si daga ari u jan̄ suu daa-geseē nyun̄, u ηii sene ηaa wutitii. ³³ N̄ii ne Paalit miira juu dia a yire Yesu a piesu, “N̄ ne ηaa Juu tin̄ηaa kuoroo?” ³⁴ N̄ii ne Yesu piesu, “N̄ titia ne bul wiin̄ deen̄ koo nuu ne bul ηii pin̄ a tigemi le?” ³⁵ N̄ii ne Paalit bira bul, “Mi bi Juu tiina n̄aa. N̄ titia n̄ia ari nialin̄ si kpu pusun̄ pipi Wia kuhiasin̄ ne jon̄un̄ he mi nisin̄ le. Bee ne η ηaa chei?” ³⁶ N̄ii ne Yesu bul, “Mi kuorun̄ tuo dunia deen̄ le, di mi kuorun̄ ne fa he dunia deen̄ le, mi n̄iaa fa jan̄ yuo laami, di Juu tin̄ηaa sími wuo keη. Ama mi kuorun̄ tuo daha.” ³⁷ N̄ii ne Paalit piesu a bul, “N̄ saa ηaa kuoru ne koo?” N̄ii ne Yesu bul, “Wii-la η si bula ηaa wutitii ne. Ba paala lulmi di mi ku ηaa kuoru ne. Mi ku tuu dunia di mi dage n̄iaa, di ba jin̄ wutitii ne. Nii-la kala si cho duu jin̄ wutitii yie jegile nii mi teen̄ ne.” ³⁸ N̄ii ne Paalit piesu, “Wutitii ne bee?”

Ba bula ari ba jan̄ kpu Yesu

Mat. 27.15-31; Maak 15.6-20; Luuk 23.13-25

N̄ii ne Paalit miira lii di-jalin̄ Juu timma-la teen̄ a bula piba a bul, “Mi bi wii-la na baala deen̄ si cheye. ³⁹ Ama jina-na kala, di diisin̄ kielin̄ gbiele-la ne yie-na kala, mi yie vene liise nialin̄ ba si kaa to dia don̄o ne pima. U ηii nage ari ma kisin̄ ne. Ma saa che di mi liise Juu tin̄ηaa kuoru-la ne ta pimaa?” ⁴⁰ N̄ii ne ba kpia gon̄ a bul, “Ai, n̄ia deen̄ dee! Liise Barabas ta. (Barabas fa ηaa gaaru ne.)”

19

¹ N̄ii ne Paalit leη ba keη Yesu a viiru. ² Ba si viiru d̄ere, laali-yuoroo keη sosun̄ sua nyun̄-chuulo a nage kuoro nyun̄-chuulo a jon̄o chuu, a jon̄ geri-fian̄ laalu ³ an̄ chuolu a bul, “Juu tin̄ηaa kuoro, laa chuolon̄!” an̄ p̄e fallu. ⁴ N̄ii ne Paalit bira miira lii nialin̄ teen̄ a bula piba a bul, “M̄a bee

na, mi kenu kaa kuu lii ma teenj ne di ma jinj ari mi-na bi wii-kala na u si cheye a mage di ba kpuu." ⁵ Nii ne Yesu ku lii a ha chu sɔsunj nyun-chuulo-la ari geri-fianj-la ba si joŋo laalu. Nii ne Paalit bula piba, "Má na baal-la." ⁶ Nialinj si kpu pusunj pipi Wia kuhiasinj ari ba tintinni-biisinj si nau, ba kpia goŋj a bul, "Leŋ di ba kpaasu daa-geɛɛ nyun." Nii ne Paalit bula piba, "Má titia kenu kpaase daa-geɛɛ nyun. Mi-na bi wii-la u si cheye na." ⁷ Nii ne Juu timma-la bira bul, "U keŋ u titia yire Wia Bii ne. La kisinj le nii-la kala si ŋaa nii, u maga di ba kpuu ne." ⁸ Fawullunj fa paala keŋ Paalit ne. U si nia ari ba bul nii, fawullunj wasa kenu. ⁹ Nii ne u bira miira juu dia-la a piɛɛɛ Yesu a bul, "Nii ne ŋ lii?" Yesu bi wii-kala bula. ¹⁰ Nii ne Paalit piɛɛɛ, "Ŋ tɔre ŋ niinj neɛ? Ŋ bi jinj mi keŋ dolunj di mi joŋunj taa, a bira keŋ dolunj di mi leŋ di ba kpaasinj daa-geɛɛ nyun?" ¹¹ Nii ne Yesu bula pu, "Ŋ fa bi dol kala kene mi le. Wia ne piŋ dol-la. Ama nii-la si joŋmi he ŋ nisinj le ne faasa keŋ haacheba a kiinj."

¹² Paalit si nii nii, u fa cho duu joŋ Yesu ta. Nii ne Juu tinŋaa faasa kpia goŋj a bul, "Di ŋ ne joŋu ta, ŋ bira bi la tinteenj kuori-balinj ba sii yire Siiza nanɗonj ŋaa. Nii-la kala si keŋ u titia yiyire kuoru, u tiina ŋaa kuori-balinj diŋɗonj ne." ¹³ Paalit si nii nii, u keŋ Yesu kaa ku lii, aŋ mu hoŋ u sariya diiri kpaasa nyun. Ba keŋ lee-la kaa yire Gabata ne Hiiburu yiikoro le. U bubuɗonj ne: Lee-la tabiaa ŋaa mula mula ne. ¹⁴ Di wia jil nyu-gbanja. Tapulii-la ne Juu tinŋaa ŋaa siri di u tarj ne pula di ba gbieli diisinj kieliŋ gbiele-la. Nii ne Paalit bula piba a bul, "Má na ma kuoro." ¹⁵ Nii ne ba faasa kpia goŋj a bul, "Leŋ di ba kenu kaa mu kpaasu daa-geɛɛ nyun." Nii ne Paalit piɛɛɛba a bul, "Maa che di mi kpaase ma kuoro daa-geɛɛ nyun neɛ?" Nii ne nialinj si kpu pusunj pipi Wia kuhiasinj bul, "La bi kuoru kala kene a pe Siiza le." ¹⁶ Nii ne u joŋ Yesu piba di ba kaa mu kpaase daa-geɛɛ nyun.

Ba kpaase Yesu daa-geɛɛ nyun

Mat. 27.32-44; Maak 15.21-32; Luuk 23.26-43

¹⁷ Nii ne ba keŋ Yesu lii. U lii a baase u titia daa-geɛɛ a mu lee-la ba sii che di ba kpaasu. Lee-la yirinj ne nyu-kunŋkogulo. Hiiburu yiikoro le baa yire lee-la Goliŋota ne. ¹⁸ Lee-la ne ba kpaasu daa-geɛɛ nyun. Ba fa kpaase niaa balia ma ne daa-geɛɛ nyun a pe Yesu le. Doŋɗo he u na-diinj, doŋɗo ma he u na-gua. Ka Yesu he tutuɗbaaninj. ¹⁹ Nii ne Paalit ŋmuŋsa mere daa-geɛɛ-la le a bul, "Juu tinŋaa kuoro Yesu a lii Nazaret." ²⁰ Lee-la kpaje Jerusalem ne. Nii ne Juu tinŋaa yuga a karime wii-la Paalit si ŋmuŋsa mere daa-geɛɛ-la le. U ŋmuŋse wii-la ari yiikorusunj batori ne. U keŋ Hiiburu tinŋaa yiikoro ŋmuŋse, a keŋ Latinj yiikoro ma ŋmuŋse, a keŋ Giriik tinŋaa yiikoro ma ŋmuŋse. ²¹ Nii ne Juu tinŋaa nialinj si kpu pusunj pipi Wia kuhiasinj bula pi Paalit ari u si ŋmuŋsa bul di Juu tinŋaa kuoro ne, ama duu bul di baala deenj ne si u ne ŋaa Juu tinŋaa kuoro. ²² Nii ne Paalit bul, "Wii-la mi si folo ŋmuŋse nii, mi bira bi kaa birime."

²³ Laali-yuoro-la si kpaase Yesu daa-geɛɛ-la nyun dere, ba paa u genninj a kaa kpaá leree banɛɛ. Laali-yuoru kala keŋ doŋɗo. Geri-bal kubala ma ne fa he dime. Ba yie yuo nii ne, ba bi geripeɛ kala yere mereu le. ²⁴ Nii ne laali-yuoro-la bula pi doŋɗo a bul, "Ma sí leŋe di la keŋ geri-la kiesɛ, má leŋ di la tɔŋɛ, a na nii-la si janj dii duu laa geri-la." Wiinj deenj ba ŋaa di wialinj ba fa si ŋmuŋsa Wia teninj tuɗj, duu ŋaa wutitii ne. Ba fa si, "Ba paa mi genninj kpaá doŋɗo ne aŋ tinj mi gerinj doŋɗo wiaa a tɔŋɛ."

²⁵ Nialinj fa si china kpage Yesu daa-gese-la ne nɔla: Yesu naan, ari u naan dihaala, ari Kilopas haala Mɛeri, ari Mɛeri Magidalinj. ²⁶ Yesu si na u naan ari u haritooru-la u fa si cho, di ba china, nji ne u bul u naan le a bul, "Haal, bee na n bie ne nɔla," ²⁷ an bira bula pi u haritooru-la ma a bul, "Na n ma naan ne nɔla." A chin bua-la le u haritooru-la ken Yesu naan-la a kaa mu u dia ba he dime.

Yesu suba

Mat. 27.45-56; Maak 15.33-41; Luuk 23.44-49

²⁸ Yesu jima ari leele wii-wii-kala dɛre ne, ka duu wuo len di wialinj ba si nmuŋsa Wia teninj tuon, di ba nɔa wutitii, nji ne u si lii-nyuasun ne kenu. ²⁹ Di sininj si nyala su gbanɔ chinj dime. Ba jon suosuo a sinj sinj-la le, a ken sakelinj liise suosuo-la, a kaa jila he Yesu niin le. ³⁰ Nji ne Yesu nyua sinj-la. U si nyua sinj-la dɛre, nji ne u bul, "Wii-kala dɛre ne", an ken u nyun chugili a suu.

³¹ Tapulii-la ne Juu tinɔaa nɔa siri a gberɛ ba diisinj kielinj gbiele-la. Tapulii-la ma nɔa che-wiesii-la cheen ne. Nji ne ti ba bi che di nialinj sage daa-gese-la nyun chee-la. Nji ne ba mu sul Paalit duu len di laali-yuoroo mu bori ba naasin an soriba daa-gese-la nyun. U sei. ³² Nji ne laali-yuoroo-la mu ken baala-la ba si kpua a pe Yesu le naasinj kaa bori. ³³ Ba ko Yesu lerinj duu suba. Nji wiaa ba bi u naasinj boro. ³⁴ Ama laali-yuoroo-la donjo jon u timinj a toɔ Yesu seme le u luri. Nji ne chalinj ari liinj lii. ³⁵ Mi-na Jɔɔŋ ne na wiaa deenba ari mi siinj aa bulba. Wutitii ne mi bul. Mi bul wiaa deenba pipima di ma ma laa dii. ³⁶ Wiaa deenba kala nɔa di wialinj ba si nmuŋsa Wia teninj tuon nɔa wutitii ne. Ba nmuŋsa a bul, "Ba bi jan bori u hangbel-bala maa."

³⁷ Wia teninj seme donjo ba bira bula ari ba jan benj nii-la ba si tobo.

Ba hugi Yesu

Mat. 27.57-61; Maak 15.42-47; Luuk 23.50-56

³⁸ Yesu si suba, baal kubala ma fa he dime. Baa yire Josef. U fa lii Arimatiya tinteen ne. U ma fa nɔa Yesu haritooroo donjo ne. Ama u-na faa luoru ne a tin Juu tinɔaa wiaa. Uu faba ne. Nji ne u mu sul Paalit duu len duu sori Yesu ku-suun. Paalit pu wonjiinj. Nji ne u mu sori. ³⁹ Nikodiimas, nii-la fa si laa sipaan mu Yesu teen titanj, u ma to Josef harinj mu, a pe kenj tii-keli-zonj kubala baa yire mee ari donjo maa baa yire alois. Ba yunuj mage nuhuobiine yunuj ne. ⁴⁰ Ba balia ne mu jon Yesu ku-suun, a jon geripe-pula, a jon kialinj mise geripe-pula-la, a kaa be Yesu. Juu tinɔaa yie nɔa nji ne a huhugi ba suunuj. ⁴¹ Lee kubala ne kpage lee-la ba fa si kpaase Yesu daa-gese-la nyun. Ba chonje tiisinj. Tiisi-la tuon bunj kubala ne fa he dime ba lɔse. Ama ba ha bi nuu-kala hugo dime. ⁴² U si ka tapul-bala ka di Juu tinɔaa gbieli-balinj yi, ka bua-la ma kpage lee-la, nji ne ba jon Yesu hugi dime.

20

Yesu lii u bua le

Mat. 28.1-8; Maak 16.1-8; Luuk 24.1-12

¹ Lahadi cheenji siipuraa di lerinj kala ha bire, Mɛeri Magidalinj mu bua-la lerinj a na tabii-la ba si jonjo to bua-la niinj duu suro. ² Nji ne u fa mu Saamɔŋ Piita ari Yesu haritooro-la donjo teenj, nii-la Yesu fa si cho worun, a bula piba a bul, "Ba liise la Tiina Yesu bua-la tuon ne. La bi jinj lee-la kala ba si jonj bil." ³ Nji ne Piita ari Yesu haritooro-la donjo-la sii mu bua-la

lerin. ⁴ Ba kala balia fá. Nii ne dōjō-la tiina kieli Piita, a laa sipaanj fá mu bua-la lerin. ⁵ U si yi bua-la lerin, u bi bua-la tuōj jua. U tuu t̄inj ne a nyilimi a na genni-la ba fa si joŋo be Yesu, di ba pina, ka u buu na. ⁶ Ka Piita to harinj ko a ku juu bua-la tuōj, a na genni-la ba fa si joŋo be Yesu, di ba pina. ⁷ Ka geri-la ba fa si joŋo vōō Yesu nyuj ma, duu chuolo pinj u dunđunja. ⁸ Nii ne nii-la si laa sipaanj mu bua-la lerin ma juu bua-la tuōj a na wii-la si ŋaa, a laa dii ari Yesu sii suunj le ne. ⁹ Ama ba bi wii-la ba fa si ŋmun̄sa Wia teninj tuōj bubuōj jin̄ ari u maga di Yesu sii suunj le ne. ¹⁰ Nii ne Yesu haritooro-la miira mu ba diisinj.

Yesu keŋ u titia ku dage M̄eri

Mat. 28.9-10; Maak 16.9-11

¹¹ Bua-la le di M̄eri miira mu bua-la teenj. Nii ne u chinj dime aa yel. Uu yel nii ne anj pe nyinyilimi bua-la tuōj. ¹² U nyilimi bua-la tuōj nii ne a na Wia tin̄daaraa balia bua-la tuōj a laale geri-pulluj. Dōjō hōj Yesu nyuj fa si mu lee-la. Dōjō ma hōj u naasinj fa si mu lee-la. ¹³ Nii ne ba piesu a bul, “Haal, beē ne tii ŋ yiyel?” Nii ne u bul, “Ba joŋ mi Tiina Yesu kaa lel ne. Mi bi jin̄ ba si joŋu kaa mu bil lee-la.” ¹⁴ U si bul nii dere anj ŋaa duu birime, duu na baal duu chinj dime. Yesu ne fa nii. Ama M̄eri fa bi jin̄ ari Yesu ne. ¹⁵ Nii ne Yesu ma piese M̄eri, “Beē ne tii ŋ yiyel? Kubee ne ŋ chiche?” M̄eri fa biina baal-la sii bej tiisi-la ne. Nii ne u piesu, “Kuhian, di ŋ ne joŋo, dagemi lee-la ŋ si kaa mu bil, di mi mu joŋu kaa viiri.” ¹⁶ Nii ne Yesu yiru a bul, “M̄eri.” Nii ne u miira daase anj bul ari Hiiburu yiikoro, “Rabboni, ŋ neē?” (Rabboni bubuōj ne kuhian.) ¹⁷ Nii ne Yesu bula pu a bul, “Simi keŋ. Mi ha bi mi Nyimma teenj jila. Ama mu bula pi mi naan̄biirin̄ ari mi jan̄ jil mi Nyimma teenj. U ŋaa ma ma Nyimma ne a ŋaa mi Wia, a ŋaa ma ma Wia.” ¹⁸ Nii ne M̄eri Magidalinj mu Yesu haritooro-la teenj, a bula piba a bul duu na u Tiina Yesu ne, a bul wialinj ma kala u si bula pu.

Yesu keŋ u titia ku dage u haritooroo

Mat. 28.16-20; Maak 16.14-18; Luuk 24.36-49

¹⁹ Lahadi cheej titaninj u haritooroo hilimi dia tuōj anj keŋ boinj yage. Baa fá J̄u timma-la ne. Nii ne tii ba keŋ borusunj to a yage. Nii ne Yesu ku chinj ba tutuobaaninj anj bul, “Ma jan̄ hōj ari yarifielaa.” ²⁰ U si bul nii dere, u keŋ u nisaa ari u seme dageba. U haritooroo kala tuōj tore ba si na ba Tiina Yesu. ²¹ Nii ne Yesu bira bula piba, “Ma jan̄ hōj ari yarifielaa. Mi Nyimma si tin̄mi nii, nii titia ne mi maa tin̄ma di ma tin̄ mi tin̄tin̄ŋaa.” ²² U si bul nii dere, u wiese heba le anj bul, “Má laa Wia Din̄-zōj-la duu hema le. ²³ Di ma ne joŋ nuu haacheba a cheu, u bira bi haache kene. Di ma ne bira bi nuu haacheba joŋo cheu, u ha keŋ u haacheba ne.”

Yesu keŋ u titia ku dage Tōmas

²⁴ Bua-la le Yesu si keŋ u titia ku dage u haritooro-la, u haritooro-la dōjō fa tuo. U yirinj ne Tōmas. Ba fa ŋaa daalieri ne. Nii ne tii baa yiru daalierinj maa. ²⁵ Nii ne u haritooro-la dōjōsunj bula pu a bul di ba na Yesu. Nii ne Tōmas bula piba a bul, see duu na heme-la buasuj u nisaa le, a joŋ u neniinj he bua-la le, a joŋ u neniinj he u seme bua-la ma le, u bi jan̄ laa dii ari wialinj ŋaa wutitii.

²⁶ Tapulaa chori pege Yesu haritooro-la bira juu dia a keŋ boinj yage. Bua-la-na le di Tōmas he ba tuōj. Di Yesu ku juu chinj ba tutuobaaninj anj bul, “Ma jan̄ hōj ari yarifielaa.” ²⁷ Nii ne anj ka u bula pi Tōmas, “Joŋ ŋ

neniin a he mi nisij bua-la le aŋ beŋ mi nisaa, aŋ keŋ ŋ nisij he mi seme bua-la ma le a na, aŋ laa mi wiaa dii, aŋ sí kaa lere.” ²⁸ Nii ne Tomas yiru a bul, “Mi Tiina, ŋ ne mi Wia!” ²⁹ Nii ne Yesu piesu, “N si nami ne tii ŋ laa mi wiaa dii koo? Nialin si bimi na aŋ laa mi wiaa dii, ba tuon jaŋ tere.”

³⁰ Yesu ŋaa wu-magilaa yuge u haritooro na a pe wialin mi si ŋmunsa tenin deen tuon. Aŋ ka mi bi ba-na ŋmunsa he tenin deen tuon. ³¹ Ama mi ŋmunse wiaa deenba di ma wuo laa dii ari Yesu ne ŋaa Kirisito, nii-la Wia si liisa aŋ pe ŋaa Wia Bie maa. Di ma ne laa wiaa deenba dii, ma jaŋ keŋ miisin u doluj le.

21

Yesu keŋ u titia dage u haritooro balipe

¹ Yesu bira keŋ u titia dage u haritooro doŋsun muga kubala niin baa yire Tabiiras. U haritooro-la ne ŋla: ² Saamon Piita ari Tomas, nii-la ba fa si kaa yire daalierin maa, ari Natanial fa si lii taŋ kubala ne baa yire Keena a he Galilii tinteen. Zebidii biirin balia ma ne fa he dime, ari Yesu haritooro balia maa. ³ ŋla ne u to a keŋ u titia ku dageba: Ba fa chin muga-la niin ne. Nii ne Saamon Piita bula pi haritooro-la ku-kaanaa ari uu mu duu kese chenfilee ne. Nii ne ba kala bul di ba jaŋ to mu. Nii ne ba mu jon liin daboro a juu liin tuon, ama titan-la kala ba bi chenfilii kala kene.

⁴ Taŋ si pulaa ko di Yesu chin lii-la niin, ama u haritooro-la bi jin ari u ne. ⁵ Nii ne Yesu pieseba, “Mi nanɔŋsun, ma kese chenfilee nee?” Nii ne ba bul di ba bi kubala ma kene. ⁶ Nii ne u bula piba di ba jon ba jonba, a yuo he liin tuon liin daboro-la na-dii seme, di ba ne ŋaa nii, ba jaŋ kese chenfilee. Nii ne ba jon jon-la yuo kese chenfilee su. U si suo nii, ba bi wuo lilere. ⁷ Nii ne haritooro-la Yesu si cho worun bula pi Piita a bul, “La Tiina Yesu ne!” Bua-la le di Piita fa wuri u gerin ne. U si nii nii, u jon u gerin a laale, aŋ lii liin daboro-la le, a fula juu liin duu duoro mu Yesu teen. ⁸ Lee-la ari lii-la niin fa bi bol. U fa yi naakielin zolo ne. Ka Yesu haritooro-la ku-kaanaa lere jon-la ari chenfilie-la ku lii lii-la niin.

⁹ Ba si ku lii lii-la niin, ba na holo nyinin di chenfilee chebe, ka ba na boroboro maa. ¹⁰ Nii ne Yesu bula piba a bul, “Ma liise chenfilie-la doŋsun ma si kese lele a kaa ko.” ¹¹ Nii ne Saamon Piita mu lere jon-la ku lii lii-la niin, di chenfilie-balaa suo. Chenfilie-la fa ŋaa zolo ari mahin balia ari fi ari batori ne. Chenfilie-la yuga nii ma ne, aŋ ka jon-la bi kiesa. ¹² Nii ne Yesu bula piba a bul, “Ma ku lii bille ma niin.” U si bul nii, u haritooro kun-kala bi piese a bul di kubee nee? Ba kala jima ari ba Tiina Yesu ne. ¹³ Nii ne Yesu jon boroboro-la a piba, a jon chenfilie-la ma a piba di ba dii. ¹⁴ U si sii suun le u butori ne nii u si keŋ u titia kaa ku dage u haritooro.

Yesu bul wiaa a pi Piita

¹⁵ Ba si dii boroboro-la ari chenfilie-la dere, nii ne Yesu piese Saamon Piita a bul, “Joon bie Saamon, ŋ chomi a kii niaa deenba nee?” Nii ne Piita si, “Oo mi Tiina, ŋ titia jima ari mi chon ne.” Nii ne Yesu bula pu, “Ben mi niaa nyun, ari pie-daara si yie ben u piesee nyun nii.” ¹⁶ Nii ne Yesu bira piesu, “Joon bie Saamon, ŋ chomi nee?” Nii ne u bira bul, “Oo mi Tiina, ŋ jima ari mi chon ne.” Nii ne Yesu bira bula pu, “Ben mi niaa nyun, ari pie-daara si yie ben u piesee nyun nii.” ¹⁷ Nii ne Yesu bira piesu torimun a bul, “Joon bie Saamon, ŋ chomi nee?” Yesu si piesu torimun nii, u tuon chei. Nii ne Piita bula pu, “Mi Tiina, ŋ jin wii-kala ne, ŋ jima ari mi chon

nɛ.” Njii nɛ Yesu bira bula pu, “Bɛŋ mi niaa nyuŋ, ari pie-daara si yie bɛŋ u piesee nyuŋ njii. ¹⁸ Wutitii nɛ mi bulaa piŋ, ɲ fa si ɲaa haŋbie, ɲ yie kɛŋ ɲ damɛɛ kaa vɔɔ ɲ tiŋa nɛ aa mu lee-la kala ɲ si cho. Ama di ɲ nɛ ku hiɛɛ, ɲ jaŋ kɛŋ ɲ nisaa jee, aŋ ka di nuu dɔŋ nɛ jɔŋ damɛɛ-la a vɔbuŋ aŋ kɛniŋ mu lee-la ɲ si bi cho di ɲ mua.” ¹⁹ Yesu si bul wiiŋ deɛŋ, u dage Piita si jaŋ suu njii a laa yiriŋ pi Wia. Njii hariŋ lɛ nɛ Yesu bula pu duu to u hariŋ.

²⁰ Njii nɛ Piita daase hariŋ a na Yesu haritooru-la Yesu fa si cho woruŋ, nii-la fa si suusa mu kpage Yesu bua-la lɛ ba fa sii dii diisiŋ kielin gbiele-la kudiilee, a fa piesu, “Mi Tiina, kubɛɛ nɛ che duu jɔŋuŋ yallɛɛ?” ²¹ Piita si nau, njii nɛ u piese Yesu a bul, “Mi Tiina, ka baala deɛŋ, bɛɛ nɛ jaŋ ɲaau lɛ?” ²² Njii nɛ Yesu bula pu, “Di mi nii che duu he dime ka di mi-na miira ko dunia, ɲ sipaa tuo dime. To mi hariŋ.” ²³ Njii nɛ ba ɲmoo doworo pi nialiŋ kala si laa Yesu wiaa dii ari Yesu haritooro deɛŋ-na bi jaŋ suu. Ama Yesu bi njii bula. U si duu nii che di haritooru-la he dime ka di u-na miira ko dunia, Piita sipaa tuo.

²⁴ Mi-na JƆƆŊ nɛ na wiaa deɛŋba aa ɲmuŋsɛ teniŋ deɛŋ. La saa jima ari wialiŋ kala mi si bula ɲaa wutitii nɛ. ²⁵ Yesu ɲaa wiaa dɔŋsuŋ yuge a pɛ wialiŋ mi si ɲmuŋsa he teniŋ deɛŋ lɛ. Wialiŋ-na mi bi ɲmuŋsa. Di mi nɛ fa ɲmuŋsɛ wialiŋ kuŋ-kun-kala, tɛŋ-la fa jaŋ yuga kii dunia kala.

YESU NANZŌŌBA TINTINŊAA

¹ Mi nanđonjo Tiaffilas, mi-na Luuk laa sipaanj nmunse teninj a pinj. Tenja le mi dage wialinj kala Yesu si nja ari wialinj kala u si daga, a suomi bua-la le u si suomi titinj u tintinjaa ² a kaa mu tapulii-la Wia si jonu a kaa jil Wia-janj. Wia Din-zonj-la doluj le u dage u nanzŏŏba-la u si tuosa tintimii-la ba si janj titinj, ka u-na jil Wia-janj. ³ U si sii suunj le, u kenj u titia ku dage u nanzŏŏba-la a yuge ne tapulaa mahinj balia pege. Wonbiee yuga ne u kenj u titia kaa dage ari u weye, anj bul Wia kuorii-la wiaa a piba, ka u-na jil Wia-janj. ⁴ U si he ba teenj, u bula piba a bul, “Ma si Jerusalem le lii. Má gberɛ ma Nyimma Wia zile ku-la u fa si si u janj jonjo pima. Wii-la mi fa si bula pima ne nja: ⁵ Mi bula, ‘Jonj sii fo niaa Wii-chuoɛ liinj, liinj dunđuna ne u kaa fo. Ama u bi dieni, ka mi jonj mi Din-zonj-la hema le.”

Yesu jil Wia-janj

⁶ Yesu ari u nanzŏŏba si hilimi nii, ba piesu, “La Tiina, tapulaa deenba le, nj janj bira lenj di Iziral tintjaa dii kuorunj?” ⁷ Nii ne Yesu bula piba, “Mi Nyimma bi che di ma jinj tapulunj deenj. U ne kenj doluj a he tapulia-la wialinj si janj nja. ⁸ Ama di Wia jonj u Din-zonj-la hema le, ma janj kenj doluj. Ma janj nja mi siada tintjaa a bul mi wiaa Jerusalem le, Judiya tintteenj kala ari Samaria le, a kaa mu dunia seme-na kala.” ⁹ Yesu si bul nii dere, Wia jonu kaa jil Wia-janj, ka ba china bibenj. Nii ne duonbilingbaaninj ku tɔu, ba bira buu na. ¹⁰ Ba ha si wula bibenj wia nyunj nii, di niaa balia ne nii a chinj ba seme, a laale geri-pullunj ¹¹ a pieseba, “Galilii timma, bɛɛ ne tii ma chinaa benj wia nyunj nii? Yesu deenj Wia si jonjo ma sipaanj a kaa jil Wia-janj, u janj miira ko ari ma si nau duu jil Wia-janj nii.”

Ba liise nuu u laa Judas nyunj

¹² Nii ne Yesu haritooro-la lii peel-la ba sii yire Olivet a miira mu Jerusalem. A chinj peel-la lerinj a kaa mu Jerusalem u yi ari meel-daanj lebi ne. ¹³ Ba si yi Jerusalem, ba mu juu dia-la ba sii juu Jerusalem le, lusunj nyunj. Piita ari Jonj ari Jeems ari Anđuru ari Filip ari Tomas ari Batolomi ari Matiu, ari Alifyas bie Jeems, ari Saamɔnj Zelot, ari Jeems bie Judas, ba kala nii juu di-bala. ¹⁴ Ba di haalaa donsunj ari Yesu naanj Mɛeri ari Yesu njaanaa, ba kala nja nii-bala ne aa hilimi dime, a fiɛɛɛ siinj a chuchuoɛ Wia.

¹⁵ Tapulii kubala ba ku hilimi donjo le. Ba fa yi ari niaa zolo ari mara. Nii ne Piita sii chinj duu bul wiaa a bul, ¹⁶ “Mi naanjbiirinj, Wia Din-zonj-la fa lenj Devit dage wialinj Judas si janj nja. Wia niinj wiaa deenba ku nja wutitii. Judas ne kenj niaa ko di ba kenj Yesu. ¹⁷ Yesu fa liisu duu nja la donjo ne, a maa tinj la tintiminj deenj. ¹⁸ Judas si nja wu-bonj-la, u laa moribie. U jonj moribie-la a yɔɔ tintee kubala ne. Dime ne u tuu tele yere. U tuonj kiaa kala jaase. ¹⁹⁻²⁰ Niaa si he Jerusalem le kala nii. Ba yiikoro le ba kenj lee-la kaa yiyire Akilidaama. U bubuonj ne chalinj tintteenj. Devit nmunsa he Wia teninj seme donjo baa yire Saams a bul, ‘Wia janj lenj duu dia pinj jikpeenj,

di nuu-kala si dime juu.’

U bira nmunsa

di nuu laa u nyunj a titinj u tintinjaa.

²¹ Nii wiaa nuu ne maga duu laa u nyun a pela le di la dii siada ari la Tiina Yesu sii suun le. Nia deen maga duu lii nialin fa sii to la harin, bua-la le Yesu si suomo kenla gugolle, ²² a lii bua-la jooŋ fa si fo Yesu Wii-chuole liin a kaa mu yi tapulii-la Wia si jooŋ kaa jil Wia-jaŋ.” ²³ Nii ne ba dage niaa balia. Ba doŋo yirin ne fa Josef Basabas. (U yirin doŋo ma ne fa Jasitis.) Doŋo-la ma yirin ne fa Matayas. ²⁴ Ba si dage nialin nii, ba suomo chuole Wia a bul, “La Tiina Wia, ŋ ne jin nuu-kala tuon wiaa. Nii wiaa dagela niaa deenba baliamin tuon ku-la ŋ si liisa, ²⁵ duu ŋaa ŋ nanzoo doŋo a laa Judas nyun, a tin u tinjinŋaa. Judas via ne aŋ suu aa mu Sitaani lerin.” ²⁶ Nii ne ba toŋse. Matayas kiaa dii. Ba diisu pe Yesu nanzooaba-la fii ari kubala-la tuon.

2

Wia Din-zon-la kuu tuu

¹ Ba gbieli-bal kubala chee ku yi baa yire Pentikos. (Tapulii-la ne ba yie ta ba bagi-bunbun kiaa a kaa mu pi Wia.) Chee-la ba ku hilimi di-bala. ² Ba bi yie la di ba nii goŋ. U lii wia nyun a ku tuu ari peli-balin sii ŋaa nii, a juu su dia-la tuon ba fa si hoo. ³ Nii ne ba na kiaa a nage nyin-geli-biisin. Ba nagisin nage nendelimee. Ba lii pise. Nyin-geli-bie kala togili nuu-kala si he dia-la le. ⁴ Ba si togili nuu-kala le nii, Wia Din-zon-la heba kala le, a piba dolun ba suomo bubul yiikori-yiri-yiriba ba si bi jin.

⁵ Juu tinŋaa doŋsun ma fa he Jerusalem le aa fa Wia, a lii dunia seme-na kala. ⁶ Ni-dan-la si nii goŋ deen, ba kala ku hilimi. Ba si hilimi nii, ba nia di baa bul wiaa ba titia yiikorusun le. U ŋaaba wu-kpunkpere. ⁷ Ba faasa hiriki a bula pi doŋo, “Niaa deenba kala ŋaa Galilii tinŋaa ne. ⁸ Ee ne saa ba bubul wiaa la nyimma yiikoro le la ninii? ⁹ La doŋsun lii Paatia, doŋsun lii Miidia, doŋsun lii Ilam. La doŋsun lii Mesopoteemia, doŋsun lii Judiya, doŋsun lii Kapadoosia, doŋsun lii Ponto, doŋsun ma lii Esia. ¹⁰ La doŋsun lii Firijia, la doŋsun lii Panfilia, la doŋsun lii Ijipiti, la doŋsun ma lii Liibia seme doŋo si kpage tan-la ba sii yire Sariini. La doŋsun ma ŋaa nuuora a lii Rom. La doŋsun ŋaa Juu tinŋaa, la doŋsun ŋaa niaa si bi Juu tinŋaa ŋaa aŋ tuto Juu tinŋaa harin. ¹¹ La doŋsun lii Kiriiti, la doŋsun lii Ariibia. La kalaa bul yiikoro daban daban ne, ka la nii di baa bul wiaa la yiikoro le. Wia si tin tinjin-duori-la wiaa ne ba bubul nii.” ¹² Ba kala hiriki, ba tuon vugime, ba pipiese doŋo, “Bee kun ne ŋla?” ¹³ Doŋsun ma sisieriba le di ba bugo ne.

Piita bul Wia wiaa a pi niaa

¹⁴ Piita ari Yesu nanzooaba-la fii ari kubala fa si he dime nii, Piita sii chin a faasa bul wiaa a bul, “Mi naanbiirin Juu tinŋaa ari ma nialin kala si he Jerusalem le. Ma wuoli ma digilaa di mi bul wii-la si ŋaa a pima. ¹⁵ Ma biina niaa deenba bugo nee? Ba bi bugo. Chichuo-fie la deen ba bi jaŋ wuo bugi. ¹⁶ Jowel ma fa bul wiin deen si ŋaa wiaa ne. U fa ŋaa nii-la sii bul wiaa, Wia Din-zon-la dolun le. U si,

¹⁷ ‘Wia si, ŋla ne u jaŋ ŋaa tapulaa diderin:

Mi jaŋ jooŋ mi Din-zon-la he nuu-kala le.

Ma biirin ari ma toloo jaŋ bul wiaa mi Din-zon-la dolun le.

Ma bapuoosi-biisin ma jaŋ nina wiaa ari duosoo tuon.

Ma kuhiasin ma jaŋ duduosi duosoo.

18 Cheε-la mi jaŋ joŋ mi Diŋ-zoŋ-la pi baala-la ari haala-la si ŋaa mi tiŋtinnaa
di ba kaa bubul wiaa, Wia Diŋ-zoŋ-la doluŋ le.

19 Mi jaŋ ŋiŋaa wu-kpuŋkperisiŋ wia nyuŋ,
aŋ ŋiŋaa wu-magilaa ma tiŋteen le.
Chaliŋ, nyiniŋ ari nyuε-bine jaŋ he dime.

20 Di taŋ ne pula maa, leriŋ jaŋ biri.

Chene ma jaŋ fiεε a nage chaliŋ,
ka di la Tiina tapul-bal-la-na yi.

21 Tapul-bii-la, nii-la kala si yire la Tiina Wia, u jaŋ laau ta.' "

22 Nii ne Piita bira bul, "Iziral tiŋŋaa, má jegile nii wiaa deenba mi síi che mi bula pima. Yesu si lii Nazaret, Wia ne timu. Wu-magilaa ari wu-kpuŋkperisiŋ Wia si leŋe u ŋaa ma siŋ le ne dage ŋii. Ma ma jima ne.

23 Wia jima aŋ leŋ Yesu juu ma nisiŋ le. Ma ne leŋe haache tiŋŋaa kpaasu mere daa-geεε nyuŋ u suu. 24 Ba si kpaasu daa-geεε nyuŋ ŋii u suu, Wia chisu suuŋ le, a liise heε-la u si na bua-la le u síi suu. Suuŋ fa buu wuo kaa bibil. 25 Devit fa tiŋ wiŋ deen wiaa ne a bul,
'Mi yie na mi Tiina.

U laa mi sipaan a ŋaa mi hari-chinna, di wii sími juu.

26 U ŋii ŋaa mi tuotóruŋ, mi bubul wiaa ma ari tuotóruŋ.

Mi jaŋ na wiese.

Mii yiele wialiŋ Wia si jaŋ ŋaa le ne.

27 Di mi ne suba, ŋ-na Wia bi jaŋ leŋ di mi he leliŋ le.
Ŋ bi cho di mi-na ŋ tiŋtinni-titii-la pua.

28 Ŋ dagemi wonbie-la mi si jaŋ to a keŋ miisiŋ.

Ŋ si he mi teen jaŋ ŋaa di mi keŋ tuotóruŋ woruŋ.' "

29 Nii ne Piita bira bul, "Mi naanbiiriŋ, mi jaŋ chaasa bul la naabalima Devit wiaa pima. U suba ne, ba joŋu hugi, u vaamiŋ ha pina ne la jaŋ le.

30 U fa ŋaa nialiŋ sii bul wiaa, Wia Diŋ-zoŋ-la doluŋ le doŋo ne a wuo jiŋ wialiŋ Wia si si u jaŋ ŋaa pu. Wia ŋmiesa ne a bul duu jaŋ leŋ di Devit doho niaa doŋo, duu dii kuoruŋ u nyuŋ le. 31 Devit si na wii-la Wia fa síi che duu ŋaa, u wuo bubul ari Kirisito jaŋ sii suuŋ le, a ma bul di Wia bi jaŋ leŋ duu he leliŋ le duu yaraa pua. 32 Yesu deen ne Wia chise suuŋ le.

La kala na a ŋaa wiŋ deen siada. 33 Wia chisu u sii a jila hoŋ Wia seμε, ni-duoŋ di-hoŋuŋ, a bira pu u Diŋ-zoŋ-la ari u fa si bul ŋii. Diŋ-zoŋuŋ deen Yesu si joŋo hela le jiniŋ, u ne wialiŋ ma síi na a ninii maa. 34 Devit titia fa bi Wia-jaŋ jila, ama u ta bula pa a tige Yesu a bul,
'La Tiina Wia bula pi mi Tiina

duu ku hoŋ u seμε, ni-duoŋ di-hoŋuŋ,

35 see duu yuo dii u diŋdoŋoŋo kala deεε.'

36 Ma Iziral tiŋŋaa, ma jiŋ u seŋe ŋaa wutitii ari Yesu deen ma si kaa kpaase daa-geεε nyuŋ, u ne Wia leŋ u ŋaa la Tiina. U ne bira leŋ u ŋaa Kirisito maa."

37 Nialiŋ si nii wiŋ deen Piita si bula, u faasa wiwalimeba kiŋkeŋ. Nii ne ba piεε ba di Yesu nanzoŋba-la doŋsuŋ, "La naanbiiriŋ, beε kuŋ ne saa la jaŋ ŋaa?" 38 Nii ne Piita bula piiba a bul, "Má birime a lii ma haacheba le, aŋ leŋ di ba foma Wii-chuoεe liiŋ Yesu Kirisito doluŋ le, di Wia joŋ ma haacheba chema, ka u joŋ u Diŋ-zoŋ-la a dii zile ma le. Wia fa si si u jaŋ joŋ u Diŋ-zoŋ-la pi niaa, u tapuluŋ ne ŋla. 39 Wialiŋ Wia si bula, ma ne u bula pa, ma ari ma biiriŋ ari nialiŋ kala si lii di-boluŋ, nuu-na kala Wia

si yira duu ko u teenj.” ⁴⁰ Piita si bul nii, u sulba a paala chaasa bul wiaa dɔnsun yuge a bul, “Má liise ma titia ni-bɔnɔɔ deenba tuɔɔj.” ⁴¹ Ba tuɔɔj niaa yuga laa wialaa u si bula dii, ba foba Wii-chuɔle liinj. Niaa ma si pe nialinj le tapulii-la yi bui batori. ⁴² Ba jonj ba nyunj kala he Yesu nanzooaba-la wu-bulia-la le siifesiinj a keɔj nii-bala. Ba kala hono aa dii kudiile-la Yesu fa sí si di baa dii aa liisi u wiaa, anj pe gbaara chuchuɔle Wia.

Nialinj si laa Yesu wiaa dii di-honun

⁴³ Nii ne ba kuɔ-kala fifá Wia, Yesu nanzooaba-la ma nja wu-kpunƙperisiinj ari wu-magilaa yuge kinƙen. ⁴⁴ Nialinj kala si laa wialinj dii, ba kala ku hihilimi bua-na kala le, ba kiaa kala ma nja kubala. ⁴⁵ Ba yie jonj ba kiaa ma yiyalle a keɔj moribie-la a kpikpaa dɔnɔ magɛ nii kala nuu-kala síi che. ⁴⁶ Tapulii kala ba yie mu hilimi Wia-dia le ari ba diisiinj ma le, a didii kudiile-la Kirisito fa sí si baa dii a liliisi u wiaa. Baa nja nii ari zile ari tuɔɔruɔj ⁴⁷ a didenne Wia. Niaa ma kala bibeseba le. Tapulii-na kala la Tiina Wia yie laa ni-falaa ta ne, ba kuu pe Yesu nanzooaba-la le.

3

Ba vaare gberike

¹ Tapulii kubala Piita ari Jonj sii aa mu Wia-dia. Ba mu dime kerifi batori wiiheye, bua-la le ba si yie chuɔle Wia. ² Di baal kubala ne he dime. U naan lulu duu gberike ne. Ba yie chunju tapulii-na kala a kaa mu Wia-dia-la boininiinj kubala baa yire boi-zomun. Uu sul kiaa nialaa síi juu Wia-dia-la teenj. ³ U si na Piita ari Jonj di ba ku juu Wia-dia-la, u sul kiaa ba teenj. ⁴ Ba beɔj u siaa le. Nii ne Piita bula pu duu ma bibenba. ⁵ Nii ne u bibenba anj gberɛ kialinj ba si janj jonjo pu. ⁶ Nii ne Piita bula pu, “Mi bi moribii kala kene mi si janj jonjo pinj, ama mi janj jonj ku-la mi sí kene a pinj. Yesu Kirisito si lii Nazaret dolun le mi si, ɔ́ sii a vivenj.” ⁷ U si bul nii, u keɔj u na-diinj nisiinj le a kenu chuule, u sii. U naasiinj ari u naachigisiinj kala guu polli. ⁸ U fula sii chinj u naasiinj nyunj aa venj, ba juu Wia-dia-la. U venj anj pe fuful, a didenne Wia. ⁹ Nialinj kala nau duu venj anj didenne Wia. ¹⁰ Ba wuo jinj u ne nii-la fa si yie honj Wia-dia-la boininiinj ba síi yire boi-zomun aa sul kiaa. Ba hiriki. Wii-la si nja, njaaba wu-kpunƙpere wii.

Piita bul Wia wiaa Wia-dia tuɔɔj

¹¹ Nii ne Piita ari Jonj ari gberiku-la juu zawura kubala baa yire Solomɔn zawura. Gberiku-la keɔj Piita ari Jonj nisaa le, ka niaa kire to ba hariinj juu. U njaaba wu-kpunƙpere. ¹² Piita si na nialinj di baa njaa nii, u bula piba a bul, “Mi naanbiirin Iziral tinjɔa, ɛɛ ne wiinj deenj nja wu-kpunƙpere ma teenj, ma paala faasa chaare siaa a bibenla nja? Ma biina ari la titia dolun le ne koo la wu-zɔnɔɔ njaaninj ne wuo nja baala deenj sii vivenj? Ai. ¹³ Wia-la si njaa la naabalimaba Abiraham ari Aizik ari Jekob Wia, u ne jonj yiri-balinj a pi u Bie Yesu. U ne ma kaa pa di ba dii u sariya, anj bul ma buu jinj Paalit sariya diire-la sipaanj. U faa biine duu jonj ta, ka ma bi seye. ¹⁴ Ma kaa via Wia Tuɔ-pul Tiina, nii-la si nja wu-zɔn njaara, anj susul di ba jonj ni-kpuura ta, ¹⁵ anj lenj ba kpu u-na nii-la síi pi niaa miisi-la si bi derɛ. Ama Wia chisu suun le. La nja wiinj deenj danjsia. ¹⁶ Yesu dolun le ne nja baala deenj ma si na a jimɔ, u duori. La si nja yarida u dolun le ne wuo njaa nii. La si nja u yarida-la ne nja baala deenj na yarifielaa worun ma kala siinj le.

¹⁷ Mi naan̄biirin, mi jima ma di ma kuhiasin si kpu Yesu n̄ii, ma bi jin̄ tuon̄ le ne. ¹⁸ Wia leje u nialin̄ s̄ii bul wiaa, Wia Din̄-zon̄-la dolun̄ le, ba bul faafaa kala ari Kirisito-la jan̄ na heen̄. U sen̄e ku n̄aa wutitii n̄la. ¹⁹ Má birima lii ma haacheba le an̄ to Wia, duu jon̄ ma haacheba chema, ka di Wia lejan̄ di ma din̄sin̄ na wiese. ²⁰ N̄ii ne ka Wia bira ta Yesu si n̄aa Kirisito, n̄ii-la u si liisa, a pima. ²¹ U maga duu he Wia-jan̄, see bua-la yie, wii-kala si he dunia le jan̄ birime wu-falii. Wia leje u nialin̄ s̄ii bul wiaa, Wia Din̄-zon̄-la dolun̄ le bul wiin̄ deen̄ faafaa kala ne. ²² Moosis fa he ba tuon̄ ne a ma bul,

‘La Tiina Wia jan̄ lejan̄ di nialin̄ s̄ii bul wiaa, Wia Din̄-zon̄-la dolun̄ le,
di ba don̄o ko ma teen̄ ari u si tin̄mi n̄ii.

U jan̄ n̄aa ma naan̄bii.

Duu ne ko, má saa to u niin̄ wiaa le
wii-na kala u si jan̄ bul.

²³ Nii-la kala si bi u niin̄ to,

Wia jan̄ lejan̄ di ba liisu Wia niaa tuon̄ a ta duu suu.’

²⁴ Nialin̄ kala s̄ii bul wiaa, Wia Din̄-zon̄-la dolun̄ le, a chin̄ Samuel nisin̄ le aa mu nialin̄ kala si to u harin̄, ba kala fa bul wiaa deen̄ba ma s̄ii na n̄la.

²⁵ Wialin̄ Wia fa si to u nialin̄ s̄ii bul wiaa u Din̄-zon̄-la dolun̄ le a bula pi ma naabalimaba, ba kala n̄aa ma kaaa ne, maa naba n̄la. U fa bula pi ma naabalima Abiraham a bul,

‘N̄ doho niaa don̄o le ne mi jan̄ to
a tima pe dunia niaa kala le.’

²⁶ Nii ne Wia liise u tin̄tinna Yesu, duu laa sipaan̄ ko ma teen̄ a pema le, di ma kala birima lii ma wu-bon̄on̄o n̄aanin̄ le.”

4

Piita ari Jon̄ chin̄ nialin̄ si yie hon̄o wuvuure wiaa sipaan̄

¹ Piita ari Jon̄ fa si bul wiaa pipi nialin̄ n̄ii, di nialin̄ si kpu pusun̄ pipi Wia ari Wia-dia kuhiasin̄ ari nialin̄ ba s̄ii yire Sadusii tin̄n̄aa, ba ko ba teen̄. ² Ba fa na baanin̄ a tin̄ wialin̄ ba s̄ii dage. Ba faa dage nialin̄ ari Yesu sii suun̄ le, a dageba n̄ii ari nuu ne suba, u jan̄ bira sii suun̄ le. ³ Nii ne ba keseba, a ken̄ba kaa mu to dia, tan̄-pul. (Bua-la ma le di wia ka che duu juu, n̄ii ne tii ba toba tan̄-pul.) ⁴ Ka nialin̄ si nii wialin̄ ba si bula, niaa yuga ba tuon̄ a laa Yesu wiaa dii. Nialin̄ si laa wialin̄ dii, ba tuon̄ baalaa leele pun̄a yi bui banon̄.

⁵ Tan̄ si pula, nialin̄ si kpu pusun̄ pipi Wia ari ba Juu tin̄n̄aa kuhiasin̄ ari Wia tenin̄ kerichiba, ba kala ku hilimi Jerusalem le. ⁶ Ba di nialin̄ si kpu pusun̄ pipi Wia kuhian̄ Anas ari Kayafas ari Jon̄ ari Alekizand̄a, ari nuu-kala si lii nialin̄ si kpu pusun̄ pipi Wia kuhiasin̄ doho niaa tuon̄ ne ku hilimi n̄ii. ⁷ Ba si hilimi n̄ii, ba yire Yesu nan̄zooaba-la balia a kaa lii bil ba tutuobaanin̄ a pieseba, “Dol bee yiri ne ma kaa n̄aa baala deen̄ duori? Kubee yirin̄ le ne ma yire a n̄aa n̄la?” ⁸ Nii ne Wia Din̄-zon̄-la ku he Piita le worun̄, u si, “Ma nialin̄ si kpu pusun̄ pipi Wia kuhiasin̄ ari ma Juu tin̄n̄aa kuhiasin̄, ⁹ ma ken̄la dii sariya jin̄in̄ a tin̄ wu-zon̄-la la si n̄aa gberiku-la le u duori. ¹⁰ U maga di ma niaa deen̄ba ari Iziral tin̄n̄aa kala jin̄ ari Yesu Kirisito si lii Nazaret, u dolun̄ le ne n̄aa baala deen̄ duoro chin̄ ma sipaan̄ n̄ii. U ne ma lejan̄ ba kpaasa mere daa-geseē nyun̄ u suu, ka Wia chisu suun̄ le. ¹¹ Ba n̄mun̄se Wia tenin̄ tuon̄ ari tiebii-la dii-saaraa si via,

duu ne ku ɲaa tiebii-duonɔ ba si jonɔ bil dia geɲtine.

Ba si ɲmunse wiɲ deenɔ, Yesu wiaa ne ba bul ɲii. ¹² Nuu-kala bi janɔ wuo laala ta, see Yesu dunɔɔna. U yirinɔ dunɔɔna ne Wia si la yire duu laala ta. Wia bira bi nuu-kala liisa duu wuo laala ta, see Yesu dunɔɔna.”

¹³ Nialinɔ si hilime na Piita ari Joɔɲ di baa bul wiaa ari nyu-duonɔ ɲii, u ɲaaba wu-kpunɔkperere, beɛ wiaa ba jima ba ɲaa ba tuonɔ ni-biisinɔ ne a bi wii-kala gunna. ɲii ne ba wuo jinɔ ari ba faa to Yesu hariɲ ne a gunne u wiaa. ¹⁴ Ka ba na gberiku-la Piita ari Joɔɲ si vaara, di ba kala china, ba niinɔ kala maa. ¹⁵ ɲii ne ba bula piba di ba lii dia-la tuonɔ ba fa si honɔɔ vuure wiaa. Ba lii, anɔ ka ba pipiese donɔ, “Eɛ ne la janɔ keɲ niaa deenɔba balia kaa ɲaa? ¹⁶ Nuu-kala si he Jerusalem le ne jima ari ba ne ɲaa wu-balinɔ deenɔ, la saa bi wuo kaa lilere. ¹⁷ Ama má lenɔ di la kpurise ba digilaa di ba bira sí Yesu yirinɔ yiru, a bira sí u wiaa bula pi niaa, di wiinɔ deenɔ bira sí lerinɔ deenɔ kala teelu.” ¹⁸ ɲii ne ba bira yireba kaa juu, a bula piba ari siifiesinɔ di ba bira sí wii-kala bul, koo di ba sí wii-kala dagu a tige Yesu le, a bira sí u yirinɔ yiru. ¹⁹ ɲii ne Piita ari Joɔɲ pieseba, “La si to ma niinɔ koo la si to Wia niinɔ, kubɛɛ ne zomɔ Wia teenɔ? Má bul. ²⁰ La bi janɔ wuo toɛ la niinɔ, see di la bul wialaa la si na a nii maa.” ²¹ ɲii ne ba bira fugisiba woruɲ ari ba janɔ doɲiseba woruɲ anɔ jonɔba ta. Ba bi wonɔbiinɔ na di ba doɲiseba, beɛ wiaa nialinɔ kala ka denne Wia a tige wii-la si ɲaa le ne. ²² Baala deenɔ ba fa si ɲaa wu-kpunɔkperere deenɔ u le u duori, u fa kii jisinɔ mahinɔ balia ne.

Nialinɔ si laa Yesu wiaa dii sul Wia chiche nyu-duonɔ

²³ Ba si jonɔba ta, Piita ari Joɔɲ miira mu ba naanɔbiirinɔ teenɔ, ba di ba fa si yie hilimi, a bula piba wialinɔ kala nialinɔ si kpu pusunɔ pipi Wia kuhiasinɔ ari Juu tinɲaa kuhiasinɔ fa si bula piba. ²⁴ Ba si nii ɲii, ba suomo chuchuoɛ Wia ari tuo-bala a bul, “La Tiina Wia, ɲ ne ta wia nyunɔ ari tinɲeenɔ ari mugi-balaa ari fuo-biisinɔ ari kuɲ-kala si he dime. ²⁵ ɲ Dinɔ-zonɔ-la dolunɔ le ɲ wuo lenɔ la naabalima Devit, ɲ tinɲinna, u bul,

‘Beɛ ne tii nialinɔ si bi Juu tinɲaa ɲaa, ba faasa na baaninɔ?’

Beɛ ne tii nialinɔ vuure di ba janɔ chei Wia tinɲinɲaa anɔ lolɔ?

²⁶ Tinɲeenɔ kuoroo keɲ ba titia he donɔ le a ɲaa siri,

ba tanɔ kuhiasinɔ, ba ma hilimi

di ba yuo la Tiina Wia ari Kirisito, nii-la u si liisa.’

²⁷ Wiaa deenɔba sene ku ɲaa wutitii. Herod ari Pɔɲsɔs Paalit ari nialinɔ si bi Juu tinɲaa ɲaa ari Iziral tinɲaa, ba kala hilime ne tanɔ deenɔ le di ba yuo Yesu, ɲ tinɲinni-zonɔ-la ɲ si liisa duu ɲaa Kirisito. ²⁸ Ba hilime di ba ɲaa wialinɔ kala ɲ si paala jinɔ ɲ dolunɔ ari ɲ tuoɔbiinaa le ari ba janɔ ɲaa. ²⁹ La Tiina Wia, beɛ na ba si kpurise la digilaa ɲii ari ba janɔ doɲiseba, anɔ pe ɲ tinɲinnaa le di la wuo bul ɲ niinɔ wiaa ari nyu-duonɔ. ³⁰ Dage ɲ dolunɔ anɔ lenɔ di puwuoloo duori, di la ma wuo ɲinɲaa wu-kpunɔkperisinɔ ari wu-magilaa ɲ tinɲinni-zonɔ-la Yesu dolunɔ le.” ³¹ Ba si chuɔɛ Wia dere, lee-la ba si hilime jigisi. Wia Dinɔ-zonɔ-la ku heba kala le. Ba suomo bubul Wia niinɔ wiaa ari nyu-duonɔ.

Nialinɔ si laa Yesu wiaa dii ka pe donɔ le.

³² Nialinɔ kala fa si laa Yesu wiaa dii, ba kala keɲ tuo-bala ari nii-bala. Di nuu ne keɲ kuɲ maa, u bi janɔ bul, “Na mi kuɲ ne ɲla”, ba kala ne yie tiu. ³³ Wia lahorimo-bal-la ne tii Yesu nanzɔɔba-la wuo na dolunɔ a bulaa pi niaa di la Tiina Yesu sii suunɔ le. ³⁴ Wia pe nialinɔ kala si laa Yesu wiaa dii kala le woruɲ. Nialinɔ kala fa si keɲ diisinɔ ari bagisinɔ, ba yie jonɔ yalle,

a keŋ moribie-la ba si na ³⁵ a kaa mu Yesu nanzoŋba-la teen. Ba kpaamage nii kala nuu-kala sii che. Nii wiaa ba nialin kuŋ-kala fa bi kuŋ chee ka. ³⁶ Baal kubala ma ne fa he dime, baa yire Josef. Yesu nanzoŋba-la ma kenu kaa yiyire Banabas. (U bubuŋ ne, u fa yie bul wiaa pi niaa ba nyusun nyinyaase.) U fa ŋaa Liivai doho nuu ne a lii Saapŋ tinŋteen. ³⁷ U ne jon u бага u fa si kene a yalle, a keŋ moribie-la kaa mu Yesu nanzoŋba-la teen.

5

Ananaya ari Safaya

¹ Ama ba tuŋ baal kubala ne fa he dime. Baa yire Ananaya. U haala ma yirin ne fa Safaya. U jon u dua a yalle ² a liise moribie-la doŋsun faa, u haala jin, aŋ keŋ ku-kaana-la kaa mu Yesu nanzoŋba-la teen. ³ Piita piesu, “Ananaya, bee ne ti i leŋ Sitaani nyisin, i jon tinŋtee-la i si yalla moribie-la doŋsun faa, aŋ nyia wiaa pi Wia Diŋ-zŋŋ-la?” ⁴ Ka ŋ-na jon ku-la yalle, i dee buu ti? Moribie-la maa i si yalla, i dee biba ti? Bee ne saa ti i biine i tuŋ le aŋ ŋaa wiin deen? Nuhuobiinee dunŋa dee i nyia wiaa pa, i nyia wiaa pi Wia ma ne.” ⁵ Ananaya si nii wiin deen, u tuu tele suu. Fawulluŋ keŋ nialin ma kala si he dime. ⁶ Bapuŋsaa jon gerin laalu a jonu kaa lii a kaa mu hugi.

⁷ U yi hawa batori di u haala ku juu. U fa bi jin wii-la kala si ŋaa. ⁸ Piita piesu, “Moribie-la i bala si kaa ko, mage nii ne ma jon ma tinŋtee-la yalle koo?” Nii ne haal-la bul di ba niin ne nii. ⁹ Nii ne Piita piesu, “Bee ne ti ma di i bala vuure di ma nyise Wia Diŋ-zŋŋ-la, a biine u bi jaŋ doŋisemaa? Bee na, nialin si jon i bala mu hugi, ba ne chin boinŋiin nii. Ba saa jaŋ jonu ma lii.” ¹⁰ U guu tel u sipaan a suu. Bapuŋsia-la si jon u bala kaa mu hugi, ba ku juu duu suba. Nii ne ba jonu kaa lii, a hugu a kperere u bala. ¹¹ Nialin kala si laa Yesu wiaa dii aa hilimi ari nialin doŋsun ma si nii wii-la, fawulluŋ keŋba woruŋ.

Wu-kpuŋkperisin ari wu-magilaa

¹² Yesu nanzoŋba-la ŋaa wu-magilaa ari wu-kpuŋkperisin yuge niaa tuŋ. Nialin kala si laa Yesu wialin dii, ba kala hilimi doŋŋ le ari nuu-bala. Zawura-la ba si kaa yire Solomŋ zawura, u le ne ba hilimi. ¹³ Nuukala si bi Yesu wialin laa dii bi nyu-duŋ kene duu guoli ba tuŋ. Ari nii kala, ka ba ha bibeseba le. ¹⁴ Nialin si laa Yesu wialaa dii a ku pe nialin le, ba kii nialin kala Wia fa si vene kaa kuu pe, baalaa ari haalaa. ¹⁵ A tin wialin kala sii ŋaa le, ba paala paa puwuolo kaa lii wonŋiin niin, a bilba godoba le ari bosunuŋ le. Ba ŋaa nii di Piita ne kuu bal, duu daalimin wuo he ba doŋsun le di ba duori. ¹⁶ Niaa ma yuga a lii ta-biisi-la si kpage Jerusalem, a keŋ puwuolo ari nialin jin-boŋŋŋŋ si kene a kaa ko u teen, ba kala duori.

Ba to naasin doŋise Yesu nanzoŋba

¹⁷ Nii ne nialin si kpu pusun pipi Wia kuhian ari u haritooro sii. U haritooro-la kala he Sadiusi tinŋaa paati-la tuŋ ne Jerusalem le. Ba yaraa faasa bibieri. ¹⁸ Ba kese Yesu nanzoŋba-la kaa mu to dia, lee-la ba sii to ba niaa. ¹⁹ Ama titan-la titia Wia tinŋdaara kubala ku keŋ dia-la boinŋiiree suri, a leŋ Yesu nanzoŋba-la lii. Ka u bula piba, ²⁰ “Ma mu juu chin Wia-dia le a bula pi niaa wonŋii-falin deen wiaa.” ²¹ Yesu nanzoŋba-la sei. Siipuraa ba juu Wia-dia a suomo didage niaa.

Nii ne nialin si kpu pusun pipi Wia kuhian ari u nanŋŋŋŋŋ, ba yire juu tinŋaa kuhiasin ari ba niaa kala di ba hilimi a vuure, aŋ tin di ba mu

dia-la ƙe a keŝe Yesu nanzƆƆba-la kaa kƆ. ²² Nihiasi-la si mua, ba biba na sarika ƙe. Ba miira ku bul, ²³ “La si mu sarika-la, la na di ba yaga, nuu-kala bi suro, ka nialin sfi beŋ sarika-la, ba ma chin boinini. Ama la mu suri, la bi Yesu nanzƆƆba-la naa.” ²⁴ Wia-dia nihian ari nialin si kpu pusun pipi Wia kuhian si nii wiin deen, u kperiba kinkeŋ, ba bi jin wii-la kala ba si jan ŋaa. ²⁵ Nii ne baal kubala ku juu a bula piba di ba bee na nialin ba si kaa to dia, ba ne chin Wia-dia tuon a didage niaa. ²⁶ Nii ne Wia-dia nihian ari u niaa, ba mu keŝeba kaa kƆ. Fawullun fa keŋba ne ari nialin fa si he Wia-dia-la tuon jan paa tabiaa yageba, nii ne tii ba bi Yesu nanzƆƆba-la fuga.

²⁷ Ba keŋba kaa ku juu, a leŋ ba chin nialin si yie hilime vuvuure wiaa sipaan. Nii ne nialin si kpu pusun pipi Wia kuhian bula piba, ²⁸ “La bula pima ari siifiesin ari ma bira si wii-kala dagu Yesu dolun ƙe. Ama ma bee na, ma keŋ wii-la kaa gaara cheŋ Jerusalem kala aa che ma jon taali chugela a tin baala deen suun ƙe.” ²⁹ Piita ari Yesu nanzƆƆba-la doŋsun miira bula piba a bul, “U maga di la to Wia niin ne a kii nuhuobiine niin. ³⁰ La naabalimaba faa to Wia ne, u ne chise Yesu suun ƙe, nii-la ma fa si kaa kpaase daa-geŝe nyun u suu. ³¹ Wia chisu u sii jila hon Wia seme, ni-duon di-honun, duu ŋaa Sipaa-laara ari Laataara, a leŋ di Iziral tinŋaa birima lii ba haacheba ƙe, ka duu jon ba haacheba cheba. ³² La ŋaa wiaa deenba kala danŝia ari Wia Din-zon-la maa, Wia si jonjo pi nialin si to u niin ne.”

³³ Nialin si nii wiin deen, ba faasa na baaniŋ a chiche di ba kpuba. ³⁴ Baal kubala ma ne fa he nialin si yie hilime vuvuure wiaa tuon. U lii Farisii tinŋaa tuon ne. Baa yire Gamiiial. U ne faa dage wialin Moosis fa si ŋmunŝa bil di niaa tuto. Nuukala pupu jirima. U sii chin a bul di ba leŋ di Yesu nanzƆƆba-la lii di-jalin muapilii. ³⁵ Ka u sii a bula piba, “Ma Iziral timma, má fiele ma siaa ari ma sfi ŋaa wii-la niaa deenba ƙe. ³⁶ Jisin deenba ne, baal kubala ne fa he dime. Baa yire Tuudas. U bula ari u ŋaa ni-bal ne. Niaa yi ari zo-banese a peu ƙe. Ba kpuu, ka u haritooro-la kala pise doŋo ƙe, u yiri-la kala dise. ³⁷ U hariŋ ƙe ne, baal kubala ma lii, bua-la ƙe ba sfi diŝe niaa, baa yire Judas. U lii Galilii ne. U keŝe ni-dan a kaa to u hariŋ. Ba kpuu maa, ni-dan-la ma sfi to u hariŋ, ba ma pise doŋo ƙe. ³⁸ Ka ƙeƙe wiin deen, mi jan bula pima di ma si wii-kala ŋaa niaa deenba ƙe, an leŋba ta. Di tinŝimin deen lii nuhuobiine dolun ƙe ne, u jan ƙe. ³⁹ Ama di Wia tinŝimii ne, ma bi jan wuo cheyu. Di ma ne che di ma cheyu, ma jan na di ma di Wia paala yuyuo doŋo.”

⁴⁰ Nii ne ba jegile nii u niin. Ba yire Yesu nanzƆƆba-la ba ku juu, a ŋaa ba viireba, an bula piba di ba bira si wiaa bul Yesu dolun ƙe, an leŋ ba viiri. ⁴¹ Nii ne ba lii nialin fa si hilime teen. Ba tuon tore ari ba si doŝiseba a tin Yesu wiaa ƙe. ⁴² Tapulii-na kala ba yie juu Wia-dia a pee mu niaa diŝin, a ha bubul Wia wu-zom-la a mu tige Yesu Kirisito ƙe.

6

Niaa balipe ku pe Yesu nanzƆƆba-la ƙe

¹ Tapulaa deenba Yesu haritooro-la ku puna yuge. Nii ne ba tuon Giriik tinŋaa suomo nyinyan Hiiburu tinŋaa. Ba bula ari ba si yie jon moribie-la a pipi yo-haalaa tapulii kala, ba yie bee kikieli ba-na yo-haalaa ne. ² Nii ne Yesu haritooro-la fii ari balia yire nialin kala si laa Yesu wiaa dii a hilimi,

a bula piba a bul, “U bi maga di la bibeŋ moribiee aŋ ka Wia wiaa ta. ³ Mi naanbiirin, má liise ma tuoŋ niaa balipe ma si jima di niaa ka zilba, ka Wia Diŋ-zoŋ-la heba le aŋ keŋ wu-jimin maa. Má liiseba di ba bibeŋ yo-haalaa deenba. ⁴ Ka la joŋ la nyuŋ kala he aa chuole Wia aŋ pee bul Wia niin wiaa.” ⁵ Nii ne nialin kala si he dime tuosaa kala tore ari wialin Yesu haritooro-la si bula. Ba liise baal kubala baa yire Sitiivin. U fa ŋaa baal-la si keŋ yarida woruŋ ne. Wia Diŋ-zoŋ-la ma heu le. Ba bira liise Filip ari Purokuros ari Nikeeno ari Taamoŋ ari Paaminas ari Nikolas. Nikolas lii Aŋtiok ne. U fa bi Juu tiina ŋaa aŋ tuto Juu tinŋaa hariŋ. ⁶ Nii ne ba keŋ nialin balipe-la ba si liisa a kaa mu Yesu nanzooaba-la sipaan. Ba chuole Wia piba aŋ joŋ ba nisaa danba le.

Ba keŋ Sitiivin

⁷ Wia niin wiaa ha gaara su lee-la kala. Nialin si laa Yesu wiaa dii puŋ woruŋ Jerusalem le. Nialin ma si kpu pusun pipi Wia yuga a ma sei Wia niin wialin.

⁸ Wia lahorimo le Sitiivin keŋ doluŋ woruŋ, a wuo ŋinŋaa wu-kpuŋkperisin ari wu-magilaa niaa tuoŋ. ⁹ Niaa doŋsun fa he dime. Ba fa ŋaa Juu tinŋaa ne a lii Sariini, doŋsun ma lii Alekizandria. Ba fa lii Wii-chuole dia-la ba fa sii yire ‘yosun ba si joŋo ta’. Doŋsun ma fa ŋaa Juu tinŋaa a ma lii Sillisia ari Asia. Ba lii Sitiivin hariŋ a keŋ wiaa lilere. ¹⁰ Ama ba fa bi u bubuoŋ le wuo keŋ a tin u wu-jimin ari Wia Diŋ-zoŋ-la doluŋ le u fa sii bul wiaa. ¹¹ Nii ne ba luora he niaa, ba bul, “La nia duu chei Moosis ari Wia yirin.” ¹² Ba bul nii a nyise nialin ari nihiasi-la ari Wia tenin kerichiba he. Ba baaniŋ sii Sitiivin nyuŋ. Ba kenu kaa mu nihiasi-la si yie hilime vuvuure wiaa teen. ¹³ Ba keŋ niaa kaa ko di ba ku nyia wiaa pu a bul, “Baala deen yie ku bul wiaa aa chei Wia-dia-la ba si joŋo pi Wia, ari wialin Moosis si ŋmuŋsa bil di la tuto. U yie bul nii, u bi tore, ¹⁴ bee wiaa la nia duu si di Yesu deen si lii Nazaret jaŋ yigi Wia-dia-la lo, a keŋ wialin Moosis fa si dage la naabalimaba di ba tuto a kaa birime.” ¹⁵ Nialaa kala fa si hoŋ lee-la, ba chaare siaa a pe Sitiivin le. Ba na duu siaa nage Wia tinŋaara siaa.

7

Sitiivin bul Wia wiaa a pi niaa

¹ Nii ne nialin si kpu pusun pipi Wia kuhian piase Sitiivin di wiaa deenba ŋaa wutitii nee? ² Sitiivin bul, “Mi nyimmaba ari mi naanbiirin, má jegile nii mi teen. Wii-balin si keŋ yirin keŋ u titia ku dage la naabalima Abiraham, bua-la le u fa si hoŋ Mesopoteemia tinŋeen le, di u ha bi taŋ-la ba sii yire Haran le mu hoŋ. ³ Nii ne Wia bula pu duu sii a leŋ u dia niaa, a lii u tinŋeen ma le, a mu tinŋee-la u si jaŋ dagu. ⁴ Nii ne u sii lii Kalidiya tinŋeen le a mu hoŋ taŋ kubala baa yire Haran le. Dime ne Abiraham nyimma suu. Nii ne Wia leŋ u sii lee-la a ko tinŋeen deen ma niaa deenba si hoŋo leele. ⁵ Bua-la le Wia bi lee-la kere pi Abiraham a yi naakielin kubala maa, duu titia keŋ, ama u bula pu duu jaŋ joŋo pu, ba di u doho niaa. Bua-la le Wia si bul nii Abiraham le duu ha bi bii lula. ⁶ Nla ne Wia bula pu, ‘N doho niaa jaŋ ŋaa nuhuora tinŋeen doŋo le, a birime yosun. Ba jaŋ dogiseba woruŋ jisin zo-banese. ⁷ Mi saa jaŋ keŋ nialin ba si jaŋ tima pipa dii sariya. Nii hariŋ le ba jaŋ lii lee-la le, a bira ko daha a chuchulemi.’”

⁸ Nii ne Wia jon u niin a pi Abiraham. U magilin ne, ba di u doho niaa kikeri ba penee. Nii ne Abiraham lul Aizik. Tapul-chorimun cheen u keri u penin. Aizik ma lul Jekob. Jekob ne lul biirin fii ari balia-la si ku nnaa la naabalimaba. ⁹ Ba tuon donjo yirin ne Josef. Ku-kaana-la yaraa bibieri u nyun, ba kenu kaa yalle pi baalaa kubalaba. Ba kenu kaa mu Ijipiti tinteen. Ama Wia fa peu le worun ¹⁰ a liisu wahala kala le u fa si jua. U fa si mu Feero Ijipiti kuoro sipaan, Wia lahorimo le u ken wu-jimin. U len u nnaa u tinteen kuhian, a biben u tinteen ari u dia kala. ¹¹ Nii ne losun ku juu Ijipiti tinteen ari Keenan tinteen kala. Losun kpu niaa kinken, la naabalimaba bi kudiilee wuo na. ¹² Jekob nia ari kudiilee he Ijipiti tinteen le. U tin u biirin, la naabalimaba-la, di ba mu yoo kaa ko. Ba yoo kaa ko. ¹³ Jekob biirin miira mu Ijipiti liamin le di ba yoo kudiilee. Nii ne Josef ken u titia dageba, an kenba ma dage Feero. ¹⁴ Nii ne Josef tin di ba mu bula pi u nyimma Jekob, duu ken u doho niaa kala kaa ko Ijipiti, ba kala fa nnaa mahin batori ari fii ari banon ne a mu Ijipiti. ¹⁵ Nii ne Jekob sii a mu Ijipiti. Ba di u biirin suu dime. ¹⁶ Ba miira kenba kaa mu Keenan tinteen a hugiba lee kubala baa yire Sekem. Ba hugiba bua kubala le Abiraham fa si yobo Hamo niaa teen.

¹⁷ U ka mua, ka di wii-la-na ku bal, Wia fa si bula pi Abiraham ari u jan nnaa pu. Bua-la le Jekob doho niaa fa puna worun Ijipiti le. ¹⁸ Kuoru-la fa si jin Josef suba, an ka ni-tanii dii kuoron Ijipiti le. U fa bi Josef wiaa jin. ¹⁹ U nyise niaa kinken a dogiseba, a fuge la naabalimaba di ba jon ba bii-mullun kaa lii ta di ba suu. ²⁰ Bua-la le ne ba fa lul Moosis. U fa nnaa bii-zon-bie ne worun. Ba benu u nyimma dia le cheysin batori, an ka ba jon kaa lii ta. ²¹ Ba si jon kaa lii ta nii, Feero tolu ku jon, a diesu ari u bii-lullun. ²² Ba dagu Ijipiti tinnaa wu-jimin kala. U wu-naalaa ari u wu-bulaa len u nnaa ni-bal.

²³ Moosis fa si yi jisij mahin balia, u biine ari u jan mu na u naanbiirin Iziral tinnaa. ²⁴ U si mu dime, u na Ijipiti tiina duu dogise Iziral niaa donjo. U mu lii paa Iziral tiina-la tuoron, a kpu Ijipiti tiina-la. ²⁵ U fa biina ari u naanbiirin jan jin ari Wia che duu ne laaba ta, ama ba fa bi wuo jin. ²⁶ Tan si pula, u na di Iziral niaa balia, baa yuo donjo. U mu duu kenba he donjo le a bul, 'Ma nnaa naanbiirin ne, bee ne tii ma gura dudogise donjo?' ²⁷ Nii-la fa sii dogise u donjo tiina-la ken Moosis yige ta an bul, di kubee ne si u bibenba a laa ba wiaa jijin? ²⁸ Duu che duu kpu maa, ari u dia si kpu Ijipiti tiina-la nii nee? ²⁹ Moosis si nii nii, u fa Ijipiti tinteen le a mu nnaa nuhoru Midian tinteen le. U hon dime ne a jaa haala, a lul biirin balia. ³⁰ U fa hon dime jisij mahin balia.

Nii ne Wia tinnaara kubala ku lii u teen giri-bine tuon a kpage peel kubala baa yire Saana. U ku lii a nage tii-bie sii dii nyinin tuon. ³¹ Moosis si na nii, u nnaa wu-kpunkpere. U mu yi duu na tii-bie-la, a nii la Tiina Wia yikoro. U bula pi Moosis a bul, ³² 'Mi ne nnaa n naabalimaba Abiraham ari Aizik ari Jekob Wia.' U si bul nii, Moosis china chichel. U bira bi wuo biben."

Ba yage Sitiivin ari tabiaa

³³ Sitiivin bira bul, "Nii ne la Tiina Wia bula pi Moosis a bul, 'Chaare n nenntennee n naasin le. Wia he lee-la n si china ne. U wase lee-la kala a ta. U bi disinnin kene. ³⁴ Mi na ba sii dogise mi niaa nii ne Ijipiti le, a nii

ba sîi yel maa, a ku tuu di mi laaba ta. Sii læe, mi timin di η miira mu Ijipiti. ”

³⁵ Nii ne Sitiivin bira suomi aa bul, “Moosis deen ne ba via an pîesu, ‘Kubee ne ηaa η bibenla a laa la wiaa jîjin?’ U ne Wia tin u ηaa ma kuhian ari ma laataara. Wia ne to Wia tin daari-la fa si ku lii Moosis teen a nage tii-bie-la si dii nyinin tuon, a pœu le duu laa u niaa tita. ³⁶ Moosis nage wu-magilaa ari wu-kpun̄kperisin Ijipiti le, an-na keſe u niaa lii Ijipiti tuon, a keſba to mugi-bal kubala baa yire Mugi-fian. Ba to girin maa jisin mahin balia, a pœe ηaa wu-kpun̄kperisin ari wu-magilaa won̄biin le. ³⁷ Moosis deen ne bula pi Iziral niaa a bul,

‘Wia jan leſ di nialin sîi bul wiaa, Wia Diſ-zon̄-la dolun le,
di ba don̄o ko ma teen ari u si tin̄mi ηii.

U jan ηaa ma naan̄bii.’ ”

³⁸ Nii ne Sitiivin bira suom̄o bubul, “Moosis ari la naabalimaba ne fa hilimi giri-bine tuon. Dime ne u na Wia tin daara ma peel kubala nyun̄ baa yire Saana. U jon̄ Wia niin̄ wialaa si keſ miisin pu duu laa bula pila.

³⁹ La naabalimaba via u niin̄ an̄ jon̄ ba hariſ yia, ba tuobiinaa kala fa cho di ba fa miira mu Ijipiti. ⁴⁰ Nii ne ba bula pi Eron̄ a bul, ‘Me vesin̄ pila di ba laa la sipaan̄. Moosis deen si keſla lii Ijipiti tin̄teen le a keſla ko daha, la bi jin̄ wii-la kala si ηaa le.’ ⁴¹ Nii ne ba me vene a nage ne-bie a kpaaru. Ba tuon̄ tor̄e ku-la le ba titia si mœe. ⁴² Wia jon̄ hariſ yiaba a jon̄ba ta ba chuchuoſe cheſwulaa ari chene ari wii-pœsun̄. Ba ηmun̄ſe ηii ne Wia ten̄-la seme don̄o nialin̄ sîi bul wiaa, Wia Diſ-zon̄-la dolun le, si ηmun̄ſa. Ba don̄o ηmun̄ſa a bul, Wia si,

‘Ma Iziral timma, bua-la le ma fa si he giri-bine-la le jisin mahin balia-la,
mi-na dee ma fa kpu pusun̄ pa.

⁴³ Ma vesin̄ ne ma kpikpaare.

Ma vene ba sîi yire Mœok, u lebin̄ ne ma kaa chuſaa ven̄, a chuſ ma cheſwulun̄ vene maa,

vene-la ba sîi yire Refan̄ u magilin̄ ne.

Kiaa deen̄ba ne ma me a chuchuoſe.

Nii ne tii mi jan leſ ba keſma kaa mu di-bolii, a kieli Babilon̄ a mu.’ ”

⁴⁴ Nii ne Sitiivin bira bul, “La naabalimaba fa si he giri-bine tuon, ba keſ lebi-la ba fa si he pi Wia. Wia ne fa dage Moosis duu ηaa. U dage u nagisin̄ kala u si jan̄ ηaa duu nage. Moosis ηaa ηii. ⁴⁵ Niaa deen̄ba suba ne, ka la naabalimaba laa lebin̄ deen̄ ba nyun̄ le a chuſ. Ba di Josua juu tin̄teen don̄o. Nialin̄ fa si tii tin̄tee-la, ba fa bi Wia ka to. Wia pe la naabalimaba deen̄ba le ba yuo kiri nialin̄, an̄ laa tin̄tee-la tii. Lebi-la fa he ba teen, ηii ne deen̄ deen̄, Devit, la naabalima, ku yiu. ⁴⁶ Wia lah̄orim̄o-la le u sul Wia duu leſ duu saa dia pu, u-na Wia-la u naabalima Jekob fa sîi to. ⁴⁷ Devit dee bi dia-la saa, Solom̄on̄ ne miira saa a pi Wia. ⁴⁸ Ka Wia si kii kuſ-kala, u bi diisi-la nuhuobiinee si saa dun̄duſa ne ka juu. Nialin̄ sîi bul wiaa, Wia Diſ-zon̄-la dolun le, ba don̄o ne fa bul ηii. U si,

⁴⁹ ‘Wia si, Wia-jan le ne mi kuori-kpaſa he,
tin̄teen ne ηaa mi naasin̄ di-bilin̄.

Dii be ne saa ma jan̄ saa pimi?

Mi di-wiesin̄ he nii?

⁵⁰ Kiaa deen̄ba kala, mi dee bi ηaa?’ ”

⁵¹ Nii ne Sitiivin bul, “Ma nyun̄ dolie kin̄keſ. Ma digilaa ma kparime. Ma keſ nyu-duon̄ ari nialin̄ si bi Wia ka to. Ma ma yie via ma to Wia Diſ-zon̄-la le, ari ma naabalimaba fa si ηaa ηii. ⁵² Nialin̄ sîi bul wiaa, Wia

Din-zon-la dolun le, ba tuon kun-kala tuo ma naabalimaba si bi naasin to dogise. Ba fa kpu nialaa si laa sipaan paala bul di Wia Tuɔ-pul Tiina jan ko. U ne ma jonjo yalle a kpu. ⁵³ Wia tinɔaraa jon Wia niin wiaa pima, ama ma buu to.”

⁵⁴ Sitiivin si bul wialin deɛ, nialin fa si hilime vuure wiaa nii wialin u si bula. Ba baani faasa sii, ba chichan ba nyilaa. ⁵⁵ Nii ne Wia Din-zon-la faasa he Sitiivin le yuge. U wula beɛn wia nyun a na Wii-balin tula, a na Yesu maa duu hon Wia seme, ni-duon di-honun. ⁵⁶ Nii ne Sitiivin bul, “Ma bee na, mi na Wia-jan boinini duu suro, ka Nuhuobiine Bie hon Wia seme, ni-duon di-honun.” ⁵⁷ Ka ba faasa nɔa gon a to ba digilaa, ba kala guu su u le ⁵⁸ a kenu yige ta u lii ba jan tuon le, a paa tabiaa yiyagu. Nialin sii yage Sitiivin jon ba gennin a pi bapusi-bie kubala baa yire Ɔɔɔl, u biben. ⁵⁹ Baa yage Sitiivin nii ne ari tabiaa, ka u yiyire la Tiina Yesu a sulu, “Mi Tiina Yesu, laami kaa mu n teen.” ⁶⁰ U tuu kpirimi a faasa nmoo niin a bul, “Mi Tiina Yesu, mii sulun, si ba haache deen chimin tin.” U bul nii ne an suu.

8

Ɔɔɔl to naasin dogise nialin si laa Yesu wiaa dii aa hilimi

¹ Ɔɔɔl ma sei ari ba kpu Sitiivin ne. Cheɛ-la ba suomo to nialin si laa Yesu wiaa dii aa hilimi naasin, a dudogiseba kinkeɛn Jerusalem le. Ba kala pise Judiya ari Samaria tinteen kala le, see Yesu nanzɔɔba-la dunɔnɔa ne ka. ² Nialin sii fa Wia jon Sitiivin a hugi an yel u yoho worun.

Ba bul Wia wu-zomɔ-la Samaria le

³ Ɔɔɔl faa che duu pugi nialin si laa Yesu wiaa dii, a to ba naasin dudogiseba. U to dii-niirin a kese haalaa ari baala-la si laa Yesu wiaa dii, a lereba lii ba diisin le, an len ba kenba kaa mu to dia. ⁴ Nialaa fa si pisa, ba mu galle lee kala a bubul Wia niin wiaa. ⁵ Filip sii mu tan kubala baa yire Samaria, a bul Kirisito wiaa pi nialaa si he dime. ⁶ Ni-dan-la kala si nii wialaa u si bula a na u wu-magila-la u si nɔa, ba kala ken nii-bala a jon ba nyun he wialin u sii bul le. ⁷ Filip si bul wiaa nii, jin-bonɔɔ fa ken niaa a yuge, ba lenba. Di ba ne lenba, ba yie lii a faasa yiyel. Niaa ma yuga a gberike, donsun ken naa-suunun ari na-suunun, ba ma kala duori. ⁸ Samaria tinɔa kala tuon faasa toɛ.

⁹ Tan-la le baal kubala ma he dime, baa yire Saamon. U ken daalusun a ninɔa wu-kpunƙperisin tan-la le niaa nina, a didage ari u ne ken dolun. ¹⁰ Ni-balaa ari hanbiisin kala jon ba nyun he u wu-nɔalaa le a bul, “Baala deen ne nɔa wia. U ken dolun, dol-la ba sii yire Wia dol-balin.” ¹¹ U si nɔa wu-kpunƙperisin deenba niaa na u diene, nii ne ti niaa jon ba nyun kala he u wu-nɔalaa le. ¹² Ama Filip si bul Wia wu-zomɔ-la a tige Wia kuorila, a bul Yesu Kirisito ma wiaa, ba laa wialaa dii, ba foba Wii-chuo le liin, baalaa ari haalaa kala. ¹³ Saamon titia ku laa wialin dii, ba fou ma Wii-chuo le liin, ka u mere Filip le. U si na wu-kpunƙperisi-la ari wu-magilaa Filip sii nɔa, u nɔa wu-kpunƙpere.

¹⁴ Yesu nanzɔɔba-la si he Jerusalem le nii ari Samaria tinɔa laa Wia wiaa dii. Nii ne ba ta Piita ari Jon di ba mu dime. ¹⁵ Ba mu a chuo le Wia piba di Wia jon u Din-zon-la piba, ¹⁶ beɛ wiaa bua-la le Wia Din-zon-la ha biba kun-kala le he. La Tiina Yesu dolun dunɔnɔa le ne ba fa foba Wii-chuo le liin. ¹⁷ Ba jon ba nisaa danba le, nii ne Wia Din-zon-la ku tuu

heba le. ¹⁸ Saamɔŋ si na di Yesu nanzɔɔba-la jon ba nisaa danba le Wia Diŋ-zɔŋ-la ku heba le, u jon moribee a sulba a bul, ¹⁹ “Má pimi ma dolun deen di mi ma jon nisin dan nuu-kala le, di Wia Diŋ-zɔŋ-la he tiina ma le.” Nii ne Piita bula pu, ²⁰ “N biina n jan wuo jon moribee yoo Wia si jon kua dii zile niaa lee? Ma di n moribee kala jan juu nyinin. ²¹ N bi wii-kala keɛe wiaa deenba le. N bi n tuɔŋ pulla Wia teen. ²² Birime a lii wu-bɔmun deen le, an sul Wia duu jon n tuɔbiinaa deenba n si biinu a cheŋ. Duu jan jonɔ cheŋ, u jan jonɔ cheŋ. ²³ N yaraa bieri kinkeŋ, haache ma kenin.” ²⁴ Nii ne Saamɔŋ sulba di ba chuɔle Wia pu di wiaa deenba kala ba si bula síu le ŋaa. ²⁵ Ba si bul Wia wiaa dere ari wialin kala u si ŋaa piba, ba sii di ba miira mu Jerusalem. Ba si mu Jerusalem nii, ba bul Wia wu-zɔmɔ-la Samaria tinteen tasin le a yuge.

Filip cheŋ baal-la si lii Itoopia tinteen

²⁶ Nii ne Wia tinndaara kubala ku bula pi Filip, “Sii mu taŋ-bubuɔŋ a mu wonbii-binii-la si lii Jerusalem aa mu Gaza.” U mua. ²⁷ U si mu dime, u na baal kubala duu lii Itoopia tinteen. U ŋaa bonjon ne a tima pipi Itoopia kuoro ba sii yire Kanɔdaasi. U fa ŋaa haal ne. Baal-la faa beŋ u kíaa kala. U fa mu Jerusalem ne a chuɔle Wia an hoŋ u toruko nyun, ²⁸ a miira mumu dia. U fa sii ven nii ne u kikarime Wia tenin seme doŋɔ, Azaaya si ŋmunsa. Azaaya fa ŋaa nialin síi bul wiaa, Wia Diŋ-zɔŋ-la dolun le doŋɔ ne. ²⁹ Nii ne Wia Diŋ-zɔŋ-la bula pi Filip duu mu kpaga toruku-la. ³⁰ Filip fá mu kpaga a nii duu karime Wia teŋ-la seme doŋɔ Azaaya si ŋmunsa. U piesu duu jin wialin u síi karimu bubuɔŋ nee? ³¹ Nii ne baal-la bul duu bi jan wuo jin ba bubuɔsaa, see di nuu daga, an yire Filip duu jila hoŋɔ pɛu le. ³² Wia niin wialin u fa sii karimu ne ŋla: U si, “U tɔre u niin a nage piese ba si kaa mu di ba kpu, ka u tɔre nii. U bira nage pie-bie ma si tɔre u niin, ka ba kikeri u punaa ne. Nii-la bi u niin suro.

³³ U si keŋ u titia muuri nii, ba girima laa u wu-sinŋaa.

Ba liisu ni-weyee tuɔŋ a kpuu.

Ba si kpuu nii, kubee ne jan wuo to u doho naasin?”

³⁴ Baal-la si karime Wia niin wiaa dere, u piese Filip, “Kubee wiaa ne nii-la síi bul wiaa, Wia Diŋ-zɔŋ-la dolun le bubul nii? U titia wiaa ne koo nuu ma doŋ wiaa nee?” ³⁵ Nii ne Filip suomi Wia niin wialaa lee-la titia ne a bul Wia wu-zɔŋɔ wiaa a kaa mu tige Yesu le. ³⁶ Ba si jon wonbii-la aa mu, ba mu yi lee kubala duu keŋ liin. Nii ne baal-la bula pi Filip a bul, “Na liin ne ŋla. Bee ne jan tɔmi di n sími Wii-chuɔle liin fo?” ³⁷ Nii ne Filip bula pu, “Di n ne laa Yesu wialin dii ari n tuɔŋ kala, mi jan fon Wii-chuɔle liin.” Nii ne baal-la bul, “Mi laa dii ari Yesu Kirisito ne ŋaa Wia Bie.” ³⁸ Nii ne baal-la ŋaa jani-la fa síi lere toruku-la chin. Ba di Filip kala tuu a juu lii-la. Filip fou Wii-chuɔle liin. ³⁹ Ba si ku lii lii-la tuɔŋ, Yesu Diŋ-zɔŋ-la ku jon Filip kaa lel. Baal-la bira bi Filip na an jon u wonbiin vinen, a kala ŋaa tuɔtoru. ⁴⁰ Filip ŋaa duu chin duu he taŋ kubala baa yire Asidod le. U golle ta-biisi-la kala si he dime a bubul Wia wu-zɔŋɔ wiaa. U ŋaa nii ne a mu yi taŋ kubala baa yire Sizariya.

¹ SƆol ha fufugi la Tiina Yesu haritooro-la ari u jaŋ kpuba, a sii mu nialin si kpu pusuŋ pipi Wia kuhian teen, ² a sulu duu ŋmuŋse tennin pu duu kaa mu taŋ kubala baa yire Damaasikas a kpa a Wii-chuoŋe diisin ŋe. U ne ŋaa nii duu na nuu-na kala sii to wonbii-la dime, baalaa koo haalaa kala, duu wuo keŋ doluŋ a wuo keseba woƆ kaa ko Jerusalem. U ŋmuŋsa pu. ³ SƆol si lii joŋ wonbiin a mumu Damaasikas a ku kpage taŋ-la, pulumuŋ guu lii wia nyuŋ a faasa chaana heu ŋe. ⁴ U tuu tel tinteen. Ka u nii nuu yiikoro. Uu bul u teen, “SƆol, SƆol, be e ne tii ŋ to mi naasin a dudogisemi ŋla?” ⁵ Nii ne u piese, “Kube e ne, tiina?” Yiikoro-la bul, “Mi ne ŋaa Yesu, nii-la ŋ si to u naasin a dudogise. ⁶ Sii juu taŋ-la tuoŋ. Dime ba jaŋ dagin wii-la ŋ si jaŋ ŋaa.” ⁷ SƆol ari nialin fa sii ven, ba china tuobiben, ba nii yiikori-la, ama ba bi nuu-kala naa. ⁸ SƆol nyaga sii a suri u siaa. U bi kuŋ-kala wuo na. Ba keŋ u nisin ŋe ne a lere juu Damaasikas. ⁹ U nyulime a he dime u tapulaa batori. U bi kuŋ-kala die, u bi liin ma nyua.

¹⁰ Yesu haritooro-la kubala ma fa he Damaasikas le, baa yire Ananayas. U na wiaa ari duosoo tuoŋ. Ŋla ne u na: La Tiina Yesu yiru a bul, “Ananayas!” Nii ne u si, “Nami, mi Tiina.” ¹¹ Nii ne la Tiina Yesu bula pu, “Sii mu wonbii-la ba sii yire wonbii-tegi-tegi a mu baal kubala dia u yirin ne Judas, a piese che baal-la si lii taŋ kubala baa yire Taasis. Baal-la yirin ne SƆol. U nii chuoŋe Wia sisele nii.” ¹² Nii ne Yesu bira bula pi Ananayas a bul, “SƆol nii chuoŋe Wia nii, u na ari duosoo tuoŋ, ŋ-na Ananayas, di ŋ ku juu a joŋ ŋ nisin danu le di u siaa bira suri.” ¹³ Nii ne Ananayas bul, “Mi Tiina, niaa yuga kinkeŋ a bula pimi ari baala deen ŋaa wu-bonŋoƆ ŋ niaa le si he Jerusalem le. ¹⁴ Nialin si kpu pusuŋ pipi Wia kuhiasin pu doluŋ taŋ deen le duu kese nialin kala sii chuolun woƆ.” ¹⁵ La Tiina Yesu bula pi Ananayas a bul, “Sii mu, mi ne liisu duu tima pipimi. U jaŋ mu bul mi wiaa nialin si bi juu tinŋaa ŋaa teen, ari kuoroo, ari Iziral niaa teen. ¹⁶ Mi ne jaŋ dagu he e-la nii u si jaŋ na a tin mi wiaa.” ¹⁷ Nii ne Ananayas sii mu dia-la SƆol si jua. U juu a joŋ u nisaa dan SƆol le aŋ bul, “Mi naanbie SƆol, la Tiina Yesu-la ŋ si na wonbiin le ŋ sii ko daha, u ne tinmi. U tinmi di mi ko di ŋ siaa wuo suri, ka di Wia Din-zoŋ-la ma heŋ le.”

SƆol bul Wia wiaa a pi niaa Damaasikas le

¹⁸ U si bul nii, di kiaa nage cheŋfilin kerikee guu lii SƆol siaa le tel, ka u bira wuo nina. U sii, ba fou Wii-chuoŋe liin. ¹⁹ U dii kiaa a bira dol. U he Damaasikas le a juu Yesu haritooro-la si he Damaasikas tuoŋ tapulaa banmene. ²⁰ U si he dime, u guu sii mu Wii-chuoŋe diisin a suomo bubul Yesu wiaa a pipi niaa, a bul duu ne ŋaa Wia Bie. ²¹ Nialin kala si nii wialin u si bula, u ŋaaba wu-kpuŋkpere. Baa piese doŋo, “Baala deen dee fa bi Jerusalem le he aa kpu nialin sii to Yesu deen nii? Ŋla wiaa saa dee u bira ko daha, duu keseba woƆ kaa mu nialin si kpu pusuŋ pipi Wia kuhiasin teen?” ²² Ka SƆol sii bul wialaa, u wasa keŋ doluŋ a kii bunbun-la. U wuo dage ari Yesu ne ŋaa Kirisito, Wia si liisa. U paala faasa bul nii, juu tinŋaa si he Damaasikas le, ba nanɗaasin kala yuore.

²³ U he dime a dieni, nii ne che e kubala juu tinŋaa vuure di ba kpuu. ²⁴ SƆol ku nii. Ba yie po taŋ-la boin nii-baal in wiiheye ari titanin kala ne di ba kpuu.

SƆol he Jerusalem le

²⁵ Titan kubala SƆol haritooro joŋu he sime tuoŋ a keŋ ŋmenin woƆ, a lere u kieli jee-la a tuu jeen hariŋ, a lii mu Jerusalem.

²⁶ Sool si mu Jerusalem, u chiche duu juu Yesu haritooro-la tuonj. Ba bi laa dii ari u njaa Yesu haritooro-la donjo. Ba fifáu. ²⁷ Yesu nanzooaba-la donjo ba sii yire Banabas ne peu le a kenu kaa mu Yesu nanzooaba-la teenj. U ne bula piba nii Sool si na la Tiina Yesu wonjbiinj le, u bul wiaa pu nii. Banabas ne saa bira bula piba nii Sool si kenj nyu-duonj a bul Yesu wiaa pi niaa Damaasikas le. ²⁸ Ba sei u juu ba tuonj a gugolle ari tuotoronj Jerusalem le, ²⁹ a bubul Wia wiaa ari nyu-duonj la Tiina Yesu dolunj le. Ba di juu timma-la sii bul Giriik tinjaa wu-bulunj, ba kenj wiaa lilere. Ba wiwalime di ba kpuu. ³⁰ U naanjiiri-la si nii wiinj deenj, ba kenu kaa mu Sizariya a njaa u mu Taasis.

³¹ Nii harij ne nialinj si laa Yesu wiaa dii aa hilimi Judiya ari Galilii ari Samaria tinteenj le kala na wiese, a wasa njaa Wia yarida, a to la Tiina Yesu a fifáu. Wia Dinj-zonj-la ma peba le. Ba puja pe.

Piita mu Lida ari Jopa

³² Piita fa golle leree kala ne. Tapulii kubala u sii mu Lida duu na Wia niaa dime. ³³ U si mu dime, u na baal kubala baa yire Iniyas. U gberike pinj dia le jisinj chori. ³⁴ Nii ne Piita bula pu a bul, "Iniyas, Yesu Kirisito vaarinj ne, sii chuoli nj bosó." U guu sii a duori. ³⁵ Nialinj kala si lii Lida ari Saronj na nii, a birime to la Tiina Yesu.

³⁶ Haal kubala ne fa he Jopa le. U faa to Yesu ne. U yirinj ne Tabita. (Giriik tinjaa kaa yiru Dookas. U bubuonj ne bagil.) U kenj zile kinkej a pipe summoo le. ³⁷ Bua-la le u wiwiile a suu. Ba fou liinj a kaa jila bil lusunj nyunj dia le. ³⁸ Jopa ari Lida fa bi bol. Nialinj si laa Yesu wiaa dii a he Jopa le nii ari Piita he Lida le. Ba tinj niaa balia u teenj di ba sulu duu he dolunj anj ko ba teenj lima lima. Ba mu a bula pu. ³⁹ Piita sii to ba harij mu. U si mu dime, ba kenu jil lusunj nyunj dia-la. Yo-haalaa kala chinj u seme aa yel, a paa geri-laalaa ari geri-vobia-la Dookas fa si yere u fa si he u miisinj le, a didage Piita. ⁴⁰ Piita njaa ba kala lii dia-la tuonj. Ba si lia, u tuu kpirimi a chuole Wia. U chuole Wia dere anj birime suu-la teenj a bul, "Tabita, sii." U suri u siaa. U si na Piita, u sii honj. ⁴¹ Piita mu yiu a kenj u nisinj le u sii. Nii ne u yire Wia niaa ari yo-haala-la a jonjo piba. Ba kala nau duu bira weye. ⁴² Wiinj deenj teeli Jopa kala ne. Niaa yuga a ku laa la Tiina Yesu wiaa dii. ⁴³ Piita he puri-tiseru kubala dia le ne Jopa le a didieni. U yirinj ne fa Saamonj.

10

Piita ari Koniiias

¹ Baal kubala ne fa he Sizariya le. U yirinj ne fa Koniiias. U fa njaa laali-yuoro-la ba si kaa kpaazolo zolo ba donjo kuhianj ne, laali-yuoro-la ba kaa yire Itali laali-yuoroo. ² Uu fá Wia, ba di u dia niaa kala ma tuto Wia. U yie pipe summoo le, a chuchuoje Wia ma bua-na kala le. ³ Wiiheye kubala ari kerifi batori bua le, Koniiias paala chaasa na ari duosoo tuonj di Wia tinjaara kubala ku juu a yiru, "Koniiias!" ⁴ U chaare siaa bibenu. Fawullunj kenu. U piese, "Bee kunj ne mi Tiina?" Nii ne Wia tinjaari-la bula pu, "Wia nii nj si yie chuchuoju nii ne a na nj si yie pipe summo-la ma le nii. A tinj wiaa deenba wiaa uu liisi nj wiaa ne. ⁵ Tinj niaa leele di ba mu Jopa a che yire baal kubala duu ko nj teenj. U yirinj ne Saamonj Piita. ⁶ Uu juu puri-tiseru kubala dia ne, u ma yirinj ne Saamonj. U dia kpage mugibalinj ne." ⁷ Wia tinjaari-la si bul wialinj dere, u miira viiri. Nii ne

aŋ ka Kōniilias yire u dia tiŋtinnaa balia a pe laali-yuoro kubala le. Laali-yuori-la he nialaa si yie hōno gbaaru tuōŋ ne a fifá Wia. ⁸ U bul wii-la kala u si na ne aŋ leŋ ba mu Jopa.

⁹ Taŋ si pula, wia ma mage nyu-gbaŋa di ba mu kpage Jopa. Ba sii mu nii, Piita ma jil lusun duu chuole Wia. ¹⁰ Losun fa kenu u chiche kudiilee duu dii. Ba sii nŋaa kudiilee di ba pu. Ba sii ŋaa kudiile-la nii, u na ari duosoo tuōŋ ¹¹ di wia nyun kpa. Ka kuŋ a nage geri-balin a lii wia nyun ku tuu tiŋteen. Ba keŋ u niipine-la banesemin le. ¹² Ka puŋ-yiriba ari zaari-yiriba ari kialin si keŋ boye tutuuri tiŋteen he u tuōŋ. ¹³ Nii ne u nii nuu yiikoro duu bul, "Piita, sii kpu a dii." ¹⁴ Piita bul, "Ai, mi Tiina, mi ha bi ku-la kala si keŋ disinnin die." ¹⁵ Yiikori-la bira miira bula pu, "Ku-la kala Wia si si u zomo, bira si bul duu keŋ disinnin." ¹⁶ U na kialin deenba di ba ku tuu naansin butori ne, ka ba miira jil wia nyun. Ba bira bi tibe.

¹⁷ Wii-la kperi Piita. U hōno bibiine wii-la u si na bubuon, di nialin Kōniilias fa si tima, di ba ne piesa ku chin Saamōŋ boinŋii-balin nii. ¹⁸ Nii ne ba yire a piēse di baal kubala he dia deen tuōŋ baa yire Saamōŋ Piitaa? ¹⁹ Piita fa ha keŋ wii-la u fa si na a bibiine u bubuon. Nii ne di Wia Diŋ-zon-la bula pu, "Bee na baalaa batori ne he daha a chicheŋ. ²⁰ Sii tuu a sí logo logo ŋaa, aŋ keŋba mu. Mi ne tiŋba ŋ teen." ²¹ Nii ne Piita sii tuu ba teen a bula piba, "Mi ne nii-la ma sí che. Bee ne ma kaa chichemi?" ²² Nii ne ba bul, "Laali-yuoroo kuhian kubala, baa yire Kōniilias ne tiŋla. U ŋaa tuō-pul tiina ne a fifá Wia. Juu tiŋŋaa ma kala bibeseu le. Wia tiŋdaara kubala ne ku bula pu duu yirin di ŋ kō u dia, di ba nii wii-la ŋ si jaŋ bula piba." ²³ Nii ne Piita yireba di ba juu chua, taŋ-pul.

Taŋ si pula u sii ba di ba mu. U naanbiiri-la ma doŋsun si laa Yesu wiaa dii Jopa le ma pe kenu mu. ²⁴ Che-liamin cheŋ ba mu yi Sizariya. Dime Kōniilias ari u naanbiirin ari u nanɔŋsun u si yira, ba kala hōno gberu. ²⁵ Piita fa si ku juu, Kōniilias sii chemu, a tuu kpirimi u sipaan a chuolu. ²⁶ Nii ne Piita kenu aŋ bul duu sii. Ka u bula pu, "Mi ma ŋaa nuhuobiin ne." ²⁷ Piita ari Kōniilias fa haa bul wiaa ne aŋ to doŋo juuu dia. Piita juu na di niaa yuga a hilimi dime. ²⁸ Nii ne u bula piba a bul, "Ma titia jima ari Juu tiŋŋaa kisin ne di ba guoli nialin si bi Juu tiŋŋaa ŋaa tuōŋ. Ba bi ba diisin maa mu. Ama Wia dagemi di mi sí nuu-kala kaa yire disinnin tiina. ²⁹ Nii ne tii, ba si ku yiremi, mi bi wii-kala bula aŋ kō. Mi si kō ŋla, bul wii-la si tii ŋ yiremi."

³⁰ Nii ne Kōniilias bula pu a bul, "Tapulaa batori ne ŋla ari bua deen titia le, mi chuole Wia wiŋheye mi dia le. Di baal kubala ne nii a chin mi sipaan. U gennin faasa tutul. ³¹ U bula pimi, 'Kōniilias, Wia nii ŋ si yie chuchuole Wia nii ne, a na ŋ si yie pipe summo-la ma le nii. ³² Saa tiŋ niaa di ba mu Jopa, a che yire baal kubala duu kō. U yirin ne Saamōŋ Piita. U juu puri-tiseru kubala dia ne, baa yire Saamōŋ. U dia kpage mugi-balin ne.' " ³³ Kōniilias bira bul, "Nii ne tii mi tiŋ niaa lima lima, ba kō ŋ teen di ba yirin. Ŋ ma he dolun ŋ si kō ŋla. Leele la kala hilime ne Wia sipaan, a gbigbere di la nii wii-la kala Wia si dagin di ŋ bula pila."

Piita bul Wia wiaa a pipi niaa

³⁴ Nii ne Piita suomo bubul, "Mi leelee jima ari wutitii ne, Wia jon niaa kala ba ŋaa kubala ne. ³⁵ Nuukala sii fau a nŋaa wialin sii to wonbiin, Wia laau ne. U sipaan tuo yiri-la kala u si ŋaa le. ³⁶ Ma ma nii Wia wuzomo-la u si jonŋo pi Iziral tiŋŋaa. U bula piba di ba to Yesu Kirisito le a

na wiese. (U ne Ŧaa nuu-kala Tiina.) ³⁷ Wialin si tige Yesu si lii Nazaret le suomi Galilii tinŦeen a teeli Judiya tinŦeen kala. JooŦ laa sipaan bubul Wia wiaa, a fo niaa Wii-chuoŦe liin. ³⁸ Ma ma nii Yesu wiaa ne. Wia joŦ u DiŦ-zooŦ-la heu le a puu doluŦ. U sii mu lee kala, aa Ŧaa wu-zooŦoo pipi niaa, aa vaare nialin kala Sitaani si kene a nyaga bil. Wia fa chin u harin ne tii u wuo ŦiŦaa wiaa deenba kala. ³⁹ Wialin kala u si Ŧaa Jerusalem le ari juu tinŦaa tinŦeen kala, la na a Ŧaaba danŦsia. Nii ne ba kpaasu mere daa-geseŦe nyuŦ u suu. ⁴⁰ Ama Wia chisu suuŦ le tapul-torimuŦ cheŦeŦ a leŦ niaa bira nau. ⁴¹ Nuukala dee buu na, ama la nialin Wia fa si liisa di la Ŧaa u danŦsiaba, la ne nau. U si sii suuŦ le, la kala hoŦ di-bala a dii kiaa. ⁴² U bula pila di la bul Wia wiaa a pi niaa, a dageba ari Wia liisu ne duu Ŧaa ni-weyee ari ni-suunuŦ kala sariya diire. ⁴³ U wiaa ne nialin kala fa sii bul wiaa, Wia DiŦ-zooŦ-la doluŦ le faa bul nii. Ba si nuu-kala si laa u wiaa dii, Wia jan joŦ u haacheba cheu u doluŦ le.”

Wia joŦ u DiŦ-zooŦ-la a he nialin si bi juu tinŦaa Ŧaa le

⁴⁴ Piita ha sii bul wiaa nii ne, Wia DiŦ-zooŦ-la ku tuu he nialin kala fa sii jegili wialin le. ⁴⁵⁻⁴⁶ juu timma-la fa si laa Yesu wiaa dii a lii JooŦ a to Piita harin ko, ba nia ari baa bul wiaa yiikori-yiriba le ba si bi jin a didenne Wia. U Ŧaaba wu-kpuŦkperere. Ba fa bi biina ari Wia jan joŦ u DiŦ-zooŦ-la a dii zile nialin ma si bi juu tinŦaa Ŧaa le. Nii ne Piita bul, ⁴⁷ “Wia si joŦ u DiŦ-zooŦ-la pila nii, nii ne u joŦo pi niaa deenba maa. Bee ne jan wuo to niaa deenba di ba si Wii-chuoŦe liin fo?” ⁴⁸ U Ŧaa ba foba Wii-chuoŦe liin Yesu Kirisito doluŦ le. Nii ne ba sulu duu hoŦ ba teen tapulaa banmene.

11

Piita bul u tinŦinŦaa wiaa a pi nialin si laa Yesu wiaa dii aa hilimi Jerusalem le

¹ Yesu nanzooŦa-la ari nialin doŦsuŦ si laa Yesu wiaa dii a lii Judiya nia ari nialin doŦsuŦ si bi juu tinŦaa Ŧaa ma nii Wia niin wiaa a sei. ² Nii ne Piita miira mu Jerusalem. Nialin si cho di ba keri nialin si bi juu tinŦaa Ŧaa penee, ka ba-na to Yesu, ba bulu woruŦ aŦ piestu, ³ “Bee ne tii Ŧ mu nialin si bi juu tinŦaa Ŧaa teen, ma di ba paala dii kiaa?” ⁴ Nii ne Piita suoŦo bubul wii-la kala si paala chaasa Ŧaa. ⁵ U bula, “Mi fa he JooŦ le ne a chuchuoŦe Wia, a na ari duosoo tuoŦ di kuŦ a nage geri-balin lii wia nyuŦ ku tuu mi teen. Ba keŦ geri-la niipine-la banesemin le. ⁶ Mi nyilimi u tuoŦ a na pusun ari bagilaa ari kialin si keŦ boye tutuuri tinŦeen ari diibiisin. ⁷ Ka mi nii nuu yiikoro duu bul, ‘Piita, sii kpu a dii.’ ⁸ Nii ne mi bul, ‘Ai, mi Tiina, mi ha bi ku-la kala si keŦ disinnin die.’ ⁹ Yiikori-la bira lii wia nyuŦ a bula pimi, ‘Ku-la kala Wia si si u zomoo, bira si bula bul duu keŦ disinnin.’ ¹⁰ Wiin deen Ŧaa naanŦiin butori ne, ka kialin miira jil wia nyuŦ.”

¹¹ Bua-la titia le ne baalaa batori ba si tima mi teen a lii Sizariya, ba ku juu dia-la mi fa sii juu. ¹² Wia DiŦ-zooŦ-la bula pimi di mi si logo logo Ŧaa aŦ to ba harin mu, di mi joŦ niaa kala ba Ŧaa kubala ne. La di mi naanŦiirin deenba balidu sii lii JooŦ, la kala ne mu Sizariya, a juu Koniiilas dia. ¹³ Nii ne u bula pila ari nii u si na Wia tinŦaara duu chin u dia tuoŦ a bula pu, ‘TinŦ niaa di ba mu JooŦ a yire baal kubala baa yire Saamoo Piita, a kenu kaa ko. ¹⁴ U jan bul wiaa pima a dagema wialin si jan laa ma di Ŧ dia niaa kala ta.’ ¹⁵ Mi si suoŦo bubul wiaa, Wia DiŦ-zooŦ-la ku tuu heba

le, ari u fa si laa sipaan̄ hela le nii. ¹⁶ Wiin̄ deen̄ si n̄aa, mi liisi wii-la la Tiina Yesu fa si bula. U fa si,

‘Jōōj̄ s̄ii fo n̄iaa Wii-chuōle liin̄, liin̄ dun̄dūna ne u kaa fo.

Ama mi-na jan̄ jon̄ mi Din̄-zō̄n̄-la a hema le.’

¹⁷ Wia si jon̄ u Din̄-zō̄n̄-la pila nii bua-la le la si ku laa Yesu Kirisito wiaa dii, nii ne u jon̄o dii zile ba ma le. Kubēe ne saa kami di mi tō Wia duu s̄iba le pe?” ¹⁸ Ba si nii wialin̄ deen̄ba, ba bira bi wii-kala wuo bul. Ba den̄ne Wia a bul, “Wia paala pi nialin̄ ma si bi juu tin̄n̄aa n̄aa won̄biin̄ di ba wuo birima lii ba haacheba le aṅ̄ keṅ̄ miisin̄.”

Nialin̄ si laa Yesu wiaa dii aa hilimi An̄tiok le

¹⁹ Bua-la le ba fa si to naasin̄ dudō̄gise nialin̄ si laa Yesu wiaa dii a tin̄ Sitiivin̄ wiaa, ba pise. Ba si pise nii, ba mu yi Fō̄niisia ari Saap̄os tin̄teen̄ ari tan̄-la ba s̄ii yire An̄tiok, a bul Wia niin̄ wiaa pipi juu tin̄n̄aa dun̄dūna dime. ²⁰ Ama nialin̄ dō̄nsun̄ si laa Yesu wiaa dii a lii Saap̄os ari Sariini sii mu An̄tiok, a bul la Tiina Yesu wiaa a pi nialin̄ si bul Giriik wu-bulun̄ maa. ²¹ Wia peba le a chin̄ ba hariṅ̄. Niaa yuga a laa Yesu wiaa dii a birima tutou.

²² Nialin̄ si laa Yesu wiaa dii aa hilimi Jerusalem le nii wiin̄ deen̄. Ba tin̄ Banabas duu mu An̄tiok. ²³ U si mua, u na nii Wia si pe nialin̄ le. U tuō̄j̄ tō̄re. U chagileba worun̄ a bul di ba chin̄ la Tiina Yesu yarida le ari ba tuō̄j̄ kala, a si jon̄o ta. ²⁴ Banabas fa n̄aa ni-pula ne a keṅ̄ yarida worun̄. Wia Din̄-zō̄n̄-la ma heu le worun̄. Niaa yuga a laa la Tiina Yesu wiaa dii a ku tutou. ²⁵ Nii ne Banabas sii mu Taasis duu che Sō̄ol lerin̄. ²⁶ U si nau, u kenu ba kō An̄tiok. Ba di nialin̄ si laa Yesu wiaa dii, ba yie hilimi. Ba hō̄j̄ dime ji-pilin̄ a dage Wia wiaa pi n̄iaa yuge. An̄tiok le ne ba suomo keṅ̄ Yesu haritooro-la kaa yiyire Kirisitian̄ba.

²⁷ Bua-la le ne nialin̄ s̄ii bul wiaa, Wia Din̄-zō̄n̄-la dolun̄ le dō̄nsun̄ lii Jerusalem a kō An̄tiok. ²⁸ Ba dō̄j̄o yirin̄ ne Agabos. U sii chin̄ a bul wiaa, Wia Din̄-zō̄n̄-la dolun̄ le a bul di losun̄ jan̄ juu dunia kala. Losu-la ku juu di Kulō̄d̄ios ne fa n̄aa kuori-balin̄. ²⁹ Nii ne Yesu haritooro-la vuure a sei di ba jan̄ jon̄ moribee tin̄, di ba kaa mu pe ba naan̄biiri-la si he Judiya le, di nuu-kala tia mage nii kala u si kene. ³⁰ Ba kaa kō. Ba jon̄o tin̄ Banabas ari Sō̄ol, di ba kaa mu pi nialin̄ si laa Yesu wiaa dii kuhiasin̄ Judiya le.

12

Ba wasa to naasin̄ dō̄gise Yesu nan̄zō̄ba

¹ Kuoro kubala ne he dime a biben̄ juu tin̄n̄aa tin̄teen̄. U yirin̄ ne fa Herōd. Bua deen̄ le u suomo to naasin̄ dudō̄gise nialin̄ dō̄nsun̄ si laa Yesu wiaa dii aa hilimi. ² U n̄aa ba jon̄ tokobii a kpu Jōōj̄ naan̄bie Jeems. ³ U si na di juu tin̄n̄aa tuō̄j̄ tō̄rō wii-la u si n̄aa le, u n̄aa ba keṅ̄ Piita ma tō dia. (Wiin̄ deen̄ n̄aa ba gbieli-bal-la le ne ba si yie dii boroboro si bi si-burun̄ kene.) ⁴ Ba si keṅ̄ Piita, ba kenu kaa mu tō dia. Dime ne ba n̄aa laali-yuoroo fii ari balidu bibenu. Banese yie benu mua, banese ma bira ku laaba le. Herōd fa biina di diisin̄ kielin̄ gbiele-la ne bal, ka u kenu lii pi nialin̄ di ba dii u sariya. ⁵ Piita fa si he sarika le nii, nialin̄ si laa Yesu wiaa dii aa hilimi chuōle Wia pupu ari siifsesin̄.

Ba liise Piita sarika le

⁶ Titan̄ kubala Piita fa pin̄ dō̄j̄ laali-yuoro-la baliamin̄ s̄ii benu pege. Ba fa keṅ̄ chō̄rumō̄o balia ne a kaa vō̄o u nisaa le, ka laali-yuoroo balia ma chin̄ sarika-la boin̄niin̄ a pō. U tan̄ n̄ii pul di Herōd fa kenu kaa lii nialin̄

tuon di ba dii u sariya. ⁷ Piita he dime nii di Wia tinndaara kubala ne chin dime nii. Pulumun chaane sarika-la tuon. Wia tinndaari-la ku peese Piita vaan pe a chisu, a bula pu duu sii lima. Chorumo-la guu lii Piita nisaa le tuu tel. ⁸ Nii ne Wia tinndaari-la bula pu duu paa u kiaa laale a he u nejtetne. Piita naa nii Wia tinndaari-la si bula pu. U bira bula pu duu jon u geri-boso baage a to u harin. ⁹ U to u harin a lii sarika-la tuon. U sii to Wia tinndaari-la harin nii, u fa ha bi jin ari wii-la Wia tinndaari-la sii naa, naa wutitii. U biina u na ari duosoo tuon ne. ¹⁰ Ba mu kieli laali-yuoro-la si chin sipaan a bibej sarika-la, a bira mu kieli laali-yuoro-la dongsun ma si chin harin a ma ha bibej sarika-la, a mu yi hoon boro-la si to boinniibaalin a jujuu tan-la. Boi-la suri u titia le, ba lii. Ba lii jon wonbii kubala aa ven. Ba si mu mua, Wia tinndaari-la jon Piita ta. ¹¹ Nii ne Piita sisele ku jin ari wii-la si naau le naa wutitii ne. U bul, "Mi leele jima ari Wia ne tin u tinndaara u ku laami ta Herod nisin le ari wialin kala juu tinnaa fa si biina ba naami le."

¹² Piita si jin wiin deen le, u mu Jon Maak naan Meeeri dia. U mu dime, di niaa fa yuga a hilimee chuole Wia. ¹³ Piita nmoo boro. Toli-bie kubala baa yire Roda, u fa naa ketii ne dia-la le. U ko duu na. ¹⁴ U ku nii Piita yiikoro a wuo jin di Piita ne. U tuon tere worun. U bi boi-la suro an miira fa juu bula pi niaa di Piita ne chin di-jalin. ¹⁵ Ba si toli-bie-la nyun tuo. Ka u-na ha bul di wutitii ne. Nii ne ba bira bul, u ni-dima ne u na. ¹⁶ Ka Piita ma ha chin a nmunmoo boro. Nii ne ba ku ken boro-la suri a nau. U naaba wu-kpunkpere. ¹⁷ Nii ne Piita ken u nisin vigi di ba ken gon, an bula piba nii Wia si kenu kaa lii sarika-la tuon. U si di ba bul wiin deen a pi jeems ari u naanbiiri-la ma dongsun si laa Yesu wiaa dii. U si bul nii dere, u lii to lee donj mu.

¹⁸ Tan si pula, laali-yuoro-la si po sarika-la bi Piita na. Ba tuobiinaa kala vugime. Ba pipiese donjo di bee ne naa Piita lee? ¹⁹ Nii ne Herod bul di ba che kenu kaa ko. Ba cheu lol. Herod piese laali-yuoro-la duu na wii-la kala si naa, an naa ba kpuba. Nii ne Herod sii lii Judiya tinteen, a mu Sizariya a hon dime.

Kuoro Herod suba

²⁰ Bua deen le Herod fa na baanin worun Taya ari Saadon niaa nyun. Ba sii hilime mu di ba na Herod, ba laa sipaan a na Bilasitas, nii-la sii ben kuoro dia ne, duu peba le. U peba le. Nii ne ba mu Herod teen a sulu duu lej di ba sin. Ba tan niaa kudiilee lii kuoro tinteen ne. Nii ne tii baa sulu nii. ²¹ Herod he tapulii ne di ba ko. Tapulii-la si yie, Herod sii laale u kuori-gennin a hon u kuori-kpasa nyun, a bul wiaa pipi nialin. ²² Nii ne nialin faasa njnaa gon a bul, "U bi naga nuhuobiine nii bul wiaa deenba, Wia ne." ²³ Ba si bul nii, Herod bi Wia zile pa. Nii ne tii Wia tinndaara ku tuu nmoo Herod lo lima lima u suu, nanchuolaa diiu.

²⁴ Ka Wia niin wiaa ha teeli lerin. Niaa yuga a nii a laa dii. ²⁵ Banabas ari Sool si tin tintimii-la dere, tintimii-la ba si si di ba mu tin Jerusalem le, ba miira mu Antioch, a pe ken Jon Maak ma peba le mu.

13

Ba liise Banabas ari Sool a tinba di ba mu leree dongsun a bul Wia wiaa.

¹ Nialin sii bul wiaa, Wia Din-zon-la dolun le ari kerichiba dongsun fa he Antioch le, nialin si laa Yesu wiaa dii aa hilimi teen. Ba yirin ne Banabas, ari Simian ba sii yire ni-bine, ari Lusias si lii Sariini, ari Sool ari Maneyan.

(Tiŋteenj kuoro Herōd ne diese Maneyanj.) ² Niaa deenjba tiŋ tiŋtiŋŋaa pipi Wia a wuvōō niinj. Nii ne Wia Diŋ-zōŋ-la bula piba a bul, “Má liise Banabas ari Sōōl pimi di ba tiŋ tiŋtimii-la mi si jōŋo piba di ba ŋaa.” ³ Ba chuōle Wia a vōō niinj, a jōŋ ba nisaa danjba le, aŋ taba.

Banabas ari Pōōl he Saapōs le

⁴ Wia Diŋ-zōŋ-la si tiŋba nii, ba sii mu Selusia, a lii dime a juu liinj daboro, a mu tiŋtee kubala liinj si gollo chu baa yire Saapōs. ⁵ Ba si yi dime, ba mu Saapōs taŋ dōŋo baa yire Salamis. Ba bul Wia niinj wiaa Jūu tiŋŋaa Wii-chuōle diisinj le dime. Ba keŋ Jōōŋ Maak ma pe kō duu pe tiŋ tiŋtimii-la. ⁶ Ba gōlle tiŋtee-la kala liinj si gollo chu, a mu yi taŋ kubala baa yire Paafōs. Dime ne ba na daalusuj tiina kubala baa yire Baa-Yesu. U fa ŋaa Jūu tiina ne aŋ nyia wiaa bul duu-na bul wiaa, Wia Diŋ-zōŋ-la doluj le ne. ⁷ U fa he ba taŋ kuoro dia le ne, baa yire Saajas Pōōlōs. Kuoru-la fa ŋaa wu-jinnu ne. U yire Banabas ari Sōōl u sipaŋ. U faa che di ba bul Wia niinj wiaa pu ne. ⁸ Daalusuj tiina Elimas lii ba harinj aa walime di kuoru-la sí Yesu wialaa laa dii. (Giriik le ba keŋ Baa-Yesu yiyire Elimas ne.) ⁹ Nii ne Wia Diŋ-zōŋ-la ku he Sōōl le. (Ba fa kenu kaa yiyire Pōōl ma ne.) U chaare siaa pe daalusuj tiina-la le ¹⁰ a bula pu, “Ŋ-na Sitaani bie deenj, ŋ ŋaa ku-zōŋ kala diŋdōŋ ne. Ŋ ŋaa zenbe tiina maa a ŋaa wu-bōŋŋōō kiŋkeŋ. Wia wonbii-titiiba-la ŋ kaa golibi ne. ¹¹ Bee na, Wia jaŋ ku tuuŋ le, ŋ jaŋ nyulime, a mage magina kubala ŋ bi jaŋ na pulumuŋ.” U si bul nii, kuŋ guu tō u siaa, u bira bi na. U gollo chiche nuu duu keŋ u daŋŋ le. ¹² Kuoru-la si na wii-la si ŋaa, u laa Yesu wiaa dii. Wialinj u si gunna a tige la Tiina Yesu le ŋaa u wu-kpuŋkpere.

Banabas ari Pōōl he Antioċ le, Pisiidia tiŋteenj le

¹³ Pōōl ari u nanŋōŋsunj sii juu liinj daboro a lii Paafōs, a kiele mu taŋ kubala baa yire Pēega a he Paŋfilia tiŋteenj le. Jōōŋ Maak taba dime aŋ miira mu Jerusalem. ¹⁴ Ba ma sii dime a mu Antioċ, Pisiidia tiŋteenj le. Che-wiesii-la cheen, ba mu juu Wii-chuōle dia a hōŋ. ¹⁵ Ba si hōŋ nii, nuu karime wialinj Moosis fa si ŋmuŋsa bil di niaa tuto, ari Wia tenni-la nialinj sīi bul wiaa, Wia Diŋ-zōŋ-la doluj le fa si ŋmuŋsa. Ba si karima dere, Wii-chuōle dia-la kuhiasinj tiŋ di ba bula piba a bul, “Mi naanbiiirinj, di ma ne keŋ wii si jaŋ wuo pe niaa deenjba le di ba nyuŋ nyaase, má bul.”

¹⁶ Nii ne Pōōl sii chinj a keŋ u nisinj vigi di ba keŋ goŋ, aŋ suomo bubul, “Mi naanbiiirinj Iziral timma ari ma nialinj si bi Jūu tiŋŋaa ŋaa a he daha a fifá Wia, má jegile nii mi teenj. ¹⁷ Wia-la ma Iziral tiŋŋaa deenjba sīi to, u ne tuōse la naabalimaba a ŋaa ba puŋ a yuge, bua-la le ba fa si ŋaa nuhuōraa Ijipiti tiŋteenj le. U doluj le ne u keŋba kaa lii Ijipiti le. ¹⁸ U berjba ari keniyiri jisinj mahinj balia giri-bine tuōŋ. ¹⁹ U leŋe ba yuo ta-gentisinj balipe Keenanj tiŋteenj le a laa tiŋtee-la a dii. Ba hōŋ dime jisinj zō-banese ari mahinj balia ari fii. ²⁰ Ba si hōŋ lee-la, Wia liise ba tuōŋ nihianj duu bibenj ba tiŋteenj. Ba venēe ŋaa nii ne, ka Samuel-na kō. U fa ŋaa nialinj sīi bul wiaa, Wia Diŋ-zōŋ-la doluj le dōŋo ne. ²¹ Nii ne ba sul Wia duu piba kuoro. Wia sei a liise Sōōl piba. Sōōl fa ŋaa Kis bie ne a lii Benjaminj doho niaa tuōŋ. U dii kuorunj jisinj mahinj balia. ²² Nii ne Wia kiru kuorunj le aŋ ŋaa Devit dii kuorunj. U bul wiaa a tige Devit le a bul, ‘Jesi bie Devit ne ŋaa mi tuōtōru nia. U jaŋ ŋaa wii-kala mi sīi che duu ŋaa.’ ²³ Devit doho niaa tuōŋ ne Yesu lii. Wia ŋaa u ku ŋaa Iziral niaa Laataara, ari u fa si bul nii. ²⁴ Ka di Yesu-na kō, Jōōŋ bul Wia wiaa pi Iziral tiŋŋaa kala, a bul di

ba birima lii ba haache le an fo Wii-chuole liinj. ²⁵ Jɔɔŋ tiŋtiŋŋaa si kpage dɛriŋ, u piɛɛ niaa, 'Kubɛɛ nɛ ma biine di mi ŋaa? Mi dee nii-la ma sii gberu duu kɔ. U jan kɔ mi hariŋ. Nii-la-na mi paala bi maga di mi keŋ u nenɛɛŋɛɛ ŋmeninj a puri!'

²⁶ Mi naanbiirin Abiraham doho niaa ari ma nialinj si bi Juu tiŋŋaa ŋaa a he daha a fifá Wia, la wiaa nɛ ba tiŋ di ba bul wialinj deenba si jan wuo laala ta. ²⁷ Yesu si kɔ, nialinj si he Jerusalem le ari ba kuhiasinj fa bi jinj ari u nɛ ŋaa la Laataara. Ba ma bi nialinj fa sii bul wiaa, Wia Diŋ-zɔŋ-la dolunj le wu-bulii-la bubuɔŋ jinj, wialinj ba si yie karime che-wiesii-la cheɛŋ kala. Ama ba ha leŋ nialinj sii bul wiaa, Wia Diŋ-zɔŋ-la dolunj le niinj wialinj ku ŋaa wutitii, a kpu Yesu. ²⁸ Ba paala bi wii-kala na u si ŋaa chei a mage di ba kpuu, ka ba sul Paalit duu leŋ di ba kpuu. ²⁹ Ba si ŋaa wialinj kala dɛɛ ba si laa sipaan ŋmunɛ Wia teninj tuɔŋ a mu tige Yesu le, ba soru daa-gɛɛɛ nyun a jonj hugi. ³⁰ Ama Wia chisu suunj le. ³¹ U si sii suunj le, u keŋ u titia ku dage ba di nialinj fa si lii Galilii a mu Jerusalem. Ba nau yuge. Ba nɛ lɛɛɛ saa bul u wiaa pipi Iziral tiŋŋaa. ³² La ma saa kɔ di la bul Wia wu-zɔmɔ-la pima. Wii-la Wia fa si bula pi la naabalimaba duu jan ŋaa, ³³ lɛɛɛ u ŋaa pila, la nialinj si ŋaa ba doho niaa. Wia chise Yesu suunj le u keŋ miisinj. Ba fa ŋmunɛ nii nɛ Wia teninj semɛ dɔŋɔ le ba sii yire Saams. Ba ŋmunɛ a tige Yesu le a bul, 'Ŋ ŋaa mi Bii nɛ.

Mi nɛ lulunj jininj.'

³⁴ Ba ŋmunɛ Wia teninj semɛ dɔŋɔ ma a tigeu le ari Wia si, 'Mi jan sɛnɛ tou le a pɛma le worunj ari mi fa si bul nii a pi Devit.'

U bul nii nɛ an chise Yesu suunj le, duu bira bi jan suu a pua. ³⁵ Wia teninj baa yire Saams semɛ dɔŋɔ maa ba bira ŋmunɛ, 'Ŋ bi jan leŋ di ŋ Tuɔ-pul Tiina suu a pua.'

³⁶ Devit fa ŋaa wialinj Wia sii che duu ŋaa. U ŋaa nii u miisinj le an suu. Ba jonj hugi u naabalima semɛ, u pua. ³⁷ Ama nii-la Wia si chise suunj le, u-na bi pua. ³⁸ Mi naanbiirin, u maga di ma kala jinj worunj di baala deen wiaa nɛ ŋaa la wuo bubul di Wia jan jonj ma haacheba chɛma. ³⁹ Nuu-kala si laa u wiaa dii, u laa u haacheba kala ta nɛ, haacheba-la kala wialinj Moosis fa si ŋmunɛ bil di niaa tuto fa si bi wuo laa ta. ⁴⁰ Má fiele ma sɛɛ di wialinj nialinj sii bul, Wia Diŋ-zɔŋ-la dolunj le, sí ma le ŋaa. Ba si,

⁴¹ 'Ma nialinj sii mɔŋ Wia,

má bee na tiŋtimii-la mi si jan tiŋ ma miisinj tapulunj le.

Di nuu nɛ bula pima, ma bi jan laa dii duu sɛnɛ ŋaa wutitii.

U jan ŋaama wu-kpuŋkpere a leŋ di ma suu.' "

⁴² Pɔɔl ari Banabas si bul wiaa deenba kala dɛɛ, ba sii lii Wii-chuole dia le. Ba sii mu, nialinj sulba di ba miira kɔ hariŋ che-wiesii-la cheɛŋ, a bira bul wiaa deenba piba. ⁴³ Nii nɛ nialinj kala lii Wii-chuole dia le. Juu tiŋŋaa ari nialinj si bi Juu tiŋŋaa ŋaa an tuto Juu tiŋŋaa, ba yuga a to Pɔɔl ari Banabas hariŋ. Pɔɔl ari Banabas bul wiaa piba a susulba di ba chinj Wia wu-zɔmɔ-la le a sí jonj ta.

⁴⁴ Hariŋ che-wiesii-la si yie, niaa jesinj kala si he taŋ-la le nɛ mu Wii-chuole dia di ba jegile nii Wia niinj wiaa. ⁴⁵ Juu tiŋŋaa fa si na ni-dan-la si hilime nii, ba didii hadorunj. Ba juuu Pɔɔl le ari wialinj u sii bul a tutuusuu.

⁴⁶ Ka Pɔɔl ari Banabas bul wiaa ari nyu-duonj a bul, "U fa maga di la laa sipaan bul Wia niinj wiaa pi ma Juu tiŋŋaa nɛ, ka ma viaba ta an bibiine

ma bi maga di ma keŋ miisi-la si bi dere. La jaŋ leŋma aŋ mu nialin si bi Juu tinȚaa ŋaa teenj. ⁴⁷ Wia ne bula pila di la ŋaa ŋii. U bul wiin deen Wia tenin seme doŋɔ. U si, 'Mi ne liisin di ŋ ŋaa nialin si bi Juu tinȚaa ŋaa pulumunj.

Ŋ jaŋ bul Wia niinj wiaa dunia seme-na kala, di Wia laa nialaa ta.' "

⁴⁸ Nialin si bi Juu tinȚaa ŋaa si nii wiin deen, ba tuon kala tore, ba bul di Wia niinj wiaa sima kinkeŋ. Nialin Wia si liisa di ba keŋ miisi-la si bi dere, ba laa wialin dii. ⁴⁹ La Tiina Yesu niinj wiaa teeli lee-la kala. ⁵⁰ Ama Juu tinȚaa nyise taŋ-la nihiasin ari haala-la si ŋaa ni-balaa a fifa Wia a he. Ba di Juu tinȚaa suomo to naasin dudogise Pɔol ari Banabas, a ŋaa ba lii ba tinȚeenj le. ⁵¹ Pɔol ari Banabas kpesi ba nenȚenȚe hagila heba le, a dageba ŋii di ba wii dee, aŋ lii mu Ikooniam. ⁵² Ka nialin si laa Yesu wiaa dii Antiock le, ba tuon kala tore. Wia Diŋ-zoŋ-la ma heba le worun.

14

Banabas ari Pɔol mu Ikooniam

¹ Pɔol ari Banabas si he Ikooniam le, ba juu Juu tinȚaa Wii-chuoŋe dia a bul Wia wiaa. Ba si chaasa bul Wia wiaa ŋii, ni-dan ku laa Yesu wiaa dii, Juu tinȚaa ari Giriik tinȚaa kala. ² Ama Juu tinȚaa si bi Yesu wiaa laa dii, ba nyise nialin si bi Juu tinȚaa ŋaa he. Ba tuobiinaa bira bi nialin si laa Yesu wiaa dii teenj mua. ³ Pɔol ari Banabas hoŋ lee-la a dieni. Ba bul la Tiina Yesu wiaa ari nyu-duonj. U ma peba le a piba dolun ba ŋŋaa wu-magilaa ari wu-kpunƙperisinj. Niaa ku jinj ari la Tiina Yesu zile wiaa ne ba seneŋ bul. ⁴ Nialin fa si he taŋ-la le keŋ ba titia kpaabalia. Doŋsunj tuto Juu tinȚaa, doŋsunj ma tuto Yesu nanzɔɔba-la. ⁵ Nii ne nialin si bi Juu tinȚaa ŋaa ari Juu tinȚaa ari ba kuhiasin wiwalime di ba doŋgise Pɔol ari Banabas aa che di ba paa tabiaa yiyageba. ⁶ Ba ku jinj a sii fa mu Lisita, a lii dime a mu Deebi. Ba kala ŋaa ta-biisinj ne Lakoonia tinȚeenj le. Ba ma mu ta-biisi-la si gollu Lakoonia tinȚeenj chu. ⁷ Dime kala ne ba bul Yesu wu-zomɔ-la wiaa.

Banabas ari Pɔol mu Lisita ari Deebi

⁸ Ba fa si mu Lisita ŋii di baal kubala gberike hoŋ dime. Ba lulu duu gberike ne. U ha bi vene na. ⁹ U hoŋo jegile nii Pɔol fa sii bul wialin. Pɔol chaare siaa benu, a na duu laa dii ari Yesu jaŋ wuo a vaaru. ¹⁰ U faasa bula pu, "Sii chinj ŋ naasin nyunj." U pura sii chinj u naasin nyunj aa venj. ¹¹ Nialin fa si hilime a na wii-la Pɔol fa si ŋaa, ba suomo kpikpia gonj aa bul ari ba yiikoro le a bul, "Vesin ne birime nuhuobiine ku tuu la tuonj." ¹² Nii ne ba keŋ Banabas yiyire Zuus. Zuus ne fa ŋaa ba venj-hianj. Pɔol ne fa nii-la sii bul wiaa, ŋii ne tii ba yiru Heemis maa, ba venj-hianj nanzɔɔ yirin ne ŋii. ¹³ Ba vene Zuus dia ba fa si juu kpikpaare, fa chinj ba taŋ sipaanj. Vene tiina keŋ ne-bellin ari tii-fiilaa ba si kaa guori kaa ko dia-la boinjinj. Ba di nialin fa si hilime ka che di ba kpaare Yesu nanzɔɔba-la ne. ¹⁴ Banabas ari Pɔol si nii wii-la ba sii che ba ŋaa, ba keŋ ba genninj kiesee, a dageba ŋii ari ba bi seye, aŋ fa juu nialin tuonj a faasa bul, ¹⁵ "La nanɔŋsunj, bee ne tii maa ŋaa ŋla? La ma ŋaa nuhuobiinee ne. La ko di la bul la Tiina Yesu wu-zomɔ-la ne pima, di ma wuo leŋ ma vui-toɔnu-la aŋ birima to Wia-la si weye. U ne ŋaa wia nyunj, ari tinȚeenj, mugi-balaa ari fuonunj, ari kuŋ-kala si he dunia le. ¹⁶ Bunbunj Wia leŋe la naabalimaba tuto ba titia wonbinj ne. ¹⁷ U fa ŋaa wu-zoŋhoɔ pipi niaa, a didageba ŋii ari u he dime. U ŋaa duonunj ninii a ŋaa бага kaa wiwase, ma didii kaa a

vuvoge a kala keŋ tuotoruŋ.” ¹⁸ Banabas ari Pool bul wiaa deenba kala ne, ka nialin ha bi seye an chiche di ba kpaareba. Ba na heen ne, ka nialin-na lenj.

¹⁹ Di juu tinŋaa doŋsun lii Antioŋ, Pisiidia tinŋeen le, a ma ko. Doŋsun ma lii Ikoniam a ko. Ba ku kese nialin pe ba titia le a yage Pool ari tabiaa, a kenu lere lii ba taŋ tuon. Ba biina u fa suba ne. ²⁰ Yesu haritooro-la mu a gollu. Nii ne u sii a miira juu taŋ tuon. U taŋ si pula, ba di Banabas sii mu Deebi.

Ba miira lii Siiria a mu Antioŋ

²¹ Pool ari Banabas bul Yesu wu-zomo-la wiaa lee-la ma le. Ba si bul nii, niaa yuga a laa Yesu wialin dii a tuto ba hariŋ. Nii ne ba miira mu Lisita, a sii dime a mu Ikoniam, a bira sii dime a miira mu Antioŋ Pisiidia tinŋeen le. ²² Leree deenba kala ba yie bul wiaa pi nialin si laa Yesu wiaa dii di ba wasa keŋ yarida aa ŋaa di ba nyuŋ nyaase di ba chin ba yarida le, a si jono ta. Ba ma bula piba di nialin si laa Yesu wialin dii, di ba jaŋ na heen kinkeŋ, ka di ba-na juu Wia kuorii-la tuon. ²³ Lee-na kala nialin si laa Yesu wialin dii aa hilimi, ba ma liise niaa ba tuon di ba ŋaa ba kuhiasin. Ba ne ŋaa nii, ba yie chuole Wia piba aa voo niin, an jonba he la Tiina Yesu nisin le. U-na la Tiina Yesu wiaa ne ba laa dii.

²⁴ Nii ne ba golle Pisiidia tinŋeen kala dere an lii mu Panfilia tinŋeen. ²⁵ Dime ba bul Wia niin wiaa taŋ kubala baa yire Peega, a bira lii dime a mu taŋ kubala baa yire Atalia. ²⁶ Ba lii dime a juu liin daboro, a bira miira mu Antioŋ. Dime ne ba fa jonba he Wia nisin ari u lahorimo le di ba wuo tin ba tinŋinŋaa. Leree ba tin tinŋimii-la dere. ²⁷ Ba si miira ku yi Antioŋ, ba yire nialin kala si laa Yesu wiaa dii aa hilimi, a bula piba wu-zomo-la kala Wia si toba le a ŋaa, a dageba nii Wia si wuo suri wonbiin a pi nialin si bi juu tinŋaa ŋaa, ba ma wuo laa Yesu wiaa dii. ²⁸ Ba honj dime, ba di nialin si laa Yesu wiaa dii teen, a dieni.

15

Yesu nanzooba ari nialin si laa Yesu wiaa dii kuhiasin hilime Jerusalem le

¹ Baalaa doŋsun ma lii Judiya a ko Antioŋ, a suomo didage ba naanbiiri-la si laa Yesu wiaa dii a bul, “Wia bi jaŋ wuo laama ta, see ma keru ma penee, ari Moosis fa si bil niin pima nii.” ² Nii ne Pool ari Banabas keŋ nii-dolon woruŋ. Ba di nialin si lii Judiya keŋ wii-la lilere. Ba vuure di Pool ari Banabas ari nialin doŋsun si lii Antioŋ, di ba mu Jerusalem a na Yesu nanzooba-la ari nialin si laa Yesu wiaa dii aa hilimi kuhiasin dime, a mu tige wiin deen le. ³ Nialin si laa Yesu wiaa dii aa hilimi keŋba lii he wenin le. Ba sii mu nii, ba to Foniisia ari Samaria tinŋeen a bula pi nialin si laa Yesu wiaa dii dime nii nialin si bi juu tinŋaa ŋaa si birima tuto Wia. Ba si bul wu-zomuŋ deen nii, nialin tuon tore kinkeŋ. ⁴ Ba si mu yi Jerusalem, Yesu nanzooba-la ari nialin kala si laa Yesu wiaa dii aa hilimi ari ba kuhiasin, ba keŋba woruŋ. Ba bula piba wialin kala Wia si ŋaaba le. ⁵ Ama nialin doŋsun ma si laa Yesu wiaa dii aa to nialin ba sii yire Parisii tinŋaa, ba sii chin a bula piba a bul, “U maga di ba keru ba penee an tuo wialin Moosis fa si bile di maa to.”

⁶ Yesu nanzooba-la ari nialin si laa Yesu wiaa dii kuhiasin bira hilimi di ba bira biine wiin deen wiaa. ⁷ Ba hono keŋ wii-la a lere dieni. Nii ne Piita sii chin an bul, “Mi naanbiirin, ma jima ari faafaa kala ne Wia liisemi ma tuon di mi bul Wia wu-zomo-la wiaa a pi nialin si bi juu tinŋaa ŋaa, di ba

ma wuo laa Yesu wiaa dii. ⁸ Mi mu bula piba. Wia jon̄ u Diŋ-zɔŋ-la heba le ari u fa si jon̄o hela le nii, a dage nii ari u maga di ba ma laa Yesu wiaa dii. U saa jin̄ nuu-kala tuɔŋ. ⁹ U bi nialin̄ si ŋaa Juu tin̄ŋaa ari nialin̄ si bi Juu tin̄ŋaa ŋaa kaa pɔrɛ. Nialin̄ si bi Juu tin̄ŋaa ŋaa ma laa Yesu wiaa dii, nii ne tii u jon̄ ba ma haacheba cheba. ¹⁰ Bɛɛ ne tii ma jon̄ chugi-balin̄ aa chun̄ nialin̄ si bi Juu tin̄ŋaa ŋaa an̄ laa Yesu wiaa dii, aa magisɛ Wia nii? La di la naabalimaba kala, la fa bi chuga deen̄ wuo chun̄. ¹¹ La laa dii ari la Tiina Yesu dundun̄a lahorimɔ le ne Wia jan̄ laala kala ta ari u si laaba ta nii.”

¹² Piita si bul wii-la dɛrɛ, nialin̄ kala fa si hilime ŋaa fuui, a jegile nii Banabas ari Pɔɔl teen̄. Ba bul wu-magila-la ari wu-kpun̄kperisi-la Wia si toba le ŋaa nialin̄ si bi Juu tin̄ŋaa ŋaa le. ¹³ Ba si bul wialin̄ dɛrɛ, Jeems ma bul, “Mi naan̄biirin̄, má jegile nii mi teen̄. ¹⁴ Saamɔŋ Piita bula pima Wia si laa sipaan̄ cho nialin̄ si bi Juu tin̄ŋaa ŋaa nii, a tuɔsɛ niaa ba tuɔŋ di ba ŋaa u niaa. ¹⁵ Nialin̄ sii bul wiaa, Wia Diŋ-zɔŋ-la dolun̄ le ma fa bul wiin̄ deen̄ Wia tenin̄ tuɔŋ. Ba si, Wia bula a bul,

¹⁶ ‘Mi jan̄ miira kɔ a chuule Devit dia-la si tele.

 Mi jan̄ wasa taase je-kieri-la duu chin̄ worun̄.

¹⁷ Mi jan̄ ŋaa nii di dunia niaa ni-kaanaa ma ku che Wia a tou.

 Nialin̄ mi si tuɔsa nialin̄ si bi Juu tin̄ŋaa ŋaa tuɔŋ di ba ŋaa mi niaa, ba ma jan̄ ku chemi a tomi.’

¹⁸ Wia bul nii faafaa kala ne di niaa jin̄.” ¹⁹ Nii ne Jeems bul, “Mi biina u bi maga di la walime nialin̄ si bi Juu tin̄ŋaa ŋaa an̄ birima tuto Wia. ²⁰ Ama má leŋ di la ŋmun̄sɛ tenin̄ piba a bula piba di ba bira sí vuin̄ kaa tin̄ a birisi ba titia, di ba leŋ ba-chɔrun̄ ari ha-chɔrun̄ wu-ŋaalaa, a sí pusun̄ si suu pimee dii, a sí pusun̄ chalin̄ ma dii. ²¹ Bɛɛ wiaa ba yie dage wialin̄ Moosis fa si bile di la tuto ta-biisi-la kala le ne. Ba ŋaa nii faafaa kala ne a kaa kɔ jin̄in̄. Ba ma yie karime wialin̄ Wii-chuɔle diisin̄ le che-wiesii-la-na kala cheɛŋ.”

Ba ŋmun̄sɛ tenin̄ pi nialin̄ si bi Juu tin̄ŋaa ŋaa an̄ laa Yesu wiaa dii.

²² Yesu nan̄zɔɔba-la ari kuhiasi-la ari nialin̄ si laa Yesu wiaa dii aa hilimi, ba vuure a liise ba tuɔŋ niaa, a tin̄ba di ba di Pɔɔl ari Banabas mu An̄tiok. Ba liise Judas ba sii yirɛ Basabas ari Saalas. Niaa deen̄ba balia ne fa ŋaa ba tuɔŋ sipaa-laaraa. ²³ Ba jon̄ tenin̄ piba a tin̄ba. Ten̄-la le ba fa ŋmun̄sɛ ŋla ne, “La nialin̄ si laa Yesu wiaa dii a ma ŋaa Yesu nan̄zɔɔba, ari nialin̄ si ŋaa kuhiasin̄ la tuɔŋ, laa chuɔlɛma, ma nialin̄ si laa Yesu wiaa dii an̄ bi Juu tin̄ŋaa ŋaa a he An̄tiok ari Siiria ari Siliisia le. ²⁴ La nia ari la niaa dɔnsun̄ kɔ ma teen̄ a walimɛma, a keŋ ma tuɔbiinaa vugime. La bi bula piba di ba ŋaa nii. ²⁵ Nii wiaa la hilime ne a vuure. U zomɔ pila di la liise niaa a tin̄ba ma teen̄, di ba di la nan̄dɔnsun̄ Banabas ari Pɔɔl ne jan̄ kɔ. ²⁶ Niaa deen̄ba jon̄ ba miisin̄ a yɔɔ suun̄ ba fa sii tin̄ la Tiina Yesu Kirisito tin̄tin̄ŋaa. ²⁷ La saa tin̄ Judas ari Saalas. Ba ma jan̄ bula pima wialin̄ titia la si ŋmun̄sa pima. ²⁸ Wia Diŋ-zɔŋ-la ari la kala keŋ nii-bala ari la bi jan̄ jon̄ chugi-yun̄j kala chun̄ma. Ama u maga di ma to kisinnin̄ deen̄ba la sii dagɛma ne. Ba ne ŋla: ²⁹ Ma sí vuin̄ namia chan̄, ma sí kun̄-kala chalin̄ dii, ma sí puna-la kala si suu pimee chan̄, a sí ba-chɔrun̄ ari ha-chɔrun̄ wu-ŋaalaa ŋin̄aa. Di ma ne wuo liise ma titia wiaa deen̄ba le, ma he dolun̄. Ma jan̄ hɔŋ worun̄.”

³⁰ Nii ne ba ta nialin̄ ba si liisa. Ba sii mu An̄tiok. Ba si mu dime, ba yire nialin̄ kala si laa Yesu wiaa dii aa hilimi, a jon̄ ten̄-la piba. ³¹ Ba si karime

teŋ-la, wialin̄ ba si ŋmuŋsa ŋaa ba keŋ tuotoruŋ. Ba nyuŋ kala nyaase. ³² Judas ari Saalas fa ŋaa nialin̄ sii bul wiaa, Wia Diŋ-zoŋ-la doluŋ le ne. Ba bul wiaa yuge piba kin̄keŋ. Ba si ŋaa ŋii, ba nyuŋ nyaase, ba wasa chin̄ ba yarida le. ³³ Nialin̄ dieni mua AnȚioċ le. Ŋii ne nialin̄ si laa Yesu wiaa dii AnȚioċ le taba ari yarifela, ba miira mu nialin̄ si tin̄ba teen̄.[³⁴ Ama u ŋaa wu-zoŋ ne a pi Saalas duu dieni AnȚioċ le.] ³⁵ Pɔɔl ari Banabas ma ka AnȚioċ le. Niaa doŋsuŋ yuga a peba le a bul la Tiina Yesu niin̄ wiaa a pi niaa.

Pɔɔl ari Banabas pɔre doŋo le.

³⁶ U ŋii hariŋ ne Pɔɔl bula pi Banabas a bul, “Leŋ la miira mu, a na nialin̄ si laa Yesu wiaa dii taŋ kala le la si bul la Tiina Yesu niin̄ wiaa, a na ba sii ŋaa ŋii.” ³⁷ Banabas faa che duu keŋ Joŋ ba sii yire Maak kaa pe mu. ³⁸ Ŋii ne Pɔɔl biine duu woŋbiin̄ dee di ba kenu pe ba titia le, beɛ wiaa u via duu peba le a tin̄ tin̄in̄ŋaa Panfilia le, lee-la ba fa si laa sipaan̄ mu di ba tin̄, ka u miire. ³⁹ Ba faasa keŋ wiin̄ deen̄ kaa lere kin̄keŋ, ba pɔre doŋo le. Ŋii ne Banabas keŋ Joŋ Maak. Ba juu liin̄ daboro a duoro mu Saapɔs. ⁴⁰ Ka Pɔɔl ma liise Saalas. Nialin̄ si laa Yesu wiaa dii joŋba he Wia nisin̄ le duu biben̄ba. ⁴¹ Ŋii ne ba sii mumu a mu yi Siiria ari Siliisia tin̄teen̄. Ba wasa bul wiaa pi nialin̄ si laa Yesu wiaa dii aa hilimi dime, di ba wasa chin̄ ba yarida le.

16

Timoti to Pɔɔl ari Saalas hariŋ

¹ Ŋii ne Pɔɔl sii mu Deɛbi, a lii dime a mu Lisita. U mu dime ŋii di Yesu haritooroo kubala he dime, baa yire Timoti. U naaŋ fa ŋaa Juu tiina ne a ma fa laa Yesu wiaa dii, aŋ ka u nyimma fa ŋaa Giriik tiina. ² Nialin̄ si laa Yesu wiaa dii Lisita ari Ikooniam kala le bibese baal-la le. ³ Pɔɔl faa che di Timoti to u hariŋ. A tin̄ Juu tin̄ŋaa si he lere-la le wiaa Pɔɔl kenu keri u penin̄, beɛ wiaa ba kala jima ari u nyimma ŋaa Giriik tiina ne. ⁴ Ba sii mu tasi-la ŋii, ba bul wiaa a pi nialin̄ si laa Yesu wiaa dii dime. Ba bula piba wialin̄ Yesu nanzooċa-la ari nialin̄ si laa Yesu wiaa dii kuhiasin̄ Jerusalem le si bile piba di ba tuto. ⁵ Ŋii ne nialin̄ si laa Yesu wiaa dii aa hilimi wasa keŋ yarida. Ba ku puŋaa pe tapulii kala.

Pɔɔl na wiaa ari duosoo tuoŋ Turɔwas le

⁶ Pɔɔl ari Saalas golle ŋii hali a to Firijia ari Galiisia tin̄teen̄, beɛ wiaa Wia Diŋ-zoŋ-la biba woŋbiin̄ pa di ba bul Wia niin̄ wiaa Esia tin̄teen̄ le. ⁷ Ka ba joŋ ba woŋbiin̄ a mu yi Maasiya. Dime ne ba walime di ba juu Bitiinia tin̄teen̄, ama Yesu Diŋ-zoŋ-la biba woŋbiin̄ pa. ⁸ Ŋii ne ba to Maasiya tin̄teen̄ a mu yi Turɔwas. ⁹ Dime, titan̄in̄ Pɔɔl na ari duosoo tuoŋ di baal kubala a lii Masidoonia, duu china aa sulu duu ko Masidoonia tin̄teen̄ a peba le. ¹⁰ Pɔɔl si na ŋii dɛre, la duu ŋaa siri di la mu Masidoonia, beɛ wiaa la jima ari Wia sene dagla di la mu bul Wia wu-zoŋo-la a pi nialin̄ si he lee-la ne.

Haal kubala baa yire Lidia laa Yesu wiaa dii Filipa le.

¹¹ Ba bira sii dime a sii juu liin̄ daboro, a duoro chol tegi tegi a mu Saamɔtas. U taŋ si pula la bira sii a mu Niyapolis. ¹² La bira lii dime a vene mu Filipa. U fa ŋaa ta-bal ne Masidoonia seme doŋo a tuto Rom. La hoŋ taŋ-la le tapulaa ban̄mene. ¹³ Che-wiesii-la cheŋ si yie, la lii taŋ-la

tuon̄ a mu fuon̄ niin̄. La fa biina la jan̄ na Wia di-chuolun̄ dime. La si mu dime, la tuu hon̄ a bul wiaa pipi haala-la fa si hilime dime di ba chuole Wia. ¹⁴ Haala-la si jegile nii la wialin̄, ba tuon̄ haal kubala ne fa he dime, baa yire Lidia. U fa lii Taataya tin̄teen̄ ne. U fa biri gennin̄ ne a yiyalle. U faa chuole Wia ne. U si jegile nii wialin̄ Pɔol fa sii bul, Wia pulle u tuon̄, u laa wialin̄ dii. ¹⁵ Ba fo ba di u dia niaa Wii-chuole liin̄. Nii ne haal-la sulla a bul, “Di ma ne biina di mi sene laa Yesu wiaa dii ne, má ku juu chua mi dia le.” U si sulla dieni nii, la mu chua.

Ba keŋ Pɔol ari Saalas tɔ dia Filipa le

¹⁶ Chee kubala la bira mu Wia di-chuolun̄. Yomo toli-bie ku chen̄la. Jima ne kenu, u vuga pipi niaa. U vuga na moribiee yuge a pi nialin̄ si tiuu. ¹⁷ U to la di Pɔol hariŋ a yie faasaa bul, “Niaa deen̄ba tin̄ tin̄tin̄ŋaa a pi Wiibalin̄ si yuga a kii kun̄-kun̄-kala. Ba bulaa pima nii ma si jan̄ ŋaa di Wia laama ta.” ¹⁸ U yie ŋaa nii tapulii kala. Nii ne Pɔol baan̄in̄ sii. U miira birima chaase tolo-la, an̄ bula pi jima-la a bul, “Yesu Kirisito dolun̄ le mi si, ŋŋ lii an̄ len̄ tolo-la.” Jima-la guu lii tolo-la le.

¹⁹ Tolo-la tin̄ŋaa si na ari ba bira bi moribie-la ka na, ba keŋ Pɔol ari Saalas a lere mu ba tan̄ kuhiasin̄ teen̄ ba si yie hihilimi lee-la. ²⁰ Ba keŋba kaa mu ba Rom kuhiasin̄ teen̄, a bula piba a bul, “Niaa deen̄ba ŋaa juu tin̄ŋaa ne an̄ wiwalime niaa la tan̄ tuon̄. ²¹ Baa dagela di laa ŋaa wialaa la Rom tin̄ŋaa sii kisu.” ²² Ni-dan̄-la kala fa si hilime, ba sii pe ba nihiasi-la le a keŋ Pɔol ari Saalas. Nii ne Rom tin̄ŋaa kuhiasin̄ keŋ ba gennin̄ wuri an̄ bul di ba viireba. ²³ Ba faasa viireba an̄ keŋba tɔ dia, an̄ bula pi sarika bibenni-la duu tɔba worun̄ di ba sí wuo lii. ²⁴ U nii ba niin̄ a keŋ Pɔol ari Saalas a kaa kiele juu sipaan̄ dia tuon̄, a keŋ ba naasin̄ baliamin̄ kala he kurun̄.

²⁵ Ari tita-siesee Pɔol ari Saalas chuchuole Wia a yii yiilaa a didenne Wia. Nialin̄ ba si kaa tɔ dia ku-kaanaa ma jijegili aa nii. ²⁶ Nii ne tin̄teen̄ guu zigili a keŋ sarika dia-la ma kala kaa zigili. Borusun̄ kala guu suri. Nuukala kurun̄ ma lii tel. ²⁷ Sarika bibenni-la hirike sii don̄ le a na di sarika-la borusun̄ kala suro. U biina nialin̄ kala ba si kaa tɔ dia, ba lii fá viiri ne. U liise u tokobii duu kpu u titia. ²⁸ Nii ne Pɔol faasa kpia a bula pu a bul, “Sí ŋ titia kpu. La kala ne he daha.” ²⁹ Sarika bibenni-la ŋaa ba keŋ chaan̄in̄ kaa kɔ. U laa fá juu, a tuu tel Pɔol ari Saalas naasin̄ le a chichel. ³⁰ U keŋba kaa lii a piaseba a bul, “Mi nan̄don̄sun̄, ee ne mi jan̄ ŋaa di Wia laami ta?” ³¹ Nii ne ba bula pu a bul, “Laa la Tiina Yesu wiaa dii, di Wia laa ma ari ŋ dia niaa kala ta.” ³² Nii ne ba bul la Tiina Yesu niin̄ wiaa pi ba di u dia niaa kala. ³³ Titan̄-la titia ne sarika bibenni-la keŋba a chese ba yaraa naawiilaa, ka ba fo ba di u dia niaa kala Wii-chuole liin̄. ³⁴ Sarika bibenni-la keŋ Pɔol ari Saalas a kaa mu u dia, a piba kudiilee ba dii. Ba di u dia niaa kala ŋaa tuotɔru ari ba si laa Wia wiaa dii.

³⁵ Tan̄ si pula, Rom nihiasin̄ tin̄ di ba mu bula pi porisiba kuhiasin̄ di ba bula pi sarika bibenni-la duu liise Pɔol ari Saalas. ³⁶ Nii ne sarika bibenni-la bula pi Pɔol di Rom nihiasi-la tima di ba bula pu duu liise ba di Saalas. Nii wiaa ba jan̄ wuo mu ari yarifielaa. ³⁷ Nii ne Pɔol bula pi porisi kuhiasila a bul, “Ba viirela niaa tuon̄, an̄ bi la sariya die a dagela wu-cheyin̄, an̄ ka la ma ŋaa Rom tin̄ŋaa. Nii ne ba keŋla tɔ dia. Ka leele baa che di la luɔra viiri. Ai, la bi sei. U maga di Rom nihiasi-la titia kɔ daha ne a ku liisela.” ³⁸ Nii ne porisi kuhiasila mu bula pi Rom nihiasi-la ari Pɔol ari Saalas ma ŋaa Rom timma ne. Ba si nii nii, fawullun̄ keŋba. ³⁹ Nii ne ba

sii mu sulba ari ba cheye ne an̄ liiseba sarika le, an̄ bula piba di ba lii ba tan̄ le. ⁴⁰ Ba lii sarika le a mu Lidia dia. Dime ne ba na nialin̄ doᅇsun̄ si laa Yesu wiaa dii. Ba bul wiaa piba a ᅇaa ba nyun̄ nyaase, an̄ viiri.

17

Pool ari Saalas mu Tesalonaaka tin̄teen

¹ Ba sii viiri nii, ba mu to tan̄ kubala baa yire An̄fiipolis, a bira sii dime a to tan̄ doᅇo maa baa yire Apolonia, a lii dime a mu tan̄ kubala baa yire Tesalonaaka. Juu tin̄ᅇaa Wii-chuoᅇ dia fa he dime. ² Pool mu juu Wii-chuoᅇ dia ari u si veneᅇ ᅇaa nii lee-na kala. Che-wiesii-la cheᅇ ᅇosun̄ batori peᅇ, ba di niaa vuvuure Wia wiaa. ³ U karime Wia tenin̄ piba a dageba nii ari u si maga di Yesu na heᅇ a suu an̄ bira sii suun̄ le, a bira bula piba ari Yesu deᅇn̄ u si bul u wiaa piba ne ᅇaa Kirisito. ⁴ Nialin̄ doᅇsun̄ laa wialin̄ dii a pe Pool ari Saalas le. Ba tuᅇn̄ Giriik tin̄ᅇaa ari haala-la si ᅇaa ni-balaa ba tan̄ le ma yuga a laa wialin̄ dii a peba le. ⁵ Nii ne Juu tin̄ᅇaa yaraa bibieri. Ba che keᅇe nyu-duo tin̄ᅇaa si yie bibaare won̄biee ari ᅇosun̄ tuᅇn̄ a pe ba titia le. Ba bira che keᅇe niaa doᅇsun̄, ba kala hilimi di ba keᅇ tan̄-la kala a vugime. Ba mu juu Jeesin̄ dia di ba che Pool ari Saalas di ba keᅇba kaa ku lii niaa tuᅇn̄. ⁶ Ba biba naa an̄ keᅇ Jeesin̄ ari nialin̄ doᅇsun̄ si laa Yesu wiaa dii a lereba lii ba tan̄ kuhiasin̄ teen, an̄ ᅇᅇᅇaa goᅇ a bul, “Niaa deᅇn̄ba chei lee kala ne an̄ lele ko la jan̄. ⁷ Ka Jeesin̄ laaba bil u dia le. Ba kala chei wii-la la kuori-balin̄ si bile ne an̄ bul di kuori doᅇ ne he dime, baa yire Yesu.” ⁸ Wiaa deᅇn̄ba ba si bula ᅇaa nialin̄ ari ba tan̄ kuhiasin̄ kala bi jin̄ wii-la kala ba si jan̄ ᅇaa. ⁹ Nii ne tan̄ kuhiasin̄ ᅇaa Jeesin̄ ari u nan̄doᅇsun̄ liise ta-time, an̄ ka ba len̄ba.

Pool ari Saalas mu Biriya tin̄teen

¹⁰ Tan̄ si bire, nialin̄ si laa Yesu wiaa dii ᅇaa Pool ari Saalas lii mu Biriya. Ba si yi Biriya, ba mu juu Juu tin̄ᅇaa Wii-chuoᅇ dia. ¹¹ Lee-la Juu timma-la kpia Juu timma-la si he Tesalonaaka le. Ba chaga laa Wia niin̄ wialin̄ ari na-kparin̄ a kikarime Wia tenin̄ ari siifiesin̄ tapulii-na kala, di ba na di wialin̄ sene ᅇaa wutitiiba ne. ¹² Ba tuᅇn̄ niaa yuga ne laa Yesu wiaa dii. Giriik tin̄ᅇaa haalaa si ᅇaa ni-balaa ari ba baalaa kala laa Yesu wialin̄ dii. ¹³ Juu timma-la si he Tesalonaaka le nia di Pool bira bul Wia wiaa Biriya ma le. Ba sii mu dime maa a nyise ni-dan̄-la he. ¹⁴ Nii ne nialin̄ si laa Yesu wiaa dii ᅇaa Pool lii a mu mugi-balin̄ niin̄, ka Saalas ari Timoti bi mua an̄ he Biriya le. ¹⁵ Niaa doᅇsun̄ lii Biriya a to Pool hariᅇ, a kenu kaa mu Ateᅇ. Pool miira tin̄ba di ba mu bula pi Saalas ari Timoti di ba ku chemu lima.

Pool mu Ateᅇ tin̄teen

¹⁶ Pool si hoᅇ Ateᅇ le a gbigbere Saalas ari Timoti, u na di daalusun̄ su tan̄-la kala le. U tuᅇn̄ faasa viisi. ¹⁷ Nii ne Pool mu Juu tin̄ᅇaa Wii-chuoᅇ dia. U bul Wia wiaa pi Juu tin̄ᅇaa ari nialin̄ sii fa Wia, ba kaa lere. U yie juu ᅇobo maa chee-na kala a bul Wia wiaa a pi nialin̄ si yie ko dime. ¹⁸ Kerichiba-la doᅇsun̄ sii to Epikuuras won̄biin̄ ari Sitok kerichiba doᅇsun̄ ma ku nau. Niaa doᅇsun̄ ma piᅇe, “Beᅇ kiaa ne ni-yaarin̄ deᅇn̄ ma chinaa bul?” Doᅇsun̄ ma si, “U naga ven̄-falin̄ wiaa ne u bubul.” Pool si yie bul Yesu wiaa ari u si sii suun̄ le ne tii ba bul nii. ¹⁹ Nii ne ba kenu kaa mu ba si yie hilimi dia-la le baa yire Ariyopagis a bul, “La cho di la nii wu-falin̄ deᅇn̄ wiaa ᅇ sii dagu ne. ²⁰ Wialin̄ doᅇsun̄ ᅇ sii bul ᅇaa wu-kpun̄kperisin̄ ne la teen. La saa cho di la nii ba bubuᅇn̄ ne woruᅇ.” ²¹ Ateᅇ niaa ari ba

nuhuoraa kala bi wii-kala kaa pe, see di ba bul wu-falia-la ba si nia a pi niaa, a ma cho di ba jegile nii wu-falaa niaa teen. Ba wiiŋ kala ne nii.

²² Nii ne Pɔɔl sii chin nialin fa si hilime tutuobaanin a bula piba a bul, “Mi si kɔ daha, mi na ari ma cho vuiaa kpaarin ne woruŋ. ²³ Mi sii golle ma taŋ le, mi na ma vesin. Mi bira na koruŋ maa ma si saa. Nla ne ma tuuro heu le, ‘Wia-la la si bi jin di-kpaarin le nla.’ ” Nii ne Pɔɔl bira bul, “Wia-la ma sii chuole an buu jin, u wiaa ne mi bulaa pima nii. ²⁴ Wia-la si ŋaa dunia ari kuŋ-kala si he dime, a ŋaa wia nyuŋ ari tinteen kala Tiina, u bi lee-la nuhuobiine si saa aa kpaare vuiaa ka juu. ²⁵ U bi naga u si che kuŋ ka ne tii u che nuhuobiinee tima pu. U ne pi nuhuobiinee miisin ari wiese ari kuŋ-kuŋ-kala. ²⁶ Wia fa ŋaa ni-bala ne bunbuŋ-la. Ni-bala-la le ne dunia niaa ta-gentisin kala to kɔ. Ba hoŋ dunia seme kala. Ka di u ŋaaba, u ne dage bua-la ba si jan keŋ miisin, ari lere-la kala ba si jan hoŋ. ²⁷ U ŋaaba nii di ba wuo bee cheu a lilaare lee-kala di ba nau. Ama Wia saa bi di-boli he. U kpagela kuŋ-kala ne. ²⁸ Nuu kubala ne bula ari u doluŋ le ne la keŋ miisin aa veŋ a he dime. U saa ŋaa wutitii. Ma gɔgɔ dinɔnɔnɔe doŋsuŋ ma fa bul nii a bul ari la ŋaa u biirin ne. ²⁹ La saa si ŋaa u biirin, u bi maga di la biine Wia nage kialin nuhuobiine si keŋ selime kaa me, koo ku-la ba si keŋ hoŋ koo tabiin kaa ŋaa ne. U bi naga kiaa deenba nuhuobiine si keŋ u wu-jimin kaa ŋaa ne. ³⁰ Bua-la le nuhuobiinee si buu jin, u fa toriko ne ba nyuŋ. Ama lele u bula pipi nuu-kala lee-na kala di ba birima lii ba haacheba le, ³¹ be wiaa u he tapulii ne u si jan dii dunia niaa kala sariya ari tuɔ-bala. U jan to nuhuobiin-la le u si liisa ne a dii sariya-la. Nii-la si suba, u chisu suuŋ le, di nuu-kala wuo jin ari wutitii ne.”

³² Nialin si nia ari Pɔɔl bul suuŋ siinin le wiaa, ba doŋsuŋ mumumu, ama doŋsuŋ ma si di ba cho duu maachie bira bul wii-la di ba nii. ³³ Nii ne Pɔɔl sii a lii lee-la ba si hilime. ³⁴ Niaa doŋsuŋ laa wialin dii a to u hariŋ. Ba tuon doŋɔ baa yire Dayonaasias. U fa he nialin sii hilimi Ariyɔpagis dia-la tuon doŋɔ ne. Haal kubala maa baa yire Damaris ari niaa ma doŋsuŋ laa wialin dii.

18

Pɔɔl mu Korinti tinteen

¹ Nii ne Pɔɔl sii Aten le a mu taŋ doŋɔ baa yire Korinti. ² U na baal kubala a lii Pɔntɔs, Rom tinteen taŋ ne, baa yire Akuila. U fa ŋaa Juu tiina ne. Ba di u haala Pisisila si lii Rom kɔ, u bi diene. Kuori-balin ba sii yire Kulɔodios fa bula pi Juu tinŋaa kala di ba lii Rom le. Nii ne tii ba sii kɔ. Pɔɔl mu ba dia duu chuoleba. ³ U mu juu ba dia a chuchua dime, be wiaa ba kala tin tinŋin-bala ne. Ba fa keŋ tennin yiyere lenɔee ne aa yalle moribee. ⁴ Che-wiesii-la cheeŋ kala u yie mu ba Wii-chuole dia. Ba di Juu tinŋaa ari Giriik tinŋaa keŋ wiaa lilere. U wiwalime di ba sei wii-la.

⁵ Nii ne Saalas ari Timoti lii Masidoonia kɔ. Bua-la le ba si kɔ, Pɔɔl jon u nyuŋ kala he aa bul Wia wiaa, a dage woruŋ a pi Juu tinŋaa ari Yesu ne ŋaa Kirisito. ⁶ Nii ne ba lii u hariŋ an tuusu. Ba si ŋaa nii, u kpesi u gennin kuŋ-kollun heba le an bula piba a bul, “Ma wu-bɔŋɔɔ jan nyua ma nyuŋ le. Mi wii dee. A lii jinin mi jan mu a bul Wia wiaa pi nialin si bi Juu tinŋaa ŋaa.” ⁷ U bul nii an sii mu juu baal kubala dia, baa yire Taatis Jasitis. U faa chuole Wia ne. U dia kpage Wii-chuole dia. ⁸ Baal kubala baa yire Kirisipas ne fa ŋaa Wii-chuole dia-la kuhian. Ba di u dia niaa kala laa

la Tiina Yesu wiaa dii. Niaa ma yuga Korinti le a nii Wia wialaa a laaba dii. Ba foba Wii-chuole liinj. ⁹ Titan kubala Pool na ari duosoo tuon di Wia bula pu a bul, "Si fawullun fa. Haa bul wiaa pipi niaa a si lenj. ¹⁰ Mi chin ŋ harinj. Nuu-kala bi jan wuo keninj a njaan wu-bonj kala, bee wiaa mi niaa yuga tanj deenj le." ¹¹ Pool honj dime nii jina ari lebi a didage Wia wiaa pipi niaa.

¹² Bua-la le baal kubala baa yire Galio ne fa nja Giriik kuoro. U fa si dii kuorunj nii, juu tinjaa sii he donjo le a kenj Pool, a kenu kaa mu ba sariya didiilinj. ¹³ Ba bul, "Baala deenj walime di niaa sei a chuchuole Wia wonbii-la si jan chei la kisinj le ne." ¹⁴ Pool si nja duu bul wiaa, nii ne Galio bula pi juu timma-la a bul, "Juu timma, di baala deenj ne fa nja wii chei, u fa jan kenj wonbii di mi kenj kenyiri a jegile nii ma teenj. ¹⁵ Ama u si nja wu-bulli ne ma kaa lere ari yiraa wiaa, ari ma titia kisinninj wiaa, u maga di ma titia kaa mu bula wase ne dia le. Mi bi jan wuo laa wiinj deenj jinj." ¹⁶ U kiriba ta ba lii sariya didiilinj. ¹⁷ Ba kala lii gollo kenj Sositenis, nii-la fa si nja Wii-chuole dia kuhianj donjo, a nmobu sariya didillinj boinjiiinj. Ama Galio sipaa kala fa tuo dime.

Pool miira mu Antioch tinteen

¹⁸ Pool he Korinti le a dieni. Nii ne u sii a chuole nialinj si laa Yesu wiaa dii Korinti le anj lii. Ba di Pirisila ari Akuila kala sii mu a juu liinj daboro di ba mu Siiria tinteenj. Ka di ba-na juu liinj daboro-la, Pool ta niinj Wia teenj tanj kubala baa yire Kenkiriya le anj funj u nyun, an-na juu daboro-la. ¹⁹ Ba mu yi tanj kubala baa yire Efesis. Dime Pool lenj Pirisila ari Akuila anj mu juu Wii-chuole dia. Ba di juu tinjaa kenj wialinj lilere. ²⁰ Nialinj donsunj bul duu honj ba teenj dieni, ka u bi seye. ²¹ U si sii dime, u bula piba a bul, "Di Wia ne pimi wonbiiinj, mi jan miira ko ma teenj."

Nii ne u sii mu juu liinj daboro a lii Efesis le, ²² a mu yi tanj kubala niinj baa yire Sizariya. U sii dime a mu Jerusalem, a mu chuole nialinj si laa Yesu wiaa dii aa hilimi dime. U bira sii dime a mu Antioch. ²³ U honj dime a dieni mu a bira sii, a to Galiisia ari Firijia tinteenj, a bul wiaa pipi nialinj si laa Yesu wiaa dii dime di ba wasa kenj yarida.

Apolos mu Efesis ari Korinti tinteen

²⁴ Juu tiina ma ne fa he dime, baa yire Apolos. U lii Alekizandria ne. U ma sii ko Efesis. U fa jinj wiaa bulunj worunj a jinj Wia teninj ma worunj. ²⁵ Ba fa dagu la Tiina Yesu wonbii-la tonunj worunj. Uu dage Yesu wiaa worunj ari siifianj. Wialinj kala u si bula aa tige Yesu le nja wutitiba ne. Ari nii kala, duu nii bul Wii-chuole liinj fonunj wiaa, Jonj Wia lii-foori-la sii fo niaa Wii-chuole liinj dunduja wiaa ne u jinj. ²⁶ U si he Efesis le, u bul Wia wiaa ari nyu-duonj Wii-chuole dia le. Pirisila ari Akuila he dime a nii wialinj u sii bul. Nii ne ba kenu kaa mu ba dia a wasa dagu Wia wonbii-la worunj. ²⁷ Nii ne Apolos chiche duu mu Giriis tinteenj. Nialinj si laa Yesu wiaa dii Efesis le peu le a nmunse teninj a pi nialinj sii laa Yesu wiaa dii Giriis le, a bula piba di u ko ba kenu worunj. U si mu dime, u puu nialinj si laa Yesu wiaa dii, Wia lahorimo le. U peba le worunj. ²⁸ U di juu tinjaa faasa kenj wiaa lilere niaa tuonj. U yie kenj nii-dolunj a jonj Wia teninj dageba ari Yesu ne nja Kirisito. U bul nii a wuo loba.

¹ Apolos fa si he Korintji le nii, Pool bira gollu nii a bira ko Efesis. U si ko dime, u na nialinj dongsun si laa Yesu wiaa dii. ² Nii ne Pool pieseaba, "Wia jonj u Din-zonj-la hema le nee bua-la le ma si laa Yesu wiaa dii?" Nii ne ba si, "Ai, la ha bi Wia Din-zonj-la wiaa nia." ³ Nii ne Pool bira pieseaba, "Ni-bee ne ma to ka ba foma Wii-chuole liinj?" Nii ne ba bul, "La to wialinj Joonj Wia lii-foori-la si dagela ne." ⁴ Nii ne Pool bira si, "Nialinj si birima lii ba haacheba le ne, Joonj fufo Wii-chuole liinj. U fa bula piba ari nuu janj ko u harinj, u yirinj ne Yesu, duu ko di ba laa u wiaa dii." ⁵ Ba si nii wiinj deenj Pool si bula, ba nja ba foba Wii-chuole liinj la Tiina Yesu dolunj le. ⁶ Nii ne Pool jonj u nisaa danja le. U si nja nii, Wia Din-zonj-la ku tuu heba le. Ba suumo bubul yiikori-yiriba ba si bi jinj, a bul Wia wiaa Wia Din-zonj-la dolunj le maa. ⁷ Njaa deenjba kala fa nja ari baalaa fii ari balia ne.

⁸ Pool si he Efesis le, u venee juu Wii-chuole dia chejnsinj batori, a chaasa bubul Wia kuorii-la wiaa ari nyu-duonj. Ba di njaa kenj wialinj lilere, u wiwalime di ba sei wii-la. ⁹ Ama nialinj dongsun nyunj si dolie, ba bi wii-la laa dii, anj bubul wu-bonjoo a tige la Tiina Yesu wonjii-la tonunj wiaa. Nialinj si laa Yesu wiaa dii aa hilimi tuonj ne ba bul nii. Pool lenja anj kenj nialinj si laa Yesu wiaa dii kaa mu. Ba mu juu baal kubala dii-bal baa yire Tiranis. Pool ari njaa yie kenj wiaa lilere dime tapulii-na kala. ¹⁰ U venee nja nii a yi jisinj balia ne. Juu tinjaa ari Giriik tinjaa kala si he Esia tinjteenj le wuo nii la Tiina Yesu wiaa.

Sikiiva biirinj gollu kiri jinj-bonjoo

¹¹ Wia fa jonj dol-bal kubala ne a pi Pool, u njjaa wu-kpunjkerisinj. ¹² Pool yaraa geri-kosumoo ma paala ba yie paa kaa mu pi nyanyal tinjaa ba duduori. Di jinj-bonjoo ne kenj nuu maa, ba lii tiina le. ¹³ Juu tinjaa dongsun ma fa he dime a ma fa golle aa kiri jinj-bonjoo njaa le. Ba wiwalime di ba nja nii la Tiina Yesu dolunj le ne. Ba bula pi jinj-bonjoo-la a bul, "Mi si, ma lii Yesu dolunj le, nii-la wiaa Pool sii bul." ¹⁴ Baalaa balipe ne faa nja nii. Ba nyimma yirinj ne Sikiiva. U fa nja juu tinjaa nialinj si kpu pusunj pipi Wia kuhianj donj ne. ¹⁵ Nii ne jinj-bonjoo-la bula piba a bul, "Mi jinj Yesu a jinj Pool maa, anj ka ma ma nja kubeeba ne?" ¹⁶ Nii ne jinj sinj kenj baal-la wuoba. U sii a kenja a njmooba worunj a pireba. Ba genninj kala kiesee. Ba kala fa lii dia-la tuonj ari yaribiree. ¹⁷ Juu timma-la ari Giriik timma-la ari nialinj kala si he Efesis le nii wiinj deenj. Fawullunj kenja kala. Ba denne la Tiina Yesu worunj. ¹⁸ Nialinj ma dongsun si laa Yesu wiaa dii yuga ko, a ku dage ba wu-bonjoo-la ba si nja a pi Pool, njaa tuonj. ¹⁹ Ba tuonj njaa yuga a faa nja daalusunj. Ba kala paa tenni-la ba fa si karima aa nja daalusu-la. Ba paa nyige nuu-kala siaa le. Ba si kenj tenni-la kala yalinj pe donj le, u nja siidi bui bui bui ne. ²⁰ La Tiina niinj wiaa teeli lerinj kala a dol worunj.

Njaa nja taawei Efesis le

²¹ Nii ne Pool biine ari u janj to Masidoonia tinjteenj ari Giriis tinjteenj ari Jerusalem. Nii ne u bul, "Di mi ne mu dime, u maga di mi mu Rom maa." ²² Nii ne Pool tinj nialinj fa si peu le ba tuonj balia di ba mu Masidoonia. Timoti ari Irasitas ne u tinj. Anj ka u titia honj Efesis le Esia tinjteenj a dieni mua.

²³ Bua-la le yuosunj fa juu Efesis le siifjesinj a tige la Tiina Yesu wonjii-la tonunj wiaa. ²⁴ Libiri kubala ne fa he dime. U yirinj ne fa Demiiitas. U fa kenj selime ne a kaa lilibi kiaa, ba nage ba tanj venj-balinj Atemis. Tinjtiminj deenj le ba di u tinjinnaa na moribee kinjkenj. ²⁵ Chee kubala u yire u

tinȚinnaa ari u tinȚinni-donȚsun a bula piba a bul, “Mi nanȚonȚsun, ma jima ari tinȚiminȚ deen ne Țaa la kuori. ²⁶ Ma titia nia a nina maa wialinȚ Pɔɔl sii bul. U si, vuia-la nuhuobiinee sii libi, ba bi wia Țaa. U saa wuo keȚ ni-danȚ nyusunȚ birime ba sei wii-la. U Țaa Ții Efeŝis deen le ari Esia tinȚteenȚ jesinȚ kala le ne. ²⁷ Wii-la la sii fá ne Țla: Niaa janȚ chei la tinȚiminȚ deenȚ yirinȚ. La biraá fá ari la veȚ-balinȚ AtemisȚ janȚ ku Țaa ku-tɔɔ. Niaa bira bi janȚ zizilu. Leele Esia niaa ari dunia nuu-kala ní zilu.”

²⁸ NialinȚ si nii wii-la, ba baaninȚ sii. Ba Țaa goȚ a bubul, “La veȚ-balinȚ AtemisȚ si he Efeŝis le ne keȚ dolunȚ.” ²⁹ Nii ne ba keȚ tanȚ kala vugime. Ni-danȚ-la keȚ GayasȚ ari ArisitaakisȚ si lii Masidoonia a tuto Pɔɔl harinȚ. Ba lereba kaa mu lee-la tanȚ-la niaa si yie hihilimi. ³⁰ Ba si keȚba kaa mu dime, Pɔɔl fa cho duu mu juu nialinȚ tuɔȚ, ama nialinȚ si laa Yesu wiaa dii bi seye. ³¹ Esia tinȚteenȚ kuhiasinȚ donȚsunȚ si dii Pɔɔl nanȚonȚsunȚ tinȚ di ba sulu duu sí nialinȚ tuɔȚ juu. ³² NialinȚ kala si hilime bi jinȚ wii-la sii Țaa. DonȚsunȚ Țaa goȚ a bul Țla ne, donȚsunȚ ma si wiinȚ deenȚ ne. Ba kala jesinȚ paala fa bi jinȚ wii-la si tii ba ku hilimi donȚ le. ³³ Juu tiina kubala ne fa he nialinȚ tuɔȚ. Baa yire Alekizanda. Juu tinȚȚaa leȚe u lii chinȚ ba sipaanȚ ne. Nii ne tii nialinȚ donȚsunȚ biine duu Țaa wii-la tuɔȚ ni-bal ne. Nii ne Alekizanda keȚ u nisinȚ vigi di ba keȚ goȚ, anȚ wiwalime duu bula pí nialinȚ di ba di u nanȚonȚsunȚ bi wii cheye. ³⁴ U sii Țaa Ții, ba bene duu Țaa Juu tiina. Nii ne ba kala bira Țaa goȚ a he donȚ le a yi hawaba balia aa bul, “La veȚ-balinȚ AtemisȚ si he Efeŝis le ne keȚ dolunȚ.” ³⁵ Nii ne ba tanȚ kerichi-hianȚ donȚ ku lii a wuo Țaa ba keȚ goȚ. U bula piba a bul, “Efeŝis niaa, nuu-kala ne jima ari la tanȚ Efeŝis ne tii la veȚ-balinȚ AtemisȚ ari u di-kpaarinȚ kala, a pe tabii-la sí lii wia nyunȚ ku tuu tel, la kpikpaare le. ³⁶ Nuu-kala bi janȚ wuo keȚ wiinȚ deenȚ kaa lere. Nii wiaa, má leȚ goȚ anȚ sí wii-la si bi bubuo kene Țaa. ³⁷ Niaa deenȚba bi kunȚ gaa jonȚ la veȚ-balinȚ di-kpaarinȚ, ba bira bi wii bula chei la veȚ-balinȚ yirinȚ maa, ka ma keȚba kaa ko daha. ³⁸ Di DemiiatasȚ ari u tinȚinnaa ne keȚ wii ari nuu, sariya keȚ u tapul-diilie ne, ma tanȚ kuhiasinȚ ma he dime di ba dii sariya. Má leȚ di ba mu dime a nyanȚ donȚ. ³⁹ Ama di wii donȚ ma ne he dime maa che di ma bul, má leȚ bua-la tanȚ kuhiasi-la si yie ko a hilimi di ba bula wase. ⁴⁰ Di ba ne piesela, la bi wii-kala janȚ wuo bul a tige taawei deenȚ wiaa si Țaa jinȚ. Wii-la mi sii fá ne Țla, ba janȚ bul di la ne he taawei-la.” ⁴¹ U si bul Ții dere, u Țaa nialinȚ fa si hilime sii a viiri.

20

Pɔɔl mu Masidoonia ari Giriis tinȚteenȚ

¹ Nii ne taawei-la dere. Ka Pɔɔl yire nialinȚ si laa Yesu wiaa dii Efeŝis le a bul wiaa piba di ba nyunȚ nyaase. U si bul wialinȚ dere, u taba anȚ sii mu Masidoonia tinȚteenȚ. ² U gollɛ Masidoonia tinȚteenȚ kala a bul wiaa yuge piba di ba nyunȚ nyaase. Nii ne ka u lii dime a mu Giriis tinȚteenȚ. ³ U he Giriis tinȚteenȚ le cheȚsinȚ batori. Nii ne u Țaa siri duu juu liinȚ daboro a mu Siiria tinȚteenȚ. U si Țaa siri Ții, u nia ari Juu tinȚȚaa vuure u wiaa di ba kpau. Nii ne u keȚ u tuɔbiinaa birime a miira sii to Masidoonia. ⁴ Baal kubala ne fa to u harinȚ. Baa yire Sopata a lii Biriya. U fa Țaa Piras bie ne. Ka niaa deenȚba: ArisitaakisȚ ari SekunȚasȚ a lii Tesalonaaka, baal kubala maa baa yire GayasȚ a lii Deebi, ari Timoti. Niaa balia ma he dime a lii Esia. Baa yire TikikasȚ ari Turɔfimɔs. ⁵ Ba ne laa sipaanȚ a mu gberela Turɔwas le. ⁶ La he dime bua-la le ba si yie dii boroboro si bi si-burunȚ kene. U kieli,

ka la sii Filipa le a juu liinj daboro, a vɛŋ tapulaa banɔŋ aŋ-na yi Turɔwas. La he dime tapulaa balipe.

Pɔɔl mu Turɔwas tinȚeen

⁷ Lahadi chɛɛŋ la kala he dɔŋɔ le a dii kudiile-la Kirisito fa si si di la didii a liliisi u wiaa. U taŋ nii pul di Pɔɔl sii viiri. Nii ne u bul wiaa deen deen taŋ siesi. ⁸ La hɔŋ lusun nyun dia le ne a nyige chaanaa yuge. ⁹ Bapuɔsi-bie kubala ma he dime. Baa yire Yutikas. U fa hɔŋ tokoro niinj ne. Pɔɔl si bul wiaa didieni nji, u hɔŋ didiege dɔŋ a joŋo piŋ dɔŋ, a foro lii lusun nyun dia-la nyun a tuu tel. Ba tuu joŋu duu suba. ¹⁰ Nii ne Pɔɔl ma sii tuu a tiŋ a guoru, aŋ bula pi nialinj a bul, “Ma si leŋe duu ŋaa wii, u weye ne.” ¹¹ Nii ne ka Pɔɔl bira jil lusun nyun dia-la ba didii kudiile-la Kirisito fa si si ba didii a liliisi u wiaa. U si dii dere, ba bira keŋ ba wu-bulun halii taŋ-pul. Nii ne u viiri. ¹² Ba keŋ bapuɔsi-bie-la kaa mu dia duu weye. U ŋaaba tuɔtorun.

Pɔɔl sii Turɔwas le a mu Miliitas

¹³ Nii ne la sii a mu juu liinj daboro a duoro mu Asɔs. Pɔɔl fa bula pila ari la juu liinj daboro a duoro mu Asɔs, ka duu vɛŋ naasiŋ le kɔ a juu liinj daboro Asɔs le. Nii ne la juu liinj daboro a mu Asɔs. Dime ne la fá mu di la joŋ Pɔɔl. ¹⁴ Pɔɔl si ku puula Asɔs le, la joŋu ari liinj daboro a mu to Mitilini. ¹⁵ La bira sii dime. U taŋ si pula, la ku yi Kiyɔs. Taŋ dɔŋɔ bira si pula, la ku yi Samɔs. U taŋ si pula, la ku yi Miliitas. ¹⁶ La bira sii Miliitas le. Pɔɔl si duu bi jaŋ chinj Efesis le. U si, u bi che duu dieni Esia tinȚeen, duu faa che duu mu Jerusalem lima lima ne a puu Pentikɔs che-gbielii-la dime.

Pɔɔl bul wiaa a pi nialinj si laa Yesu wiaa dii aa hilimi kuhiasinj Efesis le

¹⁷ Nii ne la kiele kɔ Miliitas. Pɔɔl tima yire nialinj si laa Yesu wiaa dii aa hilimi kuhiasinj Efesis le di ba kɔ. ¹⁸ Ba si kɔ, u bula piba a bul, “Ma ma jinj nii mi si naga ne, a chinj bua-la le mi si bumo kɔ Esia tinȚeen ne a kuko jininj. ¹⁹ Mi si tinj tinȚinȚaa pi la Tiina Wia nii, mi keŋ mi titia muuri ne kinjkeŋ. Mi ma yel sii-liirinj a tiŋ ma wiaa. Mi na hɛɛŋ maa Juu tinȚaa teenj, ba si yie vuvuure di ba kpumi. ²⁰ Mi dagema wii-na kala si jaŋ pema le, mi bi kaa faama. Mi dagema Wia wiaa, niaa tuɔŋ ari ma diisiŋ kala ma le. ²¹ Mi bula pi Juu tinȚaa ari Giriik tinȚaa kala siifiesinj di ba birima lii ba haacheba le aŋ ku to Wia, a laa la Tiina Yesu wiaa dii. ²² Wia Diŋ-zɔŋ-la dagemi di mi mu Jerusalem. U niinj le ne mi lele to aa mu ŋla. Mi bi jinj wii-la kala si jaŋ ŋaami le dime. ²³ Mi ta jinj ne ari taŋ-na kala le mi si mua, Wia Diŋ-zɔŋ-la yie bula pimi siifiesinj ari wiaa jaŋ juumi, di ba keŋmi to dia maa. ²⁴ Ama mi si yie beŋ mi miisiŋ, u bi kuŋ-kala ŋaa mi teenj. Mi taa che di mi tinj tinȚimii-la dere mi Tiina Yesu si si mi tinj ne. U ne si di mi bul Wia wu-zɔmɔ-la a pi niaa, a bula piba nii u si jaŋ fába nennige. ²⁵ Lele mi jima ari ma niaa deenba di mi si yie golle ma tuɔŋ a bul Wia kuorii-la wiaa pima, ma bira bi jaŋ kɔ di ma nami. ²⁶⁻²⁷ Mi si bul Wia wialinj pima nii, mi bi wialinj kala Wia si ŋaa kaa faama. Mi saa bulaa pima siifiesinj jininj tapulun deen di ma nuu-kala kɔ duu lele, mi bi wii cheye. Ma wu-bɔŋŋɔɔ jaŋ nyua ma nyun le. ²⁸ Má beŋ ma titia nyun worun, aŋ pe beŋ nialinj maa u Diŋ-zɔŋ-la si joŋo he ma nisiŋ le. Má beŋ nialinj si laa Yesu wiaa dii a hihilimi nyun, ari pie-daara si yie beŋ u piesee nyun nii. Wia ne joŋ u titia bie chalinj yɔɔba. ²⁹ Mi jima, di mi ne leŋma, ni-bɔŋŋɔɔ jaŋ ku juu ma tuɔŋ, ari gunɔgurusunj si yie juu pusunj tuɔŋ nii. Ni-bɔmɔ-la bi jaŋ leŋma,

ba jaŋ walimema. ³⁰ Niaa jaŋ lii ma tuoŋ maa a keŋ wialin kaa birime, a nyise nialin si laa Yesu wiaa dii di ba miire hariŋ a toba. ³¹ Njii ne tii mi si, má beŋ ma titia nyuŋ njii. Máa liisi ari mi dagema nuu-kala jisin batori ne ŋla wiiheye ari titanin kala, a yel sii-liirin ma woruŋ ma wiaa. ³² Mi læe joŋma he Wia nisin le ne. Wia wu-zomo-la lahorimo le u jaŋ pema le. U jaŋ wuo pema le di ma keŋ doluŋ a chin ma yarida le. U jaŋ len di ma wuo dii kialin u si ŋaa bil ma sipaan Wia kuorii-la le a gbigbere nialin si laa u wiaa dii le. ³³ Mi ha bi ma kuŋ-kala moribee koo gennin biina di mi kaa laa. ³⁴ Ma titia jima di mi tima woruŋ, a na kialin kala la di mi nanɔɔŋsuŋ sii che. ³⁵ Mi ŋaa njii di mi wuo dagema di ma faasa tin tinȚinȚaa njii, ma jaŋ wuo pe puwuoloo le aa liisi ari la Tiina Yesu fa si bul njii. U si, 'N si joŋ kua pi nia, u ne keŋ tuotoruŋ a kii ŋ si laa kua nia teenj.' "

³⁶ Pɔɔl si bul wiaa dɛɛɛ, u tuu kpirimi a chuole Wia a piba kala. ³⁷ Ba guoru a yel sii-liirin. ³⁸ Ba tuoŋ chei woruŋ, bæ wiaa u fa bula piba ari ba bira bi jaŋ nau. Njii ne ba kenu kaa mu liin daboro lerin.

21

Pɔɔl mu Jerusalem

¹ La ta doŋo aŋ juu liin daboro. La ven tegi tegi a mu lee kubala baa yire Kos, a bira sii dime. Tan si pula la mu lee kubala baa yire Roodis, a bira lii dime a mu Patara. ² Dime ne la na liin daboro duu mu Fɔniisia. La juu mu. ³ La sii mu njii, la na lee kubala la na-gua, baa yire Saapɔs. La kieli dime a mu yi Siiria tinȚeen. La mu chin tan kubala le baa yire Taya. Dime ne liin daboro-la che duu chin di ba chaare kiaa si he liin daboro-la le. ⁴ La che mu na nialin si laa Yesu wiaa dii dime. La hoŋ ba teen tapulaa balipe. Ba bula pi Pɔɔl Wia Din-zoŋ-la doluŋ le duu si Jerusalem mu. ⁵ La si hoŋ dime tapulaa balipe njii, la bira lii dime a joŋ la wonjin. Baalaa ari ba haalaa ari ba biirin keŋla kaa lii tan-la tuoŋ. La kala tuu kpirimi liin niin a chuole Wia. ⁶ La ta doŋo dime aŋ juu liin daboro, ka ba ma miira mu dia.

⁷ La lii Taya le a joŋ la wonjin a mu tan kubala baa yire Pitolimiiyas. La mu chuole nialin si laa Yesu wiaa dii dime aŋ chua. ⁸ U tan si pula, la sii a mu Sizariya, a mu juu baal kubala dia baa yire Filip. U fa gollo bul Wia wiaa ne aa pi niaa. U fa ŋaa nialin balipe doŋo ne ba fa si liisa Jerusalem le. ⁹ U fa keŋ toloo banese ne. Ba fa bi balaba jaa aŋ fa bubul Wia wiaa Wia doluŋ le. ¹⁰ La he dime njii tapulaa banmene, di baal kubala lii Judiya tinȚeen a ma ko, baa yire Agabɔs. U fa ŋaa nii-la sii bul wiaa, Wia Din-zoŋ-la doluŋ le ne. ¹¹ U ko la teen a laa Pɔɔl damere a kaa voo u titia naasin ari u nisaa aŋ bul, "Nla ne Wia Din-zoŋ-la bul, Juu tinȚaa jaŋ keŋ damere deen tiina a vobu ŋla Jerusalem le, a joŋu he nialin si bi juu tinȚaa ŋaa nisin le.' "

¹² La si nii wiin deen, la di nialin fa si he dime sul Pɔɔl duu si Jerusalem mu. ¹³ Njii ne Pɔɔl bula piba a bul, "Bæ ne tii ma yiyel ŋla a ŋaa mi tuoŋ chei ŋla? Di ba ne jaŋ keŋmi voo, koo di ba ne kpumi maa Jerusalem le a tin mi Tiina Yesu wiaa, mi seye ne." ¹⁴ U si bul njii, la na ari la buu wuo nyagaa bil. Njii ne la len aŋ bul, "Wia jaŋ len di wii-kala u sii che u ŋaa duu ŋaa."

¹⁵ Njii ne aŋ ka la ŋaa siri a sii mu Jerusalem. ¹⁶ Nialin doŋsun si laa Yesu wiaa dii a lii Sizariya ma to la hariŋ a mu, a keŋla kaa mu juu baal kubala dia baa yire Mineesin. U lii Saapɔs ne. U laa Yesu wiaa dii bua-la le ba fa si suomo bubul Yesu wiaa pipi niaa ne.

Pɔɔl mua duu na Jeems

¹⁷ La si yi Jerusalem, nialin si laa Yesu wiaa dii dime keŋla woruŋ. ¹⁸ Tan si pula, la di Pɔɔl mu di la na Jeems. La mua di nialin kala si laa Yesu wiaa dii kuhiasin kala he dime. ¹⁹ Njii ne Pɔɔl chuoleba aŋ bula piba njii kala Wia si peu le u tiŋ tiŋŋaa nialin si bi juu tiŋŋaa ŋaa tuɔŋ.

²⁰ Ba si nii wiin deen, ba lolle Wia aŋ bula pi Pɔɔl a bul, “La naanbii, bee na juu tiŋŋaa yuga si laa Yesu wiaa dii. Ba yi niaa bui bui bui a kala tuto wialin woruŋ Moosis fa si ŋmuŋsa bil di niaa tuto. ²¹ Ba nii ŋ wiaa. Ba si ŋ dage juu tiŋŋaa kala si he nialin si bi juu tiŋŋaa ŋaa tuɔŋ di ba via wialin Moosis fa si ŋmuŋsa bil di niaa tuto, a bira bul di ŋ si di ba si ba biirin penee keru a si juu tiŋŋaa naabalimaba wiaa to. ²² Ba jan nii ari ŋ ko. Bɛɛ ne saa la jan ŋaa? ²³ Saa to la niin wii-la la si si ŋŋ ŋaa. Baalaa banese ne he daha. Ba ta niin ne Wia teen, baa che di ba liise niin deen Wia teen. ²⁴ Keŋ baalaa deenba a ma toba le, a ma piise ŋ disinnin ta, a tiŋ moribee di ba ma piise ba disinnin ta aŋ fun ba nyusun maa. Ŋ ŋaa njii nuu-kala jan wuo to njii le jin ari wialin kala ba si bula a tigeŋ le bi wutitii ŋaa. Ba jan na ari ŋ ma titia ka to wialin Moosis fa si ŋmuŋsa bil di niaa tuto ne. ²⁵ Ama nialin si laa Yesu wiaa dii aŋ bi juu tiŋŋaa ŋaa, la ŋmuŋse tenin a bula piba di ba seye di ba bira si vuiŋ namia chan, di ba bira si pusun chalin ma dii, a si pusun si suu pimee dii, a liise ba titia ba-chorun ari ha-chorun wu-ŋaalaa le.” ²⁶ Pɔɔl nanɔdoŋsun si bul njii, u tan-pul, Pɔɔl keŋ baala-la banesemin mu, ba kala piise ba disinnin ta aŋ juu Wia-dia. U dage nialin si kpu pusun pipi Wia tapulaa mage njii ba si jan piise ba disinnin ta, ka di ba kun-kala-na kpu pusun pi Wia. Tapulaa balipe ne u dage.

Ba keŋ Pɔɔl Wia-dia le

²⁷ Tapulaa balipe-la sii yi, juu tiŋŋaa doŋsun si lii Esia na Pɔɔl duu he Wia-dia le. Ba nyise ni-dan he ba keŋ Pɔɔl. ²⁸ Ba faasa kpia a bul, “Iziral timma, ma ku pela le. Baal-la si golle lee kala a didage wiaa lee-na kala a chichei la niaa sii to wonbii-la, aa chei Moosis fa si ŋmuŋse wialin bil di niaa tuto maa, a bul wu-bonŋoo a tige Wia-dia deen ma le, u nii ko daha njii. U paala keŋ Giriik tiŋŋaa kaa ku juu Wia-dia-la, a ŋaa lerin deen keŋ disinnin.” Wii-la si tii ba bul ŋla: ²⁹ Ba fa na baal kubala duu to Pɔɔl hariŋ tan-la le. U yirin ne Turɔfimɔs a lii Efesis. Ba fa biina Pɔɔl kenu kaa juu Wia-dia-la ne. ³⁰ Njii ne taawei sii tan-la kala le, nialin kala to doŋo a keŋ Pɔɔl a kenu kaa lere lii Wia-dia-la le. Njii ne aŋ ka ba guu keŋ Wia-dia-la boiniree to. ³¹ Ba sii walime di ba kpuu, Rom laali-yuoroo kuhian nii ari taawei sii Jerusalem kala le. ³² U si nii njii, u sii a guu liise laali-yuoroo doŋsun ari ba kuhiasin, ba fa mu taawei-la lerin. Nialin si nau ari laali-yuoro-la, ba bira bi Pɔɔl ŋmobo. ³³ Laali-yuoroo kuhian-la mu keŋ Pɔɔl, a ŋaa ba keŋ chorumoo balia kaa vɔbu. Njii ne u piise nialin a bul, “Kubee ne nia deen? Bɛɛ ne u ŋaa chei?” ³⁴ Ba kala ŋaa gor. Doŋsun bubul wiin deen, doŋsun ma bul wiin deen. Niaa fa sii ŋaa gor njii, laali-yuoroo kuhian-la bi wii-la si paala ŋaa wuo jin. Njii ne u ŋaa u niaa keŋ Pɔɔl kaa mu laali-yuoroo dii-duon. ³⁵ Ba si yi dia-la lusun cholun, nialin keŋ Pɔɔl

lilere a wiwalime di ba kpuu, ɲii ne laali-yuoro-la jonɔ chun. ³⁶ Nialin kala to u hariŋ a ɲaa goŋ a bubul, “Má kpuu.”

PƆɔl bul wiaa duu laa u titia

³⁷ Ba si jil lusun chol-la a chiche di ba juu dia-la, ɲii ne PƆɔl sul laali-yuoro kuhian-la duu leŋ duu bul wii pu. ɲii ne laali-yuoro kuhian-la piɛɛ PƆɔl a bul, “Nii-na ɲ nii Giriik wu-bulun neɛ? ³⁸ ɲ dee bi Ijipiti tinɲaa baal-la ɲaa, baal-la si suomo ɲaa taawei aŋ keŋ niaa bui banɛɛ-la si kpu niaa a kaa mu giri-bine tuɔŋ?” ³⁹ PƆɔl si, “Ai, mi ɲaa Juu tiina ne a lii Taasis, Siliisia tinteen ta-balin. Mii suluŋ di ɲ leŋ di mi bul wiaa pi nialin.” ⁴⁰ ɲii ne u pu wonɲiin. PƆɔl si chin lusun chol-la le ɲii, u keŋ u nisin vigi di nialin keŋ goŋ. ɲii ne ba kala ɲaa fuii. PƆɔl suomo bubul wiaa Juu tinɲaa yiikoro le.

22

¹ ɲii ne u bula piba a bul, “Mi nyimmaba ari mi naanɲiirin, má jegile nii wii-la mi si keɛ di mi bula laa mi titia.” ² Ba si nia duu bul wiaa ari ba yiikoro, ba kala ɲaa fuii. ɲii ne PƆɔl bul, ³ “Mi ɲaa Juu tiina ne. Ba lumli Taasis le, Siliisia tinteen. Mi hanɲiirin le ne ba keŋmi kaa ko daha a beŋmi. Gamillial ne dagemi. U dagemi la naabalimaba wonɲii-la ba sɔi to ari siifɛsin. Mi tou woruŋ a jonɲ mi titia pi Wia, ari ma ma si he daha jinin si ɲaa ɲii. ⁴ Mi ma to a dɔgise nialin fa sɔi to Yesu wonɲii-la a chiche di mi kpuba. Mi ɲaa ba keseba vɔɔba a keŋba to dia, baalaa ari haalaa kala. ⁵ Nialin si kpu pusun a pipi Wia kuhian, ari kuhiasi-la kala si yie hiline vuuure wiaa ma jan wuo bula pima ari wiin deen mi si bula ɲaa wutitii ne. Ba ɲmuɲɛ tennin pimi di mi kaa mu Damaasikas a jonɲ pi Juu timma-la si he dime. Ba ɲaa ɲii di mi wuo kese nialin si laa Yesu wiaa dii dime a vɔɔba, a kaa ko Jerusalem a dɔgiseba daha.”

⁶ ɲii ne PƆɔl bira bul, “Mi si lii jonɲ wonɲiin aa mu Damaasikas a mu kpage taŋ-la ari wihei-siesee, pulumunɲ guu lii wia nyun a faasa chaana hemi le. ⁷ Mi tuu tel tinteen aŋ nii nii-la yiikoro duu bul mi teen a bul, ‘Sɔɔl, Sɔɔl, beɛ ne tii ɲ to mi naasin a dudɔgise mi ɲla?’ ⁸ ɲii ne mi piɛɛ, ‘Kubeɛ ne, tiina?’ Yiikori-la bul, ‘Mi-na Yesu si lii Nazaret, nii-la ɲ sɔi to u naasin a dudɔgise.’ ⁹ La di nialin fa sɔi ven, ba na pulun-la, aŋ bi nii-la fa sɔi bul wiaa mi teen yiikoro nia. ¹⁰ ɲii ne mi piɛɛ, ‘Mi ɲii mi Tiina?’ Mi Tiina bira bul, ‘Sii juu Damaasikas. Dime ba jan dabin wii-la kala mi si liisin di ɲ ɲaa.’ ¹¹ Pulun-la chuule mi siao, mi bira bi naa, ɲii ne la di nialin fa sɔi ven keŋ mi nisin le a lere juu Damaasikas.

¹² Baal kubala fa he dime, baa yire Ananayas. U faa fá Wia ne a tuto wialin Moosis fa si ɲmuɲsa bil di niaa tuto. Juu timma-la kala fa si he Damaasikas le zizilu. ¹³ U ko mi teen a chin mi seme a bula pimi a bul, ‘Mi naanɲii Sɔɔl, keŋ ɲ siao suri.’ Bua-la titia le mi siao suri, mi bee nau. ¹⁴ ɲii ne Ananayas bula pimi a bul, ‘Wia-la la di la naabalimaba sɔi to ne liisin di ɲ jin wii-la u sɔi che di ɲ ɲaa. U leŋ ɲ na Wia Tuo-pul Tiina a nii u yiikoro maa u si bul wiaa pin. ¹⁵ ɲ jan ɲaa u siada tiina, a bula pi niaa wii-la ɲ si nia aŋ pe naa. ¹⁶ Beɛ ne saa tii ɲ hoɔɔ dieni? Sii mu a leŋ di ba foŋ Wii-chuole liin a fo ɲ haacheba ta Yesu dolun le.’

Wia yire PƆɔl duu bul Wia wiaa a pi nialin si bi Juu tinɲaa ɲaa

¹⁷ ɲii ne mi miira mu Jerusalem a juu Wia-dia a chuchuoɛ Wia. Mi sɔi chuole Wia ɲii, ¹⁸ mi na la Tiina Yesu ari duosoo tuɔŋ. U bula pimi a bul,

'Sii lii Jerusalem ɛ lima, bɛɛ wiaa nialin si he daha bi jan sei mi wialin ɛ si jan bula piba.' ¹⁹ Nii ne mi bula pi Yesu a bul, 'Mi Tiina, ba jima worun di lee-na kala mi si mua, mi yie juu Wii-chuɔle diisin a kɛse nialin si laa ɛ wiaa dii dime, a ɛmooba aɲ kɛɲba tɔ dia. ²⁰ Bua-la ɛ ba si kpu Sitiivin, nii-la fa si ɲaa ɛ siada tiina a bul ɛ wiaa pipi niaa, mi-na Pɔɔl ma fa he dime a sei di ba kpuu. Ba sii kpuu, mi ne fa pɔ niaa deɲba gennin ba si wuro, aɲ ka ba kpuu.' ²¹ Nii ne mi Tiina bula pimi a bul, 'Sii daha, mi jan timin di ɛ mu di-bolli, nialin si bi Juu tinȚaa ɲaa lerin.' "

²² Pɔɔl fa sɛi bul wiaa ɲii, nialin kala fa jegile nii. Ama u si bul wiin deɲ, ba bira suomo ɲaa goɲ a bul, "Má kpu ni-tɔɔɲ deɲ, u bi maga duu he dunia ɛ." ²³ Ba ɲɲaa goɲ, aɲ kɛɲ ba gennin ɲikpesi a ɲaa hagila yuyuu. ²⁴ Nii ne Rom laali-yuoroo kuhian-la bul di laali-yuoro-la kɛɲ Pɔɔl kaa juu laali-yuoroo dii-duo-la. U si di ba viiru aɲ piɛsa na wii-la si tii ba kala lii u harin aɲ ɲɲaa goɲ ɲla. ²⁵ Nii ne ba vɔbu di ba viiru. Ba sɛi che di ba viiru, Pɔɔl piɛse laali-yuoroo kuhian-la fa si chin dime a bul, "U maga di ba viire nuu si ɲaa Rom tiina aɲ bi u sariya die, a dagu u wu-cheelin koo?" ²⁶ U si nii wii-la Pɔɔl si bula, u ma bira mu u kuhian teen a bula pu a bul, "Bee na ɛ sɛi che di ɛ ɲaa wii-la, baal-la ɲaa Rom tiina ne." ²⁷ Nii ne laali-yuoroo kuhian-la titia sii kɔ Pɔɔl teen a piɛsu, "N ɲaa Rom tiina neɛ? Bula pimi." Nii ne Pɔɔl si, "Oo." ²⁸ Laali-yuoroo kuhian-la ma bul, "Mi ma ɲaa dɔɲɔ ne. Mi ta tɛɲ moribiee yuge ne aɲ-na ku ɲaa Rom tiina." Nii ne Pɔɔl si, "Ba paala lulmi di mi ɲaa Rom tiina ne." ²⁹ Nii ne nialin fa sɛi che di ba viire Pɔɔl aɲ piɛsu, ba suusa lii u teen lima lima. Laali-yuoroo kuhian-la si ku jin ari Pɔɔl ɲaa Rom tiina ne, ka u ɲaa ba kɛɲ chɔrumɔɔ kaa vɔbu, fawullun kenu maa.

Pɔɔl chin nialin si yie hilime vuvuure wiaa sipaan

³⁰ Nii ne laali-yuoroo kuhian-la chiche duu sene jin wii-la si tii Juu tinȚaa bubul Pɔɔl teen ɲii. U tan si pula u ɲaa ba kenu puri, a ɲaa nialin si kpu pusun pipi Wia kuhiasin ari kuhiasi-la si yie hilimi a vuvuure wiaa ku hilimi. Ba si hilimi ɲii, u kɛɲ Pɔɔl kaa lii a ɲaa u chin ba sipaan.

23

¹ Pɔɔl fa si chin ɲii, u chaare u siaa pɛ nialin fa si yie hilime vuvuure wiaa ɛ aɲ bula piba a bul, "Mi naanbiirin, mi to Wia mi miisin kala ɛ ne. Mi si tou, mi tuɔbiinaa kala yie chesi ne a kaa kɔ tapulun deɲ." ² Nii ne nialin si kpu pusun pipi Wia kuhian dɔɲɔ, baa yire Ananayas, bula pi nialin si china kpaga Pɔɔl di ba ɲmoo u niin ɛ. ³ Ba si ɲmɔbu ɲii, Pɔɔl ma bula pu a bul, "N lɔɔɔ nage jeɲ si yere, ka ba ɲaa tuɔɔɔɔ buge ne di niaa sɛ na. Wia ma jan ɲmɔbu ɲii. N hɔɔɔ di ɛ to wialin ba si ɲmunsa bil di la tuto ne a didii mi sariya, aɲ ka ɛ bul di ba ɲmoomi a chei wialin ɲii." ⁴ Nialin si china kpaga Pɔɔl piɛsu a bul, "Nialin si kpu pusun pipi Wia kuhian ne ɛ tuuse ɲii?" ⁵ Nii ne Pɔɔl bira bul, "Mi naanbiirin, ma kɛaa sima. Ba ɲmunse Wia tenin tuɔɔɔ ari u bi maga di la bul wu-bɔɔɔɔɔɔ a pi nii-la sii beɲ niaa. Mi bi jin ari u ne ɲaa nialin si kpu pusun pipi Wia kuhian."

⁶ Pɔɔl si bene nialin si yie hilime vuvuure wiaa tuɔɔɔ, u na ari dɔɔɔsun ɲaa nialin ba sɛi yire Sadusii tinȚaa, dɔɔɔsun ma ɲaa Farisii tinȚaa. Nii ne u faasa bul nialin si yie hilime vuvuure wiaa teen a bul, "Mi naanbiirin, mi ma ɲaa Farisii tiina ne, nii-la si lulmi ma ɲaa Farisii tiina ne. Mi laa dii ari nialin si suba jan sii suun ɛ a kɛɲ miisin. Nii ne tii baa dii mi sariya."

7 U si bul wiin deen, Farisii timma-la ari Sadusii timma-la bira bi nii-bala kenε. Ba p̄ore d̄oŋɔ lε. 8 Sadusii tinȚaa si di nuu ne suba, u bira bi jan sii suun lε a ken miisin, a bira bul di Wia tinȚaaraa ma tuo, di ni-diinsin ma tuo, ka Farisii tinȚaa si di ba kala he dime, di nuu ma ne suba, u jan sii suun lε a ken miisin. 9 Nii ne nialin sii a faasa nj̄aa goŋ. Wia tenin kerichiba-la d̄oŋsuŋ si he Farisii niaa paati-la tuoŋ sii a faasa ken wialin lilere a bul, “La bi na baala deen si ŋaa wii-la chei. U naga ari ni-dima ne koo Wia tinȚaara ne senε bul wiaa pupu, la bi u-na jin.” 10 Nii ne ba ken wii-la faasa lere, lerin kala hosi. Fawullun ken laali-yuoroo kuhian-la ari ba jan ken P̄ool lere puose. Nii ne u ŋaa u laali-yuoroo juu nialin tuoŋ a loriko laau nialin teen, a kenu kaa mu laali-yuoroo dii-duo-la.

11 U tan si bire, titan-la titia la Tiina Yesu ko P̄ool teen, a chin u seme, a bula pu a bul, “Nyire ŋ boye. U maga di ŋ dii mi siada a bul mi wiaa Rom lε ari ŋ si bul mi wiaa njii Jerusalem lε.”

Juu tinȚaa ka vuure di ba kpu P̄ool

12 U tan si pula, Juu tinȚaa d̄oŋsuŋ hilimi d̄oŋɔ lε a vuure di ba kpu P̄ool. Ba ta niin ne ari ba ne buu kpua, ba bi jan dii kiaa. Ba bi jan nyua liin maa. 13 Nialin fa si vuure wiin deen kii niaa mahin balia. 14 Nii ne ba mu nialin si kpu pusun pipi Wia kuhiasin ari nialin kuhiasin teen a bula piba a bul, “La ta niin ne di la ne bi P̄ool kpua, la bi jan dii kiaa. 15 Ma di nialin si yie hilime vuvuure wiaa kuhiasin saa tin di ba bula pi Rom laali-yuoroo kuhian-la duu len di P̄ool ko ma teen. Ma fugi ari maa che di ma wasa dii u sariya ne. La jan ŋaa siri duu ne leŋe u kuko, u bi jan yima, ka di la kpuu.”

16 P̄ool dihaala bie ma nii ba sfi vuure njii, a mu juu laali-yuoroo dii-duo-la a bul wii-la pi P̄ool. 17 Nii ne P̄ool yire laali-yuoroo kuhian d̄oŋɔ a bula pu a bul, “Ken bapuoosi-bie deen kaa mu ma kuhian teen, u ken wii ne duu bula pu.” 18 Nii ne u kenu kaa mu ba kuhian teen a bula pu a bul, “P̄ool, nii-la ba si kaa to dia ne yiremi a bula pimi di mi ken bapuoosi-bie deen kaa ko ŋ teen, duu ken wii ne duu bula pin.” 19 Nii ne kuhian-la ken bile nisin lε a kenu lii mua, a fiela piesu di wu-bεε ne u ken di u bula pu? 20 Nii ne u bul, “Juu tinȚaa vuure ne di ba bula pin di ŋ chie len di P̄ool ko nialin si yie hilime vuvuure wiaa kuhiasin teen. Baa fugi ari baa che di ba wasa dii u sariya ne. 21 Saa si sei, bεε wiaa nialin d̄oŋsuŋ jan faa wonbiin lε a gberu. Ba kii niaa mahin balia. Ba ta niin ne di ba bi P̄ool kpua, ba bira bi jan dii kiaa, ba bi jan nyua liin maa. Ba ŋaa siri ne di ŋ ne pu wonbiin duu kuko.” 22 U si bul njii dere, kuhian-la bula pi bapuoosi-bie-la a bul, “Si bula pi nuu-kala ari ŋ bul wiin deen pimi,” an ŋaa u viiri.

Ba ken P̄ool mu tinȚeen kuoro Fiilis teen

23 Nii ne laali-yuoroo kuhian-la yire u laali-yuoroo kuhiasin balia a bula piba a bul, “Ma liise laali-yuoroo zo-balia di ba ŋaa siri di ba di P̄ool mu Sizariya, a pε ja-jillaa mahin batori ari fi lε, ari nialaa ma si ken tinȚee zo-balia. Len di ba ŋaa siri di ba lii titanin deen kerifi nibi lε. 24 Ma che janin a liisa pi P̄ool duu ma jil, a kenu worun a kaa mu Sizariya, a kenu kaa mu he tinȚee-la kuoro Fiilis nisin lε.” 25 Nii ne ka laali-yuoroo kuhian-la ŋmunse tenin a piba di ba kaa mu pi kuoru-la a tin wiin deen wiaa. Nla ne u bul ten-la lε:

26 “Mi-na Kuloc̄od̄ios Lisias ne ŋmunse tenin deen a pipi mi nyimma kuoro Fiilis. Mii chuolun worun. 27 Baala deen mi si ŋaa ba kaa ko ŋ lerin, Juu tinȚaa ne fa kenu di ba kpuu. Ba sfi che di ba ŋaa njii, mi nii ari u ŋaa

Rom tiina ne. Njii ne mi keŋ mi laali-yuoroo mu, la loriko laa ba nisinj le. ²⁸ Mi faa che di mi nii wii-la si tii ba bubul u teenj. Njii ne mi kenu kaa mu ba nihiasinj si yie hɔnɔ vuvuure wiaa teenj. ²⁹ Ba si piesu wiaa, mi na ari u bi wii-kala cheye a mage di ba kpoo koo di ba kenu tɔ dia. Wii-la si tii ba bubul u teenj tige ba titia kisinninj le ne. ³⁰ Ba si bula pimi ari Juu tinŋaa dɔŋsun vuura ne di ba kpoo, njii ne mi si di ba kenu kaa ku pinj liima laa. Mi saa bula pi nialinj sii bul u teenj ne di ba ko ŋ teenj, a ma dage wii-la u si ŋaa chei a pinj.”

³¹ U si ŋmunse tenj-la dere, laali-yuoro-la ŋaa njii u si bula piba. Titanj-la ba keŋ Pɔɔl kaa mu yi tanj kubala baa yire Antipatis. ³² U tanj si pula, laali-yuoro-la sii venj naasinj le ne miira ko ba dii-duo-la, aŋ ka janinj tinŋaa kenu mu Sizariya. ³³ Ba si yi dime, ba jonj Pɔɔl pi ba tinŋeenj kuoro, a jonj tenj-la ma pe. ³⁴ Njii ne kuoro-la karime tenj-la aŋ piese Pɔɔl lee-la u si lia. U bul duu lii Siliisia ne. U si nii njii, ³⁵ u bula pu a bul, “Bua-la le nialinj sii bul ŋ teenj ne ko, mi janj nii wii-la ŋ si kene di ŋ bul, aŋ ka di mi-na dii ŋ sariya.” Njii ne u ŋaa ba keŋ Pɔɔl mu he dii-bal-la Herod si saa, a ŋaa laali-yuoroo pupou dime.

24

Juu tinŋaa bul Pɔɔl teenj

¹ Tapulaa banonj si kiele, nialinj si kpu pusunj pipi Wia kuhianj baa yire Ananayas sii mu Sizariya, kuoro Fiilis teenj. Ba di nialinj kuhiasinj dɔŋsun ari sariya didiire kubala baa yire Tatulas, ba kala ne mua. Ba si mu u teenj, ba suomo bubul wii-la si tii ba bubul Pɔɔl teenj. ² Tatulas ne ba laa sipaanj yire duu dage wii-la Pɔɔl si ŋaa chei. Nla ne u suomi, “Mi nyimma, ŋ ne wuo bibenja worunj a lenj la hɔŋ ari yarifielaa. N si wuo bibenja njii, ŋ wase wiaa yuge a pila ba zomo la tinŋeenj deenj le. ³ La tanj seme-na kala la tuonj tɔrɔ worunj wiinj deenj le bua-na kala le ne. La saa lolunj kinkej. ⁴ Mi bi che di mi bul wiaa dieni. Mi saa sulunj di ŋ keŋ kenyiri aŋ jegile nii wii-la la si kene di la bul. La janj keru wii-la la si janj bul kuui. ⁵ La na di baala deenj ŋaa wu-hɛru ne. Juu tinŋaa si he dunia seme-na kala le, u yie mu lee-la a ŋaa taawe. U ne ŋaa Nazaret niaa paati kuhianj maa. ⁶ U faa che duu ma ŋaa disinninj ne Wia-dia le. Njii ne la kenu [a faa che di la dii u sariya la naabalima wonbii-la le la sii to njii. ⁷ Njii ne laali-yuoroo kuhianj ba sii yire Lisias ku hosi a kenu loriko laa la teenj. ⁸ U ne bula pi la nialinj kala sii bul Pɔɔl teenj di la ko ŋ teenj a bula pinj wii-la si tii la bubul u teenj.] Di ŋ ne piese baala deenj, ŋ titia janj jinj ari wialinj kala la si bula a tigeu le ŋaa wutitii ne.” ⁹ Njii ne Juu tinŋaa ma sii pe a bul di wii-la kala u si bula ŋaa wutitii ne.

Pɔɔl bul wiaa duu laa u titia kuoro Fiilis sipaanj

¹⁰ Njii ne tinŋeenj kuoro-la liisi Pɔɔl duu bul wii-la u ma si kene duu bul. Njii ne u bul, “Mi jima ari ŋ dii sariya tinŋeenj deenj le u jisinj bolie. Mi tuonj saa tɔrɔ mi si janj bul wiaa a laa mi titia ŋ sipaanj. ¹¹ N janj wuo piesa nii ŋ titia le ari bua-la le mi si ku mu Jerusalem di mi chuole Wia Wia-dia le, u bi tapulaa fii ari balia kii. ¹² Juu tinŋaa bimi naa di la di nuu-kala keŋ wii lilere Wia-dia le, mi bi taawe ma ŋaa Wii-chuole diisinj le koo lee kala tanj-la le. ¹³ Ba bira bi janj wuo dage ari wialinj ba si si mi ŋaa chei ŋaa wutitiiba ne. ¹⁴ Wii-la mi si janj bula pinj ari u ŋaa wutitii ne ŋla: Ba wialinj kala tuonj mii to wonbii-la ba sii chei ne. Wonbii-la mi sii to, mi

maa to la naabalimaba Wia ne. Mi ma ŋaa wialin kala Moosis si ŋmuŋsa bil di la to yarida, aa to tenni-la nialin sŋi bul wiaa, Wia Din-zoŋ-la dolun le si ŋmuŋsa kala maa. ¹⁵ Mi ma laa dii ari Wia jan chise ni-zoŋŋo ari ni-boŋŋo kala suun le. Niaa deenba kala si chin ŋii, ma laa wiaa deenba kala dii ne. ¹⁶ Mi yie wialime worun di mi tuobiinaa kala chesi Wia ari nuhuobiinee kala sipaan. ¹⁷ Mi si lii Jerusalem le diene, a yi jisi ari jisi. Leele ne mi ko a ken moribiin kaa ko di mi pi mi tinteen niaa an pe kpu pusun pi Wia. ¹⁸ Nii le ba nami Wia-dia le. Bua-la le ba sŋi nami, di mi piise mi disinnin dere. Ni-dan kala tuo mi teen. Mi bi taawei ma kala ŋaa. Juu tinŋaa doŋsun si lii Esia tinteen ma ne fa he dime. ¹⁹ Di ba ne fa ken wii-kala a tigem le, u fa maga di ba titia ne ko daha a ku bul. ²⁰ Nii ma dee, leŋ di niaa deenba si he daha bul wii-la ba si na di mi ŋaa chei bua-la le mi si chin nialin si yie hono vuuuere wiaa sipaan. ²¹ Wii-la dunɔna mi si ŋaa ne ŋla: Mi fa chin ba sipaan a faasa bula piba a bul, 'Jinin maa dii mi sariya a tin mi si laa dii ari ni-suunun jan sii suun le a ken miisin.' "

²² Fiilis si nii ŋii, u jin wonbii-la Pool sŋi to wiaa worun. Nii ne tii u bul di ba sii. Ka u bula piba a bul, "Ma leŋ di laali-yuoro kuhian Lisias ne ko. Nii-na mi jan dii ma sariya." ²³ U ŋaa laali-yuoru kubala biben Pool, an bula pu duu kenu to an leŋ duu nina wiese, duu pi u nanɔŋsun wonbiin di ba ku ninau di ba bubul wiaa. Duu nii che kun maa, di ba peu le.

Pool chin Fiilis ari Dusila sipaan

²⁴ U bi diene di Fiilis ken u haala kaa ko. U yirin ne Dusila. U fa ŋaa Juu tiina ne. Nii ne Fiilis tima yire Pool duu ko. U si ko, u ŋaa u bul wiaa pu u jijegili. U bul Yesu Kirisito wiaa pu a bula pu duu laa u wiaa dii. ²⁵ Ama Pool si mu bul wiaa a tige wu-zoŋŋo ŋaaniŋ le ari ŋ si wuo ken ŋ titia le, a bira bul tapulii-la Wia si jan dii dunia niaa sariya wiaa maa, fawullun ken Fiilis. Nii ne u bul duu mu, ka duu nina chinin u jan bira yiru. ²⁶ Nii kala le u faa biine ari Pool jan pu moribiin. Nii wiaa ne tii u yie yiyiru tete tete ba yie bubul wiaa. ²⁷ Jisin balia si kiele, baal kubala baa yire Pookos Fesitis ne fa laa tinteen kuoro Fiilis lerin. Fiilis faa che di Juu tinŋaa chou, nii ne tii u ŋaa ba ha ken Pool to dia.

25

Pool sul di ba kenu mu tinteen kuori-balin teen

¹ Fesitis si ku laa tinteen, u hon Sizariya le tapulaa batori an sii mu Jerusalem. ² U si mu Jerusalem nii, nialin si kpu pusun pipi Wia kuhiasin ari Juu tinŋaa kuhiasin ku bul wii-la Pool si ŋaa cheiba pu, an sulu ³ duu peba le a ŋaa di Pool ko Jerusalem. Ba vuura ne di ba cheme kpuu wonbiin le. Nii ne tii ba bul nii. ⁴ Nii ne Fesitis bul di ba kenu to dia ne Sizariya tinteen le, duu si lee-la lii, duu ma jan miira mu dime sisele. ⁵ Nii ne u bul di ba leŋ di ba kuhiasin to u hariŋ mu Sizariya, di u ne ŋaa wii cheiba le, di ba bul u teen dime duu nii.

⁶ Fesitis chua Jerusalem le ari tapulaa chori koo fii an-na miira mu Sizariya. U tan si pula, u mu hon sariya didillin an ŋaa ba ken Pool kaa ko. ⁷ Pool si ko, Juu timma-la si lii Jerusalem ko, ba ku gollu chu a bul di wialin Pool si cheye yuga ne siifese, ama ba bi wuo dage ari wialin ba si bula a tigeu le ŋaa wutitiiba. ⁸ Nii ne Pool ma bul wiaa duu laa u titia a bul, "Mi bi Juu tinŋaa naabalimaba wonbii-la ba sŋi to wii-kala cheye, mi bira bi wii ma kala cheye a tige Wia-dia le koo Rom kuori-balin ma le."

⁹ Fesitis ma faa che di Juu tinȚaa chou ne, Ții ne u piese PƆol ari u jan cho duu mu Jerusalem duu dii u sariya dime a tinȚ wiaa deenba ba si bula a tigeu le koo? ¹⁰ Nii ne PƆol si, "Ai, mi jan cho di mi mu kuori-balinȚ teenȚ. U maga di u ne dii mi sariya. Ț titia jima woruȚ ari mi bi wii Țaa chei Juu tinȚaa le." ¹¹ Di mi ne fa Țaa wii chei a mage di ba kpumi, mi faa sei ne, ama di wialinȚ kala ba sii bul Țaa wu-nyariȚ ne, nuu-kala tuo duu wuo jonȚmi he ba nisinȚ le di ba kpumi. Mii sulunȚ di Ț leȚ di mi mu kuori-balinȚ teenȚ duu ne dii mi sariya." ¹² Nii ne Fesitis ari u nihiasinȚ vuure wiaa. Ka u bula pi PƆol a bul, "Na Ț si Ț janȚ mu kuori-balinȚ teenȚ duu ne dii Ț sariya. Ț saa janȚ mu."

PƆol chinȚ Agiripa ari Bennis sipaanȚ

¹³ U bi diene di kuoro kubala ba sii yire Agiripa ari u dihaala ba sii yire Bennis ko di ba chuole Fesitis Sizariya le. ¹⁴ Ba si mu dime tapulaa banȚmene, Fesitis bul PƆol wiaa kala a piba a bul, "Baal kubala ne he daha. Fiilis ne fa kenu kaa to dia. U ha he dime." ¹⁵ Mi si mu Jerusalem, nialinȚ si kpu pusunȚ pipi Wia kuhiasinȚ ari ba nihiasinȚ Juu tinȚaa tuȚȚ ku bul wialinȚ u si Țaa cheiba le, anȚ bul di mi dii u sariya a jonȚ cheerinȚ pu. ¹⁶ Nii ne mi bula piba ari Rom tinȚaa bi sei di ba bul duu cheye ne anȚ jonȚ tiina he u dinȚonȚonȚ nisinȚ le, see di ba kala honȚo, di donȚo bul u wiaa, donȚo ma bul u wiaa. ¹⁷ Nii ne ba ko daha. Ba si ko, mi bi kaa dieni. U tanȚ si pula, mi mu sariya didillinȚ anȚ Țaa ba keȚ baal-la kaa ko. ¹⁸ NialinȚ fa sii bul PƆol teenȚ sii chinȚ a bul wialinȚ PƆol si Țaa chei. Mi fa biina di ba janȚ dage wu-bomȚo-la u si Țaa. Ama ba bi wuo dage. ¹⁹ Wii-la ba si bula ne Țaa wu-kaa-lerii ne ba kaa lere a mu tige ba Wii-chuolunȚ le ari baal kubala si suba, baa yire Yesu. PƆol yie bubul ari Yesu sii suunȚ le a he u miisinȚ le. ²⁰ Mi fa bi jinȚ Ții mi si janȚ to a jinȚ wiinȚ deenȚ tuȚȚ. Nii ne mi piese PƆol ari u janȚ sei a mu Jerusalem di ba dii u sariya dimeȚ? ²¹ PƆol bi seye. U sulmi di mi leȚ di ba benu a kenu kaa mu kuori-balinȚ teenȚ di u dii u sariya. Nii ne mi Țaa ba bibenu. Mi ne ku na worȚbiinȚ, mi janȚ leȚ di ba kenu mu kuori-balinȚ teenȚ di u dii u sariya." ²² Nii ne Agiripa bula pi Fesitis ari u titia cho duu ma nii baal-la niinȚ ne. Nii ne Fesitis bula pu ari u chie janȚ nii u wu-bulunȚ.

²³ U tanȚ si pula, Agiripa ari Bennis mu sariya didiilinȚ. Ba kpiere ba titia woruȚ a mu juu dii-bal-la. Niaa zilba kinȚenȚ. Ba di laali-yuoroo nihiasinȚ ari ni-balaa tanȚ-la le, ba kala ku juu a honȚ donȚo le. Ba kala si honȚ Ții, Fesitis Țaa ba keȚ PƆol ku juu. ²⁴ Nii ne Fesitis bul, "Kuoro Agiripa, ma di nialinȚ kala si he daha, ma na baala deenȚ. U wiaa ne tii Juu timma-la si he daha ari Juu timma-la si lii Jerusalem kala ku wiwalimemi. Baa Țaa gonȚ a bul di u bi maga di u keȚ miisinȚ." ²⁵ Mi-na bi na ari u si Țaa wii-la chei a mage di ba kpuu. Ama u titia ne sulmi ari u janȚ mu kuori-balinȚ teenȚ duu dii u sariya. Mi saa janȚ leȚ duu mu. ²⁶ Ama mi paala bi chaasa jinȚ wii-la kala mi si janȚ ȚmuȚȚa pi kuori-balinȚ a mu tigeu le. Nii ne tii mi kenu kaa ko ma teenȚ di ma nii u wiaa. N-na kuoro Agiripa teenȚ ne mi saa paala kenu kaa ko. Mi biina ari Ț ma ne juu wii-la tuȚȚ, Ț janȚ wuo na wii di mi wuo ȚmuȚȚe teninȚ pi kuori-balinȚ. ²⁷ U bi worȚbii kene mi teenȚ di mi ne leȚe di ba keȚ dansarika kaa mu kuori-balinȚ teenȚ, anȚ bi chaasa bul wii-la kala u si Țaa chei."

¹ Njii ne Agiripa bula pi Pool a bul, “WorŦbiinj he dime di Ŧ bul wiaa a laa Ŧ titia.” Njii ne Pool suomo bul wiaa a jijaake u nisaa a bul, ² “Kuoro, mi jan bul di mi nyuj sima jininj mi si jan wuo bul wiaa a laa mi titia Ŧ sipaan wiaa deenba kala le Juu tinŦaa sŦi bul mi teenj, ³ bee wiaa Ŧ-na paala chaasa jin Juu tinŦaa kisinninj kala ne ari ba wu-kaa-lerinj. Mi saa sulunj di Ŧ keŦ kenyiri anj jegile nii mi teenj.

⁴ Juu tinŦaa kala jin mi fa si nage njii ne a suomi mi hanjbiirinj kala le. Mi fa yie he mi tinŦeenj ari Jerusalem dunjunj le ne a ku waa. ⁵ A lii bunbunj kala a kaa ko mi faa to Farisii tinŦaa paati-la sŦi to worŦbii-duo-la ne la Wii-chuolunj le. Di ba ne seye, ba jan wuo bul ari ba jin njii niinj le faafaa kala ne. ⁶ Ka lele ba lej mi chinj daha di ba dii mi sariya a tinj mi sŦi yiele wii-la Wia si si u jan Ŧaa pi la naabalimaba. ⁷ La Iziral tinŦaa ta-gentisinj fii ari balia-la, la kala yiele wiinj deenj ne, njii wiaa ne tii la fiесе siinj a chuchuole Wia wiiheye ari titaninj kala njii. Mi sŦi yiele wiaa deenba ne tii, Juu tinŦaa bubul mi teenj njii, mi nyina. ⁸ Bee ne tii ma Juu tinŦaa bi wuo laa dii ari Wia jan wuo chise nialinj si suba, di ba bira sii suunj le?

⁹ Mi ma titia fa laa dii ari u maga di mi Ŧaa wii-la kala mi si wuo Ŧaa a chei Yesu si lii Nazaret yirinj. ¹⁰ Njii ne mi Ŧaa Jerusalem le. Mi laa dolunj nialinj si kpu pusunj pipi Wia nihiasinj teenj, anj keŦ Wia niaa yuge a to dia. Di ba ne si di ba kpuba maa, mi yie sei ne, ka ba kpuba. ¹¹ Mi vene doġiseba yuge Wii-chuole diisinj kala le, aa walime di ba bul ari ba bi Yesu jin anj via u worŦbii-la. Mi baaninj sii kinŦen ba nyuj. Mi paala mu tasinj doŦsunj si tuo Juu tinŦeenj le, a to ba naasinj a doġiseba dime.

Pool to njii u si Ŧaa a ku laa Yesu wiaa dii

¹² Wiinj deenj wiaa ne tii mi sii mu Damaasikas. Nialinj si kpu pusunj pipi Wia kuhiasinj tinjmi a pimi dolunj. ¹³ Mi sŦi mu worŦbiinj le mi nyina, ari wiihei-siesee mi na pulumunj duu lii wia nyuj a chaana he la di nialinj fa sŦi venj le. U pulla kii wii-posunj. ¹⁴ La kala tuu tel tinŦeenj. Ka mi nii nuu yiikoro duu bula pimi Hiiburu yiikoro le a bul, ‘Sool, Sool, bee ne tii Ŧ to mi naasinj a dudogisemi njla? Nj nage neej ne ba si voboj anj njumjoo duu venj. U bi sei duu venj anj dudogise u titia ne.’ ¹⁵ Njii ne mi piесе, ‘Kubee ne, Tiina?’ Njii ne Tiina bul, ‘Mi ne Ŧaa Yesu, nii-la Ŧ si to naasinj a dudogise. ¹⁶ Ama sii chinj. Mi keŦ mi titia ku daginj di mi liisinj di Ŧ tinj tinŦinŦaa pimi ne, a Ŧaa mi siada tiina, a bula pi niaa Ŧ si nami njii jininj, ari njii Ŧ si jan bira nami maachie. ¹⁷ Mi jan timinj di Ŧ mu Iziral tinŦaa teenj ari nialinj si bi Juu timma Ŧaa kala teenj. Di ba nu waliminj, mi jan laanj ta ba nisinj le. ¹⁸ Mi jan timinj di Ŧ mu Ŧaa di ba siaa suri, a keŦba di ba birima lii biriminj tuojj a ku juu pulumunj tuojj, a Ŧaa di ba lii Sitaani nisinj le a ko Wia teenj. Di ba ne Ŧaa njii anj laa mi wiaa dii, Wia jan jonj ba haacheba cheba. Ba jan wuo na lerinj Wia si tuosa nialinj tuojj.’

Pool to u tinŦinŦaa naasinj

¹⁹ Njii wiaa kuoro, mi bi yiikori-la si lii wia nyuj wiaa via. ²⁰ Njii ne mi suomo bul Wia wiaa Damaasikas le ari Jerusalem le a kaa mu Judiya tinŦeenj kala, ari nialinj si bi Juu timma Ŧaa tuojj. Mi bula piba di ba birima lii ba haacheba le anj birima to Wia, anj njinŦaa wialinj si jan dage ari ba birima lii ba haacheba le ne. ²¹ Wiinj deenj wiaa ne tii Juu tinŦaa keŦmi Wia-dia le aa che di ba kpumi. ²² Ama ari jininj kala Wia haa pemi le ne, njii ne tii mi chinj daha aa bul wiaa deenba kala mi si Ŧaa siada a pima, ma ni-balaa ari ma ni-biisinj kala. Wiinj deenj mi sŦi bul, u titia ne nialinj fa sŦi bul wiaa, Wia Dinj-zojj-la dolunj le ari Moosis kala fa bul ari wii-la jan

ɲaa. ²³ Ba fa bula ari Kirisito jaŋ na heeɲ a suu, a laa sipaan a sii suuɲ le nialin si suba kala tuoɲ. Ba bira bula pi Juu tinȚaa ari nialin si bi Juu tinȚaa ma ɲaa ba si jaŋ ɲaa ɲii a na pulumuɲ.”

²⁴ Pɔɔl si bul wiaa duu laa u titia ɲii, Fesitis kpiaa le a bula pu a bul, “Pɔɔl, ɲɲ nyaase ne. Ɖ wu-jiɲ kinkeɲ kinkeɲ kenin nyinyaase ne.” ²⁵ Ɖii ne Pɔɔl bul, “Mi bi nyaase mi nyina. Wutitii ne mii bul. Mi siaa kala ne fiela.

²⁶ Kuoro Agiripa, ɲ jin wiaa deenba kala ne. Ɖii ne tii mi wuo bubulba ari nyu-duoɲ. Mi jima ari wiaa deenba kuɲ-kala tuo ɲ si bi jin. Wiaa deenba kala si ɲaa, ba bi wu-faalia ɲaa. ²⁷ Kuoro, ɲ laa nialin sii bul wiaa, Wia Din-zoɲ-la doluɲ le wiaa dii nee? Mi jima ɲ laa dii ne.” ²⁸ Ɖii ne kuoro Agiripa piase Pɔɔl a bul, “Ɖ biina leele-bie deen ɲ jaŋ wuo leɲ di mi laa Yesu wiaa dii a tutou koo?” ²⁹ Ɖii ne Pɔɔl bul, “U ɲaa leele-bie koo u bi leele-bie ɲaa, mii chuole Wia ne di ma di ni-kaana-la kala sii jegile nii mi teen jinin deen, di ma ku nagemi ari mi si laa Yesu wiaa dii ɲii. Ama mi bi che di ma nagemi ari ba si keɲmi vɔɔ ari chorumoɔ ɲla.”

³⁰ Pɔɔl si bul wiaa deenba dere, ɲii ne tinȚeen kuoro ari nii-la si chin kuori-balin nyuɲ ari Beenis ari nialin kala fa si hoɔɔ, ba sii di ba viiri. ³¹ Ba si lii di-jalin ɲii, ba bula pipi doɲɔ a bul, “Baala deen bi wii-kala cheye a mage di ba kpuu koo di ba kenu to dia.” ³² Ɖii ne Agiripa bula pi Fesitis a bul, “Di baala deen fa bi woɲbiin sula ari u jaŋ mu kuori-balin teen duu dii u sariya, mi fa jaŋ bul di ɲ joɲu ta.”

27

Pɔɔl juu liin daboro a duoro mu Rom

¹ Ɖii ne ba vuure di la juu liin daboro a mu Itali. Ba joɲ Pɔɔl he laali-yuoroo kuhian kubala nisin le a pe dansarikaba doɲsuɲ le. U lii Rom ne a fa ɲaa kuhian Rom kuori-balin laali-yuoroo tuoɲ. Baa yiru Julias. ² La mu juu liin daboro si lii taɲ kubala baa yire Adamiitam a ɲaa siri duu mu tasila si he mugi-balin niin Esia tinȚeen le. Baal kubala baa yire Arisitaakis ma fa he la tuoɲ ne. U fa ɲaa Masidoonia tiina ne a lii Tesalonaaka. La si mu ɲii, ³ u taɲ si pula la mu yi taɲ kubala baa yire Saadon. Julias fa keɲ zile Pɔɔl teen a pu woɲbiin duu mu na u naɲdoɲsuɲ, di u nii che kuɲ maa, di ba peɯ le. ⁴ La bira sii dime. La sii mu, di pelin lu lii lee-la la fa si chaasa. La miira mu to tinȚeen kubala liin si gollo chu, baa yire Saapos. La to seme-la si kere pelin. ⁵ La kperɛ to Siliisia ari Panfilia tinȚeen niin, a mu yi lee kubala baa yire Maara. U fa he Laasa tinȚeen ne. ⁶ Dime ne laali-yuoroo kuhian-la na liin daboro doɲɔ duu lii Alekizandia aa mu Itali. U ɲaa la juu. ⁷ La fiela duori ɲii deen deen tapulaa banmene a na heeɲ kinkeɲ, aɲ sisele ku kpaga taɲ kubala baa yire Sinaadas. Pel-la bi seye di la to dime. Ɖii ne la bira kperɛ to tinȚeen kubala liin si gollo chu, baa yire Kiriiti, a ku yi lee kubala baa yire Salimooni. La kperɛ to tinȚee-la seme-la si kere pelin. ⁸ La si kperɛ to lii-la niin ɲii, la na heeɲ woruɲ aɲ-na ku yi lee kubala baa yire Fee Heevins. U fa kpaga taɲ kubala baa yire Lasiya.

⁹ La hoɲ dime a dieni, Juu tinȚaa tapul-bal-la ba si yie kpu pusun pi Wia, duu joɲ ba haacheba cheba, ku kieli. Bua-la le liin duoruɲ yie hei ne. Ɖii ne Pɔɔl bul wiin deen chagileba a bul, ¹⁰ “Mi naanbiirin, mi na ari la woɲbi-la venin jaŋ kperila. Má leɲ di la hoɲ daha. Di la ne si la mu, la liin daboro ari la chugusuɲ jaŋ chei, la doɲsuɲ ma jaŋ suu.” ¹¹ Ama laali-yuoroo kuhian-la fa bi Pɔɔl teen jegile nii, aɲ jegilee nii liin daboro-la kuhian ari liin daboro-la tiina teen. ¹² Ba si lee-la bi zoɲ ari ba si jaŋ

he dime yibiiniŋ le. Ba tuon jesin kala fa cho di ba juu liin daboro-la, a wiwalime di ba ne wuolo, di ba mu yi tan kubala baa yire Fiinis a he dime yibiiniŋ. Fiinis ne fa ŋaa lee-la liin daborusun si yie chin a he Kiriiti tinŋeen. U fa he tan seme ari tan bubuon pege, a bira pin tan seme ari tan nyun pege maa a kere pelin.

Lii-pelin lu mugi-balin le

¹³ Nii ne pelin fiela lu a lii tan bubuon a kuko. Nialin biina ari ba jan na wonbiin a ven ari ba fa si biina nii ba tuon le. Nii ne ba ken hoo-bal-la ba si yie kaa chage liin daboro-la a kaa liise a he liin daboro-la tuon, an duoro kperere to Kiriiti tinŋeen niin nii. ¹⁴ U bi diene di peli-duon faasa lu a lii tan nyun ari wii-posun pege. U lii tinŋeen liin si gollo chu ne a kuko. ¹⁵ U ku nmoo liin daboro-la, la bi pel-la wuo chaase. La bi wii-kala wuo ŋaa. Nii wiaa la len pel-la ken liin daboro-la mu lee-la u si lu mumu. ¹⁶ Nii ne la to lee kubala liin si gollo chu baa yire Kaada, a to u tan seme. U kere pel-la mua. Dime la na heen worun an-na wuo ken liin dabori-bie-la la fa si jonon voo liin daboro-la hariŋ. ¹⁷ Ba lere liin dabori-bie-la ku juu liin daboro-la tuon a ken nmesin vobu, an voo liin daboro-la kala kpan kpan. Fawullun fa kenba ari ba jan vene mu juu hagili-bunbugulo-la tuon si gollu Liibia tinŋeen a pe dime. Nii ne ba ken genni-la ba fa si jonon voo liin daboro-la nyun di pelin kaa ven a kaa ta ba suusa tuu, an len pel-la ken liin daboro-la aa ven. ¹⁸ Pel-la faasa lu nii ne deen deen. Tan si pula ba suomo chaare chugusu-la si he liin daboro-la tuon a yuo tita. ¹⁹ Tan si pula, la titia chaare liin daboro-la kiaa ba si kaa wase liin daboro-la donsun a yuo ta. ²⁰ La tapulaa yuga wia si bi poso, chenwulaa ma bi lia. Ka pel-la ha faasa lu kinŋen. Pel-la si faasa lu nii, la bira bi yela ari la jan ken miisin.

²¹ Nialin diene ba bi kiaa die. Ba si diene ba bi kiaa die nii, Pool sii chin ba sipaan a bula piba a bul. "Mi naanbiirin, u fa maga di ma jegile nii mi teen. Di ma ne fa jegile nii mi teen, la ne fa bi Kiriiti le lia, la kiaa deenba kala si cheye, ba fa bi chei. Kialin kala si lele ma fa bi lel. ²² Ama mii sulma, ma nyire boye. Liin daboro dunŋun ne jan lel, ama ma kun-kala bi jan suu. ²³ Wia-la si tiimi, mi maa chuolu. U tinŋaara dia ko mi teen titanin ²⁴ a bula pimi a bul, 'Pool, si fawullun fa. N jan mu chin kuori-balin sipaan. Wia tin n wiaa ne a len ma di nialin kala si he liin daboro tuon, ma kala jan ken miisin.' ²⁵ Nii wiaa, mi naanbiirin, ma nyire boye. Mi ŋaa Wia yarida ari wii-la kala u si bula, u jan chaasa ŋaa. ²⁶ Ama la ta jan mu chin dunŋoli-bie kubala le ne liin si gollo chu."

²⁷ Pel-la kenla kaa ven nii ne tapulaa fii ari banese mugi-bal-la ba sii yire Adira tuon. U titan-la ari tita-siesee nialin sii duori liin daboro-la, ba biine ari baa mu dunŋolo niin ne. ²⁸ Nii ne ba jon kun he lii-la le di ba magise a na u lunŋun. Ba na duu lunje a mage naakielin mahin balia. Muapilli ba bira magise a na duu ŋaa naakielin mara ari fii. ²⁹ Fawullun fa kenba ari ba jan mu nmoo bun. Nii ne ba chaare hoonu-la ba si yie kaa chichage liin daboro-la a kikii. Ba banese ne ba chaare liin daboro-la hariŋ a chagu kii, an susul Wia di tan-pul di ba na pulumun. ³⁰ Nii ne nialin fa sii duori liin daboro-la lii a chiche di ba fa, an ka liin daboro-la ari ni-kaanaa. Ba liise liin dabori-bie-la a he liin tuon, a fufugi ari baa che di ba lii liise hoo-la ba si kaa chichage liin daboro-la sipaan ne. ³¹ Nii ne Pool jin a bula pi laali-yuoroo kuhian-la ari laali-yuoro-la a bul, "Ma bi jan ken miisin, see

nialin sfi duori liin daboro-la he liin daboro tuon.” ³² Pool si bul nii, laali-yuoro-la keru nmesi-la ba fa si kaa voo liin dabori-bie-la, a len liin jonu viiri.

³³ Tan si kpaga pulun, Pool sul nialin kala si he liin daboro-la tuon di ba dii kaaa a bul, “Tapulaa fii ari banese ne nla ma sfi gberu wii-la si jan naama. Ma bi kun-kala die. ³⁴ Nii wiaa mii sulma di ma dii kaaa. Di ma ne dii kaaa, ma jan ken dolun a wuo laa ma titia a ken miisin. Ma kun nyu-pun ma bi jan wii.” ³⁵ Pool si bul nii dere, u jon boroboro, a chuole Wia ba kala sipaan, an choge didii. ³⁶ Ba nyire boye, ba kun-kala ma dii kudiilee. ³⁷ La nialin kala fa si he liin daboro-la tuon fa naa zo-balia ari mahin batori ari fii ari balidu ne. ³⁸ Ba kala si dii kaaa voge, ba chaare mia-la fa si he liin daboro-la le a ta, di liin daboro-la si faasa yun.

Liin daboro ka chei ne

³⁹ Tan si pula, nialin sfi duori liin daboro-la bi wuo jin di ba yi dundolo-la niin ne, ka ba yi. Ba na di tinteen ne golli lii-la chu, lii-la bi jal. Lee-la kala taale. Ba biina ba jan wuo ken liin daboro-la a lii lii-la niin. ⁴⁰ Nii ne ba keru hoo-bala-la ba fa si yie kaa chichage liin daboro-la a lo he liin le. Ba ken nmen-la ma puri ba si kaa voo danyine-la ba fa si kaa kukuosi liin, a didage liin daboro-la wonniin. Ba bira wasa ken genni-la maa ba si kaa voo liin daboro-la sipaan, di pelin ken liin daboro-la viven. Ba wasa kaa ta ba jil a voo, di pelin kaa vene mu lii-la niin. ⁴¹ Ama liin daboro-la fa mu juu hagili-bunbugulo tuon fuo-balaa balia si ku chen dono a kuro bil. Daboro-la sipaan muure, u bi wuo ven, an ka pel-bal-la naa lii-pelin ku nmoo liin daboro-la, a naa u harin kala bori. ⁴² Nii ne laali-yuoro-la vuure di ba kpu danarikaba-la kala, di ba kun-kala si wuo lii a duori lii-la a fa lel. ⁴³ Ka laali-yuoro kuhian-la faa che duu laa Pool ta, nii ne u bula piba di ba si nii naa. U ta bula piba ari nialin kala si jin liin a he liin daboro-la tuon, di ba laa sipaan fula tuu a duoro mu lii-la niin, ⁴⁴ an ka di ni-kaana-la ma tuu, di donsun paa daa-borusun, di donsun ma paa liin daboro-la dabori-yerie-la, a ma kaa duori liin lii. Nla ne la kala naa a lii lii-la niin.

28

Pool he Malita le

¹ La si lii liin niin a laa la miisin nii, la na ari tinteen ne liin gollo chu nii. Nialin si he lee-la bula pila ari tintee-la yirin ne Malita. ² Nialin kenla worun lee-la, a pela le kinken. La si he dime nii, duonun suomoninii. Lerin fiela worun. Ba he nyinin pila la wiwieni. ³ Pool mu jaa daasin a kaa ku he nyinin le, di dimin he daasi-la le. Wulimin ken din-la u ku lii a dima pe Pool nisin le. ⁴ Nialin si he lee-la na di din-la dima pe Pool nisin le nii. Ba bula pipi dono a bul, “U naga baala deen ka kpu niaa ne. U wuo lii liin tuon a ken miisin, ama Wia bi seye duu ken miisin.” ⁵ Nii ne Pool ken din-la kpesi u tel nyin-la tuon, ama din-la si dimu nii, u buu wii-kala naa. ⁶ Ba faa gberu din-la si din Pool nii duu nmeru, koo duu guu tele suu, di ba na. Ba gberu a dieni. Ba si gberu a dieni nii, ba bi na ari wii-kala naa le. Ba ken ba tuobiinaa birime a bul duu naa vene ne.

⁷ Tintee-la kuoro yirin ne fa Publias. U bagisin ma fa kpaga lee-la ne. U kenla kaa mu u lerin, a kenla worun tapulaa batori. ⁸ Kuoro-la nyimma faa wiile ne a pin dia le. U yaraa fa lima ne, an ka u ninigile. Nii ne Pool juu nau u dia le a jon u nisin danu le a chuole Wia pu, u duori. ⁹ Pool fa

si ũaa ũii, puwuolo-la kala fa si he lee-la ko Pooł teenj. U ũaa ba duori. ¹⁰ Ba pila choġitaba yuge. Bua-la le la sii che di la sii juu liinj daboro a duoro viiri, ba jonj kialinj kala la sii che a he liinj daboro-la le di la kaa jonj wonjbiinj.

Pooł lii Malita le a mu Rom tinjteenj

¹¹ La he dime cheũsinj batori ne anj sii juu liinj daboro a lii Alekizandja. Liinj daboro-la yirinj ne venj-daalierinj. Yibiiniinj fa si suomo, ba fa voo liinj daboro-la a bil ne liinj niinj. ¹² La sii mu ũii, la mu yi tanj kubala baa yire Sirakas, a chua dime tapulaa batori. ¹³ La bira lii dime a juu liinj daboro, a duoro mu tanj kubala baa yire Riigiam. U tanj si pula, pelinj bira suomo lu a lii tanj bubuonj. U tapulaa balia cheeũj ne la ku yi tanj kubala baa yire Putooli. ¹⁴ La na nialinj doũsunj si laa Yesu wiaa dii dime. Ba si, di la chua ba teenj tapulaa balipe. La chua. ũii ne la bira lii dime a mumu Rom. ¹⁵ La naanjiiri-la si laa Yesu wiaa dii Rom le nii la wiaa ari laa ko ne. Ba ku cheũla di-bolii. Ba doũsunj cheũla lee kubala baa yire Apias Yooo. Doũsunj ma cheũla lee-la ba sii yire Diisinj batori Nuhuora a sii chua dime. Pooł si naba, u lolle Wia anj nyire u boye.

Pooł he Rom le

¹⁶ La si yi Rom, ba pi Pooł wonjbiinj duu juuu u dunđuũa dia, ka ba ũaa laali-yuoro kubala bibenu. ¹⁷ U tapulaa batori cheeũj Pooł yire Juu tinjũaa kuhiasinj tanj-la le ba ku hilimi. Ba si ku hilimi ũii, u bula piba a bul, "Mi naanjiiriinj, mi bi wii-kala ũaa chei la niaa le, mi bi la naabalimaba kisinninj ma cheye. Ama ba keũmi a to dia Jerusalem le, anj bira jonjmi a he Rom tinjũaa nisinj le ũla. ¹⁸ Ba piesemi a na ari mi bi wii-kala cheye a mage di ba kpumi. ũii ne tii ba chiche di ba jonjmi ta. ¹⁹ Ama Juu tinjũaa bi seye di ba jonjmi ta, ũii ne fugemi mi sul wonjbiinj di ba keũmi kaa ko kuori-balinj teenj duu dii mi sariya. Ama mi-na bi wu-bonj kala kene di mi bul a mu tige mi niaa Juu tinjũaa le. Ba ne fugemi mi ko kuori-balinj teenj. ²⁰ ũla ne tii mi si mi janj nama di la bul wiaa. Ba keũj choũrumoo deenba vooũi a tinj nii-la wiaa ma Iziral tinjũaa sii yiele ari u janj ko le ne." ²¹ Pooł si bul ũii, ba bula pu a bul, "La bi tenj kala laa a lii Judiya a mu tige ũ le. La naanjiiriinj kubala ma bi lee-la lii ko a ku bul wu-bonj a tige ũ le. ²² Ama la jima ari lee-na kala niaa yie bubul wu-bonjoo a mu tige paati-la ũ sii to ne. ũii ne tii la chiche di la nii wialinj ũ si laa dii."

²³ ũii ne ba he tapulunj pi Pooł. Tapulii-la si yie, niaa yuga a ko lee-la Pooł sii juu. Pooł bul Wia kuorii-la wiaa a pipiba siifiesinj a lii chichuonj kala a kaa mumu didaaninj. U karime wialinj Moosis fa si ũmuũsa bil di niaa tuto, ari nialinj fa sii bul wiaa, Wia Diũ-zonj-la dolunj le fa si ũmuũsa bil Wia teninj tuonj. U dageba ũii a bul Yesu wiaa piba, a wiwalime di ba laa Yesu wiaa dii. ²⁴ Nialinj si nii wialinj u si bula, ba doũsunj laa dii, doũsunj ma bi laa dii. ²⁵ Wiaa deenba ne Pooł bul, ka ba keũj wiaa lere doũo le a sii viiri. U bula piba a bul, "Wialinj Wia Diũ-zonj-la si to Azaaya le ũii a ũii u bula pi ma naabalimaba, ba ũaa wutitii. Azaaya fa ũaa nii-la fa sii bul wiaa u dolunj le ne. ²⁶ U fa bula a bul, 'Mu niaa deenba teenj a bula piba a bul, Ma janj jegile nii wiaa anj bi ba bubuonj jinj.

Ma janj chaare ma siaa kala anj bi kuũ-kala janj na,

²⁷ bee wiaa niaa deenba nyunj dolie,

ba to ba digilaa di ba si wii nii.

Ba keũj ba siaa ma to di ba si kuũ-kala na.

Wia si, di Ții dee ba siaa fa jaȚ nina,
 ba digilaa ma fa jaȚ ninii wiaa.

Ba nyusuȚ ma fa jaȚ jiiȚ wiaa bubuɔsaa.

Ba fa jaȚ birima tomi
 di mi Țaa di ba duori.' "

²⁸ Ții ne Pɔɔl bira bula piba a bul, "U maga di ma jiiȚ ari baa bul Wia wu-zɔmɔ-la si laa niaa tita a pi nialii si bi Juu tinȚaa Țaa ne. Ba jaȚ jegile nii." ²⁹ Pɔɔl si bul wiaa deenba deɛ, Juu timma-la keȚ wialii lileɛ dɔȚɔ le siifesiȚ, a sii viiri.

³⁰ Pɔɔl hɔȚ Rom le jisiiȚ balia, a Țɔɔ u dia u titia le a juuu. Nuu-na kala si kɔ duu nau, u yie kenu woruȚ ne. ³¹ U bul Wia kuorii-la wiaa a pi niaa, a dage la Tiina Yesu Kirisito ma wiaa ari nyu-duoȚ. Nuu-kala buu tɔ ari u siȚ Ții Țaa.

TEN-LA PƆƆL SI NŊMUNSA PI ROM TINŊAA

¹ Mi-na PƆƆl, si ɲaa Yesu Kirisito tinŋinna, mi nii ɲmunɲe teniɲ deenɲ a pipi ma Rom tinŋaa. Wia ne yiremi mi ɲaa u nanɲɔɔ. U liisemi di mi bul u wu-zomɔ-la a pi niaa ne. ² Wia to nialinɲ sii bul wiaa, Wia Diɲ-zɔɲ-la dolunɲ le ne faafaa kala a bula piba di u janɲ leɲ di ba bul u wu-zomɔ-la a pi niaa. Ba ɲmunɲe ɲii ne Wia teniɲ tuɔɲ. ³ Wu-zɔɲɲɔɔ deenɲba tige la Tiina Yesu Kirisito le ne. U ɲaa Wia Bii ne a ɲaa nuhuobiɲ maa. U ɲaa la naabalima kuoro Devit nihii ne. ⁴ Ama Wia si chisu suunɲ le ɲii, u ɲii wuo dage ari u ɲaa Wia Bii ne, a keɲ dolunɲ a keɲ Wia Diɲ-zɔɲ-la si keɲ tuɔ-pula maa. ⁵ U lahorimo le Wia leɲe mi ɲaa u nanɲɔɔ a bul u wu-zomɔ-la wiaa a pi dunia niaa kala, di ba laa dii a to Yesu niɲ a wuo zil u yirinɲ.

⁶ Ma ma Rom tinŋaa he niaa deenɲba tuɔɲ ne. Wia liisema ne di Yesu Kirisito tiima. ⁷ ɲii wiaa mi ɲmunɲe teniɲ deenɲ pipi ma nialinɲ kala si he Rom le, ma nialinɲ Wia si cho a liisema di ma ɲaa tuɔ-pul tinŋaa. La Nyimma Wia ari la Tiina Yesu lahorimo le, ba janɲ pema le di ma hoɲ ari yarifiɛlaa.

PƆƆl sul Wia, Rom tinŋaa wiaa

⁸ Wii-la mi si keɲe di mi laa sipaanɲ bul ne ɲla: Mi to Yesu Kirisito le aa lolle Wia ma kala wiaa, beɛ wiaa dunia nuu-kala nii ma yarida wiaa ne. ⁹ Wia-la mi si timaa pa ari mi tuɔ-bala aa bul u Bie wu-zomɔ-la wiaa, u ne ɲaa mi siada tiina ari bua-na kala le di mi nii chuɔlu, mi yie liliisi ma wiaa ne. ¹⁰ Mi yie sulu a chiche wonɲiinɲ di mi ku nama. Duu ne seye, mi janɲ ku nama leɛle. ¹¹ Mi cho di mi ku nama ne ari siiffesinɲ, a pema le ari kialinɲ Wia Diɲ-zɔɲ-la sii che duu joɲo pima di ma dol. ¹² Wii-la mi si bul ne ɲla: La janɲ pipe doɲo le. Mi si ɲaa yarida ɲii janɲ leɲ di ma nyunɲ nyaase. Ma ma si ɲaa yarida ɲii janɲ leɲ di mi ma nyunɲ nyaase.

¹³ Mi naanɲbiirinɲ, mi cho di ma jinɲ, ari mi walima walima di mi ku nama ne, ama wii ne yie tii mi bi ko. Mi cho di mi ɲaa di niaa lii ma tuɔɲ ne a ku to Wia, ari mi si ɲaa ɲii nialinɲ doɲsunɲ si bi Juu tinŋaa ɲaa le. ¹⁴ U maga di mi tinɲ Wia tinŋinna niaa tuɔɲ. Giriik tinŋaa ari nialinɲ kala si bi Giriik tinŋaa ɲaa, wu-jinnaa ari nialinɲ si bi wiaa jinɲ, ba kala tuɔɲ ne u maga di mi tinɲ Wia tinŋinna. ¹⁵ ɲii ne tii mi cho di mi bul Wia wu-zomɔ-la a pi ma nialinɲ si he Rom tinŋeenɲ le.

Wia wu-zomɔ-la keɲ dolunɲ

¹⁶ Mi bi hiisinɲ ka fa di mi bul Wia wu-zomɔ-la, beɛ wiaa u ne ɲaa Wia dolunɲ. Nialinɲ si ɲaaba yarida, Juu tinŋaa ari nialinɲ si bi Juu tinŋaa ɲaa kala, Wia janɲ laaba ta. ¹⁷ Wia wu-zomɔ-la dage ɲii Wia si ɲaa niaa wuo keɲ tuɔ-pula u sipaanɲ. U daga ari nialinɲ si keɲ yarida, ba keɲ tuɔ-pula u sipaanɲ, di ba wuo chinɲ ba yarida naanɲ le a mu dere. Ba ɲmunɲe ɲii ne Wia teniɲ tuɔɲ a bul, "Nii-la kala si ɲaa Wia yarida, u tiina ɲaa tuɔ-pul tiina ne Wia sipaanɲ, u janɲ keɲ miisinɲ."

Wia baaniɲ sii ni-boɲɲɔɔ le

¹⁸ Wia baaniɲ sii ni-boɲɲɔɔ ari nialinɲ si bi u niɲ wiaa ka to le ne, beɛ wiaa ba wu-ɲaalaa nyage wutitii-la bil ne. ¹⁹ Wialinɲ niaa si maga di ba

jin a tige Wia le, ba wonjbiin chaasa pin ne. Wia ne dageba. ²⁰ La bi Wia nagisij wuo jin. Ama la wuo chaasa na nii u si ken dol-la si bi dere. U bi nuhuobiine naga. U dagela wiaa deenba, a suomi bua-la le u si njaa dunia a kaa kuko jini. Kialij kala u si njaa dagela nii. Nii wiaa ni-bonjoo deenba bi jan wuo bul ari ba bi jin. ²¹ Ba jin Wia ne, ama ba buu zil ari u njaa Wia. Ba buu ka lolle. Ba tuobiinaa kala birima ne ba njjaa wu-liilij. Ba tuobiin-lorunu-la kenba kaa mu he birimij tuon. ²² Ba to ba yaarij le a bul ari ba ken wu-jimij ne. ²³ U fa maga di ba chuchuole Wia-la si ken yirij an bi suu. Ka ba via an miira me kaa si nage nuhuobiinee a susuu, a bira me kialij si nage diibiisij ari pusun ari kialij sii tuuri tinteen, a chuchuole.

²⁴ Nii wiaa Wia jonba ta ba tuto ba titia tuobiin-lorunu-la ba sii cho, a njjaa wu-liilij donjo le. ²⁵ Wutitii-la ba si jima a tige Wia le, ba jonu lenni wu-nyarij, a miira chuchuole kialij u si njaa, an via di ba chuchuole Nii-la si njaaba. U maga di la didennu a kaa mu wuu.

²⁶ A tinj nii wiaa, Wia jonba ta ne di baa nja wu-liilij a hihise ba titia. Haalaa ma via di ba di ba balaba pipij, an pipij ba ha-donsun teen. ²⁷ Nii titia ne baalaa ma via di ba jaa haalaa ari Wia si si ba njaa nii, an miira ken ba ba-donsun pipij a hihiene donjo, a njjaa hiisi wiaa donjo le. Ba sii njaa nii, baa dogise ba titia ne nii. Dogisunu-la mage ba yaraa le.

²⁸ Njaa deenba bi sei di ba jin Wia. Nii ne nii Wia lenba ta ba tuto ba tuobiin-bonjoo-la harin a njjaa wialij si bi maga di baa njaa. ²⁹ Baa nja wu-bon yiri-yiri-na kala ne. Ba ken nja kaa lilaa, aa nja wu-lorunun, a ken yaribierij, a kpukpu nja, a yuyuo yuosun, a gigirime nja, a nja wiaa juuu nja le, a bubul nja wiaa. ³⁰ Ba nja yiri-cheere ma ne, a bere Wia, a nja nii-jigi timma. Ba maa dage ba titia a bibigisi ba titia le. Ba yie chiche wonjii-la ba si jan to a nja wu-bonjoo. Ba bi ba nyimmaba ari ba naanba niij ka to. ³¹ Ba bi wu-jimij kene, a bi wutitii ma kene. Ba bi nja cho, a bi donjo ma nennige ka fa.

³² Ba jin wialij Wia si bula a tige wu-njaalaa deenba le ne. U bula ari nialij sii nja wiaa deenba, ba maga di ba suu ne, an ka ba via an njjaa. Nii ma dunjuna dee. Ba paala bibese nialij ma sii nja wialij le ne.

2

Wia sariya che-diilij

¹ Ma bi woruj ka nja ma si jon cheerij pipi ma donsun tinjaa, ka ma nialij sii bul nja teen a bul di ba cheye ne, ma njjaa wu-bom-la titia. Nii-la-na kala ma si nja, di ma nii nja wu-bom-la, ma bira bi wii-kala kene di ma bul. Ma sii njaa nii, ma titia laa cheerij ne nii le. ² Wia si jon cheerij pi ma nialij sii nja wu-bonjoo deenba, la jima ari u ken wutitii ne. ³ Ama ma-na si jon cheerij pi nja an njjaa wu-bonjoo deenba ma titia le, ma biina ari ma jan wuo fa lel Wia nisij le duu si ma sariya dii koo? ⁴ Wia si ken zile kinjen a ken kenyiri nii, ma bene ari u bi kuj nja? Ma bi jin ari Wia si ken zile nii, duu che di ma birima lii ma haacheba le ne? ⁵ Ma tuon dolie. Ma via di ma birima lii ma haacheba le. Ma wasa nja Wia baanij faasa sisii ne. Tapulii-la u si jan dii dunia nja sariya, u jan dii sariya ari wutitii di nja na. Bua-la le u baanij jan sii ma nyun kinjen kinjen. ⁶ U jan tinj nuu-kala u time a mage nii u si tinj u tintinjaa mage. ⁷ Nialij si ken kenyiri aa nja wu-zonjoo, a njaa nii a chiche di ba na pulumun a laa yirij Wia sipaan, a chiche miisi-la si bi dere, Wia jan

jonjo piba. ⁸ Ama nialin sii to ba titia tuɔɔɔrun le an via wutitii-la, an tuto wu-bɔŋŋɔɔ ŋaaniŋ le, Wia jan na baaniŋ ba nyuŋ kinkeŋ di ba na heeŋ. ⁹ Nuu-na kala sii ŋaa wu-bɔŋŋɔɔ, heeŋ jan kenu. Hee-la jan laa sipaan keŋ Juu tinŋaa ne, an-na ku keŋ nialin si bi Juu tinŋaa ŋaa maa. ¹⁰ Ama nuu-na kala sii ŋaa wu-zɔŋŋɔɔ, u jan na pulumun Wia sipaan, a laa yirin, a hoŋ ari yarifiɛlaa, Juu tinŋaa ne jan laa sipaan, an ka nialin si bi Juu tinŋaa ŋaa tuto, ¹¹ bee wiaa Wia bi niaa kaa pore.

¹² Wiaa ne Moosis fa ŋmuŋsa bil di niaa tuto. Nialin si biba jin an ŋŋaa wu-bɔŋŋɔɔ, ba jan suu. Di ba ne suba, wialin dee Wia jan kaa dii ba sariya. Nialin ma si jin wialin Moosis si ŋmuŋsa bil di niaa tuto an ŋŋaa wu-bɔŋŋɔɔ, di ba ma ne suba, Wia jan to wialin le ne a dii ba sariya. ¹³ Nialin si nii wialin Moosis si ŋmuŋsa bil di niaa tuto, u nii bi jan ŋaa di ba keŋ tuɔ-pula Wia teen. Ama nialin sii to wialin Moosis si ŋmuŋsa bil di niaa tuto, ba ne jan keŋ tuɔ-pula Wia sipaan. ¹⁴ Nialin si bi Juu tinŋaa ŋaa, ba bi wialin Moosis si ŋmuŋsa bil di niaa tuto jin. Ama di ba tuɔbiinaa ne daga di ba ŋaa wialin titia Moosis fa si daga di niaa tuto, ba bil niin ne nii ba titia le, ari ba si bi wialin Moosis si ŋmuŋsa bil di niaa tuto jin kala. ¹⁵ Nii daga ari wialin Moosis fa si ŋmuŋsa bil di niaa tuto, ba he ba tuɔbiinaa tuɔŋ ne. Ba tuɔbiinaa ne dage nii. Di ba ne cheye, ba tuɔbiinaa yie dageba ne. Di ba ne bira bi cheye maa, ba tuɔbiinaa bira yie dageba ne. ¹⁶ U jan nage nii tapulii-la Wia si jan dii niaa sariya. Ba dage nii ne Wia wu-zɔɔ-la tuɔŋ mi si bula pima. Chee-la Wia jan keŋ wialin niaa si kaa faa a kaa ku lii pulumun tuɔŋ, a to Yesu Kirisito le a dii ba sariya.

Juu tinŋaa ne jin wialin Moosis fa si ŋmuŋsa bil di niaa tuto

¹⁷ Ka ŋ-na nii-la si keŋ ŋ titia yiyire Juu tiina a jjegili wialin Moosis fa si ŋmuŋsa bil di niaa tuto, a bibigisi ŋ titia le ari ŋ jin Wia ne, ¹⁸ ŋ jin wii-la Wia si cho di ŋ ŋŋaa ne. Ba dagan wialin Moosis si ŋmuŋsa bil ne, nii ne tii ŋ jan wuo jin wii-la si zɔɔɔ. ¹⁹ N jima ari ŋ ne ŋaa nyulimaa daa-kenne a wuo pipi nialin ma si he birimin tuɔŋ pulumun. ²⁰ N ne ŋaa nii-la sii dage nialin si bi wiaa jin, aa dage hanbiisin maa. Wialin Moosis si ŋmuŋsa bil di niaa tuto ŋaa ŋ keŋ wu-jimin ne a jin wutitii.

²¹ N-na nii-la sii dage niaa, ŋ bi ŋ titia ka dage? Nŋ dage niaa di ba si gaa, an titia gigaa. ²² N-na nii-la si si di niaa si ba doŋsun haalaa che, an titia chiche niaa haalaa. N si ŋ bere vuiaa ne, an mu gigaa kiaa vuiaa diisin le. ²³ N-na bigisi ŋ titia le ari ŋ jin wialin Moosis si ŋmuŋsa bil di niaa tuto ne, an chichei wialin a hihise Wia. ²⁴ Wia tenin tuɔŋ ba ŋmuŋse nii ne a bul, "A tin ma Juu tinŋaa wiaa, nialin si bi Juu tinŋaa ŋaa tuuse Wia jonŋoo."

²⁵ Di ma nii keri ma penee an tuto wialin kala Moosis si ŋmuŋsa bil di niaa tuto, ma penee kerin keŋ bubuɔŋ ne, ama di ma nii chei wialin Moosis si bile, u naga ari ma bi ma penee kere. ²⁶ Di nii-la si bi u penin kere nii to wialin Moosis si ŋmuŋsa bil di niaa tuto, ma bi jin ari Wia jan benu ari u keri u penin nee? ²⁷ Nii wiaa nialin si bi ba penee keri an tuto wialin Moosis si ŋmuŋsa bil di niaa tuto, ba jan jon cheerin pima. Ma niaa deenba jin wialin Moosis si ŋmuŋsa bil ne a kikeri ma penee maa, an ka ma chichei wialin. ²⁸ N yaraa wu-ŋaalaa dee bi ŋaa ŋ ŋaa Juu tiina. N si keri ŋ namia ma ta dee bi tii. ²⁹ Ama nii-la si ŋaa Juu-titii, u tuɔŋ wu-ŋaalaa le ne tii u ŋaa Juu tiina. Nii-la si keŋ tuɔ-pula, u ne nii-la si keri u penin. Wia Din-zɔŋ-la ne jan wuo ŋaa nii pin, ŋ si keri ŋ yaraa namia ta dee. Wia ne jan bese u tiina le, nuhuobiine dee bi jan beseu le.

3

1 BEE NE saa Juu tinŋaa kaa kii nialin si bi Juu tinŋaa ŋaa? Ba sii keri ba pene-la maa, u bubuon ne bee? 2 Wiaa yuga ne Juu tinŋaa kaa kii nialin si bi Juu tinŋaa ŋaa. Wialin kala tuon wu-balin ne ŋla: Juu tinŋaa ne Wia jon u niin wiaa pa. 3 Ka di Juu tinŋaa doŋsun ne bi Wia niin wialin yarida ŋaa, u jan wuo lej di Wia si wutitii keŋ koo? 4 Ai. Di niaa kala ne paala ŋaa wu-nyiaraa maa, Wia-na jan keŋ wutitii. Ba ŋmunŋe ŋii ne Wia tenin tuon a tige Wia le. Ba si,

“U maga di ba na di wialin ŋ sii bul ŋaa wutitii ne,
di ba ne jon cheerin pipin maa, di ŋ kaa ha sin.”

5 Ka di la wu-bomola la si ŋaa, di ba nii che di ba dage di Wia keŋ wutitii, bee ne laa che di la bul? Mii che di mi bul nuhuobiine tuobiinaa wiaa ne a piese: Di Wia ne doŋisela a tin la wu-bonŋoo wiaa, u kaa bi sin u si ŋaa ŋii, koo? 6 Nii dee. Di Wia ne fa bi wutitii kene, ee ne u fa jan wuo dii dunia niaa sariya? 7 Ama di mi wu-nyari-la ne wuo lej di Wia wutitii-la chaasa chin a laa yirin puu, bee ne ti saa u jan dii mi sariya a bul di mi ŋaa haache tiina ne, a jon cheerin pimi? 8 Di ŋii ne fa, mi fa jan bul di ma lej di la ŋaa wu-bonŋoo a na wu-zonŋoo. Niaa doŋsun paala tuusela ne an bul di la dage di nuu ŋaa wu-bonŋoo, u jan na wu-zonŋoo. Wia jan jon cheerin pi niaa deenba. U ne ŋaa ŋii, u kaa jan sin.

Nuu-kala bi tuo-pul tiina ŋaa Wia sipaan

9 Ee ne saa? Ma biina la Juu tinŋaa kpia nialin si bi Juu tinŋaa ŋaa nee? Ai, la biba kpia. Mi laa sipaan bul ari nialin si ŋaa Juu tinŋaa ari nialin si bi Juu tinŋaa ŋaa kala, ba ŋaa haache timma ne. 10 Ba ŋmunŋe ŋii ne Wia tenin tuon a bul,

“Nuu-kala bi tuo-pul tiina ŋaa Wia sipaan, ni-bala ma bi tuo-pul tiina ŋaa.

11 Nuukala siaa bi suro duu jin Wia wialin bubuon, nuukala ma bi Wia bee chiche.

12 Nuukala jon harin yia Wia ne a kala ŋŋaa wu-bonŋoo.

Nuukala bi wu-zon ka ŋaa. Ni-bala ma tuo.

13 Ba niin wu-bulaa nage buo-surun sii suore ŋii ne.

Ba bul wiaa nyinyise niaa.

Wii-kala ba si yie bul keŋ huon ne a nage dimin huon.”

14 “Ba yie ŋmiesa hihe niaa le, a nina baanin niaa nyun kinkeŋ.”

15 “Ba baanin bi diene an sisii. Di ba baanin ne sie, ba yie fa lima lima a mu kpukpu niaa.

16 Di ba ne mu lee-na kala, ba yie chei lee-la ne a ŋaa niaa tuosaa chei.

17 Ba bi jin ba si jan ŋaa ŋii di ba di niaa sin.”

18 “Ba bi Wia ma ka fa.”

19 La jima ari wialin Moosis si ŋmunŋa bil di niaa tuto, duu ne dage wii-kala, nialin sii to wialin ne u daga pipa. Nii wiaa nuu-kala bira bi jan wuo bul wii-kala, dunia nuu-kala jan laa cheerin Wia sipaan. 20 Nuukala bi jan wuo to wialin Moosis si bile le a wuo keŋ tuo-pula Wia sipaan. Wialin Moosis si bile di niaa tuto ne dagela la jin ari nuu-kalaa ŋaa haache ne.

Nuu-kala si laa Yesu wiaa dii keŋ tuo-pula Wia sipaan

21 Ama leele Wia suri wonbiin ne di niaa to a keŋ tuo-pula u sipaan. U wonbii-la bi wialin Moosis si bile le lia. Ama wialin Moosis si bile ari wialin nialin fa si bula, Wia Din-zon-la dolun le, ba kala fa bul wonbii-la wiaa ne. 22 Nialin si laa Yesu Kirisito wiaa dii, nialin si ŋaa Juu tinŋaa koo nialin si bi Juu tinŋaa ŋaa kala, ba ne jan keŋ tuo-pula u sipaan. U biba

kaa pɔre, ²³ bɛɛ wiaa nuu-kala keŋ haache ne a bi Wia wuo china kpikpage. ²⁴ Ama Wia laħorimɔ ɛ ba keŋ tuɔ-pula ne u sipaan. Yesu Kirisito ne laaba ta a ŋaa ba ŋaa tuɔ-pul timma Wia sipaan. U ŋaa nii chɔgita ne. ²⁵ Wia leŋe Yesu Kirisito suu a joŋ u chaliŋ jaase, di Wia joŋ u baaniŋ ta, baan-la u fa si na a tiŋ la haacheba wiaa, aŋ joŋ la haacheba a chela. Nii-la kala si laa Yesu Kirisito wiaa dii jaŋ laa chɔgita deen. Wia keŋ wutitii a dage nii ari u fa keŋ kenyiri ne, a bee kieli nuhuobiinee haache. ²⁶ Lɛɛɛ Wia bira bi nii ka ŋaa. U dage niaa kala haacheba a piba ne. Ama u dage duu keŋ wutitii, bɛɛ wiaa di nuu-kala ne laa Yesu wiaa dii, u jaŋ keŋ tuɔ-pula Wia sipaan.

²⁷ Wu-bɛɛ ne saa la jaŋ kaa bigisi la titia le? Wii-kala tuo. Bɛɛ ne tii? Wu-zomɔ-la la si ŋaa ne tii? Ai, ama la yarida ne tii la bira bi wii-kala keŋe di la bigisi la titia le. ²⁸ La ŋaa yarida ari nuu jaŋ wuo na tuɔ-pula Wia sipaan a tiŋ u si laa Yesu dii le. Di la nii to wialiŋ Moosis si bile, la bi jaŋ wuo keŋ tuɔ-pula deen Wia sipaan. ²⁹ Ma biina ari nialiŋ si ŋaa Juu tinŋaa dunɗa ne jaŋ wuo to Wia? Ai. Nialiŋ si bi Juu tinŋaa ŋaa ma jaŋ wuo tou. ³⁰ Wia si ŋaa kubala, u jaŋ leŋ di nialiŋ sii keru ba penee keŋ tuɔ-pula a tiŋ ba si laa Yesu wiaa dii wiaa. Nialiŋ ma si bi Juu tinŋaa ŋaa, u jaŋ leŋ di ba ma keŋ tuɔ-pula a tiŋ ba ma si laa Yesu wiaa dii wiaa. ³¹ La saa jaŋ wuo joŋ wialiŋ Moosis si bile a ta, a tiŋ la yarida wiaa koo? Ai, la yarida-la leŋe Moosis si bil wialiŋ wasa zɔŋ ne.

4

Abiraham si laa Wia dii ne tii u keŋ tuɔ-pula Wia sipaan

¹ Wu-bɛɛ ne saa la keŋ di la bul a tige la naabalima Abiraham le, nii-la le la kala si to a ku ŋaa u nihee? ² Di Wia ne fa leŋe u keŋ tuɔ-pula u sipaan a tiŋ u wu-zomɔ-la u si ŋaa le, u fa jaŋ wuo bibigisi u titia le, ama Wia teen de. ³ Wia teniŋ tuɔŋ ba bula ari Abiraham laa Wia dii ne. U yarida-la ne tii Wia ŋaa u keŋ tuɔ-pula u sipaan. ⁴ Di nuu ne tiŋ tinŋaa, u maga di ba timu ne. Ku-la ba si joŋo timu, u bi naga ari chɔgita ne ba joŋo pu. U tima ne a laa. ⁵ Ama nii-la si bi wu-zɔŋɔɔ ka ŋaa aŋ ŋaa Wia yarida, a laa dii ari Wia jaŋ wuo ŋaa di nii-la si ŋaa wu-bɔŋɔɔ na tuɔ-pula u sipaan, u yarida-la jaŋ ŋaa duu keŋ tuɔ-pula Wia sipaan. ⁶ La naabalima Devit ma fa bul nii ne. U si di Wia ne leŋe di nuu keŋ tuɔ-pula u sipaan, ka u bi nii ŋaa a tiŋ u tiina wu-zɔŋɔɔ ŋaaniŋ le, u tiina tuɔŋ jaŋ tɔre. Nla ne Devit bul:

⁷ “Nialiŋ wu-bɔŋɔɔ Wia si joŋo cheba a keŋ ba haacheba faa, nuu-kala bira bi na a kaa mu wuu, ba tuɔŋ jaŋ tɔre.

⁸ Nii-la ma Wia si bi u haachebaa beŋ, u ma tiina tuɔŋ jaŋ tɔre.”

⁹ Tuɔtɔruŋ deen wiaa saa Devit si bula, u ŋaa nialiŋ sii keru ba penee dunɗa kuŋ nɛɛ? Ai, nialiŋ ma si bi ba penee keru, ba ma tiuu ne. La laa sipaan bul ari yarida ne tii Abiraham keŋ tuɔ-pula Wia sipaan. ¹⁰ Bua bɛɛ le ne Wia ŋaa wiin deen Abiraham le? U ŋaa nii bua-la le duu keru u peniŋ ne koo duu ha bi u peniŋ kere nɛɛ? U ŋaa nii duu ha bi u peniŋ kere.

¹¹ Abiraham si keru u peniŋ nii ŋaa magil ne. Uu dage ari u si ŋaa Wia yarida ne tii u keŋ tuɔ-pula u sipaan, ka u ha bi u peniŋ kere. U nii ŋaa Abiraham ku ŋaa nialiŋ kala si bi ba penee kere naabalima. Nialiŋ si keŋ tuɔ-pula Wia sipaan a tiŋ ba yarida wiaa, Wia leŋe ba ma ŋaa Abiraham nihee. ¹² U ne ŋaa nialiŋ si keru ba penee ma nyimma. Ama u bi naga ba si keru ba penee dunɗa wiaa ne tii u ŋaa ba nyimma. Ba keŋ yarida a

pe ba penee kerin le ne, ari Abiraham ma fa si keŋ yarida nii, aŋ-na keru u penin.

A tin la yarida wiaa, la ma jan wuo keŋ tuo-pula Wia sipaan

¹³ Abiraham ari u doho niaa ne Wia fa bula pa di ba jan dii dunia. U bi naga Abiraham fa si to wialin Moosis fa si bile di niaa tuto ne tii Wia bul nii. Ama Abiraham fa si ŋaa Wia yarida ne tii Wia leŋ u keŋ tuo-pula u sipaan. ¹⁴ Di nialin sŋi to wialin Moosis fa si bile di niaa tuto, di ba dunɗunɗa ne fa jan dii dunia, nii-na niaa yarida fa ŋaa pei ne. Wialin Wia si bula ma fa ŋaa pei. ¹⁵ Wialin Moosis fa si bile di niaa tuto ŋaa Wia baaniŋ sisii niaa nyuŋ ne, beɛ wiaa ba bi baa to. Di wialin Moosis fa si bile ne fa tuo, niaa fa bi wialin ka chei.

¹⁶ Wii-la Wia fa si bula ari u jan ŋaa a pi Abiraham ari u doho niaa, u jan joŋo piba choŋita a tin u sŋi fába nennige nii. Ba yarida wiaa ne tii u jan joŋo piba. U bi naga ari u joŋo pi nialin sŋi to wialin Moosis si bile dunɗunɗa ne, ama ba di nialin kala si ŋaa yarida ari Abiraham fa si ŋaa yarida nii, ba kala ne u joŋo pa, nialin si keru ba penee ari nialin si bi ba penee kere kala, beɛ wiaa Abiraham ne ŋaa la kala nyimma Wia sipaan. ¹⁷ Ba fa ŋmuŋse nii ne Wia tenin tuoŋ. Wia bula a tige Abiraham le a bul, “Mi leŋe ŋ ŋaa ta-gentisin yuge nyimma ne.”

Wia-la si wuo leŋ kialin kala si suba, di ba sii suuŋ le a keŋ miisin, aŋ bira wuo dage wialin si jan ŋaa aŋ ha bi ŋaa, Wia deen ne Abiraham laa dii. ¹⁸ Wia fa bula pi Abiraham ari u jan ku ŋaa ta-gentisin yuge nyimma. U fa bi maga di Abiraham yiyele wiin deen, aŋ ka u via aŋ haa yeie. Nii wiaa u sene ku ŋaa ta-gentisin yuge nyimma ari Wia fa si bul nii pu. Wia fa bula pu a bul di u doho niaa jan yuge a mage cheŋwulaa. ¹⁹ Bua-la le Wia fa si bul nii pi Abiraham, di Abiraham ka mua ka duu yi jisin zolo. U jima ari u hiesa ne, u yaraa bira bi doluŋ kene. U haala Saara ma ta ŋaa ha-piri ne a ma hiese, a bi bii wuo lul. Ari u si hiesa nii kala, u ha keŋ yarida. ²⁰ Wia si bul nii pu, u bi u titia kaa bibegili a leŋ u yarida. U chin u yarida-la le ne a keŋ doluŋ, a didenne Wia. ²¹ U paala chaasa keŋ yarida ne woruŋ ari Wia si si u jan ŋaa wii-la, u jan sene ŋaa. ²² A tin u si keŋ yarida nii wiaa, Wia leŋ u keŋ tuo-pula u sipaan. ²³ Ba fa si ŋmuŋsa a bul di Wia ne leŋ Abiraham keŋ tuo-pula u sipaan, Abiraham dunɗunɗa wiaa dee ba ŋmuŋse nii. ²⁴ Ba ŋmuŋse nii la ma wiaa ne, la nialin si laa dii ari Wia chise la Tiina Yesu suuŋ le. U jan leŋ di la ma keŋ tuo-pula u sipaan, ²⁵ beɛ wiaa u leŋ Yesu suu a tin la haacheba wiaa ne, a bira leŋ u sii suuŋ le di la keŋ tuo-pula u sipaan.

5

A tin Yesu Kirisito wiaa la di Wia ŋaa sima

¹ La si keŋ tuo-pula Wia sipaan a tin la yarida wiaa, Wia to la Tiina Yesu Kirisito le ne a leŋ la ŋaa sima. ² A tin u wiaa, la keŋ wonɗiin di la mu Wia teen, duu fála nennige a pela le. Dime ne la he leele aa juose, a keŋ yeie la ari la si jan kpaa Wia yiri-la cheɛ doŋ. ³ Nii ma dunɗunɗa dee, la haa juose ne ari he-la kala la ha sŋi na a tin Kirisito wiaa, beɛ wiaa he-la jan leŋ di la wuo keŋ kenyiri. ⁴ Di la ne keŋ kenyiri, u jan wuo leŋ di la wuo chin la yarida naan le kpan kpan. Di la ne chin la yarida naan le kpan kpan, la jan keŋ yeie la. ⁵ La si keŋ yeie la nii, la bi jan ko di la dii hiisin,

bɛɛ wiaa Wia chola nɛ kinɛn. U jonɔn chonu-la a hɛ la tuɔŋ lɛ nɛ. U ŋaa ŋii u Diŋ-zɔŋ-la u si jonɔn pɪla dolunɔn lɛ nɛ.

⁶ Bua-la lɛ la fa si bi dolunɔn kɛnɛ di la wuo pɛ la titia lɛ, Kirisito laa la haache tinɔna nyunɔn suu nɛ. ⁷ U ŋaa wu-haa nɛ ari nuu si janɔn laa tuɔ-pul tiina nyunɔn suu. Ari ŋii kala, ŋ bi pɔɔ nuu janɔn kɛnɛ nyu-duonɔn a wuo laa nɪ-pula nyunɔn suu. ⁸ Ama Kirisito suu la wiaa nɛ bua-la lɛ la ha si ŋaa haache tinɔna. Wia dagela ŋii ari u chola nɛ kinɛn. ⁹ Kirisito si suu ŋii a lɛnɔn la kɛnɔn tuɔ-pula u teenɔn, u janɔn bira laala tapulii-la u si janɔn na baaninɔn dunia niaa nyunɔn. ¹⁰ La di Wia faa yuo dɔnɔn nɛ. Ama Wia lɛnɛ la ŋaa sima a tinɔn u Bie si suba wiaa. Lɛɛɛ Kirisito weye nɛ. Kirisito si weye ŋla, la duu ŋaa sima nɛ, u janɔn wuo faasa pɛla lɛ, a wuo laala ta tapulii-la lɛ Wia si janɔn dii dunia niaa sariya. ¹¹ ŋii ma dunɔnɔn deɛ, la to la Tiina Yesu Kirisito lɛ nɛ a na Wia si nage ŋii kala. ŋii wiaa la tuɔŋ tɔrɛ Wia nyunɔn nɛ. La Tiina Yesu Kirisito nɛ ŋaa la di Wia sinɔn.

Adam kɛnɔn suunɔn kɔ, Yesu Kirisito nɛ kɛnɔn miisinɔn kɔ

¹² Haache to ni-bala lɛ nɛ a ku juu dunia. Haache-la nɛ tii suunɔn juu dunia. Nu-u-kala saa si ku ŋaa haache tiina, ŋii nɛ tii suunɔn juu dunia niaa kala a tinɔn haache-la wiaa. ¹³ Haache fa hɛ dunia lɛ, di Wia ha bi wialinɔn jonɔn pi Moosis di niaa tuto, ama bua-la lɛ ba fa bi cheerinɔn jonɔn pi nialinɔn si bi Moosis ŋii-la jinɔn. ¹⁴ A chinɔn Adam bua-la lɛ a kaa kuko Moosis ma miisinɔn lɛ, suunɔn nɛ laa dunia kala. Niaa dɔnɔnsunɔn fa hɛ dime, ba haacheba bi Adam haache-la naga, ama suunɔn laaba maa. Adam nɛ fa ŋaa nii-la si janɔn kɔ mimaarinɔn.

¹⁵ Ama Wia zile ku-la kii Adam haache-la. Niaa yuga nɛ a suu a tinɔn ni-bala haache wiaa. Ama Wia fɔla nennige a jonɔn u zile ku-la pɪla, u nɛ paala yuga kii haache-la. Yesu Kirisito nɛ ŋaa zile ku-la. U lahɔrimɔ lɛ u pɛ niaa lɛ yuge kinɛn kinɛn. ¹⁶ Haache to ni-bala lɛ nɛ a juu dunia. Wia zile ku-la ma to ni-bala lɛ nɛ a juu dunia. Ama ba balia kala bi kubala ŋaa. A tinɔn ni-bala haache-la wiaa Wia dii la sariya a jonɔn cheerinɔn pɪla. Ama niaa si yuga a ŋaa haache-la wiaa, Wia jonɔn u zile ku-la pɪla a jonɔn la haacheba chɛla, a lɛnɔn la kɛnɔn tuɔ-pula u sipaanɔn. ¹⁷ Ni-bala haache wiaa nɛ lɛnɔn suunɔn laa dunia tii. Wialinɔn Yesu Kirisito dunɔnɔn si ŋaa pɪla, ba ha yuga kii ni-bala-la haache-la timinɔn. Wia to Yesu lɛ nɛ a fɔla nennige worunɔn, a lɛnɔn la kɛnɔn tuɔ-pula u sipaanɔn chɔgita. Nialinɔn si laa kiaa deenɔnba, ba janɔn kɛnɔn miisinɔn (a dii dunia) a tinɔn Yesu Kirisito wiaa.

¹⁸ Ni-bala haache si wuo lɛnɔn nuu-kala laa cheerinɔn Wia teenɔn ŋii, ŋii nɛ ni-bala tuɔ-pula wu-ŋaalaa ma janɔn wuo lɛnɔn di nuu-kala kɛnɔn tuɔ-pula Wia sipaanɔn a kɛnɔn miisinɔn. ¹⁹ Ni-bala si via Wia niinɔn nɛ ŋaa niaa yuge a ŋaa haache tinɔna. ŋii titia nɛ ni-bala si to Wia niinɔn nɛ wuo ŋaa niaa yuge a kɛnɔn tuɔ-pula Wia sipaanɔn. ²⁰ Wialinɔn Moosis fa si bile di niaa tuto nɛ ku wasa lɛnɔn haache purike dunia lɛ. Ama haache-la si ku wasa purike, ŋii nɛ Wia ma faasa fɔla nennige a wasa pɛla lɛ worunɔn. ²¹ Haache si kɛnɔn dolunɔn a laa dunia dii, ŋii nɛ kɛnɔn suunɔn kaa kɔ. Wia ma saa kɛnɔn la miisinɔn dolunɔn a fɔla dunia niaa nennige a kieli, a pɛba lɛ. U to la Tiina Yesu Kirisito tuɔ-pul wu-ŋaalaa lɛ nɛ a lɛnɔn la kɛnɔn tuɔ-pula u sipaanɔn, a kɛnɔn miisi-la si bi dere.

6

Wii-chuɔlɛ liinɔn fonunɔn bubuɔn

¹ Bɛɛ nɛ saa la janɔn bul? La haa ŋaa wu-bɔnɔnɔn di Wia faasa fifɔla nennige a pɛla lɛ koo? ² Ai, la si liise la titia wu-bɔnɔnɔn ŋaaninɔn lɛ ŋii,

εε ne la jaŋ bira ŋiŋaa wu-bɔŋŋɔɔ? ³ Ma kala jima ari ba si foma Wii-chuoɛ liiŋ Yesu Kirisito doluŋ le ŋii, u si suu ŋii, ma ma suba ne. ⁴ Ba si fola Wii-chuoɛ liiŋ ŋii, u naga la duu kala suba ne ba joŋo hugi. Ba ŋaa ŋii di la wuo jiŋ ari Kirisito si sii suuŋ le ŋii u Nyimma doluŋ le, la ma wuo keŋ mii-faliŋ a tuto woŋbii doŋ.

⁵ La duu kala si suba ŋii, la kala ma jaŋ bira sii suuŋ le. ⁶ La jima ari ba si keŋ Kirisito kpaase daa-geese nyuŋ ŋii u suu, ba kpaasu ari la wu-bɔŋŋɔɔ kala ne. U ŋaa ŋii a wuo yuo dii dol-la la fa si keŋe a ŋiŋaa wu-bɔŋŋɔɔ ne, di la bira si haache yosuŋ ŋaa. ⁷ Di nuu-kala ne suba, Wia liisu u haache le ne. Nuu-kala bira bi jaŋ joŋ cheeriŋ pu. ⁸ La laa dii ari la di Kirisito kala si suba ŋii, la duu kala jaŋ sii suuŋ le a keŋ miisiŋ. ⁹ La jima ari Wia si chise Kirisito suuŋ le ŋii, u bira bi jaŋ suu, ŋii wiaa suuŋ bira buu wuo. ¹⁰ U si suu ŋii, bala duŋduŋ ne u suu. U suba duu keŋ haache doluŋ ne chei. U si sii suuŋ le a keŋ miisiŋ ŋii, u joŋ u miisiŋ a pi Wia ne. ¹¹ ŋii wiaa u maga di ma biine ma titia le ari ma ma suu haache wiaa ne, a joŋ ma miisiŋ a pi Wia, beɛ wiaa ma di Kirisito kala ŋaa kubala ne.

¹² Ma saa si leŋe di haache tii ma yaraa, di ma to u niŋŋ le a ŋiŋaa ma titia tuɔɔɔre wu-ŋaalaa. ¹³ U bi maga di ma joŋ ma yaraa naŋdaasiŋ doŋsuŋ pi haache a kaa ŋaa wu-bɔŋŋɔɔ. Ama má joŋ ma titia pi Wia. Ma-na nage nialiŋ si sii suuŋ le a keŋ miisiŋ ne. Má saa joŋ ma yaraa naŋdaasiŋ kala a pi Wia duu wuo leŋ di ma ŋaa tuɔ-pul wiaa. ¹⁴ Haache bira bima wuo, beɛ wiaa Wia lahoŋimo le ne ma keŋ miisiŋ, wialiŋ Moosis fa si bile di niaa tuto dee.

La ŋaa Wia yosuŋ ne lɛɛɛ

¹⁵ La si keŋ miisiŋ Wia lahoŋimo le, wialiŋ Moosis fa si bile di niaa tuto le dee, u ŋii wiaa saa la ŋiŋaa wu-bɔŋŋɔɔ koo? Ai, u bi woŋbii ŋaa. ¹⁶ Ma jima di ma ne joŋ ma titia a pi nuu a tuto u niŋŋ le, ma ŋaa nii-la ma sii to yosuŋ ne. Di ma ne joŋ ma titia a he haache nisiŋ le, ma jaŋ suu. Di ma ne biraa to Wia niŋŋ ma le, ma jaŋ keŋ tuɔ-pula Wia sipaaŋ. ¹⁷ Ama laa loɛɛ Wia ari ma nialiŋ fa si ŋaa haache yosuŋ, ma lɛɛɛ joŋ ma tuɔŋ kala aa to Wia wialiŋ ba si daga ma di maa to. ¹⁸ Wia si liisema haache nisiŋ le ŋii, ma miira ku keŋ ma titia a kaa ŋaa tuɔ-pul kenne yosuŋ ne. ¹⁹ Mi si bul yosuŋ wiaa ŋii, u ŋaa wu-kaa-magisii ne mi magise, di ŋii dee ma bi u bubuɔŋ wuo jiŋ. Ma fa si joŋ ma titia a he disinniŋ ari wu-bɔŋŋɔɔ ŋaaniŋ le, ŋii titia ne ma maga di ma lɛɛɛ joŋ ma naŋdaasiŋ kala a he tuɔ-pul wu-ŋaalaa le, di ma bira si disinniŋ keŋ aŋ keŋ tuɔ-pula.

²⁰ Bua-la le ma fa si joŋ ma titia he haache nisiŋ le a ŋaa u yosuŋ, ma fa laa ma titia ne tuɔ-pul wiaa ŋaaniŋ le. ²¹ Wiaa deŋba ma fa sii ŋaa, nyuuru beɛ ne ma na? Wialiŋ miira ŋaa hiisiŋ keŋma ne lɛɛɛ. Ba dideriŋ ne saa ŋaa suuŋ. ²² Ama lɛɛɛ Wia laama ta ne haache nisiŋ le. Ma ŋaa Wia yosuŋ ne lɛɛɛ. Ma nyuuruŋ ne, ma bira si bi disiŋ kala keŋe, ma saa jaŋ keŋ miisi-la si bi dere. ²³ Time-la ba si yie joŋo tiŋ haache ne ŋaa suuŋ. Ama Wia zile ku-la u si joŋo pila ne ŋaa miisi-la si bi dere, a tiŋ la Tiina Yesu Kirisito wiaa.

7

Wia Diŋ-zɔŋ-la pila doluŋ di la ŋaa wialiŋ sii tɔɔre Wia tuɔŋ

¹ Mi naanbiiriŋ, ma ŋaa nialiŋ si jiŋ wialiŋ Moosis fa si ŋmuŋsa bil di niaa tuto ne. Ma jima ari nuhuobiine yie mage duu tuto wialiŋ ba si bile ne duu ne he u miisiŋ le, see duu suba. ² Di haala ne keŋ bala, u bala ne

tiuu. U yie mage duu tuto u bala niinj ne, bua-la le u bala si he u miisinj le. Di u bala-la ne suba, haal-la laa u titia ne u bala nisinj le. U bira bi u bala niinj to. ³ Di u bala ne ha he u miisinj le, ka u viau aŋ mu jaa baal doŋ, u juu baal-la u si via haache le ne. Ama di u bala ne suba, u laa u titia ne u bala-la si suba nisinj le. Di u ne jaa baal doŋ maa, u bira bi u bala-la si suba haache le jua.

⁴ Mi naanjiirin, nii titia ne ma ma nage. Ma suu wialinj ba si bile di niaa tuto tuonj ne, bee wiaa Kirisito si suu nii, ma duu kala ne suba. Leele nuu doŋ ne tiima, nii-la si sii suunj le. U ŋaa nii di la wuo tinj tintinj-zoŋŋoo a pi Wia ne. ⁵ Bua-la la sii to la tuotore wu-ŋaala hariŋ, wialinj Moosis fa si ŋmuŋsa bil di niaa tuto ne fa ŋaa di sima kenja di la kenja la yaraa ŋŋaa wu-boŋŋoo, wialinj si janj kenja mu he suunj bua le. ⁶ Ama leele Wia liisela wialinj Moosis fa si bile le di niaa tuto. La tuotore wu-ŋaala-la fa kenja kaa ŋaa yosunj ne. Ba le ne la suu. Leele la wuo tuto woŋbii doŋ ne, a tinj tintinjŋaa aa pi Wia. Wia Diŋ-zoŋ-la ne dagela nii, wialinj Moosis fa si ŋmuŋsa bil di niaa tuto dee.

Wialinj Moosis fa si bile ne dage haache si nage nii

⁷ Bee ne saa laa che di la bul? Wialinj Moosis fa si ŋmuŋsa bil di niaa tuto ŋaa haache wiaa nee? Ai, nii dee. Ama wialinj Moosis fa si bile ne leŋe mi jinj haache si nage nii. Di wialinj Moosis si bile ne fa bi daga a bul di la si wialinj ba sii kisu hienu, mi fa bi janj jinj ari u ŋaa haache ne. ⁸ Ama wialinj Moosis fa si ŋmuŋsa bil di niaa tuto si he dime nii, haache na woŋbiinj duu nyisemi he di mi hihiene wialinj ba sii kisu. Di wialinj Moosis fa si bile wiaa dee, haache-na fa ŋaa ku-suu ne. U fa bi dol kene. ⁹ Bua-la le mi fa ha si bi wialinj Moosis fa si bile jinj, mi fa hoŋo ne ari yarifielaa. Nii ne mi ku jinj wialinj Moosis fa si bile di niaa tuto. Mi si ku jinj wialinj nii, haache fa si nage ni-suunj mi teenj, u miira ku kenj doluj a ŋaa mi miira nage ni-suu. ¹⁰ Wialinj Moosis fa si bile fa maga di ba leŋ di mi hoŋ ari yarifielaa, ama ba miira ŋaa mi nage ni-suu ne. ¹¹ Wialinj Moosis fa si ŋmuŋsa bil di niaa tuto si he dime nii, haache na woŋbiinj duu nyisemi a he suunj bua le. ¹² Wialinj Moosis fa si bile di niaa tuto saa bi disinninj kene, wii-la kala si he wialinj tuonj na bi disinninj kene. Ba kala ŋaa wutitii ne a zoŋ. ¹³ Wii-la si ŋaa wu-zoŋ ne saa ŋaa mi suu koo? Ai, nii dee. Haache ne ŋaa mi suu. U kenj wialinj si zoŋo ne a kaa ŋaa mi suu. U ŋaa nii di la wuo jinj haache si nage nii. Wialinj Moosis fa si ŋmuŋsa di niaa tuto, ŋaa la jinj ari haache boŋo ne kinjenj.

Wia ne laala haache nisinj le a tinj Yesu wiaa

¹⁴ La jima ari wialinj Moosis fa si bile ŋaa Wia Diŋ-zoŋ-la niinj wiaa ne. Ama mi-na ŋaa nuhuobiinj ne, nii-la yaraa si janj pua. Haache kenjmi ne mi ŋaa u yonj. ¹⁵ Mi bi jinj wii-la kala si kenjmi, bee wiaa mi bi wii-la mi si cho di mi ŋaa ka ŋaa, ama wii-la mi si bi cho ne mii ŋaa. ¹⁶ Mi sii ŋaa wii-la mi si bi cho di mi ŋaa, u daga ari mi seye ari wialinj Moosis fa si bile zoŋo ne. ¹⁷ Nii wiaa mi titia dee bi wii-la ka ŋaa. Haache-la si hemi le ne nii ŋaa. ¹⁸ Mi si kenj nuhuobiine yaraa nii, mi jima ari wu-zoŋŋoo ŋaaninj bimi le he. Mi fa cho di mii ŋaa wu-zoŋŋoo ne, a ŋaa lulol. ¹⁹ Wu-zoŋo-la mi si cho di mii ŋaa, mi bibaa ŋaa, ama wu-boŋo-la mi si bi cho di mii ŋaa, ba ne mii ŋaa. ²⁰ Mi si ŋaa wii-la mi si bi cho di mii ŋaa, u naga ari mi dee bi ŋaa, ama haache-la si hemi le ne ŋaa.

²¹ Mi l  le na ari mi nagisiŋ ne   i. Di mi n  i che mi   aa wii-la si zom  , wii-la si bi zom   yie he mi nyuŋ le. U ne saa mi yie   aa. ²² Mi cho wialiŋ Wia si daga ne mi tuom   le, a cho di mii   aaba. ²³ Ama mi na ari wu-tanii ne miira hemi le aa tin, a keŋ mi tuobiin-zom  -la baa yuo dom  . Wiin deen leŋe mi   aa haache-la si hemi le yom ne a tuto u niin wiaa le. ²⁴ Mi lele ne. Wialiŋ si hemi le keŋmi kaa mu suuŋ bua ne. Kubee ne jan laami ba le? Wia ne jan wuo laami wiaa deenba le a tin la Tiina Yesu Kirisito wiaa. ²⁵ Mii lolu woruŋ. Mi titia doluŋ le, mi jan to Wia niin wiaa ari mi tuobiinaa dunduŋa, ka di mi yaraa maa to haache niin.

8

M   leŋ la jom la nyuŋ he Wia Diŋ-zom  -la wiaa le

¹ Di la di Kirisito kala ne   aa kubala, Wia bira bi jan dii la sariya a jom cheerin pila. ² La di Yesu Kirisito si   aa kubala   i, u Diŋ-zom  -la jom miisin pila. U laala ta ne haache ari suuŋ nisiŋ le. ³ Wialiŋ Moosis fa si bile, bila le wuo pe, bee wiaa la yaraa bi doluŋ kene. Ama wialiŋ ba si bi wuo   aa, Wia wuo   aaba ne. Ba ne   la: U si che u liise nuhuobiine haache le, u ta u titia Bie u ku tuu. U yaraa nage la yaraa, duu laa la haacheba ta. U si   aa   i, Wia wuo domise haache. ⁴ U   aa   i di la wuo keŋ doluŋ a   i   aa wialiŋ Moosis fa si bile di niaa tuto. La nialiŋ si bi la yaraa doluŋ le ka to an tuto Wia Diŋ-zom  -la doluŋ le, la wuo   aa wutitiiba-la Moosis fa si bile di laa   aa. ⁵ Nialiŋ kala sii to ba yaraa doluŋ le, ba jom ba nyuŋ kala a he ba yaraa wu-  aalaa le ne, ama nialiŋ kala ma sii to Wia Diŋ-zom  -la doluŋ le, ba ma jom ba nyuŋ kala a he Wia Diŋ-zom  -la si cho wialiŋ le ne. ⁶ Di la ne jom la nyuŋ a he la yaraa wu-  aalaa le, la jan suu, ama di la ne jom la nyuŋ a he Wia Diŋ-zom  -la wu-  aalaa le, la jan keŋ miisin a hom ari yarifilaa, ⁷ bee wiaa di nuu ne jom u nyuŋ kala a he u yaraa doluŋ le, u   aa Wia diŋdom ne. U bi che duu to wialiŋ Wia si daga, u paala bi wuo to. ⁸ Nialiŋ sii to ba yaraa wu-  aalaa le, ba bi wialiŋ Wia si cho wuo   aa. ⁹ Ama Wia Diŋ-zom  -la si hema le   i, ma-na bi ma yaraa wu-  aalaa le ka to, maa to wialiŋ Wia Diŋ-zom  -la si daga ne. Di Wia Diŋ-zom  -la tuo nuu-kala le, u bi Kirisito kuŋ   aa. ¹⁰ Di Kirisito ne hema le, ma yaraa namia ha jan suu a tin ma haacheba wiaa. Ama Wia Diŋ-zom  -la si hema le, u ne pima miisin, bee wiaa ma keŋ tuom-pula ne Wia sipaam. ¹¹ Wia ne chise Yesu suuŋ le. Di u Diŋ-zom  -la ne hema le, u jan chise ma yara-la si jan pua suuŋ le di ma keŋ miisin, ari u si chise Yesu suuŋ le   i. U jan to u Diŋ-zom  -la si hema le ne a   aa   i.

¹²   i wiaa mi naanbiirin, u bi maga di nuu-kala fugela di la tuto la yaraa wu-  aalaa le. ¹³ Di ma ne to ma yaraa wu-  aalaa le, ma jan suu. Ama di ma ne via ma yaraa wu-  aalaa, ma jan keŋ miisin Wia Diŋ-zom  -la doluŋ le. ¹⁴ Nialiŋ kala sii to Wia Diŋ-zom  -la niin wiaa, ba   aa Wia biirin ne. ¹⁵ Wia bi   aa di ma nage yosuŋ a bira fifa fawulluŋ, ama u Diŋ-zom  -la leŋe ma   aa u biirin ne. Di la n  i yiru, la wuo kenu yire "la Nyimma". ¹⁶ Wia Diŋ-zom  -la ari la tuobiinaa kala yie dage ari la   aa Wia biirin ne. ¹⁷ La si   aa Wia biirin   i, Wia jom kaa ne a billa le, kialin kala Wia si jom bil Kirisito le, la ma jan tiiba. Di la di Kirisito kala ne na heen, la ma jan laa yiri-la Kirisito si jan laa.

Yiri-la la si jan laa Wia teen

¹⁸ Mi bee na ari heen deen mi sii na bi jan wuo kaa magise yiri-la la si jan laa. ¹⁹ Dunia kuŋ-kala n  i gberu a kpil digilaa di ba na bua-la le Wia

biirin si jan laa yirin. ²⁰ Tinŋimii-la dunia kiasa si maga di ba tin, ba tima lol ne. Ba titia tuotoronj le dee ba lol nii, ama Wia ne ŋaa ba lol. Ari nii kala Wia ha leŋe ba keŋ yielaa, ²¹ beɛ wiaa Wia jan laaba ta a liiseba suun bua le. Wia biirin si jan ko a laa yirin nii a tii ba titia, ba ma jan tii ba titia nii a ma keŋ yirin. ²² La jima ari dunia kiasa kala haa huuni ne, ari haala sii che duu lul aa huuni nii. ²³ Dunia kiasa dunduŋa dee, ama la ma nialin Wia si laa sipaanj jon u Diŋ-zonj-la hela le, la maa huuni ne la tuonj le duu keŋ la yaraa birime [di la chaasa ŋaa u biirin] a laa yirin.

²⁴ Wia si laala ta nii, la keŋ yielaa. Di la ne na wialin la sii yielu, u bira bi maga di la yiyiele wii. Di nuu ne yiele kuŋ, di u ne nau, u jan bira yiyiele ku-la wiaa? Ai. ²⁵ Ama di la nii yiele wialin la ha si bi na, la keŋ kenyiri a gbigbere.

La si yie keŋ yielaa nii a keŋ kenyiri, ²⁶ nii titia ne Wia Diŋ-zonj-la ma yie ko a pela le a tin la si bi dolunjene di la pe la titia le. La paala bi jin nii u si maga di la chuole Wia. Ama Wia Diŋ-zonj-la titia sul Wia a pipila. U si yie susul Wia nii aa huuni nii, la bi jan wuo keŋ niin a dage, ama ²⁷ Wia na nuhuobiine tuonj kala ne a ma jin Wia Diŋ-zonj-la sii huuni nii bubuonj, beɛ wiaa Wia Diŋ-zonj-la sii sul Wia a pi Wia niaa nii, Wia tuotoronj le ne u yie susul nii.

²⁸ Nialin Wia si tuosa di ba ŋaa u niaa, ba chou ne. Niaa deenba teenj Wia ŋaa wii-kala birime wu-zonj ne a piba. ²⁹ Nialin Wia si laa sipaanj liise, u liiseba duu keŋba birime di ba nage u titia Bie ne, a leŋ u Bie ŋaa ba kala kuhianj. ³⁰ Wia yire nialin u fa si laa sipaanj liise di ba ŋaa u niaa ne. U si yireba nii, ba ko u teenj. Ba si ko nii, u leŋe ba keŋ tuo-pula u sipaanj. Nialin ma si keŋ tuo-pula u sipaanj, u leŋe ba ma pe laa u yirin.

Kuŋ-kala tuo si jan wuo liiseemi nii Kirisito si chomi le

³¹ Di la ne jin wiaa deenba kala, beɛ ne bira ka di la bul? Di Wia ne chin la harin, kubee ma ne bira keŋ dolun a kiila? ³² Wia paala bi u titia Bie kaa laa niaa teenj. U jonu he niaa nisin le ne di ba kpuu a tin la wiaa. U si wuo ŋaa ŋla, ma bi jin ari u jan wuo chaasa jon kuŋ-kala ma pe pila koo? ³³ Kubee ne saa jan bira jon cheerin a pi nialin Wia si liisa? Nuu tuo, beɛ wiaa Wia titia ne leŋe ba keŋ tuo-pula u sipaanj. ³⁴ Kubee ma ne bira jan wuo dii ba sariya a dogiseba? Nuu tuo, beɛ wiaa Kirisito suba ne, an bira sii suun le a keŋ miisin a honj Wia seme, ni-duonj di-honun, a sul Wia pipila duu pela le. ³⁵ Kirisito si chola nii, beɛ kuŋ ne jan bira ŋaa di Kirisito sila cho? Wahala koo wu-juulaa, koo di ba to la naasinj dudogisela, koo di losunj kpula, koo di la bi genninjene di la laale, koo di wu-bonj ne gberela, koo di la ne jan suu? Wiaa deenba kuŋ-kala bi jan wuo ŋaa di Kirisito bira sila cho. ³⁶ Ba ŋmunse Wia tenin tuonj a bul ŋla ne:

“A tin ŋ wiaa, laa gberɛ suun ne tapulii-na kala.

Ba yie benla ari la nage piesee ne ba si kaa lii di ba kpu.”

³⁷ Ari nii kala, di wiaa deenba kuŋ-kala ne ku juula, la yie wuo yuo dii ne a tin nii-la si chola wiaa. ³⁸⁻³⁹ Wiin deenj tuo kaa lere, mi jima kuŋ-kala tuo si jan wuo liiseemi nii Kirisito si chomi le. Suun, koo miisin, koo Wia tinɗaaraa, koo Wia bii-zonjɗɗo ari Wia bii-bonjɗɗo, koo kialin kala si he dime leele, koo kialin si jan to harin ko, kialin si he wia nyun a keŋ dolun, koo kialin si keŋ dolun a he tinteenj le. Wia si to la Tiina Yesu Kirisito le a chola nii, dunia kuŋ-kala tuo si jan wuo liisela chonu-la le.

9

Wia fa liise Iziral tinŋaa di ba ŋaa u niaa

¹ Mi sɔi che di mi bul wii-la ŋaa wutitii ne. Mi si ŋaa Kirisito nuu ŋii, mi bi wiaa nyia. Wia Diŋ-zɔŋ-la sɔi beŋ mi tuɔbiinaa ŋii, u ma leŋe mi jin ari mi bi wiaa ka nyia. ² Mi tuɔŋ faasa chei ne a tinj mi titia niaa wiaa. Uu walimemi kinkeŋ kinkeŋ. ³ Mi fa cho di Wia ŋmiesa hemi le ne a keŋmi porɛ Kirisito teen, aŋ laa mi naanbiirin ari mi doho niaa kala ta. ⁴ Niaa deenba ne ŋaa Iziral tinŋaa, nialinj Wia si liisa. U leŋe ba ne ŋaa u biirin a laa u yirin. Ba di Wia bil niinj a pi doŋɔ, Wia leŋ Moosis ŋmunse wiaa piba di ba tuto, a dageba Wia chuɔlun wonbiinj, a bul duu jan ŋaa wiaa pipiba. ⁵ Ba ne ŋaa la naabalimaba doho niaa Wia si liisa. Ba si lul Kirisito maa, u ma fa ŋaa la naabalimaba doho nuu ne. U-na Kirisito ne kii kuŋ-kala. Má leŋ di la denne Wia bua-na kala le a kaa mu wuu. Ami.

⁶ Ama u bi naga ari Wia si si u jan ŋaa wii-la u via ne, beɛ wiaa Iziral doho niaa kala dee Wia leŋ ba ŋaa u niaa. ⁷ Abiraham doho niaa ma kala dee bi Wia niaa ŋaa, ama Aizik doho niaa dunɔɔŋa ne ŋaa Abiraham doho niaa titia. ⁸ Wiin deen daga ari nuu-kala doho bi Wia niaa doho ŋaa, see biiri-la Wia si bula di ba lul, ba ne u beŋ ba ŋaa u doho niaa titia. ⁹ U fa si bul wiaa a tige bile ba si jan lul le, ŋla ne u fa bul:

“Mi jan miira ko bua deen titia le harinj jina,
di ŋ haala Saara lul baal.”

¹⁰ Nii ma dunɔɔŋa dee. Ribeka ma si lul biirin balia-la, ba nyimma ŋaa kubala ne, u ne la naabalima Aizik. ¹¹⁻¹² Ka di Ribeka-na lul daalieri-la, biiri-la ha bi wu-zɔŋ koo wu-bɔŋ kala ŋaa, ka Wia bula pu a bul,
“N si jan lul biiri-la, kuhian jan tima pipi ku-bie.”

Nii daga ari Wia tuɔtɔrun le ne u yire u niaa a tuɔseba, u bi naga ari ba si ŋaa wialinj ne tii u tuɔseba. U si yireba ne tii ba ŋaa u niaa. ¹³ Ba bira ŋmunse Wia teninj tuɔŋ a bul ŋla ne:

“Mi cho Jekɔb aŋ bere Iso.”

Wia keŋ wutitii ne

¹⁴ Beɛ ne saa la jan bul? La jan wuo bul di Wia bi wutitii keneɛ? Ai.

¹⁵ Wia fa bula pi Moosis a bul,

“Nialinj mi si liisa di mi peba le, mi jan peba le.

Nialinj ma mi si liisa di mi fába nennige, mi jan fába nennige.”

¹⁶ Wiinj deen saa bi naga nuhuobiine si cho wialinj a wiwalime duu ŋaaba ne tii, ama Wia si fála nennige ne tii, ¹⁷ beɛ wiaa ba ŋmunse Wia teninj tuɔŋ a tige Feero le ari Wia bula pu a bul,

“Wii-la si tii mi leŋ ŋ dii kuorun ne ŋla:

mi ŋaa ŋii di mi wuo toŋ le ne a dage mi dolun,
di ba yire mi yirin dunia kala le.”

¹⁸ Nialinj saa Wia si liisa duu fába nennige, uu fába nennige ne. Nialinj ma u si liisa di ba keŋ nyu-duon a tinj ba haacheba wiaa, u leŋe ba ma keŋ nyu-duon ne.

¹⁹ Ma doŋɔ saa jan wuo piɛse a bul, “Di Wia níi ŋaa ŋii, eɛ ne saa u jan wuo jon cheerin a pi niaa? Kubɛɛ ne saa jan wuo keŋ kenyiri di Wia kenu birime?”

²⁰ Kubɛɛ ne kan, ŋ-na nuhuobiine di ŋ laa wiaa bul Wia niinj le? Ku-la ba si ŋaa, u jan wuo piɛse níi-la si ŋaau a bul, “Beɛ ne tii ŋ ŋaami mi nage ŋla?” ²¹ Pupoi-meere jan wuo loɛe churun a kaa me pupoi-zɔmun, a bira wuo loɛe a me pupoi-lɔrun. Di pupoi-meere ne cho ŋii, u jan wuo ŋaa.

²² Njii titia ne Wia ma jaŋ wuo ŋaa niaa le. Niaa doŋsun he dime a nage pupoi-kpaaniŋ si maga di ba ŋmoo yere, ka Wia keŋ kenyiri a nyalime ŋii kala halii. U fa jaŋ wuo na baaniŋ ba nyuŋ a dage u doluŋ, ka u wuo nyalime ²³ a tiŋ nialiŋ si nage pupoi-zoŋŋoo wiaa, niaa deenba nennige ne u fifa. U laa sipaanŋ liiseba di ba dii u yiri-bal-la. Ba ne u dage u yiri-baliŋ pa. ²⁴ La ne nialiŋ u si liisa, la kala dee bi Juu tiŋŋaa ŋaa, la doŋsun ma ŋaa nialiŋ si bi Juu tiŋŋaa ŋaa ne. ²⁵ Ba bul ŋla ne Wia teniŋ seme doŋo ba sii yire Hoziya a bul,

“Nialiŋ si bi mi niaa ŋaa,
mi jaŋ yireba mi niaa.

Nialiŋ ma mi fa si bi cho,
mi jaŋ yireba mi ni-chooloo.

²⁶ Lee-la titia ba fa si bula pi niaa ari ba bi Wia niaa ŋaa,
lee-la ne ba jaŋ yireba Wii-titii biiriŋ.”

²⁷ Azaaya fa ŋaa nii-la sii bul wiaa, Wia Diŋ-zoŋ-la doluŋ le ne. U ma fa heele bul a tige Iziral niaa le a bul, “Di Iziral tiŋŋaa ne paala faasa yuga a nage hagili-buŋbugulo si piŋ mugi-baliŋ niŋ, ba tuoŋ niaa banmene duŋduŋa ne Wia jaŋ laa ta, ²⁸ bee wiaa chee doŋ la Tiina Wia jaŋ ŋaa ŋii u fa si bula pila. U bi jaŋ dieni ka di u chei dunia niaa.” ²⁹ Ŋla ne Azaaya ma fa bira bul di Wia jaŋ ŋaa maachie. U fa si,

“Di Wia ne fa bi la naabalima doho niaa banmene leŋe,
la kala fa jaŋ suu,
a nage Soɔom ari Gɔmɔra niaa kala si suu ŋii.”

Iziral tiŋŋaa doŋsun bi tuo-pula keŋe Wia sipaanŋ

³⁰ Wii-la dideriŋ ne ŋla: Nialiŋ si bi Juu tiŋŋaa ŋaa fa bi che di ba keŋ tuo-pula Wia sipaanŋ. Ba ne miira ku keŋ tuo-pula Wia sipaanŋ a tiŋ ba yarida wiaa. ³¹ Ka Iziral niaa fa faasaa che di ba keŋ tuo-pula Wia sipaanŋ aa to wialiŋ Moosis fa si bile di niaa tuto. Ama ba bi wialiŋ wuo tuto di ba keŋ tuo-pula-la Wia sipaanŋ. ³² Bee ne tii ba bi tuo-pula-la na? Ba bi yarida keŋe di ba na tuo-pula-la Wia sipaanŋ, bee wiaa ba faa che di ba keŋ tuo-pula Wia sipaanŋ a tiŋ wialiŋ ba sii to ne. Ba joŋ ba naasiŋ a ŋmoo tabii-la si ŋaa niaa sisieru ne. ³³ Ba ŋmuŋse Wia teniŋ tuoŋ a tige tabii-la le ne a bul,

“Bee na, mi joŋ tabii-la si jaŋ leŋ di niaa gere

a bil lee-la ba sii yire Zaayonŋ.

Tabii-la ŋaa buŋ ne.

U jaŋ leŋ di niaa gere titel.

Ama nuu-na kala si laa nii-la la sii yire buŋ-la, wiaa dii, u bi jaŋ hiise u titia.”

10

¹ Mi naanŋbiiriŋ, mi tuoŋ le mi faasa cho di Wia laa Juu tiŋŋaa ta ne. Mi yie chuole Wia piba ari siifiesiŋ ne. ² Mi jima ari ba joŋ ba nyuŋ kala he Wia le ne, ama ba bi Wia woŋbii-titii-la jin. ³ Ba bi jin woŋbii-la Wia si yie leŋ ba to a keŋ tuo-pula u sipaanŋ, aŋ chiche di ba to ba titia woŋbiee. Njii ne tii ba bi ba titia joŋo he woŋbii-la Wia si yie to a leŋ niaa keŋ tuo-pula u sipaanŋ. ⁴ Kirisito ne ŋaa wialiŋ kala Moosis fa si ŋmuŋsa di niaa tuto dideriŋ. Nii-la kala si laa u wiaa dii jaŋ keŋ tuo-pula Wia sipaanŋ.

Nuu-na kala si yire Wia, u jaŋ laau ta

⁵ Moosis fa ḡmunṣa a tige nialin sii to wialin u si bile di niaa to a ken tuo-pula Wia sipaan, di ba ne wuo to wialin, ba jan ken miisin. ⁶ Wialin ba si bula Wia tenin tuon a tige nialin si ken tuo-pula Wia sipaan a tin ba yarida wiaa ne ḡla: Ba si, “Ma si ma tuon le biinu a piase, ‘Kubee ne jan jil Wia-jan (a ken Kirisito kaa ku tuu)?’ ⁷ Koo ma bira si piesu a bul di kubee ne jan mu lelin (a ken Kirisito kaa ko)?” ⁸ Ba si di Wia wu-zomɔ-la kpagema ne. U he ma niin le a he ma tuon maa. Wia wu-zomɔ-la la sii bul ne ḡaa wu-zomɔ-la si tige nialin si laa Kirisito wiaa dii a ken tuo-pula Wia sipaan. ⁹ Di ḡ ne jan wuo suri ḡ niin a bul ari Yesu ne ḡaa ḡ Tiina, a laa dii ari ḡ tuon ari Wia chisu suun le, Wia jan laan ta, ¹⁰ bee wiaa di la ne ken la tuon a laa Yesu wiaa dii, la jan ken tuo-pula Wia sipaan. Di la ne ken la niin ma bul di la laa u wiaa dii, Wia jan laala ta. ¹¹ Wia tenin tuon, ḡla ne ba bul: “Nuu-na kala si laa u wiaa dii, Wia bi jan hiisu.” ¹² Juu tinḡaa ari nialin si bi Juu tinḡaa ḡaa, ba kala ḡaa kubala ne u teen. U bi ba kaa porɛ. U ḡaa nuu-kala Tiina ne. Di nuu-kala ne yiru, u jan pe u tiina le worun. ¹³ ḡla ne ba bul Wia tenin tuon: “Nuu-na kala si yire la Tiina Wia yirin duu laau ta, u jan laau ta.”

¹⁴ Ama di ba ne bi u wiaa laa dii, ee ne ba jan ḡaa a yire u yirin duu laaba ta? Di ba ne bira bi u wiaa nia, ee ne ba jan ḡaa di ba laa u wiaa dii? Di nuu ma ne saa bi u wiaa bula piba, ee ne ba jan wuo ḡaa bul u wiaa? ¹⁵ Di Wia ne bi niaa tima di ba bul u wiaa, ee ne ba jan wuo ḡaa bul u wiaa? Ba fa ḡmunṣe Wia tenin tuon a bul, “Nialin sii ko di ba bul Wia wu-zomɔ-la, ba ko worun ne.” ¹⁶ Nialin ko ne a bul Wia wu-zomɔ-la maa, ama nialin si ko jegile nii wialin, ba donsun bi wialin to. Azaaya fa bira bul wiin deen a bul, “La Tiina Wia, kubee ne he dime si laa wialin la si bula piba dii?” ¹⁷ ḡ yie nii wii ne a laa dii. Ba ne ḡaa wialin si tige Kirisito le.

¹⁸ Ama mi jan piase wiin deen: Ba bi Wia wu-zomɔ-la niaa? Ba nia ne. Ba ḡmunṣe Wia tenin tuon a tige Wia wu-zomɔ-la le a bul, “Ba bul wiaa deenba dunia lee-kala ne.

Dunia nuu-kala ne nii wiaa deenba.”

¹⁹ Mi saa jan bira piase wiin deen: “Iziral tinḡaa si nii wialin, ba bi ba bubuon jin?” Moosis ne fa laa sipaan bul wiin deen a bul di Wia si, “Mi jan leḡ di niaa yaraa bieri nialin si bi mi niaa ḡaa wiaa. Mi jan bira leḡ di ma baanin sii nialin si bi wiaa jin wiaa.”

²⁰ Azaaya fa chaasa bul wiin deen a bul, Wia si,

“Nialin si bi mii che, ba nami ne.

Nialin ma si bi mi wiaa piase, mi ken mi titia dageba ne.”

²¹ Ama u bul ḡla ne a tige Iziral tinḡaa le:

“Mi ken mi nisaa chage ne a dieni aa yireba di ba ko mi teen, ama ba bi seye.

Ba viami ne. Ba bi sei di ba to mi niin.”

11

Wia jan fá Iziral tinḡaa nennige

¹ Nii-na saa Wia via u niaa ne koo? Ai, mi ma titia ḡaa Iziral tiina ne, a ḡaa Abiraham doho nuu a lii Benjamin jan niaa tuon. ² Wia bi u niaa via, nialin u si laa sipaan liise. Ma bi wialin ba si ḡmunṣe Wia tenin tuon ka liisii? Wialin ba si ḡmunṣa a tige Ilaaja lee? Ba ḡmunṣa ari Ilaaja fa bul Iziral tinḡaa wiaa pi Wia a tin ba haacheba wiaa. ³ U fa si, “Mi Tiina Wia, ba kpu ḡ nialin sii bul wiaa, ḡ Din-zon-la dolun le,

a ŋmoo korunu-la ba si saa piŋ a lo.

Mi dunɗuŋa ne ka,

ba saa walime di ba kpumi ma ne.”

⁴ Ilaaja si bul nii, beɛ ne Wia bira bula pu? U si,

“Niaa bui balipe ne mi tii.

Niaa deenba kuŋ-kala bi vene-la ba sii yire Baal kpaara.”

⁵ Nii titia ne u nage Iziral tinŋaa le bua deen le. Iziral tinŋaa banɗene Wia liise a fába nennige a peba le. ⁶ U si liiseba a fába nennige a peba le nii, u bi naga ba tintin-zoŋŋoo ba si tima wiaa ne tii. Di u ne tin niaa wu-zoŋŋoo wiaa aa fába nennige, nii-na niaa nennige dee uu fá nii.

⁷ Beɛ ne saa? Iziral tinŋaa fa sii che kialin, ba biba naa. Ama nialin mua Wia si liisa ba tuon ne naba. Ku-kaanaa tuon dolie. Wia si yireba, ba via ne. ⁸ Ba bul nii ne Wia tenin tuon a bul,

“Wia leŋe ba siaa chuule ne.

Ba bi kuŋ-kalaa na,

ba bi wii-kala maa nii a kaa ko ari jinin.”

⁹ Devit ma fa bula a bul,

“Bua-la le ba tuon si toro, ba ku hilimi di ba dii kiaa,

leŋ di wiaa juuba di ba tel, a nage ba si he bere u keŋ kua u tel nii.

Leŋ di ba tel nii a tin nii chimin.

¹⁰ Leŋ di ba siaa to di ba sí kuŋ-kala wuo na,

leŋ di wiaa nyageba di ba duduuri wuu.”

¹¹ Mi jan piɛɛ wiin deen: Ba si siera tel nii, ba tele nii di ba wii-wii-kala dere ne koo? Ai. Ama a tin ba haache wu-ŋaalaa le, Wia laa nialin si bi Juu tinŋaa ŋaa ta ne. U ŋaa nii di Juu tinŋaa yaraa bieri, di ba na baanin nialin si bi Juu tinŋaa ŋaa nyun. ¹² Juu tinŋaa haacheba leŋe dunia niaa ŋmoo naa-simin ne. Ba si tele nii ŋaa nialin si bi Juu tinŋaa ŋaa ŋmoo naa-simin ne. Di u ne nage ŋla saa, bua-la le Juu tinŋaa si jan ku laa Wia wiaa dii, dunia nuu-kala jan paala nii sima kinkeŋ kinkeŋ.

Wii-la si tii Wia laa nialin si bi Juu tinŋaa ŋaa ta

¹³ Ma nialin si bi Juu tinŋaa ŋaa ne mi leele chiche di mi bul wiaa pa. Wia ne tinmi di mi ŋaa nialin si bi Juu tinŋaa ŋaa nanzo. Mi jon tintimin deen u ŋaa tintin-fian ne. ¹⁴ Mi sii tin tintimin deen, ŋ bi po u jan wuo leŋ di mi naanbiirin Juu tinŋaa yaraa bibieri, a wuo leŋ di ba doŋsun ma laa Wia wiaa dii, di Wia laaba ta. ¹⁵ Juu tinŋaa si via Wia wiaa nii leŋe dunia ni-kaanaa wuo sin ne Wia teen. Di Juu tinŋaa ne bira ku laa Wia wiaa dii, ee ne saa u jan nage? U jan nage ni-suunuj si sii suun le ne. ¹⁶ Di ŋ ne buu boroboro munuj a laa sipaan loge mua a pi Wia, duu ne bi disinnin kene, ku-kaanin ma si ka ma bira bi disinnin kene. Di tia naapoloo ma ne zomo, u naakelee ma zomo ne.

¹⁷ Juu tinŋaa saa nage tia-la ba sii yire Oliv ne. Ba keŋ u nenɛɛ a kaa tutugi nuun ne. Wia ŋaa u zoŋ. Nii ne Wia keru u naakelee doŋsun, aŋ keŋma kaa mere ba leree, ma nialin si nage girin tii-naakelee. U ŋaa ŋii di ma ma pe nii Oliv tii-zoŋ-la naakelee sima ne. ¹⁸ Ma sí ma titia le bigisu ari ma kpia tia-la naakelee ba si kere ta le. Ma dee bi tia-la naapoloo chaga bil. Tia-la naapoloo ne chagama bil.

¹⁹ Ma jan wuo bul ari Wia keru tia-la naakelee, ka di u keŋma ne mere dime. ²⁰ Wutitii ne, Wia keru Juu tinŋaa ta a tin ba si bi Wia wiaa laa dii wiaa ne. Ama ma-na nialin si bi Juu tinŋaa ŋaa, ma si laa Wia wiaa dii dunɗuŋa wiaa ne tii ma chin kpan kpan. Nii wiaa ma sí ma titia le bigisu, aŋ keŋ ma titia woruj. ²¹ Wia si bi tia-la naakelee titia nennige fá

aŋ keriba ta nii, di ma ma ne bi ma siaa fiela, u jaŋ kerima ma ta nii titia. ²² Ma na nii Wia si keŋ zile aŋ bira tere. U tere nialin si miiru hariŋ nyuŋ ne. Ama u keŋ zile ma-na teenj, di ma ne seye di ma tuto u zile-la le ari ma si suomi nii. Nii dee u jaŋ kerima ma ta. ²³ Di Juu tinŋaa ne paala birima to Wia, Wia jaŋ bira keŋba kaa mere tii-zoŋ-la le, beŋ wiaa Wia keŋ doluŋ duu ŋaa nii. ²⁴ Ma nialin si paala bi tii-zoŋ-la naakelee ŋaa aŋ ŋaa giriŋ tuoŋ tii-naakelee, ka Wia keŋma a kaa mere tii-zoŋ-la le, u jaŋ wuo keŋ tia-la titia naakelee u si kere ta a kaa mere.

Wia ma jaŋ laa Iziral tinŋaa ta

²⁵ Mi naanbiirin, wiaa ne he dime Wia fa joŋo faama, mii che di ma jin. Wii-la jaŋ ŋaa di ma si biina bul ari ma keŋ wu-jiminj a bibigisi ma titia le. Wii-la ne ŋla: Iziral tinŋaa si keŋ nyu-duo-la, ba bi jaŋ kenu wuu. Bua-la le di nialin si bi Juu tinŋaa ŋaa ne ku yuge a laa Wia wiaa dii, Iziral tinŋaa nyu-duo-la jaŋ dere. ²⁶ Ŋla le ne Wia jaŋ to a laa Iziral tinŋaa kala ta. Ba ŋmuŋse nii Wia tenin tuoŋ. Ba si, "La Laataara jaŋ lii Zaayoŋ.

U jaŋ kiri wu-boŋŋoo kala Jekob doho niaa tuoŋ."

²⁷ Ba bira ŋmuŋsa a bul,
"La di ba jaŋ bil niin a pi doŋo
di mi laa ba haacheba ta."

²⁸ A tin Juu tinŋaa si via Wia wu-zomo-la wiaa ne tii ba ŋaa Wia dinɔmo, ma nialin saa si bi Juu tinŋaa ŋaa wiaa ne tii. Ama a tin u si liiseba wiaa ne tii ba ŋaa u ni-chooloo, a tin ba naabalimaba wiaa, ²⁹ beŋ wiaa kialin kala Wia si joŋo piba ari u si liiseba nii, u bira bi jaŋ wuo voŋba. ³⁰ Ama, ma-na nialin si bi Juu tinŋaa ŋaa, ma fa via Wia niin wiaa, ama leele Wia fáma nennige ne a tin Iziral tinŋaa ma si via Wia niin wiaa nii. ³¹ Nii titia ne Iziral tinŋaa ma si bi Wia niin ka to leele, Wia jaŋ fába ma nennige, ari u si fáma ma nennige nii. ³² Nialin kala si bi Wia niin wiaa ka to, ba haacheba nyageba bil ne, nii ne Wia wuo fába nennige.

³³ Wia sii fála nennige nii ari nii u si keŋ wu-jiminj ari nii u si jin wiaa bubuoŋ, u bi maga kene. Kubee ne jin nii Wia sii ŋaa wiaa? Nuu-kala bi Wia wu-ŋaalaa jin.

³⁴ Kubee ne jaŋ wuo jin Wia tuoŋbiinaa?
Kubee ma ne jaŋ wuo dage Wia?

³⁵ Kubee ne ha joŋ kuŋ pi Wia aŋ gberɛ di Wia miira joŋ ku-la pu?

³⁶ Beŋ wiaa Wia ne ŋaa kuŋ-kala. U doluŋ le ne kuŋ-kala ma he dime. U ne tii kuŋ-kala. Má leŋ di Wia yirin yire wuu. Ami.

12

Wii-chuoŋuŋ woŋbii titii-la

¹ Nii wiaa, mi naanbiirin, a tin Wia si faasa fála nennige wiaa, mii sulma di ma joŋ ma miisinj kala a pi Wia, ari ba fa si yie kpu pusuŋ a ŋaa sarika a pi Wia nii. Ma si joŋ ma titia a pi Wia nii, ma bira si disinnin keŋ, di Wia wuo laama. Wii-chuoŋuŋ woŋbiin titia ne nii. ² Ma si sei a joŋ ma tuoŋ kala a he dunia wu-ŋaalaa le. Ama má leŋ di Wia keŋ ma tuoŋbiinaa birime di ba kala zoŋ. Nii ne ma jaŋ wuo jin Wia tuoŋoroŋ. Ma jaŋ wuo jin wii-la si zomo aa tere Wia tuoŋ aŋ pe zoŋ ma woruŋ.

³ Wia si keŋ zile mi teenj a pemi le nii, mii sulma kuŋ-kala di ma si ma titia kaa yuge a kii nii ma si maga. Má leŋ di ma siaa fiela. Wia pi nuu-kala yarida ne. Ama ba kii doŋo ne. Nuu-kala maga duu biine u nyuŋ le a

mage nii Wia si jon yarida-la pu ne. ⁴ Nuhuobiine yaraa ŋaa kubala ne, ka u nandaasin yuge. Nandaasi-la kala keŋ ba tinŋimiam ne. Ba bi tinŋin-bala ka tin. ⁵ Nii titia ne la ma nage. La yuga ne, aŋ ka la kala mere Kirisito le a ŋaa kubala. La ŋaa ni-yiri-yiriba ne a mere doŋo le a ŋaa yari-bala. ⁶ Wia pila kuŋ-kala dolun ne di la kaa tin tinŋin-yiri-yiriba. U saa lii nii le Wia si fála nennige ne a pela le. U si jon dol-la pila nii, má leŋ di la kenu kaa tin. Di la ne wuo wiaa bula pipi niaa Wia Diŋ-zoŋ-la dolun le, má leŋ duu mage nii yarida-la Wia si joŋo pila. ⁷ Duu ne jon dolun piŋ di ŋ tima pipi niaa, ŋŋaa nii. Duu ne jon dolun piŋ maa di ŋ didage niaa, ŋ ma ŋŋaa nii. ⁸ Di ŋ ne keŋ dolun di ŋ wuo didage niaa a leŋ di ba nyuŋ nyinyaase, ŋ ma ŋŋaa nii. Di nuu ne keŋ zile a pipe niaa le, u ma ŋŋaa nii ari tuo-bala. Nii-la kala si keŋ dolun a pipe niaa le, u ŋŋaa nii ari siifŋesin.

Má cho doŋo ari siifŋesin

⁹ Nii-la si keŋ zile a fifá niaa nennige, aa pe nennige tinŋaa le, u ŋŋaa nii ari tuotoruŋ. Má cho doŋo ari siifŋesin. Má bere wu-boŋŋoo, a jon ma titia a he wu-zoŋŋoo ŋaanin le. ¹⁰ Má cho ma doŋsun tinŋaa si laa Wia wiaa dii woruŋ ari naanbiirin si cho doŋo nii, a fiŋe siin pipi ma doŋsun tinŋaa jirima. ¹¹ Ma sí yariwiin keŋ, ama má faasa jon ma nyuŋ kala he Wia tinŋinŋaa le, Wia Diŋ-zoŋ-la dolun le. ¹² Má jujuose a tin wialin ma sí yielu le. Di ma ní na heŋ, má dii kenyiri. Má peŋe a chuchuoŋe Wia. ¹³ Má pe ma naanbiirin si laa Wia wiaa dii le ari kialin ba sí che, aa keŋ nuhuoŋaa woruŋ.

¹⁴ Má sul Wia duu pe nialin si to naasin dudogisema le, aŋ sí kaliba heba le. ¹⁵ Di niaa tuon ne toro, má ma peba le di ma tuon toro. Di niaa tuon ne cheye, má peba le di ma tuon chei. ¹⁶ Má kala keŋ nii-bala, ma sí ma titia kaa yuge. Má keŋ ma titia mere nialin si keŋ ba titia muuri le. Ma sí biina ari ma keŋ wu-jimin. ¹⁷ Di nuu ne ŋaa wu-boŋ ma le, ma-na sí wu-boŋuŋ joŋo ŋimu. Ama má-na ŋaa wii-la si zomo, di nuu-kala jin. ¹⁸ Di ma ne wuolo, má leŋ di ma di nuu-kala sin. ¹⁹ Mi bii-chooloo, di niaa ne ŋaa wu-boŋŋoo ma le, ma sí ba chimin tin. Wia na baanin ba nyuŋ ne, u ne jaŋ tin ba chimin. Ba ŋmuŋŋe nii Wia tenin tuon a bul, Wia si, “Di nuu ne ŋaa wu-boŋ ma le, mi ne jaŋ tin u chimin.

Mi ne keŋ dolun mi si jaŋ wuo ŋaa nii.”

²⁰ “Ama di losuŋ ne keŋ ŋ diŋdoŋo, ŋaa kudiilee pu.

Di lii-nyuasun ma ne kenu, ŋaa liin pu duu nyua.

Di ŋ ne wuo ŋaa nii, hiisin jaŋ kenu kinkeŋ.”

²¹ Ma sí leŋe di wu-boŋŋoo ŋaanin wuoma. Ama má ŋaa wu-zoŋŋoo di ba wuo wu-boŋŋoo.

13

Má tuto ma tinŋeen nihiasin niin

¹ Nu-u-kala maga duu tuto u tinŋeen nihiasin niin ne. Nu-u-kala bi tinŋeen wuo beŋ, see di Wia liisu a pu dolun. Nialin sí beŋ ma tinŋeen ŋaa Wia ne liiseba. ² Nii wiaa nii-la kala si via u tinŋeen nihiasin niin, u tiina ma via Wia niin wiaa ne. Nii-la kala si ŋaa nii, u jaŋ leŋ di Wia dii u sariya a jon cheerin pu. ³ Nialin sí ŋaa wu-zoŋŋoo bi fawulluŋ ka fá ba tinŋeen nihiasin teen, see nialin sí ŋaa wu-boŋŋoo. Di ŋ ne bi che di ŋ fifá fawulluŋ tinŋeen nihian teen, ŋŋaa wialin si zomo, duu bibesin le. ⁴ U ŋaa Wia tinŋinnu ne duu peŋ le. Ama di ŋ ne ŋaa wu-boŋ, fifá u fawulluŋ, beŋ

wiaa dol-la u si kene, u bi dol-pei ŋaa. U ŋaa Wia tiŋtinnu ne. Nu-kala si ŋaa wu-bomun, Wia na baaniŋ u nyun ne. Nii ne tii nii-la sii beŋ tiŋteen jaŋ wuo doŋise tiina. ⁵ A tiŋ nii wiaa, máa to ma tiŋteen kuhiasin niŋ. Ma sí nii ŋaa a tiŋ Wia si jaŋ na baaniŋ ma nyun dunđuŋa wiaa. Ama má ma ŋaa nii di ma tuobiinaa kala su Wia sipaan. ⁶ Wia si liise tiŋteen nihiasin, nii wiaa u ma maga di ma tiŋ lanpoo. Lanpoo lilaaraa ma ŋaa Wia tiŋtinnaa ne a maa tiŋ tiŋtiniŋ deen a pipi Wia. ⁷ Má tiŋ nuu-kala chiniŋ ma si kene. Má tiŋ lanpoo a pi lanpoo lilaaraa. Di ma ne yoo kuŋ a kaa lii di-bolii kaa ko di ma kaa juu ma tiŋteen, má tiŋ nii ma si maga di ma tiŋ aŋ kaa juu. Má fa nialiŋ si maga di ma fá, a pi jirima nialiŋ si maga di ma pi jirima.

Má cho ma doŋsun tiŋŋaa a kaa mu wuu

⁸ Sí nuu-kala chin dii. Chin-la dunđuŋa si maga di ŋ dii, ŋ bi jaŋ time dere ne ŋla: Cho ŋ doŋo tiina. Nii-la kala si cho u doŋo tiina ŋaa wialiŋ kala Moosis fa si ŋmuŋsa bil di niaa tuto ne. ⁹ Wialiŋ Moosis fa si ŋmuŋsa bil di niaa tuto doŋsun ne ŋla: “Sí ŋ doŋo tiina haala che, sí niaa kpu, sí gaa, sí nuu kuŋ kaa laa.” Wiaa deenba kala ari wialiŋ doŋsun Moosis si ŋmuŋsa bil di niaa tuto, ba kala ŋaa wu-bala ne. U ne ŋla: “Cho ŋ doŋo tiina ari ŋ si cho ŋ titia nii.” ¹⁰ Di ŋ ne cho ŋ doŋo tiina, ŋ bi wu-bonŋ kala jaŋ ŋaau le. Nii wiaa di ŋ ne cho ŋ doŋo tiina, ŋŋ to wialiŋ kala Moosis fa si ŋmuŋsa bil di niaa tuto ne.

¹¹ Má ŋaa wiaa deenba. Ma paala jin bua deen le la si he si nage nii ne. Bua-la le ma si jaŋ sii doŋ le yie ne. Bua-la le Wia si jaŋ laala ta dunia deen le faasa kpaga ne. U ne kpaga kii bua-la le la si laa sipaan laa Yesu wiaa dii. ¹² Tanŋ kpaga puluŋ ne. Mua ne ka, ka di wia poŋe. Má saa leŋ di la leŋ birimiŋ tuonŋ wu-ŋaalaa, aŋ paa laali-yuori genniŋ laale a yuo laaliŋ pi Wia, pulumuŋ tuonŋ. ¹³ Má leŋ di la keŋ la titia woruŋ ari nialiŋ si he pulumuŋ tuonŋ. Ma sí leŋe di la faasa gbieli gbieli-toonunŋ a bubugi, a ŋiŋaa wu-liiliŋ aŋ pe ŋaa wu-bonŋoo. Ma sí doŋo yuo, ma ma sí leŋe di ma yaraa bibieri doŋo nyun. ¹⁴ Má leŋ di Yesu Kirisito ne ŋaa ma laali-yuori geriŋ, aŋ sí ma yaraa tuotore wu-ŋaalaa le hariŋ to. Má jon hariŋ yiaba.

14

Ma sí ma naanbiiriŋ si laa Yesu wiaa dii wiaa laa jin

¹ Di nuu ne he ma tuonŋ a laa Yesu wiaa dii aŋ bi faasa chin u yarida naan le, duu nii che u juu ma tuonŋ, má leŋ duu juu di ma kenu woruŋ. Ama ma sí ma tuobiinaa wiaa kaa lere. ² Ma tuonŋ doŋo tuobiinaa yie ŋaa u didii kuŋ-kala ne, ama doŋo ma he dime, u bi u yarida naan le china woruŋ a ma didii pipaariŋ dunđuŋa. ³ Ma sí leŋe di nii-la sii dii kuŋ-kala mumonŋ nii-la sii kise kialiŋ le. Ma ma sí leŋe di nii-la sii kise le, duu bul nii-la sii dii kuŋ-kala teen ari u bi woruŋ ŋaa, beŋ wiaa Wia cho tiina ne a leŋ u ŋaa u bii. ⁴ Kubee ne kaŋ di ŋ wuo bul di nuu tiŋtinnu cheye ne? Tiŋtinni-la kuhianŋ ne jaŋ wuo bul duu cheye ne koo duu bi cheye. La Kuhianŋ Yesu jaŋ wuo pe u le duu chin. U saa jaŋ chin.

⁵ Nia doŋo yie biine ari tapuluŋ doŋo ne kii tapulaa kala. Doŋo ma biine ari tapulaa kala ŋaa kubala ne. U saa maga di nuu-kala chin u tuobiinaa le ne. ⁶ Nii-la si biina ari tapuluŋ doŋo ne kii tapulaa kala, u liise tapulii-la duu zizil la Tiina Yesu ne. Nii-la ma sii dii kuŋ-kala, u ma ŋaa nii a zizil la Tiina Yesu ne, beŋ wiaa u sii dii kialiŋ, u yie lolle Wia ne. Nii-la ma sii

kise kialiŋ dɔŋsun, u ma ŋaa ŋii aa zil la Tiina Yesu ne, beɛ wiaa u ma sii dii kialiŋ u si bi kise, u ma yie lulolle Wia ne. ⁷ La tuɔŋ kuŋ-kala bi la titia tii. Di la ne he la miisij le, la bi la titia tii. Di la ne suba maa, la bi la titia tii. ⁸ La si he miisij deen le, la jon la miisij a he la Tiina Yesu nisij le ne. Di la nɔi che di la suu maa, la jon la titia ma a he la Tiina Yesu nisij le ne. Di la ne weye koo di la ne suba, la he la Tiina Yesu nisij le ne, ⁹ beɛ wiaa Kirisito suba aŋ bira sii suuŋ le duu tii ni-weyee ari ni-suunuŋ kala ne, a ŋaa ba kala kuhian. ¹⁰ Beɛ ne saa tii ma tuɔŋ dɔŋɔ bubul u naanbie si laa Yesu wiaa dii teen a bul duu bi woruŋ ŋaa? Dɔŋɔ ma bee guguune u naanbie si laa Yesu wiaa dii le. La kala jan chin Wia sipaan duu dii la sariya. ¹¹ Ba ŋmuŋse Wia tenij tuɔŋ a bul ŋla ne: Wia si,

“Mi si he dime ŋii,

nuu-kala jan kpirimi mi sipaan

a suri u niin a bul ari mi ne sene ŋaa Wia.”

¹² Bua-la le la tuɔŋ kuŋ-kala jan dage wialiŋ kala u si ŋaa a pu.

Ma sí wialiŋ si jan lej di ma naanbie juu haache ŋaa

¹³ Ŋii wiaa, ma bira si leŋe di la bubul la dɔŋsun tinŋaa teen a bul di ba bi woruŋ ŋaa, ama u maga di ma biina jon wiin deen ne: Má pupɔ ma sí wii-la si jan bere keŋ ma naanbie he haache le ŋaa. ¹⁴ La Tiina Yesu leŋe mi jin ari kudiil kala tuo si keŋ disinnij. Ama niaa dɔŋsun biina ari kudiilee dɔŋsun keŋ disinnij ne ba kikise. Di ba ne dii kialiŋ, ba jan chei ba kisij le. ¹⁵ Di kialiŋ ŋ sii dii wiaa ne ŋaa ŋ naanbie tuɔŋ chei, ŋ bira buu cho. Kirisito suu u wiaa ne, ŋii wiaa, sí leŋe di kudiile-la ŋ sii dii wiaa cheu. ¹⁶ Wii-la ŋ si jima duu zomɔ, sí leŋe di niaa kaa birime wu-bɔŋ aa bul u wiaa. ¹⁷ Kudiile-la la sii dii ari kialiŋ la sii nyua bi siifian wii ŋaa Wia kuorii-la tuɔŋ. Wialiŋ si ŋaa siifian wiaa Wia kuorii-la tuɔŋ ne ŋla: Di la keŋ tuo-pula Wia sipaan, a keŋ nii-bala, aŋ pe keŋ tuɔtɔruŋ maa Wia Diŋ-zɔŋ-la doluŋ le. ¹⁸ Nuu-kala si to wonbiin deen le a tima pi Kirisito, Wia tuɔŋ jan tɔre u nyuŋ, niaa ma tuɔŋ jan tɔre u nyuŋ.

¹⁹ Má saa lej di la bibiine wialiŋ si jan lej di la keŋ nii-bala, a wuo pipe dɔŋɔ le a keŋ doluŋ. ²⁰ Ma sí kialiŋ ma sii dii wiaa tima chei Wia tinŋinŋaa. Kudiil kala zomɔ ne, u bi disinnij kene di maa kise. Ama di kudiile-la dɔŋsun ma sii dii ne jan lej di nuu juu haache le, u bi maga di ma diiba. ²¹ Wii-la si zomɔ ne ŋla: U bi maga di maa chan namia, koo di ma nyua sinij, koo di maa ŋaa wii-na kala si jan lej di ma naanbie yenŋi u wonbiin. ²² Di ŋ ne laa dii ari wii ne zomɔ di ŋ ŋaa, lej duu he ma di Wia dunduŋa pege. Di nuu ne ŋaa wii-la u si laa dii ari u zomɔ, di u tuɔbiinaa ne buu walime ari u sii ŋaa ŋii, u tuɔŋ jan tɔre. ²³ Ama di nuu nɔi dii kiaa aŋ biine ari u bi maga duu dii, duu ne diiba, Wia jan jon cheerin pu, beɛ wiaa u bi wialiŋ u si laa dii ari ba ŋaa wu-zomɔ ka to. Wii-na kala ne ŋ ŋinŋaa aŋ bi laa dii ari u maga di ŋ ŋaa, u ŋaa haache ne.

15

Má sí ma titia tuɔtɔre wiaa hariŋ to

¹ La nialiŋ si faasa chin la yarida naan le, u maga di la pe nialiŋ yarida si bi yuge le ari wialiŋ ba si bi ba doluŋ kene le. U bi maga di la ŋinŋaa la titia tuɔtɔre wiaa. ² Má lej di la kuŋ-kala ŋaa di u dɔŋɔ tiina tuɔŋ tɔre, di la peɔ le ŋii duu keŋ doluŋ a chin u yarida le. ³ Kirisito ma bi u titia tuɔtɔre wiaa ŋaa. Ba fa ŋmuŋse Wia tenij tuɔŋ a bul ŋla ne a tigeu le: “Jomo-la kala nialiŋ si tuuse ŋ-na Wia,

ba ne ba jonoo tuusemi.”

⁴ Wialinj kala ba fa si nmunse Wia teninj tuonj, ba nmunsa di ba dagela ne, Wia tenj-la ne dagela nii la si janj nja a kenj kenyiri, a nja la nyuj nyaase, di la wuo yiyiele kialinj si he la sipaanj. ⁵ Wia ne pi niaa kenyiri a wuo nja la nyuj nyaase. U janj wuo pema le di ma kenj nii-bala a wuo tuto Yesu Kirisito naa-buasuj, ⁶ di ma kala wuo denne Wia ari nii-bala. U ne nja la Tiina Yesu Kirisito Nyimma.

U maga di nialinj si bi Juu tinjaa nja ma nii Wia wiaa

⁷ Nii wiaa, má sei a kenj donj woruj, ari Kirisito ma si kenjma woruj nii, di Wia yirinj yire. ⁸ Mi janj bula pima ari Kirisito ku tinj tintinjaa a pi Juu tinjaa, a dage nii Wia si kenj wutitii a nja wialinj kala u fa si bula pi la naabalimaba ari u janj nja, ⁹ a wuo lenj di nialinj si bi Juu tinjaa nja, di ba denne Wia a tinj u si fába nennige nii. Ba nmunse nja ne Wia teninj tuonj a bul,

“Mi janj denninj nialinj si bi Juu tinjaa nja tuonj.

Mi ma janj yii yiílaa a denninj.”

¹⁰ Ba bira nmunsa a bul nja ne:

“Ma nialinj si bi Juu tinjaa nja, ma di nialinj kala Wia si liisa, má juose.”

¹¹ Ba bira bul nja ne:

“Ma nialinj kala si bi Juu tinjaa nja,

má denne ma Tiina Wia, a lenj di niaa kala ma dennu.”

¹² Azaaya bira bul nja ne:

“Jesi doho niaa donj janj kó.

U ne janj sii a benj nialinj si bi Juu tinjaa nja.

Ba janj jonj ba yielaa kala heu le.”

¹³ Wia ne lenje la kenj yielaa. Mii che duu lenj di ma yarida wuo nja di ma tuonj tore, di ma honj ari yarifílaa, a bira lenj duu Dinj-zonj-la doluj le ma yielaa yuge.

Wii-la si tii Póol tinj tintinjaa nialinj si bi Juu tinjaa nja tuonj

¹⁴ Mi naanbiirinj, mi chaasa nja yarida ari maa nja wu-zonjoo woruj, a jinj wiaa ma woruj, a wuo didage donj. ¹⁵ Ama teninj deenj tuonj mi kenj nyu-duonj ne di mi wuo liisima wiaa donsunj le a tinj dol-la Wia si pimi wiaa, ¹⁶ di mi tinj Yesu Kirisito tintinjaa nialinj si bi Juu tinjaa nja tuonj. Mi tinj ba tuonj a nage nii-la si kpu pusuñ pipi Wia ne, a bul Wia wu-zomó-la piba. Mi nja nii di Wia wuo laa nialinj si bi Juu tinjaa nja, ari u si laa pusu-la ba si yie kpu a liise sarika a pu. Wia Dinj-zonj-la janj piise ba disinninj ta di Wia laaba. ¹⁷ Yesu Kirisito doluj le mi kenj wonjbiinj di mi dage mi titia a tinj tintimii-la mi si tima pi Wia. ¹⁸ Mi bi nyu-duonj kene di mi bul wii donj kala, see tintimii-la Kirisito si pemi le mi tinj, a wuo lenj di nialinj si bi Juu tinjaa nja ku to Wia niinj. Wialinj mi si bula ari wialinj mi si nja, ¹⁹ wu-kpunjkerisi-la ari wu-magila-la mi si nja Wia Dinj-zonj-la doluj le ne pe nialinj si bi Juu tinjaa nja le ba ku to Wia niinj nii. Mi chaasa bul Kirisito wu-zomó-la, a suomi Jerusalem le a golle nii kala a mu yi Iiirikam. ²⁰ Mi he doluj anj bul Wia wu-zomó-la lee-na kala niaa ha si bi Kirisito wiaa nia. Mi bi che di mi mu lee-la niaa si laa sipaanj mu a bul Wia wiaa, nii ne tii mi nja nii. ²¹ Ba nmunse nja Wia teninj tuonj a bul, “Nialinj ha si bi u wiaa nia, ba janj nii.

Ba janj nii a jinj wialinj bubuonj.”

Póol che duu mu na Rom tinjaa

²² Mi sīi bul Wia wiaa leree dōņsuņ ne tii mi bi ma leriņ wuo kō. Mi walima walima di mi kō ne aņ lōl, ²³ ama lēēle mi bira bi tiņtimii kēne tasiņ deeņba le di mi tiņ, ka mi ma paala cho di mi kō nama faafaa kala. ²⁴ Mii che di mi ku nama bua-la le di mi nīi mu Sipeeņ tiņteen. Di mi ne hōņ ma teen a dieni mua, mii che di ma pemi le di mi veņ mi woņbiiņ. ²⁵ Ama lēēle-na mii mu Jerusalem ne di mi pe Wia niaa le dime. ²⁶ Nialiņ si laa Wia wiaa dii Masidoonia ari Akaaya tiņteen le, ba tuōņ tōre ne ba si kiesē moribee di ba pe summo-la si he Wia niaa tuōņ Jerusalem le. ²⁷ Ba titia tuōņ ne tōrō ba ņaa ņii. Ba faa biine di ba peba le ne a laa ba chimiņ. Wutitii, Juu tiņņaa ne leņe nialiņ si bi Juu tiņņaa ņaa ma nii Wia wiaa. ņii wiaa u maga di ba ma pe Juu tiņņaa le ari ba ma ku-cheēle. ²⁸ Di mi ne tiņ tiņtimii deeņ dere, a keņ moribie-la kala ba si kiesa a kaa mu piba, mi jaņ sīi dime a mu Sipeeņ tiņteen. Di mi nīi mu dime, mi jaņ ku to nama. ²⁹ Mi jima, di mi ne kō, mi jaņ wuo pema le woruņ, ari Kirisito si pemi le ņii.

³⁰ Mi naaņbiiriņ, mii sulma la Tiina Yesu Kirisito doluņ le, ari dol-la Wia Diņ-zōņ-la si joņo pila di la cho dōņo, di ma pemi le a chuōle Wia pimi, ³¹ di Wia liisemi nialiņ si via Wia wiaa nisiņ le a he Judiya tiņteen le. Mā bira sul Wia di u nialiņ si he Jerusalem le, di ba tuōņ tōre ari kialiņ mi si jaņ kaa mu piba nyuņ. ³² Ka di Wia ne seye, mi jaņ kō ma teen ari tuōtoruņ, a ku wiesi mua ma teen. ³³ Wia si wuo ņaa nuhuobiine keņ yarifiēlaa, u jaņ leņ di ma hōņ ari yarifiēlaa. Ami.

16

Pōol chuōle niaa

¹ Mii che mi keņ la dihaala Fiibi dagema ne. U ne ņaa nialiņ si laa Yesu wiaa dii aa hilimi sipaa-laara, a he Keņkiriya le. ² Mā kenu woruņ la Tiina Yesu doluņ le, ari u si maga di Wia niaa keņ dōņo ņii, a peu le ari kuņ-kala u sīi che ma teen. U pe niaa le yuge, a pemi ma le.

³ Mā chuōle Pirusila ari Akuila. La di ba kala ne tiņ tiņtiņņaa aa pi Yesu Kirisito. ⁴ Ba jon ba miisiņ a yōo suuņ ne mi wiaa. ņii wiaa mii lōlēba. Mi dundūņa saa dee, la di nialiņ kala si bi Juu tiņņaa ņaa aņ laa Yesu wiaa dii aa hilimi, la kala nīi lōlēba. ⁵ Mā chuōle nialiņ ma si laa Yesu wiaa dii a hilimee chuōle Wia ba diisiņ le. Mā chuōle mi naņdōņ-chooluņ Epaniitis maa. U ne laa sipaņ laa Kirisito wiaa dii Esia tiņteen le. ⁶ Mā chuōle Mēeri maa. U faasa tiņ tiņtiņņaa woruņ ne ma teen. ⁷ Mā chuōle Aņdōnikas ari Junias maa. Ba ma ņaa Juu timma ne. Ba di la kala he sarika le. Wia naņzōōba-la tuōņ ba ne paala faasa chiņ woruņ. Ba ne laa sipaņ laa Kirisito wiaa dii mi le. ⁸ Mā chuōle Aņpilaatis maa. U ņaa mi naņdōņ-choolii ne la Tiina Yesu wiaa. ⁹ Mā chuōle Abaanis maa, la tiņtinni-dōņo Kirisito tiņtiņņaa le. Mā chuōle mi naņdōņ-chooluņ Sitakis maa. ¹⁰ Mā chuōle Apeles maa, u faasa chiņ Kirisito wiaa le ne woruņ. Mā chuōle Arisobalas dia niaa maa. ¹¹ Mā chuōle Herōdian maa. U ma ņaa Juu tiina ne. Mā chuōle Nasisas dia nialiņ maa si laa la Tiina Yesu wiaa dii. ¹² Mā chuōle Tafiina ari Tifoosa. Ba ma tiņ la Tiina Yesu tiņtiņņaa ne. Mā chuōle mi naņdōņ-chooluņ Pesis. U ma faasa tiņ tiņtiņņaa a pi la Tiina Yesu ne. ¹³ Mā chuōle Rufas maa. U faasa chiņ la Tiina Yesu wiaa le woruņ ne. Mā chuōle la duu kala naaņ. ¹⁴ Mā chuōle Asiņkitas, Filegōņ, Heemis, Patōbas, ari Heemas ari la naaņbiiri-la kala si he ba teen. ¹⁵ Mā

chuole Filoologis, Julia, Niirias ari u dihaala. Má chuole Ɔlinpas maa ari Wia nialin kala si he ba teen. ¹⁶ Má guori donjo a hon worun la Tiina Yesu dolun le. Nialin kala si laa Kirisito wiaa dii aa hilimi lee-na kala, ba maa chuolema.

¹⁷ Mii sulma ne di ma ken ma titia ari nialin si yie ken niaa pupore le a len ba yiyenji ba wonbinj ba sii to le. Má liise ma titia ba le. ¹⁸ Niaa deenba bi la Tiina Kirisito tintinŋaa ka tin, ama ba titia wu-chooloo ne baa ŋaa. Ba yie ken nii-sima a nyise nialin si bi wiaa jin. ¹⁹ Nuu-kala ne nia ari ma sii to Wia niin wiaa njii. U njii ŋaa mi tuoturu ne, mii juose ma wiaa. Mii che di ma paala jin wialin si zomɔ aa ŋaaba, an liise ma titia wu-bonɔɔ ŋaaniŋ le. ²⁰ Di ma nii ŋaa njii, Wia-la si lenje niaa ken yarifielaa, u bi jan dieni, ka di u ken Sitaani nyaga bil ma naasin bubuon di ma nuose. La Tiina Yesu Kirisito jan fama nennige a pema le.

²¹ Timoti mi tintinni-donjo, uu chuolema. Lusias ari Jeesin ari Sosiiyata maa chuolema. Ba ma ŋaa juu timma ne.

²² Mi-na Teetias si nmunje tenin deen, mi maa chuolema la Tiina Yesu dolun le.

²³ Gayas ŋaa mi dia tiina ne, u dia le ne nialin kala si laa Yesu wiaa dii maa hilimi. U maa chuolema. Irasitas, nii-la sii ben moribee tan-la le ari la naanbie Kootos, ba maa chuolema.

[²⁴ La Tiina Yesu Kirisito jan fama nennige a pema kala le. Ami.]

Ma len di la denne Wia

²⁵ Má len di la denne Wia. U ne wuo len di ma wasa ken yarida a tin Wia wu-zomɔ-la mi si bula pima a tige Yesu Kirisito le. Wia ne ŋaa nii-la si bi suu. U fa jon u wu-zomɔ-la ²⁶ faa, faafaa kala ne an lele kaa ku lii pulumun tuon. Lele Wia lenje ba bula pi dunia kala ne di ba laa wialin dii a tutoba. Nialin sii bul wiaa, Wia Din-zon-la dolun le ma fa nmunje wiaa a tige wiaa deenba le ne Wia tenin tuon.

²⁷ Má len la to Yesu Kirisito le a denne Wia wuu. U dunɔɔna ne ken wu-jimin. Ami.

TEN-BUNBUN-LA PÖÖL SI N̄MUNSA PI KÖRINTI NIAA

¹ Mi-na Pööl, ari la naanbie Sösitenis ne n̄munse teniñ deen pipima. Wia tuotöruñ le ne u liisemi di mi n̄aa Yesu Kirisito nanzöö.

² La n̄munse teniñ deen a pipi nialin si laa Yesu wiaa dii aa hilimi Körtiñti tarj-la le ne. Wia ne liisema di ma to Yesu Kirisito le, a n̄aa tuö-pul timma u sipaan. U ne yirema ari nialin kala s̄ii chuöle Yesu Kirisito a he dunia semē-na kala, di ma n̄aa tuö-pul timma u teen, di Yesu n̄aa la di ma kala Tiina.

³ La Nyimma Wia ari la Tiina Yesu Kirisito lahorimö le, ma jan hön ari yarifielaa.

Wia to Kirisito le ne a pela le

⁴ Mi yie lölle Wia woruñ a tin ma wiaa, bæe wiaa u to u lahorimö le ne a jon ku-zöñjöö a pima. Kirisito Yesu le ne u to a n̄aa n̄ii. ⁵ Wii-na kala le, Wia to Yesu le ne a pema le woruñ, ma wuo jin n̄ii ma si jan wuo bubul wiaa an pe jin ba bubuosaa maa. ⁶ Wii-la chaasa chin ne, bæe wiaa wu-zömö-la ba si bula a tige Kirisito le he ma tuön ne woruñ. ⁷ N̄ii wiaa ne tii Wia chaasa pema le woruñ. Ma s̄ii gberē la Tiina Yesu Kirisito duu miira kö n̄ii, u jon kialin kala si lii u Diñ-zön-la teen a dii zile ma le ne. ⁸ Wia ma jan chaasa keñma woruñ, a kaa mu yi tapulii-la la Tiina Yesu Kirisito si jan miira kö. U jan keñma di ma si wu-bön n̄aa a mu yi Yesu Kirisito si jan miira kö tapulii-la. ⁹ Wia keñ wutitii ne. U ne yirema di ma di u Bie Yesu Kirisito ku n̄aa kubala. U ne n̄aa la Tiina.

Nialin si laa Yesu wiaa dii s̄ii yuo döñj

¹⁰ Mi naanbiirin, mii sul ma kala la Tiina Yesu Kirisito doluñ le, di ma keñ nii-bala a si döñj le pöru. Mii sulma di ma keñ tuö-bala a chin wu-bala le. ¹¹ Mi naanbiirin, mi nia di maa yuo döñj ne. La naanbie ba s̄ii yire Kuluuwi, u dia niaa ne bula pimi. ¹² Mii che di mi bul ari ma kuñ-kala bi wonbii-bala ka to. Ma döñj yie bul duu to Pööl hariñ ne, ka döñj ma si duu to Apölos hariñ ne. Döñj ma si u to Piita hariñ ne, ka döñj ma si u to Kirisito hariñ ne. ¹³ Má leñ di mi piesema wiin deen. Ni-bala ne tii Kirisito? Ba kpaase Pööl mere daa-gesē nyuñ duu laama ta nee? Ba foma Wii-chuöle liin Pööl yirin le nee? ¹⁴ Mii lölle Wia ari mi si bi ma kuñ-kala Wii-chuöle liin fo, see la naanbie Kirisipas ari Gayas dunđuña. ¹⁵ N̄ii wiaa nuu ma saa bi jan wuo bul ari mi fou Wii-chuöle liin di u n̄aa mi haritooru. ¹⁶ Mi liise yi ari mi fo la naanbie Sitēfnis ari u dia niaa ma Wii-chuöle liin. ¹⁷ Mi biina mi bira bi niaa döñsun Wii-chuöle liin fo, bæe wiaa Kirisito bimi tima di mi ku fo niaa Wii-chuöle liin. U tinmi ne di mi ku bul Wia wu-zömö-la. Nuhuobiine wu-jimin deē u jonjo pimi mi kaa bubul wialin. U n̄aa n̄ii di dol-la si lii Kirisito le, a tin u si suu daa-gesē nyuñ n̄ii, si pei n̄aa ne.

Kirisito ne keñ Wia doluñ ari u wu-jimin

¹⁸ La si si ari Kirisito suu daa-gesē nyuñ bi bubuö keñ nialin si lele teen. Ama la nialin Wia si laa ta, wialin la s̄ii bul lii u teen ne a keñ doluñ la teen. ¹⁹ Wia teniñ tuön ba bula di Wia si u jan leñ di wu-jinnaa wu-jimii-la n̄aa pei, ka wu-jin kinkeñ tinñaa wu-jimin ma n̄aa pei.

²⁰ Di ɲii ne ɲaa, nii ne wu-jinna-la jaɲ he? Wu-jiɲ kiɲkeɲ timma-la, nii ne ba jaɲ he? Nialɲ si keɲ wiaa kaa liɓere dunia deenɲ le, ba ma jaɲ he nii? Wia daga ari dunia deenɲ wu-jimiɲ ɲaa ni-yaari wu-jimii ne. ²¹ Wia si keɲ wu-jimiɲ, ɲii ne tii u wuo ɲaa di nuhuobiine si u titia wu-jimiɲ le to a jiɲ u-na Wia. Niaa si di Wia wu-zomɔ-la la sii bul ɲaa wu-tɔɔnu ne. Ama nialɲ si laa wialɲ dii, Wia jaɲ laaba ta. ²² Juu tiɲɲaa cho di Wia ɲaa wu-magil ne di ba na, ka Giriik tiɲɲaa ma cho di Wia dage u wu-jimiɲ di ba na. ²³ Ama Kirisito si suu daa-geɓeɓe nyuɲ wiaa ne la bubul. Kirisito si suu daa-geɓeɓe nyuɲ leɲ Juu tiɲɲaa baaniɲ siii, aɲ ka nialɲ si bi Juu tiɲɲaa ɲaa teenɲ u ɲaa wu-peɪ ne. ²⁴ Ama nialɲ Wia si yira kala teenɲ, Juu tiɲɲaa ari Giriik tiɲɲaa kala, Kirisito le ne Wia doluɲ ari u wu-jimiɲ kala he. ²⁵ U maga di ma jiɲ ari wii-la si lii Wia teenɲ, niaa si u ɲaa ni-yaari wii ne, u paala kpia nuhuobiine wu-jimiɲ, ka ba bi jiɲ. Wii-la ma si lii Wia teenɲ, ka nuhuobiine si u ɲaa wu-puguɲ, u keɲ doluɲ a kii nuhuobiine.

²⁶ Mi naaɲbiiriɲ, má liise yi ɲii ma fa si naga bua-la le Wia si yirema. Ma tuɔɲ niaa baɲmɛɛ ne fa keɲ wu-jimiɲ, koo ma tuɔɲ niaa baɲmɛɛ ne faa dii doluɲ niaa le? Ma niaa baɲmɛɛ ma ne fa ɲaa ni-balaa nuhuobiinee teenɲ? ²⁷ Wia paala chaasa liise nialɲ dunia niaa si si ba ɲaa ni-yaari ne, duu wuo he dunia niaa wu-jinnaa hiisiɲ le. Wia bira liise nialɲ ma dunia niaa si si ba ɲaa ni-puguɲuɲ ne, duu wuo he ni-duoruɲ hiisiɲ le. ²⁸ Wia liise nialɲ dunia niaa si bee guguune ari nialɲ si bi lee kene dunia le, duu wuo chee nialɲ dunia niaa si biina ari ba ɲaa nia. ²⁹ Wia ɲaa ɲii di nuu-kala si u doluɲ le wuo to a bigisi u titia le Wia teenɲ. ³⁰ Ama Wia leɲe ma to Kirisito Yesu le a keɲ miisiɲ. Wia saa leɲe Kirisito ne ɲaa la wu-jimiɲ. A tiɲ u wiaa Wia laala ta ne, la ku ɲaa tuɔ-pul timma u teenɲ, a ɲaa nialɲ si bi disinniɲ kene. ³¹ Wia teniɲ tuɔɲ ba bula, “Di nuu-kala nii che duu bigisi u titia le, u tiina maga duu bigisi u titia a mu tige wii-la la Tiina si ɲaa pu le ne.”

2

Pɔɔl bul wiaa a mu tige Kirisito si suu daa-geɓeɓe nyuɲ

¹ Mi naaɲbiiriɲ, mi si kɔ ma teenɲ di mi bul Wia wu-zomɔ-la a pima, mi bi wu-duduosi bula a nage di mi keɲ wu-jimiɲ. ² Mi si kɔ ma teenɲ, mi naga ari mi bi wii-kala jiɲ ne, see Yesu Kirisito si suu daa-geɓeɓe nyuɲ dunduɲa wiaa. ³ ɲii wiaa, mi si he ma teenɲ, mi fa nage ni-pugu ne. Fawulluɲ fa keɲmi, mi boye juɔɲ. ⁴ Nuhuobiine wu-jimiɲ dee mi kaa bubul Wia wu-zomɔ-la, aɲ pe didage ma maa. Ama ɲii mi sii bul wiaa daga ari Wia Diɲ-zɔɲ-la doluɲ hemi le ne. ⁵ Wia ɲaa ɲii mi le di ma na u doluɲ a laa u wiaa dii, a si nuhuobiine wu-jimiɲ le to.

Wia wu-jimiɲ kii nuhuobiine wu-jimiɲ

⁶ Ama nialɲ si waa Wia wiaa le, la yie didageba wu-jimiɲ ne. Wu-jimiɲ deenɲ la sii dagu tuo dunia deenɲ niaa wu-jimiɲ, dunia deenɲ ni-duoruɲ wu-jimiɲ ma dee. Ni-duoruɲ deenɲba wu-jimiɲ jaɲ dɛre. ⁷ Wu-jimii-la wiaa mi sii bul, u lii Wia teenɲ ne a ɲaa wu-faali niaa teenɲ. Wu-jimii-la faa ne Wia teenɲ ne, ka dunia-na suomi. Wia liiseɓa di la keɲ wu-jimiɲ deenɲ ne a wuo keɲ tula u teenɲ. ⁸ Nialɲ kala sii beɲ dunia deenɲ bi wiaa deenɲba bubuɔɲ jiɲ. Di ba ne fa jiɲba, ba fa bi jaɲ kpaase la Tiina-la si keɲ tula a mere daa-geɓe-la nyuɲ. ⁹ Ba ɲmuɲɓe Wia teniɲ tuɔɲ ari ku-la nuhuobiine ha

si bi na, ari ku-la u ha si bi u wiaa ma nia, ari ku-la ha si bi nuhuobiine tuobiinaa jua, kialinj titia ne Wia wasa bil nialinj si chou le.

¹⁰ Ama Wia to u Diŋ-zoŋ-la le ne a leŋ la-na jin wiaa deenba fa si faa. Wia Diŋ-zoŋ-la yie ghilli wii-kala ne, a paala jin Wia wii-wii-kala. ¹¹ Nuhuobiinj be ne jan wuo jin wii-la u doŋo sŋi biinu? Nu-u-kala bi wuo jin, see u tiina titia sŋi biinu wii-la. Nŋi titia ne nu-u-kala bi jan wuo jin wialinj Wia sŋi biinu, see Wia Diŋ-zoŋ-la dunduŋa. ¹² La laa Wia Diŋ-zoŋ-la ne. U tuo dunia deen kuj. Wia joŋ u Diŋ-zoŋ-la a pila ne di la wuo jin kialinj kala u si joŋo dii zile la le. ¹³ La yie bul kiaa deenba wiaa a pi niaa ne. Dunia deen wu-jiminj dee la kaa bubul wiaa. Ama Wia Diŋ-zoŋ-la ne dagela ŋii la si jan bul wialinj. U yie dage u titia wiaa bubuosa a pi nialinj le u si he, di ba ma jin ba bubuosa.

¹⁴ Nii-la kala si bi Wia Diŋ-zoŋ-la kene bi jan laa kialinj Wia si joŋo pi nialinj si keŋ u Diŋ-zoŋ-la. U tiina bi jan wuo jinba. Ba yie ŋaa wu-peiba ne u teen, be wiaa nuu bi jan wuo jinba, see duu keŋ Wia Diŋ-zoŋ-la.

¹⁵ Nii-la si keŋ Wia Diŋ-zoŋ-la ne jan wuo chagile nuu-kala. Ama nii-la si bi Wia Diŋ-zoŋ-la kene bi jan wuo chagile nii-la si keŋ Wia Diŋ-zoŋ-la.

¹⁶ Wia teninj tuoŋ ŋla ne ba ŋmuŋse a piŋse, "Kube ne jin la Tiina Wia tuobiinaa? Kube ne jan wuo bul wiaa a chagilu?" Ama la-na jin Kirisito tuobiinaa ne.

3

U maga di Wia tiŋtinnaa pe doŋo le a tiŋ u tiŋtiŋŋa

¹ Mi naanbiirin, mi bi wuo bul wiaa ma teen ari ma ŋaa nialinj sŋi to wialinj sŋi toŋe Wia Diŋ-zoŋ-la tuoŋ ne. Ama mi bul wiaa ma teen ari nialinj sŋi to ba tuotoŋe wu-ŋaalaa le ne. Ma ha ŋaa hanbiisinj ne Kirisito wiaa le. ² Wialinj mi si bula ma teen, ba naga yilinj ne mi leŋ ma wase. Mi bi wu-yunj kala bula pima. Bua-la le, ma ha bi siri ŋaa di ma nii wu-yunj. Ari lele kala ma ha bi wu-yunj kala wuo nii. ³ Wii-la si tii ma haa to ma tuotoŋe wu-ŋaalaa le ne: Ma si keŋ yaribierinj doŋo le ŋii a yuyuo doŋo ŋii daga ari maa to ma tuotoŋe wu-ŋaalaa le ne, a ŋiŋaa wii-kala ari nialinj si bi Wia jin sŋi ŋaa ŋii. ⁴ Ma yie poŋe doŋo le ne. Doŋo si duu to Pooŋ hariŋ ne, ka doŋo ma si duu to Apoloŋ hariŋ ne. Ma sŋi bul ŋii, dunia niaa wu-bulaa dee ma bubul ŋii?

⁵ Kube ne Apoloŋ? Kube ne Pooŋ? La ŋaa Wia tiŋtinnaa ne. La ne bul Wia wiaa pima ma laa dii. La kuj-kala tiŋ tiŋtimii-la la Tiina Wia si joŋo pila di la tiŋinj ne. ⁶ Wia wialinj la si bula pima nage tii-bie ne la choŋse. Mi ne choŋse tia-la, Apoloŋ ma ne ŋaa liinj a mise, ama Wia ne leŋe tia-la waa. ⁷ Nii-la si choŋse tia-la ari nii-la si ŋaa liinj mise tia-la kala bi siifia wii ŋaa. Wia ne kii ba kala, be wiaa u ne leŋe tia-la waa. ⁸ Nii-la si choŋse tia-la ari nii-la si ŋaa liinj mise tia-la, ba kala tima mage doŋo ne. Wia jan tiŋ nuu-kala a mage ŋii u si tiŋ u tiŋtimii-la mage. ⁹ La kala ŋaa tiŋtinni doŋse ne a pe Wia le laa tiŋ. Ma saa nage Wia бага ne la pere hihe. Ma bira nage dia-la Wia titia si saa ne.

¹⁰ Tiŋtimii-la mi sŋi tiŋ, Wia ne joŋ dolunj pimi. Mi nage dii-sara-la si jin dia saaninj worunj ne a bil Wia-dia-la geŋtine. Nu ma doŋ ne saa dia-la u jil. Nu-u-kala saa fiele u siaa a saa dia-la duu jil. ¹¹ Wia laa sipaanj ne a joŋ Yesu Kirisito duu ŋaa u dia-la geŋtine. Nu-u-kala bira bi jan wuo bil dia-la geŋtine yiri. ¹² Di nuu ne joŋ selime kaa saa dia-la duu jil, koo hoŋ, koo tabiin, koo daa-borusunj, koo tuto, koo kaha, ¹³ di Kirisito ne miira ko tapulii-la, kialinj nuu-kala si joŋo saa dia-la u jil, ba jan nau. Nyininj ne jan

dage ku-la ba si kaa saa nagisinj. Ba jan to nii le a jinj tiŋtimii-la nuu-kala si tima. ¹⁴ Di nyinj-la ne ko anj bi wuo dii kialinj nuu-kala si kaa saa dia-la, u tiina jan laa u time. ¹⁵ Ama di nyinj-la ne wuo dii kialinj nuu-kala si kaa saa dia-la, u tiina jan tel. Ama u-na titia Wia jan laau ta. U jan naga ari nyinj-la faa che duu dii u tiina ne, anj ka Wia liisu nyinj-la le.

¹⁶ Ma bi jinj ari ma naa Wia-dia ne Wia Diŋ-zon-la jujuu? ¹⁷ Nii wiaa, di nuu-kala ne chei Wia-dia-la, Wia ma jan chei u tiina. Wia-dia bi disinninj kene. Ma titia ne naa dia-la.

¹⁸ Nu-u-kala si u titia nyisu. Di nuu ne he ma tuonj a biine ari u kenj wu-jiminj dunia deenj le ne, u maga duu birime ni-yaari ne a wuo kenj wu-jimii-la si lii Wia teenj. ¹⁹ Dunia niaa wu-jiminj naa pei ne Wia teenj. Wia teninj tuonj ba bula ari

“Wia to dunia niaa wu-jiminj le ne
a bere keseba.”

²⁰ Wia teninj seme donjo ma ba nmuŋsa ari wu-jinnaa tuobiinaa kala naa pei ne. ²¹ Nii wiaa nuu-kala saa si u boye le nmoo a dage wii-la nuhuobiine si jan wuo naa. Wutitii, ma ne tii kuŋ-kala. ²² Ma ne tii Pɔɔl, a tii Apolos, a tii Piita, a tii dunia, a tii miisinj, a tii suunj ma, a tii leele ari maachie. Ma ne tii ba kala. ²³ Kirisito ne tiima, Wia ma ne tii Kirisito.

4

Yesu nanzɔɔba si nage nii

¹ Ma sii benja nii, u maga di nuu-kala jinj ari la naa Kirisito tiŋtinnaa ne. La nage nialinj sii benj Wia kaaa pupu ne. U ne leŋe la bubul u wu-kuŋkuŋperisi-la fa si faa a pipi niaa. ² Ama u maga di tiŋtinni kala kenj wutitii a titinj u tiŋtiŋnaa. ³ Mi sipaa tuo di ma nii bul mi teenj a mu tige wialinj mi sii dage le. Mi paala bi cheerinj joŋo pi mi titia, nii wiaa nuu-kala bi jan jonj cheerinj pimi a mu tige mi wu-ŋaalaa le. ⁴ Mi tuobiinaa kala chese ne. Ama mi saa bi jan wuo dage ari mi bi wii cheye. La Tiina Wia ne jan dii mi sariya a jinj ari mi cheye ne koo mi bi cheye. ⁵ Nii wiaa, ma si cheerinj joŋo pi nuu-kala, see di tapulii-la la Tiina si jan ko a dii la sariya. Duu ne miira ko, wu-bomɔ-la kala niaa si naa biriminj tuonj, ba kala janj ku lii pulumuŋ. Niaa tuobiinj-lorunu-la kala ba si kene janj ku lii pulumuŋ le. Nu-u-kala si kenj time mage nii Wia teenj, u janj laa.

⁶ A tiŋ ma wiaa, mi naanbiirinj, mi jonj wiaa deenja mi si bula, a kaa dage la di Apolos si nage nii ne. Mi naa nii di ma wuo gunne a wuo tuto Wia niinj wialinj ari la sii to nii, di ma si donjo le poru a cho donsun anj bere donsun. ⁷ Kubee ne naa ma yuga kii ma donsunj? Wia dee bi kialinj ma si kene joŋo pima? Bee ne tii ma bibigisi ma titia le a nage kialinj ma si kene, Wia dee bi joŋo pima?

⁸ Ma paala kenj kuŋ-kala ma sii che ne. Ma paala kiila ne anj leele dii kuorunj. Wutitii, la fa cho di ma dii kuorunj, di la di ma kala bibenj kuŋ-kala ne. ⁹ U naga ari Wia jonj la nialinj si naa u nanzɔɔba di la naa ni-peiba ne dunia deenj le. U naga ba liisela niaa tuonj di ba kpula ne. Ba tuosela a kaa ku lii, di dunia niaa kala ari Wia tinjdaaraa nala a huurila ne. ¹⁰ A tiŋ Kirisito wiaa, la naa ni-yaara ne, ka ma-na kenj wu-jiminj Kirisito teenj. La-na naa puwuoloo ne, anj ka ma-na naa ni-duuri. Niaa mumonja le anj zizilma. ¹¹ Naa-buasunj deenja le losunj ari lii-nyuasunj kenja ne, la laale geri-kosumɔɔ, ba nmuŋmoola, la gollo bibaare. ¹² La faasa titinj ne di la pe la titia le. Di niaa ne nmiesa hela le, la-na yie sul Wia piba ne, di ba ne

to naasinj dudogisela, la yie nyalime ne. ¹³ Di ba ne chei la yirinj, la-na yie bubul wu-zoŋŋo ne ba teenj. Naa-buasunj deenba le, dunia nisurunj paala kpiala ne.

¹⁴ Ma nage mi bii-choolie ne. Nii wiaa, mi bi wiaa deenba nmuŋsa pima di hiisinj kenja, ama mii che di mi chagilema ne. ¹⁵ Di ma ne kenj sipaa-laaraa sii dagema Kirisito wiaa, di ba ne ŋaa bui fi maa, ma bi nyimmaba kene. Mi ne ŋaa ma nyimma Yesu Kirisito le, bee wiaa mi ne bul Wia wu-zomɔ-la a pima. ¹⁶ Nii wiaa mii sulma di ma to mi hariŋ a ŋiŋaa wialinj mi sii ŋaa. ¹⁷ Nii ne tii mi tinj Timoti duu ko ma teenj nii. U nage mi bii-choolii ne, a kenj wutitii maa la Tiina Kirisito wiaa le. U jaŋ liliisima nii mi sii to Kirisito wiaa, ari nii mi si yie dageba lee-na kala niaa si laa Yesu wiaa dii aa hilimi tuonj. ¹⁸ Ma doŋsunj kenj nyu-duonj ne a bibiine ari mi bi jaŋ ku nama. ¹⁹ Di Wia ne seye, mi bi jaŋ dieni aŋ ku nama. Di mi ne ko, mi bi che di mi nii nyu-duo tinjŋaa deenba wu-bulaa duŋduŋa, ama mi jaŋ chiche di mi jin lee-la ba dolunj si he. ²⁰ Wia kuorii-la bi nuhuobiine wu-bulaa le china, ama Wia dolunj le ne u chinj. ²¹ Wu-bee ne ma cho? Mi kori chiba ku viiremaa, koo mi kenj chonunj ari siifielaa ko?

5

Nialinj si laa Yesu wiaa dii doŋsunj ne ŋaa wu-liilin

¹ Ba venee bul, mi nii ari nuu ne he ma tuonj a ŋaa disinninj. U nii loɔ. Nialinj si bi Wia jinj ma paala bi nii ka ŋaa. Ba bula pimi ari nuu ne he ma tuonj a laa u nyimma haala jaa. ² Ee ne saa ma jaŋ wuo ŋaa a bigisi ma titia le? U maga di ma tuonj chei ne, ka di ma liise nii-la si ŋaa nii a ta ma tuonj.

³ Mi-na, mi paala he di-bolii ne, ama mi dima guoli ma tuonj ne. La Tiina Yesu dolunj le, mi paala jonj cheerinj pi nii-la si ŋaa wu-lorunj deen ne. ⁴ Mi jonj cheerinj pi tiina ne. La Tiina Yesu Kirisito dolunj le, di ma ne ku hilimi, ka mi dima he ma tuonj, ⁵ má jonj baala deenj he Sitaani nisinj le, di u to u tuotore wu-ŋaalaa le a dogise u yaraa, ka di Wia laa u dima ta tapulii-la la Tiina si jaŋ miira ko.

⁶ Ma sii bigisi ma titia le nii, u ŋaa pei ne. Ma bi jinj ari si-burunj mua ne ba yie jonj he boroboro mununj le, ka u sii puore a yugee? ⁷ Má jonj si-buru-binii-la ta. Di ma ne ŋaa nii, ma jaŋ wuo ŋaa tuo-pul timma, a wuo nage boroboro muŋ-falii-la ba ha si bi si-burunj he. Ma saa jima ari ma bi haache kene. La ŋaa siri di la gbieli diisinj gbieli-bal-la ne. Kirisito ne ŋaa Pie-bie-la ba si kpua di la kaa dii la diisinj gbieli-bal-la. ⁸ Nii wiaa, má lenj di la gbieli la diisinj gbieli-bal-la. Má lenj di la jonj boroboro binii-la si kenj si-burunj ta. Si-buru-la nage haache ari tuo-bomunj ne. Má lenj di la gbieli ari boroboro-la si bi si-burunj kene. Boroboro deenj nage wutitii ari tuo-pula ne.

⁹ Tenj-la mi si nmuŋsa pima, mi bula pima di ma liise ma titia nialinj sii ŋaa disinninj tuonj ne. ¹⁰ Mi saa bi bula ari ma sí dunia niaa si ŋaa disinj tinjŋaa, koo nialinj si kenj tuo-lununj, koo gaaraa, koo vui-kpaaraa tuonj guolu. Di ma nii che di ma sí ba tuonj guolu, nii-na ma bi jaŋ he dunia le.

¹¹ Ama wii-la mi sii bul ne ŋla: Ma sí ma titia kaa mu mere nii-la si si u ŋaa nialinj si laa Wia wiaa dii doŋo ne aŋ ŋiŋaa disinninj, koo u kenj tuo-lununj, koo u kpaare vuiaa, koo u gollo chichei niaa yirinj, koo u ŋaa si-nyuaru, koo u ŋaa gaaru. Ma paala sí leje di ma di tiina hoŋ a dii kudiilee maa.

¹² Mi tinjiminj dee di mi dii nialinj si bi Yesu jinj sariya. Ama ma-na saa

maga di ma dii dɔŋɔba sariya nɛ. ¹³ Nialinj si bi Yesu jin-na, Wia nɛ jan dii ba sariya. Wia teninj tuɔŋ ba bula, “Má liise ni-bɔmuŋ ma tuɔŋ.”

6

Nji si maga di nialinj si laa Yesu wiaa dii bul wiaa wase

¹ Ma nialinj si ŋaa Wia niaa, di wii nɛ ku hɛ ma balia pɛgɛ, dɔŋɔ yie kɛŋ wii-la kaa mu nialinj si bi Wia ka chuɔlɛ teen nɛ, di ba bul wii-la a wase. Bɛɛ nɛ tii ma ŋaa ŋla? Bɛɛ nɛ tii ma yie bi leŋɛ Wia niaa bul wii-la wiwase? ² Ma bi jin ari Wia niaa nɛ jan dii dunia niaa sariya? Di ma nɛ jan dii dunia niaa sariya, ma bi wu-biisinj deenba wuo bula wiwaseɛ? ³ Ma bi jin ari la Wia niaa nɛ jan dii Wia tinɔdaaraa ma sariya? A saa ku bibɛŋ wialinj si ŋaa dunia lɛɛ? ⁴ Nii-na saa, di wii ku hɛ ma balia pɛgɛ, bɛɛ nɛ tii ma yie mu nialinj si bi Wia ka chuɔlɛ teen, nialinj si bi di-chini kɛnɛ nialinj si laa Yesu wiaa dii aa hilimi sipaaj di ba bula wase pima? ⁵ Ma hiisi nɛ. Ni-bala paala tuo ma tuɔŋ si kɛŋ wu-jiminj, di wii nɛ ku hɛ Wia niaa balia pɛgɛ, duu wuo bul a waseɛ? ⁶ Ama di Wia niaa balia nɛ kɛŋ wii, dɔŋɔ yie kɛŋ u dɔŋɔ tiina mu nialinj si bi Wia ka chuɔlɛ teen nɛ ba bul wii-la wase piba.

⁷ Ma si vɛnɛɛ kɛŋ dɔŋɔ mumu niaa deenba teen di ba dii ma wu-bulun pima, daga ari ma kala tele nɛ Wia wɔŋbiinj lɛ. Di nuu nɛ ŋaa wii chei u dɔŋɔ, bɛɛ nɛ tii u bi tɔrɛ? Di nuu nɛ gura laa u dɔŋɔ kiaa, bɛɛ nɛ tii u bi leŋɛ tiina kikenj kialinj? ⁸ Ama ma titia yie ŋaa wiaa chichei dɔŋɔ aŋ girima lilaa ma naanbiirinj ma kiaa.

⁹ Ma bi jin ari tuɔ-bɔŋ tinɔŋa bi jan wuo juu Wia kuorii-la tuɔŋ? Ma si ma titia nyisu. Nialinj si ŋaa disinninj ari nialinj sii kpaare vuuiaa, ari nialinj si gollɔ chiche niaa haalaa, ari baalaa koo haalaa balia si jaa dɔŋɔ, ari baala-la koo haala-la si gollɛ lee-kala aa ŋaa ba-liili koo ha-liili wiaa, ¹⁰ ari gaaraa ari tuɔ-luŋ tinɔŋa, ari si-nyuaraa, ari nialinj sii chei niaa yirinj, ari nialinj sii girima lilaa dɔŋɔba kiaa, niaa deenba kuŋ-kala bi jan wuo juu Wia kuorii-la tuɔŋ. ¹¹ Ma dɔŋsunj faa ŋaa wiaa deenba nɛ. Ama Wia fo ma haacheba ta nɛ. Wia nɛ tiima. A tinj la Tiina Kirisito Yesu wiaa ari Wia Diŋ-zɔŋ-la doluj lɛ, ma ŋaa tuɔ-pul timma nɛ Wia teenj.

U maga di la leŋ disinj wu-ŋaalaa

¹² Mi jan wuo bul ari di mi nɛ cho, mi jan ŋaa wii-na kala mi sii che. Wutitii nɛ, ama wii-na kala bi jan ŋaa wu-zɔŋ a pimi. Mi jan wuo bira bul ari mi nɛ cho, mi jan wuo ŋaa wii-kala, ama mi bi jan sei di kuŋ-kala kɛŋ doluj mi lɛ. ¹³ Nuu ma hɛ dime a ma jan bul, Wia nɛ ŋaa kudiilee ba dii hihe luorunj lɛ, ka luorunj ma laa kudiile-la bibil. Wutitii nɛ, ama Wia jan leŋ di kudiilee ari luoru-la kala pua. Wia bi nuhuobiine ŋaa duu kɛŋ u yaraa ŋinɔa disinninj, ama duu kɛŋ u yaraa tima pupu. Wia nɛ tii yara-la maa. ¹⁴ Wia doluj lɛ nɛ u chise la Tiina Kirisito suunj lɛ. U jan chisela ma suunj lɛ. ¹⁵ Ma bi jin ari ma yaraa ŋaa Kirisito yaraa sɛmɛ dɔŋɔ nɛɛ? Ma bira biina ari mi jan wuo jonj Kirisito yaraa sɛmɛ dɔŋɔ a mɛrɛ ha-chɔrumunj yaraa lɛ? Ai, mi bi jan ŋaa nii. ¹⁶ Koo ma bi jin di baala nɛ kɛŋ ha-chɔrunj-la pinj, ba kala ŋaa kubala nɛɛ? Wia teninj tuɔŋ ba chaasa bul, “Baala ari u haala jan mɛrɛ dɔŋɔ lɛ a ŋaa kubala.” ¹⁷ Nji titia nɛ niila si kɛŋ u titia mu mɛrɛ la Tiina Kirisito lɛ, ba duu ŋaa kubala nɛ Wia Diŋ-zɔŋ-la doluj lɛ. ¹⁸ Má liise ma titia disinninj lɛ. Haache-dɔŋ-na kala nuhuobiine si ŋaa bi u yaraa ka chei, ama baal-la si ŋaa disinninj yie chei u yaraa kala nɛ. ¹⁹ Ma bi jin ari ma yaraa ŋaa Wia Diŋ-zɔŋ-la u si jonj

pima dia nɛɛ? Ma dee bi ma titia tii. Wia nɛ tiima. ²⁰ Wia jonj u chalinj nɛ yɔɔma. Nji wiaa, má kɛɲ ma yaaraa tinj tinjimii-la sɛ tɔrɛ Wia tuɔɲ.

7

Pɔɔl bul ha-jaari wiaa

¹ Teɲ-la ma si nɲmuɲsa pimi tuɔɲ ma piɛsemi wiaa dɔɲsuɲ. Mii chɛ di mi bul wiaa a tige wialinj lɛ nɛ. U nɲaa wu-zɔɲ nɛ di baala nɛ bi haala jaa. ² Ama a tinj wu-liilin wiaa, baal kala jaa u haala, di haal ma kala jaa u bala. ³ U maga di baala ari u haala jonj ba titia a pipi dɔɲɔ, a nɲɲaa dɔɲɔba tuɔtɔrɛ wiaa. ⁴ Haala bi u titia tii, u bala nɛ tiuu, baala ma bi u titia tii, u haala nɛ tiuu. ⁵ Di baala nɛi chɛ u haala, u bi maga di haala via, di haala ma nɛi chɛ u bala, u bi maga di u bala ma via, see di ba kala seye ari ba bi janj jinj dɔɲɔ a mage tapulaa banmɛnɛ, aɲ jonj ba titia kala hɛ Wii-chuɔluɲ lɛ. Ama di ma nɛ chuɔlɛ Wia dɛrɛ, má bira suomo jinj dɔɲɔ. Di ma nɛi nɲaa nɲii, Sitaani bi janj wuo na wonbiinj a jonjma hɛ haache lɛ a tinj ma si bi ma titia kɛninj jinj wiaa. ⁶ Mi sɛi bul wiinj deɲj a pipima, u bi naga ari mii chɛ di mi bil wii nɛ pima di ma tuto. ⁷ Wutitii nɛ, mi fa janj cho di ma kuɲ-kala nagɛmi a bi haala jaa. Ama nuu ma kala ari u wii Wia si jonjɔ pu nɛ. Wia yie jonj wiinj deɲj a pi kubala a jonj wii dɔɲ a pi nuu dɔɲ maa.

⁸ Mii chɛ di mi bul bonjonɲɔo ari ha-bonjonɲɔo ari ma yo-haalaa wiaa nɛ. U janj nɲaa wu-zɔɲ di ma ma nɛ nagɛmi a bi baala koo haala jaa. ⁹ Ama di ma nɛ bi ma titia wuo kikerɲ, má mu jaa balaba ari haalaa. U nɛ kpia ma si janj jonj baalaa koo haalaa wiaa a hɛ ma nyunj lɛ.

¹⁰ Baala-la si kɛɲ haalaa ari haala-la si kɛɲ balaba, mii chɛ di mi bul wiinj deɲj pima nɛ. Mi titia dee bi bul, ama la Tiina nɛi bul wii-la. U nɛ nɲla: ari haala bi maga duu via u bala, ¹¹ ama di haal nɛ via u bala, u maga duu bira si baal dɔɲ jaa nɛ, aɲ hɔɲ a nɲaa ha-bonjonj. Duu nɛ na duu bi bonjorunj wuo hɔɲ, u maga duu miira mu u bala teɲj. Baala ma bi maga duu via u haala.

¹² Ma ni-kaanaa maa, mi-na Pɔɔl nɛ bul wiinj deɲj pipima, la Tiina Wia dee. Di baal-la si laa Wia wiaa dii nɛ kɛɲ haal-la si bi Wia wiaa laa dii, di haal-la nɛ seye di ba hɔɲ, baal-la bi maga di u viau. ¹³ Di haal-la si laa Wia wiaa dii nɛ kɛɲ baal-la si bi Wia wiaa laa dii, duu nɛ seye di ba duu hɔɲ, u bi maga di haal-la viau. ¹⁴ Wii-la si tii nɛ nɲla: Di haala nɛ laa Wia wiaa dii aɲ ka u bala bi laa dii, a tinj haal-la wiaa, Wia yie jonj ari baal-la ma bi disinninj kɛnɛ. Nji titia nɛ, di baal nɛ laa Wia wiaa dii aɲ ka u haala bi laa dii, a tinj baal-la wiaa, Wia yie jonj ari haal-la ma bi disinninj kɛnɛ. Di nɲii fa dee, ba biirinj fa janj nage nialinj si bi Wia ka chuɔlɛ biirinj a kɛɲ disinninj. Ama ba biirinj bi disinninj kɛnɛ Wia teɲj. ¹⁵ Baal koo haal, di ba tuɔɲ nii-la si bi Wia ka chuɔlɛ nɛi chɛ di nii-la u si jaa viiri, u maga duu viiri. Duu nɛ viire, nii-la sɛi chuɔlɛ Wia bi wii nɲaa chei. Wia yie chiche di ma hɔɲ sɔm nɛ. ¹⁶ Haal-la si laa Wia wiaa dii, aɲ ka u bala bi Wia wiaa laa dii, ɛɛ nɛ nɲ janj wuo nɲaa jinj ari nɲ bala ma janj ku laa Wia wiaa dii? Baal-la ma si laa Wia wiaa dii, ka u haala bi Wia ka chuɔlɛ, ɛɛ nɛ nɲ ma janj wuo nɲaa jinj ari nɲ haala janj ku laa Wia wiaa dii?

¹⁷ Ku-la kala Wia si jonjɔ pinj, ari nɲii nɲ fa si naga ka Wia yirinj, u maga di nɲ kɛnu nɛ. Wiinj deɲj nɛ mi didage nialinj si laa Yesu wiaa dii aa hilimi lee-na kala. ¹⁸ Di nuu nɛ fa keri u peninj ka Wia yiru, u bi maga duu biine ari u nɲaa wu-bɔɲ nɛ. Di nuu ma nɛ bi u peninj kere aɲ ka Wia yiru, u tiina bi maga duu keri u peninj. ¹⁹ Di nɲ keri nɲ peninj koo di nɲ bi kere, u bi wii

kene Wia teenj. Wii-la si n̄aa siifianj wii ne, di ma tuto Wia niinj wialinj u si bula. ²⁰ Nuu-kala si nage n̄ii anj ka Wia yiru, ú nage n̄ii. ²¹ Di n̄ ne fa n̄aa yonj anj ka Wia yirinj, sí lenje duu n̄aa wii-kala. Ama di n̄ ne na wonjbiinj n̄ si janj wuo tii n̄ titia, u maga di n̄ tii n̄ titia ne. ²² Yon-na kala la Tiina Kirisito si yira, u tiina tii u titia ne Kirisito teenj. N̄ii titia ne nii-la si tii u titia anj ka Kirisito yiru, n̄aa Kirisito yonj ne. ²³ Kirisito ne jonj u chalinj yooma. N̄ii wiaa, ma sí nuhuobiinee yosunj n̄aa. ²⁴ Mi naanjbiirinj, nuu-kala si nage n̄ii anj ka Wia yiru, u maga duu nage n̄ii titia ne.

Bonjonjoo, ha-bonjonjoo ari yo-haalaa wiaa

²⁵ Ma si piesemi wii-la a mu tige ha-toloo le, Wia bi wii-kala bula pila a mu tigeba le, ama Wia si f̄ami nennige n̄ii, u lenje mi n̄aa ni-titii, n̄ii wiaa mii che di mi bul wii ne a tige ha-toloo le. ²⁶ A tinj leele tinjteenj si dolie wiaa, u janj z̄onj di baal ne bi haala kene. ²⁷ N̄ jaa haala nee? Pupo n̄ síu via. N̄ bi haala jaa? N̄ii-na bira sí haal che. ²⁸ Ama di n̄ ne jaa haala, n̄ bi haache wii n̄aa. Di ha-tolo ma ha si bi bala jaa, duu ne jaa bala, u bi haache wii n̄aa. Ama nialinj si jaa haala koo baala, ba yie juu wiwalimaa tuonj ne. Mi bi che di ma juu wiwalimaa deenba. N̄ii ne tii mi si ma sí baala koo haala kenj. ²⁹ Mi naanjbiirinj, wii-la mi síi bul ne n̄la: La bi janj dieni dunia deenj le. N̄ii wiaa, nialinj si kenj haalaa, maga di ba nage ari ba bi haalaa kene ne. ³⁰ Nialinj síi yel maga di ba nage ari ba tuonj bi cheye, ka nialinj síi m̄onj maga di ba naga ari ba tuonj bi t̄or̄o. Nialinj síi ȳōo k̄iaa maga di ba nage ari ba bi kuñ-kala ka ȳōo. ³¹ Bayalaa ma maga di ba nage ari ba bi k̄iaa yalle. Dunia deenj n̄aginj, u bi janj dieni kinjenj.

³² Mi bi che di wiaa walimema. Baal-la si bi haala kene yie jonj u nyunj kala he la Tiina tinjtinj n̄aa le ne. U yie chiche duu tima pi u Tiina duu tuonj t̄ore ne. ³³ Ama baal-la si kenj haala yie bibiine dunia wu-n̄aalaa wiaa ne, bee wiaa u yie chiche duu n̄aa wiaa duu haala tuonj t̄ore ne. ³⁴ N̄ii wiaa, u yie kenj tuobiinaa balia ne a titinj u tinjtinj n̄aa. Haal-la koo ha-tolo-la si bi bala kene yie jonj u titia kala a he la Tiina tinjtinj n̄aa le ne. U yie chiche duu yaraa ari u tuonj kala pulle Wia teenj ne. Ama haal-la si kenj bala yie jonj u titia kala he dunia wu-n̄aalaa le ne, bee wiaa u yie chiche duu n̄aa wiaa duu bala tuonj t̄ore ne. ³⁵ Mii che di ma pe ma titia le ne, n̄ii ne tii mi bubul wiinj deenj. Mi bi che di mi kirima ma tuot̄ore wu-n̄aalaa le. Ama mii che di ma n̄aa wialinj síi to wonjbiinj le ne, a jonj ma titia ari ma wii-wii-kala a he la Tiina tinjtinj n̄aa le.

³⁶ Baala si suge ha-tolo duu jaa, di haal-la ma ne seye di ba jaa d̄onj, anj ka a tinj Wia tinjtinj n̄aa wiaa ba honj anj bi d̄onj le he, di baal-la ne bene ari u bi u titia wuo kenj, duu che siifiesinj duu jinj haal-la, u maga duu jaau a kenu. U n̄ii bi haache kene. ³⁷ Ama di baal ne he dime a jinj u tuonj le ari u janj honj anj bi haal jinj, a biine wii-la le a mu d̄ere, a wuo kenj u titia worunj haalaa wiaa le, a wuo jinj ari u bi janj jaa ha-tolo-la u si suga, ama ba duu honj anj bi d̄onj jinj, u tiina n̄aa wu-z̄onj ne. ³⁸ N̄ii wiaa, di baal-la ne jaa haala u n̄aa kukeri ne, ama nii-la si bi haala jaa ne paala kp̄iaau.

³⁹ Haala si kenj bala, di u bala ne he u miisinj le, u bala-la ne tiuu. Ama di u bala ne suba, u kenj wonjbiinj duu bira janj baal d̄onj u si cho. Ama u maga duu jaa nii-la si cho la Tiina ne. ⁴⁰ Duu ne bi bala jaa, u janj na tuot̄orunj. Mi tuobiinaa ne n̄ii. Mi bul wiinj deenj, bee wiaa ma jima ari Wia Dinj-z̄onj-la hemi le.

8

Vuiaa kiaa diiniŋ wiaa

¹ Ma si piesemi wiaa doŋsun a mu tige vuiŋ kudiilee le, mii che di mi bul wiaa a mu tigeba le ne. U ŋaa wutitii ne ari la kala jin wiaa ne. Wu-jimin saa yie keŋ u tiina bibigisi u titia le ne. Ama nialin si cho niaa yie peba le ne di ba chin wialin ba si laa dii le woruŋ. ² Nii-la si biina duu jin wiaa ne, u bi wii-kala jin ari u si maga duu jin nii. ³ Ama di nuu ne cho Wia, Wia jin u tiina ne.

⁴ Nii wiaa aŋ ka vuiŋ kudiile-la wiaa. La jima ari vuiŋ bi ku-wei ŋaa. La bira jima ari Wii-bala duŋduŋ ne he dime. ⁵ Di vuiaa ma ne he dime, di ba ne he wia nyuŋ koo tinŋteen, di ba ne keŋ doluŋ niaa le maa a yuge, ⁶ la-na jin Wii-bala ne. U ne ŋaa la Nyimma. U ne ta kuŋ-kala si he dime. U ne tiila. U le ne la to a keŋ miisin. La Tiina ŋaa kubala ne. U ne Yesu Kirisito. U le ne Wia to a ta kuŋ-kala. U le ne la to a keŋ miisin maa.

⁷ Ama niaa kala dee bi wiin deen jin. Niaa doŋsun fa kpaare vuiaa a mal ne kinkeŋ, ari jinin kala di ba nii dii vuiaa kudiilee, ba yie biine ari ba pe nialin sii kpaare vuiaa le ne. Ba yie bibiine ba tuobiinaa le ari ba ŋaa wii ne a chei. ⁸ Kudiilee bi jan wuo leŋ di Wia ari nuhuobiine pege zoŋ. Di ŋ ne dii kudiilee doŋsun aŋ vivia doŋsun, u tuo wii-kala Wia teen. ⁹ Ma nialin si laa Wia wiaa dii a jin ari ma jan wuo dii kuŋ-kala, má fiele ma siaan, di nii dee ma jan leŋ di nialin ma si laa Wia wiaa dii aŋ bi ba le china woruŋ juu haache le. ¹⁰ Ma nialin si waa Wia wiaa le, di ma doŋsun ne juu vuiŋ dia a hoŋo didii kiaa, di nialin si bi waa Wia wiaa le ne nama di ma dii kudiilee deenba, ma bi jin ari ba ma jan to ma hariŋ a didii kiaa deenba? Ba si ŋaa nii, ba jan biine ari ba ŋaa wii ne a chei. ¹¹ A tin ma wu-jimin deen, ma naanbie tele ne, nii-la wiaa Kirisito si suba. ¹² Nii wiaa, di kudiile-la ma sii dii ne leŋe di ma naanbiirin to a juu haache le, maa chei u tuobiinaa ne nii. Di ma ne ŋaa nii, ma juu Kirisito haache le ne. ¹³ Nii wiaa, di mi ne jima ari di mi ne dii kudiil doŋ, mi naanbie jan tel, nii-na mi bi jan dii.

9

Wialin Yesu nanzooba si jan wuo ŋaa

¹ Ma si nami nii, mi bi mi titia tii? Mi bi Wia nanzoo ŋaa? Mi ha bi Yesu la Tiina naa? Ma si laa wialin dii bi daga ari mi tima pi la Tiina nee? ² Di niaa doŋsun ne paala bi laa dii ari mi ŋaa Wia nanzoo, ma-na teen mi ŋaa ne. Miisi-la ma si kene la Tiina Kirisito teen daga ari mi ŋaa u nanzoo ne a tima pupu.

³ Di niaa nii bul mi teen, ŋla ne mi yie bul a laa mi titia: ⁴ U bi wonbiin kene la sii bul Wia wiaa a pipima, di ma ma pila kudiilee ari liin la nyunyua, koo? ⁵ U bi wonbiin kene di la ma jaa haalaa, di ba to la hariŋ a mumu lere-la la sii bul Wia wiaa, koo? Wia nanzooba doŋsun ari la Tiina Yesu ŋaanaa ari Piita ba sii yire Kiifas yie ŋaa nii ne. ⁶ Koo la di Banabas duŋduŋa ne maga di la bul Wia wiaa aŋ pe tima pe la titia lee? ⁷ Laali-yuori bee ne yie chiche u titia kiaa u tinŋinŋaa le? Paari bee ne bi u titia бага kiaa ka dii? Na-daari bee ne bi u titia na-yilin ka chage?

⁸ Ma biina mi keŋ wialin dunia niaa sii ŋaa tapulii-na kala ne la kaa mimagisee? Wialin Moosis si ŋmuŋsa bil di niaa tuto, ba bi nii titia bula ba lee? ⁹ Wialin Moosis si ŋmuŋsa bil tuoŋ, ba bula ari “Ba bi muŋ-nonnu chanŋkanŋaa ka chagise.” Wia sipaan tuo muŋ-nonnu-la le. ¹⁰ Wia si bul

wiin̄ deen̄, la wiaa ne u bubul̄ nii. La nialin̄ sii bul Wia wiaa ne ba ηm̄un̄se wiin̄ deen̄ pa. Paaraa ari nialin̄ sii kun̄ бага kīaa kala yie yiyiele ari ba ken̄ torun̄ ne kialin̄ le. ¹¹ Nii titia ne Wia wialin̄ la si bula pima nage ku-doho ne la duu ma teen̄. Nii-na di ma nūi pela le ari dunia kīaa, ma si biina ari maa ηaa kikieli ne. ¹² Di ma nūi pi nīaa dōnsun̄ kīaa deen̄ba, u bi maga di ma faasa pila a kiiba? Ama la ha bi kun̄ laa ma teen̄, di la si wii-kala ηaa kerē Wia wu-zōmō-la si tige Kirisito won̄biin̄ le. ¹³ Nuu-kala dii u tin̄tin̄ηaa lerin̄ ne. Ma jima nii-la sii tin̄ Wia-dia le ka dii Wia-dia le ne, ka nialin̄ ma si kpu pusun̄ pipi Wia ma yie didii namia-la ne. ¹⁴ Nii titia ne la Tiina bul di nialin̄ sii bul Wia wu-zōmō-la, di ba ma to dime a ma didii ba kudiilee.

¹⁵ Ama mi ha bi won̄biin̄ deen̄ to a chiche mi ku-cheeleē. Mi saa bi tenin̄ deen̄ ηm̄un̄sa pima, di mi laa kīaa ma teen̄. Mi bi jan̄ sei di nuu-kala jon̄ kun̄ pimi, di mi si wuo bigisi mi titia le won̄bii-la mi sii to le. Mi si jan̄ suu ne kpia nuu-kala si jan̄ ηaa ηii mi le. ¹⁶ Mi bi won̄bii kene di mi bigisi mi titia le a tin̄ mi sii bul Wia wu-zōmō-la wiaa. Ba tin̄mi ne di mi bulba. U saa fa jan̄ lore pimi di mi ne bi Wia wu-zōmō-la bula. ¹⁷ Di mi ne fa bul Wia wu-zōmō-la mi titia tuōtorun̄ le, ηii ne mi fa jan̄ chiche di mi laa time. Ama tin̄timii deen̄ mi sii tin̄, mi titia tuōtorun̄ le dee mi titin̄, ama Wia ne si mi titin̄. ¹⁸ Nii wīaa saa, beē kun̄ time ne ba jan̄ jon̄ tin̄mi? Mi bi kun̄-kala ka che. Mi tin̄timin̄ ne di mi bul Wia wu-zōmō-la a pima, a si kun̄-kala laa nuu-kala teen̄. Mi bi jan̄ laa ku-la si maga di mi na a tin̄ mi sii bul Wia wu-zōmō-la wiaa.

¹⁹ Mi ne tii mi titia, mi tuo nuu-kala yon̄. Ama mi ken̄ mi titia ηaa nuu-kala yon̄ ne di mi na nīaa yuge di ba ku to Wia. ²⁰ Di mi ne mu Jūu tin̄ηaa teen̄, mi yie ken̄ mi titia a nage ari mi ηaa Jūu tiina ne, di mi wuo bul Wia wīaa piba, di ba wuo ku to Wia. Di mi ne mu nialin̄ sii to wialin̄ Moosis si ηm̄un̄sa bil di nīaa tuto teen̄, mi yie ken̄ mi titia a nage ba tuōn̄ dōn̄ ne, ama mi bi ba won̄bii-la-na ka to. Mi yie ηaa ηii di mi wuo na di ba dōnsun̄ ku tuto Wia ne. ²¹ Nii titia ne, di la di nialin̄ si bi Jūu tin̄ηaa ηaa ne hon̄, mi yie ken̄ mi titia birime ba dōn̄ ne, di mi wuo na di dōnsun̄ ku tuto Wia. Wiin̄ deen̄ bi naga ari mi bi wialin̄ Wia si bula di la to ka to. Ama mi sene tuto wialin̄ Kirisito si bula ne. ²² Di mi ne mu nialin̄ si bi waa Wia wīaa le teen̄, mi yie ken̄ mi titia a nage ba dōn̄ ne, di mi wuo len̄ di ba ku to Wia. Mi yie ken̄ mi titia birime a nage nuu-kala ne di mi wuo laa dōnsun̄ ta, di mi ne wuolo. ²³ Wīaa deen̄ba kala mi sii ηaa, mii ηaaba a tin̄ Wia wu-zōmō-la wīaa ne. Mi ηaa ηii di mi ma wuo na ku-zōmō-la nialin̄ si laa Wia wu-zōmō-la dii si jan̄ na Wia teen̄ ne.

²⁴ Ma kala jima ari di ba nūi fá, fifaara-la kala yie fá ne. Ama ba tuōn̄ ni-bala ne yie dii. Nii wīaa, má faasa fá a wuo dii a laa kīaa. ²⁵ Fifaari-na kala ba sii dagu yie wuo ken̄ u titia wii-na kala le ne duu wuo fá a dii. Ama u si yie fá a dii ku-la, u bi dieni an̄ ka u chei. Ama la-na yie fá a dii ku-la si bi chei ne. U jan̄ he dime deen̄ deen̄. ²⁶ Nii ne tii mii fá tegi tegi a mumu diderin̄ ηii. Bira ηii ne tii mi nage chor̄ia ηm̄un̄mooro ηii. Mi bi mi nis̄in̄ viise tita pei. ²⁷ Mi ken̄ mi titia kala a ηaa mi yaraa diri ne ari ηmobun̄ le. Mi ηaa ηii di mi wuo ken̄ mi titia he dōn̄ le ne. Di ηii dee, di mi ne bul Wia wu-zōmō-la a dere, ba jan̄ bula pimi ari mi bi toru kene Wia kuorii-la tuōn̄.

10

¹ Mi naan̄biirin, mii che di ma liise mu yi wii-la si ɲaa la naabalimaba fa sii to Moosis hariŋ le. Wia leŋ duon̄bilingbaan̄ɲ ne ku kiese to ba kala le, a beŋ ba nyun̄ worun̄ ba kala kieli mugi-bal-la ba sii yire Mugi-fian̄. ² Duon̄bilingbaan̄-la si kiese toba le ɲii leŋ ba wuo kieli muga-la. U ɲii nage ari ba kala fa fo Wii-chuōle liin̄ ne a ɲaa Moosis haritooro. ³ Ba kala ma dii kudiile-la Wia si jon̄o lo a piba. ⁴ Ba kala ma ne nyua lii-la si lii Wia teen̄. Lii-la Wia si piba di ba nyua lii bun̄ le ne. Kirisito titia ne saa ɲaa Bun̄-la, ka u to ba hariŋ. ⁵ Ari ɲii kala, Wia tuon̄ fa bi ba jesin̄ nyun̄ tōo, ɲii wiaa ne tii Wia kpuba giri-bine tuon̄.

⁶ Wiaa deen̄ba kala ɲaa wu-magilaa ne. Baa dagela di la sí wu-bon̄ɲoo cho ari niaa deen̄ba fa si choba ɲii ne. ⁷ Ma sí vuiaa kpaaru ari la naabalimaba tuon̄ niaa don̄sun̄ fa sii kpaaru ɲii. Wia ten̄ɲ tuon̄ ba si, “Nialin̄ hon̄o di ba dii kudiilee, an̄ sii gua a ɲaa wu-liilin̄.” ⁸ Bira u bi maga di la ɲaa wu-liilin̄, ari la naabalimaba tuon̄ niaa don̄sun̄ fa sii ɲaa ɲii. ɲii wiaa ne tii Wia leŋ ba niaa bui mara ari batori sii suu che-bala. ⁹ Ba tuon̄ don̄sun̄ ma fa magise la Tiina Wia ne. ɲii ne u leŋ din̄ɲaa din̄ba a kpu. U bi maga di la ma magisu. ¹⁰ Ba tuon̄ don̄sun̄ ma fa gugurime wiaa Wia teen̄. ɲii ne u leŋ u tin̄daara ku kpuba. ¹¹ Wia ɲaa wiaa deen̄ba kala ba le duu chagileba ne. Ama ba saa ɲmun̄se wiaa deen̄ba bil ne a pila di ba didagela wiaa ne. La he bua-la le dunia si kpage diderin̄ ne. ¹² ɲii wiaa nuu-kala sí biina ari u chin̄ worun̄ ne wialin̄ u si laa dii le. U maga duu fiɛle u siaa ne, di ɲii dee u jan̄ tel. ¹³ Di Sitaani ne ku magise nuu, u maga duu jin̄ ari ɲii titia ne Sitaani yie mimagise nuhuobiinee kala. Ama Wia keŋ wutitii ne. U bi jan̄ sei di Sitaani magisema a kieli ɲii ma si jan̄ wuo ɲaa, a chin̄ wialin̄ ma si laa dii le. Bua-la Sitaani sii magisema maa, Wia jan̄ pima dolun̄ di ma wuo nyalime. U jan̄ dagema won̄bii-la ma si jan̄ to a lii wii-la le.

¹⁴ ɲii wiaa, mi nan̄don̄-choolie, má liise ma titia vuiaa kpaarin̄ le. ¹⁵ Mi jima di ma keŋ woru-jimin̄ ne, ɲii ne tii mi bul wiin̄ deen̄ pipima. Má biine wiin̄ deen̄ worun̄. ¹⁶ Di la n̄ii dii kudiile-la Kirisito si si di la dii a liliisi u wiaa, la yie sul Wia ne, an̄ ka la jon̄ nyunyuala-la a nyua u tuon̄ kiaa. La si ɲaa ɲii yie dage ari a tin̄ Kirisito chalin̄ wiaa la ɲaa kubala ne. Di la ne dii boroboro-la maa, u ɲii daga ari a tin̄ Kirisito yaraa wiaa la kala ɲaa kubala ne. ¹⁷ Boroboro bala ne la yie didii. ɲii wiaa la kala ɲaa kubala ne, bee wiaa la kala keŋ boroboro bala ne a kaa kpaá don̄o. ¹⁸ Má biine mu yi Iziral tin̄ɲaa le, ba nialin̄ fa si yie kpu pusun̄ a nyige a pipi Wia. Di ba ne kpu puna-na kala, ba ma yie chan̄ ba torun̄ ne. ɲii daga ari ba di Wia kala ɲaa kubala ne a tin̄ ba kala si dii puna-la ba si kpu pi Wia. ¹⁹ Wiin̄ deen̄ mi si bula, u bubuon̄ ne bee? Ma biina mi si di vuiaa ari vuiaa kudiilee ɲaa kiaa nee? ²⁰ Ai, wii-la mi si bula ne ɲla: Di vui-kpaaraa ne kpaare vuin̄, kun̄-na kala ba si kpaá, ba yie kpu pi jin̄sin̄ ne. Wia dee ba kpu pa. Mi saa bi che di ma di jin̄sin̄ ku ɲaa kubala. ²¹ Ma di Wia bi jan̄ wuo pe nyunyuala, an̄ ka ma di jin̄sin̄ ma pe nyunyuala. Ma bira bi jan̄ wuo didii kiaa Wia teen̄ an̄ bira mu didii jin̄sin̄ ma teen̄. ²² Koo laa che di la ɲaa di Wia baan̄ɲ sii nee? Koo la biina la ne dolie kii Wia?

²³ Mi jan̄ wuo ɲaa wii-kala, ama ba kala bi jan̄ wuo pemi le. Ba kala bi jan̄ wuo ɲaa di mi waa Wia wiaa le. ²⁴ Nuu-kala bi maga duu ɲaa u tuotore wiaa, ama u maga duu ɲɲaa u don̄o tiina tuotore wiaa ne. ²⁵ Ma jan̄ wuo dii namia-na kala ba sii yallu yobo le. Ma sí leŋe di ma tuobiinaa walimema a mu tige namia-la le, ari ma jan̄ wuo dii koo ma bi jan̄ wuo

dii. ²⁶ Wia teniŋ wiaa tuɔŋ ba si, “Dunia ari kuŋ-kala si he u tuɔŋ, la Tiina Wia ne tiiba.” ²⁷ Di nii-la si bi Wia ka chuɔle ne yiriŋ di ŋ ku dii kiaa, di ŋ ne cho di ŋ mua, mu a dii, ama si leŋe di ŋ tuɔbiinaa walimiŋ a mu tiŋe kudiile-la le, ari u maga di ŋ dii koo u bi maga di ŋ dii. ²⁸ Ama di nuu ne bula piŋ ari kialin ŋ sii dii ŋaa vuiŋ kiaa ne, u naga ari nii-la si bula piŋ tuɔbiinaa ka walimu ne a mu tiŋe kudiile-la le. Nii wiaa si dii. ²⁹ Sɔ ŋ tuɔbiinaa le to a dii, to nii-la si bula piŋ tuɔbiinaa le a si dii. Di mi ne jima ari mi keŋ woŋbiin di mi ŋaa wii, beɛ ne saa tii nuu doŋ tuɔbiinaa jaŋ wuo pɔ di mi si wii-la ŋaa? ³⁰ Di mi ne lolle Wia aŋ-na dii kudiil-na kala, eɛ ne saa nuu doŋ jaŋ wuo bul ari mi cheye ne a tiŋ kudiile-la mi si die wiaa?

³¹ Nii wiaa kuŋ-na kala ma sii dii ari kuŋ-na kala ma sii nyua, wii-na kala ma sii ŋaa, má ŋaa ba kala di Wia yiriŋ yire. ³² Wii-na kala ma sii ŋaa le, má pɔ ma titia le. Ma si leŋe di Juu tiŋŋaa koo nialiŋ si bi Juu tiŋŋaa ŋaa via Wia woŋbiin. Ma si leŋe di nialiŋ ma si laa Yesu wiaa dii aa hilimi, di ba doŋɔ ma tel. ³³ Má ŋiŋŋaa nii mi sii ŋaa. Wii-na kala mi sii ŋaa, mi yie chiche di mi pe nuu le ne. Mi bi che di mi ŋaa wiaa a pe mi titia le. Ama mii che di mi pe ni-dan le ne, di Wia wuo laaba ta.

11

Nii si maga di haalaa chuɔle Wia

¹ Má chesimi ari mi sii chesi Kirisito nii. ² Ma ŋaa kukeri ne ma si liisi mi wiaa wii-kala le a tuto wialiŋ mi si dagema. ³ Ama mii che di ma jii ari Kirisito ne ŋaa baal-na kala sipaa-laara, ka baala ma ne ŋaa haala sipaa-laara, ka Wia ma ne laa Kirisito sipaan. ⁴ Nii wiaa di baal nii chuɔle Wia, koo duu nii bul Wia wiaa niaa tuɔŋ, duu ne joŋ kuŋ to u nyuŋ, uu hiise Kirisito ne. ⁵ Di haal ma kala nii chuɔle Wia koo duu nii bul Wia wiaa, aŋ bi kuŋ joŋo to u nyuŋ, uu hiise u bala ne. Di haal ne bi kuŋ joŋo to u nyuŋ, u naga ari u fuŋ u nyuŋ ne. ⁶ Di haal ne bi che duu joŋ kua to u nyuŋ, u maga di u fuŋ u nyuŋ ne. U si ŋaa hiisi wii nii di haala ne fuŋ u nyuŋ koo duu ke u nyuŋ nii, u maga di haala joŋ kuŋ ne a to u nyuŋ. ⁷ Baala-na bi maga duu joŋ kuŋ a chu to u nyuŋ, beɛ wiaa nii Wia si naga, nii titia ne u ŋaa baala. Baala tula ma lii Wia teenj ne, ka haala ma tula lii baala teenj, ⁸ beɛ wiaa haala le dee Wia to a ŋaa baala, ama u to baala le ne a ŋaa haala. ⁹ Bira, Wia bi baala ŋaa a tiŋ haala wiaa, ama u ŋaa haala ne a tiŋ baala wiaa. ¹⁰ A tiŋ Wia tiŋdaaraa wiaa haala maga duu joŋ kuŋ ne a vɔɔ to u nyuŋ. ¹¹ Nialiŋ si laa Kirisito wiaa dii le, baala bi u titia tii, haala ma bi u titia tii, ba kala tii doŋɔ. ¹² Wia si to baala le a ŋaa haala nii, nii titia ne haala ma lulul baala. Wia ne ŋaa ba kala. ¹³ Má titia biine wiinj deej woruŋ, a na di haal nii chuɔle Wia lee-la nialiŋ si laa Yesu wiaa dii sii hilimu aŋ bi kuŋ joŋo to u nyuŋ, u zɔmɔ neɛ? ¹⁴ Wia si ŋaa baala, u daga ari baala ari nyu-puŋ-duduosuŋ keŋ hiisin ne, ¹⁵ ama haala-na tuɔŋ jaŋ wuo tɔre a tiŋ u nyu-puŋ-duduosu-la. Wia joŋ nyu-puŋ-duduosuŋ pi haala di u kaa to u nyuŋ ne. ¹⁶ Di nuu ne saa che duu keŋ wiinj deej kaa lere, mi jaŋ bul ari wii-la ne la tuto. Wii doŋ kala tuo. Nialiŋ si laa Yesu wiaa dii aa hilimi ma ka to nii ne.

*Nii si maga di la dii kialin a liliisi Yesu wiaa
Mat. 26.26-29; Maak 14.22-25; Luuk 22.14-20*

¹⁷ Mii che di mi dagema wiaa banmene ne. Di ma ne hilime di ma chuole Wia, ma yie bi donjo le pe. Ma yie chichei donjo ne. Ma ha bi woruj nja. ¹⁸ Wii-la mi sii che di mi bul ne nja: Mi nia ari di ma ne ku hilimi di ma chuole Wia, ma bi nii-bala ka kenj. Mi saa laa dii a nage wutitii mua he wiinj deenj mi si nia le. ¹⁹ U paala maga di ma pore donjo le ne, di ba to nii le a na nialinj si nja ni-titiiba. ²⁰ Di ma ne ku hilimi, di ma dii kudiile-la la Tiina Kirisito si si di la didii a liliisi u wiaa, u dee ma didii nii. ²¹ Di ma nii dii, nuu-kala yie didii u kudiilee ne. Donjsun kenj losunj, ka donjsun ma bugi. ²² Bee ba! Ma bi diisinj kene ma si jan wuo honj dime a dii kudiilee an pe nyunyua? Koo maa che di ma monj nialinj si laa Yesu wiaa dii aa hilimi, an lenj di nialinj si bi kun kene ba tuonj dii huiisnj nes? Bee ne maa che di mi bula pima a tige wiinj deenj le? Mi bibesema lee? Ai, mi bi jan besema le.

²³ La Tiina Kirisito teenj ne mi laa wialinj mi si dagema. Titanj-la ba si jonj la Tiina Yesu yalle ne, u jonj boroboro ²⁴ a lolle Wia, an kaa choge an bul, "Mi yaraa ne nja mi chogjo pima, ma laa dii. Ma ma choge boroboro a didii, a liliisi mi wiaa." ²⁵ Nii ne ba si dii boroboro-la dere, u bira jonj nyunyuala ari si-huonj an bul, "Nyunyuala deenj ne Wia jonjo a tita nij-falii-la ma teenj. Mi jan suu di mi chalinj jaase. Bua-na kala le di ma nii nyuau, ma nyua a liliisi mi wiaa." ²⁶ Ka di la Tiina-na ko, ma dii boroboro deenj an nyunyua nyunyuala tuonj. Di ma nii nja nii, ma yie didii dansia ne ari la Tiina Kirisito suu ma wiaa ne.

²⁷ Nii ne tii di nuu-kala ne dii boroboro deenj, koo duu ne nyua nyunyuala-la tuonj, a bi nii nja di la Tiina yirinj yire, uu tuuse la Tiina jonjoo ne nii. U tiina nja chei ne. U bi la Tiina yaraa ari u chal-la jonjo ari ba nja siifinj kiaa. ²⁸ Nii wiaa nuu-kala maga duu laa sipaanj a benj u titia le woruj an-na dii boroboro-la, a nyua nyunyuala-la tuonj maa. ²⁹ Di nuu ne bi u titia le bene woruj ari boroboro-la u sii dii nja Kirisito yaraa ne, si-huo-la ma nja u chalinj, u kenj u titia banjaa he nmeninj ne nii. ³⁰ Ma donjsun he dime a bi ba titia le bene an-na didii boroboro-la, an pe nyua nyunyuala-la tuonj. Nii ne tii ma donjsun wiwiile nii, ka donjsun ma pugime, ka donjsun ma suu. ³¹ Di la ne laa sipaanj benj la titia le, la bi jan kenj la titia banjaa kaa he nmeninj le Wia teenj. ³² Ama di Wia ne na di la cheye, u yie dogisela ne. U yie nja nii duu sila jonjo pe dunia niaa le a dii la sariya, a jonj cheerinj pila.

³³ Nii wiaa mi naanbiirinj, di ma ne hilime di ma dii kudiile-la la Tiina si si la didii a liliisi u wiaa, ma gberede donjo. ³⁴ Di losunj ne kenj ma donjo, u maga duu dii kiaa u dia le ne an-na ko. Di ma ne nja nii an hilimi, Wia bi jan jonj cheerinj pima. Wu-kaana-la-na, di mi ne ko, mi jan dagema ba wonbiinj.

12

Kialinj Wia Dinj-zonj-la si jonjo dii zile la le

¹ Leele, ma lenj di la bul kialinj Wia Dinj-zonj-la si jonjo dii zile la le wiaa. Mi naanbiirinj, mii che di ma jinj kiaa deenja ne. ² Ma jima bua-la le ma fa si bi Wia ka chuole, ma faa to Sitaani harij ne, a faa kpaare vuuia maa. Vuuia deenja fa bi wiaa wuo bubul. Ba lenj ma yenj ne. ³ Mii che di ma jinj ari di nuu ne kenj Wia Dinj-zonj-la, u bi jan wuo kaliba he Yesu le. Nuuna kala bi jan wuo bul di Yesu ne nja la Tiina, see di Wia Dinj-zonj-la heu le.

⁴ Wia Diŋ-zoŋ-la si joŋ kialin dii zile la le, ba yuga ne, ama ba kala lii u dunɗunɗa teen ne. ⁵ Wonɓiee yuga ne la si jaŋ wuo to a tima pipi Wia, ama Wii-bala ne la tima pipa. ⁶ Kialin Wia Diŋ-zoŋ-la si joŋo dii zile la le yie tinj tintin-yiriba ne u niaa le, ama Wia ne toba le a titin tintimtia-la kala. ⁷ Nu-u-kala keŋ u wii ne Wia Diŋ-zoŋ-la si joŋo dii zile u le, duu kaa pipe u naanbiirin le. ⁸ Wia Diŋ-zoŋ-la yie joŋ wu-jimin a pi nuu u wuo bubul Wia wiaa pipi niaa. U yie joŋ wii pi nuu doŋ u wuo jin Wia wiaa bubuɗoŋ a wuo didageba woruŋ. ⁹ Wia Diŋ-zoŋ-la yie ŋaa nuu doŋ ma keŋ yarida, ka doŋo ma keŋ doluŋ a ma wuo vivaare niaa, ¹⁰ ka doŋo ma keŋ doluŋ a kaa ŋaa wu-kpuŋkperisin, ka doŋo ma keŋ doluŋ a wuo bubul Wia wiaa, ka doŋo ma bira keŋ wu-jimin u yie jin diŋsi-la si lii Wia teen ari diŋsi-la si bi u teen lia pege. Wia Diŋ-zoŋ-la yie pi nuu doŋ ma doluŋ u wuo bubul wiaa, yiikori-la Wia Diŋ-zoŋ-la si pe niaa le ba bubul, ka u pi doŋo ma wu-jimin u wuo dage wialin ba si bula bubuɗoŋ. ¹¹ Tintin-yiri deenba kala lii Wia Diŋ-zoŋ-la teen ne. U titia tuɗoruŋ le ne u to a joŋ ku-yiri-yiri deenba a pi nuu-kala ari nii Wia si cho.

¹² Nuhuobiine yaraa ŋaa kubala ne, ama u nanɗaasin yuga ne. La yaraa nanɗaasin si yuga nii, ba kala pe doŋo le ne a ŋaa yari-bala. Nii titia ne Kirisito ma nage. ¹³ La nialin si laa Yesu wiaa dii, la nage ŋla ne. La yuga ne, ama la ŋaa kubala ne. Wia Diŋ-zoŋ-la doluŋ le ne ba fola Wii-chuole liin, nialin si ŋaa Juu tinŋaa ari nialin si bi Juu tinŋaa ŋaa, nialin si ŋaa yosu ari nialin si ti ba titia. Wia leŋe la laa u Diŋ-zoŋ-la a he la tuɗoŋ ne.

¹⁴ Nuhuobiine bi nanɗaa-bala kene, u nanɗaasin yuga ne. ¹⁵ Di nuhuobiine naan ne bula ari u si bi nisin ŋaa, nii wiaa u bi nuhuobiine nanɗaan ŋaa, u si bul wii-la bi jaŋ leŋ di u si nuhuobiine seme doŋ ŋaa. ¹⁶ Di nuhuobiine digilin ma ne si u bi siin ŋaa, nii wiaa u bi nuhuobiine yaraa seme doŋo ŋaa, u nii bi jaŋ leŋ di u si nuhuobiine seme doŋ ŋaa. ¹⁷ Di nuhuobiine yaraa kala ne fa ŋaa siaa, ee ne nuhuobiine fa jaŋ ŋaa a ninii wiaa? Di nuhuobiine yaraa kala ma ne fa ŋaa digilaa, ee ne u fa jaŋ ŋaa a ninii suoraa? ¹⁸ U si nage nii, Wia ŋaa nuhuobiine nanɗaan kala, kuŋ-kala ari u tintimii, ari nii u si cho ne. ¹⁹ Di nuhuobiine fa keŋ nanɗaa-bala, nii ne u yara-la fa jaŋ he? ²⁰ U si nage nii, nuhuobiine nanɗaasin yuga ne a mere doŋo le a ŋaa yari-bala. ²¹ Nii wiaa siaa bi jaŋ wuo bula pi nisin ari u buu che, nii titia ne nyuŋ ma bi jaŋ wuo bula pi naasin ari u biba ka che. ²² Di la ne bene, la jaŋ na ari nuhuobiine bi jaŋ keŋ doluŋ di u nanɗaasi-la si paala bi siifian kiaa ŋaa ne tuo u le. ²³ La biina ari la nanɗaasi-la doŋsun bi siifian kiaa ŋaa, ama ba nyuŋ ne la yie biben woruŋ. La bi nanɗaasi-la niaa sii na nyuŋ ka beŋ woruŋ. ²⁴ Wia ne joŋ nuhuobiine nanɗaasi-la kala a mere doŋo le, a ŋaa u biben u nanɗaasi-la si bi siifian kiaa ŋaa nyuŋ woruŋ. ²⁵ Wia ŋaa nii di nuhuobiine yaraa ŋaa kubala ne a kala tima pipe doŋo le. ²⁶ Di nuhuobiine seme doŋo nii wii, u yaraa kala nii wii nii, di ba ne bira bese nuhuobiine seme doŋo le, u nanɗaasi-la kala le ne ba bese nii.

²⁷ Ma kala si laa Yesu wiaa dii, ma ŋaa Yesu yaraa ne, ma kuŋ-kala ne pe doŋo le a ŋaa yaraa kubala. ²⁸ Nii ne ti nialin si laa Yesu wiaa dii aa hilimi tuɗoŋ, Wia joŋ ma kala he leree ne, nialin si laa sipaan ne Wia nanɗoɗɗa, nialin sii tigeɗa le ne ŋaa nialin sii bul wiaa, Wia Diŋ-zoŋ-la doluŋ le, nialin sii to ne ŋaa nialin sii dage Wia wiaa, ari nialin ma sii ŋaa wu-magilaa ari nialin ma Wia Diŋ-zoŋ-la si joŋ doluŋ pa ba vivaare niaa, ari nialin sii pe niaa le, ari nialin sii beŋ niaa, ari nialin sii bul wiaa yiikori-

la Wia Diŋ-zōŋ-la si peba le ba bubul. ²⁹ Wia niaa kala bi Wia nan̄zōoba ŋaa, ba kala tuo nialin̄ sii bul wiaa, Wia Diŋ-zōŋ-la dolun̄ le, koo nialin̄ sii dage Wia wiaa. Ba kala dee bi dolun̄ ken̄e di ba ŋin̄aa wu-magilaa. ³⁰ Ba kala dee bi dolun̄ ken̄e di ba vivaare niaa. Ba kala dee bi yie bubul wiaa yiikori-yiriba-la, Wia Diŋ-zōŋ-la si pe niaa le ba bubul le. Ba kala dee bi wialin̄ Wia Diŋ-zōŋ-la si bula bubuŋ ka dage. ³¹ Nii wiaa, má jon̄ ma nyun̄ kala he siifian̄ kialin̄ Wia Diŋ-zōŋ-la si jon̄o dii zile ma le. Mi jan̄ dagema won̄bii-la si kii won̄biee kala di ma tuto.

13

Chonun̄ ne kii kuŋ-kala

¹ Di mi ne wuo ninii yiikoro-na kala a wuo ninii Wia tin̄daaraa ma wu-bulun̄, an̄ bi niaa cho, u nage bin̄belimin̄ ne mi ŋmun̄moo nii a ŋin̄aa gon̄ pei. ² Di Wia Diŋ-zōŋ-la ne pimi dolun̄ di mi wuo bubul Wia wiaa, a wuo jin̄ wu-faali kala bubuŋ, a ken̄ wu-jimin̄ kala, an̄ pe ken̄ yarida si jan̄ wuo ŋaa di peelee churo mumu leree doŋsun̄, an̄ bi niaa cho, u ŋaa wu-pēi ne. ³ Di mi ne jon̄ mi kiaa kala a pi summoo, a jon̄ mi titia a pi niaa di ba nyige nyinin̄ di u diimi kpu, an̄ bi niaa cho, u bi nyuurun̄ kala ken̄e.

⁴ Di ŋ ne cho niaa, ŋ jan̄ ken̄ ken̄yiri ba teen̄ a ken̄ zile maa, ŋ bi jan̄ ken̄ yaribierin̄ niaa teen̄, ŋ bi jan̄ bigisi ŋ titia le ba teen̄, ŋ bi jan̄ ŋin̄aa siiduŋ ma ba teen̄. ⁵ Di ŋ ne cho niaa, ŋ bi ŋ titia ka dage ba teen̄, ŋ bira bi jan̄ to ŋ titia tuotōrun̄ le, ŋ bi jan̄ len̄ di ŋ baanin̄ sisii lima lima, ŋ bira bi jan̄ laa wiaa hihe ŋ tuŋ. ⁶ Di ŋ ne cho niaa, ŋ tuŋ bi jan̄ tōre di wu-bōŋ ne juuba, ama ŋ tuŋ jan̄ tōre di ba ne na wu-zōŋ. ⁷ Di ŋ ne cho niaa, u maga di ŋ nyalime wii-kala le ne, a ŋaa nuu-kala yarida maa. Di ŋ ne cho niaa, u maga di ŋ ken̄ yielaa ba le, a dii ken̄yiri wii-kala le.

⁸ Di ŋ ne cho niaa, chonu-la ŋ si ken̄e, u bi jan̄ ko duu dere. Dol-la Wia Diŋ-zōŋ-la si jon̄o pila la wuo bubul Wia wiaa, koo la wuo ninii yiikori-yiriba kala an̄ pe wu-jimin̄ maa, ba kala jan̄ lel. ⁹ La wu-jimii-la la si ken̄e, u bi yuge. Wia wialin̄ la sii bul, la bi jan̄ wuo bula dere. La sii bul wiaa, Wia Diŋ-zōŋ-la dolun̄ le nii, la bi jan̄ wuo bula dere, mua mua ne la bubul. ¹⁰ Ama di ku-la si ŋaa ku-pilin̄ ne ko, ku-la si bi ku-pilin̄ ŋaa jan̄ lel. ¹¹ Mi fa si ŋaa han̄bie, mi bul han̄bii wiaa ne aa biine wiaa ari han̄bie, a fa ŋin̄aa wiaa ari han̄bie. Ama mi si ku waa dere, mi jon̄ han̄bii wialin̄ ta ne. ¹² Leele la si he dunia deen̄ le, u naga ari la beŋ Kirisito, ari niaa si yie beŋ ba titia been̄antire le nii ne. La bi Kirisito chaasa nina worun̄, ama maachie la jan̄ nau worun̄. Leele mi jimu mua ne, ama maachie mi jan̄ chaasa jimu worun̄, ari Wia si jin̄mi nii. ¹³ Nii-na wii-la diderin̄, wiaa batori ne he dime. Ba ne ŋla: N̄ si ŋaa Wia yarida, a ken̄ yielaa, a cho niaa. Ama wiaa deen̄ba batorimun̄ tuŋ ba siifian̄ wiin̄ ne, ŋ si cho niaa.

14

Kialin̄ Wia Diŋ-zōŋ-la si jon̄o dii zile la le ku-kaanin̄

¹ Má kuŋ-kala fiēē sii ne a chiche nii ma si jan̄ wuo ŋaa a cho niaa, a fiēē sii ma a chiche kialin̄ Wia Diŋ-zōŋ-la si jon̄o dii zile ma le, a wasanyan̄ nii ma si jan̄ wuo ŋaa a bubul wiaa, Wia Diŋ-zōŋ-la dolun̄ le. ² Di nuu nii bul wiaa yiikori-la Wia Diŋ-zōŋ-la si pe niaa le ba bubul, u tiina bul wiaa a pipi Wia ne. U sii bul wialin̄ niaa si bi nii, nuu-kala bi wialin̄ bubuŋ ma wuo jin̄, ama Wia Diŋ-zōŋ-la si heu le ne tii u wuo bubul wu-kpun̄kperisin̄ deen̄ba. ³ Ama nii-la sii bul wiaa, Wia Diŋ-zōŋ-la dolun̄ le, u bul wiaa pipi

niaa ne. U yie pe niaa le a leŋ ba yarida yuge ne, a leŋ di ba nyuŋ nyaase Wia wiaa le, a leŋ ba tuoŋ ma tɔre. ⁴ Di nuu nii bul wiaa yiikori-la Wia Diŋ-zoŋ-la si pe niaa le ba bubul, u tiina bula pipe u titia le ne. Ama nii-la sii bul wiaa, Wia Diŋ-zoŋ-la doluŋ le ka pe nialin si laa Yesu wiaa dii a hihilimi le ne. ⁵ Nii wiaa mi fa cho di ma kala bubul wiaa yiikoro-la Wia Diŋ-zoŋ-la si pe niaa le ba bubul le ne, ama mi fa paala cho di ma wuo bubul wiaa, Wia Diŋ-zoŋ-la doluŋ ma le ne. Nii-la sii bul wiaa, Wia Diŋ-zoŋ-la doluŋ le ne kii nii-la sii bul wiaa yiikoro-la Wia Diŋ-zoŋ-la si pe niaa le ba bubul le. Di nuu ne he dime si jan dage wii-la u sii bul bubuon a pi nialin kala si laa Yesu wiaa dii aa hilimi le, uu peba le ne.

⁶ Mi naanbiirin, di mi ne ko ma teen a bubul wiaa yiikoro-la Wia Diŋ-zoŋ-la si pe niaa le ba bubul le, ee ne mi jan ŋaa a pema le? Mi bi jan wuo pema le, see di mi bul wii-la Wia si joŋo dagemi a pima, koo di mi jin wii a kaa ko dagema Wia doluŋ le, koo di mi ne bul wiaa, Wia Diŋ-zoŋ-la doluŋ le, koo di mi joŋ Wia wii doŋ a dagema u doluŋ le. ⁷ Di kialin ba si kaa gbigbieli, ŋmuluŋ ari chen, di ba ne bi woruŋ du he doŋ le, kialin bi digilin ka ken. ⁸ Di ba nii du pam pam tua, di ba ne bi u dunuŋ duo, nuu-kala bi jan wuo jin ari wii ne ŋaa ba yiyire niaa. ⁹ Nii titia ne ma nage. Di ŋ ne bul wii-la niaa si bi nii, ee ne ba jan wuo jin wii-la ŋ si bula bubuon? N jan ta ŋŋaa goŋ ne. ¹⁰ Yiikorusuŋ yuga ne dunia le, ba kuŋ-kala ma ken u bubuon ne. ¹¹ Di nuu nii bul wiaa yiikori-la le mi si bi nii, mi jan nage nuhuoru ne u teen, ka nii-la ma sii bul wiaa mi teen ma jan nage nuhuoru mi teen. ¹² Nii wiaa, ma si cho di ma ken kialin kala Wia Diŋ-zoŋ-la si joŋo dii zile ma le ŋii, má he doluŋ aŋ pe nialin si laa Yesu wiaa dii aa hilimi le, di ba chin wialin ba si laa dii le kpan kpan.

¹³ Nii wiaa nii-la sii bul wiaa yiikori-la Wia Diŋ-zoŋ-la si pe niaa le ba bubul, u tiina maga duu sul Wia duu wuo leŋ duu wuo didage wialin bubuon ma ne. ¹⁴ Di mi nii chuole Wia yiikori-la Wia Diŋ-zoŋ-la si pe niaa le ba bubul le, mi dima ne yie chuchuole, ama mi tuobiinaa le mi bi wii-la mi sii bul bubuon jin. ¹⁵ Nii ne tii mi jan ken mi dima ari mi tuobiinaa kala kaa chuchuole Wia, aŋ ken ba kala ma kaa yiyii yiilaa. ¹⁶ Di ma ne ku hilimi, aŋ ka di nuu ken yiikori-la Wia Diŋ-zoŋ-la si pe niaa le ba bubul le a didenne Wia, nialin si hoŋ dia-la le si bi wii-la ŋ sii bul nia, di ŋ ne chuole dere, ee ne ba jan ŋaa jin wii-la bubuon a bul di Ami? ¹⁷ U ŋaa wutitii ne, nuu jan wuo denne Wia woruŋ ari yiikori-la Wia Diŋ-zoŋ-la si pe niaa le ba bubul, ama di nuu ne ŋaa ŋii, u bi nialin si hilimi lee-la wuo pipe. ¹⁸ Mii lolle Wia ari mi si wuo bubul wiaa yiikori-la Wia Diŋ-zoŋ-la si pe niaa le ba bubul a kii nuu-kala, ¹⁹ ama di la ne ku hilimi a chuchuole Wia, mi jan cho di mi ken mi tuobiinaa bul wiaa banmene di niaa jin ba bubuon, a kii mi si jan bul wiaa yuge yiikori-la niaa si bi nii le.

²⁰ Mi naanbiirin, ma si wiaa biinu a nage hanbiisin sii biine ŋii. Ma wu-ŋaalaa le, má nage bii-mulluŋ si bi wu-bonŋoŋoŋo jin, ama má bibiine wiaa a nage kuhiasin sii biine ŋii. ²¹ Ba ŋmuŋse Wia tenin tuon ari Wia si u jan to nialin sii bul yiikori-tania ari nuhuora le a bul wiaa pi u niaa, ari ŋii ma kala ba bi jan jegile nii u teen. ²² Nii wiaa, Wia leŋe u Diŋ-zoŋ-la pe niaa le ba wuo bubul wiaa yiikorusuŋ doŋsuŋ le, duu wuo ŋaa wu-magil a pi nialin si bi Wia wiaa laa dii teen. Nialin si laa Wia wiaa dii, wiin deen biba le pe. Di nuu ma ne bul wiaa, Wia Diŋ-zoŋ-la doluŋ le, u bul wiaa pipe nialin si laa Wia wiaa dii le ne. U bi nialin si bi Wia wiaa laa dii le ka pe. ²³ Nii wiaa, di nialin si laa Yesu wiaa dii ne ku hilimi, di ba kuŋ-kala bubul wiaa yiikori-la Wia Diŋ-zoŋ-la si joŋo peu le u bubul, di ni-wogusuŋ

koo nialij si bi Wia wiaa laa dii ne he ba tuonj, ba jan biine ari ma nyunj tuo. ²⁴ Ama di ma kala ne bul wiaa, Wia Din-zonj-la dolunj le, di nii-la si bi Wia wiaa laa dii koo di ni-wogo ne he ma tuonj, u jan sene jinj ari u nja haache tiina ne. Wialinj ma ma si bula jan juu-u le duu na duu cheye ne. ²⁵ U tuobiinaa kala jan ku lii pulumunj Wia sipaanj. Nji ne u jan tuu kpirimi Wia sipaanj a chuolu, a bul ari wutitii, Wia he ma teen je.

Wonjii-la si maga di nialinj si laa Yesu wiaa dii to chuole Wia

²⁶ Wialinj mi si bula, ba bubuonj ne bee? Di ma ne ku hilimi-na kala, di donjo ne kenj yiilinj duu yii, di donjo ma kenj wii duu dage niaa, koo nuu nii che duu bul wii-la Wia si jonjo dagu u dolunj le, donjo maa che duu bul wiaa yiikori-la Wia Din-zonj-la sii pe niaa le ba bubul le, donjo maa che duu dage wii-la ba si bula bubuonj, ma nja wiaa deenba kala a pipe donjo le. ²⁷ Di niaa donjsunj nii che di ba bul wiaa yiikoro-la Wia Din-zonj-la si pe niaa le ba bubul le, u maga di ba nja balia koo batori a bul kunj kunj, ka di nuu ma he dime aa dage wialinj ba si bula bubuonj. ²⁸ Ama di nuu ne tuo duu laa wialinj bul anj dage ba bubuonj, u maga di nii-la si bul wialinj yiikori-la Wia Din-zonj-la si pe niaa le ba bubul le, duu tore ne. Ma lenj duu chuole Wia u tuonj le, a si u niinj suro bubul, a kenj u tuonj a bul wiaa a pi Wia ari u titia. ²⁹ Di niaa ne he ma tuonj aa bul wiaa, Wia Din-zonj-la dolunj le, ma lenj di ba nja balia koo batori a bubul wialinj, anj ka di ma ku-kaanaa ma kenj wialinj ba si bula kaa cho naa. ³⁰ Di Wia ne jonj wii dage ma tuonj donjo duu bula pima, ma lenj di nuu-kala kenj gonj, ka duu bul. ³¹ Ma kunj-kala jan wuo bul wiaa, Wia Din-zonj-la dolunj le, a wuo gunne a pipe donjo le maa. ³² Nii-la sii bul wiaa, Wia Din-zonj-la dolunj le ne maga duu bibenj kialinj Wia Din-zonj-la si jonjo puu. ³³ Wia bi cho di ma njjaa taawei, ama u cho di ma honj som ne.

Nialinj si laa Yesu wiaa dii aa hilimi tuonj lee-na kala, ³⁴ u bi maga di haalaa bubul Wia wiaa a pipiba. U maga di ba tore ba niinj anj tuto baalaa niinj ne, ari ba si bul nii Wia teninj tuonj. ³⁵ Di wii ma ne he dime a maga di ba jinj, u maga di ba piese ba balaba ne dia le. U nja hiisinj ne di Wia niaa ne hilime, di haalaa laa wiaa bul a pipiba. ³⁶ Bee ne? Ma ne suomo bul Wia niinj wiaa? Koo ma dunjuna ne ba bul Wia wiaa pa?

³⁷ Di nuu ne biina ari Wia Din-zonj-la pu dolunj duu bul Wia wiaa koo duu kenj wialinj Wia Din-zonj-la si kene dolunj, u maga di u tiina jinj ari wiinj deenj mi si bul lii Wia teen ne. ³⁸ Di nuu ne bi che duu sei wiinj deenj a tinj u si bila jinj wiaa, la ma bi u tiina jinj. ³⁹ Nji wiaa mi naanjbiirinj, ma fiесе siinj a chiche di ma wuo bubul wiaa, Wia Din-zonj-la dolunj le, anj si ma donjsunj tinjaa kiru di ba si wiaa bul yiikoro-la Wia Din-zonj-la si pe niaa le ba bubul. ⁴⁰ U maga di ma nja wii-kala u bua le, duu nja dee dee ne.

15

Yesu si sii suunj le

¹ Mi naanjbiirinj, mii che di mi liliisima a mu tige Wia wu-zomola mi si bula pima. Ma laaba dii ne a chinj ba nyunj le. ² Wia wu-zomola ne laama tita, di ma ne kenu worunj. Ma si lenje duu nage ari wialinj ma si laa dii bi bubuonj kala kene.

³ Wialinj mi si nia, u ne mi bula pipima. Wii-la wu-nyunj ne nja, ari Yesu suu la haacheba wiaa ne, ari ba si njmunje nii Wia teninj tuonj. ⁴ U si suu nii, ba jonj hugi, ka u sii suunj le tapulaa batori cheenj, ari ba si njmunje

Wia teniñ tuonj ñii. ⁵ Nii ne u laa sipaanj keñ u titia ku dage Piita, an-na keñ u titia ku dage u nanjzoo-ba-la fii ari balia. ⁶ U ñii hariñ le bua kubala u keñ u titia ku dage u haritooroo zo-banonj ari danja. Niaa deenba doñsun ha he ba miisij le, ka doñsun ma suu. ⁷ Nii hariñ le u keñ u titia ku dage Jeems, a keñ u titia ku dage u nanjzoo-ba-la kala maa. ⁸ Ba kala hariñ le ne u keñ u titia ku dagemi maa. Mi-na paala nage nii-la ba si lula, anj ka u lulluj ha bi yie ne. ⁹ Yesu nanjzoo-ba-la kala, mi ne paala ñaa ba tuonj ku-bie. U paala bi maga di ba keñmi kaa yire Wia nanjzoo, bee wiaa mi to naasiñ dogise nialij si laa Yesu wiaa dii aa hilimi ne. ¹⁰ Ama Wia dii zile mi le woruj. U ne leñe mi ñaa nuu leele, u zile ma bi pei ñaa (u nanjzoo-ba-la tuonj, mi ne ñaa ba tuonj ku-bie), ama mi ne faasa tiñ kinkeñ, a kii ba kala. Mi titia doluj le dee mi wuo titiñ, ama Wia dol-la u si jonjo pimi ne tii. ¹¹ Wii-la si maga ne, Wia wu-zomö-la la sii bul. Wu-zomö-la ba sii bul ne, mi ma bubul, u ne ma laa dii.

Nii Wia si janj ñaa a chise niaa suuj le

¹² Di la ne bul Kirisito wiaa ari u si sii suuj le ne, bee ne tii ma doñsun si di nuhuobiinee bi janj suu anj sii suuj le? ¹³ Di niaa ne bi janj suu anj sii suuj le, ñii-na Kirisito bi suuj le sie. ¹⁴ Di Kirisito ne bi suuj le sie, wii-la la si bula pima ñaa wu-peiba ne, ka ma si laa wialij dii ma ñaa pei ne. ¹⁵ U janj nage ari laa nyia wiaa pipi Wia ne, bee wiaa la bula ari u chise Kirisito suuj le ne. Di niaa ne bi janj suu anj wuo sii suuj le, ñii-na Wia bi Kirisito chisa. ¹⁶ Di niaa ne bi janj suu anj sii suuj le, ñii-na Kirisito bi suuj le sie. ¹⁷ Di Kirisito ne bi suuj le sie, ñii-na wii-la ma si laa dii ñaa pei ne, ma ha he ma haacheba le. ¹⁸ U ñii saa janj dage ari nialij si laa Yesu wiaa dii anj suu ma le ne. ¹⁹ Di la yielaa si he Kirisito teenj janj ðere dunia deen le, ñii-na dunia niaa maga di ba mumonja ne.

²⁰ Ama wutitii ne, Kirisito sii suuj le ne. U ne laa nialij kala si suba sipaanj a sii suuj le. Ba ma janj to u hariñ a sii suuj le. ²¹ Ni-bala le ne suuj to a keñ nuu-kala. Nii titia ne ni-bala ma le ne niaa janj to a sii suuj le. ²² Adam wiaa ne tii niaa susuu. Nii titia ne a tiñ Kirisito ma wiaa, niaa janj sii suuj le a keñ miisij. ²³ Nialij si janj sii suuj le janj tuto doñjoo hariñ. Kirisito ne janj laa ba sipaanj. Di u ne miira ko, nialij si laa u wiaa dii, ba ma janj to hariñ a sii suuj le. ²⁴ Nii hariñ ne dunia diderij janj yi. Kirisito janj yuo dii dunia kuoroo ari ni-balaa ari nialij sii dii doluj dunia deen le. U janj jonj kuorii-la a he u Nyimma nisij le. ²⁵ Ama u maga di Kirisito dii kuoruj, an-na yuo dii u diñdonjoo kala, a keñba kaa ku he u naasiñ bubuonj. ²⁶ U diñdonj-la u si janj to hariñ yuo dii ne ñaa suuj. ²⁷ Wia teniñ tuonj ba bula ari Wia jonj kuñ-kala a he Kirisito nisij le ne. Di ba ne bul Wia teniñ tuonj di Wia jonj kuñ-kala a he Kirisito nisij le ne, u bi naga ari la Nyimma Wia ma he u nisij le ne. ²⁸ Di Wia ne jonj kuñ-kala a he Kirisito nisij le, u ñii hariñ le, Kirisito ma janj jonj u titia a he Wia nisij le, nii-la si jonj kuñ-kala he u nisij le di Wia keñ kuñ-kala doluj.

²⁹ Di niaa ne suba anj bi janj sii suuj le, ñii-na, bee ne tii niaa yie leñ ba chinj ba naanjiiri-la si suba nyuj le a ñaa ba foba Wii-chuoñ liinj? Bee ne tii ma yie leñ ba foba Wii-chuoñ liinj? ³⁰ Nii-na, bee ne tii la nina heej bua-na kala le? ³¹ Bua-na kala le mi ñaa siri di mi suu ne. La kala si keñ miisij Kirisito Yesu teenj ñii, mi janj wuo bigisi mi titia le a tiñ ma wiaa. ³² La si mu Efesis, niaa hoso ari бага kias si hoso ñii ne, a faa che di ba kpumi. Di mi ne fa yuo yuosuj deen di mi laa yirij koo kias, niaa teenj, u bubuonj ne bee? Di nuu ne suba, ka u bi janj sii suuj le, ñii-na má leñ di la

to la tuotore wu-ɲaalaa le dunia deen le. Niaa dɔɲsun bul ɲla ne. Ba si, “Má leɲ di la dii kiaa a nyua sinin, bæe wiaa maachie la jan suu.” ³³ Ama ma sí ma titia nyisu. Di ɲ ne ɲaa ni-zɔɲ aɲ tuto ni-bɔɲɔɔ harin, ɲ ma jan ku ɲaa ni-bɔɲ. ³⁴ Má leɲ wu-yaayasin ari ma haacheba wonbie-la. Ma dɔɲsun wu-ɲaalaa naga ari ma bi Wia jin. Ma dii hiisin.

Yari-zɔmɔ-la la si kaa sii suun le

³⁵ Nia dɔɲɔ jan piɛɛ, di ɛɛ ne nialin si suba jan wuo ɲaa a sii suun le? Di yari bæɛba ne ba jan keɲ? ³⁶ Nii-la si piɛɛ wiin deen ɲaa ni-tɔɔ ne. La jima ari di ɲ ne jon ku-doho a ɖuu, ba bi jan nyu ku-falin, see ku-la ɲ si jonɔ ɖuu, laa sipaan pua. ³⁷ Di ɲ ne jon kuorimiin koo mii-biin a ɖuu, nyuulii-la bi bii-la ɲ si jonɔ ɖuu wuo nage. ³⁸ Di ɲ ne ɖuu kun, Wia yie leɲ u nyu a nage ɲii u sii che ne. Kun-na kala yie nyu a nage u nagisin ne. ³⁹ Kialin kala si he dunia le a keɲ miisin, ba namia bi kubala ɲaa. Nuhuobiinee ari pusun ari diibiisin ari cheɲflee namia bi kubala ɲaa. ⁴⁰ Nialin kala si he Wia-jan ari nialin kala si he tinteen, ba yaraa bi dɔɲɔ naga. Kialin si he wia nyun ari kialin si he tinteen, ba zɔmun bi dɔɲɔ naga. ⁴¹ Wii-pɔsun keɲ u pulumun ne, cheɛ ma keɲ u pulumun, ka cheɲwulaa ma keɲ ba pulumun. Cheɲwulaa ma tuɔɲ, dɔɲsun ma pulla ne a kii dɔɲsun.

⁴² ɲii titia ne u nage di niaa ne sii suun le. Ku-la ba si jonɔ hugi jan pua, ka ku-la si jan sii suun le bi jan kɔ duu pua. ⁴³ Ku-la ba si jan jonɔ hugi loɔ ne. Duu ne sii suun le, u jan keɲ tula. Ku-la ba si jonɔ hugi pugima ne, duu ne sii suun le, u jan keɲ dolun. ⁴⁴ Yara-la ba si jan jonɔ hugi ne la keɲ dunia le ɲii. Ama yara-la si jan sii suun le ɲaa yara-la Wia Din-zɔɲ-la si jan jonɔ pila ne. Di la ne keɲ yaraa dunia deen le, u maga di la keɲ yaraa Wia teen ma ne. ⁴⁵ Wia tenin tuɔɲ ba ɲmuɲsa, “Nuhuobiin-la Wia si bumo ɲaa yirin ne Adam. ɲii ne Wia wiese heu le u keɲ miisin.” Nuhuobiin-la si to harin kɔ ne ɲaa Kirisito. U nii to u Din-zɔɲ-la le a pi niaa miisin. ⁴⁶ U bi naga miisi-la Wia Din-zɔɲ-la si jonɔ pila ne laa sipaan kɔ, ama miisi-la la si keɛ dunia deen le ne laa sipaan kɔ, ka miisi-la Wia Din-zɔɲ-la si jonɔ pila ma to harin kɔ. ⁴⁷ Nuhuobiin-la si laa sipaan kɔ dunia, tiarin ne Wia jonɔ me. Nii-la si to harin kɔ-na lii Wia-jan ne a kɔ. ⁴⁸ Ba si keɲ tiarin ne me Adam ɲii, ɲii titia ne nialin kala ma miisin si lii Adam teen ɲaa tiarin ne. Kirisito si lii Wia-jan ku tuu ɲii, ɲii titia ne nialin si keɲ miisin u teen ma keɲ miisi-la si lii Wia-jan. ⁴⁹ La si keɲ nii-la ba si keɲ tiarin me nagisin ɲii, ɲii titia ne la jan keɲ nii-la si lii Wia-jan ma nagisin. ⁵⁰ Mi naanbiirin, wii-la mi sii che di mi bul ne ɲla: Nialin ba si keɲ tiarin me bi jan wuo juu Wia kuorii-la tuɔɲ. Ku-la ma síi pua bi jan wuo he dime deen deen a nage ku-la si bi pua.

⁵¹ Má bee na, mi jan bul wu-kpunɲkperisin pima. La kala bi jan suu. Ama bua kubala jan kɔ di Wia keɲ la yaraa kala birime. ⁵² Wiin deen jan guu ɲaa ne. Di bua-la ne yie, Wia tinɲaara jan ɲmuu u nyile. Di u ne ɲmuu nyile-la, nialin kala si laa Yesu wiaa dii aɲ suu jan sii a wei. Ba bira bi jan suu. La nialin si he la miisin deen le aɲ bi suba maa, Wia jan keɲla birime. ⁵³ Wia jan keɲ yara-la síi pua kaa birime di ba bira sí pua. ɲii titia ne la yara-la ma síi suu, u jan keɲba kaa birime, di ba sí suu. ⁵⁴ Bua kubala jan yi la yaara-la síi pua bira bi jan pua, la yara-la ma síi suu bira bi suu. Di bua-la ne yie, ba si bul wialin Wia tenin tuɔɲ jan ku ɲaa wutitii. Ba bula ari, “La yuo dii suun ne. ⁵⁵ La bira bi jan suu. Suun, ɲ dolun he nii? Suun, nii ne ɲ huon he duu wuo juu niaa le?”

⁵⁶ Suurj huorj ne ŋaa haache. Haache ma dolurj lii wialinj Wia si jorj billa le di la tuto, ka la biba wuo tuto. ⁵⁷ Ama má leŋ la lolle la Nyimma Wia, ni-la si to la Tiina Yesu Kirisito le a pila dolurj la wuo yuo dii suurj.

⁵⁸ Nii wiaa mi naanbiirin, má chinj wialinj ma si laa dii le kpanj kpanj, a sí begilu. Má fiесе siinj a tinj la Tiina tintinjŋaa woruj. Ma jima ari Wia tintimii-la ma sí tinj bi janj kɔ duu ŋaa pɛi.

16

Kialinj la si janj jorj pi la dɔŋsun tinjŋaa si laa Yesu wiaa dii

¹ Lɛɛɛ mii che di mi bul wiaa a mu tige moribie-la ma sí che di ma kiese, di ba kaa mu pi Wia nialinj si he Judiya tinteenj le. Mi laa sipaanj dage nialinj si laa Yesu wiaa dii aa hilimi a he Galisia tinteenj le, nii ba si janj ŋaa a kiese moribie-la. Ma ma janj ŋaa nii titia. ² Yɔbɔ-na kala Lahadi cheej, moribie-la ma si tima a na, nuu-kala liise mage nii ŋ sí che di ŋ jorj bil. Di mi ne kɔ, ma bira bi janj kikiese moribiee. ³ Di mi ne kɔ, mi janj ŋmuŋse teninj pi nialinj ma si liisa, di ba keŋ moribie-la ma si kiesa pi nialinj si laa Yesu wiaa dii a he Jerusalem le, di ba kaa mu piba. ⁴ Di u ne maga di mi ma mu, la kala janj to dɔŋɔ mu.

Wialinj Pɔɔl sí che duu ŋaa

⁵ Mii che di mi ku to Masidoonia tinteenj ne a mu lee. Di mi ne ku to lee-la, mi janj ku nama. ⁶ Di mi ne kɔ kapoo, mi janj he ma teenj a dieni di waarinj cheŋsinj lii. Mi janj he ma lerinj a mu yi bua-la mi si janj jorj wonjbiinj, di ma wuo tami lee-na kala mi sí che di mi mu. ⁷ Mi bi che di mi nama lima lima aŋ kiele mu lee-la mi sí mu. Di Wia ne seye, mi cho di mi dieni ne ma teenj. ⁸ Ama mi janj hɔŋ Efesis le a mu yi gbieli-bal-la ba sí yire Penjikos cheej. ⁹ Wia pimi wonjbi-bal ne di mi tinj tintinj-zɔŋ daha, ka nialinj si bi che di mi tinj tintinjŋaa daha yuga ne. ¹⁰ Di Timoti ne kɔ ma teenj, má kenu woruj, duu sí wii-kala fá. La duu kala ní tinj Wia tintimia-la. ¹¹ Ma sí leŋe di nuu-kala bee guunu. Má pɛu le duu veŋ wonjbiinj ari yarifielaa, aŋ miira kɔ mi teenj. Mii gberu ari la naanbiiri-la.

¹² Ma jinj la naanbie ba sí yire Apɔlos ne. Mi bula pu woruj ari ba di la naanbiiri-la ku nama. Ama u bi biina ari u janj na wonjbiinj kɔ lɛɛɛ. Di bua-la si maga ne yie, u janj ku nama.

Wu-kaanaa

¹³ Má pɔ, a chinj wialinj ma si laa dii le kpanj kpanj. Má keŋ boi-duorj a keŋ dolurj Wia teenj. ¹⁴ Wii-kala ma sí ŋaa, má ma ŋaa di niaa na ari ma chɔba ne.

¹⁵ Mi naanbiirin, ma jinj baal kubala ba sí yire Sitefinis ne. Ba di u dia niaa ne laa sipaanj laa Wia wiaa dii Akaaya tinteenj le. Ba pɛ Wia niaa le ne woruj, a jorj ba titia kala a he nii le. ¹⁶ Mii sulma, mi naanbiirin, di ma tuto ni-yiri deenba niinj. Má tuto Wia tintinnu-na kala, ari nialinj sí pela le la titinj ma niinj le. ¹⁷ Mi tuorj torɛ woruj ari Sitefinis ari Fɔtunaatis ari Akaakis kɔ mi teenj ne. Ba ne laa ma nyuj daha. ¹⁸ Ba leŋe mi tuorj pinj di-bala ne. Ba janj leŋ di ma ma tuorj pinj di-bala. U maga di ma zizil niaa deenba ne.

¹⁹ Nialinj si laa Yesu wiaa dii aa hilimi a he Esia tinteenj, ba kala ka chuɔlema. Baal-la ba sí yire Akuila ari u haala Pirisila, ari nialinj si laa Yesu wiaa dii aa hilimi ba dia le, baa chuɔlema woruj la Tiina Yesu dolurj

ɛ. ²⁰ Nialɪŋ kala si laa Wia wiaa dii a hɛ daha maa chuɔɛma. Má guori dɔŋɔ aŋ chuɔɛ dɔŋɔ kɪŋkɛŋ kɪŋkɛŋ.

²¹ Lɛɛɛ, mi-na Pɔɔl, mi titia nɪi ŋmɔŋsɛ aa chuɔɛma. ²² Di nuu-kala nɛ bi la Tiina Kirisito cho, Wia jaŋ kaliba hɛu ɛ. Maranata! U bubuɔŋ nɛ, la Tiina Kirisito kɔ! ²³ La Tiina Yesu Kirisito lahorimɔ ɛ Wia jaŋ pɛma ɛ. ²⁴ Yesu Kirisito doluŋ ɛ, mi cho ma kala nɛ. Ami.

TEN-LIA-LA PÖÖL SI N̄MUNSA PI KÖRINTI NIAA

Pööl lölle Wia

¹ Mi-na Pööl ari la naanbie Timoti ne n̄munse tenij deen a pipima. Wia tuötöruŋ le ne u liisemi di mi n̄aa Kirisito Yesu nan̄zoo. La n̄munse tenij deen a pipi nialinj si laa Yesu wiaa dii aa hilimi a he Kōrinti tan-la le ne, ari nialinj si bi haache kene Wia sipaan̄ Akaaya tin̄teen le.

² La Nyimma Wia ari la Tiina Yesu Kirisito lahorimo le, ma jan̄ hoŋ ari yarifielaa.

³ Má leŋ di la denne Wia. U ne n̄aa la Tiina Yesu Kirisito Nyimma, aa fá niaa nennige. U ne yie leŋ nialinj tuöŋ si cheye tuöŋ bira töre. ⁴ Di la ní na heeŋ ma, u ne yie leŋ la tuöŋ töre. U si yie n̄aa la tuöŋ töre nii, la ma yie n̄aa la naan̄biirin̄ ma sí na heeŋ, ba ma tuöŋ töre nii ne. Wia joŋ tuötöruŋ ne pila, nii ne tí la ma pe la naan̄biirin̄ le di ba ma na tuötöru-la yiri. ⁵ Kirisito na heeŋ ne woruŋ. Hee-la u fa si na, u titia ne la ma nina. A tin̄ nii wiaa Kirisito ma leŋ la tuöŋ faasa töre ne. ⁶ La si ko di la bul Wia wu-zómó-la a pima di Wia laama ta, la na heeŋ ne woruŋ. La na heeŋ di ma na tuötöruŋ ne. Di ma ne na hee-la yiri la si na an̄ wuo nyalime, ma jan̄ na tuötöru-la yiri la si na. ⁷ Laa yielema ne. La yiel-la saa bibegili. La jima ari hee-la la si na, ma ma na u titia ne. Nii titia ne tuötöru-la la si kene, ma ma kenu ne.

⁸ La naan̄biirin̄, laa che di ma jin̄ nii la si na heeŋ Esia tin̄teen le ne. Wialinj si juula le fa yunje ne kin̄ken kin̄ken a pila. La paala bi biina ari tan̄ jan̄ pulla. ⁹ Wutitii, la fa biina ari la suba dere ne. Ama nii pela le di la sí la titia doluj le ben̄, ama di la joŋ la yielaa kala a he Wia le, nii-la sí chise niaa suuŋ le. ¹⁰ Wia ne liisela suuŋ deen nisin̄ le. Maachie di wiaa ne juula le, u jan̄ liisela ba le. U le ne laa yiele ari maachie u jan̄ bira liisela di heeŋ ne juula. ¹¹ Má ma pe sul Wia pila. Niaa yuga ne aa sul Wia a pipila duu pela le. Di Wia ne laa ba Wii-sula, ba kala jan̄ wuo dennu.

Pööl keŋ u wiaa birime

¹² Leele la jan̄ wuo bigisi la titia le, bee wiaa la tuobiinaa daga ari la wu-ŋaalaa kala zómó nuu-kala teen̄ dunia deen le. Wii-kala la si n̄aa ma teen̄, la n̄aa wialinj sí to Wia won̄biinj ne an̄ pe n̄aa wutitii-la Wia sí che. Nuhuobiine wu-jimin̄ le dee la to a n̄in̄aa wialinj, ama Wia doluj le ne la n̄aaba. ¹³ La bi wu-tanii n̄munsa pima, ama wialinj la si n̄munsa, ma jan̄ wuo karime, a jin̄ ba bubuósa a maa. La saa laa dii ari ma jan̄ jin̄ wiaa deen̄ba bubuósa a mu dere, ¹⁴ ari ma si jin̄ba mua nii. Ma jima ari tapulii-la, la Tiina Yesu ne miira ko, ma jan̄ bigisi ma titia le a tin̄ la wiaa, ka di la ma bibigisi la titia le a tin̄ ma wiaa.

¹⁵ Mi fa jima di la jin̄ doŋo ne woruŋ, u nii wiaa ne tí mi faa che di mi ko ma teen̄, di ma wuo nii sima bulia. ¹⁶ Mi faa che di mi ku to ma lerinj a nama, an̄-na mu Masidoonia tin̄teen̄. Di mi ne fa bira líi Masidoonia kuko, di mi bira ku to ma teen̄, di ma hemi won̄biinj le di mi mu Judiya tin̄teen̄. ¹⁷ Ma biina ari di mi ní che di mi n̄aa wii, mi bi jan̄ biine an̄-na n̄aa? Ma bira biina mii n̄aa mi wiaa ari dunia niaa sí n̄aa nee, di mi sei wiinj an̄ bira bul di mi bi wii-la seye naa-buasula titia lee? ¹⁸ Ma jima woruŋ ari

Wia keŋ wutitii. Njii wiaa wialinj kala la si bula pima ŋaa wutitii ne. La bi wiaa bula ari tuobiinaa balia ne. ¹⁹ Ma bira jima ari mi-na Pɔɔl, la di la naanbiirin Silivaanas ari Timoti ne bul Yesu Kirisito wiaa pima. Yesu wii-wii-kala ŋaa wutitii ne. Wu-nyari kala tuo ba le. U yie sei wutitii ne bua-na kala. ²⁰ Wia bula ari u jan ŋaa wiaa yuge a pila. U jan to Yesu le ne a leŋ di wialinj ku ŋaa wutitii. Njii wiaa ne tii, di la ne chuɔle Wia dɛre-na kala, la yie bul “ami” u dolunj le. La yie bul njii di Wia yirin wuo yire ne. ²¹ Ama Wia titia ne bula ari la di ma kala keŋ miisinj Kirisito le ne. U ne liisela di la tinj tinjiminj deenj maa. ²² U magilela ne. U jonj u Din-zɔŋ-la a hela le ne, di la wuo jinj ari maachie u jan jonj ku-danj ma pila.

²³ Ari Wia, wialinj kala mi si bula ŋaa wutitii ne. Mi bi ma teenj ko Kɔrinti le, beɛ wiaa mi fa bi che di mi walimema. ²⁴ U bi naga ari ma si laa wialinj dii ne tii la chiche di la fugema, ama laa che di la pema le di ma keŋ tuɔɔrunj. Ma laa Yesu wiaa dii ne a chinba le kpanj kpanj.

2

¹ Nla wiaa ne tii mi bi ma teenj ko. Di mi ne fa ko, ma tuɔŋ fa jan chei. ² Di mi ne ŋaa di ma tuɔŋ chei, kubee ne he dime si jan leŋ di mi tuɔŋ tore? Nuu-kala tuo, see nialinj titia mi si ŋaa ba tuɔŋ chei. ³ Di mi ne fa ko ma teenj, ma ne fa jan ŋaa di mi tuɔŋ tore. Njii wiaa, di mi ne leŋe ma tuɔŋ chei, ma bira bi jan leŋ di mi ma tuɔŋ tore, njii ne tii tenj-la mi si ŋmunsa pima mi bul wialinj njii pipima. Mi ŋaa ma kala yarida ne. Mi jima ari tuɔɔru-la mi si na, ma ma nau ne. ⁴ Bua-la le mi si ŋmunse tenj-la di mi pima, mi tuɔŋ faasa chei ne worunj. Mi paala yel ne a tinj ma wiaa. Mi bi tenj-la ŋmunsa di mi chei ma tuɔŋ, ama di mi leŋ di ma jinj ari mi faasa choma ne.

U maga di la joŋo che nii-la si ŋaa wii chei

⁵ Di nuu ne ŋaa ma tuɔŋ chei, ma dunduja saa dee, mi ma tuɔŋ cheye ne, ama mi bi che di mi bul wiinj deenj yuge. ⁶ Nii-la si ŋaa njii, ma dogisu ne, njii wiaa ma leŋ wii-la ta. ⁷ Leele-na u maga di ma jonj wii-la kala cheu, a pɛu le di u tuɔŋ tore. Di njii dee, u tuɔŋ jan faasa chei a kieli duu pugime. ⁸ Njii wiaa mii sulma di ma wasa kenu worunj a chou. ⁹ Nla wiaa ne tii mi ŋmunse teninj pima, di mi na di ma jan wuo to wii-kala mi si bula pima. ¹⁰ Di ma ne jonj wii che nuu, mi ma joŋo cheu ne. Di mi ne fa maga di mi jonj wii che nuu, mi joŋo cheu ne, a tinj ma wiaa. Kirisito sipaanj ne mi ŋaa njii, beɛ wiaa ¹¹ mi bi che di Sitaani wuola. La jinj u wu-keninj ne.

Pɔɔl tuɔŋ bi di-bala pina Turɔwas tinjteen

¹² Mi si ko Turɔwas tinjteen di mi bul Kirisito wu-zomɔ-la a piba, la Tiina suri wonjbiinj pimi ne, ¹³ ama mi tuɔŋ bi di-bala pina, beɛ wiaa mi naanbie Taatis fa tuo dime. Njii ne mi sii lee-la a mu Masidoonia tinjteen.

Kirisito dolunj le la yuo dii Sitaani

¹⁴ Ari njii kala, mi haa lolle Wia ne. Bua-na kala, u yie to Kirisito le ne a pela le la wuo yuo dii Sitaani. U yie pela le la wuo bul Kirisito wiaa lee-na kala. Kirisito wu-zomɔ-la nage tulaali sii suɔre, u suɔraa laa lerinj kala. ¹⁵ La titia nage tulaali-zɔŋ-la ne Kirisito joŋo pi Wia. Wia jonjla gaare nialinj u si laa ta ari nialinj sii le tuɔŋ ne. ¹⁶ Nialinj sii lele teenj tulaalii-la suɔraa kpuba ne. Ama nialinj Wia sii laa ta teenj, tulaalii-la suɔraa piba miisinj ne. Kubee ne saa maga duu tinj tinjiminj deenj? ¹⁷ Niaa yuga ne a gollo bubul Wia niinj wiaa a lilaa moribiee, ama la-na bi njii ŋaa. La-na

ɲaa ni-titiiba ne. Wia ne liisela di la tiɲ tiɲtimin deen. Kirisito dolun le ne la to aa bul Wia wiaa.

3

Ŋii-falii-la dolun wiaa

¹ Ma biina wialin la si bula, laa dage la titia nii la si naga nee? Niaa doɲsun cho di ba ɲmuɲse tennin a dage ba si nage nii ne di ba kaa ko pima. Doɲsun ma cho di ba laa tennin ma teen a dage ba si nage nii a pi niaa, ama la-na bi che di la ɲiɲaa nii. ² Ma-na, ma ne saa ɲaa ten-la la si ɲmuɲsa, di niaa karime a jin nii la si naga. Ba ɲmuɲsa he la tuon ne. ³ Ma ne saa chaasa daga ari ma ɲaa ten-la Kirisito si leɲe la ɲmuɲse. Tenin deen, u bi naga ku-la niaa si kaa ɲmuɲse tennin ne. Wia si weye jon u Din-zon-la ne kaa ɲmuɲse kialin ma tuon. Ba saa bira bi ɲmuɲsa ne tabii-taala le, ama ba ɲmuɲsa he nuhuobiinee tuosaa le ne.

⁴ La to Kirisito le ne a ɲaa Wia yarida, nii ne tii la keɲ nyu-duon a bubul u wiaa nii. ⁵ U nii bi naga ari tiɲtimii-la la sii tiɲ, la titia keɲ u dolun ne. Wia ne pila dolun la titin. ⁶ Wia titia ne pila tiɲtimin deen dolun. Kirisito si jon u chalin a ta ɲii-falii-la u niaa teen, u wiaa ne la bubul. Ba bi wialin ɲmuɲsa he tabii-taala-la le. ɲii-falii-la dolun lii Wia Din-zon-la wialin ne. Wialin Moosis si ɲmuɲsa bil di niaa tuto bi niaa miisin wuo pa, ama Wia wu-zomɔ-la si lii u Din-zon-la teen ne wuo niaa miisin pipa.

⁷ Wialin Moosis si ɲmuɲsa bil di niaa tuto, ba ɲmuɲsa he tabii-taala le ne. Wialin fa bi niaa miisin wuo pa. Bua-la le Wia si jonba pipi Moosis, Wia dage u tula pu ne. Nii ne Moosis siaa kala tutul. Ba sii tul nii, tula-la fa jan lel, ama Iziral tinɲaa bi u siaa wuo biben. ⁸ Ama Wia wu-zomɔ-la lii Wia Din-zon-la le ne. U tutul a kii nii ne. Tula-la-na bi jan lel. ⁹ Wialin Moosis si ɲmuɲsa bil di niaa tuto ne fa keɲ tula. Ama ba fa jon cheerin pi nialin fa sii toba ne. Nii-na wialin si leɲe niaa keɲ tuɔ-pula Wia teen jan paala keɲ tula a kii nii. ¹⁰ Nii-na bunbun ku-la fa sii tul bira bi tula kene. U tula-la lele ne, bee wiaa kuɲ don nuu tul a kii nii. ¹¹ Di ku-la fa si bi jan dieni ne ko a tutul, nii-na ku-la si jan he dime deen deen ne jan tutul a kiiu.

¹² Laa yiele Wia wu-zomɔ-la le ne. Nii ne tii la chaasa keɲ nyu-duon aa tin. ¹³ Ama la bi Moosis naga. Bua-la le u si na Wia tula, tula-la juu u siaa ne. Tula-la haa che duu lii ne. Nii ne u jon gerin a to u siaa, di tula-la si lii, di Iziral tinɲaa si na. La bi kuɲ jonɔ to la siaa. ¹⁴ Ama Iziral tinɲaa fa keɲ nyu-duon ne. Ba bi Wia wialin laa dii. Nii wiaa ari jinin kala, di ba ne karime wialin Wia fa si jonɔ pi Moosis bunbun-la di niaa tuto, ba biba laa didii. U naga ari geri-la Moosis fa si jonɔ to u siaa di Iziral tinɲaa si u siaa na, ku-la ha to ba siaa ne di ba si Wia tula na. Ama Yesu Kirisito ne jan wuo keɲ geri-la suri, di ba wuo na Wia tula. ¹⁵ Ari jinin kala, di ba ne karime wialin Wia fa si jonɔ pi Moosis di niaa tuto-na kala, u yie nage ari kuɲ ne to ba wu-jimin, di ba si wialin bubun jin. ¹⁶ Ama di nuu ne birima a to la Tiina Yesu, Wia jan keɲ ku-la si kere ba wu-jimin kaa jon. ¹⁷ La Tiina Kirisito ari Wia Din-zon-la kala ɲaa kubala ne. Lee-la kala saa la Tiina Kirisito Din-zon-la si he, lee-la niaa bi kuɲ-kala yosu ɲaa. ¹⁸ La nialin kala si laa Yesu wiaa dii, geri-la fa si to la siaa, Wia kaa suri ne. Kirisito tula juu la siaa ne la tutul ari u sii tul nii. U kenla kaa bibirime di la wasa tutul halii, la ku nagu u wii-wii-kala le. La Tiina Kirisito ari Wia Din-zon-la ne ɲaa nii la le.

4

La nage pupoyee ne, Wia jon ku-zon-la a tuole la tuon

¹ Wia ne fála nennige a jon tɔntimɔn deen pila di la titin, nji wiaa la nanndaasin bi yuore. ² Hiisi wialin ari wu-kaa-faali-la niaa si luora njaa, la-na viaba ta ne faafaa kala. La bira bi nuu nyise. La bi wiaa nyia pipe Wia niin wialin le. Ama Wia sipaan la chaasa bul wiaa, di nuu-kala tuobiinaa jin ari wutiti ne la bubul. ³ Ama di Wia wu-zom-la la sii bul faa, nialin si lele teen ne ba faa. ⁴ Niaa deenba Sitaani ne to ba wu-jimin di ba si wuo na pulumun. Wia wu-zom-la la sii bul nii dage pulun-la. Wia wu-zom-la ma didage Kirisito tula, nii-la si nage Wia. ⁵ Wialin la sii bul, u bi naga la titia wiaa ne la bubul, ama Yesu Kirisito wiaa ne la bubul, nii-la si tii nuu-kala. U wiaa ne tii la tima pipima. ⁶ Bunbun Wia si naa dunia, u leje pulumun chaane birimin tuon ne. Nii titia ne lelele u lej pulumun ku juu la tuon. Pulun-la ne leje la ken wu-jimin a wuo jin nji Wia sii tul. Wia dage nji u sii tul Kirisito siaa le ne.

⁷ La nage pupoyee ne, Wia jon ku-zomun deen a tuole la tuon. Nla saa daga ari dol-bal-la naa Wia kun ne. La dee buu tii. ⁸ La na heen ne worun lee-na kala, ama hee-la bila wuo. Bua donjo le la yie bi jin wii-la kala le la si he, ama la ha ken yielaa. ⁹ Ba yie to naasin a dudogisela, ama Wia bila via ta. Niaa yie nmoola lo, ama la bi suu. ¹⁰ Kirisito si suu nji, nji titia ne la yie na la miisin le ari la ma suba. U nji leje di miisi-la Yesu si kene, di la ma ken miisi-la titia. ¹¹ A tin Yesu wiaa, la si he miisin deen le, niaa yie kenla di ba kpula ne. U nji naa di miisi-la Yesu si kene, di la ma kenu ne. ¹² Nii wiaa Wia len la suu ne di ma-na ken miisin.

¹³ Nuu ne nmunse wiin deen a bul, 'Mi laa Wia wiaa dii ne, nji ne tii mii bulba.' La ma ken yarida-la titia ne. Nji ne tii la ma laa u wiaa dii a ma bubulba. ¹⁴ La jima ari Wia ne chise la Tiina Yesu suun le, u jan chisela maa, di la di Yesu kala ken miisin. U jan kenla ari ma kala a kaa mu u teen. ¹⁵ Ma wiaa ne tii wiaa deenba kala naa, di niaa wuo yuge a juu Wia lahormo-la le. Nii jan len di niaa yuga a denne Wia, di u yirin yire.

¹⁶ A tin wiin deen wiaa la nanndaasin bi yuore. Yara-la la si kene la miisin deen le, uu hiese ne, ama la dɔnsin-na wasa zuzon tapulii kala ne. ¹⁷ La teen hee-la la sii na bi yuge an bira bi jan dieni maa. Hee-la dagela wonbiila la si jan to a laa yirin ne Wia teen. Yiri-la jan naa yiri-bal. Yiri-bal-la la si jan laa jan kii hee-la la sii na. La jan ken yiri-balin deen deen. ¹⁸ Nii wiaa kialin la sii na dunia deen le, la bibaa ben ari ba naa kiaa. La miiraa ben kialin la si bi na ne, bee wiaa kialin si he dunia deen le niaa nina, ba jan lel, ama kialin niaa si bi na a he Wia teen, ba-na jan he dime a kaa mu wuu.

5

La jan ken yari-falaa Wia teen

¹ La jima la yaaraa deenba la si kene la miisin deen le, di la ne suba a mu Wia teen, u jan pila yari-falaa. Yari-falii-la bi dunia deen lia. U lii Wia teen ne. La jan kenba a he Wia jan le deen deen. ² La si he la miisin deen le, la faasa yel ne. La fa cho di la ken yara-la Wia si jan jonjo pila ne. ³ Di Wia ne fa jon yara-la pila, la fa bi jan ken yaribiree. ⁴ Yara-la la si kene la miisin deen le bi leje la tuon tore. U bi naga ari la cho di la suba ne, ama la cho di la ken miisin Wia teen ne. U nji wiaa Wia jan jon yara-la si bi jan suu, a lenni la yaraa deenba si jan suu. ⁵ Wia naa nii-la si jon yari-falaa

deenba ne a pila. U ne saa joŋ u Diŋ-zoŋ-la ma hela le di la wuo jin ari la jaŋ keŋ yari-falaa deenba u teenj.

⁶ Nii wiaa bua-na kala le la nyuŋ yie nyaase ne. La si keŋ yaraa deenba la miisinj le, la bi la Tiina Yesu kpaga. ⁷ La bi Kirisito ka na, ama la laa u wiaa dii a tutou. ⁸ La nyuŋ nyaasa ne, la saa cho di la lii dunia deenj le a mu la Tiina Yesu teenj. ⁹ Nii wiaa, di la ne he dunia deenj le, la cho di la ŋaa wiaa di u tuoŋ tutore ne. Di la ne mu u teenj maa, nii titia ne la jaŋ ŋŋaa, ¹⁰ bee wiaa la kala jaŋ mu chij Kirisito sipaanj duu dii la sariya. Kirisito jaŋ tiŋ nuu-kala mage nii u si tima mage dunia deenj le. Di ŋ ne faa ŋaa wu-zoŋŋo, u jaŋ joŋ wu-zoŋŋo tiŋin. Di ŋ ne faa ŋaa wu-boŋŋo maa, u jaŋ joŋ wu-boŋŋo tiŋin.

A tiŋ Kirisito wiaa, la di Wia dii naŋdoŋsun

¹¹ Laa fá Wia ne. Nii ne tii la bul u wiaa pipi niaa, di ba birima lii ba haacheba le a ku to Wia. Wia ne jin nii la si naga. Mi saa jima ari ma tuoŋbiinaa le ma jin nii la si naga ne. ¹² Nii ne tii la bi che di la dage la titia ma teenj, ama laa che di ma bul wutitii-la ma si jima a mu tigela le. Di ma ne ŋaa nii, ma jaŋ wuo bul wiaa a pi nialinj si si baa to Wia aŋ keŋ tuo-bomuŋ. ¹³ Ma biina ari laa nyaase ne ari la sii bul wialinj? Di la nii nyaasu, Wia wiaa ne tii, ama di la nyuŋ nii tiŋ maa, ma wiaa ne tii. ¹⁴ Kirisito chola ne, u chonu-la ne keŋla kaa titinj. La saa seye ari nuu-kala wiaa ne ni-bala suu, a tiŋ nii wiaa u nage nuu-kala suba ne. ¹⁵ Nuu-kala wiaa ne tii Kirisito suu. U si suba nii, nialinj si tou le a keŋ miisinj, u maga di ba ŋŋaa wialinj sii toŋe u tuoŋ, aŋ si ba titia tuoŋtoŋe wiaa ŋaa, a tiŋ u si suu ba wiaa aŋ sii suuŋ le.

¹⁶ Nii wiaa, a lii jiniŋ kaa mumu la bi che la beŋ niaa ari dunia niaa sii beŋ niaa nii. Bua doŋo le, la faa beŋ Kirisito ari niaa sii beŋ doŋo nii, ama lee le la bira buu beŋ ari la faa sii benu nii. ¹⁷ Nii wiaa di nuu-kala ne laa Kirisito wiaa dii, ba di Kirisito ŋaa kubala ne. Wia kenu birime ni-falii ne. Wu-binia-la kala balá ne. Wu-falaa ne suomi u miisinj le. ¹⁸ Wu-falaa deenba kala lii Wia teenj ne. Wia to Kirisito le ne a leŋ ba di niaa siŋ. Tiŋtimii-la Wia si joŋo pila ne ŋla: di la mu bula pi niaa di ba ko, di ba di Wia siŋ. ¹⁹ Wia to Kirisito le ne a wuo ŋaa ba di dunia niaa kala siŋ. Wia na dunia ari ba keŋ haache ne, ama u fába nennige a joŋ ba haacheba-la a cheba. Wia ne si la bula pi niaa ari la di Wia sima ne lee le. ²⁰ A tiŋ nii wiaa Kirisito naasiŋ le ne la chij a bubul wiaa deenba a pipi niaa. Wia tola le ne a bula pima di ma ko u teenj. A tiŋ Kirisito wiaa laa sulma di ma ko, di ma di Wia siŋ. ²¹ Kirisito fa bi haache kene, ama a tiŋ la wiaa, Wia leŋe u suu a nage haache tiina. Wia ŋaa nii di la wuo to Kirisito le a keŋ tuo-pula u teenj.

6

¹ Tiŋtimii-la la sii tiŋ, la di Wia kala nii tiŋ. Nii wiaa laa sulma, ma si leŋe di Wia lahoŋrimo-la u si kene ma teenj ŋaa wu-peiba. ² Wia titia bul wiinj deenj u teninj tuoŋ. U si,

“Bua-la le mi si cho ne mi jegile nii ma teenj.

 Mi pema le ne.

Tapulii-la maa mi si cho,

 mi laama ta ne.”

Má bee na, jiniŋ ne ŋaa tapulii-la Wia sii che duu laama ta. ³ La bi che di la joŋ kuŋ-kala gere nuu-kala woŋbiinj le di ba si wu-boŋ kala biinu a

mu tige tiñtimii-la la sí tiñ le. La ñaa Wia tiñtinnaa ne. ⁴ Nii wiaa wii-na kala la sí ñaa le, la yie dage ari la ñaa ni-titiiba ne. La yie nina heeñ ne a na wu-yiriba kala ma le, ama la yie faasa nyalime ne. ⁵ Ba yie ñmoola a keñla to dia, niaa ñaa taawei la nyun, la yie faasa titiñ ne, la bi donj piñ, losun ma keñla. ⁶ La yie dage ari la ñaa Wia tiñtinnaa ne, bee wiaa la bi disinniñ kene. La jin wiaa ne, a keñ kenyiri, a keñ zile, a keñ Wia Diñ-zoñ-la maa, a cho niaa ari Wia si chola ñii. ⁷ La yie bul wutitii ne a keñ dol-la Wia si pila a kaa titiñ, a keñ tuo-pula ma Wia sipaan. Tuo-pula-la nage huonun ne la si wo laale la na-diñ ari la na-gua nisaa le a kaa ñaa siri di la po la titia le. ⁸ Niaa doñsun ka pila jirima, ka doñsun ma tutuusela. La harin niaa doñsun bibesela le, ka doñsun ma bul wu-boñño a titigela le. Ba biina ari laa nyise niaa ne, ama wutitii ne la bubul. ⁹ Nuhuobiinee bila jin, ama Wia-na jinla ne. Niaa biina ari la suba ne, ama Wia teen la weye ne. Baa dogisela ne, ama ba bila kpua. ¹⁰ La tuon yie chei ne, an ka la juuose. La ñaa summoo ne, ama la yie pe niaa le di ba ma kuori Wia teen. La bi kuñ-kala kene, ama la ne tii kuñ-kala.

¹¹ Ma Koriñti niaa, la chaasa bul wutitii ne a pima. La bi wii-kala kaa fifaama. ¹² La choma ne, ma ne bila cho, ñii ne tii ma bi che di la mal doñño. ¹³ Ma nage mi biirin ne. Nii ne tii mii bul wiaa ñla a pipima. Má lenj ma tuon pulle a chola.

Pool chagile nialij si laa Yesu wiaa dii a mu tige nialij si bi Wia wiaa laa dii le

¹⁴ Ma si ma titia kaa mere nialij si bi Yesu wiaa laa dii le. Ni-zoñño ari ni-boñño bi maga di ba mere doñño le. Pulumun ari birimin bi jan wuo guoli doñño le. ¹⁵ Kirisito ari Sitaani bi jan wuo keñ nii-bala, ñii titia ne nii-la ma si laa Yesu wiaa dii ari nii-la si bi u wiaa laa dii, ma bi jan wuo tuto doñño. ¹⁶ La ñaa Wia-la si weye dia ne, u hela le. N bi jan wuo juu Wia-dia a kpaare vuiaa dime. Nla ne Wia titia bul u tenij tuon. U si, “Mi jan heba le

a vivilli ba tuon.

Mi ne jan ñaa ba Wia,
di ba ma ñaa mi niaa.

¹⁷ Nii wiaa má liise ma titia nialij si bi Yesu wiaa laa dii tuon,
a hoñ ma dunñun.

Ma sí kialij si keñ disinniñ didigu.
Ma ne ñaa ñii, ma jan wuo ko mi teenj.

¹⁸ Mi jan ñaa ma Nyimma
di ma ma ñaa mi nanualaa ari mi toloo.”
Wii-jaribako ne bul ñii.

7

¹ Mi naañbii-kpianaba, Wia si folo bul di u jan ñaa wiaa deenba kala pila, má lenj di la liise la titia disin-na kala le. Di la ne bi disin kala ñaa, ñii jan dage ari wutitii, la sene fifá Wia ne.

Wialij si ñaa Pool tuon tere

² Má chaasa pulle ma tuon pila. La bi wii ñaa cheima, la bi ma nyun ma cheye, la bira bima gura maa. ³ Mi si bul wiñ deen, u bi naga ari mi si di ma cheye ne, bee wiaa mi laa sipaan bula pima ari la choma ne. Nii wiaa, di miisij ne, la kala jan kenu, di suun ma ne, la kala jan suu. ⁴ La nyun

nyaasa ma wiaa ne. A tiŋ ma wiaa ne tii la bibigisi la titia le. Mi kala ne ŋaa tuotoru. La na heeŋ ne kinkeŋ, ama mi tuon faasa tore ne.

⁵ La si paala ku juu Masidoonia tinteen, la bi wiesee na. Wiaa juula woruŋ. La yaraa le la na heeŋ, la tuobiinaa le wiaa wiwalimela woruŋ. ⁶ Nii ne la naanbie kubala baa yire Taatis ko la teen. U si ko nii, la tuon tore ne woruŋ. Wia ne pila tuotoruŋ deen. U ne yie ŋaa nialin tuon si cheye na tuotoruŋ. ⁷ U si ko nii dunɗuŋa dee bi leŋe la tuon tore. U bula pila ari ma kenu woruŋ, u ma tuon tore. U bira bula pila ari ma cho di ma nami, a bira bula pila ari wii-la mi si bula pima ŋaa ma tuon faasa chei ne, a bira bula pila ari ma cho mi wiaa ne. Nii wiaa mi tuo-chei-la miira birime tuotoruŋ ne. ⁸ Ten-la mi si ŋmuŋsa pima leŋe ma tuon cheye ne. Di ma tuon ne cheye maa, mi-na tuon bi cheye. Di ma tuon ne fa cheye a tiŋ ten-la wiaa, mi jima ari ma tuon bi jan chei a dieni. ⁹ Ama leele mi tuon tore ne, bee wiaa ma birima lii ma haacheba le. Ma sii to Wia ne tii ma tuon chei nii, ama ma saa bi tele. ¹⁰ Di Wia ne leŋe nuu tuon chei a tiŋ u haacheba wiaa, u tiina yie birima lii u haacheba-la le ne. Di u ne ŋaa nii, Wia laau ta. Ama di nuu tuon ne cheye ari dunia niaa tuon si cheye nii, u tiina bi jan keŋ miisin Wia teen. ¹¹ Má bee na hee-la ma si na a tiŋ ma sii che di ma to Wia wonbii-la wiaa. Leele ma fiŋe siin ne a didage ari ma bi wii cheye. Ma na baaniŋ ne a tiŋ wu-bomɔ-la ma si ŋaa wiaa. Fawulluŋ keŋma. Ma chomi ne a fiŋe siin di ma nami. Ma ŋaa siri di ma dogise nialin sii ŋaa wu-bonɗoɗo ma tuon. Ma daga ari ma bi wii-kala cheye. ¹² Nii wiaa ten-la mi si ŋmuŋsa, u bi naga ari nii-la si ŋaa wiaa chei ne tii mi ŋmuŋse. Mi bira bi ŋmuŋsa pi nii-la si na heeŋ a tiŋ ba si ŋaa wii-la cheiu le. Ama mi ŋmuŋsa ne di ma dage Wia sipaan ari ma chola ne. ¹³ Nii wiaa la tuon pin di-bala ne. Taatis si ko ma teen, ma leŋe u tuon tore ne woruŋ. U tuobiinaa ma pin di-bala. Nii ne leŋe la ma tuon tore. ¹⁴ Mi bigisi mi titia le ne u sipaan a tiŋ ma wiaa. Ama ma bi leŋe hiisin diimi. Nii ne wialin kala la si bula pi Taatis a tigema le ma ku ŋaa wutitii. Wialin kala la si bula pima sene ŋaa wutitii ne. ¹⁵ Taatis titia choma ne woruŋ. U na nii ma sii to Wia niin wialin. Ma fá fawulluŋ aŋ kenu woruŋ, a zizilu woruŋ. ¹⁶ Mi tuon tore ne, bee wiaa mi ŋaa ma yarida ne kinkeŋ.

8

Wia niaa maga di ba pe nialin sii to Wia le

¹ La naanbiirin, laa che di ma jin Wia si pe nialin si laa Yesu wiaa dii aa hilimi Masidoonia tinteen kala le nii. Wia doluŋ le, niaa deenba tiŋ tinŋin-zonɗoɗo ne. ² Ba faasa na heeŋ ne woruŋ. Hee-la magiseba ne woruŋ. Niaa deenba fa ŋaa summoo ne, ama a tiŋ tuotoru-la wiaa ba si kene, kialin wua ba si kene, ba jonɗo dii zile niaa le. Ba jonba kpikpaa nialin si bi kene biri biri. ³ Mi jan wuo bula pima ari niaa deenba, ba jon ku-dan ne pila di la jonɗo pi nialin si ŋaa summoo a guoli Wia niaa tuon Jerusalem le. Ba bira wasa jon a kii nii ne a pe pila, aŋ hoŋ ari na-hillin. ⁴ Ba chaasa faasa sulla ne woruŋ di la piba wonbiin di ba ma wuo jon kiasa pipe Wia nialin le. ⁵ La fa bi yela di ba jan wuo pa a mage ŋla. Ba laa sipaan jon ba titia a pi Wia ne. U nii hariŋ le ne ba sei la ma niin wiaa. Wia tuotoruŋ le ne ba ŋaa nii. ⁶ Taatis ne suomo laa kiasa deenba ma teen. Nii wiaa laa sulu, u si suomo nii, duu wuo kaa mu dere ma teen. ⁷ Ma bi kuŋ-kala che kika. Ma faasa keŋ yarida. Ma wuo Wia wiaa bubul ne woruŋ. Ma faasa keŋ

wu-jimir, a fiесе siinj di ma pe niaa le, anj faasa chola maa. Laa che di ma faasa keñ zile ne a pe Wia nialinj le.

⁸ Mi bima fuga di ma jonj kiasa pipi niaa. Niasa dõnsunj fiесе siinj ne a cho di ba ñaa kiasa kpikpaa niaa. Nii ne tii mii che di ma ma dage ari wutitii, ma sene cho niaa ne. ⁹ Ma jima, la Tiina Yesu fa keñ zile ne. Anj ka duu ku tuu dunia, u fa keñ kiasa ne worunj Wia-ñanj le, ama a tinj ma wiaa u keñ u titia kaa ñaa summu dunia le. U ñaa ñii di ma wuo tou le ne a kuori. ¹⁰ Mi keñ wii ne di mi bul a tige wiinj deenj le. Diimirj ne ma suomi di ma kiesa kiasa pipi nialinj si ñaa summoo a guguoli Wia niasa tuonj Jerusalem le. Ma ne laa sipaanj a kiesa kiasa di ba kaa mu pi Wia nialinj. Nii wiaa má ñaa mu na u diderinj. ¹¹ Ma fa ñaa siri ne di ma kiesa kiasa pipi nialinj si he Jerusalem le. Leele kialinj ma si kiesa, má jonjo piba di la jinj ari ma ñaa wii-la ma fa sii che di ma ñaa ne. Má piba a mage ñii kala ma si kene. ¹² Di nuu ne ñaa siri duu jonj kunj pi nuu, nii-la u si che duu jonj ku-la pa ñanj laa ku-la kala u si jonjo pu, ama u bi ñanj laa a kii ñii. ¹³ Ma si jonj kialinj pi nialinj, mi bi si di ba ne miira keñ kiasa a yuge a ninii sima, anj ka di ma ne miira nina heenj. ¹⁴ Wii-la mi sii che ne ñla, di ma keñ kiasa mage donjo. Bua deenj le ma keñ kiasa yuge ne, anj ka ba bi kunj kene. Nii wiaa, má peba le di ba na kialinj ba sii che. U harinj le, di nialinj ma ne ku keñ kunj, ba ma ñanj pema le di ma keñ kialinj ma sii che. ¹⁵ Ñla ne ba bul Wia teninj tuonj. Ba bula ari nialinj kala si faasa paa boroboro-la si lii Wia-ñanj ku tuu, ari nialinj kala si paa mua mua, ba kala yie kaa kpaas a mage donjo ne.

Pool tinj Taatis duu mu na Korinjti niaa

¹⁶ Mii lolle Wia ne kinkeñ ari u si leñje Taatis choma ari mi ma si choma ñii. ¹⁷ U bi naga ari la si tinj Taatis duu ku laa kialinj ma teenj ne tii u ko. U ma fa paala cho duu ko ma teenj ne. ¹⁸ La naanbii donj ma ne to Taatis harinj kuko. Nialinj kala si laa Yesu wiaa dii aa hilimi jimun ne a tinj u sii bul Wia wu-zomola wiaa. ¹⁹ Nii ma dunduña dee. Nialinj si laa Yesu wiaa dii aa hilimi tasi-la kala le ne liisu duu pela le di la lilaa kialinj a pipe Wia niasa le. Nii daga ari la ñaa siri ne di la peba le, di Wia yirinj yire. ²⁰ Nii wiaa la bi che di nuu-kala wuo na wu-bonj kala a bul, a mu tige kialinj la sii che di la kaa kpaas Wia niasa le, bee wiaa kialinj ñaa ku-danj ne. ²¹ La bul ñii, bee wiaa wii-na kala la sii ñaa le, laa che duu ñaa wu-zonj ne Wia ari nuhuobiinee pege. ²² La naanbii donj ma ne to ba harinj kuko. Wii-kala le la magisu ne a na ari u keñ wutitii. Leele u paala chaasa fiесе siinj ne worunj, bee wiaa u keñ yarida ma le worunj. ²³ Taatis-na ñaa mi tintinni donj ne. La duu kala ne tima pipima. Ka la naanbiiri-la-na, baa ñaa nialinj si laa Yesu wiaa dii aa hilimi tasi-la kala le tinjdaaraa ne. Baa tinj Kirisito tintinjñaa ne duu yirinj yire. ²⁴ La laa sipaanj bul ma wiaa piba ne, a bigisi la titia le a tinj ma wiaa. Ma dage nialinj si laa Yesu wiaa dii aa hilimi tasi-la le ari wialinj la si bula a tigema le ñaa wutitii ne. Ma pe leñ di ba jinj ari ma choba ne.

9

¹ U bi maga di mi bul di ma jonj kiasa pipi Wia niasa si he Jerusalem le, ² bee wiaa mi paala jinj ari ma ñaa siri ne di ma ñaa ñii. Nii wiaa ne tii mi bibigisi ma wiaa a pi Wia nialinj si he Masidoonia tintenje le. Mi bula piba ari nialinj si he Akaaya tintenje le ñaa siri harinj jina-la di ba pe Wia niasa le. Ma si fiесе siinj ñii, ma leñje niasa yuge ne a ma cho di ba pe jonj kiasa pipi nialinj. ³ Mi laa sipaanj titinj mi naanbiirinj deenba di ba ko ma teenj,

di ma wasa keŋ ma titia ari kialinj ma sŋi che di ma paa, ari mi si bul ma wiaa nŋi piba, di wialinj mi si bula a tigema le sŋi pei ŋaa. La laa ma wiaa dii woruŋ a bula piba ari ma jaŋ che kialinj bil. ⁴ Di ba ne to ko a na di ma bi kialinj che bil, hiisinj jaŋ diila, a diima maa a tiŋ nŋi wiaa. ⁵ Nŋi ne tii mi biine duu maga di mi tiŋ mi naanbiirin deenba di ba laa sipaan ko mi le, di kialinj ma si bula ari ma jaŋ joŋo pe Wia niaa le, di ma joŋo he doŋo le, ka di mi-na ko. Nŋi jaŋ dage ari ma titia tuotoruŋ le ne ma ŋaa nŋi. Mi bi maa fuge di ma ŋaa nŋi.

⁶ Ma sŋi wiinj deen yu. Di ŋ ne joŋ ku-doho mua duu, kialinj ŋ si jaŋ kuŋ bi jaŋ yuge, ama di ŋ ku-doho ne yuga di ŋ joŋo duu, ŋ jaŋ kuŋ kiaa yuge.

⁷ Nuu-kala doluŋ si mage nŋi, u maga duu tia a mage nŋi ne. U maga duu pulle u tuoŋ a pi kialinj, aŋ sŋi saka saka ŋaa. U bi maga duu biine ari baa fugu ne duu pi kialinj. Nuu-kala maga duu tia kiaa ari u tuotoruŋ le, bee wiaa Wia cho nii-la sŋi pa ari tuotoruŋ ne. ⁸ Ma sŋi yu ari Wia keŋ doluŋ. U jaŋ wuo faasa pima kuŋ-kala ma sŋi che. U jaŋ paala faasa pima di ma kaa wase ma titia aŋ ka, a keŋ ku-kaanaa ma pe ma doŋsun tiŋŋaa le. ⁹ Ŋla ne ba bul Wia teninj tuoŋ. Ba si,

“Zile tiina yie joŋ kiaa jaase ne a pi summoo. U zile bi dere.”

¹⁰ Wia ne yie joŋ ku-doho a pi paara. U ne pi niaa kudiilee maa. Nŋi wiaa u jaŋ pima kiaa a leŋ di ba puŋa pe bua-na kala le. U si leŋe ma kiaa puŋa pipe nŋi, u jaŋ leŋ di ma ma keŋ zile kinkeŋ. ¹¹ Wia jaŋ leŋ di ma faasa keŋ kiaa. Di ma ne keŋ kiaa woruŋ, ma ma jaŋ faasa keŋ zile kinkeŋ. Di ba ne laa kialinj ma si joŋo piba, ba jaŋ denne Wia. ¹² Kialinj ma si joŋo pi Wia nialinj, ma piba ba ku-cheele ne nŋi. Nŋi wuo leŋ niaa yuge a denne Wia duu yirin yire. ¹³ Kialinj ma si joŋo piba daga nŋi ma si naga ne. A tiŋ ma wiaa, niaa jaŋ yuge a denne Wia, bee wiaa ma nii Wia wu-zomɔ-la si tige Kirisito le a tutoba maa. Nŋi dunɔŋa ma dee. Ba jaŋ denne Wia a tiŋ kialinj ma si joŋo dii zile, ba di nialinj kala le. ¹⁴ Ba yie sul Wia pipima ne a cho di ba nama, bee wiaa tiŋtiŋ-zoŋ ne Wia tiŋ ma teen. ¹⁵ Laa lolle Wia a tiŋ wu-bal-bal-la u si joŋo pila pei.

10

Pɔɔl bul wiaa a tige tiŋtiŋŋaa u si timaa pi Wia

¹ Mi-na Pɔɔl titia nŋi che di mi bul wii pima. Mii sulma a tiŋ Kirisito wiaa. U siaa ne fiela, ka u bira keŋ kenyiri maa. Ama niaa doŋsun si, di mi ne he ma teen, mi yie pui ne gbele gbele, ama di mi tuo ma teen, mi nyuŋ yie duori ne wen gem. ² Di mi ne ko ma teen, ma sŋi leŋe di mi dage wu-duoruŋ, bee wiaa mi ŋaa yarida ari mi fa jaŋ wuo dage wu-duoruŋ a pi nialinj si biina ari la ŋaa wiaa a ninage dunia niaa sŋi ŋaa nŋi. ³ La he dunia ma le ne a yuyuo laalinj, ama la bi yuo a ninage nŋi dunia niaa sŋi yuo laalinj. ⁴ La laali-yuori kiaa bi dunia kiaa ŋaa, ama ba lii Wia teen ne a faasa keŋ doluŋ, a wuo yigi dii-duoruŋ a lulo. ⁵ Nialinj si keŋ nŋi-doluŋ a keŋ wiaa kaa lere, a keŋ ba titia ma kaa yuyuge, ba bi la sipaan wuo chinj. La yie keseba di ba ku jinj Wia. La bira leŋ ba keŋ ba tuobiinaa kala a to Kirisito niinj wiaa. ⁶ Di ma ne sene tuto Kirisito niinj wiaa woruŋ, nŋi-na la jaŋ ŋaa siri a dogise nialinj si bi u niinj wiaa ka to.

⁷ Má suri ma siaa woruŋ. Di nuu ne biina ari u ŋaa Kirisito nuu ne, u tiina maga duu jinj ari la ma ŋaa Kirisito niaa ne. ⁸ Di mi ne faasa bigisi mi titia le mua a muu tige dol-la Wia si joŋo pila, la bi wii cheye, bee wiaa Wia joŋo pila di la kaa wasema ne. U bi si di la kaa cheima. Nŋi wiaa hiisinj bi

jan wuo keŋmi. ⁹ Mi bi che di ma biine ari mi yie ŋmunse tennin pipima di mi jon fawullun a hema le. ¹⁰ Mi jima ari ma doŋsun yie bul di wialin mi si yie ŋmunse mi tennin tuon a piba, ba dolie ne an pe hei, ka mi titia ŋaa ni-pugu. Di mi nii bul Wia wiaa maa, mi yie nage ari mi bi wu-bulun jin. ¹¹ U maga di ni-yiriba-la jin ari wialin la si yie bul tennin tuon, di la ne bi kpaga, di la ne kpaga maa, wialin titia ne la jan bul. ¹² La bi che di la biine ari la di niaa doŋsun mage doŋo ne. La bira bi che di la keŋ la titia mimagise nialin sii dage ba titia. Di niaa deenba nii pagise doŋo a keŋ ba titia mimagise doŋo, ba bi wu-jimin kene.

¹³ La bi jan faasa bigisi la titia le a kieli, ama la jan bigisi mage nii Wia si jonjo pila, u ne leŋe la ku bul u wiaa pima. ¹⁴ Nii wiaa, di la ne ku bul Wia wiaa pima, la bi ŋaa kikieli, bee wiaa la ne ŋaa nialin si laa sipaan keŋ Kirisito wu-zomɔ-la kaa ko bula pima. Di la ne fa bi ma teen ko, an bibigisi la titia le nii, la fa naga la bigisi la titia le a kikieli ne. ¹⁵ La bi la titia le bigisi a kikieli a tin tintimii-la niaa doŋsun sii tin. Ama la laa dii ari ma si waa ma yarida le nii, tintimii-la la si jan tin ma teen ma jan puŋa pe. ¹⁶ Di nii ne china, la jan wuo bul Wia wu-zomɔ-la lere-la si paala kielima mu sipaan. La bi che di la bibigisi la titia le lee-la nuu doŋo sii tin u tintinŋaa. ¹⁷ Wia tenin wiaa tuon ba si, nii-la kala sii bigisi u titia le, u maga duu bibigisi a mu titige Wia dolun le ne. ¹⁸ Nii-la sii biinu ari u maga di Wia liisu duu tima pupu, Wia bi jan liise tiina, ama Wia titia yie liise nii-la kala u sii che duu tima puu ne.

11

Pɔɔl bul wiaa a tige nialin si nyia wiaa bul ari ba ne ŋaa Yesu nanzoɔba

¹ Mii sulma di ma keŋ kenyiri a nii mi teen. Di mii bul wu-toɔ maa, má jegile nii mi teen. ² Wia tuon sii wiima le nii, nii titia ne mi ma tuon wiwiima le. Ma nage ha-tolo-la si bi disinnin kene ne mi jonjo pipi bala. Ma bala ne ŋaa Kirisito. ³ Ama fawullun keŋmi ne, bee wiaa ma bi jan wuo to Kirisito ari tuo-bala. Ari dimin si nyise Hawa ari u wu-jimin jin, nii titia ne baa nyisema maa di ma si Kirisito to ari tuo-bala ari wutitii. ⁴ Mii bul ŋla, bee wiaa di nuu doŋo ne bira ko ma teen a bira bul wu-tanii a mu tige Yesu le, koo di ma ne bira na din-wogo an leŋ Wia Din-zon-la ta, koo di ma ne bira nii wu-wogo maa, ma yie via Wia wu-zomɔ-la ta ne an sei wu-wogusu-la lima lima. ⁵ Mi biina nanzoɔ deenba si jon ba titia ari ba ne kii nuu-kala, ba bimi le kpia. ⁶ Ama di mi ne paala bi wiaa wuo bul maa, mi jin wiaa ne. La chaasa bul wiaa deenba pima ne.

⁷ Bua-la le mi si bul Wia wu-zomɔ-la pima, mi bi kuŋ-kala laa ma teen. Mi keŋ mi titia muuri ne di ma wuo yuge. Ma biina mi si ŋaa nii, u ŋaa wu-boŋ nee? ⁸ Nialin si laa Yesu wiaa dii aa hilimi a he tasin doŋsun le ne faa pimi kialin mi fa sii che bua-la le mi si he ma teen a titin. ⁹ Bua-la le mi fa si he ma teen, di mi nii che kuŋ-kala, mi ha bi bula pima kuŋ-kala di ma pemi le. La naanbiiri-la fa si he Masidoonia tinteen le ne faa pimi kialin kala mi fa sii che. Mi fa bi cho di mi laa kuŋ-kala ma teen. Mi saa bi che di mi laa kuŋ-kala ma teen. ¹⁰ Mi keŋ Kirisito wutitii-la ne. Ama mi jan bigisi mi titia le a leŋ di Akaaya tinteen kala nii wii-la. ¹¹ Bee ne tii mi bul nii? Ma biina ari mi bima cho nee? Ai, Wia titia jima ari mi choma ne.

¹² Mi sii tin mi tintinŋaa an bi kuŋ-kala ka che ma teen nii, mi ha jan ŋinŋaa nii. Niaa doŋsun he dime a bibigisi ba titia le ari la di ba ne to wen-bala a titin tintinŋaa. Mii che di mi ŋaa nii, di ba si wuo na wonbiin

a bul ŋii. ¹³ Nīaa deenba nyia wīaa ne ari ba ŋaa Kirisito nanžooaba ne. Ba bira nyise nīaa ne ba tīntīnŋaa le. Ba yie fugi a keŋ ba titia birime ari ba ŋaa Kirisito nanžooaba ne. ¹⁴ U ŋii saa bi wu-kpūŋkpere wii ŋaa, be wīaa Sitaani ma keŋ u titia a nage duu ŋaa Wia tīndaaru ne si keŋ pulumun ko dunia. ¹⁵ U saa bira bi wu-kpūŋkpere wii ŋaa di Sitaani tīntīnnaa ne keŋ ba titia ŋaa a nage nialin si keŋ tuo-pula a tima pipi Wia. Ba si tima mage ŋii, ŋii ne Wia jaŋ doḡiseba a mage.

Pɔɔl si na heɛŋ ŋii a tɪŋ u si ŋaa Yesu nanžoo

¹⁶ Má leŋ di mi bira bula pima ari nuu-kala sí biina ari mi ŋaa ni-yaari ne. Ama di ma níi che di ma joŋmi ari mi ŋaa ni-yaari, mi jaŋ wuo bigisi mi titia le muapilii. ¹⁷ Wialin mi síi bul, ni-yaari wīaa ne mii bul. Mii bigisi mi titia le ne. Mi jima Kirisito bi jaŋ bigisi u titia le ŋii. ¹⁸ Nīaa yuga a bibigisi ba titia le a tīŋ dunia kīaa wīaa. Nii wīaa mi ma jaŋ bigisi mi titia le. ¹⁹ Ma keŋ wu-jimin ne a wuo sisei wialin ni-yaaraa síi bul. ²⁰ Di nuu ma ne keŋma birime u yosuŋ, koo di u ne keŋ ma kīaa kala līaa, koo di u níi gurema, koo di u ne leŋe ma ŋīŋaa wialin u síi che, koo u ne fallema, ma yie tōre ma níin ne. ²¹ Hiisin keŋmi ne a tīŋ wīin deen mi síi che di mi bul le. La-na fa bi doluŋ kene di la ŋaa wīaa deenba ma le. Ama di nuu níi bigisi u titia le a tīŋ wii wīaa, mi ma jaŋ wuo bigisi mi titia le a tīŋ wii-la wīaa. Ama mi haa bul wīaa ari ni-yaari ne. ²² Ba ŋaa Hiiburu timma nee? Mi ma ŋaa doŋo ne. Ba ŋaa Iziral timma nee? Mi ma ŋaa doŋo ne. Ba ŋaa Abiraham doho nīaa maa, mi ma ŋaa doŋo ne. ²³ Ba ŋaa Kirisito tīntīnnaa maa, mi ma ŋaa doŋo ne. Mi ne paala kīiba. Mi ne paala fiese siin a tīŋ kīŋkeŋ. Ba keŋmi kaa to dia a yuge ne. Ba si ŋmoomi, mi bi u níin jīŋ. Mi fa si ka mua di mi suba maa, mi biba ma níin jīŋ. Mii bul wīaa deenba kala ari mi nyuŋ tuo. ²⁴ Naanšiin bunon ne Juu tīŋŋaa keŋmi a viire ari kpaasa naanšiin mara ari fi ari nibi. ²⁵ Naanšiin butori ne ba joŋ chiba a viiremi. Bua kubala le ba yagemi ari tabīaa. Mi si juu liin daborusun a vīven, butori ne liin daborusu-la chei liin tuoŋ, che doŋ mi he liin tuoŋ wīhēye ari tītanin kala a ninerike di mi líi. ²⁶ Mi si venēe ven woŋbiin ŋii, mi na heeŋ ne woruŋ. Mi na heeŋ líi-libisin tuoŋ. Mi na heeŋ gaaraa ma nisin le. Mi na heeŋ mi titia nīaa nisin le, mi na heeŋ nialin si bi Juu tīŋŋaa ŋaa nisin le, mi na heeŋ ta-balaa le, mi na heeŋ giri-bine ma tuoŋ, mi na heeŋ mugī-balin tuoŋ, mi na heeŋ nialin si nyia wīaa ari ba ŋaa la naanbiirin nisin le. ²⁷ Mi tima ne a faasa tīŋ woruŋ a na heeŋ. Tapulaa yuga mi si bi doŋ pina, losuŋ ari líi-nyuasuŋ ma keŋmi, mi paala bi kudiilee kene di mi dii, a keŋ yaribiree, waarin kpumi. ²⁸ Di mi ne paala leŋ wīaa deenba kala ta, mi yie bibiine wīaa doŋsuŋ ne. Tapulii-na kala nialin si laa Yesu wīaa dii aa hilimi leree kala, ba wīaa ne mi yie bibiine. ²⁹ Di nuu ne bi doluŋ kene, mi ma bi doluŋ kene. Di ba nyise nuu duu ŋaa wu-bon maa, mi tuoŋ yie faasa chei ne.

³⁰ Di mi níi che di mi bigisi mi titia le maa, mi jaŋ bigisi mi titia le a tīŋ kialin si daga ari mi bi doluŋ kene. ³¹ Wia si ŋaa la Tiina Yesu Nyimma, u yirin jaŋ yire deen deen. U jima ari mi bi wīaa nyia. ³² Mi fa si he Damaasikas le, bua-la le di baal kubala baa yiire Ariitas ne dii ba kuoruŋ. Nii ne kuoro Ariitas pi níi-la si chin tīntee-la kuori-balin nyuŋ woŋbiin di ba po tan-ŋa boininiin a keŋmi. ³³ Ama ba joŋmi a he sim-balin tuoŋ, a joŋmi to tokoro ta jeen hariŋ. Nii ne mi wuo lel u nisin le, u chemi ka.

12

Pɔɔl na wiaa ari duosoo tuɔŋ

¹ Mi si bigisi mi titia le, nii bi jaŋ pemi le, ama mi ha jaŋ bigisi mi titia le a bul wialin Wia si leŋe mi na ari duosoo tuɔŋ, ari wialin u si joŋo dagemi. ² Mi jin baal kubala fa si laa Kirisito wiaa dii. U jisin fii ari banese ne nla Wia si guu joŋu kaa jil u jaŋ di-bolii-la, a dagu wiaa yuge, aŋ miira kenu kaa ku tuu ta. Di Wia joŋ u dima ne koo u yaraa kala ma ne, mi bi jin. Wia ne jima. ³ Mi jima ari baala deen Wia guu joŋu kaa jil Wia-jaŋ di-zɔŋ-la ba sfi yire Paradaas ne. Di Wia joŋ u dima ne koo u yaraa kala ne, mi bi jin. Wia ne jima. ⁴ Wialin u si nia, nuhuobiinee paala bi jaŋ wuo bulba. U bi maga di ba bulba maa. ⁵ Mi jaŋ bigisi baala deen le, mi-na bi mi titia le wuo bigisi. Ama di mi nu bigisi mi titia ma le, mi jaŋ bigisi mi titia le a mu tige kialin si daga ari mi bi dolun kene le. ⁶ Di mi nii che di mi bigisi mi titia le maa, mi bi jaŋ bul wu-yaayasin. Mi jaŋ bul wutitiiba. Ama mi bi jaŋ wuo bigisi mi titia le, di nuu-kala si wuo na wonbiin a biine ari mi kii nii mi si maga a tin wialin ba si na mi teen, koo a tin wialin ba si nia di mii bul le. ⁷ Wu-kpunƙperisi-la kala Wia si joŋo dagemi fa jaŋ wuo ŋaa di mi bigisi mi titia le. Di mi si wuo na wonbiin a bigisi mi titia le, u naga kuŋ ne ba joŋo tomi. U wiwii ari soŋ si to niaa u wiwii nii. U fa naga Sitaani ne tin ku-la duu ko mi teen a walimemi di mi si wuo na wonbiin a bigisi mi titia le. ⁸ Mi yaraa sii wii nii, nii ne mi sul Wia naanŋiin butori duu leŋ di mi yaraa fiele. ⁹ Nii ne Wia bula pimi a bul, “Mi zile yuga kinƙen ŋ teen, nii wiaa nialin si bi dolun kene ba titia le, mi yie joŋ dolun piba ba kaa titin mi tintinŋaa a dere.” Nii wiaa mi tuɔŋ toɔ ari mi si bi dolun kene mi titia le. Mi saa jaŋ bigisi mi titia le a tin mi si bi dolun kene wiaa, di Kirisito dol-la wuo hemi le a titin. ¹⁰ Nii-na a tin Kirisito wiaa mi tuɔŋ toɔ ari mi si bi dolun kene mi titia le. Ba yie tutuusela. La yie nina heen ne. Ba yie to naasin dudogisela. La yie nina wu-yiriba kala ma le. Di mi bi dolun kene, Wia pimi u dolun.

Korinti niaa wiaa wii Pɔɔl

¹¹ Mii bul wiaa ari mi ŋaa ni-yaari ne. Ma ne saa fugemi he nii le. Ma ne fa maga di ma bibesemi le. Mi jima ari mi bi nuu ŋaa, ama nanzɔɔba-la si joŋ ba titia ari ba ne kii nuu-kala, ba bimi kpia. ¹² Mi nyalima ne worun a wuo tin ma teen. Wialin kala mi si ŋaa, wu-magilaa ari wu-kpunƙperisi-la ari wialin kala mi si ŋaa Wia Din-zɔŋ-la dolun le daga ari mi sene ŋaa Kirisito nanzɔɔ-titii ne. ¹³ Wialin mi si ŋaama le, ba titia ne mi ŋaa nialin si laa Yesu wiaa dii aa hilimi lee-kala le. Wii-la dunɔŋa mi si bi ŋaama le ne nla: Mi bima walima di ma pimi kialin mi sii che. Mi saa sulma di ma joŋ wiin deen chemi.

¹⁴ Tori ne nla mi si ŋaa siri ne di mi ku nama. Di mi ne ko, mi bi jaŋ walimema di ma pimi kuŋ-kala. Mi bi ma kuŋ-kala ka che. Ma titia ne mi chiche, bee wiaa hanbiisin bi jaŋ wuo che kiaa bil ba nyimmaba ari ba naanba le. Ama hanbiisin nyimmaba ari ba naanba ne maga di ba che kiaa a bil ba biirin le. ¹⁵ A tin ma wiaa mi paala faasa cho ne di mi keŋ kuŋ-kala mi si kene ari mi dolun a tima pima. Nii wiaa, di mi ne choma kinƙen, u maga di ma ma chomi ne, ama ma bimi cho kinƙen. ¹⁶ U ŋaa wutitiin ne ari mi bima walima di ma pimi kuŋ-kala, ama ma bula ari mi nyisema laa ma kiaa ne. ¹⁷ Mi tin niaa ne ba ko ma teen. Ma biina ari mi tinba di ba ku laa ma kiaa ne? ¹⁸ Mi ne tin Taatis duu ko ma teen. La naanbie doŋo ma ne to u harin kuko. Taatis si ko ma teen, u girima laa

ma kuŋ nɛɛ? Wii-kala la sɪi ŋaa ɛ, la di Taatis niŋ ŋaa kubala nɛ. La kala ka to wɛŋ-bala nɛ.

¹⁹ Wialinŋ kala la sɪi bul, ma jaŋ biinɛ ari laa bul ŋii di la laa la titia ma teen nɛ. Ŋii dee. La hɛ Kirisito ɛ nɛ aa bul wialinŋ Wia sipaanŋ. Mi naanbiikpianaba, laa bul wiaa deenba kala di la wuo pema ɛ di ma waa wialinŋ ma si laa dii ɛ. ²⁰ Fawulluŋ kɛŋmi nɛ di ŋ bi pɔɔ mi jaŋ ku nama, di mi si cho di ma nage ŋii, di ma bi ŋii naga, ma ma jaŋ na di mi ma bi ŋii ma si cho naga. Mi boye ka joŋ ari mi nɛ kɔ, mi jaŋ nama di maa yuo yuosuŋ, a kɛŋ yaribirinŋ, a nina baaninŋ doŋo nyuŋ, a to ma tuotɔre wu-ŋaalaa, a chichei doŋoba yirinŋ, a gigaa doŋo harinŋ, a kɛŋ siiduonŋ, a bi nii-bala kene. ²¹ Mi fá fawulluŋ di mi nɛ bira kɔ ma teenŋ, Wia jaŋ lenŋ di mi tuonŋ chei ma nyuŋ a tinŋ ma haacheba wiaa. Ma ha bi birima liiba ɛ. Niaa yuga a hɛ ma tuonŋ a ŋaa haache wiaa, aa ŋaa disinninŋ, aa ŋaa wu-liilinŋ, a gollo chiche niaa haalaa, a bi birima liiba ɛ. Di mi nɛ kɔ ma teenŋ, mi jaŋ yel a tinŋ ma haacheba wiaa.

13

Pɔɔl bira chagile Koriŋti niaa a chuɔleba

¹ Naanŋsiin butori nɛ ŋla mi sii kɔ ma teenŋ di mi nama. Di mi nɛ kɔ, di ma kuŋ-kala nɛ biina ari u doŋo tiina ŋaa wii chei u chiche u bul u teenŋ, u maga di u kɛŋ siada tinŋaa balia koo batori. ² Mi si kɔ ma teenŋ liaminŋ ɛ, mi kpurise nialinŋ si ŋaa haache digilaa nɛ. Mii che di mi bira kɔ ma teenŋ torimuŋ ɛ ŋla, ŋii nɛ mi chiche di mi bira kpurise ba digilaa, ari di mi nɛ kɔ, mi bi jaŋ taba. ³ Maa che di ma jinŋ ari Kirisito hɛmi ɛ nɛ a bubul wiaa. Ma ma jaŋ na di u kɛŋ doluŋ nɛ ma teenŋ, a wuoma maa wii-kala ɛ. ⁴ Ba kpaasu merɛ daa-gesɛɛ nyuŋ a nage ari u fa bi doluŋ kene. Ama Wia doluŋ ɛ u sie a kɛŋ miisinŋ. La hɛ Kirisito ɛ nɛ. Ŋii wiaa la bi doluŋ kene la titia ɛ. Kirisito si weye ŋii a kɛŋ miisinŋ Wia doluŋ ɛ, ŋii titia nɛ la ma jaŋ kɛŋ miisinŋ Wia doluŋ ɛ a titinŋ ma teenŋ.

⁵ Má benŋ ma titia ɛ a pɛ mimagise ma titia, a na di ma nɛ chinŋ ma yarida naanŋ ɛ. Ma bi jinŋ ari Yesu Kirisito hɛma ɛ nɛɛ? Di ma nɛ bi jinŋ duu hɛma ɛ, ŋii-na ma tele nɛ ŋii. ⁶ Mi kɛŋ yielaa ari ma jaŋ na di la-na bi tele. ⁷ La sul Wia pipima di ma sí wii-kala ŋaa chei. U bi naga ari laa che di la dage ari la-na ŋaa woruŋ nɛ, ama di ma nɛ paala biine ari la tele maa, laa che di ma wuo ŋinŋaa wialinŋ sɪi to wonjbiinŋ nɛ, ⁸ bɛɛ wiaa la bi jaŋ wuo lii wutitii-la harinŋ. Ama la chinŋ wutitii-la ɛ nɛ. ⁹ Di la nɛ bi doluŋ kene maa, la yie jujuɔse nɛ a tinŋ dol-la ma si kene wiaa. Wii-la la si sul Wia chiche nɛ, di ma yarida wasa dol Kirisito wiaa ɛ. ¹⁰ Lɛɛɛ mi tuo ma teenŋ, ŋii nɛ tii mi ŋmunɔse teninŋ pipima. Di mi nɛ kɔ ma teenŋ, mi che di mii dage dol-la la Tiina Wia si joŋo pimi ma teenŋ. U joŋ dol-la pimi di mi kaa pema ɛ nɛ di ma wasa dol. U bi si di mi kaa cheima.

¹¹ Mi naanbiirinŋ, mi teninŋ diderinŋ nɛ ŋla. Ma jaŋ hoŋ woruŋ. Má kɛŋ ma titia woruŋ, má jegili wii-la mi si bula pima, má kɛŋ nii-bala doŋo ɛ, má ŋaa sima doŋo teenŋ. Di ma nɛ ŋaa ŋii, Wia-la si cho niaa jaŋ hɛ ma teenŋ a lenŋ di ma hoŋ ari yarifielaa. ¹² Má kɛŋ tuo-bala a guori doŋo a chuchuoɛ doŋo. ¹³ Wia niaa kala chuɔlema.

¹⁴ Laa sul la Tiina Yesu Kirisito duu lahɔrimɔ hɛma ɛ, di la Nyimma Wia ma choma, ka di Wia Diŋ-zɔŋ-la ma lenŋ di ma ŋaa kubala. Ami.

TEN-LA PÓOL SI N̄MUNSA PI GALIISIA NIAA

¹ Mi-na Póol ne n̄munse tenin deen aa pi ma nialin si laa Yesu wiaa dii aa hilimi Galiisia tin̄teen le. La Nyimma Wia ne chise Yesu Kirisito suun le. Ba ne liisemi di mi n̄aa ba nan̄zoo. Nuhuobiinee dee bimi liisa. ² La di la naan̄biiri-la si he daha n̄ii chuolema.

³ La Nyimma Wia ari la Tiina Yesu Kirisito lahorimó le, ma jan̄ hōj ari yarifielaa. ⁴ Kirisito Yesu suu la wu-bōnjōo wiaa ne, duu liisela wu-bōmó-la si he dunia le leele. U to la Nyimma Wia tuótōrun le ne a n̄aa n̄ii pila. ⁵ Wia yirin̄ jan̄ yire leele a kaa mu wuu. Ami.

Wia won̄bii-wogo tuo

⁶ Ma bi diene an̄ via n̄ii-la si yirema Kirisito lahorimó le, a bira tuto Wia won̄bii-wogo. Wii-la n̄aa wu-kp̄nk̄pere mi le. ⁷ Wutitii ne, Wia won̄bii-wogo kala bira tuo. Mi bul wiin̄ deen, bee wiaa n̄iaa yuga a he dime aa walimema a chiche di ba keñ Kirisito wu-zómó-la kaa birime. ⁸ Ama di la ne ku bul wu-wogusu, koo Wia tin̄daara ne lii wia nyun̄ a ku bul wu-wogusu, a keñ Kirisito wu-zómó-la la si bula pima kaa birime, Wia jan̄ kalibe heba le. ⁹ La laa sipaan̄ bul wiin̄ deen ne, an̄ bira bubul u titia leele n̄la. Di nuu-kala ne bul Wia won̄bii-wogo pima, ba di wialin̄ la si bula pima bi kubala n̄aa, u maga di Wia kalibe heu le.

¹⁰ Ma biina ari mi bul wiin̄ deen a chiche di mi laa yirin̄ Wia teen̄ koo n̄iaa teen̄ nee? Ma biina ari mii che di n̄iaa zizilmii? Di mi n̄ii che n̄iaa zizilmi, mi fa bi jan̄ n̄aa Kirisito tin̄tinna.

Póol daga n̄ii Yesu Kirisito si yiru duu ku n̄aa u nan̄zoo.

¹¹ Mi naan̄biirin̄, má len̄ di mi bul wiin̄ deen pima. Wia wu-zómó-la mi si bula pima bi nuhuobiine teen̄ lia. ¹² Nuhuobiinee dee bi bula pimi, nuhuobiinee dee bimi daga. Ama Yesu Kirisito ne jon̄o dagemi. ¹³ Nialin̄ bula pima n̄ii mi fa si naga bua-la le mi fa s̄ii to Juu tin̄n̄aa Wii-chuolun̄ won̄biin̄. Ma jin̄ n̄ii mi fa si to naasin̄ a dōgise nialin̄ si laa Yesu wiaa dii aa hilimi. Mi n̄aa mi kukeri kala di mi chei ba tin̄tin̄n̄aa. ¹⁴ La Juu tin̄n̄aa Wii-chuolun̄ won̄biin̄ le, mi ne fa jin̄ wiaa kii mi dōsun̄ tin̄n̄aa jesin̄ kala. Mi fa jon̄ mi nyun̄ kala a he wialin̄ kala la naabalimaba si dagela ne. ¹⁵ Ama ka ba-na lulmi, Wia liisemi di mi tima pu. U lahorimó le ne u n̄aa n̄ii mi le. ¹⁶ U tuótōrun̄ le ne u dagemi u Bie Yesu Kirisito, di mi wuo bul u wu-zómó-la a pi nialin̄ si bi Juu tin̄n̄aa n̄aa. U si n̄aa n̄ii, mi bi nuu-kala teen̄ mua duu dagemi. ¹⁷ Bira mi bi Jerusalem̄ mua di mi na nialin̄ si laa sipaan̄ n̄aa Wia nan̄zoo ba mi le. Ama mi mu tin̄tee-la ba s̄ii yire Ariibia ne, a lii dime a miira mu ta-bal-la ba s̄ii yire Damaasikas.

¹⁸ Jisin̄ batori ne kiele, ka mi-na mu Jerusalem̄ di mi na Piita, n̄ii-la ba si kaa yire Kiifas. Mi si mu dime, mi hōj u teen̄ tapulaa fii ari ban̄ōn̄ ne. ¹⁹ Mi si hōj dime, mi bi Yesu nan̄zoo kala na see Jeems, la Tiina Yesu n̄aana. ²⁰ Wialin̄ mi si n̄mun̄saa pima, Wia teen̄ ba n̄aa wutitiiba ne. Mi bi nyia. ²¹ Nii ne mi s̄ii dime, a mu Siiria ari Siliisia tin̄teen̄. ²² Bua deen̄ kala le nialin̄ kala si laa Yesu wiaa dii aa hilimi Judiya tin̄teen̄ le, ba ha bimi jin̄. ²³ Ba ta n̄ii n̄iaa s̄ii bul mi wiaa ne a bul a tigemi le, “Nii-la fa si to naasin̄ a

dudogisela ne læele bul Wia wu-zomɔ-la wiaa u fa sii che duu chei." 24 Ba denne Wia woruŋ a tinj mi wiaa.

2

Yesu nanjzɔba-la sei Pɔɔl si bul Wia wiaa a pi nialinj si bi Juu tinjŋaa ŋaa teenj

1 Jisij fii ari banese si kiele, la di Banabas bira miira mu Jerusalem. La keŋ la naanbie Taatis to la harinj mu. 2 Mi si mu lee-la, Wia ne dagemi mi mu. La si mua, la di nialinj si laa Yesu wiaa dii kuhiasinj hilime. Nji ne mi bula piba wialinj mi fa si bula pipi nialinj si bi Juu tinjŋaa ŋaa a tige Wia wu-zomɔ-la. Mi bul nji piba di tintimii-la mi fa si tima aŋ haa tinj si pei ŋaa. 3 Taatis, sii to mi harinj. U fa ŋaa Giriik tiina ne, ama ba buu fuga duu keru u peninj. 4 Ari nji kala, niaa doŋsuŋ fa bula di ba keru Taatis peninj. Niaa deenba fa fugo ari ba ma laa Yesu wiaa dii ne a ŋaa la naanbiirinj. Ba fa ku guoli la tuɔŋ di ba na ari laa to Juu tinjŋaa naabalimaba wonbii-la ne koo la biba to. La si laa Yesu Kirisito wiaa dii nji, ba faa che ba na di la liise la titia Juu tinjŋaa naabalimaba wonbiinj le. Ba fa cho di la to Juu tinjŋaa naabalimaba wonbii-la ne a ŋaa yosi u le. 5 La bi seye muapilii maa, di wutitii-la Wia wu-zomɔ-la si daga si chei ma teenj. 6 Mi jan bul ari nialinj si ŋaa nihiasinj Wia niaa tuɔŋ bi wii bula di mi dage a pe Wia wu-zomɔ-la le mi si jima. Ama niaa deenba di-chininj bi wii ŋaa mi teenj. Wia bi niaa kaa pɔre. 7 Nihiasinj deenba na ari Wia liisemi di mi bul u wu-zomɔ-la a pi nialinj si bi Juu tinjŋaa ŋaa, ka di Piita ma bul wu-zomɔ-la a pi Juu tinjŋaa. 8 Wia ne liise Piita a pu doluŋ duu bul wu-zomɔ-la a pi Juu tinjŋaa. Nji titia ne u yiremi ma di mi bul u wiaa a pi nialinj si bi Juu tinjŋaa ŋaa. 9 Jeems ari Piita ari Joɔŋ si ŋaa Wia niaa tuɔŋ nihiasila na ari wutitii, Wia ne liisemi di mi tinj tintinj-fieminj deenj. Nji ne ba keŋ la di Banabas he ba tuɔŋ, la kala keŋ nii-bala. Ba bula ari la di Banabas jan mu bul Wia wu-zomɔ-la nialinj si bi Juu tinjŋaa ŋaa teenj, ka ba ma bul wu-zomɔ-la Juu tinjŋaa teenj. 10 Wii-la ba si bula pila dunduŋa ne, di la si summo-la si he ba tuɔŋ wiaa yu. Mi ma seye ari mi jan liliisi ba wiaa.

Pɔɔl kpurise Piita digilaa

11 Ama bua kubala Piita sii ko Antioɔk. Mi lii u harinj a chaasa bul u teen niaa tuɔŋ ari u cheye ne. Wii-la si tii mi bul u cheye ne ŋla: 12 U si he Antioɔk le, Jeems tinj niaa ba ma ko Antioɔk. Ba si ko, ba na ari Piita ari nialinj si bi Juu tinjŋaa ŋaa aŋ laa Yesu wiaa dii, di ba kala ne pe doŋɔ le didii kiaa. Piita si na nialinj Jeems si tima, u liise u nisinj nialinj si bi Juu tinjŋaa ŋaa le, ba di ba bira bi kiaa ka dii. Piita fifa nialinj si si u maga di ba keru nialinj si bi Juu tinjŋaa ŋaa aŋ laa Yesu wiaa dii penee ne. Nji ne tii u ŋaa nji. 13 Nji ne Juu timma-la ku-kaana-la ma paala to ba fawul wiaa, ari Piita si ŋaa nji. Banabas ma paala to ba fawul wu-ŋaala-la le. 14 Mi si na ari ba bi wutitii-la Wia wu-zomɔ-la si daga ka to, nji ne mi bula pi Piita ba kala sipaan a bul, "Nj ŋaa Juu tiina ne, aŋ ka nj wu-ŋaala nage nii-la si bi Juu tiina ŋaa. Ee ne saa nj jan wuo ŋaa a fuge nialinj si bi Juu tinjŋaa ŋaa di ba ŋaa wialinj Juu tinjŋaa sii ŋaa?"

Yarida dunduŋa ne jan tii di la keŋ tuɔ-pula Wia teenj

15 Wutitii ne, ba si lulla, la ŋaa Juu tinjŋaa ne. Nialinj si bi Juu tinjŋaa ŋaa si ŋaa wu-bomɔ-la, la bi baa ŋaa. 16 Ama la jima ari nuu nii to wialinj Moosis fa si bile di niaa tuto, u nji bi jan wuo leŋ di tiina ŋaa tuɔ-pul tiina

Wia sipaanj. Ama di nuu ne laa Yesu Kirisito wiaa dii, u dundunja ne janj wuo lej duu tiina nja tuɔ-pul tiina Wia teenj. Nji titia ne la ma laa Yesu Kirisito wiaa dii, di Wia lej di la nja tuɔ-pul tinjaa u teenj, a tinj yarida-la la si kene Kirisito le. Di nuu nii to wialinj Moosis si bile, u nji bi janj wuo lej di u kenj tuɔ-pula Wia teenj. ¹⁷ La sii che di la to Kirisito le di Wia lej di la nja tuɔ-pul timma, la na ari la nage haache timma ne si bi wialinj Moosis si njmunsa bil ka to. Ma saa biina ari Kirisito ne leje la njjaa haache? Ai, u dee!

¹⁸ Wialinj Moosis fa si bile di la tuto, di mi ne viaba ta anj bira suomi tutoba, u nji daga ari mi nja haache diire ne. ¹⁹ Wialinj Moosis fa si bile di la tuto, u titia ne leje mi suu. Ama u nji nja mi suu Moosis wialinj le a wuo kenj miisinj Wia teenj. ²⁰ Mi si kenj miisinj Wia teenj nji, la di Kirisito kala ne ba kpaasa mere u daa-gese nyunj nji. Ama miisi-la mi si kene, u bi mi teenj laa, u lii Kirisito teenj ne. Mi si laa Wia Bie wiaa dii ne tii mi wuo kenj miisinj deenj mi si kene dunia deenj le. Mi bi lahɔrimo-la Wia si kene la teenj via. ²¹ Wia Bie Yesu ne chomi, a jonj u miisinj a yoo suunj mi wiaa. Ama di nuu ne janj wuo to wialinj Moosis fa si bile le a kenj tuɔ-pula u teenj, suu-la Kirisito si suba nja pei ne.

3

Yarida koo wialinj Moosis si bile

¹ Ma Galiisia ni-yaaraa deenba! Kube ne nyisema? La si ko ma teenj, la dagema worunj nji Yesu si suu daa-gese nyunj, ma jinj u bubuonj. ² Má lej di mi piesema wiinj deenj: Wia si jonj u Din-zonj-la dii zile ma le, u nja nji a tinj ma sii to wialinj Moosis fa si bile di niaa tuto, koo a tinj ma si nii Wia wu-zomo-la a laaba dii ne tii? ³ Bee ne tii ma yaare kinkenj nja? Wia Din-zonj-la le ne ma suomi a kenj miisinj deenj Kirisito le. Ma saa che di ma na u diderinj ne ma titia dolunj lee? ⁴ Ma na wiaa yuge, anj ka ba kala nja pei ma teenj koo? Ai, mi biina ba bi pei nja. ⁵ Wia jonj u Din-zonj-la a dii zile ma le, anj pe njjaa wu-kpunjkerisinj ma teenj. Ma biina ma sii to wialinj Moosis si bile ne tii u wuo njjaa nji, koo ma si nii Wia wu-zomo-la a laaba dii ne tii u njjaa nji?

⁶ Wia teninj tuonj ba bula ari Abiraham nja Wia yarida ne, nji ne tii Wia lej u kenj tuɔ-pula u teenj. ⁷ Nji wiaa nialinj kala si laa Wia wiaa dii nja Abiraham biirinj ne. ⁸ Wia teninj tuonj ba na wiinj deenj faafaa kala ne a bul di nialinj si bi juu tinjaa nja, di ba ne nja Wia yarida, u janj lej di ba ma kenj tuɔ-pula. Wia na wiinj deenj ne, a bula pi Abiraham faafaa kala a bul, "Nj le ne mi janj to a pe dunia niaa kala le." ⁹ Abiraham nii wiinj deenj a laa dii. Nji ne Wia peu le. Nialinj ma kala si laa wiinj deenj dii, Wia peba ma le ari u si pe Abiraham le nji.

¹⁰ Nialinj sii che di ba to wialinj Moosis si bile a kenj tuɔ-pula, Wia kaliba heba le ne, bee wiaa Wia teninj tuonj ba bula ari nii-la kala si bi wialinj kala Moosis si njmunsa bil ka to, Wia kaliba heu le ne. ¹¹ Ama leele Wia chaasa dage nii-la kala sii to wialinj Moosis si njmunsa bil bi janj wuo kenj tuɔ-pula Wia sipaanj, bee wiaa Wia teninj tuonj ba bula a bul, "Di nuu ne laa Wia wiaa dii, u janj nja tuɔ-pul tiina a kenj miisinj Wia teenj." ¹² Yarida dee ba kaa tuto wialinj Moosis si njmunsa bil di niaa tuto. Ba bul nji ne Wia teninj tuonj. Ba si, "Di nuu ne to wialinj kala Moosis si njmunsa bil, wialinj u sii to janj nja u kenj miisinj." ¹³ Ama Wia si kaliba he nialinj si nii wialinj Moosis si njmunsa bil anj biba wuo tuto, Kirisito liisela wiaa deenba le. Ba kpaasu mere daa-gese nyunj. Ba si nja nji, Wia kaliba heu le a tinj la wiaa ne,

bɛɛ wiaa ba ɲmunʂe Wia teniŋ tuɔŋ ari nii-la kala ba si kpaasa mɛrɛ daan nyun, Wia kaliba heu le nɛ. ¹⁴ Wia fa si duu jan to Abiraham le nɛ a pɛ nialin si bi Juu tinŋaa ɲaa ma le, a jon u Diŋ-zɔŋ-la piba. U to Kirisito le nɛ a ɲaa wialin u fa si bula pi Abiraham duu jan ɲaa. Di la nɛ laa Kirisito wiaa dii, u jan to la yarida le a jon u Diŋ-zɔŋ-la pila.

Moosis ɲi-la bi wialin Wia fa si bula pi Abiraham wuo chei

¹⁵ Mi naanbiirin, wu-magisii ne mii che di mi dage. Di niaa balia ne vuura di ba ɲaa wii a ɲmiesa pi doŋo, nuu-kala bi jan wuo chei wii-la. Nuu-kala bi jan wuo ɲaa wii pɛ wialin ba si vuura bil le. ¹⁶ Wia ma bil u niin ne a pi Abiraham ari u doho nuu. U bi u doho niaa kala daga. Ni-bala ne u dage. Nii-la u si dage ne ɲaa Kirisito. ¹⁷ Wii-la mi si bula ne ɲla: Wia si bil ɲi-la a pi Abiraham, u ɲaa jisin zɔ-banese ari mara ari fii ne, an ka Moosis-na bil wialin di niaa tuto. Nii wiaa Moosis si bil wialin bi jan wuo chei wialin Wia si laa sipaan bul. ¹⁸ Wii-la Wia si si u jan jonɔ pi Abiraham, u bi wialin Moosis si bile le lia. Duu ne lii wialin Moosis si bile le, u naga ari Wia bi u niin bile pi Abiraham. Ama Wia ne jon u Diŋ-zɔŋ-la pila a tin wialin u fa si bula pi Abiraham.

¹⁹ Nii ne saa wialin Moosis si bile di niaa tuto bubuɔŋ ne bɛɛ? Moosis si bil wialin di niaa tuto pɛ dage ɲii haache si naga nɛ. Wialin he dime ɲii a mu yi bua-la le Abiraham doho nii-la si kɔ. U le nɛ Wia si u jan to a pɛ niaa le. Wialin Moosis fa si bile, Wia tinɗaaraa ne kaa ku tuu pu. Moosis ne saa ɲaa Wia ari niaa sipaa-tooru ɲii. ²⁰ Di ni-wogusun balia nii che di ba bil niin a ɲaa wii, see sipaa-tooru he ba pɛge. Ama Wia si ɲaa ni-bala, u bi maga duu keŋ sipaa-tooru.

Wii-la si tii Moosis bil ɲi-la pila

²¹ Wialin Moosis si bile, ba saa keŋ wii-la Wia si si u jan ɲaa pi Abiraham chei nɛɛ? Ai, di wialin Moosis si bile ne faa pi niaa miisin, ɲii-na u fa maga di nialin sii toba keŋ tuɔ-pula nɛ. ²² Ama Wia teniŋ tuɔŋ ba bula ari dunia niaa kala ɲaa haache timma nɛ. Wia bul ɲii duu wuo jon ku-la wiaa u fa si bula a pi nialin si laa Yesu wiaa dii a tin ba yarida-la wiaa.

²³ Ka di bua-la-na yi di la wuo ɲaa Yesu Kirisito yarida, wialin Moosis fa si bile nyagela bil nɛ. ²⁴ Nii wiaa wialin Moosis fa si bile ne faa pɔla, a wuo ku yi bua-la le Kirisito si kɔ, di la wuo ɲaa yarida a keŋ tuɔ-pula Wia sipaan. ²⁵ Leele Kirisito si ko ɲii, wialin Moosis fa si bile bira bila wuo nyaga bibil. ²⁶ A tin yarida-la ma si keɛ Yesu Kirisito le nɛ tii, ma kala ɲaa Wia biirin ɲii. ²⁷ Ma nialin kala ba si fo Wii-chuɔle liin Kirisito dolun le, ma kala nage Kirisito nɛ. ²⁸ Leele, la bira bi niaa kaa pupɔrɛ. Di ɲ ɲaa Juu tiina koo di ɲ bi ɲaa, di ɲ ɲaa yon koo di ɲ tii ɲ titia, di ɲ ɲaa haal koo baal, ma kala ɲaa kubala nɛ Kirisito Yesu teen. ²⁹ Di ma di Kirisito ne ɲaa kubala, ɲii-na ma ɲaa Abiraham doho nuu nɛ. Nii-na Wia si si u jan ɲaa wii-la a pi Kirisito, Abiraham doho nii-la, u jan ɲaa pima maa.

4

¹ Wii-la mi si jan bul ne ɲla: Bile si jan dii dia duu nyimma ne suba, di bile ne muuro, ba yie ɲiŋaa wiaa bile le ari u ɲaa yon nɛ, ka u ne paala tii kialin kala maa. ² Niaa ne yie bibenu a didagu wiaa deen deen, u ku waa a mu yi bua-la le u si jan dii u nyimma dia. ³ Nii ne la ma fa nage. La fa si bi Yesu yarida ɲaa, la faa to wialin bunɓun nialin sii to. ⁴ Ama bua-la titia si yie, Wia tin u bie. Haal ne lulu. U ma faa to Juu tinŋaa naabalimaba wonɓii-la nɛ. ⁵ U ɲaa ɲii duu wuo laa nialin fa sii to Juu tinŋaa wonɓii-la

a ta ne, di ba di la kala wuo ɲaa Wia biirin. ⁶ A tin la si ɲaa Wia biirin ne tii u jon u Bie Din-zon-la ku hela le. Din-zon-la si he la tuon, u yie ɲaa la keɲ Wia kaa yire “la Nyimma”. ⁷ Nii wiaa ma kuɲ-kala bira bi yon ɲaa. Ma ɲaa Wia biirin ne. Ma saa si ɲaa u biirin nii, Wia jan jon kuɲ-kala u si kene a pima.

Pɔɔl si chil Galiisia niaa wiaa ɲii

⁸ Ama bua donɔ, ma fa bi Wia jin. Ma faa to vuiaa ne a ɲaa ba yosun. ⁹ Ama lele ma si ku jin Wia nii, koo mi jan bul ari Wia ku jinma ne, beɛ ne saa tii ma cho di ma birime a bira tuto wialin bunbun nialin fa sii to, wialin si bi dolun kene di ba wuo laama ta? Beɛ ne tii ma saa cho di ma bira tutoba a ɲaa ba yosun? ¹⁰ Ma yie beɲ ari tapulaa kii donɔ, cheɲsin ma kii donɔ, bua donɔ kii donɔ, jisin ma kii donɔ. ¹¹ Ma leɲe fawullun keɲmi ne ari tinɲimii-la mi si tin ma teen ɲaa pei ne.

¹² Mi naanbiirin, mii sulma, má nagemi. Mi si nagema ɲii, má ma nagemi. Ma bi wii-kala ɲaa cheimi. ¹³ Ma jima, bua-la le mi si bul Wia wu-zomɔ-la pima, mi faa wille ne. ¹⁴ Ari mi si ɲaa puwuol ma kala, ma bimi via, a bimi bee guune maa. Ama ma keɲmi worun ari mi ɲaa Wia tinɲaari ne. Ma keɲmi worun ari Yesu Kirisito ne. ¹⁵ Ma si sei Wia wu-zomɔ-la, ma tuon tɔɔ ne worun. Tuotɔrun deɲ saa ɲaa pei neɛ? Mi titia jan wuo bul wiin deɲ. Di ma ne si wuo, ma fa jan wuo chaare ma siaa pimi. ¹⁶ Mi saa ɲaa ma dinɲon ne a tin mi si bul wutitii-la pima? ¹⁷ Nialin sii dage Juu tinɲaa wonbii-la, ba tuon wiima le ne worun, ama ba tuobiinaa bi zon. Ba tuobiinaa kala ne di ba keɲ ma di mi pɔre donɔ le, di ma tuon wiiba le ari ba tuon sii wiima le ɲii. ¹⁸ U ɲaa wu-zon ne di la tuosaa nii wii donɔ le di mi ne he ma teen koo lee-na kala, ama u maga di ba ɲaa tu-wii-zomɔ ne. ¹⁹ Mi biirin, ma wiaa wiimi ne worun, ari haala si yie chiche duu lul u luorun wiwii ɲii. Ma wiaa jan wiwii mi le ɲii, see di ma birime a nage Kirisito si nage ɲii. ²⁰ Mi fa cho di mi he ma teen ne lele, a wuo jin wii-la mi si jan bul nuu-kala teen. Ma wiaa kperimi ne worun.

Pɔɔl bul Heega ari Saara wiaa

²¹ Má dagemi, ma nialin si cho di ma ha to wialin Moosis si bile le, ma bi ba bubun jin? ²² Wia tenin tuon ba bula ari Abiraham fa lul biirin balia ne. Donɔ ɲaa u haala titia bii ne, donɔ ma fa ɲaa Abiraham ha-yomo bii. ²³ Abiraham ha-yon-la si lul bile, nuhuobiine wonbiin le ne ba to a lulu. Bile Abiraham haala titia si lula, Wia ne bula ari ba jan lulu. ²⁴ Wiin deɲ nage niirin balia ne Wia bil. Yon-la yirin ne fa Heega. U biirin ɲaa yosi ne. Heega nage wialin Wia si jonɔ pi Moosis ne, peel-la nyun ba sii yire Saana ne. ²⁵ Heega nage Saana peel-la ne. Peel-la he Ariibia tinɲeɲ le ne. Heega nage taɲ-la ba si kaa yire Jerusalem lele. U tuon niaa ɲaa yosi ne. ²⁶ Ama Jerusalem donɔ ne Wia-jan le. U ne tii u titia. U ne ɲaa la naan. ²⁷ Wia tenin tuon ba si,

“Má leɲ di ha-pirin juuɔse.

ɲ-na nii-la luorun ha si bi wii na, chiesi ari tuotɔrun,
beɛ wiaa ha-pirin jan lul biirin

kii haal-la sii lul.”

²⁸ Mi naanbiirin, la-na nage Abiraham bie Aizik ne. Wia fa si leɲe ba lul Aizik nii, nii titia ne Wia leɲ ba lulla maa. ²⁹ Abiraham biirin balia tuon ku-la ba si to nuhuobiine wonbiin a lul dagise bile ba si lula Wia dolun le. Nii titia ne ba dudogisela ma lele. ³⁰ Beɛ ne ba bul Wia tenin tuon? Ba

bula, “Kiri yon-la ari u bie ta, di ba lii η dia le, bee wiaa yomo bie bi jan wuo pe haal-la si tii u titia bie le di ba dii ba nyimma dia, duu ne suba.”
 31 Nii wiaa mi naanbiirin, la bi ha-yon-la biirin ηaa. La ηaa haal-la si tii u titia biirin ne.

5

Kirisito laala ta ne di la tii la titia

1 Kirisito laala ta ne di la tii la titia. Má saa chin kpan kpan, a po di nuu-kala bira si ma kaa ηaa yosi. 2 Má jegile nii. Mi-na Pɔɔl ne bul wiin deen pipima. Di ma ne leŋe di ba keru ma penee, wii-la Kirisito si ηaa pima ηaa wu-peɪ ne. 3 Mi jan bira bul, di nuu-kala ne seye di ba keru u penin, u maga di tiina tuto wialin kala Moosis fa si bile ne. 4 Ma nialin sii to wialin Moosis si bile aa walime di ma keŋ tuo-pula Wia sipaan, ma keru ma titia ta ne Kirisito teen. La Tiina Yesu zile-la ne ma via nii. 5 Ama Wia Din-zon-la dolun le, la-na laa dii a keŋ yielaa ari la jan keŋ tuo-pula Wia sipaan. 6 Di la di Kirisito ne ηaa kubala, di la keru la penee koo di la bi kere, u bi wii keŋe. Wii-la si ηaa siifian wii ne, ma si laa Wia wiaa dii a cho niaa maa. 7 Ma faa ηaa worun ne. Kubee ne saa nyisema di ma si wutitii-la to? 8 Wia ne yirema, u bima nyisa di ma leŋ wutitii-la. 9 Si-burun wuapilii ne ba yie jonɔ he boroboro munun si yuga le, an ka u sii puore. 10 Mi ha keŋ yarida ne ma le. La di ma kala ηaa kubala ne Wia teen. Nii wiaa mi jima ari ma bi jan to wonbii-tanii. Mi saa laa dii ari Wia jan dogise nii-la yiri-na kala sii walimema. 11 Mi naanbiirin, di mi ne haa bul ari u maga di ma keru ma penee ne, an ka di Wia-na laama ta, bee ne tii ba haa to naasin dudogisemi? Di mi ne fa si di nuu-kala maga duu keru u penin, nii-na mi fa bi jan na heen a tin mi sii bul Yesu si suu daa-gese-la nyun wiaa. 12 Nialin kala sii walimema, mi fa cho di ba lii ma tuon ne a mu feri ba titia.

13 Ka ma-na mi naanbiirin, Wia yirema ne di ma tii ma titia. Ma saa si tii ma titia nii, ma si leŋe di ma jon nii a to ma titia tuotore wu-ηaalaa le. Ama má cho donɔ a tima pipa donɔ. 14 Má ηaa nii, bee wiaa wialin Moosis fa si bile di niaa tuto, ba tuon wu-nyun ne ηla: “Cho η donɔ tiina ari η si cho η titia nii.” 15 Ama di ma wu-ηaalaa ne nage бага kiaa di ma gura keŋ donɔ didii, má po ma titia le, di nii dee ma jan kpu donɔ dere.

Má to Wia Din-zon-la le a keŋ miisin

16 Ama wii-la mi sii che di mi bula pima ne ηla: Má to Wia Din-zon-la niin le an via ma titia tuotore wu-ηaalaa, 17 bee wiaa la titia tuotore wu-ηaalaa bi Wia Din-zon-la wu-ηaalaa cho. Wia Din-zon-la wu-ηaalaa ma bi la tuotore wu-ηaalaa cho. La tuotore wu-ηaalaa ari Wia Din-zon-la saa ηaa dindomɔ ne, nii wiaa, wii-la la sii che la ηaa, la buu wuo ηaa. 18 Ama di ma nii to Wia Din-zon-la niin le, juu tinηaa naabalimaba fa sii to wialin bira bima wuo. 19 La tuotore wu-ηaalaa chaasa chin ne. Di nuu ne toba, u yie chiche hantolibiisin, aa ηaa disinnin, aa ηaa wu-liilin, 20 aa kpaare vuiaa, aa ηaa hil wiaa, aa bere niaa, aa hihe yuosun, aa keŋ yaribierin, a keŋ baanin, a chil u dunɔnɔnɔ wiaa, a keŋ donɔ pupore, a lilii donɔ harin, 21 a keŋ hadorun, a nyua sinin a bubugi, a gollɔ nyua sinin vuiaa yirin le. Mi laa sipaan kpurise ma digilaa ne. Mi saa bira kpurise ma digilaa ne ari nialin sii ηaa wiaa deenba bi jan wuo juu Wia kuorii-la tuon. 22 Ama Wia Din-zon-la yie ηaa la cho niaa ne, a keŋ tuotoron, a fiela hon som, a

keŋ kenŋiri, a keŋ zile, a ŋiŋaa wu-zoŋŋoo, a chin la yarida le, ²³ a fiele la siaa, a keŋ la titia woruŋ. Kisiŋ doŋ bira tuo si jaŋ wuo bul di ŋ leŋ wiaa deenba. ²⁴ Nii wiaa, nialiŋ si laa Kirisito wiaa dii, ba titia tuotoŋ le ne ba suu. Ba bira bi ba tuotoŋ wu-ŋaalaa le ka to. ²⁵ Di Wia Diŋ-zoŋ-la ne hela le, u maga di la tuto u niŋ le ne. ²⁶ Ma sí leŋe di la cho di la bibigisi la titia le, a sí leŋe di la ŋaa di la doŋsuŋ tiŋŋaa baaniŋ sisi, a sí yaribieriŋ keŋ doŋo le.

6

Má ŋaa wu-zoŋŋoo a pi nuu-kala

¹ Mi naanbiiriŋ, di ma doŋo ne juu haache le, ma nialiŋ sii to Wia Diŋ-zoŋ-la niŋ le, má dagu nii u si jaŋ to a miira lii u haacheba le. Má chagilu, a sí u le kpia. Ma si ŋaa nii, má beŋ ma titia nyuŋ woruŋ, di Sitaani sí wuo nyisema maa, di ma juu haache. ² Di ma kuŋ ne juu wii, má peu le. Di ma ní ŋaa nii, maa to Kirisito niŋ ne. ³ Di nuu ne biina ari u ŋaa nuu ne, u bi nuu-kala ŋaa, uu nyise u titia ne. ⁴ Má leŋ di nuu-kala beŋ u titia wu-ŋaalaa le a na duu to woŋbiŋ ne koo u bi woŋbiŋ to. Duu to woŋbiŋ, u jaŋ wuo bigisi u titia le a tiŋ u wu-ŋaalaa le a sí u titia kaa magise u doŋsuŋ tiŋŋaa, ⁵ beŋ wiaa nuu-kala maga duu chuŋ u titia chuga ne.

⁶ Nii-la ba sí dage Wia niŋ wiaa, duu ne keŋ kuŋ-kala, u maga duu ŋaa pi nii-la sii dagu ne.

⁷ Ma sí ma titia nyisu. Nuu-kala bi Wia wuo moŋ. Ku-la ŋ si duo, u titia ne ŋ jaŋ kuŋ. ⁸ Di nuu-kala ne to u tuotoŋ wu-ŋaalaa hariŋ, u wu-ŋaalaa le ne Wia jaŋ to a doŋisu. Ama di nuu ne to Wia Diŋ-zoŋ-la niŋ, Wia jaŋ joŋ miisi-la si bi dere a tiŋmu. ⁹ Nii wiaa, ma sí leŋe di la lol wu-zoŋŋoo ŋaaniŋ le. Di la ne ŋaa wu-zoŋŋoo a lol aŋ nyalime, di bua-la ne yie, Wia jaŋ tiŋla. ¹⁰ Nii wiaa, di la ne wuolo, la ŋiŋaa wu-zoŋŋoo nuu-kala le, a wasa nyan la di nialiŋ kala si laa Wia wiaa dii a ŋaa kubala.

Chagiliŋ ari Chuolaa

¹¹ Ma na mi ŋmuŋsuŋ si barima nii. Mi titia nisiŋ ne mi kaa ŋmuŋse teniŋ deen a pipima. ¹² Nialiŋ sí che di ba dage ba titia le ari baa to Juu tiŋŋaa woŋbiŋ, ba ní fugema di ma keru ma penee. Ba laa dii ari Kirisito suu daa-geŋe nyuŋ ba wiaa ne. Ba saa jima ari ba si laa dii nii, niaa jaŋ to naasiŋ doŋiseba. Ba saa bi nii cho, nii ne tii ba fugema di ma keru ma penee. ¹³ Nialiŋ titia si keru ba penee, ba bi wialiŋ Moosis fa si bile ka to. Baa che di ma keru ma penee di ba wuo bibigisi ba titia le ari ma maa to Juu tiŋŋaa woŋbiŋ-la ne.

¹⁴ Ama mi-na, mi jaŋ bigisi mi titia le ari la Tiina Yesu Kirisito si suu daa-geŋe-la nyuŋ duŋduŋa wiaa. A tiŋ u si suu nii, u naŋe ari la duu kala ne suba. Nii wiaa, mi ta jia ne dunia kiaa le. Dunia kiaa ma ta jiami le. ¹⁵ U bi wii keŋe di la keru la penee koo di la bi kere. Wii-la si ŋaa siifian wii ne, di la birime a keŋ mi-falii-la.

¹⁶ Nialiŋ kala si to wiŋ deen, Wia jaŋ fába nenniŋe a leŋ di ba hoŋ ari yarifielaa, ba di Wia niaa kala. Ba ne ŋaa Iziral tiŋŋaa titia Wia teen. ¹⁷ A lii jiniŋ a kaa mumu, nuu-kala bira simi walimu. Fufuunu-la mi si keŋe mi yaraa le, ba ní dagu ari mi ŋaa Yesu nuu ne.

¹⁸ Mi naanbiiriŋ, la Tiina Yesu Kirisito lahoŋimɔ le, ma jaŋ hoŋ ari yarifielaa. Ami.

TEN-LA PÓOL SI N̄MUNSA PI EFESIS NIAA

¹ Mi-na Póol ne n̄munse tenin deen a pipi ma Wia nialin si he Efesis le a chin̄ wialin ma si laa dii le a mu tige Kirisito Yesu le. Wia tuótörunj le ne u liisemi di mi n̄aa Kirisito Yesu nan̄zoo.

² La Nyimma Wia ari la Tiina Yesu Kirisito lahörimö le, ma jan̄ hön̄ ari yarifielaa.

Wia si to Kirisito le a pela le

³ Má len̄ di la denn̄e Wia. U ne n̄aa la Tiina Yesu Kirisito Nyimma. U to Kirisito le ne a pela le wii-na kala le u Din̄-zön̄-la dolunj le. Wii-na kala u si kaa pela le lii u jan̄ ne. ⁴ U to Kirisito le a liisela ne, ka u-na suomo n̄aa dunia. U liisela di la wuo ken̄ tuo-pula u sipaan̄, di ba sí cheerin̄ kala jon̄o pila. ⁵ Ka di u-na n̄aa dunia, u laa sipaan̄ biina jin̄ ari u jan̄ to Yesu Kirisito le ne a len̄ di la n̄aa u biirin̄. U si chola nii, nii ne tii u fa biine nii. U tuótörunj le ne u n̄aa nii. ⁶ U n̄aa nii di la wuo dennu, a len̄ di u yirin̄ yire, a tin̄ u si fála nennige. U Bii-choolunj le ne u to a pela le. ⁷ La si mere Kirisito le nii, u jon̄ u chalin̄ jaase a tin̄ la wu-bön̄joo chimin̄, di Wia jon̄ la wu-bön̄joo chela. Wia zile yuga ne kin̄ken̄ la teen̄. ⁸ Nii ne tii u n̄aa nii pila. U fála nennige. ⁹ Wia pila wu-jimii-na kala di la wuo jin̄ wialin̄ kala u si biina ari u jan̄ n̄aa pila bubuon̄. Wiaa deen̄ba fa faa ne. Nuu-kala fa biba jin̄. Ka u leele len̄ la jin̄ wialin̄. Kirisito le ne u to a n̄aa nii. ¹⁰ U n̄aa nii di bua-la ne yie, duu to Kirisito le a ken̄ kuñ-kala he dön̄o le ne, kialin̄ si he Wia-jan̄ ari kialin̄ si he tin̄teen̄ kala.

¹¹ U to Kirisito ma le ne a jon̄ kiaa billa le di la tiiba. Faafaa kala ne u biine nii. U yie n̄aa wii-kala u tuótörunj le ne. ¹² U n̄aa nii di la nialin̄ si laa sipaan̄ jon̄ la yielaa he Kirisito le, di la wuo len̄ di u yirin̄ yire. ¹³ Ma nialin̄ si bi juu tin̄n̄aa n̄aa, ma ma nii Wia wialin̄ si n̄aa wutitüba ne. Yesu wu-zömö-la wiaa ne nii. Ba ne wuo laala ta. Ma ma laa u wiaa dii ne. Ma si laa u wiaa dii nii, Wia jon̄ u Din̄-zön̄-la hema le ne, ku-la u fa si si u jan̄ jon̄o pi nialin̄ si laa u wiaa dii. U magilin̄ ne nii. ¹⁴ Wia Din̄-zön̄-la u si jon̄o hela le sene daga ari wutitii, maachie la jan̄ dii ku-dan̄-dan̄-la Wia si n̄aa billa le. N̄la n̄aa di la wuo len̄ duu yirin̄ yire ne.

Póol chuole Wia a pi Efesis niaa

¹⁵ Mi nii nii ma si laa la Tiina Yesu wiaa dii ari nii ma si cho Wia niaa maa. ¹⁶ Nii wiaa ne tii, di mi níi chuole Wia-na kala, mi bi ma wiaa yu. Mi yie liisi ma wiaa ma ne a chuole Wia pipima bua-na kala. ¹⁷ Mi yie sul Wia, la Tiina Yesu Kirisito Nyimma, nii-la si ken̄ yirin̄ maa, duu pima wu-jimin̄, a bira ken̄ u titia ma kaa dagema u Din̄-zön̄-la dolunj le di ma wuo jimu. ¹⁸ Wia si yirema di ma wuo juu u kuorii-la tuon̄ nii, mii sulu duu wuo pulle ma tuon̄ di ma wuo jin̄ ku-la ma síi yielu nagisin̄, a bira jin̄ kialin̄ ma di Wia niaa kala si jan̄ dii ba zömunj. ¹⁹ Mi biraa sulu di u wuo len̄ di ma jin̄ u dolunj si yuga magee nii, nialin̄ si laa u wiaa dii teen̄. U yie to u dol-bal-la le ne a tin̄ u tin̄tin̄n̄aa. ²⁰ Dol-la titia ne u kaa chise Kirisito suunj le a len̄ u hön̄ Wia seme Wia-jan̄ le, ni-duon̄ di-hönunj. ²¹ U ne kii nuu-kala si ken̄ dolunj a biben̄ niaa dunia deen̄ le. U ne ken̄ yirin̄

a kii nuu-na kala si keŋ yiriŋ dunia deenŋ le ari dunia-la si jan bira ko le. ²² Wia jon kuŋ-kuŋ-kala doluŋ a he Kirisito nisiŋ le ne, a bira leŋ u ŋaa nialiŋ si laa Yesu wiaa dii aa hilimi kuhianŋ maa. ²³ Nialiŋ si laa Yesu wiaa dii aa hilimi ne ŋaa Yesu yaraa. Kirisito ne bira ŋaa nii-la si jon u doluŋ he dunia lee-na kala.

2

Wia to Kirisito le a leŋ la keŋ miisiŋ

¹ Ma fa naga ari ma suba ne a tiŋ ma wu-boŋŋoo ari ma haacheba wiaa. ² Ma faa ŋaa wu-boŋŋoo ne a ŋiŋaa ma tuotore wiaa, bua-la le ma fa sii to Sitaani dunia deenŋ le. Sitaani ne leŋe nialiŋ si bi Wia niinŋ wiaa ka to ŋiŋaa wu-boŋŋoo. ³ La kala kala ne faa to la tuotore wu-ŋaalaa hariŋ a ŋiŋaa wu-lorununŋ, a bira bibiine wu-boŋŋoo. La fa sii ŋaa wiaa deenba, Wia fa na baaniŋ ne la nyunŋ, ari u fa si na baaniŋ dunia niaa nyunŋ nii. ⁴ Ama Wia chola ne kinkeŋ a fifála nennige, ŋii ne tii u leŋ la di Kirisito kala keŋ miisiŋ. [U si fála nennige ne tii u laala ta.] ⁵ Bua-la le la fa si ŋaa haacheba ne a fa bi miisiŋ kene a tiŋ la haacheba-la wiaa, u laala ta. A tiŋ u si chola ne tii u ŋaa ŋii. ⁶ U bira chise la di Kirisito Yesu kala suuŋ le ne, a leŋ di la di Kirisito Yesu kala ŋaa kubala a hoŋ Wia-jan le. ⁷ U to Kirisito le ne a leŋ la keŋ miisiŋ, duu wuo dagela maachie ŋii u si chola ari ŋii u si faasa fála nennige. ⁸ Wia lahorimo ne tii u laama ta, a tiŋ ma si laa u wiaa dii. U bi naga ma titia si keŋ doluŋ ne tii Wia laama ta, u ŋaa ŋii pima chogita ne. ⁹ U bi naga ma tiŋtiŋ-zoŋŋoo wiaa ne tii u laama ta. Nii wiaa nuu-kala bi maga duu bibigisi u titia le. ¹⁰ Wia ne ŋaala. U ŋaala di la to Kirisito Yesu le ne a ŋaa wu-zoŋŋoo. U ŋaa wu-zoŋŋoo deenba billa le di la ŋiŋaaba.

Nuhuobiinee kala ŋaa kubala ne Kirisito teenŋ

¹¹ Ma nialiŋ si bi Juu tiŋŋaa ŋaa, ma sí yu ari Juu timma-la fa si keru ba penee ka yire ma nialiŋ si keŋ peŋ-puruŋ ne. Nialiŋ si keru ba penee fa keru ba yaraa seme doŋo ne a ta. ¹² Ma bira sí yu ari bua kubala le ma fa bi Kirisito jinŋ. Ma di Iziral tiŋŋaa fa bi kubala ŋaa. Wialiŋ Wia fa si bula ari u jan ŋaa pi u niaa, ma-na fa bi jan naba. Ma fa bi kuŋ-kala ka yiele, ma bira bi Wia ma kene dunia le. ¹³ Ma di Wia pege fa bolie ne, ama leele Kirisito jon u chaliŋ jaase la wiaa ne, di la di Wia kpage doŋo. ¹⁴ U ne keŋ nialiŋ si ŋaa Juu tiŋŋaa ari nialiŋ kala si bi Juu tiŋŋaa ŋaa he doŋo le ba siŋ a ku ŋaa kubala. U ne keŋla he doŋo le la bira bi diŋdomo ŋaa. ¹⁵ U si suba nii, u leŋe wialiŋ Moosis fa si bile di niaa tuto, ba bira bi doluŋ kene. U ŋaa nii di nialiŋ si ŋaa Juu tiŋŋaa ari nialiŋ si bi Juu tiŋŋaa ŋaa kala tou le ne a wuo siŋ, a ŋaa kubala maa. U ne leŋe ba siŋ. ¹⁶ Kirisito si suu daa-geŋe nyunŋ nii, u leŋe ba diŋdonnu-la dere ne. U si ŋaa nii, u leŋe ba kala balia tou le a ŋaa kubala ne, a keŋ ba di Wia he doŋo le ba siŋ. ¹⁷ Kirisito ne ko a bul Wia wu-zomo-la a pi nialiŋ pege fa si bolie ari Wia, ari nialiŋ ma fa si kpage Wia kala, a bula piba di ba siŋ a keŋ nii-bala. ¹⁸ La kala keŋ u Diŋ-zoŋ-la ne. U doluŋ le ne la kala jan to a mu Wia teenŋ. ¹⁹ Ma saa bira bi nuuora a ŋaa, a bi duura bibaare maa. Ma di Wia niaa kala ŋaa kubala ne a he Wia dia le. ²⁰ Ma nage dia-la Wia si saa ne. Wia nanzooba ari nialiŋ sii bul wiaa, Wia Diŋ-zoŋ-la doluŋ le, ba ne ŋaa dia-la geŋtine. Kirisito Yesu titia ne ŋaa tiebii-duo-la ba si kaa bil dia-la geŋtine. ²¹ U ne chage dia-la kala bil u ku ŋaa Wia-dia, la Tiina Yesu dia-la.

²² Ma di Kirisito si ñaa kubala ñii, ma di Wia niaa ðonşun kala ne u kaa saa Wia-dia deen, dime ne Wia leñ u Diñ-zon-la jujuu.

3

Pɔɔl bul Wia wu-zomɔ-la a pi nialij si bi Juu tinñaa ñaa

¹ Ba keñ mi-na Pɔɔl to dia a tinñ Kirisito Yesu wiaa ne. Mi bira he sarika le a tinñ ma ma nialij si bi Juu tinñaa ñaa wiaa ne. Nii wiaa ne tii mi yie sul Wia pipima. ² Mi jima ari ma ma nii ñii Wia si fãmi nennige a liisemi di mi tinñ tinñimin deen ma teen. ³ Teñ-la mi fa si ñmunşa pipima mi bul wiaa mua, a dage ñii Wia si keñ wialij fa si faa a kaa dagemi. ⁴ Di ma ne karime teñ-la, ma jan na ñii Wia si leñe mi jinñ wialij fa si faa a tige Kirisito le. ⁵ Wia fa bi leñe di nuu-kala jinñ wiaa deenba, ama leele u jono dage u nanşoo-ba-la si keñ tuo-pula, ari nialij sii bul wiaa, Wia Diñ-zon-la doluj le. U leñe u Diñ-zon-la ne jonñ wialij dageba. ⁶ Wialij ne ñla: Wia to Kirisito Yesu wu-zomɔ-la le ne a leñ Juu tinñaa ari nialij ma si bi Juu tinñaa ñaa kala keñ toruñ kialij Wia si ñaa billa le. Leele ba kala ñaa Kirisito yaraa seme ðonşo ne a tinñ Wia wu-zomɔ-la wiaa. Ba ma jan pe dii kialij Wia si to Kirisito Yesu le a bul di u jan jono pila.

⁷ Wia leñe mi ñaa u tinñinnu ne, di mi bul Yesu wu-zomɔ-la a pi niaa. U lahõrimo le ne u dii zile mi le a jonñ u doluj pimi mi kaa titij. ⁸ Wia niaa tuonñ kala, mi ne ñaa ba ku-bie, an ka u fãmi nennige a liisemi di mi bul Wia wiaa a pi nialij si bi Juu tinñaa ñaa, di ba wuo jinñ ari Kirisito keñ kiaa ne woruñ. Nuukala bi ba niinñ wuo jinñ. ⁹ Wia ne nii-la si ta kuñ-kala. U ne leñe mi bul wiaa deenba kala a pi niaa, di ba wuo jinñ wialij u sii che duu ñaa a mu tige kialij kala u si jono faa faafaa kala le. ¹⁰ Wia ka che duu to nialij si laa Yesu wiaa dii aa hilimi le, a leñ Wia bii-zonñoo ari Wia bii-bonñoo kala si he wia nyuñ le ku jinñ Wia si keñ wu-jiminñ ñii kinñkeñ. ¹¹ Wia fa biine faafaa kala ne duu ñaa wiaa deenba. Ama leele u to la Tiina Yesu Kirisito le ne a leñ di wialij sene ku ñaa wutitii. ¹² La si laa u wiaa dii ñii, la bi janñ fifã fawulluñ. La janñ keñ nyu-duonñ a mu u sipaañ. ¹³ Mi saa sulma di ma sã leñe di ma tuonñ chei a tinñ mi sii na heenñ ñii wiaa. Mi sii na hee-la janñ leñ di ma laa yirinñ.

Pɔɔl bira sul Wia a pi Efesis niaa

¹⁴ Di mi ne biine wialij Wia si ñaa pila, mi yie tuu kpirimi la Nyimma Wia sipaañ ne. ¹⁵ U ne he doho kala yirinñ, kialij kala si he Wia-janñ ari kialij kala si he tinñteen le. ¹⁶ U si keñ yirinñ kinñkeñ ñii, mii sulu duu leñ di u Diñ-zon-la pima doluj ma tuosaa le. ¹⁷ Mi bira sulu di ma wuo laa Kirisito wiaa dii woruñ, duu wuo he ma tuosaa le a leñ di ma chinñ kpañ kpañ a cho niaa. ¹⁸ Mi bira sulu duu pima doluj, di ma di u niaa kala wuo jinñ ñii Kirisito si faasa choma kinñkeñ kinñkeñ, di ma ku jinñ chonu-la jalinñ ari u luñuñ ari u duomuñ kala. ¹⁹ Ama nuu-kala bi janñ wuo jinñ Kirisito chonu-la si mage ñii. U ne kii wialij kala la si wuo jinñ. Mii sul Wia duu leñ di ma ma keñ ku-zomɔ-la kala u si keñe.

²⁰ U dol-la u si kaa titij la le, mii sulu duu leñ di dol-la faasa titij la tuosaa le. U ne janñ wuo ñaa kiaa yuga kii kialij kala la si sulu chiche ari wialij kala la sii biinu. ²¹ Má leñ di la nialij kala si laa Yesu wiaa dii aa hilimi to Kirisito Yesu le, a leñ di u yirinñ yire a lii leele a kaa mu wuu.

4

Kirisito pila dolun di la n̄aa kubala u teen

¹ Ba keŋ mi-na Pool to dia a tinj la Tiina Yesu wiaa. Ma nialinj Wia si yira, mii sulma di ma leŋ di ma wu-ŋaalaa jonj wonjbiin ari Wia s̄i che n̄ji. ² Má leŋ di ma siaa tuu tinjteen, a pe keŋ ma titia muuri, a keŋ kenyiri, a jonj wiaa chiche d̄onjo, a tinj ma si cho d̄onjo wiaa. Má leŋ ma n̄aa kubala ³ Wia Dinj-zonj-la le. Ma sí leŋe di kuŋ-kala keŋma pore d̄onjo le. Má keŋ d̄onjo worun a fiela h̄on som. ⁴ A tinj Kirisito wiaa, la kala n̄aa kubala ne. Wia Dinj-zonj-la si hela le, ma n̄aa kubala ne. Wia si yirela n̄ji, la kala yiele wu-bala ne. ⁵ La kala Tiina n̄aa kubala ne. Wialinj la si laa dii ma n̄aa kubala ne. Wii-chuole lii-bala ne la kala fo. ⁶ La kala Wia ari la kala Nyimma n̄aa kubala ne. U ne kii kuŋ-kuŋ kala. U he kuŋ-kala le ne a titinj, a he ma ma tuosaa le. ⁷ Kirisito pela kuŋ-kala le ne a jonj k̄iaa pila ari u s̄i che n̄ji. ⁸ Ba n̄munse Wia teninj seme d̄onjo a bul, “U si yuo dii u dinjdonjoo dere, u jil Wia-ŋan anj jonj dolun pi n̄iaa di ba kaa titinj.”

⁹ Di la ne si ari u jil Wia-ŋan ne, n̄ji daga ari u laa sipaanj lii Wia-ŋan ne a ku tuu tinjteen. ¹⁰ Nii-la titia si ku tuu tinjteen, u ne bira jil Wia-ŋan n̄ji a kieli lere-la kala si he wia nyun, duu keŋ kuŋ-na kala dolun. ¹¹ Dol-la u si jonjo pi n̄iaa, u ne n̄la: U pi n̄iaa d̄onjsun dolun di ba wuo n̄aa Yesu nanjzoba, a leŋ d̄onjsun ma ba wuo bubul wiaa, Wia Dinj-zonj-la dolun le, a leŋ d̄onjsun maa di ba wuo gollo bubul Wia wiaa a pi n̄iaa. D̄onjsun ma biben nialinj si laa Yesu wiaa dii, ka d̄onjsun ma didage nialinj si laa Yesu wiaa dii. ¹² U pila dolun deen di Wia n̄iaa wuo kaa tinj Wia tinjin̄aa, a wuo pe nialinj si laa Yesu wiaa dii aa hilimi le di ba waa wialinj ba si laa dii Kirisito teen. ¹³ U pela le n̄ji a kaa mu yi bua-la le la kala si janj wuo ku chinj wialinj la si laa dii le, a wuo ku jinj Wia Bie si nage n̄ji, a ku n̄aa ni-duoru Wia wiaa le, a wuo ku nage Kirisito si nage n̄ji wii-kala le. ¹⁴ Nii-na la bira bi janj n̄aa han̄biisi Wia wiaa le. La bi janj mu sipaanj anj miire harij maa a tinj wu-wogo-la la si nia a tige Wia wiaa le. La bi janj to nialinj s̄i nyia wiaa anj pe nyinyise n̄iaa, di ba jonj wialinj ba si laa dii ta. ¹⁵ Ama u maga di la cho d̄onjo a bul wutitii bua-na kala. Di la ne n̄aa n̄ji, la janj wuo waa Wia wiaa le a ku nage Kirisito si nage n̄ji. Nialinj si laa Yesu wiaa dii aa hilimi nage nuhuobiine nan̄daasinj ne. Kirisito ne n̄aa nyun. ¹⁶ U si n̄aa la kala nyun n̄ji, di nan̄daasi-la kala ne mere d̄onjo le a titinj ba tinjin̄aa worun, yara-la janj waa. La wasa keŋ yarida aa cho d̄onjo worun.

Mii-falii-la la si kene Kirisito teen

¹⁷ Wia dolun le mii che di mi bul wii ne pima ari siifesiŋ. Wialinj nialinj si bi Wia jinj s̄i n̄aa anj bibiine, ba n̄aa wu-peiba ne. Ma-na bira sí wialinj n̄aa. ¹⁸ Biriminj to ba wu-jiminj ne. Ba bi janj wuo na miisi-la Wia si jonjo pi n̄iaa, bee wiaa ba bi wii-kala jinj, anj keŋ tuo-heŋ maa. ¹⁹ Ba jonj hiisinj chomo nyua ne, anj jonj ba titia he wu-lilin̄ n̄aaninj le, aa hihiene di ba gollo n̄aa disinj-na kala. ²⁰ Nii dee Kirisito dagema. ²¹ Ma nii Yesu wiaa ne. Ba dagema u wiaa ma ne. Wialinj kala saa n̄aa wutitiiba ne. ²² Ma fa si nage n̄ji bunjbuŋ-la, má jonj ta. Ba fa nyisema a cheima ne. ²³ Má leŋ di Wia keŋ ma tuobiinaa kala birime di ba n̄aa ku-falia. ²⁴ Ma tuobiinj-falia-la nage Wia si nage n̄ji ne. Wia ne jonjo pima. Nii wiaa, má to ma tuobiinaa deenba harij, di ma sene keŋ tuo-pula Wia sipaanj a sí disinninj ma keŋ.

²⁵ Nii wiaa, ma bira sí wiaa nyinyia. Má leŋ di nuu-kala bul wutitii a pi u d̄onjo tiina, bee wiaa la kala nage nan̄daasinj ne a ku mere d̄onjo le a n̄aa

kubala. ²⁶ Di ma ne na baaniñ, ma sí leñe di ma baañ-la leñ di ma juu haache le. Ma bira sí leñe di ma na baaniñ di wia tuu juu. ²⁷ Ma sí leñe di Sitaani na wonñiñ a nyisema di ma ñaa haache. ²⁸ Nii-la kala fa síi gaa, u maga duu leñ gaariñ, añ keñ u nisaa faasa tiñ tiñtiñ-zoñño a wuo na ku-la kala u síi che u titia le, añ wuo pe summoo ma le. ²⁹ Ma sí leñe di wu-boñ kala lii ma niñ le. Má bul wu-zomó-la síi juu niaa digilaa bua-la le si maga, a leñ di wialin ma síi bul pe nialin le síi jegili wialin. ³⁰ Ma sí leñe di Wia Diñ-zoñ-la tuoñ chei. U ne Wia joño hema le. U ñaa magilin ma le a dage ari Wia jañ laama ta tapulii-la Kirisito sí jañ miira ko. ³¹ Má joñ wu-boñño ñaaniñ kala ta. Di nuu ne ñaa wii juuma le, ma sí joño he ma tuoñ le. Ma sí teru, ma sí baaniñ na. Ma sí goñ ñaa niaa nyuñ. Ma sí niaa yirin chichei. Ma bira sí wu-boñ kala kala ñaa. ³² Ama má keñ zile doño le, a fifá doño nennige. Má joñ wiaa chiche doño, ari Wia si to Kirisito le a joñ ma wu-boñño kala chema ñii.

5

Ma he Kirisito pulumun tuoñ

¹ Ma ñaa Wia bii-chooloo ne. Nii wiaa, má chiches Wia wu-ñaalaa. ² Má cho doño ari Kirisito si chola ñii a suu la wiaa. U joñ u titia a pi Wia. Ba kpuu ari ba si yie kpu pusun a nyiga pi Wia ñii, u suora siñ.

³ Ma si ñaa Wia niaa ñii, u maga di ma liise ma titia ha-chorun ari ba-chorun wu-ñaalaa le, a bira liise ma titia disinniñ kala le, a sí niaa kiaa lilaa. ⁴ Ma sí wu-liilin ari wu-toonun ma bubul. Ma sí sisii-toonun ma sii. U bi maga di Wia niaa ññaa wiaa deenba. Ama u maga di ma lulolle Wia ne bua-na kala le. ⁵ U maga di ma jin worun, ari nialin síi ñaa ha-chorun ari ba-chorun wiaa ari nialin síi ñaa disinniñ, ari nialin si keñ niaa kiaa lilaa, niaa deenba kala bi jañ dii kialin Wia si ñaa bil u niaa le, u-na Wia ari Kirisito kuorii-la tuoñ. ⁶ Ma sí leñe di nuu-kala bul wu-toonun a nyisema. Wiaa deenba ne leñe Wia baaniñ sisii nialin si bi u niñ ka to nyuñ. ⁷ Nii wiaa, má liise ma titia ni-yiri deenba le. ⁸ Bua kubala le ma ma fa he birimiñ tuoñ ne, ama la Tiina Yesu leñe ma leele he pulumun tuoñ ne. Nii wiaa, má leñ di ma wu-ñaalaa nage nialin si he pulumun tuoñ síi ñaa ñii. ⁹ Pulumun tuoñ wu-ñaalaa zomó ne a pe ñaa wutitiiba, aa to Wia wonñiñ. ¹⁰ U maga di ma gunne wialin ma si jañ ñaa di la Tiina Yesu tuoñ tore ne. ¹¹ Birimiñ tuoñ wu-ñaala-la niaa síi ñaa, má liise ma titia ba le. Niaa doñsun he birimiñ tuoñ aa ñaa wu-boñño ne. Ama má joñ ba bubuñ ta a leñ niaa jin wialin ba síi ñaa bi zoñ. ¹² U paala keñ hiisin ne di la bul wialin ba si luóraa ñaa. ¹³ Kuñ-na kala ne he pulumun tuoñ, ba yie nau ne. Kuñ-kala síi chaane keñ pulumun ne. ¹⁴ Nii wiaa ne tii ba bul, “Ma nialin si piñ doñ a nage ma suba, má síi doñ le. Kirisito jañ chaana hema le.”

¹⁵ Nii wiaa, má pó ma titia le ari ma wu-ñaalaa le. Ma sí ni-yaaraa nagu. Má ñaa wiaa a nage nialin si keñ wu-jimiñ. ¹⁶ Tapulaa deenba niaa ñaa wu-boñño ne. Nii wiaa bua-na kala le di ma ne na wonñiñ, má ñaa wu-zoñño aa bul wu-zoñño. ¹⁷ Ma sí yaaru, u maga di ma jin wii-la síi tore la Tiina Wia tuoñ aa ñaaba. ¹⁸ Ma sí sinin nyua bubugi. Di niaa ne nyua sinin bugi, ba yie ññaa wu-liilin ne. U jañ cheima. Ama má leñ di Wia Diñ-zoñ-la hema le a titin. ¹⁹ Di ma ne ku hilimi a bul wiaa pipi doño, má yiyi yiilaa ba síi yire Saams a didenne Wia, a yii yiila-la doñsun maa síi

dage Kirisito wiaa. Ma tuonj ma le má yii yiilaa a didenne la Tiina Kirisito. ²⁰ Bua-na kala le ari wii-na kala le, má lolle la Nyimma Wia. Má to la Tiina Yesu Kirisito le a njaan nji.

Haalaa ari baalaa mele si maga duu nage nji

²¹ La síi fá la Tiina Kirisito wiaa nji, u maga di la tuto donjɔba niinj wiaa ne. ²² Haalaa, má tuto ma balaba niinj ari ma síi to Kirisito nji. ²³ Haalaa maga di ba njaan nji ne, bee wiaa baalaa ne keɲ dolun haalaa nyun ari Kirisito si keɲ dolun nji nialinj si laa u wiaa dii aa hilimi nyun, ka ba njaan u yaraa. U ne saa bira njaan ba Laataara. ²⁴ Nialinj si laa Yesu wiaa dii aa hilimi síi to Kirisito niinj wiaa nji, nji titia ne haalaa ma maga di ba tuto ba balaba niinj wiaa. ²⁵ Baalaa, má cho ma haalaa, ari Kirisito si cho nialinj si laa Wia wiaa dii aa hilimi nji, u suu ba wiaa, ²⁶ a piise ba disinninj ta, a fo ba wu-bonjɔɔ kala ma ta ari liinj, a tinj Wia niinj wialinj ba si nia wiaa. ²⁷ U njaan nji di nialinj si laa u wiaa dii aa hilimi, di ba wuo zɔɲ kinkeɲ, a tutul u teen, a sí wu-bonj kala keɲ muapilii maa, a bira sí njaanmu muapilii maa, a sí wu-bonj kala yiri ma njaan, a njaan nialinj si bi disinninj keɲe Wia sipaanj a sí wii-kala njaan chei. ²⁸ Yesu si cho nialinj si laa u wiaa dii aa hilimi nji, nji titia ne u maga di baalaa cho ba haalaa, ari ba si cho ba titia nji. Baal-la kala si cho u haala, u cho u titia ne. ²⁹ Nuukala bi u titia bere, ama u cho u titia a bibeɲ u titia nyun worun, ari Kirisito síi beɲ nialinj si laa u wiaa dii aa hilimi nyun nji. ³⁰ Kirisito yie njaan nji, bee wiaa la ma njaan u nanjaasinj ne a mere u yaraa le. ³¹ Wiinj deenj wiaa ne tii baala yie leɲ u nyimma ari u naan, ka ba di u haala mere donjɔ le a keɲ chal-bala. ³² Wu-kpunkpere deenj njaan wu-bal ne a faa. Kirisito ari nialinj si laa u wiaa dii aa hilimi wiaa ne mi bubul nji. ³³ U saa nage nji ne ma ma le. U maga di nuukala cho u haala ari u si cho u titia nji, u maga di haala ma pi u bala jirima ne.

6

Pɔɔl bul hanjbiisinj ari ba nyimmaba ari ba naanba wiaa

¹ Hanjbiisinj, u maga di ma tuto ma nyimmaba ari ma naanba niinj. Nji níi to Wia wonjbiinj. ² Má zizil ma nyimmaba ari ma naanba ari ba si bul nji Wia teninj tuonj. Wialinj Wia si dage niaa di ba tuto, ba tuonj deenj ne keɲ time. ³ Di ma níi zil ma naanba ari ma nyimmaba, Wia janj pema le di ma na di-zomun, a keɲ mii-dudunɔɲ dunia deenj le. ⁴ Ma nyimmaba, ma sí ma biirinj walimu kinkeɲ di ba baaninj sisii ma nyun. Má benja a dageba worun, duu nage ari Wia titia ne dageba wonjbiinj ba tuto.

Pɔɔl bul yosunj ari ba tinjaa wiaa

⁵ Ma yosunj, má tuto nialinj si tiima niinj dunia deenj le. Má zizilba a fifaba. Má keɲ wutitii a tutoba ari Kirisito ne ma tuto. ⁶ Má si leɲe di ma tinjaa benja anj ka ma-na titinj worun, a sí che di ma tinj di ba besema le. Ama má tinj ari ma timaa pi Kirisito ne a keɲ tuo-bala, aa njaan wialinj Wia si cho. ⁷ Má keɲ tuotɔrun titinj ma tinjtinjaan, ari ma tima pipi Kirisito ne, nuhuobiine dee ma timaa pa. ⁸ Ma jinj di nuu ne tinjtinj-zonj, la Tiina Wia janj jonj ku-zonj a tɔmu, di tiina njaan yomo koo u tii u titia ne. ⁹ Ma nialinj ma si keɲ yosunj, má keɲba worun, ma síba walimu. Ma jinj ari ma kala tiina njaan kubala ne a he Wia-janj. La kala njaan kubala ne u teen. U bila kaa pore.

Kialinj Wia si jonj pila di la kaa yuo Sitaani

¹⁰ Wii-la mi síi che mi bul, u wu-kaanij ne ɲla: Mii che di ma keɲ doluɲ la Tiina Wia teen a wasa kenu woruɲ. U jaɲ wuo pima doluɲ deen. ¹¹ Sitaani keɲ wu-jimiɲ kiɲkeɲ aa nyise niaa. Ama má keɲ ma titia woruɲ a yuo laa ma titia Sitaani teen. Ma nage laali-yuoroo ne. Má laale laali-yuori genni-la kala Wia si joɲo pima. ¹² Ama la bi naga nialiɲ síi yuo nuhuobiinee. Laa yuo Sitaani ari u haritooroo ne, ari kuɲ-kala si keɲ doluɲ nialiɲ si he birimiɲ tuɔɲ teen. Dunia deen ari dol-bɔmɔ-la kala si he wia nyuɲ, ba ne laa yuo. ¹³ Njii wiaa, má laale laali-yuori kias Wia si joɲo pima, di tapulii-la wu-bɔɲɲɔ síi che di ba ɲaama le, di ma wuo ɲaa siri a china gberɛ. ¹⁴ Má chij kpaɲ kpaɲ, má leɲ di wutitii-la ma si nia nage ma laali-yuori damere a wɔɔ ma tiɲa le, a leɲ di tuɔ-pula nage ma hɔɔ-geriɲ a tɔ ma hariɲ ari ma sipaanɲ kala, ¹⁵ a leɲ di Yesu wu-zɔmɔ-la ɲaa ma laali-yuori nenɲenɲee. Yesu wu-zɔmɔ-la pe niaa le ba hɔɲ ari yarifielaa. ¹⁶ U ɲii hariɲ le ne má leɲ di ma yarida dol a nage hɔɔ-la laali-yuoroo si joɲo kere ba boye. Di ma ne ɲaa ɲii, ma jaɲ wuo kere laa ma diɲɔɲ heɲɲee kala u si joɲo a yuoma. Heɲɲee deenba bieru a nage nyiniɲ síi bieru ɲii ne. ¹⁷ Wia si laama ta ɲii, u maga duu nage nyuɲ-chuulo ne di ma joɲo chu, aɲ joɲ tokobii-la si he Wia Diɲ-zɔɲ-la teen a kori a yuo laaliɲ. Tokobii-la ne ɲaa Wia wiaa. ¹⁸ Má leɲ di Wia Diɲ-zɔɲ-la pima doluɲ di ma chuɔle Wia bua-na kala le a sulu wii-wii-kala. Ma síi ɲaa ɲii, má pɔ woruɲ a sí doɲ diegu, aɲ pese, aa chuɔle Wia pipi Wia niaa maa. ¹⁹ Má sul Wia pimi maa di Wia pimi nyu-duoɲ, a wuo dagemi ɲii mi si jaɲ to a bul Yesu wu-zɔmɔ-la fa si faa a pi niaa. ²⁰ Mi síi bul Kirisito wu-zɔmɔ-la aa pi niaa ɲii, ɲii ne tii ba keɲmi kaa he chɔrumɔɔ. Má sul Wia pimi di mi wuo bul Wia wiaa ari nyu-duoɲ, ari mi si maga di mi bul ɲii.

Wu-kaanij

²¹ Mii che di ma jii mi si nage ɲii ne, a bira jii tiɲtimii-la mi síi tiɲ. Mi naanɲbii-chooluɲ Tikikas si ɲaa la Tiina Yesu tiɲtinni-titii, u jaɲ bul mi wiaa kala, ²² di ba wuo leɲ di ma nyuɲ nyaase. Njii ne tii mi timu ma teen.

²³ La Nyimma Wia ari la Tiina Yesu Kirisito jaɲ leɲ di la naanɲbiiri-la kala si laa Yesu wiaa dii hɔɲ ari yarifielaa, a keɲ yarida, a cho dɔɲɔ. ²⁴ Nialiɲ si cho la Tiina Yesu Kirisito a kaa mu deen deen, Wia jaɲ fá niaa deenba kala nennige.

TEN-LA PƆƆL SI NŊMUNSA PI FILIPA NIAA

¹ Mi-na PƆƆl ari Timoti ne nŋmunse teniŋ deenŋ aa pi Wia niaa kala si he Filipa le a laa Yesu Kirisito wiaa dii. La nŋaa Yesu Kirisito tintinnaa ne. ² Laa nŋmunse teniŋ deenŋ a pipi nialiŋ si laa Yesu wiaa dii aa hilimi nihiasiŋ ari nialiŋ si pe nihiasi-la le.

La Nyimma Wia ari la Tiina Yesu Kirisito lahorimo le, ma jaŋ hoŋ ari yarifielaa.

PƆƆl chuole Wia pipi Filipa niaa

³⁻⁴ Bua-na kala le di mi ne liisi ma wiaa, mi yie chuole Wia pipima ne. Mi yie lollu a mu tige ma wiaa ari tuotɔrunŋ ne. ⁵ Mi yie lolle Wia a tiŋ nŋi ma si pemi le mi bul Wia wu-zomɔ-la a pi niaa. Ma pemi le a lii tapulii-la ma si nii Wia wu-zomɔ-la a kaa ko jiniŋ. ⁶ Mi laa dii ari Wia si pema le ma tiŋ tiŋtiŋ-zomɔ-la nŋi, u jaŋ pema le di ma tima mu yi tapulii-la la Tiina Yesu Kirisito si jaŋ ko. ⁷ Mii biine ma wiaa ne woruŋ. U nŋaa worŋbii ne di mi nŋaa nŋi, beɛ wiaa Wia fá la di ma kala nennige. A tiŋ Wia wu-zomɔ-la wiaa ne ba keŋmi kaa to dia. Bua deenŋ le la kala dii dansia a mu tige Wia wu-zomɔ-la le duu nŋaa wutitii, a leŋ u chinŋ kpaŋ kpaŋ. Wiaa deenŋba kala le ma pemi le ne woruŋ. ⁸ Mii biine ma wiaa ne woruŋ. Wia ne nŋaa mi dansia ari wiinŋ deenŋ le. Chonu-la mi si choma lii Kirisito Yesu teenŋ ne. ⁹ Mii sul Wia duu leŋ di ma cho doŋɔ, di chonu-la wasa yuge kinkeŋ, a biraa sulu duu pima wu-jimiŋ di ma wuo jinŋ wii-na kala ma sŋi nŋaa bubuɔŋ. ¹⁰ Wu-jimii-la jaŋ leŋ di ma liise wu-zoŋɔɔ a pi ma titia. Di ma ne nŋaa nŋi, ma jaŋ wuo liise ma titia disinniŋ le, a sí wii-kala nŋaa chei a mu yi tapulii-la Kirisito si jaŋ ko. ¹¹ Ma si keŋ tuo-pula Wia sipaanŋ nŋi, ma jaŋ wuo to Yesu Kirisito le a wasa nŋaa tuo-pul wu-nŋaalaa. Di ma ne nŋaa nŋi, niaa jaŋ denne Wia duu yiriŋ yire.

PƆƆl si duu jaŋ joŋ u titia bil a mu tige Kirisito tiŋtiŋnŋaa wiaa

¹² Mi naanŋbiiriŋ, mii che di ma jinŋ ari wialiŋ si nŋaami le leŋe wu-zomɔ-la mi sŋi bul wasa mu sipaanŋ ne. ¹³ Nialiŋ sŋi beŋ nialiŋ ba si kaa to dia ari nuu-kala jima ari Kirisito wiaa ne ti ba keŋmi kaa to dia. ¹⁴ Mi si he dia-la le pe la naanŋbiiriŋ doŋsunŋ le ba wasa chinŋ la Tiina Yesu wialiŋ ba si laa dii le woruŋ. Ba bira keŋ nyu-duoŋ a bubul Wia wiaa, aŋ bi fawulluŋ ka fá.

¹⁵ Mi jima ari niaa doŋsunŋ ka bul Kirisito wiaa a pipagise ne ari yaribieriŋ, aŋ pe nŋaa yuo-heereɛ. Ama doŋsunŋ ma keŋ ba tuobiinŋ-zoŋɔɔ a bubul Kirisito wiaa. ¹⁶ Nialiŋ sŋi to ba tuobiinŋ-zoŋɔɔ le a bubul Kirisito wiaa chomi ne. Ba jima ari Wia ne liisemi di mi bul u wu-zomɔ-la a pi niaa. ¹⁷ Nialiŋ si bul Kirisito wiaa a pipagise yie to ba titia tuotɔrunŋ le ne. Ba bi wutitii kene. Mi si he dia le nŋi, ba chiche di mi na heeŋ a yuge. ¹⁸ Ama mi-na teenŋ u bi wii-kala kene. Di tuobiinŋ-zoŋɔɔ ne koo di tuobiinŋ-boŋɔɔ ne ba kaa bul, mi tuoŋ toɔ ne ari ba sŋi bul Kirisito wiaa.

¹⁹ Mi tuoŋ ma jaŋ toɛ a mumu. Mi jima ari ma chuole Wia pipimi ne. Nŋi wiaa a tiŋ ma Wii-sula ari Yesu Kirisito Diŋ-zoŋ-la le, mi jima ba jaŋ liisemi ta. ²⁰ Wii-la mi sŋi che kinkeŋ ari wii-la mi sŋi yiele ne nŋa: Mi bi jaŋ ko di mi nŋaa wii a mu tige tiŋtimii-la mi sŋi tiŋ di hiisiŋ diimi, ama

a suomi jiniŋ a kaa mu, bua-na kala le, mi jaŋ keŋ nyu-duoŋ a bul Wia wiaa. Di mi ne weye koo di mi ne suba, mi jaŋ joŋ mi titia bil a mu tige Kirisito tiŋtimii-la wiaa, duu yiriŋ yire. ²¹ Mi-na teen, di mi ne keŋ miisin, mi kenu Kirisito teen ne. Di mi ne suba maa, mi jaŋ na nyuuruŋ u teen. ²² Di mi ne he mi miisin le, mi jaŋ faasa tiŋ, di ni-dan nii Wia niin wiaa. Di mi ne bira suba maa, mi jaŋ na nyuuruŋ. Mi bi jin ba ku-la mi si jaŋ liise. ²³ Mi he wiaa deenba balia pege ne. Mi fa cho ne woruŋ di mi sii dunia deen le a mu Kirisito teen. U ne kpia mi si jaŋ he dunia deen le. ²⁴ Ama u jaŋ ŋaa wu-zoŋ a pima di mi ne he mi miisin le. ²⁵ Mi laa wiin deen dii ne ari mi jaŋ he ma teen dunia deen le, di mi wuo pema le di ma waa a mu tige wialin ma si laa dii le, aŋ pe keŋ tuotoŋ ba le. ²⁶ Nii wiaa, di mi ne miira ko ma teen, ma jaŋ na woŋbiin a denne Yesu Kirisito a tiŋ mi wiaa. ²⁷ Má leŋ di ma wu-ŋaalaa tuto Wia wu-zomɔ-la mi si bula pima a tige Kirisito le. Di ma ne ŋaa nii, di mi ne he ma teen koo di mi ne tuo, mi jaŋ wuo nii ari ma faasa chin ne kpaŋ kpaŋ a keŋ nii-bala, a leŋ di ma tuobiinaa ku pe doŋo le, a faasa he doluŋ a pipe doŋo le a mu tige Wia wu-zomɔ-la ma si laa dii le. ²⁸ Ma sí leŋe di fawulluŋ keŋma a mu tige ma diŋdoŋo le. Wiin deen chaasa dageba ari ba jaŋ lel, ama Wia jaŋ laa ma-na ta. ²⁹ Ma-na, Wia ne pima woŋbiin di ma laa Kirisito wiaa dii aŋ pe na heeŋ a tiŋ u wiaa. ³⁰ Laal-la ma si na di mii yuo burbuŋ, a bira nii di mi haa yuo, ma ma jaŋ wuo yuo.

2

Kirisito si keŋ u titia muuri, Wia joŋ yiri-balin pu

¹ Di Kirisito pema le ma miisin le, a pema le di ma doŋsuŋ ma nyusuŋ nyaase, a pema le ma cho doŋo di ma tuosaa pin di-bala, a leŋ di Wia Diŋ-zoŋ-la he ma tuosaa le a titin, a pema le di ma fifa ma doŋsuŋ tiŋŋaa nennige, ² nii wiaa má keŋ tuo-bala, a wasa cho doŋo, a keŋ nii-bala, nii jaŋ wuo leŋ di mi tuoŋ faasa tɔre. ³ Wii-na kala ma sii ŋaa le, ma sí ma titia tuotoŋ to, a ma sí ma titia ma le bibigisu. Ama má leŋ di ma siaa fiele doŋo nyuŋ, a beŋ di niaa doŋsuŋ yuga kiima. ⁴ Di nuu níŋ ŋaa wii, u sí ŋaa chiche duu pe u duŋduŋ le. Ama ú ŋaa chiche duu pe nuu-kala le ne. ⁵ Ma maga ma nage nii Yesu Kirisito si naga ne ma tuobiinaa le. ⁶ U fa keŋ Wia nagisin ne, ama u fa bi biina duu fuge u titia duu di Wia mage doŋo. ⁷ Ama u titia tuotoŋ le, u joŋ u Wia nagisin ta aŋ ku tima pi Wia. Ba si lulu, u ku nage nuhuobiine, ⁸ a keŋ u titia muuri, a to Wia niin a mu yi bua-la le u sí suu. Ba paala kpaasu mere daa-gesee nyuŋ ne u suu. ⁹ A tiŋ wiin deen le Wia chisu a kenu kaa jil Wia-jaŋ, a pu yiri-la si yuga kii yiri-na kala. ¹⁰ Nii wiaa Yesu doluŋ le, kialin kala si he Wia-jaŋ ari kialin si he tiŋteen ari lelee-jaŋ, ba kala jaŋ tuu kpirimi u sipaan a chuclu. ¹¹ Nuu-kala jaŋ suri u niin a bul ari Yesu Kirisito ne ŋaa u Tiina. Di wiin deen ne ŋaa, la Nyimma Wia yiriŋ jaŋ yire.

Má chaane a nage cheŋwulaa dunia le

¹² Nii wiaa mi naanbii-chooloo, má tuto mi niin ari ma fa sí to nii bua-la le mi fa si he ma teen. Leele mi tuo ma teen, ari nii kala ma ha to mi niin. Wia laama ta ne, ama má fá fawulluŋ, aŋ keŋ ma titia muuri, a titin, aŋ na ku-la Wia si si u jaŋ joŋo pima. ¹³ Má ŋaa nii, bee wiaa, Wia he ma teen bua-na kala le a keŋma a titin ne. U jaŋ ŋaa ma tuotoŋe wii di ma níŋ ŋaa wialin u sí che.

¹⁴ Di ba ne si di ma n̄aa wii, ma sí kaa lere, di ma n̄ii n̄aa, ma sí wiaa gurimu. ¹⁵⁻¹⁶ Di ma ne tin̄ ma tin̄tin̄n̄aa worun̄, ma jan̄ n̄aa tuo-pul timma a sí wii-kala chei. Ma jan̄ bira n̄aa Wia biirin̄ a he haache diiree ari ni-bon̄n̄oo tuon̄ dunia deen̄ le. N̄ii wiaa, u maga di ma tuto Wia niin̄ wialin̄ si pima miisin̄, di ma wuo chaane n̄aa deen̄ba tuon̄, ari cheɲwulaa si chaane n̄ii wia nyun̄. Di ma ne n̄aa n̄la, mi jan̄ wuo bese mi titia le a mu tige mi tin̄timii-la kala mi si tima, tapulli-la la Tiina Yesu Kirisito si jan̄ k̄o. N̄la ne jan̄ dage ari tin̄timii-la kala mi si tima bi pei n̄aa. ¹⁷⁻¹⁸ A tin̄ ma si laa Wia wiaa dii, ma nage puna-la ba si yie kpu a pi Wia. Di ba paala kpumi a tin̄ wu-zon̄n̄oo ma si n̄aa Wia sipaan̄, mi n̄aa siri ne di mi suu. N̄ii leɲe mi tuon̄ toɛe ma nyun̄ n̄ii. Má leɲ ma ma tuon̄ toɛe mi nyun̄.

Pɔɔl bul Timoti ari Epafodaatis wiaa

¹⁹ Mii yiele ari la Tiina Yesu dolun̄ le mi jan̄ tin̄ Timoti duu k̄o ma teen̄ leele. Duu ne k̄o ma teen̄ an̄ miira ku bul ma wiaa pimi, mi tuon̄ jan̄ toɛe. ²⁰ U dun̄dun̄ ne nii-la si chil ma wiaa ari mi ma si chil ma wiaa n̄ii. ²¹ N̄iaa don̄sun̄ chil ba titia wiaa ne. Ba bi Yesu Kirisito wiaa chila. ²² Ma ma titia jin̄ n̄ii Timoti si naga ne. U pemi le bubul Wia wu-zom̄o-la a nage bie si yie pe u nyimma le ba titin̄ n̄ii ne. ²³ Di mi ne ku jin̄ n̄ii wialin̄ si nage mi teen̄, mi jan̄ timu duu k̄o ma teen̄. ²⁴ Ama mi wii-wii-kala he Wia teen̄ ne. Mi jima u bi jan̄ dieni ka di mi titia k̄o ma teen̄.

²⁵ Mi bee na ari u maga di mi tin̄ la naan̄bie Epafodaatis duu k̄o ma teen̄ ne. U n̄aa mi tin̄tinni don̄ ne an̄ pe n̄aa mi laali-yuori don̄ ma. Ma ne timu u k̄o mi teen̄ a pemi le ari wii-la mi sí che. ²⁶ U faa biine ma wiaa ne di u ku nama, ama u tuon̄ cheye a tin̄ ma si n̄ia ari u bi yarifielaa kene. ²⁷ Wutitii, u wiila ne, a fa ka mua duu suba, ama Wia fáu nennige a leɲ u duori. Di Epafodaatis ne fa suba, mi tuon̄ fa jan̄ faasa chei. Ama Wia fámi nennige a bi leɲe u suu. ²⁸ N̄ii wiaa mi siin̄ faasa fiese ne kin̄ken̄ duu k̄o ma teen̄ ne, di ma nau di ma tuon̄ bira toɛe, di mi ma tuon̄ bira toɛo. ²⁹ N̄ii wiaa, la Tiina Yesu dolun̄ le, má laau worun̄ ari tuot̄orun̄. Má pipi ni-yiri deen̄ba jirima. ³⁰ A mu tige Kirisito tin̄tin̄n̄aa wiaa, u jon̄ u miisin̄ bil, u fa ka mua duu suba. U n̄aa n̄ii duu wuo pemi le, beɛ wiaa ma titia faa che di ma pemi le ne an̄ bi wuo pe.

3

Pɔɔl bi u nyun̄ jono he wialin̄ nuhuobiinee sí n̄aa ba yaraa le

¹ Mi naan̄biirin̄, wii-la wu-kaan̄in̄ mi sí che mi bula pima ne n̄la: Má jujuɔse la Tiina Wia sipaan̄. Mi laa sipaan̄ bul wiin̄ deen̄ ne pima ne, an̄ bira chiche di mi bul u titia n̄la. Mi bi jan̄ k̄o di mi lol̄o ari wii-la bulun̄. Wialin̄ jan̄ pema le di ma sí wu-bon̄n̄ kala juu.

² Má p̄o ma titia le ari nialin̄ si n̄aa wiaa ari vahin̄ sí n̄aa n̄ii, a p̄o ma titia ni-bon̄n̄ wu-n̄aalaa le. Má ken̄ ma titia ari nialin̄ si p̄esema le di ma keri ma penee. ³ La ne paala chaasa n̄aa nialin̄ si sene keri ba penee, beɛ wiaa la-na to Wia Din̄-zon̄n̄-la niin̄ le ne aa chuole Wia. N̄ii wiaa, laa juɔse Kirisito Yesu teen̄ ne. La-na sipaa tuo wialin̄ n̄aa sí n̄aa ba yaraa le. ⁴ Mi-na ne paala maga di mi ken̄ nyu-duon̄ a tin̄ wialin̄ n̄aa sí n̄aa ba yaraa le. Di nuu-kala ne biina ari u jan̄ wuo jon̄ u nyun̄ a he wialin̄ nuhuobiinee sí n̄aa ba yaraa le, mi-na jan̄ paala wuo bul ari mi kii tiina ne. ⁵ Ba si lum̄i, tapul-chorimun̄ cheɲ ne ba keri mi penin̄. Mi n̄aa Iziral tiina titi ne, a lii Benjamin̄ doho. Mí naan̄ ari mi nyimma n̄aa Hiiburu timma ne. Di Juu

tinjɔaa naabalima wonɔbii-la ne maa to, mi ɔaa Farisii tiina ne. ⁶ Mi faa to Juu tinjɔaa naabalimaba wonɔbii-la ne ari siifesiɔ, a to naasiɔ dudɔgise nialiɔ si laa Yesu wiaa dii aa hilimi. Di nuhuobiine ne fa jaɔ wuo keɔ tuɔ-pula a tinj u sii to Juu tinjɔaa naabalimaba wonɔbii-la, mi jaɔ bul ari mi ɔaa ni-pula ne. Mi fa sii to wonɔbii-la, mi bi wii ɔaa chei. ⁷ Mi fa biina, wiaa deenɔba kala mi fa si to jaɔ keɔ nyuuruɔ, ama a tinj Kirisito wiaa mi bene ba ɔaa pei ne. ⁸ Mi si ku jinj mi Tiina Yesu Kirisito, mi bene ari mi tele ne wiaa deenɔba le. Mi chaasa jinj ari u ne keɔ nyuuruɔ a kii wiaa deenɔba kala mi fa sii to. A tinj Yesu wiaa mi joɔ wii-kala yuo ta ne. Mi bene ari ba kala nage nisuruɔ ne. Mi ɔaa ɔjii di mi wuo na nyuuruɔ ne Kirisito teenj, aɔ pe keɔ u tuɔ-pula-la, ⁹ di la di Kirisito kala ɔaa kubala. Tuɔ-pula-la mi si kene, u bi mi titia le lia, u saa bira bi wialiɔ Moosis si ɔmuɔsa bil di niaa tuto ma le lia. Ama lele mi si laa Kirisito wiaa dii, ɔjii ne tii mi keɔ tuɔ-pula u teenj. Tuɔ-pula deen-na lii Wia teenj ne. Wia joɔo pi nuu-kala si laa u wiaa dii ne. ¹⁰ Wii-la kala mi sii che ne ɔla, di mi jinj Yesu Kirisito, a wuo jinj u dol-la si lii u teenj a tinj u si sii suunj le, a wuo na he-la yiri u si na a suu. ¹¹ ɔjii le ne mi ma titia jinj ari mi jaɔ suu aɔ sii suunj le.

U maga di la he la nyunj kala wialiɔ si he la sipaanj

¹² Wiaa deenɔba mi si bula, mi ha biba na dere, mi ha bi ni-pula ma ɔaa. Mi ha he dime ne a yuyuo di mi dii ku-la mi si jaɔ na Yesu teenj. Yesu Kirisito paala laa sipaanj yuo diimi ne a tiimi. ¹³ Mi naanɔbiirinj, mi paala biina ari mi ha bi ku-la na, ama mi joɔ mi nyunj kala he wu-bala le ne di mi ɔaa. Mi yu wialiɔ si he hariɔ, aɔ he mi dolunj kala di mi na wialiɔ si he mi sipaanj. ¹⁴ ɔjii wiaa mi fa joɔ mi sipaanj tuule ne a mumu di mi na ku-la Wia si jaɔ to Yesu Kirisito le a joɔo pimi u jaɔ le. ¹⁵ U maga di nialiɔ kala si waa Kirisito wiaa le bibiine wiinj deenj. Di ma doɔsuɔ ma nii sei wii doɔ, Wia jaɔ dagema wutitii-la. ¹⁶ Wii-la si maga di la ɔaa ne ɔla, ma leɔ di la mu sipaanj a tuto wialiɔ titia la fa sii to a ku yi lele.

¹⁷ Mi naanɔbiirinj, ma kala chichesii mi wu-ɔaalaa. Naa-buasu-la si maga di ma tuto ne laa dagema. ɔjii wiaa, ma tuto nialiɔ si laa ma sipaanj. ¹⁸ Mi laa sipaanj bul wiaa pima a tige nialiɔ doɔsuɔ le, aɔ ka lele-na sii-liirinj paala yuori mi siaa le ne ka mii bul. Kirisito suu daa-geese nyunj ba wiaa, ama nialiɔ wu-ɔaalaa daga ari ba bi wii-la u si ɔaa kaa titinj. A tinj ɔjii wiaa ba di Kirisito ɔaa diɔdoɔ ne. ¹⁹ U diderinj ba jaɔ mu juu Wia nyininj. Ba tuotore wu-ɔaalaa le ne baa to. Ba siinj yie fiese hiisi wiaa le ne. Ba yie bibiine dunia kiaa dunɔɔna wiaa ne. ²⁰ Ama la-na ɔaa Wia-jaɔ niaa ne. La hoɔo gberɔ la Tiina Yesu Kirisito duu lii Wia-jaɔ ko ne. U ne ɔaa la Laataara. ²¹ Duu ne ko, u jaɔ keɔ u dol-la a kaa birime la yaraa deenɔba si jaɔ pua, di ba nage u titia yara-la si bi pua. Dol-la ne u kaa bibenj kuɔ-kala. U jaɔ joɔ u dolunj a ɔaa wiinj deenj, a joɔ kuɔ-kala a he u naasiɔ bubuɔɔ a bibenj.

4

Pɔɔl chagile Filipa niaa

¹ ɔjii wiaa mi naanɔbiirinj, mi choma ne kinkeɔ, mi yie bibiine ma wiaa ne. A tinj ma wiaa, mi tuɔɔ toɔo woruɔ, mi nyunj duori. ɔjii-na, mi naanɔbiipianaba, ma chinj la Tiina hariɔ kpaɔ kpaɔ.

² La dihaalaa Yuoodia ari Siɔtikii, mii sulma jaɔ-jaɔ di ma siɔ a tinj la Tiina Yesu wiaa. ³ ɔjii-na mi tinjinni doɔ, mii che di ɔ pe haalaa deenɔba le, ka di Kilement ari mi tinjinni doɔsuɔ kala ma pemii le di la he la dolunj

kala a mu tige Wia wu-zomɔ-la wiaa di ba mu sipaanj. Niaa deenba kala yiraa ne he miisinj tenj-la tuɔŋ Wia si bile.

⁴ Má juuɔɔɛ Wia sipaanj bua-na kala. Mi janj bira bula pima di ma juuɔɔɛ Wia sipaanj. ⁵ Má lenj di ma siaa fiele nuu-kala teenj. Má njanjaa njii, bɛɛ wiaa bua-la le la Tiina Yesu si janj miira kɔ kpaga ne. ⁶ Ma sí lenje di kuŋ-kala wiaa wiwalimɛma, ama di ma níi chuɔle Wia, má sulu a chiche ku-la kala ma síi che, aŋ pe lollu. ⁷ Di ma níi njaa njla, Wia janj pima yarifielaa. Yarifiela-la janj lenj di ma tuɔŋ ari ma tuobiinaa kala pinj di-bala, Yesu Kirisito dolunj le.

⁸ Mi naanjiirinj, wii-la diderinj ne njla: Má njanjaa wialinj si njaa wutitiiba, wialinj si keŋ yirinj, wialinj síi to wonjbiinj, wialinj si bi wii-wii-kala kene, wialinj si dage di ma cho niaa, ari wialinj si zomɔ niaa sipaanj. Má jonj ma nyunj kala he wu-zonjɔɔ njaaninj le, aa njaa wiaa di niaa bibesema le. ⁹ Wialinj kala mi si bula pima, ari wialinj kala mi si dagɛma, ari wialinj kala ma si nia di mii bul, ari wialinj kala ma si gunna mi teenj, má keŋba kaa tinj tintinjaa. Di ma ne njaa njii, Wia-la síi pi niaa yarifielaa janj lenj di ma honj ari yarifielaa.

Pɔɔl lɔlle Filipa niaa ari ba si pɛu le njii

¹⁰ Mii juuɔɔɛ ne kinkeŋ Wia teenj, bɛɛ wiaa lele ma daga ari ma faa biine mi wiaa ne. Faafaa-la kala ma faa biine mi wiaa ne. Ama wonjbiinj ne ma bi na di ma wuo dage chonu-la ma si kene a pimi. ¹¹ U bi naga ari mi che kuŋ ka ne tii mii bul wiinj deenj, bɛɛ wiaa mi gunne wiaa yuge ne mi miisinj le. Di mi keŋ kuŋ koo di mi bi kuŋ kene, mi tuɔŋ yie tɔɔɔ ne. ¹² Mi jinj njii u si naga a pimi ne, di mi ne keŋ kuŋ koo di mi ne bi kene. Mi gunne wiinj deenj ne bua-na kala koo lee-na kala. Di mi vɔgo koo di losunj keŋmi, di mi keŋ kiaa yuge koo di mi ne keŋ mua, mi sipaa tuo. ¹³ Mi janj wuo keŋ mi titia worunj wiaa deenba kala le, bɛɛ wiaa Kirisito ne pimi dol-la.

¹⁴ Ama u njaa wu-zonj ne ma síi pemi le. Bua-la le wiaa si juumi, ma pemi le ne. ¹⁵ Ma Filipa niaa, ma titia jima worunj ari mi si suomo bubul Wia wu-zomɔ-la ma teenj, ma pemi le ne. Mi si lii Masidoonia tinjteenj maa, ma ha pemi le ne. Nialinj kala si laa Yesu wiaa dii aa hilimi, ba kuŋ-kala bimi le pe, see ma dunjduja ne pemi le ari moribiee. ¹⁶ Mi fa si he Tesalonaaka taŋ-la le, ma pemi le yuge ne. ¹⁷ U bi naga ari mi yie chiche di mi laa kiaa ne ma teenj, ama mi cho di mi na ari ma time wasa yuge Wia teenj ne. ¹⁸ Ma si tinj Epafodaatis, u keŋ kialinj ku pimi, lele mi keŋ kuŋ-kala mi síi che ne. Kialinj paala yuge ne. Kialinj ma si jonjo pimi, ba nage kiaa ba si yie kpu pi Wia, u laaba, ka u tuɔŋ tɔre ba nyunj ne. ¹⁹ Wia-la mi si timaa pa keŋ kuŋ-kala ne, u janj to Yesu Kirisito le a pima kuŋ-kala ma síi che a yuge. ²⁰ La Nyimma Wia yirinj janj yire bua-na kala le a kaa mu wuu. Ami.

Chuɔlaa

²¹ Mii chuɔle nialinj kala si to Yesu Kirisito le a njaa Wia niaa. La naanjiiri-la kala ma si laa Yesu wiaa dii a he daha, ba maa chuɔlema. ²² Wia niaa kala si he daha ka chuɔlema. Nialinj ma si laa Yesu wiaa dii a he kuori-bal-la ba síi yire Siiza dia le ka chuɔlema.

²³ La Tiina Yesu Kirisito lahorimɔ le, ma janj honj ari yarifielaa.

TEN-LA PÓOL SI N̄MUNSA PI KOLCSI NIAA

¹ Mi-na Póol si ñaa Yesu Kirisito nan̄zoo Wia si liisa, ari Timoti, la kala naan̄bie, laa chuole ma Kólcsi niaa.

² Mi ñmun̄se teniñ deen̄j a pipi ma-na Wia niaa si ñaa naan̄bii-titiiba-la Kirisito teen̄j. La Nyimma Wia lah̄orim̄o le u jan̄ pema le a len̄j di ma h̄oj ari yarifielaa.

Póol lolle Wia Kólcsi niaa wiaa

³ Bua-na kala la nii chuole Wia aa pima, la yie lollu, u-na, la Tiina Yesu Kirisito Nyimma, ⁴ bæe wiaa la nia ari ma sei Kirisito Yesu niin̄j a cho Wia niaa kala ne. ⁵ Maa ñaa ñii a tin̄j ma s̄ii yiele kialin̄j si pin̄j ma sipaan̄j Wia-
jan̄j le. ⁶ Ma nii wiin̄j deen̄j bua-la ma si nii Wia wu-zom̄o-la si ñaa wutitii. Epafiras ne bula pima. Wia wu-zoññoo deen̄ba tin̄j tin̄tin̄j-zoññoo ne leere yuge dunia le. Niaa yuga laaba dii, ba puñj lere-la ari ba si puñj ñii ma le. Ba puñj ñii ma le a suomi bua-la le ma si jegile nii wu-zom̄o-la a sene jin̄j ñii Wia si pema le u lah̄orim̄o le. ⁷ Ma gunne wiaa deen̄ba Epafiras teen̄j ne, la ni-choolii-la si ñaa la tin̄tin̄ni doñj Wia tin̄tin̄ñaa le. U ñaa Kirisito tin̄tin̄ni-titii ne la nyun̄j. ⁸ U ne bula pila ari ma si cho doñj Wia Diñ-zoñj-la dolun̄j le.

⁹ A lii tapulii-la la si nii wiin̄j deen̄j, la chuole Wia pipima a bi len̄j. Laa sul Wia aa pima duu len̄j di ma sene jin̄j wii-la u s̄ii che di ma ñaa, a ken̄j wu-jimin̄j ari digilin̄j jegilee Wia Diñ-zoñj-la si pima. ¹⁰ U jan̄ len̄j di ma wu-
ñaalaa kala chin̄j Wia won̄biin̄j le, duu tuoñj tore ma nyun̄j a len̄j di ma tin̄j tin̄tin̄j-zoññoo, tin̄tin̄j-yiriba kala le, duu ken̄j doho, di ma ku jin̄j Wia worun̄j a waa pe. ¹¹ Wia jan̄ pima dolun̄j a mage ñii u si dolie, di ma wuo ken̄j piina ari ken̄yiri ma tuot̄orun̄j le. ¹² Má lolle Wia ari u si len̄j di maachie ma ma si jan̄ wuo pe dii kialin̄j u si ñaa bil u niaa le Wia kuorii-la tuoñj. ¹³ U laala Sitaani nisin̄j le, a ken̄la kaa mu he u bii-choolun̄j kuorii-la le di u biben̄la. ¹⁴ U ne Wia jono tin̄j la haacheba chimin̄j a jon̄j la haacheba chela.

Kirisito ken̄j dolun̄j wii-kala le

¹⁵ Kirisito ne nage Wia-la nagisin̄j kala kala, nii-la la si bi na. U ne kii kun̄-kala u si ñaa. ¹⁶ U le ne Wia to a ñaa kun̄-kun̄-kala si he wia nyun̄j ari tin̄teen̄j, kialin̄j la s̄ii na ari kialin̄j la si bi na kala, a pe Wia bii-zoññoo ari bii-boññoo kala le. U le ne u to a ñaa kiaa kala. Ba he dime u yirin̄j le. ¹⁷ U ne laa sipaan̄j he dime, ka kun̄-kala-na he dime. U nii ber̄j kiaa kala ba chin̄j ba di-chinaa. ¹⁸ U ne ñaa nialin̄j si laa Yesu wiaa dii aa hilimi kuhian̄j aa ber̄ba. Ba nage u yaraa, u ne ñaa ba nyun̄j. U ne suomo bil Wia niaa geñtine, bæe wiaa u ne ñaa bun̄bur̄n̄ nii-la si laa sipaan̄j sii suun̄j le nialaa kala si suba le. Nii wiaa u ne ken̄j dolun̄j wii-kala le. ¹⁹ Wia cho di Yesu nage u-na Wia nagisin̄j kala kala. ²⁰ U le ne Wia to ba di kun̄-kala sin̄j, kialin̄j si he wia nyun̄j ari kialin̄j si he tin̄teen̄j le kala. Bua-la u si suu daa-gesee nyun̄j, u chalin̄j jaase. U chal-la jaasin̄j ne len̄je Wia ari kialaa kala si he dime tuosaa fiele doñj nyun̄j.

²¹ Ma di Wia siaa fa bi doñj na a tin̄j ma wu-bom̄o-la ñaan̄in̄j ari ma tuob̄iin̄j lorunu-la wiaa. ²² Ama leele Wia ñaa ma duu sin̄j a tin̄j Kirisito suun̄j

le, duu kenma kaa ko Wia sipaanj ari tuo-pula, duu sima nyan. ²³ Kirisito janj nja nja pima, di ma kenj yarida-la naanj le a chinj kpanj kpanj, aa yiele wialinj ba si nmuŋsa Wia teninj tuonj. Ma nii Wia wu-zonjoo deenja ba si bula pi niaa leree yuga ne. Mi-na Pool ma ku nja Wia tintinnaa donj aa bul Wia wiaa.

Tintimii-la Pool si tima pi nialinj si laa Yesu wiaa dii aa hilimi

²⁴ Leele mi tuonj toro hee-la le mi si na a pima. Hee-la janj pe dere, ari Kirisito si si mi janj na heenj pi nialinj si laa u wiaa dii aa hilimi. U niaa nja kubala ne, a nage u yaraa si nja kubala nii. ²⁵ Mi ku nja ba tintinnu donj. Wia ne liisemi di mi tinj tintimij deenj a pima, di mi bul Wia niinj wiaa kala a pima. ²⁶ Wia niinj wiaa fa faa ne. Wia jonjo faa la naabalimaba tinteenj le faafaa kala a ku yi bua deenj le. Ama leele Wia jonjo dage u niaa ne. ²⁷ Ba ne Wia liise di ba jinj wialaa si zomo nii kinjenj, ka u fa jonjo faa. Leele u dage ba si mage nii nialaa si bi juu tinjaa nja tuonj. Wialinj ne daga ari Kirisito he ma tuonj le. Nii wiaa maa yiele di ma kpa u yiri-bal-la Wia-janj le. ²⁸ U wiaa ne la bula pipi niaa. Laa kpurise nuu-kala digilaa, aa dage nuu-na kala ari wu-jimii-na kala, di la wuo nja ba waa dere Kirisito wiaa le. ²⁹ Nii wiaa mi faasa he mi dolunj kala a titinj, ari Wia si jonj u dol-bal-la pimi di mi kaa titinj nii.

2

¹ Mii che di ma jinj nii mi si he dolunj a faasa tima pima a pe Wia nialaa si he Laadisiya le, ari Wia nialaa donsunj kala ha si bimi naa. ² Mii che di ba kenj boi-duonj a tinj chonuj si wuo kenba he donj, di ba wuo jinj wu-faali-la kala kala woruj a dere si tige Kirisito le a laa dii. ³ Wu-jimij kala he u teenj ne. U dunduja ne wuo nja la sene ku jinj wiaa a kenj wu-jimij.

⁴ Mi bul nii pipima di nuu-kala si wuo nyisema ari nii-sima. ⁵ Mi tuo ma teenj, ama mii biine ma wiaa ari mi he ma teenj, aa juose ma si nja Yesu yarida a chinj kpanj kpanj, a fiele ma yaraa.

Mii-zonj-la la si kene Kirisito teenj

⁶ Ma si seye ari Yesu Kirisito ne nja ma Tiina, ma lenj di wii-na kala ma sii nja le, duu nage ma duu nja kubala ne. ⁷ Ma lenj di ma naapoloo suusa juu-u woruj, di ma wuo gunne u wiaa woruj a wuo chinj ma yarida le, ari ma si gunne nii di ma nja. Ma ma pe a faasa lolle Wia woruj.

⁸ Ma si lenj di nuu-kala yuo diima di ma tou. Baa dagema nuhuobiine wu-jimij, a nyisema ari wialaa si bi bubuosa kene. Ba to nuhuobiinee naabalima weninj a dage di-suomuj wiaa nialinj sii to. Wiaa deenja bi Kirisito teenj lia. ⁹ Wia nagisij kala kala he Yesu nuhuobiine yara-la le ne. ¹⁰ Ma duu si nja kubala, ma bi kuj-kala chee ka. U ne kii Wia bii-bonjoo ari Wia bii-zonjoo ari Wia tinjaaraa kala. U ne kenba dolunj aa benja. ¹¹ Ma di Kirisito si nja kubala, u naga ari u keri ma penee ne. U bi naga nuhuobiinee kerinj. U ne naga ma wuo lenj ma faafaa wu-kene-la si bomo a ta. ¹² Wii-chuole liinj ba si foma, u naga ma di Kirisito kala ne ba jonjo hugi. Wia dol-bal-la wuo chise Yesu suunj le. A tinj ma si laa wiinj deenj dii, ma duu kala ne sii suunj le. ¹³ Ma faafaa wu-kene ari ma haacheba ne lenj ma naga ari ma suba. Ama Wia si lenj Yesu sii suunj le, ma ma kenj miisij. U jonj la haacheba kala a chela. ¹⁴ La chei u niinj wialaa kala u si nmuŋsa, ka u bi lenj la tel. Kirisito si suu daa-gese nyunj ne kpu wialaa la si nja ta. ¹⁵ U liise Sitaani ari Wia bii-bonjoo kala dolunj. U kenba muuri ni-danj

tuonj. U si suu daa-gese-la nyun n̄aa u juose ba nyun, ari nii-la s̄ii juose u ni-yuo-diilee nyun n̄ii.

¹⁶ Ma sí leñe di ba bil kisinnij pima a tinj kudiilee koo ku-nyualaa koo tapulaa le a jonj cheerij pima. ¹⁷ Kisinnij deenba naga ku-la si janj ko daaliiminj ne. Ku-la titia ne n̄aa Kirisito. ¹⁸ Ma sí leñe di nuu-kala jonj cheerij pima a pesema le di ma keñj ma titia a muuri, a chuchuoŋe Wia tinjdaaraa. Niaa deenba keñj wialinj ba si na a nage duosoo tuonj a kaa lere. Ba bi wii-kala n̄aa anj bibigisi ba titia le. Ba yie n̄aa n̄ii a tinj ba si yie biine ba yaraa wiaa ne. ¹⁹ Ba bi Kirisito le mere, nii-la si n̄aa la nyun. U ne n̄aa Wia niaa wauu le ari Wia s̄ii che n̄ii. Ba wauu le ari nuhuobiine yaraa hangbeli-susugusunj ari poloo si mere donjo le a waa n̄ii, anj ka nyun n̄aa ba dolunj tiina.

²⁰ Ma di Kirisito si suba n̄ii, u maga di ma liise ma titia di-suomunj wiaa, niaa fa s̄ii to. N̄ii wiaa, ma si ma titia jonjo to kisinnij le a nage ari ma haa to dunia wonjbiinj ne. Kisinni-la ne n̄la: ²¹ Ma sí kiaa donsunj kpagu, ma sí kiaa donsunj dii, ma sí kiaa donsunj digu. ²² Ma sí kudiile-la kisinni-la to. Kudiile-la ma s̄ii dii, ba janj dere ma yaraa le. Nuhuobiinee ne dage kisinnij deenba. ²³ Ba daginnij deenba yie nage ba keñj wu-jiminj. Ba yie dage di niaa to ba-na Wii-chuoŋe wonjbiinj, a bul di ba muuri ba titia, aa dogise ba yaraa. Daginnij deenba bi janj wuo n̄aa di niaa leñj ba yaraa wu-chooloo a ta.

3

¹ Ma di Kirisito kala si s̄ii suunj le ne n̄ii, máa che wialaa si he Wia-janj, lee-la Kirisito si honj u kuori-kpasa le Wia seme. ² Má jonj ma nyun kala he wialinj si he Wia-janj le, anj sí ma nyun jonjo he dunia wiaa le, ³ bee wiaa u naga ma suba ne. Ka ma miisinj faa Kirisito le. U ne he Wia teenj. ⁴ Kirisito ne n̄aa la miisinj. Bua-la le u si janj miira ko, niaa janj na ma duu kala di maa kpa a yiri-bal-la.

Má kpu dunia wialaa si hema le a ta

⁵ U maga di ma kpu dunia wialaa kala si hema le a ta ne. Ba ne n̄la: Ba-chorunj ari ha-chorunj wu-n̄aalaa, disinnij n̄aaninj, wu-liilinj n̄aaninj, wu-bonjhoɔ biininj, tuo-lunj wun̄aalaa. Tuo-lunj wun̄aalaa-na paala nage vuiaa kpaarinj ne. ⁶ Wia janj dogise nialaa [si bi u niinj seye] anj n̄ijn̄aa wiaa deenba. ⁷ Ma ma fa he nialaa tuonj ne a venee n̄aa wiaa deenba. ⁸ Ama leele u maga di ma jonj wiaa deenba kala ta. Ba ne n̄la: Baaninj naninj, baaninj fiisinj, wu-bonjhoɔ n̄aaninj niaa le, hari-gaarinj, wu-liilinj bulunj. ⁹ Ma sí wiaa nyia a pi donjo, bee wiaa ma jonj ma fafaa wu-bomɔ-la ma fa s̄ii n̄aa ta ne ¹⁰ anj leele tuto wu-kenɛ-la si zomɔ. Wia n̄aa ma waa wu-kenɛ deenba tuonj di ma wuo jinj u wiaa worunj a ku nage u titia nagisinj. ¹¹ Niaa deenba tuonj u bi wii kene di ma n̄aa juu tin̄jaa koo ma bi juu tin̄jaa n̄aa, di ma keru ma penee koo ma bi ma penee kere, di ma n̄aa nuhuoraa koo ni-gollo baaraa, di ma n̄aa yosunj koo di ma tii ma titia, Wia niaa tuonj wu-nyun ne n̄aa Kirisito.

¹² Wia liise ma a leñj ma n̄aa u niaa. U choma. N̄ii wiaa, má leñj di maa fá niaa nennige a keñj zile, a keñj ma titia muuri, a n̄aa chim, a keñj kenyiri. ¹³ Má keñj piina ari kenyiri ma donsunj teenj. Di ma keñj wii ari donjo maa, má jonjo che donjo. La Tiina si jonj ma haacheba chema, má ma jonjo che donjo n̄ii. ¹⁴ Wu-nyun ne n̄la: Má cho donjo. Chonunj ne janj pima dolunj di ma wuo kaa n̄aa wiaa deenba kala worunj. ¹⁵ Má honj ari yarifielaa a keñj

nii-bala Kirisito si pima. Wia yirema di ma hoŋ nii a tiŋ ma si ŋaa kubala. Má lolle Wia ¹⁶ a leŋ di wialaa kala Kirisito si bula he ma tuoŋ woruŋ. Má kpurise doŋoba digilaa aa dage doŋo ari wu-jimiŋ. Má yii yiila-la si he Wia teniŋ tuoŋ, ari Wia niaa yiila doŋsun, ari yiila Wia Diŋ-zoŋ-la si dagema. Má yii nii a pi Wia a lolu ma tuosaa le. ¹⁷ Wialiŋ kala ma sŋi ŋaa ari wialaa kala ma sŋi bul, má ŋaa ba kala la Tiina Yesu doluŋ le a lolle la Nyimma Wia u doluŋ le.

Wia niaa si maga baa ŋaa nii doŋoba le

¹⁸ Haalaa, má to ma balaba niŋ a tiŋ ma sŋi to Wia. ¹⁹ Baalaa, má cho ma haalaa, ma sí ba nyuŋ teru. ²⁰ Haŋbiisin, má to ma naanba ari ma nyimmaba wii-na kala le, nii ní toŋe Wia tuoŋ. ²¹ Nyimmaba, ma sí ma biiriŋ walimu kiŋkeŋ di ba yaraa yuore. ²² Yosun, má to nialaa si ŋaa ma tiŋŋaa dunia le wii-na kala le. Ma sí leŋe di ma tiŋ woruŋ bua-la le ma tiŋŋaa sŋi beŋma duŋduŋ, a sí che di ma tiŋ di ba besema le. Ama má tiŋ ari tuo-bala a tiŋ ma sŋi fá Wia. ²³ Tiŋtimii-la kala ma sŋi tiŋ, má tiŋ ari tuo-bala a nage ma tima pipi Wia ne, nuhuobiinee dee. ²⁴ Ma sí yu ari Wia jaŋ tiŋ ma time, kialin u si bil u niaa le Wia-jaŋ le. La Tiina Kirisito ne ma tiŋ tiŋtiŋŋa-la a pipa. ²⁵ Wu-boŋ ŋiŋaaraa ma jaŋ laa ba time a mage ba wu-boŋo-la ba si ŋaa le. Wia sipaŋ tuo nii-la ŋ si ŋaa le.

4

¹ Yosun tiŋŋaa, má to wutiti a joŋ mage nii si maga a pi ma yosuŋ, aŋ sí yu ari ma ma keŋ Tiina ne Wia-jaŋ le.

² Má chuole Wia bua-na kala a sí leŋ, a po ma titia le, aa lolle Wia. ³ Má pe chuole Wia pipila maa, di Wia wuo suri woŋbiŋ pila di la wuo bul Kirisito wialaa fa si faa, ⁴ a polli woruŋ nii mi si maga di mi bul. Ba wiaa ne tii ba keŋmi to dia.

⁵ Di ma he nialaa si bi Yesu niŋ to tuoŋ, má keŋ ma titia a jiŋ woŋbii-la ma si jaŋ to. Bua-na kala le di ma ne na woŋbiŋ, má bul wiaa piba aŋ pe ŋaa wu-zoŋŋo. ⁶ Má leŋ di ma wu-bulaa kala siŋ a keŋ bubuosa, di ma wuo jiŋ nii ma si jaŋ to a wuo chaare nuu-kala wiaa siaa pu.

Chuolaa

⁷ Tikikas jaŋ bul mi wiaa kala pima. U ŋaa la naanbii-choolii ne, a ŋaa Wia tiŋtinni-titii, a ŋaa la tiŋtinni doŋo ma Kirisito tiŋtiŋŋaa le. ⁸ Mii timu di ma jiŋ nii la si naga, di u wuo ŋaa di ma nyuŋ nyaase. ⁹ Ba di Oniisimas mii tiŋ. U ma ŋaa la naanbii-titii-la la si cho ne a ma lii ma jaŋ. Ba jaŋ bul wii-na kala si ŋaa daha a pima.

¹⁰ Arisitaakis ka chuolema. La duu kala ne ba kaa to dia. Maak-la si ŋaa Banabas naanbie maa chuolema. Mi laa sipaŋ dagema wialiŋ ma si jaŋ ŋaa le. Duu ne ko, má keŋu woruŋ. ¹¹ Yesu ba sŋi yire Jasitis ma si duu chuolema. Niaa deenba batori duŋduŋa ne ŋaa mi tiŋtinni-doŋsun a lii juu timma-la si ŋaa Yesu yarida tuoŋ, a pemi le aa bul Wia kuorii-la wiaa. Ba ŋaa mi tuoŋ fiele. ¹² Epafiras ma si lii ma jaŋ chuolema. U ma ŋaa Yesu Kirisito tiŋtinni-la doŋo ne aa tiŋ u tiŋtiŋŋaa. U yie chuole Wia pipima ari siifesiŋ, di ma waa dere Wia wiaa le a jiŋ woruŋ wialiŋ kala Wia sŋi che di ma ŋaa. ¹³ Mi jaŋ wuo bula pima nii u si faasa he u doluŋ kala a tima pima, ari nialiŋ kala si he Laadisiya ari Hiirapolis le. ¹⁴ Luuk, dokito-la la si cho ari Dimas ka chuolema. ¹⁵ Má chuole niaa deenba mi si che di mi diise a pima: La naanbiiri-la si he Laadisiya le, Nimifa ari nialiŋ

si laa Yesu wiaa dii aa hilimi u dia le. ¹⁶ Di ma karime teniŋ deen a pi ma niaa dere, má leŋ di ba ma karime ten-la a pi Wia nialaa si he Laadisiya le. Ka má ma laa mi ten-la Laadisiya niaa teen a ma karime ma tuon. ¹⁷ Má bula pi Akipas duu he u dolun kala an tin Wia tintimii-la worun u si jonon pu duu tin.

¹⁸ Lele mi-na Pool titia ní ŋmunse aa chuolema. Ma sí mi wiaa yu ari ba tomi dia. Wia jan pema le ari u lahorimo.

TEN-BUNBUN-LA PƆƆL SI N̄MUŊSA PI TESALONAACA NIAA

¹ Mi-na PƆƆl ari Silivaanas ari Timoti ne n̄muŋse teniŋ deen a pipi nialiŋ si laa Yesu wiaa dii aa hilimi a he Tesalonaaka le a n̄aa la Nyimma Wia ari la Tiina Yesu Kirisito niaa. Wia jan pema le di ma hoŋ ari yarifielaa.

PƆƆl lalle Wia a mu tige Tesalonaaka niaa le

² La yie chuole la Nyimma Wia pipima kala ne. Di la n̄ii chuole Wia, la yie lulollu ne a tiŋ ma wiaa. ³ La yie liliisu nii ma s̄ii tiŋ u tiŋtiŋŋaa a tiŋ ma si laa Yesu wiaa dii le, ari nii ma si cho niaa, ari nii ma si keŋ yielaa la Tiina Yesu Kirisito le. ⁴ Mi naan̄biiriŋ, la jima ne ari Wia choma ne woruŋ, nii ne tii u liisema di ma n̄aa u niaa. ⁵ Bua-la le la si bul Wia wu-zomɔ-la a pima, u bi naga ari wu-buluŋ duŋduŋa ne la ku bula pima. La si he ma teen, Wia wu-zomɔ-la fa keŋ doluŋ, ka Wia Diŋ-zoŋ-la ma fa he la teen. Wialiiŋ ma si nia juu ma digilaa ne woruŋ. La si he ma teen, ma na la mele fa si nage nii ne. Ma wiaa ne tii la keŋ la titia woruŋ nii. ⁶ Ma to la wu-ŋaalaa hariŋ ne a to la Tiina Kirisito maa. Ma si laa wialiiŋ dii nii, ba doŋisema woruŋ, ama Wia Diŋ-zoŋ-la leŋe ma jujuose wialiiŋ le. ⁷ A tiŋ wiŋ deen wiaa nialiŋ kala si laa Yesu wiaa dii a he Masidoonia ari Akaaya tiŋteen chebema le ne. ⁸ La Tiina Wia wialiiŋ ma si nia lii ma le ne a teeli Masidoonia ari Akaaya tiŋteen kala le. U nii duŋduŋa ma saa dee, lee-kala baa bul wiaa a mu tige Wia wialiiŋ ma si laa dii le. Nii wiaa u bira bi maga di la bul ma wiaa pi nuu-kala. ⁹ Niaa yie bubul nii ma si keŋla woruŋ bua-la le la si ko ma teen. Ba yie bul ari nii ma si via ma viaa ta aŋ birima to Wia. U ne weye, u ne n̄aa Wii-titii-la. ¹⁰ Maa gberɛ u Bie Yesu duu lii Wia jan ko. U ne Wia chise suuŋ le. U ne jan laala ta tapulii-la Wia baan̄iŋ si jan sii nuhuobiinee nyuŋ.

2

Tiŋtimii-la PƆƆl si tima Tesalonaaka le

¹ Mi naan̄biiriŋ, la fa si ko ma teen nii, ma jima u fa bi pei n̄aa. ² Aŋ ka la ko ma teen Tesalonaaka le, la fa laa sipaan̄ na heŋ ne. Ba doŋisela woruŋ Filipa taŋ-la le. La si che la bul Wia wu-zomɔ-la a pima maa, niaa yuga a lii la hariŋ. Ama Wia-la la si tima pipa pila nyu-duoŋ la wuo bul u wu-zomɔ-la a pima maa. ³ La bi ma teen ko di la ku bul wialiiŋ si bi wutitii n̄aa a pima. La bira bi tuɔbiŋ-bɔŋŋɔɔ ma kaa ko. La bi ma nyisa ma. ⁴ Wia na ari la n̄aa ni-titiiba ne. Nii ne tii u liisela di la bul u wu-zomɔ-la a pi niaa. Wialiiŋ la s̄ii bul, la fa bi che di la bul di niaa tuɔŋ toŋe la nyuŋ. Ama laa che di Wia tuɔŋ toŋe wialiiŋ la s̄ii bul le ne. U n̄ii beŋ la tuɔbiinaa. ⁵ Ma saa jima ari la si ko ma teen, la bi nii-sima ne kaa ko. La bi ko di la bul kanfugi wiaa a laa ma kiaa. Wia ne n̄aa la siada tiina. ⁶ La bi ma teen ko di ma niaa koo niaa doŋsuŋ zizilla. La si n̄aa Kirisito nan̄zooba nii, la fa jan hoŋ ma nyuŋ a gberɛma. ⁷ Ama la bi nii n̄aa. La leŋe la siaa fiele ma teen ne, ari haala si yie bibeŋ u biiriŋ nyuŋ nii. ⁸ La si ku choma woruŋ, la joŋ la titia kala a pima ne, la bi Wia wu-zomɔ-la duŋduŋa bula pima. La n̄aa nii, beɛ wiaa la di ma kala mal doŋɔ ne kin̄ken kin̄ken.

⁹ La naan̄biirin, ma jin̄ n̄ii la fa si faasa tin̄ a na heen̄ bua-la le la fa s̄ii bul Wia wu-zom̄o-la aa pima. La tin̄ wiiheye ari titan̄in̄ kala ne, di la si ma nyun̄ hon̄ a gberema. ¹⁰ Ma di Wia kala jan̄ n̄aa la siada tin̄n̄aa ari la fa si he ma nialin̄ si laa Yesu wiaa dii teen̄, la wu-n̄aalaa kala fa to Wia won̄biin̄ ne a n̄aa wutitii. La bi wii-kala n̄aa chei. ¹¹ La si he ma teen̄, la keŋma, ari han̄biisin̄ nyimma si yie keŋ u han̄biisin̄ n̄ii ne. Ma jin̄ n̄ii la si chagile ma kun̄-kala di ma wuo to wutitii-la a wuo leŋ ma nyun̄ nyaase. La bira sulma ¹² di ma leŋ di ma mele zon̄ Wia sipaan̄. Wia ne yirema di ma ku juu u kuorii-la tuon̄ an̄ pe na u tula.

¹³ A tin̄ wiin̄ deen̄ wiaa, la yie lulolle Wia ne bua-na kala. La si keŋ Wia wialin̄ ku bula pima maa, ma laaba a seiba ne. Ma bi biina ari ba n̄aa nuhuobiine wiaa, ama ma seiba ari ba sene n̄aa Wia wiaa ne. Ma nialin̄ si laa Yesu wiaa dii, Wia niin̄ wiaa deen̄ba leŋ ma chin̄ kpan̄ kpan̄ wialin̄ ma si laa dii le.

¹⁴ Mi naan̄biirin, ma ma ku nage nialin̄ si laa Yesu wiaa dii aa hilimi aa to Yesu Kirisito, a he Judiya tin̄teen̄ le. Hee-la ba si na, u titia ne ma ma na. Juu tin̄n̄aa si dogise ba tuon̄ nialin̄ si laa Yesu wiaa dii Judiya tin̄teen̄ le n̄ii, n̄ii ne ma ma na heen̄ ma tan̄ niaa nisin̄ le. ¹⁵ Juu tin̄n̄aa deen̄ba ne kpu la Tiina Yesu ari nialin̄ fa s̄ii bul wiaa, Wia Din̄-zon̄-la dolun̄ le. Ba to naasin̄ dogisela maa. Wia tuon̄ bi ba nyun̄ toro. Ba hosi nuu-kala nyun̄. ¹⁶ Ba paala pugila, di la si Wia wiaa bula pi nialin̄ si bi Juu tin̄n̄aa n̄aa di Wia laaba ta. Wu-bom̄o-la ba si n̄aa, ba tuon̄ wu-bomun̄ ne n̄la. Ama leele Wia baan̄in̄ sii ba nyun̄ ne.

Pɔɔl bul duu cho duu miira mu na Tesalonaaka timma-la

¹⁷ Mi naan̄biirin, la si pore don̄o le, u bi diene, ka laa biine ma wiaa. La si bi maa na n̄ii, n̄ii ne la faa che la ku nama ari siifiesin̄. ¹⁸ Mi-na Pɔɔl titia paala nerike nerike ne di mi bira ku nama, ama Sitaani to la won̄biin̄. ¹⁹ La yielaa hema le ne. La tuon̄ tore ma nyun̄. Di la Tiina Yesu ne miira ko, a tin̄ ma wiaa la jan̄ bigisi la titia le. ²⁰ Ma ne laa yirin̄ pila. A tin̄ ma wiaa la yie juuose ne.

3

¹ La si walima ka di la ku nama, n̄ii ne la biine ari u jan̄ pela le di la ne hon̄ Aten̄ tan̄-la le, ² an̄ tin̄ la naan̄bie Timoti duu ku nama. U tima pipi Wia ne aa bul Wia wu-zom̄o-la si tige Kirisito le ne a pima. U pema le di ma chin̄ wialin̄ ma si laa dii le worun̄ a wuo leŋ ma nyun̄ nyaase. ³ Ma s̄ii na heen̄ n̄ii, u jan̄ pema le di nuu-kala boye si jujon̄ a mu tige hee-la ma s̄ii na le. Wia ne liisela la na hee-la. ⁴ La fa si he ma teen̄, la laa sipaan̄ bula pima ari la jan̄ na heen̄. Wialin̄ la si bula pima ku n̄aa wutitii ne. Leele ma naba ne.

⁵ Mi si nyalima lol di mi ku nama, n̄ii ne mi tin̄ Timoti di mi jin̄ n̄ii ma si china a mu tige wialin̄ ma si laa dii le. Mi fá fawullun̄ ari Sitaani jan̄ magisema a n̄aa di ma jon̄ wialin̄ ma si laa dii ta. Di ma ne n̄aa n̄ii, tin̄timii-la la si tima ma teen̄ jan̄ n̄aa pei. ⁶ Ama leele Timoti si lii ma teen̄ ko, u keŋ wu-zon̄ ne ku bula pila. U bula pila ari ma chin̄ wialin̄ ma si laa dii le ne a cho niaa maa. U bira bula pila ari ma yie liliisi la wiaa ne worun̄ bua-na kala le, a fa cho di ma nala, ari la ma s̄ii cho di la nama n̄ii. ⁷ Mi naan̄biirin, laa na heen̄ ne ka wiaa wiwalimela. Ama la si nia ari ma chin̄ ma yarida le n̄ii, la tuon̄ pin̄ di-bala ne. ⁸ Di ma ne chin̄ ma yarida le, leele-na la na wiese ne.

⁹ La bi jan̄ wuo lolle Wia a mu dere a tin̄ ma wiaa. La yie jujuose Wia sipaan̄ ne a tin̄ ma wiaa. ¹⁰ Laa sul Wia ne woruñ titañ ari wiihaye kala di la wuo ku nama, a wuo pema le di ma na kialin̄ si ka a tige ma yarida le. ¹¹ Laa sul la Nyimma Wia ari la Tiina Yesu di ba che won̄biin̄ pila di la ko ma teen̄. ¹² La biraa sul la Tiina Yesu duu pema le di ma wasa cho dɔŋɔ, di ma cho dɔŋɔ kin̄ken̄ a cho nuu-kala, ari la si choma nii, ¹³ an̄ bira sulu duu len̄ di ma ken̄ doluñ ma tuon̄ le, a ken̄ tuo-pula la Nyimma Wia sipaan̄, a sí wii-kala ken̄ tapulii-la la Tiina Yesu ari u niaa si jan̄ miira ko.

4

Wialin̄ sí tɔre Wia tuon̄

¹ Mi naan̄biirin̄, wialin̄ mi sí che di mi bul wu-kaanin̄ ne ñla: Laa sulma la Tiina Yesu doluñ le di ma len̄ di ma mele zon̄, di Wia tuon̄ tɔre ma nyuñ. Ma na ñii la fa sí ken̄ la titia ma teen̄. Ma gunne meli-zon̄-la la teen̄. Ma mele si zon̄ ñii, má ñaa ñii a pipe. ² Ma jin̄ wialin̄ la Tiina Yesu si jon̄o pila di la ma jon̄o dagema. Má to wiaa deen̄ba. ³ Wialin̄ sí tɔre Wia tuon̄ ne ñla, di ma sí disinnin̄ ken̄. U cho di ma liise ma titia ha-chorun̄ ari ba-chorun̄ wu-ñaalaa le. ⁴ Nu-u-kala maga duu to Wia won̄biin̄ le a jaa haala, di Wia tuon̄ tɔre. Duu ne to ñii, nuu-kala jan̄ zilu a na duu bi disinnin̄ kala kene wiin̄ deen̄ le. ⁵ Ma sí ma tuotɔre wu-ñaalaa le to a gollo chiche haalaa ari nialin̄ si bi Wia jin̄ sí ñaa ñii. ⁶ Bira nuu-kala sí wii ñaa chei u dɔŋɔ tiina a tige u haala le. La chaasa bula pima ne faafaa kala ari Wia jan̄ dɔgise nialin̄ si ñaa disinnin̄ a tige haalaa le. ⁷ Wia bila liisa di la ñin̄aa wu-liilin̄, ama u liisela di la ñaa tuo-pul timma ne. ⁸ Nii-la kala si via wialin̄ mi si bula, nuhuobiine dee tiina via, Wia ne u via ñii, nii-la si jon̄ u Din̄-zon̄-la pima.

⁹ Mi naan̄biirin̄, u bi maga di mi ñmun̄se tenin̄ a bula pima ñii ma si jan̄ cho dɔŋɔ, bæe wiaa Wia titia dagema ñii ma si jan̄ cho dɔŋɔ ne. ¹⁰ Wutitii, ma paala cho nialin̄ kala si laa Yesu wiaa dii a he Masidoonia le ne. Mi naan̄biirin̄, la saa sulma di ma wasa cho niaa kii ñii. ¹¹ La laa sipaan̄ bula pima di ma he ma doluñ kala a fiela hon̄, a biben̄ ma titia tin̄tin̄ñaa nyuñ a wuo nina ma ku-cheelee. ¹² Di ma ne ñaa ñii, nialin̄ si bi Wia wiaa laa dii jan̄ zizilma. Ma bi jan̄ hon̄o gbere nuu duu pima ma ku-cheelee.

¹³ Mi naan̄biirin̄, laa che di ma jin̄ wutitii-la a mu tige nialin̄ si suba le, di ma tuon̄ sí faasa chei a nage nialin̄ si bi kuñ-kala ka yiele tuon̄ si chei ñii. ¹⁴ La si laa dii ari Yesu suba ne an̄ sii suuñ le, ñii titia ne la ma laa dii ari Wia jan̄ chise nialin̄ si laa Yesu wiaa dii an̄ suu.

Yesu jan̄ chise nialin̄ si laa u wiaa dii suuñ le

¹⁵ La Tiina Yesu dagela ñla: La nialin̄ si laa Yesu wiaa dii a he la miisin̄ le tapulii-la la Tiina Yesu si jan̄ miira ko, la bi jan̄ laa nialin̄ si suba sipaan̄ a mu Yesu teen̄. ¹⁶ Bua kubala la Tiina Yesu jan̄ lii Wia-jan̄ a ku tuu dunia. Bua-la le niaa jan̄ nii duu faasa kpia gon̄. Wia tin̄daara kuhian̄ ma jan̄ kpia, ka di ba ñmuu Wia nyile-la maa. Nialin̄ kala si laa Kirisito wiaa dii an̄ suu, u jan̄ laa sipaan̄ chiseba di ba sii suuñ le. ¹⁷ La nialin̄ si he la miisin̄ le, u jan̄ kesela kaa pe nialin̄ u chisa suuñ le, di la kala cheñ la Tiina Yesu duon̄bilin̄baanaa tuon̄ wia nyuñ. La jan̄ he la Tiina teen̄ a kaa mu wuu. ¹⁸ Má bul wiaa deen̄ba a pi dɔŋɔ di ma tuosaa pin̄ di-bala.

5

Má ñaa siri a gberε tapulii-la la Tiina Yesu si jaŋ miira kɔ

¹ Mi naan̄biirin, u bi maga di mi ñmun̄se a bula pima a dagema tapulii-la ari bua-la le wiaa deen̄ba si jaŋ ñaa, ² beε wiaa ma titia jima woruŋ di la Tiina Yesu n̄i kɔ tapulii-la, u jaŋ di-ma le, ari gaara si yie guu kɔ ñii titaŋin. ³ Bua-la le niaa si jaŋ biine ari lerin fiela ne di wii-kala tuo, wahala jaŋ guu a juuba. Nuu-kala bi jaŋ wuo fá lel. U jaŋ nage ari haala si keŋ luorun, u luorun sii a wiwiu le duu lul.

⁴ Ama mi naan̄biirin, ma-na tuo birimin̄ tuɔŋ. Ma sí leŋe di bua-la guu ku di-ma le, ari gaara si yie juu gaa niaa kiaa a di-ba le ñii. ⁵ Ma kala ñaa nialin̄ si he pulumuŋ tuɔŋ ne. La tuo titaŋin, la tuo birimin̄ tuɔŋ. ⁶ Ñii wiaa, u bi maga di la pin̄ doŋ ari nialin̄ si bi la Tiina gberε s̄ii ñaa ñii. Ama u maga di la wei a keŋ la titia wii-na kala le. ⁷ Titaŋin ne niaa pipin̄ doŋ. Titaŋin ma ne niaa nyua sinin̄ bubugi. ⁸ Ama la-na he pulumuŋ tuɔŋ ne, ñii wiaa u maga di la keŋ la titia wii-na kala le ne. Wialin̄ la si laa dii ari la si cho niaa ñii, má leŋ di ba nage kiaa la si joŋo to la boisin̄. La s̄ii yiele di Wia laala ta ñii, má leŋ duu nage hɔɔŋ nyuŋ-chuulo di la chu, ⁹ beε wiaa Wia bila liisa duu na baanin̄ la nyuŋ. Ama u liisela duu to la Tiina Yesu Kirisito le ne a laala ta. ¹⁰ La wiaa ne tii u suu, ñii wiaa, di la ne suba koo di la ne weye, la keŋ miisin̄ u teen̄. ¹¹ A tin̄ wiin̄ deen̄ wiaa, má ñaa di ma doŋsuŋ tin̄ñaa nyuŋ nyaase, a pipe doŋo le di ma wasa ñaa Wia yarida. Wialin̄ titia ne ma ñaa leele.

¹² La naan̄biirin, nialin̄ la Tiina Kirisito si liisa di ba titin̄ ma teen̄ aŋ pe ñaa nihasin̄ ma teen̄ aa dagema Wia wiaa, u maga di ma zizilba. ¹³ Má zizilba a choba woruŋ a tin̄ tin̄timii-la ba s̄ii tin̄ wiaa. Má hɔŋ sɔm a ñaa sima doŋo le.

¹⁴ La naan̄biirin, laa sulma di ma kpurise yariwii tin̄ñaa digilaa, a pe fawulubaa le di ba keŋ boi-duon̄, a pe nialin̄ si bi faasa chin̄ Wia wiaa le. Má keŋ kenyiri ari niaa deen̄ba kala. ¹⁵ Di nuu ne ñaa u doŋo tiina wu-bɔŋ, u bi maga duu ma ñaa wu-bɔŋ-la a timu. Ama bua-na kala le, má ññaa wu-zɔŋɔɔ doŋo le ari nuu-kala le. ¹⁶ Má jujuose bua-na kala le ¹⁷ a chuchuoε Wia bua-na kala le. ¹⁸ Wii-na kala le, má lolle Wia. Ma si laa Yesu Kirisito wiaa dii ñii, ñla ne Wia cho di maa ñaa.

Pɔɔl chagile Tesalonaaka tin̄ñaa a chuoleba

¹⁹ Wia Din̄-zɔŋ-la tin̄tin̄ñaa nage nyinin̄. Ma síu disu. ²⁰ Ma sí wialin̄ ba si bula Wia Din̄-zɔŋ-la doluŋ le via. ²¹ Ama má magise wii-kala na, a liise ku-la si zɔmɔ a kenu woruŋ. ²² Má liise ma titia wu-bɔŋ kala le. ²³ Mii sul Wia-la s̄ii pi niaa yarifielaa duu leŋ di ma wasa keŋ tuo-pula. U jaŋ beŋ ma tuɔbiinaa ari ma yaraa kala a liisema wu-bɔŋ-na kala le, di ma wuo ñaa ni-zɔŋɔɔ a sí disinnin̄ keŋ, a mu yi tapulii-la la Tiina Yesu Kirisito si jaŋ kɔ. ²⁴ Nii-la si yirema ñaa Wutitii Tiina ne, u jaŋ beŋma.

²⁵ La naan̄biirin, má ma sul Wia pila. ²⁶ Má guori doŋo a chuole la naan̄biiri-la kala woruŋ.

²⁷ Mii kpurise ma digilaa Wia doluŋ le di ma karime tenin̄ deen̄ a pi la naan̄biiri-la kala.

²⁸ La Tiina Yesu Kirisito lahɔrimo le, u jaŋ pema le.

TEN-LIA-LA PÓOL SI N̄MUNSA PI TESALONAAKA NIAA

¹ Mi-na Póol ari Silivaanas ari Timoti ne n̄munse teniŋ deen̄ pipi ma nialin̄ si laa Yesu wiaa dii aa hilimi Tesalonaaka le, a n̄aa la Nyimma Wia, ari la Tiina Yesu Kirisito niaa.

² La Nyimma Wia jan̄ pema le a len̄ ma h̄on̄ ari yarifielaa u dolun̄ le, ari la Tiina Yesu Kirisito dolun̄ le.

Tapulii-la Yesu si jan̄ miira k̄o, nialin̄ si na h̄een̄ u wiaa, ba tuon̄ jan̄ t̄ore

³ Mi naan̄biirin̄, ma wasa chin̄ ma yarida le a wasa cho d̄on̄o kin̄ken̄ kin̄ken̄. Ma si n̄aa n̄ii, u n̄aa la tintimii ne di la l̄olle Wia a pima. ⁴ Di la ne bul ma wiaa nialin̄ si laa Yesu wiaa dii aa hilimi leree d̄on̄sun̄, la yie bigisi la titia le a tin̄ ma wiaa, b̄ee wiaa ba si to naasin̄ d̄ogisema, ma na h̄een̄, an̄ ka ma nyalime a chin̄ ma yarida naan̄ le.

⁵ Ma si na h̄een̄ a tin̄ Wia kuorii-la wiaa ne, Wia to wutitii-la a liisema ta, a len̄ di ma wuo juu u kuorii-la tuon̄. ⁶ Ama u jan̄ d̄ogise nialin̄ si d̄ogisema mage n̄ii kala ba si d̄ogisema mage. ⁷ U jan̄ pila wiese a pima ma wiese. Wiin̄ deen̄ jan̄ n̄aa bua-la le la Tiina Yesu si jan̄ k̄o ari u tin̄daara-la. Ba ne ken̄ dolun̄. ⁸ U si jan̄ k̄o, u jan̄ nage nyin̄-gelin̄ a d̄ogise nialin̄ si bi Wia jin̄ ari nialin̄ si bi Wia wu-zom̄o-la si tige la Tiina Yesu le ka to. ⁹ Wia jan̄ d̄ogiseba di ba suu. Suu-la bi jan̄ dere. Ba bi jan̄ wuo mu la Tiina Yesu teen̄. Ba bira bi jan̄ wuo na u tula ari u dolun̄. ¹⁰ Tapulii-la u si jan̄ k̄o, Wia niaa kala jan̄ pu yirin̄. Nialin̄ kala si laa u wiaa dii ma jan̄ zizilu. Ma ma jan̄ he ba tuon̄, b̄ee wiaa ma laa wialin̄ la si bula pima dii ne.

¹¹ A tin̄ wiin̄ deen̄ wiaa la yie chuole Wia pipima bua-na kala le ne. La sul Wia duu len̄ di ma wuo juu u kuorii-la tuon̄, a len̄ di ma wuo n̄in̄aa wu-zom̄o-la ma si cho, a wuo chin̄ ma yarida naan̄ le a mu dere. La sulu duu n̄aa n̄ii u dolun̄ le. ¹² La bira sul Wia di la Tiina Yesu yirin̄ toma le a yire, di ma ma laa yirin̄ u teen̄. Wiin̄ deen̄ jan̄ n̄aa la Nyimma Wia ari la Tiina Yesu Kirisito lah̄orimo le.

2

Di Yesu ne k̄o, u jan̄ nyage wu-b̄on̄n̄oo kuoru-la a n̄muure

¹ Mi naan̄biirin̄, mii che di mi bul la Tiina Yesu Kirisito si jan̄ miira k̄o wiaa ne a pima. Duu n̄ii k̄o, u jan̄ len̄ la hilimi a chemu. ² N̄ii wiaa, ma si len̄e di ma tuobiinaa guu vugime koo di ma boye jon̄ di nuu ne si ari tapulii-la Yesu si jan̄ k̄o yie ne. N̄ bi p̄oo nuu jan̄ lii ma tuon̄ a bul di Wia Din̄-zon̄-la bula pu ari Yesu k̄o ne, koo nuu sii bul Wia wiaa ma jan̄ wuo bul n̄ii pima, koo niaa jan̄ nyia wiaa bul ari la ne n̄munsa pima ari Yesu k̄o ne. ³⁻⁴ Ma si len̄e di nuu-kala nyisema won̄bii kala le. Tapulii-la bi jan̄ yi, see di niaa sisii a n̄aa taawei a via Wia. N̄ii harin̄ le ni-b̄on̄n̄oo kuoro, n̄ii-la Wia si jan̄ jon̄o he nyinin̄ le, jan̄ ken̄ u titia kaa dagema. U ne n̄aa nii-la si lii Wia harin̄ a ken̄ u titia a kaa yuga kii Wia ari kun̄-kala nuhuobiine sii chuolu. U jan̄ juu h̄on̄ Wia-dia tuon̄ a bul ari u ne n̄aa Wia. ⁵ Ma bi liise yi ari mi si k̄o ma teen̄, mi bul wiaa deen̄ba pima? ⁶ Wii ne tii ni-b̄on̄n̄oo kuoru-la ha bi k̄o. Ma jin̄ wii-la si tii ne. Ama di bua-la ne yie, ni-b̄on̄n̄oo kuoru-la jan̄ k̄o.

⁷ Níaa paala ñjñaa taawei ne aa via Wia, ama ba bi ñji ñaa níaa níaa. Nuu ne he dime a kaa bil. Nii-la si keñ wialij bil di ba sí ñaa, see di u surisa a pi wonjiin, ⁸ ka di ni-bonñoo kuoru-la-na ko. Bua-la le la Tiina Yesu jan miira ko ari u tula, a puuse u niin pelij a kpu wu-bonñoo kuoru-la. U tula-la jan nyage wu-bonñoo kuoru-la a ñmuure. ⁹ Ni-bonñoo kuoro jan keñ Sitaani doluj a ko. U jan nyise níaa ari wu-magilaa ari wu-kpunñkperisin. ¹⁰ U jan keñ wu-bonñ-na kala kaa ko a nyise nialij si jan lel, bee wíaa ba via di ba cho wutitii ne di Wia laaba ta. ¹¹ Ba si via wutitii-la ñji, Wia piba wonjiin ne di ba tuto wu-nyiarin harin. ¹² Nii-la kala si bi wutitii-la cho añ cho wu-bonñoo, Wia jan ñii u sariya a jon cheerin pu a leñ duu suu.

¹³ La naanjiirin, la yie lolle Wia pipima bua-na kala le, ma nialij la Tiina Yesu si cho. Bunñun kala ne Wia liisema duu laama ta. Wia to u Diñ-zonñ-aa doluj le duu leñ di ma ñaa tuo-pul timma a tinj ma si laa wutitii-la ñii wíaa. ¹⁴ Wia wu-zomñ-la la si bula pima, Wia tou le ne a yirema. Wia yirema di ma ku to keñ la Tiina Yesu Kirisito tula-la ne. ¹⁵ Ñji wíaa mi naanjiirin, má chinj wutitii-la le la si dagema ari wialij la si ñmunña pima.

¹⁶ La Tiina Yesu Kirisito ari la Nyimma Wia lahorimñ le, u chola a wuo ñaa la tuon pin di-bala aa mu wuu, di la wuo yiyele ku-zonñoo. ¹⁷ Laa sulu duu leñ di ma nyun nyaase, a pima doluj di ma ñjñaa wu-zonñoo aa bul wu-zomñ-la maa.

3

Pool bula pi níaa di ba chuole Wia pu

¹ Mi naanjiirin, wialij mi síi che di mi bul u diderin ne ñla: Má chuole Wia pila di la Tiina niin wíaa wuo teeli lee-na kala a laa yirin, ari u si laa yirin ñii ma teenj. ² Má bira chuole Wia a pipila, di Wia wuo liisela ni-bonñoo nisij le, bee wíaa níaa kala dee bi Wia niin wialij laa ñii. ³ Ama la Tiina Yesu keñ zile. U jan pima doluj a liisema Sitaani nisij le. ⁴ La Tiina Wia leñe la ñaama yarida, la saa laa ñii ari wialij la si bula pima, maa ñaaba ne. La bira laa ñii ari ma jan keñ ñii naan le aa mu. ⁵ Mii sul la Tiina Wia duu leñ di ma wuo jin ma tuon le ari u choma woruj. Mii sulu duu leñ di ma wuo keñ kenyiri Kirisito doluj le.

Nuu-kala bi maga duu keñ yariwiiñ

⁶ Mi naanjiirin, la Tiina Yesu Kirisito doluj le, la bula pipima di ma liise ma titia nialij si he ma tuon a keñ yariwiiñ le, nialij si bi wialij la si bula pima ka to. ⁷ Ma titia jima ari u maga di ma ñaa wialij titia la síi ñaa. La si ko ma teenj, la fa bi yariwiiñ kene. ⁸ La fa bi nuu-kala kudiilee die di la bi tiina time. La tima ne woruj siifiesin, a na heen wiiheye ari titanij kala di la wuo níaa la ku-cheelee, di la sí hono gberé ma kun-kala aa che kíaa ma teenj. ⁹ La si ñaa ñii, u bi naga ari la bi wonjiin kene di la laa kíaa ma teenj ne. Ama la faasa tinj ñii di ma wuo to la naa-buasun ne. ¹⁰ La fa si he ma teenj, la bula pima di nuu-kala ne bi tinññaa ka tinj, u bi maga duu ñii kudiilee. ¹¹ La nia ari yariwii tinññaa he ma tuon. Ba bi tinñmii ka tinj, see di ba jon he niin he níaa wíaa le. ¹² La Tiina Yesu Kirisito doluj le la bula pi níaa deenba aa kpurise ba digilaa ne di ba keñ ba titia woruj a tinj tinññaa a wuo na ba titia kudiilee didii. ¹³ Ama la naanjiirin, ma sí lol wu-zonñoo ñaaniñ le.

¹⁴ Di nuu ne he ma tuon a bi wialij la si bula pima tenin deen tuon ka to, má jin u tiina a liise ma titia u le, a leñ di hiisij kenu. ¹⁵ Ma sí wíaa

ɲiɲaa u ɛ ari u ɲaa diɲɔɲ nɛ. Ama mǎ leɲ ari u ɲaa ma naaɲbii nɛ aɲ kpurisɛ u digilaa.

Wu-kaanij

¹⁶ Laa sul la Tiina Kirisito, nii-la si keɲ yarifiɛlaa, duu pima yarifiɛla-la bua-na kala ɛ. La Tiina Kirisito pɛ ma kala ɛ.

¹⁷ Mi-na Pɔɔl titia nɛ ɲmuɲɛ ari mi nisij aa chuɔɛma. Mi venɛɛ ɲaa ɲii mi tennij kala ɛ, a dage ɲii ari mi nɛ ɲmuɲɛ tenij deɛɲ. Nla nɛ mi yie ɲmuɲɛ teɲ-la ɛ. Mii chuɔɛma. ¹⁸ La Tiina Yesu Kirisito lahorimɔ ɛ, ma jan hɔɲ ari yarifiɛlaa.

TEN-BUNBUN-LA PƆƆL SI N̄MUNSA PI TIMOTI

¹ Mi-na PƆƆl n̄e n̄munse teniŋ deen̄. La Tiina Wia ari Kirisito Yesu tuot̄orun̄ l̄e n̄e ba liisemi di mi n̄aa Kirisito Yesu nan̄zɔɔ. Wia n̄e laala tita. Kirisito Yesu l̄e n̄e laa yiele.

² Mi n̄munse teniŋ deen̄ a pipi n̄-na Timoti n̄e. A tin̄ n̄ si laa Kirisito wiaa dii l̄e, n̄ n̄aa mi bii-titii n̄e. La Nyimma Wia ari la Tiina Kirisito Yesu lahorimɔ l̄e, ba jan̄ f̄an̄ nennige a len̄ di n̄ hɔŋ ari yarifielaa.

Má pɔ ma titia l̄e a mu tige nialin̄ s̄i dage wu-nyiarin̄ l̄e

³ Bua-la l̄e la fa si he Efesis l̄e, mi bula pin̄ di n̄ hɔŋ dime, an̄ ka di mi mu Masidoonia tin̄teen̄. Mi bula pin̄ di n̄ hɔŋ dime a wuo p̄e Wia niaa l̄e. Niaa dɔŋsun̄ n̄e he dime aa nyiseba. Ba bi wutitii jon̄oo dageba. Mi bula pin̄ di n̄ bula pi niaa deen̄ba di ba len̄ ba wu-nyiar̄i wialin̄. ⁴ Mii che di mi bira bula pin̄ di n̄ bula piba di ba s̄i ba sun̄sɔgulo-la jon̄o he ba nyun̄ l̄e, an̄ si ba naabalimaba doho niaa wiaa si duomo nii diisu. Wiaa deen̄ba yie n̄aa niaa ken̄ nii-dolun̄ n̄e. Nii-dolun̄ ma bi jan̄ p̄eba l̄e di ba n̄aa Wia yarida a laa wii-la dii u s̄i che duu n̄aa pi u niaa. ⁵ Mi bul nii pin̄ di n̄ bula piba di ba cho ba dɔŋsun̄ tin̄ŋaa ari tuo-pula, a len̄ di ba tuobiinaa chesi, a bira len̄ di ba yarida wasa dol worun̄. ⁶ Niaa dɔŋsun̄ via wiaa deen̄ba n̄e an̄ miiraa bul wu-yaayasin̄. ⁷ Moosis fa n̄munse wialin̄ bil di niaa tuto n̄e. Niaa deen̄ba fa cho di ba dage wiaa deen̄ba a pi niaa, ama ba titia bi wialin̄ ba si n̄munsa bubuɔŋ jin̄. Ba bi wialin̄ ma ba s̄i bul chaasa jin̄.

⁸ La jima ari wialin̄ Moosis si n̄munsa bil di niaa tuto, ba zomɔ n̄e, di niaa ken̄ba kaa titin̄ ari ba si dage nii. ⁹ U bira maga di la jin̄ ari wialin̄ Moosis fa si n̄munsa bil di niaa tuto, u bi n̄munsa pi tuo-pul tin̄ŋaa. Ama ba n̄munsa pi nialin̄ s̄i chei Wia niin̄ wu-bulaa n̄e. U bira n̄munsa pi ni-bɔŋɔɔ, ari nialin̄ si bi Wia ka fá, ari haache diiree, ari nialin̄ si bi Wia ka to, ari nialin̄ s̄i kpu ba nyimmaba ari ba naan̄ba, ari ni-kpuuraa. ¹⁰ Ba bira n̄munse wiaa deen̄ba a pi ba-liilin̄ ari ha-liilin̄ n̄e, ari baala-la si gollo tuu ba dɔŋɔba bubuo-niiree, ari nialin̄ si gollo paa niaa biirin̄ a kaa faa l̄el. Ba bira n̄munse wiaa deen̄ba a pi wu-nyiaraa ari dan̄sia wu-nyiaraa, ari nialin̄ si bi Wia won̄bii-titii-la ka to. ¹¹ Wialin̄ mi si dagema lii Wia wu-zomɔ-la tuɔŋ n̄e, u si jon̄o pimi di mi bula pima. Wia n̄e ken̄ yirin̄ dunia l̄e.

PƆƆl lɔlle Wia a mu tige nennige-la u si kene u l̄e

¹² Mii lɔlle la Tiina Kirisito Yesu, b̄e wiaa u n̄e bene di mi maga di mi bul u niin̄ wiaa pi niaa. Nii n̄e tii u liisemi di mi tima pu. U n̄e pimi dolun̄ di mi wuo titin̄ tin̄timin̄ deen̄. ¹³ Bun̄bur̄n̄ kala n̄e paala mi bul wu-bɔŋɔɔ u l̄e a to naasin̄ tutuusu maa. Ka Kirisito ha fámi nennige a liisemi di mi timaa pu. Bua-la kala l̄e mi fa s̄i n̄aa nii, mi fa bi jin̄ wii-la mi s̄i n̄aa. Mi fa bi u wiaa laa dii maa. Nii n̄e tii mi faa n̄aa nii. ¹⁴ An̄ ka la Tiina Wia ha p̄emi l̄e kin̄ken̄ kin̄ken̄ a len̄ mi n̄aa Kirisito Yesu yarida, an̄ p̄e chou. ¹⁵ Mii che di mi bul wiin̄ n̄e pima. U n̄aa wutitii n̄e. U saa maga di nuu-kala jin̄ wii-la. U n̄e n̄la: Kirisito Yesu ku tuu dunia n̄e duu laa haache diiree ta. Mi n̄e saa paala n̄aa ba tuɔŋ ni-bomun̄. ¹⁶ An̄ ka Kirisito Yesu ha fámi nennige, mi-na nii-la si chaasa n̄aa wu-bɔŋɔɔ a kii nuu-kala. U n̄aa nii a tomi l̄e a dage niaa nii u si ken̄ kenyiri. Nii l̄e n̄e niaa dɔŋsun̄ jan̄ to u

harin a laa u wiaa dii, a ken miisi-la si bi dere. ¹⁷ Má len di la denne la Nyimma Wia an pe zilu a kaa mu wuu. U ne nii-la si dii kuorun a kaa mu deen deen. U-na bi suu. Niaa ma buu ka na. U dunđuña ne ñaa Wia. Ami.

¹⁸ Timoti, mi bii, mii che di mi bul wii ne a pin. Nialin sii bul wiaa, Wia Din-zon-la dolun le fa bul wiaa a tigen le. Sí wialin yu. N nage laali-yuoru ne. Len di wialin ñaa ñ laali-yuori kiaa, di ñ kaa wuo yuo laalin worun. ¹⁹ Di ñ nii yuo laal-la, chin ñ yarida naan le a len di ñ tuobiinaa chesi. Niaa donsun bira bi ba tuobiinaa lee to, nii ne tii ba jon ba yarida ta. ²⁰ Haminiyas ari Alekizanda ma he niaa deenba tuon ne. Nii ne mi jonba he Sitaani nisin le duu dogiseba, di ba gunne wu-jimin, di ba bira sí Wia jonnoo tuusu.

2

Wonjii-la Wia niaa si maga di ba to a chuchuole Wia

¹ Siifan wii ne mii che di mi laa sipaan bula pima. U ne ñla: Má chuole Wia an pe susulu duu pima kialin ma sii che. Má chuole Wia a pipi ma donsun tinjaa maa, an pe lulollu. Má bira chuole Wia a pipi nuu-kala. ² Má chuole Wia pipi kuoroo ari nialin si ken dolun ma le, di la wuo hon som ari yarifielaa, a wuo tuto Wia a ñjaa wialin kala sii to Wia wonjiin. ³ U nii zom ne a tutore la Laataara Wia tuon. ⁴ U cho duu laa nuu-kala ta ne di ba wuo jin wutitii-la si lii u teen. ⁵ U saa maga di nuu-kala jin ari Wia ñaa Wii-bala ne. Ni-bala ne he Wia ari nuhuobiine pege duu kenba kaa he donjo le. Nii-la ne ñaa Kirisito Yesu. U titia ku ñaa nuhuobiin ne. ⁶ U jon u miisin yoo suun duu laa nuu-kala ta. U ne dagela nii ari bua-la yie ne, di Wia laa nuu-kala ta. ⁷ Nii ne tii Wia liisemi di mi ñaa u nanzoo a wuo heele bul wiaa deenba a pi nialin si bi Juu tinjaa ñaa, an pe dageba di ba laa wialin dii a jin wutitii. (Wutitii ne mii bul, mi bi wiaa nyia.)

⁸ Di ma ne ku hilimi lee-na kala di ma chuole Wia, mii che di baalaa ne chuchuole Wia, baala-la si jon ba titia a pi Wia a bi disinnin kene, di ba ne ken ba nisaa jee a chuole Wia. Di ba nii chuole Wia, u bi maga di ba nina baanin. U bi maga di ba bibiine yuosun wiaa maa. ⁹ Mii che di haalaa ma fiele ba siaa an pe ken wu-jimin nii ba sii laale ba gennin le. Genni-la ba si jan laale di niaa bibagise ba yaraa, ma siba laalu. Ma sí len di niaa to ba nyusun woonun le aa bagisema, koo ma sí selime digilinkepnsin ari banzaliba-la sii tul he di niaa bibagisema. ¹⁰ Ama má len di niaa bibagise haalaa a tin ba wu-zom-la le. Nii jan dage ari baa to Wia ne. ¹¹ Haalaa maga di ba fiela hon ne a gugunne Wia wiaa, a ken ba titia muuri, a tuto nialin si ken dolun ba le harin. ¹² Mi bi haalaa wonjiin pa di ba didage baalaa, koo di ba ken baalaa dolun a bibenba. U maga di ba hon som ne. ¹³ Wii-la si tii ne ñla: Wia fa laa sipaan ta Adam ne an-na ta Hawa. ¹⁴ Sitaani ma bi Adam nyisa. Hawa ne u nyise u juu haache le a chei Wia niin wiaa u si bula piba. ¹⁵ Ari nii kala haala-la si jan na heen biirin lullun le, Wia jan peba le. Ama u maga di ba laa Wia wiaa dii a cho niaa, aa ñaa wialin sii tere Wia tuon, a len di ba siaa fiele.

3

Wia niaa tuon kuhiasin si maga di ba nage nii

¹ Mi biraa che di mi bul wiin ne a pin. Wiin deen ñaa wutitii ne. U maga di niaa sei wii-la. Di nuu ne fiese sii aa che duu ku ñaa Wia niaa kuhian,

tiŋtiŋ-fiaŋ ne u chiche nji. ² Nji wiaa di nuu ne ŋaa Wia niaa kuhian, u tiina maga duu leŋ di u wu-ŋaalaa kala zɔŋ ne, di niaa sí u yirin wuo chei. U maga duu jaa ha-bala dunɔɔŋ ne. U maga di u siaa fiele. Uu wuo keŋ u titia woruŋ di niaa pupu jirima. U bira maga duu wuo laa nuhuɔraa ma bibil u dia le a wuo didage Wia niaa woruŋ. ³ U bi maga duu ŋaa si-nyuaru, a sí baan tiina ma ŋaa. Ama u maga duu ŋaa ni-chim-chim ne a sí yuosu heeru ma ŋaa. U bira bi maga duu cho moribiee kinkeŋ. ⁴ U maga di u wuo beŋ u dia niaa nyuŋ woruŋ ne. Bira, u maga duu wuo leŋ di u hanɔbiisin tuto u niŋ a zizilu wii-kala le, ⁵ beɛ wiaa di nuu ne bi u dia niaa nyuŋ wuo biben, u bi nialin si laa Yesu wiaa dii aa hilimi nyuŋ ma wuo beŋ. ⁶ Di nuu ne ha bi Yesu wiaa laa dii a dieni, u bi maga di u tiina ku ŋaa Wia niaa kuhian. Di u tiina ne ku ŋaa nialin si laa Yesu wiaa dii aa hilimi kuhian, u jan dage u titia. Duu ne ŋaa nji, u jan tel ari Sitaani si tele nji. ⁷ Wia niaa kuhian maga duu ŋaa ni-zɔŋ ne nialin si bi Wia ka chuɔle teɛŋ. Di nji dee niaa jan wuo chei u yirin, di Sitaani to nji le a bere kenu.

Nialin sí pe Wia niaa kuhiasin le

⁸ Nialin sí pe Wia niaa kuhiasin ma le, ba maga di ba ma keŋ meli-zɔŋ ne, a sí nii-sima keŋ a nyinyise niaa. U bi maga di ba faasa nyua sinin koo di ba cho moribiee kinkeŋ. ⁹ U maga di ba keŋ tuɔbiin-zɔŋŋɔɔ a laa Wia niŋ wiaa dii. Wialin fa faa ne. Lelele Wia joŋo dagela. ¹⁰ U bira maga di Wia niaa ne laa sipaan a beŋ nialin sí che di ba pe Wia niaa kuhiasin le, a na di ba maga koo di ba bi maga di ba tin tiŋtiŋŋaa deenba. Di ba maga, má leŋ di Wia niaa tuɔseba di ba pe Wia niaa kuhiasin le. ¹¹ Haalaa maa sí pe Wia niaa kuhiasin le, u maga di ba keŋ meli-zɔŋ ne a sí niaa hariŋ ma gigaa. U maga di ba fiele ba siaa a pe keŋ wutitii wii-na kala ba sí ŋaa le. ¹² Baalaa sí pe Wia niaa kuhiasin le, u maga di ba jaa ha-bala-bala ne. U maga di ba wuo biben ba hanɔbiisin ari ba dia niaa kala nyuŋ ne woruŋ. ¹³ Di nialin sí pe Wia niaa kuhiasin le ní tin ba tiŋtiŋŋaa woruŋ, niaa jan zizilba. Ba jan wuo keŋ nyu-duon a bul wialin ba si laa dii a tige Kirisito Yesu le.

¹⁴ Mii che di mi ku nama ne lelele. Ama mi bi jin di mi jan dieni koo di mi bi jan dieni an-na ko. Nji wiaa, mi ŋmunɔse tenin deen pipima ¹⁵ di ma jin ari Wia niaa mele si maga duu nage nji. Wia niaa ne ŋaa nialin si laa u wiaa dii aa hilimi. Wia-la si weye ne tiiba. Ba chin wutitii-la le Wia si dageba ne. ¹⁶ Wutitii-la Wia si dagela sene ŋaa wu-bal ne. Wii-chuɔl-la la sí to fa fáa ne. Lelele Wia ne joŋo dagela. U ne ŋla:
Wia birime nuhuobiine ne a ku tuu dunia.

Wia Din-zɔŋ-la ma dage duu ŋaa Tuɔ-pul Tiina ne. Wia tinɔdaaraa ma nau.

Niaa bul u wiaa dunia seme-na kala le.

Dunia niaa laa u wiaa dii ne, an ka Wia joŋu kaa jil Wia-jan. U si kenu kaa jil Wia-jan, u laa yirin ne.

4

Pɔɔl bul wiaa a tige wu-nyiari kerichiba le

¹ Wia Din-zɔŋ-la paala chaasa bul ari bu-la jan yi di niaa dɔŋsun jon ba yarida ta. Ba jan to ni-bɔŋŋɔɔ sí nyise niaa, a bira to wialin Sitaani sí dagu. ² Ba fugo didage Wia wiaa ne, ama ba ŋaa wu-nyiaraa ne. Ba tuɔbiinaa loɔ ne kinkeŋ kinkeŋ. ³ Ni-yiriba-la yie dage ari u bi maga di

níaa jíjaa haalaa, a bíra kíkíse kúdíílee dɔ́ɔ́sɔ́n maa ari namii-yiriba. Ama Wíá nɛ ta namia ari kúdíílee deenba di níaa dídíi. Níalín sí laa Yesu wíaa díi a jíń wutítii, ba jáń wuo díiba. Ama Wíá sí peba lɛ níi ba na kúdííle-la, u maga di ba laa sípaan a lólu ne an-na díi. ⁴ Kún-na kala Wíá sí ta zómɔ nɛ, u bí maga di níaa kíkíseba. U maga di la lóle Wíá ne an-na díi kíalín kala. Wíá teen ba zómɔ nɛ, ⁵ bɛɛ wíaa Wíá tenín tuɔ́ń ba bula ari kúdííle-la zómɔ nɛ. La sí chuɔle Wíá níi an-na díi kúdííle-la, ba bí disinnín kene Wíá teen.

Pɔɔl bula pí Timoti duu faasa tíń Wíá tíńtíńjaa worún

⁶ Dí ń nɛ jón wíaa deenba a dage ń dɔ́ɔ́sɔ́n tíńjaa sí laa Yesu wíaa díi, ń jáń wuo ńaa Kírísito Yesu tíńtínni-zón, ń jáń ńaa níi-la sí laa wíalín díi a jóno hɛ ń nyún lɛ, a kɛ́ɔ́ba kaa tíń búa-na kala lɛ. Wíá níiń wíalín ne ńaa wu-zómɔ-la la sí dagín. La laa díi, ń maa toba nɛ. ⁷ Ama pɔ di ń sí sunsɔ́gulo-la sí bí Wíá wonbíiń ka to gunnu. Viaba ta. Kɛń ń títia worún, a gunne wíaa a kɛń dolún Wíá wonbíiń lɛ. ⁸ ń jáń wuo ńaa wíaa mua di ń yaraa wuo kɛń dolún. Ama di ń nɛ to Wíá wonbíiń lɛ, wíi-la jáń pɛń lɛ di ń na míisín dunia deen lɛ. Dí ń nɛ suba maa, ń jáń kɛń míisi-la sí bí dɛɛ. ⁹ Wíi-la mí sí bula ńaa wutítii nɛ. U maga di ń ma seí a laa wíalín díi nɛ. ¹⁰ Laa yíelɛ Wíá-la sí weye lɛ nɛ. Níi nɛ tíi laa loo a faasaa tíń worún. Wíá nɛ ńaa nuu-kala Laataara, a saa wasanyan níalín sí laa u wíaa díi.

¹¹ Chaasa bul wíaa deenba a pípi níaa di ba ńíjaa an pe dídagɛba wíalín maa. ¹² ń ńaa hanbie nɛ, ama sí leńɛ di nuu-kala bɛɛ guguunún. Len di ń wu-ńaalaa ńaa di níaa na ari wíalín kala ń sí bula ńaa wutítii nɛ di baa to ń naa-buasún. Len di ba na di ń cho níaa. Len di ba na di ń kɛń yarida a kɛń tuɔ́-pula maa. ¹³ Má hílimi a kíkárímɛ Wíá wíaa a dídagɛ ba búbuɔ́saa maa, an pe búbul Wíá wíaa pípi níaa, an ka di mí-na kɔ. ¹⁴ Sí Wíá Díń-zón-la ku-la vía, ku-la u sí jóno díi zilé ń lɛ. Níalín sí laa Wíá wíaa díi, kúhíasín nɛ jón ba níisaa a dan-ń lɛ ń laa ku-la. Níalín síi bul wíaa, Wíá Díń-zón-la dolún lɛ bul u wíaa píń nɛ. ¹⁵ U maga di ń ńíjaa wíaa deenba nɛ. Jón ń nyún kala hɛba lɛ di nuu-kala wuo na ń sí hɛ dolún wíalín lɛ a mu sípaan níi. ¹⁶ Pɔ ń títia lɛ a to wíalín síi to Wíá wonbíiń, a dage níaa maa di baa ńaa níi. Dí ń níi ńaa níi, ń jáń laa ń títia ta ari níalín síi jégílee níi wíalín ń síi bul.

5

Níi sí maga di níalín sí laa Yesu wíaa díi aa hílimi ńíjaa dɔ́ɔ́n lɛ

¹ Sí níi-la sí ńaa níhían lɛ kpia, ama chaasa bul wíaa pí, a zílú ari u sí ńaa ń nyímma dɔ́ɔ́n tíina níi. Bul wíaa a pí baala-la ń sí hía ari ba sí ńaa ń ńaanaa dɔ́ɔ́sɔ́n tíńjaa. ² Bíra bul wíaa a pí ha-níhíasín ari ba sí ńaa ń naanba, a bíra bul wíaa a pí hanɔ́lóbíisín maa ari ba sí ńaa ń díhaalaa. Dí ń nɛ ńaa níi, pɔ ń sí disinnín kɛń.

³ Yo-haalaa sí bí níaa kene di ba bíbenba, zízilba a pípeba lɛ. ⁴ Ama di yo-haal-la nɛ kɛń bíirín koo níhee, u maga di ba laa sípaan ńaa wíi-la Wíá sí sí di ba ńaa nɛ ba día níaa teen a wuo tíń ba níaa ari ba naabalímaba chímin, bɛɛ wíaa níi níi tɔ́ɛ Wíá tuɔ́ń. ⁵ Haal-la sí chaasa ńaa yo-haal-títii a bí nuu-kala kene duu benu, u ne jón u yíelaa kala a hɛ Wíá lɛ aa sul Wíá duu pɛu lɛ búa-na kala lɛ, títanín ari wíiheyɛ kala. ⁶ Ama yo-haal-la síi to u títia tuɔ́tɔ́ɛ wu-ńaalaa lɛ, u-na paala nage u suba nɛ an wei, Wíá teen u bí míisín kene. ⁷ Chaasa bul wíaa deenba a pí Wíá níaa, di ba sí wu-cheeli kala kɛń níaa teen. ⁸ Dí nuu-kala nɛ bí u naanbíirín nyún ben a wasanyan

u dia niaa titia, u yarida ɲaa pei ne. Nii-la si bi Yesu wiaa laa dii aɲ biben u naanbiirin nyuɲ, u ne kpia tiina.

⁹ Sí yo-haal kala yirin ɲmuɲsa he yo-haala-la tuɔɲ, see u tiina yi jisiri mahin batori. U tiina maga duu jaa ba-bala dunɔɲ ne. ¹⁰ U maga di u wu-ɲaalaa ma zɔɲ, ka niaa zizilu ari ɲii u si diɛɛ u biirin, a kiken nuhuɔraa woruɲ u dia le, aa huɔɛ Wia niaa woruɲ u dia le, aa pe nialin si juu wahala le, a jon u titia he wu-zɔɲɲɔɔ ɲaanan le. ¹¹ Ama sí yo-haala-la si ɲaa hanɔlibiisin yirin ɲmuɲsa he yo-haala-la tuɔɲ. Di ba ní tin Kirisito tintinɲaa aɲ jon hariɲ yia Kirisito, aa che ba ɲaa ba titia tuɔɔɔre wu-ɲaalaa, baa che di ba jaa balaba ne. ¹² Di ba ne ɲaa ɲii, ba via wii-la ba fa si laa sipaan bul di ba jan ɲaa pi Kirisito ne. Di ba ne ɲaa ɲii, Wia jan dogiseba. ¹³ Nii dunɔɲ ma dee. Ba bira bi sei di ba tin tintinɲaa aɲ gollo tuto di-niirin. Di-bomun ne, ba yie gigaa niaa hariɲ a jon ba niin hihe niaa wiaa le a bul wialin si bi maga di ba bul. ¹⁴ Nii wiaa, mi jan bul di yo-haala-la si ɲaa hanɔlibiisin, di ba jaa balaba a lulul biirin a bibenba, a titin ba dia tintinɲaa. Di ba ne ɲaa ɲii, la dinɔmɔ Sitaani bi jan wuo na wonbiin a bul wu-bon kala a tigela le. ¹⁵ Yo-hanɔlibiisin dɔɲsun paala via Kirisito ne aɲ miira tuto Sitaani. Nii ne tii mi bul ɲii. ¹⁶ Ama haal-na kala si laa Yesu wiaa dii, di yo-haalaa ne he u dia niaa tuɔɲ, u maga duu beɲ ba nyuɲ ne. U bi maga duu jonba pi nialin si laa Yesu wiaa dii aa hilimi di ba bibenba. Nialin si laa Yesu wiaa dii aa hilimi, ba maga di ba biben yo-haala-la si bi niaa kene di ba bibenba ne.

¹⁷ Wia niaa nihiasi-la sii tin ba tintinɲaa woruɲ, u maga di nialin si laa Yesu wiaa dii aa hilimi zizilba ne. U bira maga di ba zizil ba tuɔɲ nialin si faasa bul Wia wiaa aɲ pe didage niaa le, ¹⁸ beɛ wiaa ba bula ɲla ne Wia tenin tuɔɲ. Ba si,

“Di neɛɲ ní ɲmoo miaa pin, u bi maga di ɲ wɔɔ u niin tɔ duu si dii.”

Ba bira ɲmuɲsa ari tintinna maga duu laa u time ne. ¹⁹ Di nuu ne jon cheerin a pi nialin si laa Yesu wiaa dii aa hilimi ba kuhiasin, sí jegile ní tiina teen, see di niaa balia koo batori ɲaa wii-la danɲia. ²⁰ Wia niaa nihiasin kala saa sii ɲaa haache, bul ba teen nialin si laa Yesu wiaa dii aa hilimi sipaan. Di ɲ ɲaa ɲii, fawullun jan keɲ ni-kaanaa. ²¹ Mi bul ɲii pin Wia ari Kirisito Yesu ari Wia tinɔaraa Wia si liisa sipaan ne. Mii sulun ari siifiesin di ɲ to wiaa deenba, a sí niaa kaa pɔɔre wii-na kala ɲ sii ɲaa le. Jonba ba kala ɲaa ni-bala ɲ teen. ²² Fiele ɲ siaa a pɔ di ɲ sí pese liise nuu a jon ɲ nisaa danu le duu tin Wia tintinɲaa. Di tiina ne ɲaa haache wii, ka ɲ liisu, ɲ ma jan pe juu u haache-la le. Sí disinnin ɲaa wiin deen le.

²³ Bira sí liin dunɔɲ nyua. Ama nyunyua sinin mua mua, a tin ɲ luorun si yie wiwii bua-na kala wiaa.

²⁴ Di niaa dɔɲsun ne ɲaa haache, ba haacheba yie ku lii pulumuɲ lima lima ne. Ba haacheba-la saa jan dage ari ba jan dii niaa deenba sariya. Ama di niaa dɔɲsun ne ɲaa haacheba, ɲ bi jan jin ba wiaa see tapulii-la ba si jan dii ba sariya. ²⁵ Nii titia ne di niaa dɔɲsun ne ɲaa wu-zɔɲɲɔɔ, niaa yie naba lima lima. Niaa dɔɲsun wu-zɔɲɲɔɔ ma yie faa ne. Ama cheɛ dɔɲ ne ba jan chaasa lii pulumuɲ tuɔɲ.

6

¹ Nialinj kala si n̄aa yosun̄, u maga di ba zizil nialinj si yɔɔba ne. U maga di ba n̄aa n̄ji di nuu-kala si won̄biinj na a wuo bul wu-bɔnj kala a mu tige Wia yirin̄ le, koo a mu tige wialinj la sii dagema le. ² Yosula si ken̄ nihiasinj ba laa Yesu wiaa dii, u bi maga di ba mimaase ba tin̄n̄aa a tin̄j ba kala si laa Yesu wiaa dii le. U paala chaasa mage di ba tin̄j tin̄tin̄n̄aa worun̄ ne a piba, bee wiaa nialinj si laa Yesu wiaa dii, ba ne yosu-la cho.

Di η n̄ii dage Wia wiaa, dage wiaa deen̄ba kala pi n̄iaa, a chaasa bul wialinj kala a piba. ³ Nii-la kala si bi wutitiiba-la la Tiina Yesu Kirisito si bul daga an̄ dage wu-tanii, wialinj si bi la Wii-chuɔlun̄ won̄biinj ka to, ⁴ u tiina ken̄j u titia duu yuge ne, ari u jin̄ wiaa an̄j bi wii-kala jin̄. U cho wu-kaa-lerin̄ kin̄ken̄j kin̄ken̄j, a n̄in̄aa gon̄ wialinj si bi siifan̄ wiaa n̄aa le. N̄ii jan̄ len̄j di nialinj sii jegile n̄ii ba teen̄j, di ba ken̄ yaribierinj. Ba yuyuo don̄ɔ a tutuuse don̄ɔ, a bibiine wu-bɔnjɔɔ don̄ɔ le. ⁵ N̄iaa deen̄ba nyun̄ bira bi tin̄j. N̄ii ne tii ba yie ken̄j wiaa lilere n̄ii. Ba bira bi wutitii ma jin̄. Ba biina ba jan̄ chuɔle Wia ne a na moribiee. ⁶ Wutitii, di n̄iaa ne chuɔle Wia an̄ len̄j di ba tuɔnj tɔre kialinj ba si kene nyun̄, n̄ii jan̄ wuo peba le worun̄, ⁷ bee wiaa la si kɔ dunia, la bi kun̄-kala kaa kɔ. N̄ii wiaa, di la ne suba, la bira bi kun̄-kala kaa lii dunia le aa mu. ⁸ Di la ne ken̄ kudiilee ari genninj, u maga la len̄j di ba magela ne. ⁹ Ama nialinj si cho di ba ken̄ kiaa dunia deen̄j le, Sitaani yie nyiseba he bere le ne. Ba cho di baa to ba tuɔtɔre wu-n̄aalaa le ne, wiaa deen̄ba jan̄ dogiseba. Ba yie lere n̄iaa tuu tin̄teen̄j a chichei ba kala ne worun̄. ¹⁰ Di n̄iaa ne cho moribiee, wu-bɔnj kala yie n̄in̄aaba le ne. Moribiee chonun̄ ne n̄aa wu-bɔnj kala naaluno. N̄iaa don̄sun̄ jon̄j ba yarida ta ne a tin̄j ba si cho moribiee wiaa. Ba ken̄j ba titia mu he heen̄j le ne n̄ii.

Pɔɔl chagile Timoti

¹¹ Ama η-na si n̄aa Wia tin̄tin̄nu, si wiaa deen̄ba kala n̄aa. Len̄j di η siinj fiene di η n̄in̄aa wialinj si n̄aa wutitiiba a tuto Wia won̄biinj, a chin̄j η yarida naan̄j le, a cho n̄iaa, a ken̄j kenyiri, a ken̄j η titia muuri n̄iaa sipaan̄. ¹² He dolun̄ kin̄ken̄j a faasa chin̄j η yarida naan̄j le, a nage n̄iaa si yie fá a ken̄j don̄ɔ kii n̄ii. He dolun̄j di η wuo laa miisi-la si bi dere. A tin̄j miisinj deen̄j wiaa ne Wia yirin̄. N̄ii ma dun̄ɔn̄a dee. Ama bua-la le η si ku laa Yesu wiaa dii, a wuo bubul n̄ii n̄iaa sipaan̄, η chaasa bula piba di η laa wialinj si n̄aa wutitii dii ne. ¹³ Mii sulun̄ Wia sipaan̄ ari Kirisito Yesu ma sipaan̄ di η to wialinj kala mi si bula pin̄. Wia ne jon̄j miisinj a pi kun̄-kala. Kirisito Yesu ma ne n̄aa nii-la fa si chin̄j u yarida naan̄j le Pɔnjɔs Paalit sipaan̄, nii-la fa si chin̄j Rom kuori-balin̄ nyun̄ Judiya tin̄teen̄j le, a wuo bul wutitii a pu. ¹⁴ He dolun̄ an̄j to wiaa deen̄ba ari tuɔ-bala, di n̄iaa si wuo jon̄j cheerinj pin̄. Ken̄j n̄ii naan̄j le a kaa mu yi tapulii-la la Tiina Yesu Kirisito si jan̄ miira kɔ. ¹⁵ Wia jan̄ len̄j duu kɔ bua-la le u si bene duu maga duu kɔ. U dun̄ɔn̄a ne n̄aa Wii-balin̄ sii ben̄j kun̄-kala. U ne n̄aa kuori-balin̄j a ken̄j kuoroo kala dolun̄j. U ne ken̄j dolun̄j duu len̄j di nuu-kala tuɔnj tɔre. ¹⁶ U dun̄ɔn̄a ne bi suu. U he pulun̄-bal tuɔnj ne. Nuukala bi dime wuo mu. Nuukala ha buu na, nuu ma kala saa buu wuo na. U maga di n̄iaa kala zizilu ne. U ne ken̄j dolun̄j dunia le a kaa mu wuu. Ami.

¹⁷ Bula pi nialinj si ken̄j kiaa dunia deen̄j le di ba si bee guguune nialinj si bi kun̄j kene, a si ba yielaa kala jon̄j he kialinj le, bee wiaa nuu-kala bi jan̄ wuo jin̄j u dia si jan̄ chin̄j n̄ii. Ama u maga di baa yiele kialinj si he Wia teen̄j ne. U ne ken̄j zile a jon̄j kun̄-kala a pila di la kaa ninii sima. ¹⁸ Bula pi nialinj si ken̄j kiaa di ba wu-zɔnjɔɔ ma mage kialinj ba si kene. Len̄j di ba ken̄j zile a n̄aa siri di ba n̄aa kiaa pipi n̄iaa, di ba kala ninii sima. ¹⁹ N̄ii ne

ba jaŋ wuo ŋaa a che kɩaa a bil ba titia ɛ Wia-jaŋ ɛ di ba wuo na kialɩŋ nyuuruŋ maachie. Nla nɛ ba jaŋ wuo laa miisi-la si ŋaa mii-titii.

²⁰ Toɔ, Timoti, pɔ woruŋ a tiŋ ŋ tiŋtimii-la Wia si joŋo hɛ ŋ nisiŋ ɛ. Sɩ nialiŋ sɩi ŋaa goŋ ɛ pɛ, nialiŋ si bul wialiŋ si bi Wia wonɓiiŋ ka to a keŋba kaa ɛɛɛ. Nialiŋ sɩi ŋaa ŋii yie nyia wiaa a biɩɛ wu-jimii nɛ ŋii. ²¹ Niaa doŋsuŋ to wu-jimiŋ deɛŋ ɛ nɛ a joŋ ba yarida ta.

Wia lahoŋɔ ɛ ma jaŋ hoŋ ari yarifiɛlaa.

TEN-LIA-LA PƆƆL SI N̄MUNSA PI TIMOTI

Ten-lia-la PƆƆl si n̄munsa pi Timoti

¹ Mi-na PƆƆl n̄ n̄munse teniŋ deen̄. Mi ŋaa Yesu Kirisito nan̄zɔɔ n̄. La Tiina Wia tuɔtɔrun̄ l̄ n̄ u liisemi di mi ŋaa u nan̄zɔɔ. Wia bula pila di u to Yesu Kirisito l̄ n̄ a jɔŋ miisiŋ pila. U tiŋmi n̄ di mi bul miisiŋ deen̄ wiaa a pi niaa.

² Mi n̄munse teniŋ deen̄ a pipi ŋ-na Timoti. N̄ ŋaa mi bii-choolii n̄. La Nyimma Wia ari la Tiina Yesu Kirisito lahɔrimɔ l̄, ba jan̄ f̄an̄ nennige a leŋ di ŋ hɔŋ ari yarifielaa.

PƆƆl bula pi Timoti duu chin̄ wialin̄ l̄ u si laa dii

³ Mii lɔlle Wia kin̄ken̄. Mi si tima pi Wia ŋii, mi tuɔbiinaa yie chesi n̄. N̄ii titia n̄ mi doho niaa ma fa tima pipi Wia. Bua-na kala l̄ di mi n̄i chuɔle Wia, mi yie liliisi ŋ wiaa n̄. ⁴ Mi liise yi ari bua-la l̄ mi si sii ŋ teen̄, ŋ faa yel n̄. N̄ii n̄ tii mi cho di mi ku nan̄ ari siiffesiŋ, di mi tuɔŋ faasa tɔre woruŋ. Mi tuɔbiinaa yie h̄e ŋ teen̄ titaŋin̄ ari wiilheyɛ kala n̄. ⁵ Mi liise yi ŋii ŋ si laa Wia wiaa dii ari siiffesiŋ. N̄ nahima Lewis ari ŋ naan̄ Yunis n̄ laa sipaan̄ laa Wia wiaa dii. Mi jima ari ŋ ma chin̄ ŋii l̄ n̄. ⁶ Wia jɔŋ kuŋ n̄ a dii zile ŋ l̄. U ŋaa ŋii n̄ bua-la l̄ mi si jɔŋ mi nisin̄ dan̄-ŋ l̄. Mii liisiŋ di ŋ bira ken̄ ku-la woruŋ. ⁷ Wia bi u Diŋ-zɔŋ-la jɔŋo hela l̄ di la fifa fawulluŋ, ama duu pela l̄ di la wuo ken̄ doluŋ n̄ la miisiŋ l̄, a bira cho niaa, a p̄e ken̄ la titia woruŋ.

⁸ Di ŋ n̄i bul la Tiina Yesu wiaa pipi niaa, s̄i leŋe di hiisiŋ kenin̄ a tiŋ Yesu wiaa. Bira s̄i leŋe di hiisiŋ kenin̄ a tiŋ mi ma wiaa. Kirisito wiaa n̄ tii ba ken̄mi tɔ dia. Ama sei di la kala na h̄een̄ a tiŋ Yesu wu-zɔmɔ-la wiaa. Wia doluŋ si h̄en̄ l̄ ŋii, ŋii n̄ tii ŋ wuo na h̄een̄ ŋii. ⁹ Wia n̄ laala ta a yirela di la ŋaa u niaa. U bi naga di Wia to la wu-zɔŋɔɔ l̄ n̄ a laala ta. U titia tuɔtɔrun̄ l̄ n̄ u f̄ala nennige a laala ta. Yesu Kirisito l̄ n̄ u to a ŋaa ŋii pila. U jima ari u jan̄ ŋaa ŋii pila faafaa kala n̄, ka dunia-na suomi. ¹⁰ L̄eɛ l̄ la Laataara Kirisito Yesu sen̄e kɔ dunia. U si kɔ ŋii, la wuo na Wia zile wiaa si nage ŋii n̄. Kirisito si kɔ, u kpu suuŋ doluŋ kala n̄. U bul wu-zɔmɔ-la pila a to ŋii l̄ dagela ari u n̄e pila miisiŋ, a bira dagela di la n̄e suba maa, la jan̄ bira sii a ken̄ miisi-la si bi dere. ¹¹ Yesu wu-zɔmɔ-la wiaa n̄ tii Wia liisemi di mi ŋaa u nan̄zɔɔ, a leŋ mi bul wiaa deen̄ba a pipi niaa a didageba. ¹² Mi s̄ii bul ŋii leŋe mi nina h̄een̄ n̄. Ama hiisiŋ bimi kene a tiŋ h̄eɛ-la mi si na wiaa. Mi jin̄ n̄ii-la mi s̄ii to n̄e. Mi si jɔŋ mi titia h̄e u nisin̄ l̄ ŋii, mi laa dii ari u jan̄ wuo ben̄mi woruŋ halli a kaa mu yi tapulii-la Kirisito Yesu si jan̄ miira kɔ. ¹³ Wialin̄ kala mi fa si dagin̄, ba ŋaa wutitiiba n̄. Chin̄ wialin̄ l̄ a tutoba. La di Kirisito Yesu si ŋaa kubala ŋii, h̄e doluŋ an̄ chin̄ ŋ yarida naan̄ l̄, a cho niaa maa. ¹⁴ Wia Diŋ-zɔŋ-la hela l̄ n̄e. Wia jɔŋ wutitii h̄e ŋ nisin̄ l̄ n̄e. Ben̄ wutitii-la u Diŋ-zɔŋ-la doluŋ l̄.

¹⁵ N̄ jima ari bua-la l̄ mi fa si h̄e Esia tin̄teen̄ l̄ niaa kala n̄ fa viami, Fijilas ari Homɔjinis ma fa h̄e niaa deen̄ba tuɔŋ n̄e. ¹⁶ Ama baal-la ba s̄ii yire Onisiifɔɔs, u n̄e pemi l̄ woruŋ a ŋaa mi nyuŋ faasa nyaase. Ba si ken̄mi kaa tɔ dia ŋii, hiisiŋ fa buu kene a tiŋ mi wiaa. La Tiina Wia jan̄ f̄au

nennige, ba di u dia niaa kala. ¹⁷ U si ku tuu Rom le, lee-la ba si tomi dia, u suomo chichemi ari siifiesinj aŋ-na ku nami. ¹⁸ Wia jaŋ leŋ di la Tiina Kirisito fau nennige sariya che-diilinj. N ma jinŋ nii u si faasa pemi le ne bua-la le mi fa si he Efesis le.

2

Pɔɔl bula pi Timoti duu ŋaa laali-yuori-zɔmun

¹ N-na mi bii Timoti, mi che di ŋ keŋ dolun. Dol-la lii Kirisito Yesu teen ne. U lahorimo wiaa ne tii ŋ keŋ dolun deen. ² Mi si bul Wia wiaa piŋ, niaa yuga ne a fa he dime a pe nii. Bul wiaa deenba ŋ si nia a pi nialinj si keŋ wutitii. Niaa deenba saa jaŋ bira wuo bul wialinj a pi ba doŋsun tinŋaa maa. ³ N si ŋaa Kirisito Yesu laali-yuori-zɔmun, ŋaa siri di la diŋ kala na heen. ⁴ Laali-yuoru kala si he u tinŋinŋaa le a titinj, u yie chiche duu tinŋ nii di nii-la si jonu tinŋinŋaa le, duu tuonŋ tore ne. Nii wiaa u yie bi che duu tinŋ tinŋimii doŋ kala a pe tinŋimii-la u sii tinŋ le. ⁵ Bira na fifaari-la sii fa, u bi jaŋ wuo fa a laa u time, see di u to wialinj ba si bile pi fifaaraa ba tuto le. ⁶ Bira na ba-paari-la si faasa titinj ne maga duu laa sipaan dii бага ku-falaa. ⁷ Bibiine wiaa deenba mi sii bul. La Tiina Yesu jaŋ pen le di ŋ wuo jinŋ wiaa deenba kala bubuonŋ.

⁸ Jon Yesu Kirisito wiaa he ŋ nyun le. U fa ŋaa Devit doho nuu ne. U si suba, u bira sii suun le ne. Wia wu-zomɔ-la mi si bula pima ne dage wiaa deenba. ⁹ A tinŋ Yesu wu-zomɔ-la wiaa, mi na heen. Ba doŋisemi a nage mi ŋaa ni-boŋ ne. Ba keŋmi voo ne. Ama ba bi jaŋ wuo keŋ Wia niinj wiaa voo bil. ¹⁰ A tinŋ Yesu wu-zomɔ-la wiaa mi nyalime wii-kala ne. A tinŋ nialinj Wia si liisa wiaa ne mi ŋaa nii, di Yesu Kirisito wuo laaba ta. U si laaba ta nii, ba jaŋ na Wii-balin dolun a kaa mu deen deen.

¹¹ Wii-la mi sii che di mi bula pima ŋaa wutitii ne. U ne ŋla: Di la di Yesu kala ne suba,

la duu kala ne jaŋ sii a keŋ miisinj.

¹² Di la nii na heen aŋ nyalime hee-la, la duu kala jaŋ dii kuorunj.

Koo di la ne si la bi Yesu jinŋ, u ma jaŋ bul di u bila jinŋ.

¹³ Di la ne bi wutitii ka to, u-na ha keŋ wutitii, bee wiaa u bi jaŋ wuo nyise u titia.

Pɔɔl bula pi Timoti duu ŋaa tinŋinni-titii Wia tinŋinŋaa le

¹⁴ Bula pi nialinj si laa Yesu wiaa dii di ba liliisi wiaa deenba worunj, a sulba di ba bira si wiaa kaa lilere. N si bul nii, leŋ di Wia ne ŋaa ŋ siada tiina. Ma si keŋ wiaa lilere nii, u nii bi nuu-kala lee pe, ama u yie leŋ nialinj sii jegili wialinj titel ne. ¹⁵ Di ŋ ne mu Wia teen di ŋ dage nii ŋ si tinŋ ŋ tinŋinŋaa, he ŋ dolun kala duu wuo na ari ŋ ŋaa tinŋinni-titii si bi hiisinj ka fa, a bira leŋ duu wuo na ari ŋ dage wialinj si ŋaa wutitiiba ne worunj. ¹⁶ Di niaa ne ŋaa goŋ aa bul wialinj si bi bubuonŋ kene, wialinj si bi Wia wonbiiŋ ka to, liise ŋ titia nialinj le. Wiaa deenba ba sii bul yie kikiri niaa ne ba jon hariŋ yia Wia. ¹⁷ Wialinj ba sii daga jaŋ teeli a nage naawiilinj si yie keeri nii a dii nanpilinŋ kala. Niaa balia ne he niaa deenba tuonŋ aa dage wiaa deenba. Ba yiraa ne Haminiiyas ari Faliitii. ¹⁸ Ba leŋ wutitii wonbii-la ne aŋ bul ari bua-la le niaa si jaŋ suu aŋ sii suun le paala kieli ne. Ba si dage nii ŋaa nialinj doŋsunj si laa Yesu wiaa dii jon ba yarida

ta ne. ¹⁹ Ama dia gentin-duo-la Wia si bile pi u niaa, u bi jan wuo jigisi. Wialin ba si nmuɲsa heu le ne nla: “La Tiina Wia jin nialin si n̄aa u niaa ne.” Ba bira nmuɲsa ari u maga di nii-la kala si si u n̄aa Wia nuu ne, duu len wu-bon̄ɲɔɔ n̄aanin.

²⁰ Niaa nage gban̄si-la si he niaa diisin le ne. Don̄sun n̄aa selime gban̄sin, don̄sun n̄aa taasi-gban̄sin, don̄sun ma n̄aa gban̄sin, don̄sun ma n̄aa hen̄sin. Don̄sun ba yie jon̄o bil ne a kaa didii kiaa che-zon̄ɲɔɔ, an̄ ken̄ don̄sun ma kaa didii kiaa tapulii-na kala. ²¹ Nii wiaa di nuu ne liise u titia wu-bon̄ɲɔɔ le, u jan nage gban̄si-la ba si kaa didii kiaa che-zon̄ɲɔɔ. Nii-la si nage nii n̄aa tuɔ-pul tiina ne u kuhian̄ teen. U jan wuo p̄eu le worun̄. U kuhian̄ jan len duu titin̄ tin̄tin̄-zon̄-na kala. ²² N̄ s̄ii yiele wiin̄ deen̄, liise n̄ titia wu-bom̄ɔ-la le bapuoɲsaa ari ha-toloo si yie cho di baa n̄aa. Ama loo chiche di n̄ ken̄ tuɔ-pula a wuo chin̄ n̄ yarida naan̄ le, a p̄e cho niaa a loo di ma di niaa ken̄ nii-bala. Ma di nialin̄ si ken̄ tuɔ-pula, sul Wia duu p̄eba le, má kala loo chiche wiaa deen̄ba. ²³ Ama liise n̄ titia nialin̄ s̄ii lere wu-yaaraa le. N̄ jima ari wiaa deen̄ba yie len̄ niaa suomo yuyuo don̄ɔ ne. ²⁴ Nii-la si tima pipi la Tiina Wia, u bi maga duu yuyuo yuosun. U maga duu ken̄ zile ne nuu-kala le, a wuo didage niaa worun̄, an̄ p̄e ken̄ ken̄yiri. ²⁵ Di n̄ n̄ii dage wiaa a pi nialin̄ si bi n̄ harin̄ china, len̄ di n̄ siaa fiele. N̄ bi p̄oo, Wia jan len̄ di ba na wor̄biin̄ a wuo birima lii ba haacheba le a ku jin̄ wutitii-la. ²⁶ Ba si n̄aa nii, ba jan̄ bira wasa ken̄ wu-jimin̄ a ken̄ ba titia liise Sitaani beré-la le. U fa ken̄ba ba tuto u tuot̄orun̄ le ne.

3

Bua-la dunia si jan̄ dere kpaga ne

¹ Timoti, jin̄ bua-la le dunia si jan̄ dere kpaga ne. Bua deen̄ le wiaa jan̄ kperi. ² Niaa jan̄ cho ba titia an̄ p̄e cho moribiee. Ba jan̄ bibigisi ba titia le, ba siaa bi jan̄ susu nuu-kala maa, ba jan̄ tutuuse niaa maa. Ba bi jan̄ tuto ba nyimmaba ari ba naan̄ba niin̄. Ba bira bi jan̄ jin̄ zile. Ba bi jan̄ ken̄ tuɔ-pula ma Wia sipaan̄. ³ Ba bi jan̄ cho niaa. Ba bira bi jan̄ sei di ba di niaa n̄aa sima. Ba jan̄ chichei niaa yirin̄ maa. Ba bi jan̄ ken̄ ba titia. Ba jan̄ tere. Ba jan̄ bere wu-zon̄ kala. ⁴ Ba jan̄ n̄aa zen̄be timma, ba bi jan̄ ken̄ tuobiinaa. Ba jan̄ ken̄ sii-duon̄. Ba bi jan̄ cho Wia. Ba tuot̄ore wiaa dun̄ɲa ne ba jan̄ cho di baa n̄aa. ⁵ Ba yie chuchuo le Wia ne niaa tuon̄, ama ba wu-n̄aalaa yie dage ari ba bi Wia dolun̄ jin̄. Liise n̄ titia niaa deen̄ba tuon̄. ⁶⁻⁷ Wu-nyari tin̄n̄aa deen̄ba don̄sun yie juu niaa diisin̄ ne a nyinyise ha-ni-yaaraa. Wu-bon̄ɲɔɔ nyage haala-la bil. Ba to ba tuot̄ore wu-n̄aalaa le. Tuot̄ore wu-n̄aalaa-la yuga ne. Di nuu-kala nii che u dage haalaa deen̄ba, ba yie jegile nii u teen̄ a chiche di ba gunne wu-jimin̄, ama ba bi wutitii kala wuo gunne.

⁸ Baalaa balia ne fa he dime. Ba yiraa ne Janis ari Jan̄bas. Ba fa bi Moosis harin̄ china. Ba si bi Moosis harin̄ china nii, nii titia ne baalaa deen̄ba ma bi wutitii-la harin̄ china. Niaa deen̄ba nyun̄ bi tin̄. Ba bi ba yarida naan̄ le wuo chin̄. ⁹ Ama niaa deen̄ba bi jan̄ wuo n̄aa nii a mu sipaan̄, bee wiaa nuu-kala jan̄ na di ba n̄aa ni-yayaase. Nii titia ne nialin̄ ma fa na Janis ari Jan̄bas fa si yaara nii.

Pool chagile Timoti

¹⁰ Ama n̄-na to wialin̄ mi s̄ii dage ne, an̄ bira to mi wu-n̄aalaa maa. N̄ na mi wu-n̄aalaa si nage nii, a na wii-la mi s̄ii che dunia le, a bira na nii mi si chin̄ mi yarida naan̄ le, a bira na mi si ken̄ ken̄yiri ma nii. N̄ na mi

si cho niaa maa, a bira na nii mi si ken nyalima. ¹¹ N na nii ba si to naasin dogisemi ne ari nii mi si na heen. N ma jin nii mi si na heen ne Antioch ari Ikooniam ari Lisita tinteen kala le ne. Ba si to naasin dogisemi nii ne, ka mi nyalime. Ama mi Tiina Wia liisemi ne ba kala le. ¹² Nu-kala sii che duu to Wia wonbiinj a lej di ba di Kirisito Yesu naa kubala, niaa jan to naasin dogisu. ¹³ Ama ni-bonhoo ari nialinj sii nyise niaa jan wasa njjaa wu-bonhoo. Ba jan nyise niaa an pe nyinyise ba titia maa. ¹⁴ Ama n-na he dolun an chin wialinj n si gunna naan le, wialinj n si laa dii di ba nna wutitii. Siba jono ta. N jin nialinj si daginj wialinj ne worun. ¹⁵ A suomi n hanjbiirin kala le a kaa mu, n jin Wia teninj ne. U bi disinninj kene. U ne wuo daginj Kirisito Yesu wiaa a bira lej n laa u wiaa dii duu laan ta. ¹⁶ Wia teninj kala lii Wia teenj ne. Wia ne jon u Din-zon-la a he niaa le ba wuo nmunseba. Wia ten-la wuo dage niaa wutitii wonbiinj. Di nuu ne nna wii chei, u wuo dagu wii-la u si nna chei a jon cheerin pu, a bira wuo dagu wonbii-la si maga duu tuto, a wuo dagu nii u si jan wuo nna a ken tuo-pula Wia sipaanj a mu sipaanj. ¹⁷ Nla ne jan wuo pe nii-la si tima pipi Wia le, duu si wii-kala nna chei, a nna siri duu tin tinjin-zon-na kala.

4

¹⁻² Mii sulun di n bul Wia wiaa. Naa siri di n bul bua-na kala a jon n nyun kala heba le. Di niaa nna siri di ba jegili, koo di ba bi siri nna, n-na bul. Bul wiaa ba teenj an kpiaba le, a bira nna di ba nyun nyaase. N sii nna nii, ken kenjiri a didage niaa worun. Mi si sulun nii, Wia ari Kirisito Yesu ne nna la siada tinjaa. Yesu ne nna nii-la si jan dii niaa kala sariya. Nialinj si weye ari nialinj si suba kala ne u jan dii ba sariya. U ne jan miira ko dunia a dii kuorun. Nii ne tii mii sulun. ³ Naa wialinj mi si si di n nna a tin wialinj si jan nna le. Bua kubala jan yi, niaa bi jan jegili wutitii-la ba si jan dageba. Ama ba jan to ba titia tuotoron le. Ba jan che a kese kerichiba a yuge. Niaa deenba jan dageba wialinj ba si cho di baa nii. ⁴ Ba bi jan cho di ba nii wutitii-la. Ba jan jon harinj yia wutitii-la an cho di baa nii sunsooguloo. ⁵ Ama n-na he dolun a ken n titia worun wii-na kala le. Di heen ne juun maa, nyalime. N si nna Wia tintinnu nii, bul Yesu wu-zomoo-la a pi niaa. Tin n tintimii-la kala worun a kaa mu.

Pool bul wiaa a tige u titia le

⁶ Bua-la le mi si jan suu a lii dunia le, u yie ne. ⁷ Mi yuo laali-zon-la ne worun. Mi fa mi faninj dere ne. Mi chin mi yarida naan le ne. ⁸ Leele mii gberu mi time ne. La Tiina Wia jan jon time deen pimi tapulii-la tuo-pul timma-la si jan sii suun le. U ne nna sariya diiri-titii. Mi dunduja dee u jan jon time-la pa, ama nialinj kala si chou a gberu la Tiina Kirisito duu miira ko dunia, ba ma jan laa time deen.

⁹ He dolun an ko mi teenj lima, ¹⁰ bee wiaa Dimas viami ne. U cho dunia kaa ne. Nii ne tii u viami ta an mu Tesalonaaka. Kiresiken ma mu Galiisia, Taatis ma mu Dalimeesa. ¹¹ Luuk dunduja ne he mi teenj. Di n ne ko mi teenj, pe ken Maak kaa ko. U jan wuo nna wiaa yuge a pimi. ¹² Mi tin baal-la ba sii yire Takikas ne u mu Efesis. ¹³ Di n nii ko, pe ken mi geri-la ari mi tenni-la kaa ko. Mi jonj pi baal-la ba sii yire Kaapis a he Turawas le ne. Tenni-la ba si ken pusun purun kaa nna ne mi wasa chiche. ¹⁴ Libiri kubala ba sii yire Alekizanda dogisemi ne worun. U si naami nii, Wia jan kpuse u purun. ¹⁵ Po n titia ari libiri-la le. La si bul Wia niinj wialinj pi niaa, u lii la harinj ne. ¹⁶ Bua-la le mi si laa sipaanj bul wiaa di mi laa mi titia, bua-la le ba sii dii mi sariya, nuu-kala bi mi harinj china. Ba kala viami ta

ne. Mii sul Wia duu sí ba dɔgisu a tin wialin ba si naa. ¹⁷ Ama Wia chin mi harin a pimi dolun mi wuo bul Wia niin wialin kala kala. Mi bul wialin a pi nialin si bi Juu tinnaa naa ma ne ba kala nii. Wia liisemi ni-bɔnɔnɔ nisin le. ¹⁸ Wia jan liisemi wu-bɔnɔnɔ kala le. U jan benmi worun a kenmi joiin kaa mu he u kuorii-la tuon Wia-jan le. Wia yirin jan yire bua-na kala le, a kaa mu wuu. Ami.

Chuɔlaa

¹⁹ Chuɔle Pirisila ari Akuila pimi, a chuɔle Onisiiforos ari u dia niaa kala maa. ²⁰ Irasitas tuo mi teen. La si jon wonbiin, u ka Korinti le ne, an ka mi le Turɔfimɔs ma Miliitas le. U faa wiile ne. Nii ne mi leju dime. ²¹ He dolun an ko, ka di yibiinin-la juu. Nialin ba sii yire Yubulas ari Pudens ari Laanis ari Kilaadia, ba maa chuɔlun, ari nialin kala si laa Yesu wiaa dii.

²² Wia jan le di ma duu honun zon. U lahorimo le u jan pen le.

TEN-LA PÓOL SI N̄MUNSA PI TAATIS

¹ Mi-na Póol n̄ n̄mun̄se teniñ deen̄ aa pi n̄-na Taatis. Mi n̄aa Wia tiñtinnu n̄e a n̄aa Yesu Kirisito nan̄zoo maa. Wia n̄e liisemi di mi p̄e nialin̄ u si liisa l̄e di ba wasa chin̄ ba yarida naan̄ l̄e, a wuo jin̄ wutitii-la s̄ii to Wia wor̄biin̄. ² Nialin̄ s̄ii to Wia wor̄biin̄ deen̄, baa yiele ari ba jan̄ keñ miisi-la si bi d̄ere. Wia fa bul wiaa a tige miisin̄ deen̄ faafaa kala n̄e, ka dunia-na suomi. Wia bi wiaa ka nyia, u jan̄ n̄aa wii-la. ³ Bua-la l̄e Wia si cho n̄e, u jon̄ wii-la a dagela u Wu-zom̄o-la tuon̄. Nii n̄e la Laataara Wia jon̄ wiiñ deen̄ a h̄e mi nis̄in̄ l̄e di mi laa bula pi n̄iaa.

⁴ Mi-na Póol n̄ n̄mun̄se teniñ deen̄ a pipi n̄-na Taatis. A tin̄ la kala si laa Yesu wiaa dii n̄ii, n̄ nage mi bii-titii n̄e. La Nyimma Wia ari la Laataara Yesu Kirisito lahorim̄o l̄e, n̄ jan̄ h̄on̄ ari yarifielaa.

Wia n̄iaa tuon̄ nihiasin̄ si maga di ba nage n̄ii

⁵ Mi len̄in̄ Kiriiti l̄e di n̄ wuo wase wialin̄ fa si maga si ba n̄aa n̄e. Mi bula pin̄ maa di n̄ liise Wia n̄iaa tuon̄ nihiasin̄ tan̄-na kala l̄e. Nialin̄ si maga di n̄ liise n̄e n̄la: ⁶ Má ben̄ di ba mele zom̄o, di ba sí wu-cheeli kala keñ n̄iaa teen̄. U maga di nii-la keñ ha-bala n̄e, ka u biirin̄ ma kala laa Wia wiaa dii a keñ meli-zon̄, a sí wu-liilin̄ n̄aa, a sei kuhiasin̄ niin̄ wiaa, a sí wu-cheeli kala keñ n̄iaa teen̄. ⁷ Nii-la s̄ii ben̄ Wia n̄iaa n̄aa Wia tiñtinni-kuhian̄ n̄e. U bi maga duu keñ wu-cheelee n̄iaa teen̄. U bira bi maga duu didage u titia, a sí baan̄ tiina koo si-nyuaru koo nii-jigi tiina koo nii-la si cho moribiee kin̄keñ n̄aa. ⁸ U maga duu ben̄ nuhuoraa worun̄ u dia l̄e a cho duu n̄aa wu-zon̄h̄oo a pipi n̄iaa. U maga duu jin̄ u titia ken̄in̄ n̄e a n̄aa ni-titii. U maga duu n̄aa ni-pula a wuo keñ u titia a h̄e d̄on̄o l̄e worun̄. ⁹ Ba si dagu Wia niin̄ wialin̄ si n̄aa wutitii n̄ii, u maga duu keñba worun̄, duu wuo dage u d̄on̄sun̄ tin̄n̄aa wutitii-la u si gunna. Duu n̄e n̄aa n̄ii, u jan̄ wuo dage nialin̄ s̄ii bul wiaa chichei wutitii-la la s̄ii to.

¹⁰ Nialin̄ si laa Wia wiaa dii yuga bi che di ba tuto nihiasin̄ niin̄ wu-bulaa. Ba n̄aa wu-bul deen̄ deen̄ timma n̄e. Baa nyise n̄iaa n̄e. N̄iaa deen̄ba tuon̄ n̄iaa yuga a n̄aa Juu timma n̄e aa che di nialin̄ kala si laa Yesu wiaa dii ker̄i ba penee. ¹¹ U maga di ma bula piba di ba len̄ wialin̄ ba s̄ii dagu, b̄ee wiaa ba s̄ii dage wialin̄ si bi maga di baa dage n̄ii, ba n̄aa n̄iaa jon̄ wialin̄ ba si laa dii a ta n̄e. Moribiee wiaa n̄e tii baa dage wialin̄. ¹² Kiriiti n̄iaa tuon̄ vugira bul wiaa a mu tige u n̄iaa l̄e. U bula ari Kiriiti n̄iaa kala n̄aa wu-nyiaraa n̄e a n̄aa ni-bom̄o, luobii tin̄n̄aa, an̄ p̄e keñ yariwiin̄ maa. ¹³ Wii-la u si bula n̄aa wutitii n̄e. Nii wiaa, faasa kpiaba l̄e di ba chin̄ wutitii-la ba si laa dii l̄e kpan̄ kpan̄. ¹⁴ Bira bula piba di ba sí Juu tin̄n̄aa naabalimaba wiaa si nage sun̄soguloo nii, a sí nialin̄ si via wutitii-la harin̄ to. Wutitii-la lii Wia teen̄. ¹⁵ Ni-zomun̄ teen̄ kun̄-kala zom̄o n̄e. Disin̄ timma-la si bi Wia wiaa laa dii teen̄ kun̄-kala n̄aa ku-bon̄ n̄e. Ba tuon̄ lor̄o, ba tuobiiinaa kala bi chese. ¹⁶ Baa bul ari ba jin̄ Wia n̄e, ama ba wu-n̄aalaa daga ari ba bi Wia jin̄. Ba wu-n̄aalaa lor̄o, ba bi nialin̄ niin̄ wiaa ka nii, ba bi wu-zon̄ kala ka n̄aa.

¹ Ama η-na Taatis didage wutitii-la ne. ² Bula pi ba-nihiasi-la si he ma tuon di ba len di ba siaa fiele, a ken meli-zon, a ken ba titia worun, a jin wialin ba si laa dii worun, a cho niaa, a ken kenyiri. ³ Bula pi ha-nihiasi-la ma di ba nna wialin si daga ari baa to Wia wonbiin ne. U bi maga di ba gigaa niaa harin koo di ba nna si-nyuaraa. Bula piba di ba didage wialin si zomo, ⁴ di ba wuo dage ha-toloo ma di ba cho ba balaba ari ba biirin, ⁵ a wuo ken ba titia worun, a si wu-liilin njjaa, a ben ba dia niaa worun, a ken zile, a tuto ba balaba niin worun, di nuu-kala si wuo bul wu-bon kala a tige Wia wu-zomo-la le. ⁶ Bul nii titia a pi bapucosa maa di ba ma ken ba titia worun. ⁷ N-na titia Taatis, wii-na kala η sii nna le, len di niaa na η wu-njaalaa si zomo di ba tuto. Wialin kala η sii daga, len di ba na ari η ken wutitii ari siifesiin. ⁸ Wialin kala η sii bul, bul ari tuoton, di nuu-kala si wuo kaa lere. Di η ne nna nii, η dinjonon bi jan na wonbiin a bul wu-bon kala a tigela le. ⁹ Bula pi yosun ma di ba tuto nialin si tiiba niin le, a nna wialin kala si maga di ba tinnaa tuon tore ba nyun. U bi maga di ba laa wiaa bubul ba teen. ¹⁰ Ba si ba tiinaba kiaa gigaa. Wialin kala ba sii nna, u maga di ba len di nialin si tiiba laaba dii ari ba ken wutitii. Di ba ne nna nii, ba jan wuo len di nuu-kala jin ari la Laataara Wia wu-zomo-la nna wutitii ne.

¹¹ La Tiina Wia lahorimo guu chaane ne. Uu che duu to nii le ne a laa nuu-kala ta. ¹² Wia wu-zomo-la dagela di la si wu-bonon nna, a si la titia jonon he dunia wiaa le, a jima ken la titia, a ken wutitii, a tuto Wia wonbiin dunia deen le. ¹³ La si he dunia deen le nii, laa gberε tapulii-la la Laataara Yesu Kirisito, nii-la si nna Wia, jan ko ari u tula. Laa yiele tapulii-la ne. La tuon ma jan tore duu ne ko. ¹⁴ La wiaa ne tii u suu, duu laala ta la haacheba le a piise la disinnin ta, di la ku nna tuo-pul timma u sipaan. Uu che di la nna nialin si jon ba nyun he wu-zonon le. ¹⁵ Wia si jon dol-la pin, kenu a bul wiaa deenba. Chaasa bul wiaa pi nialin η sii daga. Di ba nna wii chei, dageba. Si len di nuu-kala bee guunon.

3

Maa nna wu-zonon bua-na kala le

¹ Bula pi Wia niaa di ba jon ba titia pi nialin si ken dolun ba le ari nialin sii benba a tutoba, a nna siri di ba nna wii-na kala si zomo. ² Bula piba di ba si wu-bon kala bula a tige nuu-kala le. U bi maga di ba cho yuosun, ama u maga di ba dii nanjonon ne a len di ba siaa fiele nuu-kala teen, ³ bee wiaa la ma titia fa nna ni-yaara ne, a fa bi Wia niin to. La fa keru Wia wonbiin-la ta ne a nna wu-bonon ne. La fa to la tuoton wu-njaalaa harin ne. La fa cho di nna juu wu-bonon a fa ken yaribierin donon le. Nna fa berela, la ma fa beraba. ⁴ Ama la Laataara Wia dage nii u si ken zile ari nii u si cho nna. ⁵ U laala ta. U bi naga ari la si nna tuo-pul timma ne tii u laala ta. Ama u sii fa nna nennige ne tii u laala ta. U laala ta ne, bee wiaa ba fola Wii-chuole liin Wia Din-zon-la dolun le. Nii dage ari Wia bira wasa lulla ne, la ken mii-falin u teen. ⁶ Wia to la Laataara Yesu Kirisito le ne a jon u Din-zon-la a hela le worun. ⁷ U lahorimo le u nna nii di la ken tuo-pula u sipaan, a wuo ken miisi-la si bi dere, wii-la la sii yielu le. ⁸ Wiin deen sene nna wutitii ne. Mii che di η paala chaasa bul wiaa deenba, di nialin si laa Wia wiaa dii, di ba nna siri di ba nna wu-zonon bua-na kala le. Wiaa deenba nna wu-zomo ne. Ba jan wuo pe nna le.

⁹ Má leŋ ni-yaari wu-kaa-lerin, a sí ma naabalimaba gertine si duomo diisu. Ma sí yuosun he a sí doŋo yuo a tin wialin Moosis fa si nmuŋsa bil di niaa tuto le. Ba ŋaa wu-peiba ne, ba bi nuu le pe. ¹⁰ Di nuu he ma tuon aa che duu ken ma nyusun yage doŋo, yiru a kpurise u digilaa. Di u ne via aŋ ŋiŋaa, bira yiru a lere u digilin le lia, aŋ liise ŋ nisin u le. ¹¹ Nii-la sí ŋaa ŋii via wutitii-la ne aa ŋaa haacheba maa. U wu-ŋaalaa jaŋ dii u titia sariya.

Wu-kaanin

¹² Di mi ne tin Atimas koo Tikikas duu ko ŋ teen, he dolun aŋ ko mi teen Nikopolis le, beɛ wiaa mi biina mi jaŋ hoŋ dime waarin cheŋsi-la tuon. ¹³ Di Ziinas sariya didiiri-la ari Apolos ní ven ba wonbiin, peba le worun. Piba ku-la kala ba sí che. ¹⁴ Leŋ di la niaa ma gunne di ba ŋiŋaa wu-zoŋŋoo a wuo pipe nialin si maga di ba pe le. U maga di ba tin tinŋin-zoŋŋoo duu ken doho.

¹⁵ La di nialin kala si hoŋo, laa chuolun. Chuole nialin kala si laa Yesu wiaa dii a chola. Wia jaŋ pema kala le worun.

TEN-LA PŌŌL SI NŪMUNSA PI FALIIMŌŪ

¹ Mi-na PŌŌl ari la naanbie Timoti ne ŋmunŋe teniŋ deen a pi ŋ-na FaliimŌŪ. N ne ŋaa la nanŋon-chooluŋ, a bira ŋaa la doŋo tiina la tiŋtiŋŋaa le. Ba keŋmi to dia a tiŋ Yesu Kirisito wiaa.

² La bira ŋmunŋe teniŋ deen a pipi nialiŋ si laa Yesu wiaa dii aa hilimi ŋ dia le, a bira ŋmunŋe teniŋ deen a pipi la dihaala Afia ari la dibaala Akipas. Akipas ŋaa la laali-yuoroo doŋo ne Kirisito tiŋtiŋŋaa le.

³ La Nyimma Wia ari la Tiina Yesu Kirisito lahorimŋ le, ma jan hoŋ ari yarifielaa.

PŌŌl lŋlle Wia a mu tige FaliimŌŪ le

⁴ Bua-na kala le di mi nŋi chuŋle Wia, mi ma yie lŋlle Wia a pipiŋ ne. ⁵ Mii nŋi ŋii ŋ si cho Wia niaa, ari ŋii ŋ si laa la Tiina Yesu Kirisito wiaa dii. Nŋi ne mii lŋlle Wia ne a tiŋ ŋ wiaa. ⁶ N si bul wialiŋ a pi niaa doŋsuŋ ŋii, mi yie sul Wia a pipiŋ, di ŋii jan leŋ di la jiŋ wu-zŋŋ-na kala la si na Kirisito teenj. ⁷ Mi naanbii-choolii, ŋ sŋ cho Wia niaa woruŋ, ŋii ŋaa mi ma tuŋ toŋe kiŋkeŋ, mi nyuŋ ma nyaase, beŋ wiaa ŋ leŋe Wia niaa tuŋ piŋ di-bala ne.

PŌŌl sul FaliimŌŪ duu keŋ Oniisimas woruŋ

⁸ La di Kirisito si ŋaa kubala, mi fa jan keŋ doluŋ di mi chaasa daŋiŋ wii-la si maga di ŋ ŋaa. ⁹ Mi-na PŌŌl ne paala chiŋ Yesu Kirisito naasiŋ le aŋ lele he sarika le a tiŋ u wiaa. Nŋi ne tii mi fa jan wuo chaasa fuguŋ di ŋ ŋaa wii-la si maga di ŋ ŋaa. Ama mi si choŋ ŋii, mi jan suluŋ di ŋ ŋaa wii-la ari tuŋorun. ¹⁰ Wii-la ne ŋla: Mii suluŋ a tiŋ mi bie Oniisimas wiaa. U naga ari mi titia bie ne, beŋ wiaa, mi le ne u to a laa Yesu wiaa dii bua-la le mi si he sarika le. ¹¹ Bua kubala le u fa he ŋ teenj ne aŋ bi tiŋtimii kala tima piŋ. Ama lele, duu ne ko ŋ teenj, u jan wuo ŋaa wiaa yuge a piŋ, a leŋ mi ma tuŋ toŋe. ¹² Mi jan leŋ u miira ko ŋ teenj ne a nage mi titia PŌŌl fa si ko ŋ teenj ŋii. Nŋi wiaa, keŋu woruŋ ari ŋ fa si jan keŋmi ŋii. ¹³ Mi fa cho duu he mi teenj ne. Mi ha si he sarika le ŋii a tiŋ Yesu wu-zŋŋ-la wiaa, u fa jan wuo pemi le ari ŋ fa si jan pemi le ŋii. ¹⁴ Ama mi bi che di mi fuguŋ di ŋ pemi le. Mii che di ŋ to ŋ titia tuŋorun le ne a pemi le. Nŋi wiaa mi bi jan ŋaa wii-kala see di ŋ seye.

¹⁵ Oniisimas si lii ŋ teenj, u bi diene, ama u jan miira ko ŋ teenj lele. Duu ne miira ko, u jan he ŋ teenj deen deen. ¹⁶ Oniisimas ŋaa ŋ yomo ne aŋ lele miira ko ŋ teenj. Ama lele u kii yomo. U ŋaa la naanbii-titii si laa Yesu wiaa dii. Mi cho u wiaa woruŋ. N ma jan chou woruŋ, ari u si ŋaa ŋ yomo ari ŋ naanbie kala ne la Tiina Yesu teenj. ¹⁷ Di ŋ ne bene di mi ŋaa ŋ nanŋon-fiaŋ, duu ne miira ko, keŋu woruŋ ari ŋ fa si jan keŋmi ŋii. ¹⁸ Duu ne ŋaa wii cheyiŋ, joŋo cheu a tiŋ mi wiaa. Duu ne dii ŋ chimin maa, mi jan tiŋin. ¹⁹ Mi-na PŌŌl, mi titia nisiŋ ne ŋmunŋe teniŋ deen a pipiŋ. Mi jan tiŋin. Sŋ yu ari mi-na PŌŌl le ne ŋ to keŋ miisiŋ Yesu teenj. Nŋi wiaa mi ne laa ŋ miisiŋ ta. ²⁰ Mi naanbii, mi saa suluŋ, pemi le wiŋ deen le. La Tiina Yesu Kirisito doluŋ le, leŋ di mi tuŋ toŋe.

²¹ Mi laa dii ari mi si ŋmunŋe wiŋ deen piŋ, ŋ jan ŋaa wii-la mi sŋi che. Mi jima ari ŋ jan paala ŋaa kii ŋii. ²² Pe che dia a ŋaa siri bilmi le, beŋ

wiaa mii yiele ari ma si chuole Wia pipimi ŋii, Wia jaŋ laa ma kala sulaa a leŋ di mi miira kɔ ma teen.

Pɔɔl ari niaa dɔŋsun chuole Faliimɔŋ

²³ Baal kubala ma ne he daha. Baa yire Epafiras. Ba kenu tɔ dia a pemi le a tiŋ Yesu Kirisito wiaa ne. Uu chuolun. ²⁴ Maak ari Arisitaakis ari Dimas ari Luuk, ba ma ŋaa mi tiŋtinni-dɔŋsun ne. Ba maa chuolun.

²⁵ La Tiina Yesu Kirisito lahorimo le, ma jaŋ hɔŋ ari yarifielaa.

TEN-LA BA SI N̄MUNSA PI HIIBURU TINŊAA

Wia Bie ne kii Wia tin̄daaraa

¹ Faafaa-la Wia bul wiaa pi la naabalimaba a yuge ne. Wonbie-la u si to bul wiaa piba ma yuga ne. U to nialinj fa s̄ii bul wiaa, Wia Diŋ-zon̄-la dolunj le ne a bul wiaa deen̄ba piba. ² Ama leele tapulaa deen̄ba, u to u Bie le ne a bul wiaa pila. U leŋe u Bie deen̄ ne keŋ kuŋ-kala dolunj. Wia s̄ii che duu ŋaa dunia, u leŋe u Bie ne ŋaa. ³ Wia si keŋ tula-la, u ne u Bie ma keŋ. N̄ii Wia si naga, n̄ii titia ne u ma nage. Wialinj u s̄ii bul keŋ dolunj. Dol-la ne u kaa beŋ kuŋ-kala si he dunia le. U si ku tuu dunia, u piise niaa disinnij ta ne. U si ŋaa n̄ii deŋe, u jila hoŋ Wia seme, ni-duon̄ di-hon̄unj. ⁴ U ne kii Wia tin̄daaraa kala. Yiri-la u si laa Wia teenj, u ma ne kii yiri-la Wia tin̄daara-la si laa.

⁵ Wialinj Wia si bula a tigeu le ne ŋla:

“N̄ ŋaa mi Bii ne,
mi ne lulunj jininj.”

U saa bira bula a tigeu le:

“Mi jan̄ ŋaa ŋ Nyimma,
ŋ ma jan̄ ŋaa mi Bii.”

Wia tin̄daari bee le ne Wia ha bul wiinj deen̄? Ba kuŋ-kala le dee Wia bul wiinj deen̄. ⁶ Bua-la le u si leŋe u Bie ku tuu dunia, u bira bula a bul, “Wia tin̄daaraa kala jan̄ tuu kpirimi u sipaan̄ a chuolu.”

⁷ Wialinj Wia si bula a mu tige u tin̄daaraa le ne ŋla: U si,
“Mi leŋe mi tin̄daaraa nage pelinj
ari nyinj-gelinj ne.”

⁸ Ama u si bul wiaa a tige u Bie le, ŋla ne u bul: U si,
“N̄ kuoronj jan̄ he dime a kaa mu deen̄ deen̄.

Wia tuo-pul kiaa ne jan̄ ŋaa ŋ kuori-daantiga di ŋ kaa beŋ ŋ niaa.”

⁹ “N̄ cho wutitiiba ne a kii wu-nyiarinj.

N̄ii ne tii ŋ Nyimma Wia liisinj
di ŋ yuga kii ŋ don̄sunj tin̄ŋaa a biben̄ba.”

¹⁰ Wialinj ba bira si bula a tige u Bie le ne ŋla: Ba si,
“La Tiina, ŋ ne ta tin̄teenj bun̄bun̄-la,
a ta wia nyunj maa.

¹¹ Wia nyunj ari tin̄teenj kala jan̄ lel, ama ŋ-na jan̄ he dime.
Ba kala jan̄ birime ku-binaa a kose, ari genninj s̄ii kose n̄ii.

¹² Ba jan̄ nage gerinj di ŋ kaa kpenj.

N̄ jan̄ keŋba kaa birime, ari geri-zon̄-la si yie birime n̄ii. Di u zomun̄ ne lia, u bira bi ku-falii ŋaa.

Ama ŋ-na bi jan̄ ko di ŋ birima. N̄ bi jan̄ ko di ŋ hiesa.”

¹³ Wialinj Wia bira si bula pu ne ŋla: U si,

“Ku hoŋ mi seme, ni-duon̄ di-hon̄unj,
see mi yuo d̄ii ŋ din̄don̄ŋoo kala deŋe.”

Wia tin̄daari bee le ne Wia ha bul wiinj deen̄? Ba kuŋ-kala le dee Wia bul wiinj deen̄. ¹⁴ Wia tin̄daara-la kala ŋaa Wia tin̄tinnaa ne. Wia yie tin̄ba ba mu pe nialinj u s̄ii che u laa ta le ne.

2

Yesu ne ŋaa la Laataara

¹ A tiŋ wiin deen wiaa, u maga di la keŋ wialin la si nia woruŋ, a si hariŋ miiru. ² Wialin Wia tinɗaaraa fa si bula pi Iziral tinɗaa fa dolie ne woruŋ. Di nuu ne fa bi baa to, koo di nuu ne fa chei ba kuŋ, ba yie doŋisu ne woruŋ. ³ Wia sii che duu laala ta, nii ŋaa wu-bal ne a kii wialin Wia tinɗaara-la si bula. Di la ne bi wii-la seye, wii-kala bira tuo duu laala ta, see duu doŋisela. La Tiina Yesu ne laa sipaan bul wii-la. Nialin ma si nii wii-la bula pila ne. ⁴ Wia ma titia daga ari wii-la ba si bula ŋaa wutitii ne. U dage u doluŋ a ŋaa wu-kpunƙperisin ari wu-magilaa kala. Wia ma to u tuotoruŋ le ne a leŋ niaa keŋ doluŋ, di ba tiŋ ba tintinɗaa u Diŋ-zoŋ-la doluŋ le.

⁵ U bi naga Wia jon tinɗee-falii-la si jan ko a he Wia tinɗaaraa nisin le ne di ba biben. Tinɗee-falii-la wiaa ne la bulaa pima. ⁶ Wia tenin tuoŋ seme doŋo ba bula,

“Bee kuŋ ne nuhuobiine ŋaa ŋ bibiine u wiaa, bee kuŋ ne nuhuobiine bie ma ŋaa ŋ bibenu?”

⁷ N si ta nuhuobiine, ŋ leŋe Wia tinɗaaraa kiiu mua ne, ama ŋ leŋe nuhuobiine ne keŋ yirin ari doluŋ.

⁸ N jon kuŋ-kala ne a he u nisin le u biben.”

N si jon kuŋ-kala he nuhuobiine nisin le nii, ŋ leŋe u keŋ ba kala doluŋ ne. Ama lee le la na di nuhuobiine ha bi kuŋ-kala ka ben. ⁹ La na ari Wia fa leŋe Wia tinɗaaraa ne kii Yesu mua. Ama lee le Wia leŋe Yesu yuge a keŋ yirin maa, bee wiaa u na heeŋ ne a suu. Wia lahoŋimo le ne u fa ŋaa nii, duu wuo laa nuhuobiinee kala nyuŋ a suu.

¹⁰ Kialin si he dunia le, Wia ne ŋaaba a tiiba maa. U sii che di u biirin yuge a ko u teen, u leŋe ba sipaa-laara chaasa na heeŋ ne woruŋ duu sene wuo laaba ta. ¹¹ Nii-la si piise niaa disinnin ta, ari nialin disinnin u si piisa ta, ba kala nyimma ŋaa kubala ne. Nii ne tii u ŋaa nii a wuo yire ba kala u naanbiirin, ka hiisin buu kene. ¹² Wialin Yesu si bula pi Wia ne ŋla:

“Mi jan yire ŋ yirin mi naanbiirin teen.

Nialin si hilime aa chuolun tuoŋ mi jan dennin.”

¹³ U bira bula,

“Mi jan laa ŋ wiaa kala dii,”

a bira bul,

“Nami ari ŋ biiri-la kala ŋ si joŋo pimi.”

¹⁴ Biiri-la Wia si joŋo pi Kirisito keŋ chalin ari yaraa ne. Nii titia ne Kirisito ma keŋ chalin ari yaraa duu suu a wuo yuo dii Sitaani, nii-la si keŋ suuŋ doluŋ, ¹⁵ a wuo laa niaa ta, nialin sii fa suuŋ a ŋaa suuŋ yosi ba miisin kala le. ¹⁶ Nii wiaa u bi naga ari u ko duu pe Wia tinɗaaraa le ne, ama u ko duu pe Abiraham doho niaa le ne. ¹⁷ Nii ne tii u birime nuhuobiine a ma nage u naanbiiri-la, ba wii-wii-kala le. U ŋaa nii duu wuo ku ŋaa nialin si tima pipi Wia niaa nyuŋ kuhian u naanbiirin tuoŋ ne a wuo faa nennige, a wuo ŋaa ni-titii, a wuo pe nialin le Wia wonbiin le, a wuo leŋ di Wia jon u baaniŋ u fa si kene a tiŋ niaa haacheba wiaa ta. ¹⁸ U titia na heeŋ ne woruŋ. Sitaani ma fa magisu. Nii wiaa u jan wuo pe nialin Sitaani sii magise le.

3

Yesu ne kii Moosis

1 Njii wiaa mi naanbiirin si bi disinnin kené Wia sipaan, Wia ne yirela di la kó u teenj. U saa maga di ma jon Yesu wiaa he ma nyunj le. U ne ŋaa Wia nanzɔɔ a ŋaa nialinj si kpu pusunj pipi Wia kuhianj maa, wonjbi-la la sii to le. 2 U to nii-la si liisu niinj worunj ne a tima pu, ari Moosis fa si to Wia niinj njii a tima pi Wia niaa. 3 La jima ari nii-la si saa dii-zomunj ne maga duu laa yirinj a kii dia-la u si saa. Njii titia ne yiri-la Yesu si laa ne yuga kii Moosis yirinj. 4 Dia-na kala si he dime, nuu ne saa. Ama kialinj kala si he dime, Wia ne ŋaa. 5 Moosis fa ŋaa tiŋtinni-titii ne Wia niaa kala tuonj a tima pipiba. U ne fa bul wiaa piba a tige wialinj si janj kó le. 6 Ama Kirisito-na fa ŋaa Wia Bii ne, a ŋaa ni-titii a tima pipi Wia niaa. Di la ma ne kenj nyu-duonj a tiŋ kialinj la sii yielu wiaa, la ma janj wuo ŋaa u dia niaa.

Njii la si janj ŋaa a na wiese Wia teenj

7 Njii wiaa, Wia Din-zonj-la bula pila ari,
“Jininj, di ma ne nii Wia yiikoro,

8 ma sí siiduonj kenj, ari nialinj fa si lii Wia harinj girinj tuonj si kenj siiduonj njii.

Bua-la le ne ba magisemi a ŋaa mi na baaninj.

9 Lee-la ma naabalimaba magisemi ne worunj,
a na mi wu-ŋaalaa jisinj mahinj balia.

10 Njii wiaa ne mi baaninj sii niaa deenba kala nyunj. Njii ne mi bul,
‘Ba tuobiinaa yie ŋaa ba yehŋi ne,
ba bi mi niinj wiaa ka to.’

11 Njii ne mi na baaninj a ŋmiese a bul,
‘Mi bi janj piba di-honunj di ba hono wiesi da.’ ”

12 Mi naanbiirin, má pɔ ma titia le di ma tuonj nuu sí wu-bonj biinu. Di u ne ŋaa njii, u bira bi janj laa Wia wiaa dii. U janj jon harinj yia Wia-la si weye. 13 Ama má pe donj le tapulii-na kala a lii jininj a kaa mumu, di wu-bonjɔɔ sí wuo nyise ma kun-kala a wuo ŋaa di ma ŋaa siiduo wiaa Wia sipaan. 14 Wialinj la si laa dii bunbun, di la ne kenba njii a kaa mu wuu, la di Kirisito kala janj ŋaa kubala. 15 Wialinj ba si bul Wia teninj tuonj ne ŋla:

“Jininj, di ma ne kó di ma nii Wia yiikoro,

ma sí siiduonj kenj ari nialinj fa si lii Wia harinj si kenj siiduonj njii.”

16 Kubeeba ne nii Wia yiikoro anj lii Wia harinj? Nialinj fa si to Moosis harinj a lii Ijipiti tiŋteenj le ne ŋaa njii. 17 Kubeeba ne fa leŋe Wia baaninj sii ba nyunj jisinj mahinj balia? Nialinj fa si bi u niinj wiaa to le ne leŋe u baaninj sii. Ba ne u leŋ ba suu girinj tuonj njii. 18 Kubeeba le ne Wia ŋmiesa he ari ba bi janj na wiese-la u fa sii che u jonjo pi u niaa? Nialinj fa si bi Wia niinj wiaa ka to le ne u bul njii. 19 La na ari ba si bi Wia wiaa laa dii ne tii ba bi wiese-la wuo na Wia fa sii che u jonjo pi u niaa.

4

1 Wia læle bula pila ari la janj wuo kó u teenj a na wiese. Njii wiaa má leŋ di la kenj la titia worunj duu sí wuo na di la donsunj ŋaa wiaa chei. Di la ne ŋaa wiaa chichei, la bi janj na wiese u teenj. 2 Wia wu-zomɔ-la ba si bula pila, ba fa bula pi la naabalimaba ma ne. Ama ba bi wialinj laa dii. Njii wiaa wialinj biba le pe. 3 La nialinj si laa wialinj dii janj wuo mu Wia teenj a na wiese-la ari Wia si bul njii. U si,
“Mi na baaninj, njii ne tii mi ŋmiese ari

ba bi jaŋ na wiese-la mi fa sŋi che mi joŋo piba.”
Ama la jima ari bunbun-la Wia si ŋaa dunia dere, u tinj u tintinŋaa kala dere ne. ⁴ Wialinj ba si bula Wia teninj tuoj a tige che-pemin cheej ne ŋla: Ba si,

“Wia si ŋaa dunia dere, u wiese ne che-pemin cheej.”

⁵ Lee-la titia Wia bira bula,

“Ba bi jaŋ na wiese mi teenj.”

⁶ Ŋii-na niaa doŋsun jaŋ na wiese-la. Ama nialinj si laa sipaan nii Wia wu-zomɔ-la bi wiese-la na, bee wiaa ba bi wialinj ba si nia to. ⁷ Nii ne Wia bira liise tapulii kubala. Tapulii-la ne ŋaa jininj. U to la naabalima Devit le ne a bul wiinj deej. U si,

“Jininj, di ma ne ku nii Wia yiikoro, ma sŋi siiduon keŋ.”

⁸ Bua-la le ba naabalima Josua fa si ŋaa Iziral tinŋaa sipaa-laara, u biba wiese pa. Di u ne fa piba wiese, Wia fa bira bi jaŋ bul tapulii doŋ wiaa.

⁹ Nii wiaa, tapulii doŋ ne he dime, Wia niaa si jaŋ wiesi. ¹⁰ Nii-la kala si na wiese Wia teenj, u tiina lenj u tintinŋaa ne anj wiesi, ari Wia ma si tinj u tintinŋaa dere anj wiesi nii.

¹¹ Má saa lenj di la he dolonj a na wiese-la Wia sŋi che duu joŋo pila. Nialinj fa si bi u niinj wialinj to, ba bi wiese-la na. Di la ma ne bi u niinj wialinj ka to, la ma bi jaŋ na wiese-la. ¹² Wia niinj wiaa weye a keŋ niinj a kii sia niirinj balia kala sŋi dii nyagaga. U yie wuo toɔ juu nuhuobiine, a keŋ u dima ari u miisinj kaa pore doŋo le. U yie wuo jinj nuhuobiine tuoj ari u tuobiinaa kala. ¹³ Kuŋ-kala tuo si jaŋ wuo keŋ u titia faa Wia teenj. Wia na kuŋ-kala ne, u teenj ba kala he pulumunj tuoj ne. U jaŋ lenj di la dage la wu-ŋaalaa kala a pu.

Yesu ne ŋaa nialinj si tima pipi Wia niaa nyun kuhianj

¹⁴ Yesu ne ŋaa Wia Bie a bira ŋaa nialinj si tima pipi Wia niaa nyun ba tuoj kuhianj. U ne ŋaa kuhiasi-la tuoj kuhianj maa. U si tinj u tintinŋaa dere, u jil wia nyun a mu Wia teenj. La kuhianj si yuga nii, má lenj di la keŋ wialinj la si laa dii worunj. ¹⁵ Yesu bi nage nialinj si kpu pusunj pipi Wia kuhiasinj si bi niaa nennige ka fa nii. U ne wuo fála nennige a jinj wialinj sŋi walimela, bee wiaa ba ma walimu ne. Sitaani paala magisu ne, ama u bi wu-boŋo kala ŋaa. ¹⁶ Nii wiaa má lenj di la keŋ nyu-duonj a wuo yi lee-la Wia si hoŋo, duu wuo fála nennige. Di la ne juu wii-kala, u jaŋ fála nennige a pela le.

5

¹ Nialinj si kpu pusunj pipi Wia kuhianj-na kala, ba yie liisu niaa tuoj ne. U he nuhuobiine ari Wia pege a laa kiaa pipi Wia, anj pe kpu pusunj a piise niaa disinninj tita. ² U siaa yie fiele niaa nyun ne worunj, nialinj sŋi ŋaa wu-boŋoŋo anj bi jinj, ari nialinj si yenŋe Wia wonbii-la le, bee wiaa u ma titia yie ŋaa wiaa chichei ne. ³ A tinj nii wiaa ne u yie kpu pusunj pipi Wia a tinj u titia haacheba wiaa, di Wia piise u disinninj ta, a bira kpu pusunj pipi Wia maa a tinj ni-kaana-la kala wiaa, di Wia piise ba ma disinninj ta.

⁴ Nu-kala bi jaŋ wuo liise u titia a titinj tintiminj deej. Wia ne yie liise tiina ari u fa si liise Erɔŋ nii. ⁵ Nii titia ne Kirisito ma bi u titia kaa yuge duu tinj tintimii-la nialinj si kpu pusunj pipi Wia kuhianj sŋi tinj. Ama Wia ne liisu. Wii-la Wia si bula pu ne ŋla: U si,

“Ŋ ŋaa mi Bii ne,
jininj mi ne lulunj.”

6 Wia teniŋ tuoŋ seme doŋo maa u bula,
 “N nage nii-la fa si kpu pusun pipi Wia doŋo ba sii yire
 Melikizedeki ne.

N jan tima pipi Wia niaa nyun a kaa mu deen deen.”

7 Yesu fa si he u miisin le dunia deen le, u chuole Wia a faasa yel sii-liirin a sul Wia, u-na nii-la si jan wuo laa u miisin ta duu si suu. Yesu seye duu ŋaa wialin sii tore Wia tuon ne, nii ne tii Wia laa u Wii-sula. 8 Yesu fa ŋaa Wia Bii ma ne, ama u na heen ne worun. U si na heen nii, u ku jin nii u si jan ŋaa a to Wia niin worun. 9 U si to Wia niin kala dere, u ku ŋaa nialin kala ma sii to u niin sipaa-laara, a laaba ta a kaa mu deen deen. 10 Nii ne Wia liisu duu ŋaa nialin si tima pipi Wia niaa nyun kuhian, a tima pi Wia ari Melikizedeki fa si timaa pi Wia nii.

Má waa Wia wiaa le, aŋ sí harin jono yia Wia wu-zomola

11 La ken wiaa yuge ne di la bul a tige wiin deen le. La bi jin nii la si jan wuo bul wii-la di ma jin u bubuon, bee wiaa leele ma digilaa kparima ne. Ma bi wialin bubuon wuo jin lima lima. 12 Ma si nii Wia wu-zomola, u diene ne. U fa maga di ma ne didage niaa, ama ma bira che nuu ne duu didagema Wia niin wialin ma si nia bunbun. U naga maa che yilin ne di ma wase. Ma ha bi ku-duoron wuo didii. 13 Bii-mulo ne yie wiwase yilin, u bi ku-duoron wuo didii. Nii titia ne ma ma nage. Ma ma ha bi wu-duoron wuo jijin. Wialin ba si dagema jan len di ma ken tuo-pula Wia sipaan. 14 Nihian ne wuo ku-duoron didii. Nialin si waa dere Wia wiaa le nage nihiasin ne. Nii ne tii ba yie wuo jin wu-bonŋoo ari wu-zonŋoo pege, bee wiaa ba venee ŋaa wu-zonŋoo ne.

6

1 Nii wiaa la si wuo jin bunbun wialin ba si bula pila a tige Kirisito le nii, u maga di la kiele mu sipaan ne a wuo waa dere Kirisito wiaa le. Ma si lenje di la bira suomo bubul wialin la si jan ŋaa a birima lii la haacheba-la le, aŋ len la wu-bomola la fa sii ŋaa. La bira bi che di la suomo bul nii la si jan to a laa Wia wiaa dii. 2 La ma bira bi che la bul nii ba si jan fola Wii-chuole liin, ari nii ba si jan jon nisaa danla le, ari nii niaa si jan suu aŋ sii suun le, ari nii Wia si jan dii niaa sariya a jon cheerin pi doŋsun a kaa mu deen deen, a bira jon miisin pi doŋsun ma a kaa mu deen deen. 3 Di Wia ne seye, la jan kieli bunbun wialin aŋ mu sipaan. 4 Di Wia ne wuo suri niaa siaa di ba wuo jin u wiaa, a wuo laa wialin si lii Wia teen dii, a bira ken u Din-zon-la maa, 5 a wuo nii Wia niin wiaa a jin ari u niin wialin zomo ne kinken, a bira wuo na Wia kuorii-la si jan ko dolun si mage nii ba miisin le leele ŋla, 6 di ba ne jin wiaa deenba kala aŋ bira jon harin yia Wia wu-zomola, ee ne ba jan bira ŋaa di ba birima lii ba haacheba le, aŋ bira ko Wia teen? Ba bira bi jan wuo miira ko Wia teen. U saa naga ari ba bira wasa kpaase Wia Bie mere daa-gesee nyun ne. Ba si ŋaa nii, ba bira lenje hiisin dii ne niaa tuon. 7 Di duonun ne nii he tinteen le, tintee-la yie wuo nyua duon lii-la. U si nyua lii-la nii, kaa wiwase lee-la. Nialin sii pere lee-la ma nina kaa worun. Tintee-la zomo piba ne. Wia ne pe tintee-la le. 8 Ama di yan ari sosun dunɗunɗu nii nyu lee-la, nii-na tintee-la bi zomo pi nialin. Wia via tintee-la wiaa ne. Ba jan chaane nyinin he duu dii buru. 9 Laa bul wiaa deenba kala, ama ma-na, la nanɗon-chooloo, ma-na kpia ne. Ma bi tintee-loru-la wiaa la si bula naga. La ŋaa yarida ari Wia jan laama ta, 10 bee wiaa Wia ken wutitii. U bi jan bee kieli tintimii-la ma si tima pu. A tin u wiaa ma cho u niaa ne a tima pipiba, aŋ haa titin nii.

¹¹ La saa cho di ma kuŋ-kala fiɛɛ siɲ aa yieɛ kialiŋ ma si jaŋ na, a jin woruŋ ari ma sene jaŋ naba, a keŋ nii naaŋ le a mu dere. ¹² La bi che di ma keŋ yariwiɲ. Nii ne tii la bul nii. Laa che di ma to nialiŋ si laa Wia wiaa dii faafa naa-buasun ne. Niaa deenba chin wialiŋ ba si laa dii le ne a nyalima nii halii, a wuo na kialiŋ Wia fa si bula piba ari ba jaŋ na.

Wialiŋ Wia si bula sene ŋaa ne

¹³ Faafa-la Wia bil u niɲ a pi Abiraham aŋ ŋmiese. Kuŋ-kala fa tuo a yuga a kii u-na Wia duu ŋmiese. Nii ne u ŋmiese u titia. ¹⁴ U ŋmiesa a bul, “Wutitii, mi jaŋ peŋ le a leŋ di ŋ doho niaa puŋ.” ¹⁵ Nii ne Abiraham keŋ ken yiri a wuo nyalime, a sene na wii-la Wia fa si bula pu ari u jaŋ na. ¹⁶ Ama di nuhobiinee nii che di ba ŋmiese, ba yie ŋmiese ku-la si kiiba ne. Di ba ne keŋ wii ma kaa lilere, ba yie ŋmiese ne. Di ba ne ŋmiesa, wii-la sene chin. ¹⁷ Wia fa bula pi u niaa ari u jaŋ joŋ kiaa piba. U fa sii che di ba chaasa jin ari u bi jaŋ keŋ u niɲ birime, ama u sene jaŋ joŋ kialiŋ piba, u ŋmiesa dan ne. ¹⁸ Wia saa ŋaa wiaa balia ne. U si wuo bul wii-la aŋ pe ŋmiese nii, wiaa deenba baliamin bira bi jaŋ ko di ba birima, bee wiaa Wia bi wiaa nyia. U bul wiaa deenba a pi la nialiŋ si fá mu Wia teen, di la laa la titia dime ne. U bul nii pila di la nyuŋ nyaase ne a tiŋ kialiŋ Wia si bula ari u jaŋ ŋaa pila wiaa, a keŋ kialiŋ la sii yielu woruŋ. ¹⁹ La sii yieɛ kialiŋ nii, la jaŋ wuo nyire la boye a chin wialiŋ la si laa dii le woruŋ, a wuo juu Wia di-zoŋ-la, lee-la patiisa-baliŋ fa si kere. Ni-peiba bi lee-la wuo juu. ²⁰ Yesu ne ŋaa nialiŋ si tima pipi Wia niaa nyuŋ a kaa mu wuu, ari baal kubala ba faa yire Melikizedeki fa si ŋaa nialiŋ si tima pipi Wia niaa nyuŋ kuhian a kaa mu wuu nii. Yesu ne laa sipaan juu di-zoŋ-la a tiŋ la wiaa, di la ma wuo to u hariŋ a juu lee-la.

7

Ba bul wiaa a tige Melikizedeki le, nii-la si kpu pusun pipi Wia

¹ Baal-la ba si yiru Melikizedeki, u fa ŋaa taŋ kubala kuoro ne aŋ fa pe ŋaa nii-la si kpu pusun pipi Wii-jaribako. Taŋ-la yirin ne Selem. Bua kubala Melikizedeki cheŋ Abiraham duu mu yuo laaliŋ dii tiŋtee doŋsun kuoro aŋ kuko. Nii ne u sul Wia pu duu pe u le. ² Nii ne Abiraham keŋ kialiŋ u si paa laal-la le a kaa kpaal leree fii, a joŋ doŋo pu. Melikizedeki yiri-la bubuŋ ne kuoro-la si keŋ tuo-pula Wia sipaan. Baal-la ne bira ŋaa Selem kuoro maa. Selem kuoro bubuŋ ne, kuoro-la si keŋ u niaa hoŋ som. ³ Melikizedeki fa bi nyimma kene, u bi naaŋ ma kene. Nuu-kala fa bi u doho jin, a bi bua-la ba si lulu ari bua-la u si suba ma jin. Ama u fa nage Wia Bii ne. U ŋaa nii-la si tima pipi Wia niaa nyuŋ a kaa mu wuu.

⁴ Ma jaŋ na di u fa ŋaa ni-bal ne. La naabalima Abiraham fa si lii laalin ko, u paala kpaal kiaa pu ne. ⁵ Baal doŋ ma ne fa he dime. U yirin ne fa Liivai, u biirin ne fa ŋaa nialiŋ si kpu pusun pipi Wia doho niaa. Wialiŋ Moosis fa si ŋmuŋsa bil di niaa tuto tuoŋ ba bula ari Abiraham doho niaa kala keŋ ba kiaa kpaal leree fii fii, a joŋ doŋo pi ba naanbie Liivai ari u biirin. La jima ari Liivai doho niaa ari Iziral tinŋaa doŋsun kala ŋaa Abiraham doho niaa ne. Ama Wia haa bul nii ne. ⁶ Melikizedeki fa bi Liivai doho nuu ŋaa aŋ pe laa kpaalin Abiraham teen, aŋ sul Wia pu duu pe u le. Ka Wia ma fa ta niɲ ne Abiraham teen. ⁷ Ni-baliŋ ne yie sul Wia duu pe ni-bie le. Wii tuo ba si jaŋ kaa lere a tige wiɲ deen le. ⁸ Liivai nialiŋ si laa kpaalin deen, ba-naa suu ne. Ama Melikizedeki si laa kiaa

Abiraham teen, u-na bi jaŋ suu. Ari jiniŋ u ha weye ne. Ba bul nii ne Wia teniŋ tuoŋ. ⁹⁻¹⁰ Bua-la le Liivai naabalima Abiraham si cheŋ Melikizedeki a keŋ kiaa kpaa pu di ba ha bi Liivai lula. Lele u yie lilaa kiaa u niaa teen ne. Ama Abiraham fa si joŋ kiaa pi Melikizedeki nii, la jaŋ wuo bul ari Liivai ma fa joŋ kiaa puu ne, beɛ wiaa u ŋaa Abiraham doho nuu ne.

¹¹ Wia si joŋ u niin a pi Moosis, bua-la le ne Liivai biirin suomo tiŋ tiŋtimii-la nialiŋ si kpu pusun pipi Wia sfi tiŋ. Di tiŋtimii-la fa pe Iziral tiŋŋaa le di ba chaasa ŋaa ni-zomɔ, nii-na u bira bi maga di nuu doŋ si nage Melikizedeki ko aa tiŋ nialiŋ si kpu pusun pipi Wia tiŋtiŋŋaa. Ama Wia si nuu doŋ jaŋ ko (a pe Iziral tiŋŋaa le). U-na bi jaŋ lii Eɔŋ doho niaa tuoŋ. ¹² Di ba ne liise nuu a bul di u doho niaa dunɔŋa ne kpu pusun pipi Wia, aŋ bira liise nuu si bi u doho niaa tuoŋ lia, see di ba keŋ wialiŋ ba sfi to ma kaa birime. ¹³ La Tiina Kirisito wiaa ne baa bul nii. U ma lii doho doŋ tuoŋ ne. Nu-u-kala ha bi doho deen tuoŋ lia a ŋaa nii-la si kpu pusun pipi Wia. Nu-u-kala jima ari Yesu lii Juda doho niaa tuoŋ ne. ¹⁴ Ama bua-la le Moosis fa si bul wiaa a tige nialiŋ si jaŋ kpu pusun pipi Wia le, u bi bula ari ba liise nuu si lii Juda doho niaa tuoŋ.

Yesu ne ŋaa nii-la si timaa pi Wia niaa nyun deen deen

¹⁵ Nu-u doŋ si tima pipi Wia niaa nyun si folo ko ŋla a nage Melikizedeki, wiaa deenba kala chaasa chin ne. ¹⁶ U tiina si ku ŋaa nii-la si tima pipi Wia niaa nyun nii, u bi naga ari u doho wii ne. U bira bi naga ari wialiŋ ba si ŋmuŋsa bil di niaa tuto ne daga ba liisu. Ama u miisin dolun le ne ba liisu. U jaŋ he dime deen deen. U bi jaŋ suu. ¹⁷ Wia bula pu a bul, “N nage Melikizedeki ne. N jaŋ chin la nyun a tima pipi Wia a kaa mu deen deen.” ¹⁸ Nii wiaa ba joŋ wialiŋ Moosis fa si ŋmuŋsa bil di niaa tuto ta ne. Ba bira bi bubuɔ keŋe, ba bi jaŋ wuo pe nuu le. ¹⁹ Wialiŋ Moosis fa si ŋmuŋsa bil di niaa tuto bi jaŋ wuo len di nu-u-kala wuo chaasa ŋaa ni-zoŋ. Ba si joŋ wu-binaa ta, wu-falaa ne he dime la tuto. Wu-falaa deenba le ne laa yiele. Ba suri wonbiin pila ne, di la wuo ko Wia teen.

²⁰ Wia ŋmiesa ne a daŋ wu-falaa deenba le u si bula pila. ²¹ Di ba ne fa liise nialiŋ si kpu pusun pipi Wia, Wia bi ŋmiesa he, aŋ ka ba titiŋ ba tiŋtiŋŋaa. Ama la Tiina Wia si liise Yesu, u ŋmiesa ne a bul, “Mi bi jaŋ keŋ mi niin birime.” U bira bula, “N ne ŋaa nii-la si timaa pimi Wia niaa nyun a kaa mu wuu.” ²² Wia ta niin ne u niaa teen. Yesu ne u kaa ta nii-la. Wii-la u si bula ne kpia wialiŋ Moosis fa si ŋmuŋsa bil di niaa tuto. Nii daga ari u ŋaa wutiti ne.

²³ Burɔburɔ nialiŋ fa si kpu pusun pipi Wia fa yuga ne, beɛ wiaa ba faa suu ne. Ba sfi suu nii, ba bi tiŋtimii-la wuo tiŋ deen deen. ²⁴ Ama Kirisito-na jaŋ ŋaa nii-la si tima pipi Wia niaa nyun a kaa mu wuu, beɛ wiaa u bi suu. ²⁵ Nii wiaa, u jaŋ wuo laa nialiŋ si tou le a ko Wia teen ta. U jaŋ wuo laaba ta, beɛ wiaa u jaŋ he dime bua-na kala a sul Wia pipiba duu peba le.

²⁶ Yesu si ŋaa nialiŋ si tima pipi Wia niaa nyun kuhian nii, u ŋaa wu-zoŋ ne a pila. Yesu bi disin keŋe, u bi wii-kala cheye. U chaasa ŋaa ni-zoŋ ne. U keŋ u titia pore ne haache tiŋŋaa le. Wia kenu ŋaa ni-bal. U si he Wia-jaŋ le nii, u yuga kii kuŋ-kuŋ-kala si he dime. ²⁷ Nialiŋ fa si kpu pusun pipi Wia kuhiasin fa yie kpu pusun tapulii-na kala ne. U fa maga di ba kpu pusun a tiŋ ba titia haacheba wiaa ne, aŋ bira kpu doŋsuŋ ma a tiŋ niaa haacheba wiaa. Yesu-na bi nii ŋaa. U bi pusun kpua a tiŋ u titia haacheba wiaa. U liise sarika bala ne a pi Wia a tiŋ niaa haacheba wiaa. U titia miisin ne u kaa liise sarika-la. ²⁸ Ba yie to wialiŋ Moosis fa si ŋmuŋsa bil di niaa tuto le ne a liise niaa di ba ŋaa nialiŋ si kpu pusun

pipi Wia kuhiasinj. Nialinj ba si liisa fa keŋ haache ne. Ama wii-la Wia si bula a tige u Bie Yesu le to harinj ne a ko. Wia ŋmiesa ne aŋ-na liise Yesu duu ŋaa nialinj si tima pipi Wia niaa nyuj kuhianj. U chaasa ŋaa ni-zoŋ ne a kaa mu wuu. U bi jaŋ ko duu keŋ disinninj.

8

Yesu ne timaa pi Wia la nyuj

¹ Wii-la kala la sii bul wu-nyuj ne ŋla. La keŋ nialinj si tima pipi Wia niaa nyuj kuhianj ne. U ne he Wia-jaŋ a hoŋ Wii-jaribako seme, ni-duoŋ di-hoŋuŋ. ² Wia di-zoŋ-la le ne u he a titinj. Wia-dia titia ne ŋii. Lee-la nuhuobiine dee bi saa. La Tiina Wia ne saa. ³ Di ba ne liise nialinj si kpu pusuj pipi Wia kuhian-na kala, ba yie liisu duu lua kiaa pipi Wia ne, aŋ pe kpu pusuj ma pupu. Ŋii wiaa u maga di nialinj si tima pipi Wia niaa nyuj kuhianj deej ma joŋ kuŋ ne a pi Wia. ⁴ Di u ne saa fa he dunia le, u fa bi jaŋ ŋaa nii-la si kpu pusuj pipi Wia, bee wiaa nialinj si he dunia le a kpu pusuj pipi Wia, ba nii to wialinj Moosis fa si ŋmuŋsa bil di niaa tuto aŋ ŋiŋaa. ⁵ Niaa deejba si kpu pusuj pipi Wia kuhiasinj tinj ba tiŋtiŋŋaa ne Wia-dia tuoŋ dunia deej le. Ba sii tinj tiŋtiŋŋaa ŋii, baa chesi Wia di-zoŋ-la wiaa ne ŋii. Wia di-zoŋ-la titia dee. Moosis fa si ŋaa siri duu he lebiŋ, Wia fa bul wiaa pu ne. U si, “He lebi-la duu nage ku-la mi si daginj peel-la nyuj.” ⁶ Tiŋtimii-la Kirisito sii tinj ne yuga kii tiŋtimii-la buŋbuŋ niaa si tima, bee wiaa Wia tou le ne a ta ŋii-falij a pi u niaa. Ŋii-falii-la ne kpia buŋbuŋ ŋii-la Wia si ta u niaa le, bee wiaa wii-la Wia si bula bi jaŋ ko di u ta da. ⁷ Buŋbuŋ Wia ta niŋj ne u niaa teenj. Di wialinj faa pe u niaa le di ba ŋaa ni-zoŋo Wia teenj, Wia fa bira bi jaŋ ta ŋii doŋj u niaa teenj.

⁸ U na di buŋbuŋ wialinj bi u niaa le pe di ba wuo ŋaa ni-zoŋo, ŋii ne u bira bul,

“Tapulii kubala mi jaŋ bira ta ŋii doŋj mi niaa Iziral tiŋŋaa teenj, ari Juda doho niaa le.”

⁹ Mi si jaŋ ta ŋii-la, u bi jaŋ nage buŋbuŋ ŋii-la mi fa si ta ba naabalimaba teenj

buu-la le mi si keŋba kaa lii Ijipiti tiŋteenj.

Ba fa bi mi ŋii-la le to,

ŋii ne tii mi joŋ harinj yiaba.

¹⁰ Wialinj la Tiina Wia fa si bula ne ŋla: U si,

“Tapulii kubala ne jaŋ yi di mi ta niŋj mi niaa Iziral tiŋŋaa teenj.

Mi jaŋ leŋj di ba jinj mi niŋj wiaa woruŋ, a joŋo he ba nyuj

ari ba tuoŋ kala le.

Di mi ne ŋaa ŋii, mi jaŋ ŋaa ba Wia,

di ba ma ŋaa mi niaa.

¹¹ Bua deej le nuu-kala bira bi jaŋ dage u doŋo tiina

koo u naanbii ŋii u si jaŋ ŋaa a jinjmi.

Nuu-kala jaŋ jinjmi,

hanjbiisinj ari kuhiasinj kala.

¹² Mi jaŋ fába nennige a joŋ ba haacheba a cheba.

Mi bira bi jaŋ lilisi ba wu-boŋoŋo.”

¹³ Wia si bul ŋii-falii-la wiaa ŋii, u si di buŋbuŋ ku-la ŋaa ku-binii ne. Ku-la kala saa si diene ŋaa ku-binii ne, u maga di ba joŋo ta ne.

9

Yesu ne timaa pi Wia la nyuj Wia-jaŋ le

¹ Bunḅun-la Wia fa ta niin ne a pi u niaa. Nji-la fa keŋ wonḅiee ne ba to a chuchuoḽe Wia. Ba fa he lebin ne a chuchuoḽu dime. ² Lebi-la fa keŋ leree balia ne, tegeḽe ari sipaan. Tegeḽe lebi-la le ne chaanin fa chin korun nyun. Teebul ma fa he dime. Boroboro-la ba si yie kaa mu bil Wia sipaan ma fa dan teebul nyun tegeḽe lebi-la le ne. Lee-la yirin ne fa lee-la si bi disinnin kene, ³ a kiele juu lebi-la sipaan, ba fa keŋ patiiisa ne a kaa kere. Lee-la yirin ne fa lee-la si chaasa pulle a bi disinnin kene. ⁴ Selime korun ne fa he lee-la. Dime ne ba yie nyige tii-kelin suora si sima a pipi Wia. Daga kubala ma ne fa chin dime. Selime tou kala. Selime pupoin ne fa he daga-la tuon. Pupoi-la tuon ne ba fa jon boroboro-la si lii Wia-jan ku tuu a he. Eron daa-la si toso ma fa he daga-la tuon ne. Tabii-taala-la le Wia fa si nmunse u niin wialin he, u ma fa he dime ne. ⁵ Daga-la nyun, ba me Wia tinḅaaraa sii tul, a bil ba ma chin. Ba keŋ ba kinḅesin kaa jere to Wia kuori-kpasa-la nyun, lee-la u si hono aa fa niaa nennige, a jon ba haacheba a cheba. Leele la bi jan wuo bul wiaa yuge a tigeba le.

⁶ Di ba ne bil kialin kala dere, nialin si kpu pusun pipi Wia, ba yie juu tegeḽe lebi-la di ba tin tintimii-la si maga di ba tin. ⁷ Ama nialin si kpu pusun pipi Wia kuhian dunḅun ne yie juu lebi-la sipaan. U ma saa yie juu lee-la bala ne jina kala. U yie keŋ chalin ne a kaa juu pi Wia, a tin u titia haacheba ari nialin kala haacheba wiaa. ⁸ A tin wiin deen wiaa Wia Din-zon-la chaasa dage ari wonḅii-la ba si to juuu lebi-la sipaan, ba ha bi suro, beḽe wiaa tegeḽe lebi-la ha he dime ne. ⁹ Tegeḽe lebi-la nage dunia deen le la si he ne. U bi jan dieni. Tegeḽe lebi-la le ne ba yie jon kiaa pipi Wia an pe kpu pusun pupu. Wialin ba si yie naa lebi-la tuon, ba bi jan wuo pe nialin si keŋ kialin ko, di ba tuobiinaa chesi. ¹⁰ Wiaa deenba dage kudiilee ari ku-nyualaa wiaa dunḅun ne. Ba bira dage ari ba si jan fufo ba yaraa disinnin a kaa mu yi bua-la le Wia si jan keŋ wu-falaa ko ne.

¹¹ Ama Kirisito ko ne leele a naa nialin si tima pipi Wia niaa nyun kuhian. Wii-la u si kaa ko ne zomo a kii bunḅun wialin. U si ko nii, u juu lebi-la sipaan si bi disinnin kene, lee-la ne zomo kinḅen a kii bunḅun ku-la. Nuhuobiine dee bi saa. U bi dunia deen kun naa. ¹² Kirisito juu lebi-la sipaan bala dunḅun ne. U bi buuna koo ne-pasin chalin kaa juu dime. Ama u keŋ u titia chalin ne kaa juu, a jon chal-la a tin la haacheba chimin, a laala ta a kaa mu wuu. ¹³ Bunḅun ba fa yie jon buuna koo ne-bele chalin ne a fo niaa disinnin ta. Di nuu ne naa disinnin, ba yie jon ne-pasa-la ba si kpua a nyige ne a pi Wia, a keŋ u tuorun kaa mise nialin a piise ba disinni-la ta. ¹⁴ Di wiaa deenba ne wuo piise niaa disinnin ta, nii-na Kirisito chalin ma jan wuo paala piise niaa disinnin ta a kii buunaa koo nesin chalin. Kirisito fa bi disin kala kene. Wia Din-zon-la dolun le, u jon u titia pi Wia, a suu a tin la wiaa. U jan wuo len di ma tuobiinaa chesi di ma si wu-bon biinu, ka di ma wuo tima pipi Wia, Wia-la si keŋ miisin.

¹⁵ Kirisito ne he Wia ari nuhuobiine pege. U le ne Wia to a ta nii-falii-la u niaa teen. Wia naa nii di nialin kala u si yira wuo na kialin u si si u jan jon piba Wia-jan le. Kialin jan he dime a kaa mu wuu. Leele Kirisito suba ne. U suu nii duu wuo laa niaa haacheba ta ne, nialin si naa haacheba-la le ba fa sii to bunḅun wialin Wia si ta u niaa teen. ¹⁶ Di nuu ne si duu ne suba, nuu don ne jan dii u kiaa, di tiina ne ha bi suba, nii-la bi jan wuo dii kialin, see di kialin tiina suba. ¹⁷ Di kiaa tiina ne weye, nii-la u si si u jan dii u kiaa bi jan wuo dii kialin, see di u suba. ¹⁸ Nii titia ne Wia jon chalin ta bunḅun nii-la. ¹⁹ Moosis si nmunse wialin bil di niaa tuto, di u

ne ku dageba wialin a ku dere-na kala, u yie kpu ne-pasin ari buunaa ne, a laa chalin a ŋaa liin guoli. U yie che pie-pun-fiesin ari pipaa-suorusun a wɔɔ a he dɔŋɔ le, a kaa yuu chal-la, a mise he ten-la le u si ŋmunsa, an pe ŋaa mise nialin maa. ²⁰ Di u ne ŋaa chal-la mimise nialin, ŋla ne u yie bul: U si, “Chal-la Wia si jono ta niin ma teen ne ŋla.” ²¹ Nii titia ne u yie ŋaa chal-la mise lebi-la ari gban-si-la kala ba si kaa titin Wia tinŋinŋaa lebi-la tuɔŋ. ²² Wutitii, wialin Moosis si ŋmunsa bil di niaa tuto, tuɔŋ chalin ne ba yie kaa fo kiaa jesin kala disinnin ta. Di ba ne bi kun chalin liisa, Wia bi jan wuo jon nuu-kala haacheba a cheu.

Yesu suu bala ne niaa nyun duu laa haacheba ta

²³ Kialin si he lebi-la tuɔŋ nage kialin si he Wia-jan ne. U maga di ba ken pusun chalin chese kiaa deenba disinnin ta. Ama kialin titia si he Wia-jan le, u maga di ba che ku-la si zomɔ kii pusu-la chalin ne a piise ba disinnin ta. ²⁴ Kirisito juu Wia di-zon-la titia ne. Lee-la u si jua, nuhuobiine dee bi ŋaa. Nialin si ŋaa lebi-la, baa chesi Wia di-zon-la ne. Ama Kirisito juu Wia-jan titia ne. U juu lee-la duu wuo mu Wia teen a chin la nyun. ²⁵ Nialin si kpu pusun pipi Wia kuhiasin yie juu lebi-la sipaan si bi disinnin kene jina jina ne, a pe ken pusun chalin kaa juu a pi Wia. Chal-la ba si yie kaa juu, ba titia chalin dee. Ama Kirisito-na si juu lee-la, u bi naga ari u jan venɛɛ juu dime jina-na kala ne a jon u titia a pipi Wia. ²⁶ Duu ne faa ŋaa nii, u fa jan na heen jina-na kala a lii dunia di-suomun a kaa ko ari jinin kala. Ama u si china mage ŋla, dunia diderin kpaga ne. Nii ne u ko bala duu jon u titia a pi Wia a suu, a laa niaa haacheba ta. ²⁷ Bala ne nuu-kala jan suu. Nii harin le Wia jan dii u tiina sariya. ²⁸ Nii titia ne ba kpu Kirisito balá duu wuo laa ni-dan haacheba ta. U jan bira ko. Duu ne ko, u bira bi jan laa niaa haacheba ta, ama u jan laa nialin ta, nialin si ŋaa siri aa gberu.

10

¹ Wialin Moosis fa si ŋmunsa bil di niaa tuto laa sipaan ne, ka wu-zomɔ-la-na to harin ko. Wialin Moosis fa si ŋmunsa bil nage wu-zomɔ-la ne, ama wu-zomɔ-la titia dee nii. Ba nage wu-zomɔ-la daalimin ne. Nii wiaa pusu-la ba si yie kaa ku kpu pipi Wia jina-na kala, ba bi jan wuo len di nialin si ken pusu-la kaa ko ŋaa ni-zomɔ-la si bi disin kala kene. ² Di pusu-la ba si yie kaa mu kpu pipi Wia ne fa wuo len nialin si kaa ko ŋaa tuɔ-pul timma, nii-na ba fa bira bi jan kpukpu pusun deenba jina-na kala. Di ba ne fa wuo piise nialin disinnin tita, nii-na ba fa bira bi jan bibiine di ba ken haache kala. ³ Ama ba si yie kpu pusu-la pipi Wia jina-na kala, ba yie liliisi ba haacheba ne, ⁴ beɛ wiaa nesin ari buunaa chalin bi jan wuo laa niaa haacheba ta.

⁵ Nii ne tii Kirisito bul wiaa deenba a pi Wia bua-la le u si ku tuu dunia. U si,

“N-na bi pusu-la ba si yie kaa ku pin ka che, an bira bi pusu-la ma ba si yie kpu a nyige pin ka che.

Ama ŋ liisemi ne di mi jon mi titia kala a pin.

⁶ Ba si yie kpu pusu-la a nyige pipin, an kpu pusu-la dɔŋsun maa a piise ba disinnin tita, ŋ tuɔŋ bi ba kala nyun toɛ.

⁷ Nii ne mi bul, ‘Mi Tiina Wia, mi ko ne di mi ŋaa wialin sii toɛ ŋ tuɔŋ.

Mi ko ne di mi ŋaa wialin ba si ŋmunsa bil ŋ tenin tuɔŋ a tigemi le.’

8 Wialin Moosis fa si nmuŋsa bil di niaa tuto ne daga di ba kpu pusun pipi Wia, a bira jon kiaa pupu, a bira kpu pusun a nyiga pi Wia, a kpu doŋsun maa a piise niaa disinnin tita. Ama Kirisito bula di Wia bi nii cho. U tuon ma bi ba nyun toro. 9 Nii ne ka u bira bul, “Mi ko ne di mi naa wialin sii toro n tuon.” U si bul nii, u via bunbun wialin ta ne, an miira suomo bil wu-falia. 10 Kirisito si naa Wia tuotoru wii-la a jon u titia kala a pu a tin la wiaa, nii ne leŋe la bira bi disinnin kene. U si suu nii, u jon u titia pi Wia balá ne. U bira bi jan ko duu naa nii.

11 Nuu-kala si kpu pusun pipi Wia yie chin u lerin ne a titin u tintinŋaa tapulii-na kala, a vene kpu pusun pipi Wia tapulii-na kala. U si yie kpu kiaa deenba a pipi Wia, ba bi jan wuo laa niaa haacheba ta. 12 Ama Kirisito suba a jon u titia a pi Wia bala ne duu laa niaa haacheba ta. U si naa nii dere, u jil Wia-jan a hon Wia seme, ni-duon di-honun. 13 U jan hon dime hali, see di u yuo dii u dinɔɔɔɔɔɔ kala dere. 14 U si jon u titia a pi Wia balá nii, u leŋe nialin ba si piise ba disinnin ta naa tuo-pul timma ne u teen a kaa mu wuu. 15 Wia Din-zon-la ma naa wialin la sii bul dansia. 16 U si,

“Di tapulii don ne yie, mi jan ta mi niin ba teen.

Mi jan leŋ di ba jin mi niin wialin,

a jonba he ba tuobiinaa ari ba nyun kala le.”

17 U bira bula,

“Mi bira bi jan liliisi ma haacheba ari ma wu-bonɔɔɔɔɔɔ kala.”

18 Di Wia ne jon la haacheba-la kala a chela, u bira bi maga di la kpu pusun a pi Wia a tin la haacheba wiaa.

Má keŋ nyu-duon a kpage Wia

19 Nii wiaa, mi naanbiirin, la jan wuo keŋ nyu-duon a juu Wia di-zon-la, beŋ wiaa Yesu jon u chalin a jaase la wiaa ne. 20 Wonbii-falii ne Yesu suro pila. Wonbii-la u si suro pila le ne la jan to a juu Wia di-zon-la, a laa miisin Wia teen. Bua-la le Yesu fa si bi suba, nii ne patiisa-bal ne fa kere lebi-la sipaan. Ni-peiba bi dime wuo juu. Nii titia ne la fa bi Wia di-zon-la wuo juu. Ama lele Yesu suba ne, ba keŋ patiisa-bal-la beŋe pila la wuo to juu Wia di-zon-la. 21 La folo keŋ nialin si tima pipi Wia kuhian ne, u biben Wia niaa. 22 Nii wiaa, má leŋ la keŋ nyu-duon a laa wiaa deenba dii ari tuo-bala, a mu Wia teen. Wia chese la tuon ne, a chese la tuobiin-bomo-la kala ta. Ba bira bi jan wiwalimela. U keŋ lii-zomun ne fola. La bira bi disinnin kene. 23 Nii wiaa, wialin la si laa dii, má leŋ di la yiele wialin, a chin ba le kpan kpan, a sí begilu mua maa, beŋ wiaa Wia keŋ wutitii ne. Kialin u si si u jan jon pila, la laa dii ari la jan naba. 24 Nii wiaa, má leŋ di la cho donɔ, a keŋ donɔ ari siiffesin, a pe donɔ le, aa naa wu-zonɔɔɔɔ donɔ le. 25 La si yie hihilimi nii, niaa doŋsun yie via ne. Ma sí nii naa. Ama má leŋ di la haa hilimi a pipe donɔ le di la to Wia ari siiffesin, beŋ wiaa tapulii-la la Tiina Yesu si jan miira ko kpage na.

26 Di la ne ku jin wutitii-la an viau ta a njan wu-bonɔɔɔɔɔɔ, kun don bira tuo ba si jan wuo kpu a pi Wia a piise la disinnin ta. 27 Ama la jan fá fawullun, beŋ wiaa Wia jan dii la sariya. U jan jon cheerin a pila, a jonla he nyinin le, nyin-la jan faasa didii kinken. Nyin-la jan dii Wia dinɔɔɔɔɔɔ kala dere. 28 Di nuu-kala ne chei wialin Moosis fa si nmuŋsa bil di niaa tuto, an ka di niaa balia koo batori ne he dime a naa wii-la u si naa chei dansia, ba yie kpu tiina ne. Ba yie bi u nennige ka fá. 29 Di ba ne fa yie naa nla, ee ne saa ba jan naa nii-la si bee guune Wia Bie ari u tuo kun-kala?

Tiina bira keŋ Yesu chal-la Wia si joŋo ta niinj u niaa le kaa chei ne. Chal-la ne Wia fa kaa chese tiina disinnij kala ta u ku ŋaa tuo-pul tiina. Di tiina bira tuuse Wia Diŋ-zoŋ-la fa sii peu le, u maga di ba doŋgisu a kii nialinj si chei wialinj Moosis fa si ŋmuŋsa bil di niaa tuto. ³⁰ La jinj Wia ne. U si, “Mi janj joŋ wu-bomɔ-la niaa sii ŋaa doŋɔ le a tiŋba.”

Nuu doŋ bira si,
“Wia janj dii u niaa sariya.”

³¹ Di ŋ ne juu Wia-la si weye nisinj, u janj loɔo pinj.

³² Má liise mu yi bua-la le Wia si suri ma siaa, ma ku laa Yesu wiaa dii. Bua-la le ma na heeŋ ne woruŋ aŋ nyalime. ³³ Bua doŋɔ ba yie tuusema a doŋgisema niaa tuoŋ. Bua doŋɔ ma ba keŋma guoli nialinj ba fa sii doŋgise tuoŋ a doŋgisema maa. ³⁴ Ba keŋ niaa doŋsunj si laa Yesu wiaa dii a to dia ne. Ma si na nii, ma tuoŋ cheye ne. Ba bira fuga laa ma kiaa. Ba si ŋaa nii, ma bi wii-kala bula. Ama ma tuoŋ toɔo ne, bee wiaa ma jima ari ma ne keŋ kialinj si zomɔ kii dunia deej kialinj ba si kaa laa ma teenj. Kialinj-na janj he dime deej deej. ³⁵ Nii wiaa ma si leŋe di ma nanɗaasiŋ yuore. Di ma ne chinj ma yarida le a sí leŋ, ma time yuga ne Wia teenj. ³⁶ U maga di ma keŋ kenyiri a wuo ŋaa wialinj Wia sii che di maa ŋaa. Di ma ne ŋaa nii, ma janj na kialinj u si si u janj joŋo pima. ³⁷ U si, “Muapulii nii-la Wia si liisa janj miira ko.

U bi janj dieni.

³⁸ Nialinj kala si ŋaa tuo-pul tinŋaa Wia teenj maga di ba haa ŋaa Wia yarida ne. Di ba ne ŋaa nii, ba janj keŋ miisiŋ Wia teenj.

Ama di ba ne via Wia ta,
u tuoŋ bi janj toɔe ba nyuŋ.”

³⁹ Wia janj doŋgise nialinj si yeŋŋe aŋ viau ta. Ama la-na tuo niaa deejba tuoŋ. La ŋaa Wia yarida ne a wuo laa la miisiŋ.

11

Buŋbuŋ nialinj fa si laa Wia wiaa dii nii

¹ Di ŋ ne laa Wia wiaa dii, ŋ yie jinj ari kialinj ŋ sii yiɛlu Wia teenj, ŋ janj naba. N janj jinj ari kialinj ŋ siinj si bi na sene he dime ne. ² Buŋbuŋ nialinj fa si laa Wia wiaa dii, Wia tuoŋ toɔe ba nyuŋ ne. ³ La laa Wia wiaa dii, nii ne tii la jinj ari Wia ne ŋaa dunia, u bi kuŋ-kala kaa ŋaa dunia. U niinj ne u kaa suro bul wiaa, aŋ ka kuŋ-kuŋ-kala-na he dime. Dunia kiaa deejba la sii na, ba fa tuo, Wia leŋe ba lii kialinj la si bi na tuoŋ ne.

⁴ Naanɗiiriŋ balia ne fa he dime. Doŋɔ yiriŋ ne Ebil, doŋɔ ma yiriŋ ne Keen. Ba kala balia joŋ kiaa pi Wia ne. Ama Ebil-na fa laa Wia wiaa dii ne. A tiŋ nii wiaa, Wia laa kialinj u si joŋo pu. Wia tuoŋ toɔe ba nyuŋ a kii Keen kialinj u si joŋo pu. Nii ne Wia leŋ Ebil ŋaa tuo-pul tiina u sipaanj. Ebil suba ma ne, ama a tiŋ u fa si laa Wia wiaa dii nii, u ha bul wiaa pipila ne.

⁵ Baal kubala ma ne fa he dime baa yire Inok. U ma fa laa Wia wiaa dii ne. U bi suba, aŋ ka Wia joŋu kaa jil Wia-jaŋ. Nuukala bira buu na. Wia titia ne joŋu kaa jil Wia-jaŋ. Wia tuoŋ fa toɔe u nyuŋ ne, ka u-na joŋu kaa jil Wia-jaŋ. ⁶ Di nuu ne bi laa dii ari Wia he dime, Wia tuoŋ bi janj toɔe u tiina nyuŋ. Nii-la kala sii che duu ko Wia teenj, u maga duu laa sipaanj laa dii ari Wia he dime ne, a bira laa dii ari nii-la kala si bee chiche Wia, u tiina janj laa u time Wia teenj.

⁷ Baal kubala ma ne fa he dime baa yire Nowa. U fa laa Wia wiaa dii ne. Nii ne Wia bula pu duu saa liinj daboro di ba di u dia niaa juu, bee wiaa uu che di u kpu dunia niaa kala kala ne. (Wia si bul wii-la u diene, an ka wii-la-na nja.) Nii ne Nowa sei a saa liinj daboro-la ba di u dia niaa juu, an ka Wia lej liinj ku to dunia ni-kaanaa kala ba suu. Ama Nowa ari u dia niaa bi suba. Nowa si laa Wia wiaa dii ne tii u ku nja tuo-pul tiina a jonj cheerinj a pi ni-kaana-la kala ne.

⁸ Baal kubala ma ne fa he dime baa yire Abiraham. U ma fa laa Wia wiaa dii ne. Wia bula pu duu lii u janj le a mu tinjteenj donjo, di u janj jonj lee-la a pi ba di u doho niaa. U to Wia niinj le a lii u janj le a mumu lee-la. U fa bi lee-la u sii mu jinj. ⁹ U si yi tinjtee-la Wia si si u janj jonjo pu, u honj dime a nja nuhuoru tinjtee-la le. U bie Aizik ari u nihiinj Jekob ma fa honj lee-la titia ne a nja nuhuoora. Ba fa he lenjnee ne a juuu. Wia fa bula ari u janj jonj tinjtee-la pi ba kala ne. ¹⁰ Abiraham faa che duu juu tanj-la Wia titia si bil u gertine a saa ne. Tanj deenj ne janj he dime deenj deenj a mumu. Nii ne tii u sei a nja nuhuoru tinjteenj donjo le. ¹¹ Nii titia ne Abiraham haala Saara ma laa Wia wiaa dii. Abiraham ari u haala kala fa hiesa ne woruj, ka Wia wuo peba le ba lul bie. Saara jima ari Wia kenj wutitii ne. Nii wiaa u laa dii ari u janj na ku-la Wia si si u janj jonjo pu. ¹² Abiraham fa hiesa ne woruj a bi biirinj wuo lulul. Nii ne anj ka u lul bii-bala, ama u bii-bala-la le ne u doho to punj. Ba yuga kieli. Ba yuga ari chejwulaa si yuga nii, koo hagila si yuga nii mugi-balinj niinj ne.

¹³ Njaa deenjba kala laa Wia wiaa dii ne anj-na suu. Kialinj Wia si si u janj jonjo piba, ba biba na. Ba naba ari ba he di-bolii, ama ba laa dii ari maachie ba janj naba. Nii wiaa ba na kialinj ne. Ba bira jima ari ba nja nuhuoora ne dunia deenj le anj ta honj tinjtee donjo le. ¹⁴ Njaa deenjba faa che ba titia lerinj ne di ba honj. Nii ne tii ba bul wiaa deenjba a mu tige ba titia le nii. ¹⁵ Ba bira bi tinjtee-la le ba si lia wiaa ka biine. Di ba ne faa biine u wiaa, ba fa janj che wonjiinj a miira mu lee-la. ¹⁶ Ama ba faa che di ba honj tinjtee-la si zomo kii tinjteyee donsunj. Wia-janj ne nii. Wia titia ne saa janj-la a piba. Nii ne tii ba wuo yire Wia yirinj, ka hiisinj bi Wia kene.

¹⁷ Abiraham laa Wia wiaa dii ne. Nii ne Wia magisu duu na nii u yarida si maga. Wia bula pu duu kenj u bie Aizik a kpu a pu. U sei a nja siri duu kpu Aizik a pu. Abiraham bie kala ne fa Aizik. ¹⁸ Wia fa bula pi Abiraham a tige Aizik le duu janj tou le a lej di u doho niaa punj. ¹⁹ Abiraham fa jima ari Wia janj wuo chise u bie suunj le. Nii ne u nja siri duu kpu u bie a pi Wia. U si nja siri nii maa, u nage u kpu ne. Nii ne Wia ma chise Aizik suunj le a jonj pi Abiraham. ²⁰ Aizik ma fa laa Wia wiaa dii ne. Nii ne tii u sul Wia pi u biirinj Jekob ari Iso, di Wia peba le maachie. ²¹ Jekob ma laa Wia wiaa dii ne. U suunj si kpaaga ne, u ma sul Wia duu pe u nihee Josef biirinj le. U tige u daantiga ne a chuole Wia piba. ²² Josef ma fa laa Wia wiaa dii ne. Nii wiaa u suunj si yie, u bul wii a mu tige Iziral tinjaa le anj-na suu. U bula di Iziral tinjaa janj lii Ijipiti tinjteenj le maachie a bira mu ba tinjteenj. U bira bula piba di ba nii mu, ba pe jonj u ku-suunj kaa mu hugi lee-la.

²³ Moosis naanj ari u nyimma ma fa laa Wia wiaa dii ne. Ijipiti kuoro fa bula pi Iziral tinjaa di ba kpu ba bii-mulo-na kala si nja hanjbolibie. Ama ba bi nii nja. Ba si lul Moosis, ba na duu nja bii-zonj ne. Nii ne ba jonjo faa chejnsinj batori. ²⁴ Moosis si ku waa dere, u ma fa laa Wia wiaa dii ne. U bi seye di ba kenu yire kuoro Feero tolo bii. ²⁵ Moosis via ku-zomo-la kala u fa si janj na Feero teenj. U fa bi che u to wu-bonjoo njaaninj a ninii

sima aŋ via u niaa ta. Ijipiti niaa fa sīi dōgise Wia niaa ŋii, u ŋaa siri di ba di ba kala ne na heeŋ. ²⁶ Moosis ŋaa siri di ba dōgisu duu na heeŋ ne a tiŋ Kirisito-la wiaa, nii-la Wia si liisa. U jima ari hee-la kala u si jaŋ na a tiŋ u wiaa keŋ time ne, a kii ku-zōmō-la ma kala u si jaŋ na Ijipiti tiŋteenj le. U ŋaa siri duu laa time-la Wia si jaŋ joŋo pu maachie ne. ²⁷ Moosis fa laa Wia wiaa dii ne, ŋii ne tii u lii Ijipiti tiŋteenj a mu hoŋ tiŋteenj dōŋo le. U jima ari Ijipiti kuoro jaŋ na baaniŋ u nyuŋ, ama u bi u wiaa biina. U na heeŋ ne, ama u nyalima aŋ beŋ Wia le, Wia-la u si bi wuo na. ²⁸ Moosis ma fa laa Wia wiaa dii ne, ŋii ne tii u dage Iziral tiŋŋaa ba diisiŋ kielinj gbiele-la. U leŋe ba kpu pusun, a keŋ chaliŋ taa ba borusunj kala. Ba si ŋaa ŋii, Wia tiŋdaari-la u si tima duu ku tuu a kpu Ijipiti tiŋŋaa bii-bunbunj-na kala Ijipiti tiŋteenj le, u ku tuu a kpuba aŋ kielī Iziral tiŋŋaa ta.

²⁹ Iziral tiŋŋaa ma fa laa Wia wiaa dii ne. Ba fa si lii Ijipiti tiŋteenj le a ku yi mugī-fiaŋ-la niin, Wia leŋe u kpaā balia ne ba veŋ u tuōŋ a chol. Ba veŋ u tuōŋ a nage ba sīi veŋ tiŋtee-hilinj le ne. Ama Ijipiti timma-la fa sīi kiriba si kō a walime di ba chol, muga-la ku toba. Ba kala suu. ³⁰ Bua dōŋo Iziral tiŋŋaa ma fa laa Wia wiaa dii ne. Ba ŋaa wialiŋ Wia si dageba ba ŋaa, a vene golli kere-la si kere taŋ-la ba sīi yire Jerikō tapulaa balipe. Ba si ŋaa ŋii a dere, Jerikō kere-la tel wuru. ³¹ Haal kubala ma ne fa hoŋ Jerikō le, u yiriŋ ne Reehab. U fa ŋaa ha-chōruŋ ne. Ama u laa Wia wiaa dii ne. Ŋii ne u laa nialiŋ Iziral tiŋŋaa si tima di ba ku luore bee na Jerikō tiŋteenj si nage ŋii. A tiŋ ŋii wiaa Iziral tiŋŋaa si ku yuo dii taŋ-la, ba bi haal-la kpuā. Ama ba kpu u jaŋ nialiŋ kala si bi Wia wiaa laa dii ne.

³² Wiaa dōŋsunj he dime mi faa che di mi bul. Ama di mi fa bul Gidianj, Beerak, Samsonj, Jefita, Devit, Samuel ari nialiŋ fa sīi bul wiaa, Wia Diŋ-zōŋ-la dolunj le wiaa, mi fa bi jaŋ wuo bula dere. Ba yuga kielī. ³³ Niaa deenba kala fa laa Wia wiaa dii ne. Ŋii ne ba tuōŋ dōŋsunj yuo dii tiŋteyee dōŋsunj aŋ laa ba kiaa. Ba to wutitii-la Wia sīi che ne. Ba na kialinj Wia si si u jaŋ joŋo piba. Naachigee fa sīi che di ba chaŋ ba niaa dōŋsunj, ba yuoba. Naachige-la biba wuo. ³⁴ Nyiniŋ ma bi ba dōŋsunj wuo. Wia liiseba ni-bōŋŋōo nisiŋ le di ba sība kpu. Ba fa bi dolunj kene, ama Wia ne piba dolunj ba wuo ŋaa wiaa. Ba ku ŋaa bōi-duonj tiŋŋaa a yuo laalinj a dii. Ba yuo a dii tiŋteyee dōŋsunj, ba laali-yuoroō fá lel. ³⁵ Haalaa biiriŋ si suba, Wia chiseba suunj le ne. Niaa dōŋsunj ma fa he dime ba viireba kpu. Niaa deenba fa bi che di ba joŋ hariŋ yia Wia aŋ laa ba miisiŋ. Ba fa jima di ba ne suba maa, Wia jaŋ chiseba suunj le a joŋ miisi-la si zōmō a kii dunia deenj kua a piba. ³⁶ Dunia niaa mōŋ dōŋsunj ne. Ba viire dōŋsunj ma ba yaraa biele. Ba vōō dōŋsunj maa ari chōrumōō aŋ kenba tō dia. ³⁷ Ba yage dōŋsunj ari tabiaa, a keŋ dōŋsunj kerī balia balia, aŋ kpu dōŋsunj ma ari tokobiee. Ba dōŋsunj faa laale piesee ari buunaa jehŋee ne. Ba fa bi ba wu-cheeli kala na. Ba dōgiseba, ba na heeŋ. ³⁸ Dunia deenj fa bi zōmō pi nialiŋ. Ŋii ne ba lii niaa tuōŋ a faa gollē tiŋtee-hilinj tuōŋ ari peelee nyun. Ba fáa bu-buōsunj ari buōsunj tuōŋ ne.

³⁹ Wia teninj tuōŋ ba bul niaa deenba wiaa worunj. Ba kala fa laa Wia wiaa dii ne. Ama kialinj Wia si si u jaŋ joŋo piba, ba biba na. ⁴⁰ Wia fa sīi che duu joŋ ku-zōŋ-la a piba ŋii, u faa biine la ma wiaa ne. U faa che di la di ba kala ŋaa ni-zōmō ne worunj duu wuo joŋ ku-la pi la kala.

¹ La paala na di bunbun nialin si sei Wia niin wialin yuga ne. Ba chin la seme-na kala ne a gollila. Ba nui na wialin kala la sii n̄aa. La si laa Wia niin wiaa nii, u naga laa fá a pipagise ne a mumu Wia-jaŋ. La sii fá nii, má leŋ di la jon kuŋ-kala si nyagela bil a ta. U maga di la leŋ wu-bonŋoo ŋaanin a wuo nyalime a fá mumu sipaan. ² La sii fá nii, u maga di la beŋ Yesu le ne, beɛ wiaa u ne laa sipaan sei wialin la si laa dii a nyalime mu, a na ba diderin. U fa jima ari u jaŋ na heɛŋ, ama u bi wii-la u si laa dii leŋe ta, beɛ wiaa u jima ari u si n̄aa nii, Wia jaŋ leŋ duu tuon̄ toɛ. Nii ne tii u sei ba kpaasu mere daa-gesee nyun. U si dii hiisin̄ nii, u sipaa tuo. U si na heɛ-la a dere, u jil Wia-jaŋ a lele h̄on̄ Wia seme, ni-duon̄ di-h̄onun.

³ Má biine Yesu wiaa. U na heɛŋ ne woruŋ ni-bonŋoo nisin̄ le. Ama u nyalima chin̄ u yarida naan̄ le ne. Di ma ne biine u wiaa, ma nan̄daasin̄ bi jaŋ yuɛɛ. Ma bi jaŋ jon̄ wialin̄ ma si laa dii ta. ⁴ Ma si laa Yesu wiaa dii nii, ma di wu-bonŋoo nui loo. Ama wu-bom̄o-la ha bima wuo. Ama ma si via wu-bom̄o-la a na heɛŋ nii, ma chalin̄ ha bi jaasa. ⁵ Nyu-nyaase wialin̄ Wia si bula pima, ma yua neɛ? Wia bul wialin̄ pi u biirin̄ ne. U si, “Mi bii, di Wia nui che duu dagin̄ won̄biin̄, jegile nii woruŋ.

Duu ne dogisin̄ maa, sí leŋe di ŋ tuon̄ chei.

⁶ Wia cho u bii-na kala ne, nii ne tii u dudogiseba nii.

Nuu-na kala Wia si bene u n̄aa u bii, u yie dogisu ne.”

⁷ Di Wia nui dogisin̄, sei u niin̄. U jima ŋ n̄aa u bii ne. Nii ne tii u dogisin̄. Ŋ ha na bii-na kala duu nyimma buu dageɛ? ⁸ Wia yie didage u biirin̄ kala ne. Di u bima daga, u naga ari ma tuo u biiri, ma n̄aa mangaa-biiri ne.

⁹ La nyimmaba si lulla, ba yie dagela ne, la ma zizilba. Nii-na u maga di la ma to la Nyimma Wia woruŋ a wuo keŋ miisin̄. ¹⁰ La nyimmaba si lulla la keŋ miisin̄, ba yie dagela jis̄in̄ ban̄mene ne. Ba tuotore wiaa ne ba yie dagela la tuto. La Nyimma Wia titia ma dagela ne. Uu che duu pela le ne, nii ne tii u didagela nii. Wia bi disinnin̄ kene. Uu dagela di la ma nage nii u si naga ne. ¹¹ Bua-la le Wia sii dagela nii, la tuon̄ yie chei ne, beɛ wiaa wialin̄ u sii dagela heye pila. Ama di la ne seye duu dagela, nii jaŋ pela le maachie. Di la ne nyalima a mu sipaan̄ nii, wialin̄ jaŋ leŋ di la n̄aa tuo-pul timma Wia teen̄, a fiela h̄on̄ som ari yarifielaa.

Má p̄o ma titia le di wu-bon̄ kala sí ma pege juu

¹² A tin̄ wiin̄ deen̄ wiaa, má jon̄ ma nisaa ta an̄ leŋ di ma nan̄daasin̄ polli. ¹³ Wutitii-la ma si nia, má kenu kaa titin̄ a wuo mumu sipaan̄. Di ma ne n̄aa nii, ma jaŋ wuo pe nialin̄ si he ma tuon̄ a laa Wia wiaa dii an̄ bi dolun̄ kene wialin̄ le. Ma jaŋ wuo peba le di ba chin̄ ba yarida le a sí begilu. ¹⁴ Má he ma dolun̄ kala an̄ loo chiche di ma di nuu-kala keŋ nii-bala, a bira loo chiche di ma sí disinnin̄ keŋ. Di ma ne bi disinnin̄ kene, ma jaŋ wuo na Wia. Nuu-kala si keŋ disinnin̄ bi jaŋ wuo nau. ¹⁵ Wia si fála kala nennige nii, má p̄o di nuu-kala sí harin̄ jon̄o yia nennige-la u sii fála le. Má p̄o ma titia le di wu-bon̄ kala sí ma pege juu di ma keŋ disinnin̄ Wia sipaan̄. ¹⁶ Nii wiaa má p̄o ma titia le di ma tuon̄ nuu-kala sí ni-bon̄ n̄aa, a bira p̄o di ma tuon̄ nuu-kala sí u titia tuotore wu-ŋaalaa ma le to an̄ via Wia won̄biin̄ ta. Baal kubala ne fa he dime baa yire Iso. U fa n̄aa u nyimma bii-hian̄ ne, ama u n̄aa wu-bon̄ ne u si jon̄ u hiasin̄ yalle an̄ laa kiasa dii. ¹⁷ U nii harin̄ le ne Iso tuon̄ chei u si n̄aa nii. U faasa yel a sul u nyimma duu sul Wia pu duu peu le. Ama Wia biu le pe. U bi wii-la u si bula wuo kaa birime.

¹⁸ Má k̄o Wia teen̄ ne. Ma naabalimaba fa k̄o peelin̄ deen̄ teen̄ ba sii yire Saana ne. U saa bi naga ari peelin̄ deen̄ teen̄ ne ma k̄o. Ba si ku yi peel-la,

Wia bula piba di ba sí peel-la digu. Ba na nyin-gelin duu lii peel-la ɛ, a bira na di peel-la kala tɔ birimin ɛ lim. Ba nii pel-bal maa duu lu lee-la. ¹⁹ Ba nii nyillin ba sí ŋmuu, a nii nuu yiikoro maa sii bul wiaa. Ba si nii yiikori-la, nii ɛ ba fá fawullun a bul di yiikori-la bira sí wiaa bula piba. ²⁰ Wii-la u si bula pi nialin heye ɛ a piba. U fa si di puna koo kun-kala ɛ digi peel-la, u maga di ba yagu ari tabiaa ɛ a kpu. Wiaa deen fa heye ɛ nialin teen. Nii ɛ tii ba bul nii. ²¹ Wialin nialin si na leɛ ba kala fá fawullun, nii ɛ tii Moosis ma titia chichel a bul, “Mii fá fawullun ɛ.” ²² Ama ma nialin si laa Yesu wiaa dii, má ku yi peel-la ba sí yire Zaayon ɛ. Má ku yi tan-la ba sí yire Jerusalem a he Wia-jaɛ ɛ ɛ. Wia-la si weye jaɛ ɛ nii. Wia tinɔaraa bui buiba bui ma hilimi lee-la ari tuɔɔruɔ. ²³ Lee-la ɛ nialin Wia si laa sipaan laa ta he. Wia ma titia he dime ɛ a ŋaa nii-la si jaɛ dii nuu-kala sariya. Wia nialin si suba ma he dime ɛ, nialin u si leɛ ba ŋaa tuɔ-pul tinɔaa u sipaan. ²⁴ Má kɔ Yesu ma teen ɛ. U ɛ he Wia ari nuhuobiine pege. Wia tou ɛ ɛ a ta ŋi-falin nuhuobiine teen. U ɛ suba a jon u chalin jaase a pi nuu-kala. U chal-la-na faasa tin ɛ a pela ɛ. U bi Ebil chalin naga. Ebil chalin-na fa jon cheerin pi nii-la si kpuu ɛ. ²⁵ Má jegile nii wialin Yesu sii bul. Ma siba via ari Iziral tinɔaa si via wialin Moosis fa si bula piba, Wia dogiseba ɛ. Nii wiaa, di la ɛ via wialin Yesu Kirisito si bula, Wia jaɛ dogisela a kii nii u si dogise Iziral tinɔaa. ²⁶ Iziral tinɔaa fa nii Wia yiikoro ɛ. U yiikoro leɛ tinɔteen kala zigili ɛ. Leele ŋla Wia bula pila ari u jaɛ leɛ di tinɔteen bira zigili, ama tinɔteen dunɔɔɔa dee. Wia nyun ari tinɔteen kala ɛ jaɛ zigili. ²⁷ U si bula duu jaɛ bira leɛ di tinɔteen zigili keɛ bubuon ɛ. U bubuon ɛ ŋla: Wia jaɛ leɛ di dunia deen kialin u si ŋaa zigili. U jaɛ keɛba kaa birime, ka kialin si bi wuo zigili-na he dime. ²⁸ Wia jon tinɔtee-la si bi wuo zigili ɛ a pila. Nii wiaa, má leɛ di la fáu a lolu, aɛ pe chuchulu ari siifesiɔ. ²⁹ U maga di la fá Wia a chuolu, beɛ wiaa u nage nyin-gelin ɛ a didii kiaa.

13

Nii la si jaɛ ŋaa di Wia tuɔɔ tɔre

¹ Ma nialin si laa Yesu wiaa dii, ma si cho doɔɔ nii, má keɛ nii naan ɛ. ² Má he dolun a biben nuhuɔraa worun ma diisin ɛ. Niaa doɔɔsuɔ laa nuhuɔraa bil ba diisin ɛ, aɛ bi jin di nuhuɔra-la doɔɔsuɔ ŋaa Wia tinɔaraa ɛ. ³ Ma doɔɔsu-la ba si kaa tɔ dia, má liliisi ba wiaa. Ba si keɛba tɔ dia nii, má liliisi ba wiaa a nage ma kala ɛ ba kaa tɔ dia nii. Ma doɔɔsu-la ba si tɔ naasin dogise maa, má liliisi ba ma wiaa a nage ma kala ɛ baa dogise nii. Má ŋaa nii, beɛ wiaa ma ma he ma miisin ɛ ɛ a ŋaa kubala. ⁴ Ma nialin si jaa haalaa, má keɛ ma haalaa worun. Haalaa maa, má ma keɛ ma balaba worun. Baalaa, ma si ma haalaa via koo ma sí ma doɔɔsuɔ haalaa gollo chiche. Ma sí wu-liilin ŋaa, beɛ wiaa Wia jaɛ dii nialin sí ŋaa wu-liilin sariya. Nialin ma si via ba haalaa ta, Wia jaɛ dii ba sariya. ⁵ Ma sí faasa cho moribee kinkeɛ. Ku-la kala ma si keɛ, má leɛ di ma tuɔɔ tɔre ba nyun. Ŋla ɛ Wia bul u tenin tuɔɔ. U si, “Mi bi jaɛ viama ta. Mi bi jaɛ kɔ di mi lii ma harin.” ⁶ A tin nii wiaa, la jaɛ wuo bul ari nyu-duon,
 “Wia ní pemi ɛ.

 Mi bi jaɛ fá fawullun.

Beɛ ɛ niaa chiche di ba ŋaami?

 Nuhuobiine bi wii-kala wuo ŋaami ɛ.”

⁷ Má liisi ma kuhiasin wiaa. Ba ne bul Wia wiaa pipima. Má biine a mu yi nii ba si laa Wia wiaa dii a chinj nii le a mu suu. Má to ba naa-buasunj a chinj nii le. ⁸ Yesu Kirisito si nage nii, u bi jan ko duu birima. Faafaa u si nage nii, nii ne u haa nage ari jinij kala. Maachie maa, nii titia ne u jan nage. ⁹ Ma si leje di niaa dɔnsunj keŋ wu-tania ku dagema. Niaa deenba, baa bul kudiilee wiaa ne. Wialinj ba sii che di ba dagema bi jan pema le. Wialinj biba ma titia le pe. Ama u maga di ma to Wia. U lahɔrimɔ le ma jan keŋ dolun. ¹⁰ La nialinj si laa Yesu wiaa dii ma to keŋ lee-la ba si kpu kiaa pila. Ba kpu Kirisito daa-gese-la nyun a tinj la wiaa ne. U si suu nii, u che kudiilee ne pila la kaa kpa a didii. Nialinj sii to wialinj Moosis si nmuŋsa bil di niaa tuto aa tinj tinjtinjtaa lebi-la tuɔŋ, ba bi kudiilee deenba wuo dii. ¹¹ Di nialinj si kpu pusunj pipi Wia kuhianj nii che duu piise niaa disinninj ta, u yie kpu pusunj ne a keŋ chalinj kaa juu Wia-dia-la sipaanj a gaare koru-la nyun. Ama pusu-la ba si kpua, ba yie nyige ta taŋ-la jeen harinj ne.

¹² Nii ne tii Yesu ma na heen Jerusalem jeen harinj duu wuo jonj u titia chalinj a piise niaa disinninj ta, di ba ŋaa ni-zɔmɔ Wia teen. ¹³ Yesu dii hiisinj ne worunj taŋ-la jeen harinj, nii wiaa má leŋ di la mu lee-la a dii hiisi-la titia. ¹⁴ La he dunia le ne, ama la bi lee kene dunia deen le. Ama la-na, laa gberɛ taŋ-la si jan lii Wia-jan ko ne. ¹⁵ Nii wiaa la nialinj si wuo suri la niinj a bul ari la jinj Wia, má leŋ di la to Yesu Kirisito le a dennu bua-na kala le, a leŋ di u yirinj yire. ¹⁶ Bua-na kala má ŋaa kukeri a ŋinjaa wu-zɔŋŋɔɔ dɔŋɔ le. Kialinj ma si kene, má ŋaa pipi dɔŋɔ. Di ma nii ŋaa nii, Wia tuɔŋ jan tɔre ma nyun.

¹⁷ U maga ma tuto ma kuhiasinj niinj a jonj ma titia a piba. Má ŋaa nii, beɛ wiaa ba nii beŋma. Maachie ba ne jan dage nii ma si tinj ma tinjtinjtaa a pi Wia. Di ma ne to ba niinj le, ba jan tinj ba tinjtinjtaa worunj ari tuɔtɔrunj. Ama di ma ne bi ba niinj to, ba tuɔŋ janj chei ma nyun. U nii saa bi jan pema le.

¹⁸ Má sul Wia pila bua-na kala. La jima la tuɔbiinaa kala chese ne Wia teen. Wii-na kala la sii ŋaa le, la yie chiche di la keŋ wutitii ne aa ŋaa wialinj. ¹⁹ Mii sulma di ma fiese siinj a sul Wia pimi, di Wia pimi wonjbiinj di mi ko ma teen lima.

Teninj wu-bulunj diderinj

²⁰ Mii sul Wia duu pema le. U ne pi nuu-kala yarifielaa. U ne chise la Tiina Yesu Kirisito suunj le. Yesu Kirisito nage pie-daari-duo ne aa beŋ u niaa nyun worunj. U chalinj ne Wia jonj a ta niinj la teenj. Wii-la u si ŋaa bi jan lel. ²¹ Mii sul Wia duu pima ku-zɔŋ-na kala di ma wuo kaa ŋinjaa wialinj kala sii tɔre u tuɔŋ. Wia to Yesu Kirisito le ne a ŋaa wiinj deenj pima. Má leŋ di la dennu a leŋ di u yirinj yire a kaa mu wuu. Ami.

²² Mi naanbiirinj, mii sulma di ma jegile nii wialinj mi si bula pima. Wu-kuu-bie ne mi nmuŋsa pima nii. ²³ Mii che di ma jinj ari la naanbie Timoti ba fa si kaa to dia, ba liisu ne. Duu ne bi diene aŋ ko mi teenj, la duu kala janj ko ma teenj. ²⁴ Má chuɔle ma nihiasinj ari Wia niaa kala a pila. La tuɔŋ nialinj si lii Itali tinjteenj maa chuɔlema. ²⁵ Wia lahɔrimɔ le ma janj hɔŋ ari yarifielaa.

TEN-LA JEEMS SI N̄MUNSA

¹ Mi-na Jeems si ɲaa Wia ari la Tiina Yesu Kirisito tɪntinna, mii chuolema Juu tɪnɲaa kala si laa Yesu wiaa dii a pisa a he nialɪɲ si bi Juu tɪnɲaa ɲaa tuɔɲ.

Yarida ari wu-jimiɲ wiaa

² Mi naanɲbiirin, di wu-yiri-na kala ne juuma, má leɲ duu ɲaa ma tuɔɔru. ³ Di ma ní na heɛɲ wii le aɲ ha ɲaa Wia yarida, ma jaɲ wasa chinɲ ma yarida le a keɲ ken-yiri. ⁴ Má leɲ di ma wuo keɲ ken-yiri a nyalima mu dere, di ma wuo ku ɲaa tuɔ-pul timma a sí kuɲ-kala che ka.

⁵ Wiaa deenba le, di nuu ne he ma tuɔɲ a bi wu-jimiɲ kene duu wuo jin wii-la u si jaɲ ɲaa, má leɲ di tiina sul Wia duu pu wu-jimiɲ. U keɲ zile a joɲ wu-jimiɲ-la a pi nuu-kala si sulu. U bi ba kuɲ-kala ka kiri. ⁶ Ama di ɲ ne sul Wia duu piɲ kuɲ, laa dii ari u jaɲ ɲaa wii-la piɲ. Sí tuɔbiinaa balia keɲ ari u jaɲ ɲaa koo u bi ɲaa. Nii-la kala si sul Wia chiche kuɲ aɲ keɲ tuɔbiinaa balia, u nage lii-peliɲ si he fuoɲ tuɔɲ ne. Peliɲ yie ɲmobu a kaa mu sipaan, aɲ bira ɲmoo kɔ harɪɲ maa. ⁷⁻⁸ Nii-la kala si keɲ tuɔbiinaa balia a bi wu-bala le china wii-kala u sí ɲaa le, u tiina sí yielu ari la Tiina Wia jaɲ joɲ kuɲ-kala pu.

Nialɪɲ si ɲaa summoo ari nialɪɲ si keɲ kɪaa wiaa

⁹ Nii-la si bi lee kene dunia le nialɪɲ si laa Yesu wiaa dii tuɔɲ, má leɲ duu tuɔɲ tɔre ari Wia si pu leriɲ. ¹⁰ Nii-la ma si ɲaa kɪaa tiina nialɪɲ si laa Yesu wiaa dii tuɔɲ, má leɲ duu ma tuɔɲ tɔre ari Wia si kenu kaa muuri. U bi jaɲ dieni aɲ suu, a nage yaɲ si yie fiile u bí dieni aɲ hihil ɲii. ¹¹ Beɛ wiaa, wia yie pɔse, leriɲ faasa liɲ. U wulimiɲ ɲaa yaɲ-la hil. U fiilaa yuori. U zomunɲ lel. Nii-la si keɲ kɪaa ma nage ɲii ne. U ha jaɲ titiɲ u tɪntɪɲaa aɲ suu kage.

¹² Wia jaɲ pe nii-la wiin si jua le, aɲ ka u wuo nyalime a chinɲ u yarida le. U si wuo nyalime ɲii, Wia jaɲ joɲ miisi-la si bi dere a tɪmu, miisi-la u si si u jaɲ joɲo pi nialɪɲ kala si chou.

ɲii la si jaɲ ɲaa di wii ne juula le

¹³ Di nuu-kala ne juu wii, u bi maga di tiina bul ari Wia ne magisu. Nuukala bi Wia wuo nyise duu ɲaa wu-bɔɲ, u titia ma bi nuu-kala ka nyise duu ɲaa wu-bɔɲ. ¹⁴ Tuɔbiin-bɔmɔ-la si he nuu tuɔɲ ne yie nyise nuu-kala duu ɲɪɲaa wu-bɔɲɔɔ. Tuɔbiin-bɔmɔ-la ne yie kenu yenɲi. ¹⁵ Duu ne seye duu tuɔbiin-bɔmɔ-la le, ba yie ɲaa u juu haache le. Haache-la yie ku yuge. Duu ne ku yuge leriɲ kala, u yie ɲaa nii-la suu.

¹⁶ Mi naanɲbii-kpianaba, ma si ma titia nyisu. ¹⁷ Ku-zoɲ-na kala lii Wia teenɲ ne. U ne ta kialɪɲ kala si he wia nyun le a chaane. Ama di ba ne jua, birimiɲ yie he dime. Wia titia bi ɲii naga. U bí birime. ¹⁸ U tuɔɔruɲ le ne u laa sipaan bul u niin wiaa si ɲaa wutitii a pila di la wuo tutoba, di Wia wuo ɲaa di la ɲaa u biirinɲ. U ɲaa ɲii di la wuo ɲaa u bunɲun biirinɲ, ka di ku-kaanaa-na tuto.

La sí nii wiaa ɲii ari la sí ɲaa wiaa ɲii

¹⁹ Ma jin wiaa deenba kala ne. Nii wiaa, má lej di nuu-kala n̄aa lima a jegilee nii wiaa n̄aa teen woruŋ. Di ma níi che ma bul wiaa maa, má fiele aŋ-na bul. Di ma che ma na baaniŋ maa, ma sí guu na, ²⁰ bee wiaa nii-la síi na baaniŋ bi jan wuo n̄aa wialiŋ síi to wonbiŋ Wia teen. ²¹ Nii wiaa, má liise ma titia wu-bon wu-n̄aalaa le a via wu-bomɔ-la kala si gollima. Má keŋ ma titia muuri Wia sipaan a sei Wia niŋ wialiŋ u si dagema. Má laa he ma tuon le. Wialiŋ keŋ doluŋ a wuo laama tita.

²² Ama u maga di ma tuto wialiŋ Wia si si di ma n̄jaa ne. U bi maga di ma ninii wialiŋ duŋduŋ. Di ma níi nii wialiŋ aŋ bibaa n̄aa, maa nyise ma titia ne. ²³ Di nuu-kala ne nii wialiŋ aŋ bibaa n̄aa, u nage nia si jon beenantire a bee na u nagisiŋ ne. ²⁴ U yie beŋ a na u titia beenantire-la tuon. Di u ne surisa lii, u yu nii u si naga. ²⁵ U nage nii ne wialiŋ Wia si leŋe ba n̄muŋsa bil di n̄aa tuto tuon ne. Wiaa deenba kala ne zomɔ kinkeŋ. Wu-nyiariŋ bi guolo. Ba wuo laa n̄aa tita ne. Di nuu ne na wiaa deenba, a nyalima n̄aa wialiŋ u si na, a bí yu aŋ haa n̄aa mumu, Wia jan peu le wialiŋ kala u síi n̄aa le.

²⁶ Di nuu ne jon u titia ari u to Wia ne, aŋ bi u titia keŋe ari wialiŋ u síi bul le, u nyise u titia ne. U Wii-chuolun ma n̄aa pei ne. ²⁷ La Nyimma Wia wonbiŋ tonun u si daga ari u n̄aa wonbii-titii ne n̄la: Má mu nina biisiŋsiŋ ari yo-haala-la síi na heeŋ a pe pipeba le, aŋ liise ma titia dunia n̄aa wu-n̄aalaa le di ba disinniŋ síma digu.

2

Má pɔ di ma sí n̄aa kaa pupɔre donɔ le

¹ Mi naanbiiriŋ, lee le ma laa la Tiina Yesu Kirisito wiaa d̄ii ne, u-na yiri-baliŋ Tiina. Nii wiaa u bi maga di ma jon n̄aa donsuŋ jirima aŋ beŋ donsuŋ maa, ma siaa bibaa su, a keŋ n̄aa pupɔre nii. ² Má lej di la jon ari n̄aa balia ne ku juu lee-la nialiŋ si laa Yesu wiaa d̄ii si hilime. Donɔ keŋ kiaa a laale geri-zonɔɔ a jon selime neni-piraa a kpiere u titia. Donɔ ma n̄aa summu a ma laale geri-kosumɔ. ³ Nii ne ma keŋ nii-la si laale geri-zonɔɔ woruŋ a pu di-hon-zomun u hon, aŋ bula pi nii-la si laale geri-kosumɔ duu hon tinteen koo duu chin dime. ⁴ U nii zomɔ nee? Di ma ne n̄aa nii, ma tuobiinaa bi wu-bala le china, maa pɔre n̄aa ne nii. Ma yie keŋ ma tuobiŋ-lorunu-la ne a laa n̄aa wiaa jijiŋ a didageba, a keŋba pɔre donɔ le. U nii bi zon. ⁵ Mi naanbii-kpianaba, má jegilee nii mi teen. Nialiŋ si n̄aa summo dunia deŋ le ne, Wia tuose di ba laa u wiaa d̄ii a juu Wia kuorii-la, lee-la u si si nialiŋ si chou jan juu. Ba jan juu a sene kuori. ⁶ Ama ma bi woruŋ ka n̄aa, ma si yie n̄aa wiaa juuu summo le nii. Na, kiaa tin̄n̄aa ne yie gurema a didii doluŋ ma ma le a yie fuga keŋma mu sariya didiiliŋ. ⁷ Ba yie chichei yiri-zon-la Wia si jonɔ he pima.

⁸ Ba n̄muŋse Wia teniŋ tuon a bul n̄la ne: “Cho ŋ donɔ tiina ari ŋ si cho ŋ titia nii.” Di ma ne sene to niŋ deen, ma n̄aa woruŋ ne. La Kuoro Wia ne jon niŋ deen pila. ⁹ Di ma ne keŋ n̄aa pupɔre a juon donsuŋ jirima, aŋ ka ma siŋ bi donsuŋ su, maa n̄aa haache ne. Wialiŋ Wia si leŋe ba n̄muŋsa bil di n̄aa tuto daga ari ma tele ne. ¹⁰ Di nuu ne paala tuto wialiŋ kala ba si n̄muŋsa bil di n̄aa tuto aŋ chei ba tuon wu-bala maa, u naga u chei wialiŋ kala ne nii Wia sipaan. ¹¹ Wia-la si si di ma sí n̄aa haalaa che, u titia ne si di ma sí n̄aa kpu. Di ma ne bi n̄aa haalaa che aŋ kpukpu n̄aa, ma ha chei Wia niŋ wialiŋ u si bile ne. ¹² Di ma níi bul wiaa aŋ pe n̄jaa wialiŋ,

má liise yi ari Wia jan to ma wu-bulaa ari ma wu-ɲaalaa le ne a dii ma sariya. U jan to wialinj le ne u si leje ba ɲmuɲsa bil di niaa tuto a dii ma sariya. Wiaa deenba ne laa niaa tita. ¹³ Di nuu ne bi niaa nennige ka fá, Wia ma bi jan fá tiina nennige bua-la le u si jan didii niaa sariya. Ama nii-la si fá niaa nennige bi jan fá wii-kala sariya-la che-diilin.

Nii la si jan dage ari laa ɲaa yarida

¹⁴ Mi naanbiirin, di nuu ne si u laa Wia wiaa dii ne an bi wialinj Wia si cho ka ɲaa, u nii zomoo? Duu yarida nage ɲla, ma biina Wia jan laau ta koo? ¹⁵ Má lej di la jon ari ma naanbie bi geri-zoɲɲoo kene a bi u niinj kudiilee wuo na dii. ¹⁶ Nii ne ma bula pu a bul, “Wia jan peɲ le a piɲ kialinj ɲ sii che.” Di ma ne ɲaa nii an bi seye di ma peɲ le ari kialinj u sii che, u nii zomoo? ¹⁷ Nii wiaa, di nuu ne si u laa Wia wiaa dii an bi wialinj Wia si cho ka ɲaa, u yarida-la ɲaa pei ne.

¹⁸ ɲ bi ɲoo nuu doɲ jan he dime a bula piɲ ari u laa Wia wiaa dii ne. Doɲ ma bul duu maa ɲaa wu-zoɲɲoo ne. Duu ne bul ɲla, mi jan piesu a bul, “Di ɲ ne bi wu-zoɲɲoo ɲaa aa pe ɲ yarida le, ee ne ɲ jan wuo dagemi ari ɲ sene laa Wia wiaa dii nee? Mi-na ɲaa wu-zoɲɲoo ne a daginj nii ari mi sene laa Wia wiaa dii ne.” ¹⁹ ɲ jima ari Wii-bala ne he dime koo? Di ɲ ne jinj nii, u ɲaa wu-zoɲ ne. Ama sí yu ari jin-boɲɲoo ma jinj nii le ne, nii ɲaa fawullun kenba, ba chichel. ²⁰ Bɛɛ ne tii ma yaare ɲla a biine di nuu jan wuo laa Wia wiaa dii an bi wu-zoɲɲoo ɲaa pipe? Má lej di mi dagema ari nuu ne si u laa Wia wiaa dii ne an bi wu-zoɲɲoo ɲaa pipe u yarida-la le, u yarida-la ɲaa pei ne. ²¹ Má liisi la naabalima Abiraham wiaa. Bɛɛ ne tii Wia lej Abiraham wuo ɲaa tuo-pul tiina u sipaan? Wii-la si tii ne ɲla: U to Wia niinj, Wia si bula pu duu ken u bie Aizik a kaa mu kpu a pu. Nii ne u sii ken Aizik mu di u kpu a pu. ²² Abiraham laa Wia wiaa dii ne a faa ɲaa wialinj maa Wia si cho. U ɲaa wu-zoɲɲoo a pe u yarida-la le. Nii ne u yarida sene wasa su. ²³ U si ɲaa nii ne, wialinj ba fa si ɲmuɲsa Wia teninj tuoɲ ku ɲaa wutitii. Ba fa ɲmuɲsa ari Abiraham laa Wia wiaa dii, nii ne tii Wia lej u wuo ɲaa tuo-pul tiina u sipaan. Nii wiaa ne niaa paala kenu yiire Wia nanɲon. ²⁴ Nii daga ari wialinj nuu sii ɲaa ne yie tii Wia lej u wuo ɲaa tuo-pul tiina u sipaan. U si laa Wia wiaa dii dunduna-la dee bi tii. ²⁵ ɲla titia ne u fa nage Rehab ma le. U fa ɲaa ha-chorun ne. Iziral tinɲaa tinɲaaraa si ko u teen, u kenba worun. Ba sii che di ba luora lii fá viiri, u dageba wonbii-tanii ne ba to a fá lel ba diɲɲoɲɲoo nisinj le. A tinj u si ɲaa nii wiaa, Wia lej u wuo ɲaa tuo-pul tiina u sipaan. ²⁶ Di nuhuobiine ne bi wiese kene, u bi wei. Nii-la saa si laa Wia wiaa dii an bi wu-zoɲɲoo ɲaa pipe u yarida-la le, u tiina ma nage nii ne. U yarida-la ɲaa pei ne.

3

La nenɲeliminj si nage nii

¹ Mi naanbiirin, ma tuoɲ, ma sí chiche di ma yuge a wiwalime di ma didage ma doɲsun tinɲaa si laa Yesu wiaa dii, bɛɛ wiaa ma jima di ba ní dii dunia niaa sariya, ba jan faasa dii la nialinj sii dage niaa sariya ne a kii la doɲsun tinɲaa. ² La kala yie ɲaa wiaa nialinj piperiki ne. Di nuu ne bi wiaa bula piperiki, u bi wii-kala kene. U wuo kenj u titia ne wialinj kala u sii ɲaa le. ³ Na jaaba, di nuu ní che duu dagu, u yie jon jaaba niinj konj ne a he jaaba niinj le. Konj-la le ne u yie kenj, a didage joo-la u mumu lee-la

kala u sfi che duu mu. ⁴ Bira na liinj daborusunj maa. Ba nja ku-balaa ne. Peli-duonj yie lu a kaa venj. Ama daanyi-bie ne he dime. Nii-la si kenj liinj daboro-laa venj, u yie kenj daanyi-bie-la a kaa dage a nja u mumu lee-la kala u sfi che. ⁵ Nii ne nuhuobiine nenjdelimij ma nage. U bi wii-kala maga anj bubul wu-balaa. Ma jima ari nyinj-gelinj ma bi yuge anj janj wuo chol giri-balinj a diiu kala.

⁶ Nuhoobiine nenjdelimij ma nage nyininj ne. U janj wuo nja wu-bonj kala si he dunia le. U nja la yaraa seme donj ne. Ama u wu-bonjho u si yie nja yie chenj la yaraa kala ne u chei. U yie chol nyininj ne a dii nij hali nuhoobiine miisij kala le. Nyinj-la yie lii Sitaani lerinj ne a chol. ⁷ Nuhoobiine kenj pusunj kala dolunj ne: Baga kiaa ari diibiisij, ari kialinj kala sfi tuuri tinjteenj, ari liinj tuonj kiaa. U kenjba kala dolunj ne. ⁸ Ama nu-kala bi nenjdelimij dolunj kene duu kaa bil duu nja fululu. U nja ku-bonj ne a kenj huonj-la sfi kpu niaa. ⁹ La yie kenj la nenjdelimee ne a kaa didenne Wia si nja la Tiina a nja la Nyimma maa, anj bira kenj nenjdelime-la titia a kaa tutuuse la donsunj tinjaa maa Wia si nja ba nagu. ¹⁰ Nii-la titia la si kaa denne Wia, u titia ne la kaa tuuse niaa. La naanjiirinj, u bi maga di nja njjaa. ¹¹ Lii-bul-sii-bala bi janj wuo bul lii-zomunj ari lii-lorunj kala. ¹² Tutogo ma bi janj wuo nenj babilaa. Chichuenj ma bi janj wuo nenj tutogo nanjbilaa. Nii titia ne lii-la si nage yisij ma bi janj wuo birime lii-zomunj.

Wu-jimii-la si lii Wia teenj si nage nij

¹³ Ma tuonj nialinj si kenj wu-jimij, ma siaa ma suri, u maga di ma njjaa wu-zonjho ne a kenj ma titia muuri, a dage nij ari ma sene kenj wu-jimij ne. ¹⁴ Ama di ma ne faasa kenj yaribierinj donj le, a chil ma dunjuna wiaa, anj didage ma titia ari ma kenj wu-jimij, maa nyia ne. ¹⁵ Wu-jimij deenj yiri bi Wia teenj lia. U nja dunia wii ne a lii dunia niaa tuobiinaa le ari Sitaani teenj. ¹⁶ Di niaa ne faasa kenj yaribierinj donj le a chil ba titia wiaa dunjuna, ba janj kenj nii-liaba, a yuyuo donj, a njjaa wu-bonjho yuyuge. ¹⁷ Ama wu-jimii-la si lii Wia teenj zomj kinjenj. Wu-bonj kala tuo u le. Nii-la kala si kenj wu-jimij deenj, yie honj ne som a kikerε yuosunj, a kenj zile. U yie jegilee nii niaa niinj wiaa. U yie fifa niaa nennige ma ne worunj. U yie njjaa wu-zonjho ne. U bi tuobiinaa balia ma kene a bi nii-sima ma kene. ¹⁸ Nanjejeeree yie honj som ne anj pe niaa ma le di ba ma honj som, a njjaa wialinj Wia si cho.

4

La to Wia harinj koo la to dunia niaa harinj?

¹ Bee ne ma yie guraa yuo donj? Wii-la si tii ne nja: Ma chil ma titia tuotore wiaa ne ma tuonj le a chiche di maa nja wu-bonjho, nij ne tii. ² Ma cho di ma kenj kiaa anj bi baa na, nij ne tii ma cho di maa kpu donj anj laa. Ma yie hihiene kialinj anj bi wuo na. Nii ne tii ma guraa yuo donj nij. Wii-la si tii ma bi kialinj ma si cho kene ne nja: Ma bi Wia sul duu jonj pima. ³ Bua donj ma le ma yie sene sulu a chiche kiaa. Ama ma yie kenj tuobiinj-bonjho ne a sul. Nii ne tii ma bi laa. ⁴ Ma nage haala bira si bi u bala niinj ka to ne. Ma bi jinj ari nii-la kala si jonj u nyunj kala he dunia kiaa le nja Wia dinjonj ne? Wutitii, nii-la kala si jonj u nyunj he dunia kiaa le birime Wia dinjonj ne. ⁵ Ma biina wialinj ba si dage Wia teninj tuonj bi bubuonj kene? Ba njmunja ari Wia faasa cho di u dunjuna ne tii la kala. Di la bi seye duu tiila, u didii hadorunj. ⁶ Ama Wia fala nennige worunj a pipela le di la jonj la titia kala a pu. Nii ne tii ba njmunje Wia teninj tuonj

ari Wia via nialinj sii bigisi ba titia le an pipe nialinj si keŋ ba titia muuri le. ⁷ Nii wiaa, má jon ma titia a he Wia nisinj le. Má jon hariŋ yia Sitaani, u jan fá lel. ⁸ Má surisa mu kpagɛ Wia, u ma jan ku kpagɛma. Má sɔŋ ma nisaa liise wu-bɔŋɔɔ ŋaaniŋ le a pulle ma tuɔŋ, a bira sí tuɔbiin-lɔrunuŋ biinu, bɛɛ wiaa ma keŋ tuɔbiinaa balia balia ne. ⁹ Má leŋ di ma tuɔŋ chei. Máa yel sii-liirin. Má leŋ di ma tuɔɔrun birime tuɔ-cheeŋ. ¹⁰ Má keŋ ma titia muuri Wia sipaanj. Di ma ne ŋaa nii, u jan keŋma chuule.

Má pɔ ma sí ma dɔŋsun tinŋaa wiaa laa jin

¹¹ Mi naanbiirin, ma sí ma dɔŋsun tinŋaa yirin chei. Nii-la kala si chei u dɔŋɔ tiina yirin koo u bul u teenj maa a bul duu cheye ne, u naga tiina ma bul wu-bɔŋ ne a tige wialinj Wia si leŋe ba ŋmuŋsa bil di niaa tuto le ne, a bul ari ba bi zɔŋ. Di nuu ma ne bira bul di wialinj bi zɔŋ, u ma bira bi wialinj to. U miira jon u titia ari u yuga ne a kii wialinj Wia si leŋe ba ŋmuŋsa bil. ¹² Wia dunɔɔŋa ne keŋ dolun duu bil wiaa pi niaa di ba tuto. U dunɔɔŋa ma ne jan wuo dii niaa sariya. U ne jan wuo laaba ta, u ne jan bira wuo jon cheerin piba a ŋaa di ba suu. Kubɛɛ ne kama maa, di ma chichei ma dɔŋsun tinŋaa yirin?

Má pɔ ba-bii-bal wiaa ŋaaniŋ

¹³ Bee na ma nialinj si yie bul ari maachie ma jan mu taŋ deen a yalle bayalin a yi jina a na nyuurun, ma paala bi chiemin wiaa jin. ¹⁴ Ma miisinj bi kuŋ-kala ŋaa. U nage burunj si yie tɔ ne chichuɔŋ, ka muapilii wia pɔɛ u lel. ¹⁵ U fa maga di ma bul ari Wia ne seye di la keŋ miisinj, la jan ŋaa ŋla. ¹⁶ Ama ma haa ŋmoo ma bɔye le ne aa dage ma titia. U nii bi zɔŋ. ¹⁷ Di nuu ne jima ari wii ne maga duu ŋaa ka u via duu ŋaa wii-la, u ŋaa haache ne.

5

Wii-la si jan ŋaa nialinj si keŋ kiaa le

¹ Ma nialinj si keŋ kiaa, má jegile nii mi teenj. Máa ŋmoo niinj! Bua kubala nii kɔ, bua-la le ma jan faasa na heeŋ. ² Ma ku-dan-la suomo chichei ne. Mɔgulun ma suomo didii ma genninj. ³ Ma selime kiaa ari ma moribii-biinj ma kala ne sua. Kialinj si sua nii daga ari ma bi worun ŋaa. Ma kialinj si sua nii, nii titia ne ma yaraa ma jan pua a nage nyininj ne die. Lɛɛle dunia kpagɛ diderin ne, anj ka ma-na ha paa kiaa fifaa. U bubuɔŋ ne bɛɛ? ⁴ Ma gure nialinj maa, ma si ŋaa ba tinj ma bagisinj le ne. Ba nii ŋaa goŋ ma le. Goŋ-la juu la Tiina Wia digilaa ne, nii-la sii beŋ dunia kuŋ-kala. ⁵ Ma si he dunia le, ma nii sima a ŋaa ma tuɔɔɔre wiaa. Ma si dii kiaa a waa a nere nii, ma nage nesinj ba si diesa ba nere di ba kpu ne. Di ba ne dii ma sariya, ba jan jon cheerin pima di ma suu nii titia. ⁶ Ma bi worun ŋaa, ma si jon cheerin pi nialinj si bi wii cheye, ka ma kpuba. Ka ba bi wii ŋaa di ba laa ba titia.

Má keŋ kenyiri a chuchuoɔle Wia

⁷ Mi naanbiirin, má keŋ kenyiri a gbɛɛ-la la Tiina Yesu si jan miira kɔ. Má na paara, u si keŋ kenyiri nii. U yie gbɛɛ duon-puso. Duonun nii, u duu kiaa, a bira keŋ kenyiri a gbɛɛ gbanɔɔŋa-duonun le u kiaa wase, u ta. ⁸ Má ŋaa kukeri a ma keŋ kenyiri nii. Má nyage ma bɔye worun, bɛɛ wiaa tapulii-la la Tiina Yesu si jan miira kɔ ka kpagɛ ne. ⁹ Mi naanbiirin, ma sí wiaa gurimu dɔŋɔ le, di Wia sí ma sariya dii a jon cheerin pima. Na nii-la si jan dii la sariya ne chin boinjinj a ŋaa siri duu juu nii. ¹⁰ Mi

naanjibirin, má na nialin sí bul wiaa, la Tiina Wia Din-zon-la dolun le. Ba na heen worun an ha ken kenyiri. Má naa kukeri an ma to ba naa-buasun a ma ken kenyiri. ¹¹ Wia pe nialin si wuo nyalime nii a mu dere le worun. Má bira na nii baal kubala ba sí yire Job si na heen an nyalime nii. U hee-la harin le la Tiina Wia pe le a len u nii sima. Wutitii, la Tiina Wia ka fála nennige kinkeñ kinkeñ.

¹² Mi naanjibirin, siifan wiin ne mii che mi bula pima. U ne ñla: Di ma ne si ma jan naa wii, ma sí ñmiesu. Ma sí wia nyun kun ñmiesu, ma sí tinteen kun ma ñmiesu, koo ma sí kun-kala ñmiesu. Di ma ne seye, u maga di ma bul, "Oo, la seye ne." Di ma ne bira bi seye maa, u maga di ma bul, "Ai, la bi seye," an sí ñmiesu. Di ma ní naa nii, Wia bi jan jon cheerin pima bua-la le u sí jan dii ma sariya.

¹³ Di nuu ne he ma tuon aa na heen, má len duu chuole Wia a sulu duu pe le. Di nuu ma ne he ma tuon, u tuon tere, má len duu yi yiilaa a denne Wia. ¹⁴ Di nuu ma ne he ma tuon a wiwiile, má len duu yire nialin si laa Yesu wiaa dii aa hilimi ba tuon kuhiasin di ba ko u teen a chuole Wia pu. Ba sí chuole Wia nii, má len ba loge nuun a tisu, an sul Wia pu la Tiina Yesu dolun le. ¹⁵ Di ba ne laa dii ari Wia jan sene naa wii-la ba si sulu chiche, u jan len di nii-la sí wiilu duori a ken dolun. Di u ne naa haacheba maa, Wia jan jon ba kala cheu. ¹⁶ Nii wiaa, má dage ma titia haacheba a pi donjo a sul Wia a pipi donjo, di Wia wuo naa di ma bira ken dolun a duori. Di tuo-pul tiina ne sul Wia, u Wii-sulun yie faasa ken dolun ne. Duu ne sul Wia a chiche wii, wii-la yie sene naa ne. ¹⁷ Má na baal kubala baa yire Ilaaja. U ma fa nage la ne. U faasa sul Wia ari siifasin di duonun sí nii. Duonun sene bi nia jisín batori ari cheñsin balidu. ¹⁸ Nii harin le ne u bira sul Wia a chiche duonun. Nii ne Wia len duonun nii, ba duu kaa, ba kala wase.

¹⁹ Mi naanjibirin, di ma tuon nuu ne faa to wutitii le an bira len wutitii-la, ka nuu don bira kenu kaa miira ko u tuto wutitii-la, ²⁰ u tiina si naa nii pe haache tiina-la le u len u wu-bonjoon naanin an miira ko a tuto wutitii-la. U jan laa tiina miisin pu. Wia jan chese nii-la haacheba kala ta. U bira bi jan liliisi.

Mi tenin diderin ne nii.

TEN-BUNBUN-LA PIITA SI NĪMUNSA

¹ Mi-na Piita si ŋaa Yesu Kirisito nanɔɔ, mi ne ŋmunɔe teniŋ deen a pipi ma nialiŋ kala si laa Yesu wiaa dii aŋ tiŋ heeŋ wiaa a piɛe a he Poŋtos le, Galiisia, Kapadoosia, Esia, ari Bitiinia tiŋteenj kala le. ² Faafaa kala ne la Nyimma Wia biine ari u maga di ma ŋaa u niaa, ŋii ne tii u liisema a joŋ u Diŋ-zoŋ-la a hema le, di ma ŋaa tuo-pul timma u teenj a tuto Yesu Kirisito niinj. U ne joŋ u chaliŋ jaase ma wiaa di ma sí disinniŋ keŋ Wia teenj. La Tiina Wia lahorimɔ, yarifielaa jaŋ yuge ma teenj.

Wialiŋ la síi yielu

³ Má leŋ di la denne Wia, nii-la si ŋaa la Tiina Yesu Kirisito Nyimma. U fála nennige kinkeŋ. Nii ne tii la wuo keŋ mi-faliŋ deen, beɛ wiaa Yesu Kirisito suba aŋ sii suuŋ le ne. La saa yiele ari la jaŋ keŋ miisi-la si bi dere. ⁴ La maa yiele ari la jaŋ dii ku-zomɔ-la Wia si ŋaa bil u niaa le u jaŋ le. Kialiŋ bi jaŋ pua, ba bi jaŋ chei maa, ba zomuŋ ma bi jaŋ lii. ⁵ A tiŋ ma si laa u wiaa dii ŋii, Wia beŋma ne. Di dunia ne ku didere, u jaŋ dage niaa ŋii u si laama ta. ⁶ Kialiŋ ma si jaŋ na Wia teenj leŋe ma tuoŋ faasa tɔre. Leele ŋla-na ma tuoŋ cheye ne, beɛ wiaa heeŋ juuma ne. Ama ma jima ari hee-la si juuma, u bi jaŋ dieni. ⁷ Hee-la jaŋ leŋ di niaa wuo na ari wialiŋ ma si laa dii-na sene ŋaa wutitiiba ne. Ba zomɔ a kii selime si zomɔ ŋii. Selime ŋaa dunia niaa ku-choolii ne. Ba yie joŋo cho ne a yugile di ba na u sene ŋaa selime nee? Nii titia ne ma ma nage. Ba magisema ŋii di Yesu Kirisito ne miira ko tapulii-la, niaa jaŋ denne Wia a zizilu duu yirin yire a tiŋ wialiŋ ma si laa dii wiaa. ⁸ Ari ma ha si bi Yesu Kirisito na ma kala, ma ha chou ne. Ma si buu na ma ha, ma laa u wiaa dii ne. Nii wiaa, ma tuoŋ tɔre kinkeŋ kinkeŋ ne. Ma paala bi ma tuotɔrunj wuo didage. ⁹ A tiŋ ma si laa Yesu wiaa dii ŋii, ŋii ne tii Wia laama ta.

¹⁰ Nialiŋ fa síi bul wiaa, Wia Diŋ-zoŋ-la doluŋ le fa bul wu-zomuŋ deen Wia si jaŋ joŋo pima wiaa ne. Ba fa gbilli Wia teniŋ tuoŋ ari siifesiŋ di ba na ŋii Wia si jaŋ laa u niaa ta. ¹¹ Yesu Kirisito Diŋ-zoŋ-la fa si heba le, u ne bula piba ŋii Kirisito si jaŋ na heeŋ, ka di niaa-na zizilu. Nii ne ba ninerike di ba na bua-la le wiaa deenba si jaŋ ŋaa ari ŋii ba si jaŋ ŋaa. ¹² Wia joŋo dageba ari ma wiaa ne tii ba faa bul wiaa deenba, ba titia wiaa dee. Leele nialiŋ si bul Wia wu-zomɔ-la pipima, ba dagema bunbunj wiaa deenba kala ne. Wia Diŋ-zoŋ-la si lii Wia-jaŋ ku tuu heba le ne piba doluŋ deenj. Wia tinɔaraa ma fa cho di ba na wiaa deenba.

Nii Wia niaa si maga di ba nage

¹³ Nii wiaa, má leŋ di ma tuobiinaa pe doŋo le a keŋ ma titia wii-na kala le. Má joŋ ma yielaa kala he ku-la Wia si jaŋ joŋo pima bua-la le Yesu Kirisito si jaŋ miira ko. ¹⁴ Má tuto Wia niinj. Bua-la le ma fa si bi Wia jin, ma faa to ma tuotɔre wu-ŋaalaa le ne. Ma bira síba to. ¹⁵ Wia bi disinniŋ kene aŋ yirema. Nii wiaa, má ma sí disinniŋ keŋ wii-na kala ma síi ŋaa le, ¹⁶ beɛ wiaa ba ŋmunɔa faafaa kala ne ari Wia si, "Ma sí disinniŋ keŋ, beɛ wiaa mi ma bi disinniŋ kene."

17 N̄ si keŋ Wia yire ŋ Nyimma duu peŋ le, liise yi ari duu n̄i dii n̄iaa sariya, u biba kaa p̄ore. U yie tiŋ nuu-kala ŋii n̄ii-la si tima mage. Má saa fáu a leŋ di ma wu-ŋaalaa z̄oŋ dunia deen̄ le. 18 Ma kala jima ari Yesu Kirisito tiŋ ma chimin̄ a liisema wu-peiba ŋaanin̄ le. Ma naabalimaba faa ŋaa wu-pēi deen̄ba ne. U bi naga ari kialin̄ s̄i chei a nage selime koo moribee ne u joŋo ȳoɔma. 19 Ama Yesu Kirisito chalin̄ titia ne u joŋo tiŋ ma chimin̄. Moribee bima wuo ȳoɔ. Yesu nage pie-bie ne ba si liisa di ba kpu a pi Wia. U ŋaa Pie-bii-z̄oŋ ne a bi wu-b̄oŋ kala ken̄e. 20 Bun̄bun̄ kala, ka di Wia-na ŋaa dunia, u liise Yesu Kirisito ne duu tou le a laa dunia n̄iaa ta. Dunia si ku kpage derin̄, Wia leŋ u k̄o ma teen̄ duu laama ta. 21 Má tou le a laa Wia wiaa dii ne. U ne chise Yesu suun̄ le a pu yirin̄ di ma yarida ari ma yielaa kala he Wia le.

22 A tiŋ ma s̄i to wutiti w̄oŋbiin̄ le ŋii, ma piise ma disinnin̄ kala ta ne. Ma si ŋaa ŋii, ma sene cho ma naan̄biiri-la si laa Wia wiaa dii. N̄ii wiaa, má keŋ ma tuon̄ ari ma dolun̄ kala a wasa cho d̄oŋo. 23 U naga ba wasa lulma ne a tiŋ Wia niin̄ wiaa si pi n̄iaa miisin̄. Ba ne pima mii-falin̄. Ba bi jan̄ pua, ba jan̄ he dime a kaa mu wuu. U bi nage nuhuobiine s̄i suu ne pima miisin̄ deen̄. Ama Wia-la si bi suu ne pima. 24 Ba ŋmun̄se Wia tenin̄ tuon̄ a bul,

“Nuhuobiine kala nage yan̄ ne. U z̄omun̄ kala nage ya-filaa ne. Yan̄-la hil, ka ya-filaa ma yuori. 25 Ama Wia niin̄ wialin̄ jan̄ he dime a kaa mu wuu.”

Wia niin̄ wialin̄ ne ŋaa wu-z̄om̄o-la ba si bula pima.

2

Piita bul wiaa a tige tabiin̄ si keŋ miisin̄

1 Ma si keŋ mii-falin̄ ŋii, má liise ma titia wu-b̄oŋ kala le, a sí n̄iaa nyinyisu, a sí kan̄fugi timma ŋaa. Ma sí yaribierin̄ keŋ, a sí n̄iaa harin̄ gigaa. 2 Ama u maga di ma nage bii-mullun̄ ne aa che yilin̄ di ba wase a waa. U maga di ma ma chiche Wia niin̄ wialin̄ ari bii-mullun̄ s̄i che yilin̄ ŋii. Di ma n̄i che Wia wiaa ŋii, ma jan̄ waa worun̄ ba le, a mu yi tapulii-la Wia si jan̄ laama ta. 3 Má ŋaa ŋii, beɛ wiaa ma titia jima ari la Tiina Wia keŋ zile ma teen̄.

4 N̄ii wiaa, má ku kpage la Tiina Kirisito, n̄ii-la si nage tabii-la si keŋ miisin̄. N̄iaa viau ta, ama Wia ne liisu u ŋaa ku-z̄oŋ u teen̄. 5 Di ma ne kpagu, ma ma titia jan̄ nage tabia-la si keŋ miisin̄. N̄ii wiaa, má leŋ di Wia keŋma saa u dia, lee-la u Diŋ-z̄oŋ-la si jan̄ he. Wia liisema di ma sí disinnin̄ keŋ a laa n̄iaa nyun̄ a tima pupu, ari nialin̄ fa si laa n̄iaa nyun̄ a kpu pusun̄ pi Wia ŋii. Wia cho di ma to u Diŋ-z̄oŋ-la le ne a tima pu ari ma tuon̄ kala, a tiŋ Yesu Kirisito wiaa. 6 Ba ŋmun̄se Wia tenin̄ tuon̄ a bul, “Wia si, mi joŋ tabiin̄ ne a bil Zaayon̄ le, tabii-duo-la mi si jan̄ kaa bil mi dia gentine.

Mi liise tabii-la ne, u z̄om̄o pimi.

N̄ii-la kala si laa u wiaa dii, hiisin̄ bi jan̄ dii u tiina.”

7 Ma nialin̄ si laa u wiaa dii, u ŋaa ku-z̄oŋ ne ma teen̄. Ama ba ŋmun̄se Wia tenin̄ tuon̄ a tige nialin̄ si bi u wiaa laa dii le, “Tiebie-la dii-saaraa si via,

Wia leŋ u ku ŋaa tiebii-duon̄ ba si joŋo bil dia gentine.”

8 Ba bira ŋmun̄sa ari n̄iaa jan̄ gere tabii-la a tel.

Tabii-la ɲaa buɲ ne.

Ba jaɲ tel, bɛɛ wiaa ba via Wia niɲ wialɲ ne. Wia bul faafaa ne ari ba jaɲ ɲaa ɲii.

⁹ Ama Wia liisema di ma ɲaa u niaa, a laa niaa nyuɲ a tima pipi ma Kuoro. Wia titia ne tiima. Ma ne ɲaa nialɲ Wia si liisa di ma ɲaa u niaa. U yirema di ma wuo bul wu-kpuɲkperisi-la kala u si ɲaa a pi niaa ari ɲii u si liisema birimiɲ tuɔɲ a kaa ku juu u puluɲ-jalii-la tuɔɲ. ¹⁰ Buɲbuɲ-la ma fa bi kuɲ-kala ɲaa, ama lɛlɛ ma ɲaa Wia niaa ne. Wia fa bima nennige fá, ama lɛlɛ u fáma nennige ne.

Wialɲ si maga di ma nialɲ si laa Yesu wiaa dii ɲɲaa

¹¹ Mi naaɲbii-kpianaba, ma jima ma ɲaa nuhuɔraa ne a bi dieni dunia deɲ le. ɲii wiaa, mii sulma, má liise ma titia ma tuɔtɔɛ wu-ɲaalaa le, bɛɛ wiaa ma tuɔtɔɛ wu-ɲaalaa bi jaɲ sei di ma ɲaa wialɲ sɪi tɔɛ Wia tuɔɲ. ¹² Ma si guoli nialɲ si bi Wia wiaa laa dii tuɔɲ, má keɲ ma titia woruɲ, di ba si wonɲiɲ na a bul ari ma ɲaa ni-bomɔ ne. Di ba níi bul ma ɲaa wu-bɔɲɲɔɔ maa, má leɲ di ba na wu-zomɔ-la ma sɪi ɲaa, a denne Wia duu yiriɲ yire tapulii-la u si jaɲ dii niaa sariya. ¹³ A tiɲ la Tiina Yesu Kirisito wiaa, má sei nialɲ si keɲ doluɲ aa beɲma dunia deɲ le. Má zizil ma tiɲteenɲ kuori-baliɲ, nii-la sɪi beɲ nuu-kala, ¹⁴ a bira zizil nialɲ kuori-baliɲ sɪi liisa di ba laa u nyuɲ. Ba yie dudɔgise nialɲ sɪi ɲaa wu-bɔɲɲɔɔ, aɲ bibese nialɲ sɪi ɲaa wu-zɔɲɲɔɔ le. ¹⁵ Wia tuɔtɔruɲ ne ɲla, di maa ɲaa wialɲ sɪi to wonɲiɲ a wuo leɲ di ni-yaara-la si bi wii jin, di ba si wii wuo bul a tigema le. ¹⁶ Ma tii ma titia ne, ɲii wiaa má hoɲ ari nialɲ si tii ba titia, aɲ sí leɲ di ɲii ɲaa di ma ɲaa wu-bɔɲɲɔɔ. Ama má ɲaa wialɲ si jaɲ dage ari ma ɲaa Wia tiɲtinnaa ne. ¹⁷ Má zil nuu-kala. Má cho nialɲ ma si laa Yesu wiaa dii a ɲaa ma naaɲbiiriɲ. Má fá Wia a zizil ma kuori-baliɲ.

Má to Yesu naa-buasun

¹⁸ Ma nialɲ si ɲaa tiɲtinnaa a timaa pi niaa, má tuto ma nihiasɲ niɲ a zizilba bua-na kala le. Di ba keɲ zile koo di ba ne tɛɛ ma teenɲ, má pipiba zile. ¹⁹ Di nuu ne bi wii cheye ka baa dɔgisu, a tiɲ u sɪi to Wia ɲii, di tiina ne nyalima a na hɛɛ-la, u ɲaa woruɲ ne Wia teenɲ. ²⁰ Di ɲ ne ɲaa wu-bɔɲ di ba dɔgisuɲ, ka ɲ wuo dii kenɲiri ɲii le, u bi maga di ɲ chiche di ba lolluɲ. Ama di ɲ níi ɲaa wu-zɔɲ, ka di baa dɔgisuɲ a tiɲ wu-zɔɲ-la wiaa, di ɲ ne nyalima, Wia tuɔɲ jaɲ tɔɛ ɲ nyuɲ. ²¹ Wia paala yirema di ma na hɛɛɲ. Má liisi ari Yesu Kirisito titia ma na hɛɛɲ ne ma wiaa a dagema ɲii ma si jaɲ to u naa-buasun. ²² U bi wu-bɔɲ kala ɲaa. U bi wu-nyari kala nyia. ²³ Ari niaa si tuusu ma kala, u biba laa tuuse. Ari ɲii ba si dɔgisu kala ma, u bi bula bul duu ma jaɲ dɔgiseba. U ta joɲ wii-kala a hɛ Wia nisɲ le ne, nii-la si jaɲ keɲ wutitii a dii niaa sariya. ²⁴ Yesu Kirisito titia ne laa la haacheba a chuɲ, ba kpaasu mere daa-geɛɛ nyuɲ di la joɲ hariɲ yia haache a ɲɲaa tuo-pul wiaa. Ba viiru, chaliɲ lii u yaraa le. U ɲii leɲe la nyanyalaa kala dere la yaraa le. ²⁵ Ma fa nage piesee si yenɲe ne, ama lɛlɛ ma miira ko Pie-daari-la, nii-la si beɲ ma miisɲ pima.

3

Haalaa ari ba balaba si maga di baa ɲaa ɲii dɔɲɔ le

¹ Ma haalaa, má leɲ di ma siaa tuu tiɲteenɲ ma balaba teenɲ. Di haala dɔɲɔ keɲ bala si bi Wia wu-zomɔ-la laa dii, u bala-la jaɲ wuo birima lii u

wu-ɲaalaa le a laa Wia wu-zomɔ-la dii a tinj u haala mele si zomɔ wiaa, di haal-la ne paala bi Wia wu-zomɔ-la bula pu maa. ² Di ma ɲaa ɲii, ba jan na ma mele si zomɔ ari ɲii ma sɪ́ fá Wia. ³ Ma sí bibiinu ɲii ma sí jan lilaale kpieraa a zɔɲ ɲii, ari ɲii ma sí jan vɔɔ ma nyuɲ duu zɔɲ, a sí selime kuɲ-kala jono he ma yaraa le di ma zɔɲ, a sí biine ɲii ma sí jan lilaale gɛri-zɔɲɲɔɔ. ⁴ Ama má leɲ di ma zomun lii ma tuɔɲ ne. Má hoɲ som a keɲ ma titia muuri. Zomun deen yiri-na bi lel. U ne bira keɲ nyuurun ma Wia teenj. ⁵ Faafaa haala-la faa kpiere ba titia ɲii ne a jon ba nyuɲ ari ba yielaa kala he Wia le a keɲ ba siaa tuu tinteenj ba balaba teenj. ⁶ ɲii ne haal-la ba sɪ́ yire Saara ma fa to u bala Abiraham niin a kenu yiyire u tiina. Di ma ní ɲaa wialin sɪ́ to wonɓiinj a sí leɲ di fawullun keɲma wii-kala le, ma ɲaa Saara biirinj ne.

⁷ Ma baalaa ma, má leɲ di ma mele zɔɲ a keɲ ma haalaa worun. Ma jima di ma dolie kiiba ne. ɲii wiaa, má pipiba zile, beɛ wiaa Wia ne pi ma kala miisi-la si bi dɛɛ. Di ma ne ɲaa ɲii, wii-kala bi jan wuo ku he ma di Wia pege a chei ma Wii-chuolun.

Ma sí wu-bɔɲ jono tinj wu-bomun chimin

⁸ Wii-la mi sɪ́ che di mi bul wu-kaanin ne ɲla: Má kala keɲ tuɔbiin-bala ne, má fifá dɔɲɔ nennige, a cho nialin kala si laa Yesu wiaa dii, a keɲ zile dɔɲɔ le, a keɲ ma titia muuri dɔɲɔ teenj. ⁹ Ma sí wu-bɔɲ jono tinj wu-bomun chimin. Di nuu ne tuusema, ma sí tuusa tinj, ama má sul Wia duu pe tiina le, beɛ wiaa Wia ma liisema ne duu pema le. ¹⁰ Ba ɲmunse Wia tenin tuɔɲ a bul,

“Di nuu-kala ní che duu ní sima dunia deen le
a keɲ tuɔɔɔɔɔɔ,
tiina sí wu-bɔɲɲɔɔ bubul,
a sí wiaa ma nyinya.

¹¹ Tiina miire wu-bɔɲɲɔɔ ɲaanin le,
a ɲɲaa wialin sɪ́ to wutitii wonɓiinj,
a fiɛɛ siin di ba tuɔsaa fiɛɛ dɔɲɔ nyuɲ,

¹² beɛ wiaa Wia siaa kala he nialin sɪ́ ɲaa tuɔ-pul wiaa le ne,
a wuoli u digilaa maa a ninii ba Wii-sulun.
Ama Wia jon u harin yia ni-bɔɲɲɔɔ ne.”

¹³ Di ma ne fiɛɛ siin di ma wuo ɲɲaa wu-zɔɲɲɔɔ, kubɛɛ ne jan wuo ɲaa wu-bɔɲ ma le? ¹⁴ Di ba ní dɔgisema maa a tinj ma tuɔ-pul wu-ɲaalaa le, Wia jan pema le. ɲii wiaa, ma sí nialin si dɔgisema fá, a sí ma titia ma wiwalimu. ¹⁵ Ama ma tuɔɲ le má fifá Kirisito a leɲ duu ɲaa ma Tiina. Bua-na kala le, di nuu ne piesin duu jin wii-la si tii ɲ laa Yesu wiaa dii, ɲaa siri a to wii-la naasin pu. ɲ sɪ́ fá Wia ɲii, bul wii-la ari siifiɛɛlaa. ¹⁶ Bua-na kala le, má leɲ di ma tuɔbiinaa chesi, di ma wu-ɲaalaa dage ari maa to Kirisito ne. Di ma ní ɲaa ɲii, hiisin jan dii nialin sɪ́ chei ma yirin. ¹⁷ Di u ne ɲaa Wia tuɔɔɔɔɔɔ di ma na heɲ a tinj ma sɪ́ ɲaa wialin sɪ́ to wutitii wonɓiinj wiaa, u ne kpia ma si ɲaa wialin si bi wonɓiinj ka to a na heɲ. ¹⁸ Yesu Kirisito titia suu la haacheba wiaa ne, duu wuo liisela la haacheba le. U ɲaa ɲii bala dunɔɲ ne. U ne fa ɲaa tuɔ-pul tiina a suu haache tinɲaa wiaa, duu wuo keɲla kaa mu Wia teenj. Nuhuobiinee ne kpu u yaraa, ama Wia leɲ u dima wei a keɲ miisinj. ¹⁹ ɲii harin u ni-dima le u mu bul Wia wu-zomɔ-la a pi ni-diɲsi-la ba si kaa to dia. ²⁰ Niaa deenba ne fa via di ba to Wia niin wiaa bua-la le Nowa fa sɪ́ kpaase liinj dabori-bal-la. Bua deen

le Wia fa keŋ kenyiri a gbigberɛba di ba ku juu liiŋ daboro-la, ka ba via. Bua-la le niaa chori duŋduŋ ne fa juu liiŋ dabori-bal-la, a duori lii-la, a lii a laa ba miisinj. ²¹ Lii-la tuɔŋ ba si duoro lii nage ba si fo niaa Wii-chuoɛ liiŋ ne. Di ba ne foŋ Wii-chuoɛ liiŋ, u bi naga ari ŋ yaraa disinnij ne ba chɛɛ ta nii. Ba si foŋ Wii-chuoɛ liiŋ nii, u naga la yie sul Wia duu to Yesu Kirisito le si si suuŋ le a chɛɛ la tuɔsaa di ba zɔŋ. ²² U ne lii dunia le a jil Wia-jaŋ a hoŋ Wia semɛ, ni-duoŋ di-hoŋuŋ. U ne keŋ doluŋ a bibɛŋ Wia tiŋdaaraa ari kuŋ-kuŋ-kala si keŋ doluŋ a he Wia-jaŋ le.

4

Má leŋ faafaa wu-ŋaalaa

¹ A tiŋ Kirisito titia si na heeŋ nii, má keŋ ma titia a ŋaa siri di ma na hee-la yiri u si na, beɛ wiaa nii-la kala si na heeŋ, haache bira buu wuo. ² Ma si he ma mi-kaanij deeŋ le, ma bira sí ma tuɔtɔre wu-ŋaalaa le to, ama má tuto Wia tuɔtɔruŋ le. ³ Buŋbuŋ-la kala le ma faa ŋaa wialij nialij fa si bi Wia jinj sí ŋaa ne. Má leŋ wialij. Ma faa to ma tuɔtɔre wu-ŋaalaa hariŋ ne aa ŋaa wu-liilij, a chil ma titia wiaa, a faa nyua sinij bubugi, a fa faasa didii kiaa, a yie gollo nyunyua sinij, a faa kpaare viaa maa. Vui-kpaarin bi Wia woŋbiinj ka to. ⁴ Nialij si bi Wia jinj ŋaa wu-boŋŋɔɔ kinkeŋ. Leeɛ ma bira bi nii ŋaa. Niaa deeŋba si na nii, u ŋaaba wu-kpuŋkperɛ, nii wiaa ne ba tutuusema. ⁵ Ama tapulii kubala, ba jaŋ dage wialij kala ba si ŋaa a pi nii-la si ŋaa siri duu dii ni-weyee ari ni-suunuŋ kala sariya. ⁶ Nla wiaa ne tii Kirisito bul Wia wu-zɔmɔ-la a pi nialij si suba maa, di ba diŋsinj keŋ miisinj ari Wia si keŋ miisinj nii. Wia paala dii ba sariya dunia deeŋ le ari u si dii niaa kala sariya nii. Ama u bul Wia wu-zɔmɔ-la a pi nialij si suba, di ba diŋsinj wuo keŋ miisinj.

Nii nialij si laa Wia wiaa dii si maga di ba ŋiŋaa doŋɔ le

⁷ Bua-la dunia si jaŋ dere kpaga ne. Nii wiaa má keŋ ma titia woruŋ di ma siaa fieɛ, di ma wuo chuchuoɛ Wia. ⁸ Wii-la si ŋaa siifiaŋ wiinj ne ŋla: Má he ma doluŋ kala a faasa cho doŋɔ. Di ma ne cho doŋɔ, ma jaŋ tuto wialij ma doŋsuŋ tiŋŋaa si ŋaa cheima le. ⁹ Má keŋ zile a huhuɔre doŋɔ woruŋ ma diisinj le, a sí wiaa gugurimu.

¹⁰ Wia joŋ doluŋ pi nuu-kala duu kaa tiŋ tiŋtiŋ-yiri-yiriba ne. Nii wiaa nuu-kala keŋ wii-la Wia si joŋo pu a kaa pipe u doŋsuŋ tiŋŋaa le. ¹¹ Di Wia ne pi nuu-kala doluŋ duu wuo bubul wiaa, má puu woŋbiinj duu wuo bubul wialij si lii Wia teenj. Di nuu ne tima pipi niaa, ú keŋ dol-la Wia si joŋo pu a tima pipiba. Má ŋaa nii di niaa wuo to Yesu Kirisito le a bibese Wia, duu yirinj yire wii-na kala le. U ne nii-la si keŋ doluŋ ari yirinj a kaa mu wuu. Ami.

Hee-la nialij si laa Wia wiaa dii sí na

¹² Mi naanbii-kpianaba, ma sí leŋe di hee-la ma si faasa nina, duu ŋaa wu-kpuŋkperɛ ma le. Wiaa deeŋba kala ka magisema ne. Ma sí leŋe di wiinj deeŋ ŋaa wu-falii ma teenj. ¹³ Hee-la Kirisito si na, má ma na hee-la titia ne. Nii wiaa má juuɔse. Tapulii-la Kirisito ne ko ari u tula, ma jaŋ faasa juɔse. ¹⁴ Di ba nii tuusema a tiŋ Kirisito wiaa, Wia jaŋ pema le, beɛ wiaa Wia Diŋ-zɔŋ-la si keŋ doluŋ hema le ne. ¹⁵ Má si wu-boŋŋɔɔ ŋaa di niaa doŋisema. Ma kuŋ-kala sí heeŋ na a tiŋ u si kpu niaa wiaa, koo u si ŋaa gaaru wiaa, koo u si ŋaa wu-boŋŋɔɔ wiaa, koo u si ŋaa wu-heeru wiaa. ¹⁶ Ama nii-la kala sí na heeŋ a tiŋ Kirisito wiaa, u sí leŋe di hiisinj

kenu. U maga di tiina denne Wia, bæe wiaa niaa jima ari uu to Kirisito ne. ¹⁷ Bua-la Wia si jaŋ dii dunia sariya yie ne. U jaŋ laa sipaan a suomi Wia niaa le. Duu ne saa suomiba le, ee ne saa u jaŋ nage nialin si bi Wia Wuzomɔ-la ka to le? ¹⁸ Ba ŋmunŋse Wia tenin tuon a bul,
 “U ŋaa wu-haa ne ari ŋ ŋaa tuo-pul tiina Wia sipaan, duu laan ta.

“Ee ne saa u jaŋ nage nialin si bi Wia jin a ŋinŋaa wu-boŋŋoo?”

¹⁹ Nii wiaa, má leŋ di nialin sii na heen a tin Wia tuotorun wiaa ŋinŋaa wialin sii to Wia wonbiin. U maga di ba jon ba titia kala a he Wutitii Tiina-la si ŋaaba, nisin le.

5

Má beŋ Wia nialin worun u si joŋo he ma nisin le

¹ Mi keŋ wii ne di mi bula pi ma nialin si ŋaa Wia niaa nihiasin. Mi ma ŋaa Wia niaa nihian don ne. Mi titia siin na hee-la Kirisito si na ne. Nii titia ne mi ma jaŋ na tula-la Kirisito si jaŋ na bua-la le u si jaŋ miira ko. Nla ne tii mii sulma ² di ma beŋ Wia nialin u si joŋo he ma nisin le, ari pie-daaraa si beŋ ba piesee nyun nii. Ma sí leŋe duu nage ari baa fugema di ma beŋba, ama má beŋba ari ma titia tuotorun. Má cho tinŋimii-la, aŋ sí time-la ma sii laa hariŋ to, bæe wiaa u bi maga di ma keŋ yaribierin aa che moribiee. ³ Ma sí dolun kaa beŋ niaa deenba Wia si joŋo he ma nisin le. Ama má leŋ di ba na ari ma mele zomɔ, di ba tuto ma naa-buasun.

⁴ Di ma ne ŋaa nii, tapulii-la Yesu Kirisito si jaŋ miira ko, nii-la si ŋaa Pie-daaraa kala kuhian, u jaŋ jon ku-la si zomɔ a kii kun-kala pima. U-na bi jaŋ chei. ⁵ Ma bapuoŋsi-biisin, má jon ma titia he ma nihiasin nisin le. Má kala keŋ ma titia muuri ma donɔba teen. Má liisi ari Wia tenin tuon ba bula,

“Wia lii nialin sii bigisi ba titia le hariŋ ne, ama nialin si keŋ ba titia muuri, uu peba le ne.”

⁶ Nii wiaa, má keŋ ma titia muuri Wia teen. U ne keŋ dolun a wuo beŋma. Di bua-la ne yie, u jaŋ leŋ di ma ŋaa ni-balaa. ⁷ Wii-la kala sii walimema, má joŋo he Wia nisin le, bæe wiaa u nii beŋma. ⁸ Má leŋ di ma siaa fiele aa po ma titia le worun. Ma diŋdon-la Sitaani, uu gollima ne a nage naachigin si gollo yeŋe chiche kudiilee, aa che duu keŋ ma donɔ dii. ⁹ Má via Sitaani aŋ keŋ wialin ma si laa dii kpan kpan. Ma jima ari nialin ma si laa Wia wiaa dii a ŋaa ma naanbiirin a he dunia seme-na kala, ba maa na heen ne. ¹⁰ Heen deen ma sii na bi jaŋ dieni. U nii hariŋ le, Wia-la si keŋ zile kinkeŋ kinkeŋ a yirema di ma ma na tula-la Kirisito si kene a kaa mu wuu, u ne jaŋ keŋma wasa kii, a leŋ di ma chaasa chin ari dolun. ¹¹ Wia ne keŋ dolun a kaa mu wuu. Ami.

Chuɔlaa

¹² Mi ne leŋe Silivaanas ŋmunŋse tenin deen pipima. Mi jima ari u ma ŋaa la naanbii-titii ne. Wu-kuu-bie ne mi ŋmunŋse pima di mi ŋaa di ma nyun nyaase ne. Wutitii ne, mi bula pima nii Wia si pela le. Nii wiaa má chin wiaa deenba le kpan kpan. ¹³ Nialin si laa Yesu wiaa dii aa hilimi Babilon le, nialin Wia si liisa di ba ŋaa u niaa ari u si liisema ma nii, ba maa chuɔlema. Mi bie Maak maa chuɔlema. ¹⁴ Má guori donɔ a chuɔle donɔ, a dage ma si cho donɔ nii.

Ma nialin kala si laa Yesu wiaa dii, ma jaŋ hon ari yarifielaa.

TEN-LIA-LA PIITA SI N̄MUNSA

¹ Mi-na Saamɔŋ Piita n̄ ɲmunɛ teniŋ deen pipima. Mi ɲaa Yesu Kirisito tiŋtinnu n̄ a ɲaa u nanɔɔ maa. Mi ɲmunɛ teniŋ deen pipi ma nialin ma si laa Yesu Kirisito wiaa dii ari la ma si laa u wiaa dii ɲii. La di ma kala ɲaa tuɔ-pul timma n̄ a tiŋ Wia ari la Laataara Yesu Kirisito wiaa.

² Wia laħɔrimɔ l̄ yarifiɛlaa jan yuge ma teen, a tiŋ wu-jimii-la ma si kene a mu tige Wia ari la Tiina Yesu l̄.

Má leŋ di ma m̄l̄e zɔŋ di Wia wuo tiŋma

³ U dolun l̄ Wia wuo pila kun-kala la sii che la miisij l̄, di la wuo kaa ɲaa wialin kala sii to Wia wonbiin, di la wuo jin Wia, nii-la si yirela di la wuo na u tula ari u zomun kala. ⁴ Wiaa deenba n̄ ɲaa wu-bal-la u fa si si u jan ɲaa pila. Wialin zomɔ kinkeŋ la teen. U jon wiaa deenba pila di la wuo liise la titia wu-bomɔ-la dunia niaa sii to ba tuɔɔre wu-ɲaalaa l̄ a ɲiŋaa, ka di la ku nage ɲii Wia si naga. ⁵ A tiŋ ma si laa Yesu wiaa dii ɲii, má h̄ dolun di ma m̄l̄e zɔŋ. Má leŋ di ma wu-jimin puŋa pipe ma m̄li-zɔŋ-la l̄. ⁶ Má to ma wu-jimii-la l̄ a keŋ ma titia worun. Ma si keŋ ma titia worun ɲii, má keŋ kenyiri. Ma si keŋ kenyiri ma ɲii, má p̄ keŋ nyalima. Ma si keŋ nyalima ɲii, má ɲiŋaa wialin sii to Wia wonbiin, ⁷ a p̄ keŋ zile ma naanbiiri-la kala teen, aŋ p̄ choba maa. ⁸ Di ma n̄ ɲaa wiaa deenba a yuyuge, ba jan p̄ wialin ma si jima a mu tige la Tiina Yesu Kirisito l̄, a leŋ di ma ɲaa nialin Wia si jan kaa titin u tiŋtiŋɲaa. ⁹ Nii-la kala si bi wiaa deenba ka ɲaa, u tiina ɲaa nyulun, a nage nii-la si na u naasin bubuɔŋ duŋduŋa aŋ bi di-bolii na, b̄e wiaa u tiina paala yu ari Yesu fa chese u bunbuŋ haacheba-la u si ɲaa ta n̄. ¹⁰ ɲii wiaa mi naanbiirin, mii sulma ari Wia si yirema a liisema ɲii, má h̄ dolun a chin wiaa deenba l̄ worun. Di ma nii ɲaaba, ma bi jan lii Wia wonbiin l̄. ¹¹ Di ma n̄ chin worun, ma jan jin ari ma jan wuo juu la Tiina ari la Laataara Yesu Kirisito kuorii-la tuɔŋ. U kuorii-la jan h̄ dime deen deen.

¹² ɲii wiaa n̄ tii bua-na kala l̄ mi yie liliisima a mu tige wiaa deenba l̄. Ma paala jin wutitii-la n̄ a chin u l̄ worun. ¹³ Mi ha si h̄ mi miisij deen l̄, u ɲaa wu-zɔŋ n̄ di mi liliisima wiaa deenba di ma siba yu, ¹⁴ b̄e wiaa mi jima ari mi bi jan dieni dunia deen l̄. La Tiina Yesu Kirisito titia dagemi wiin deen n̄. ¹⁵ Mi saa che di mi n̄ suba maa, di ma wuo liliisi wiaa deenba bua-na kala l̄.

Piita si duu titia n̄ na Yesu u miisij l̄

¹⁶ La bula pima ɲii la Tiina Yesu Kirisito si kɔ dunia ari dolun. Wii-la la si bula pima bi nage sunsɔgulɔ wu-jinnaa si sɔgulɔ. La titia siin n̄ na Yesu Kirisito tula. ¹⁷ Bua-la l̄ la Nyimma Wia si jon dolun ari tula pu, la nii yiikoro duu lii wia nyun, Wii-jaribakɔ yiikoro n̄. U fa si, “Mi Bii-choolun n̄ ɲla, mi tuɔŋ tɔre u nyun.” ¹⁸ Bua-la l̄ yiikori-la fa si bul ɲii di Yesu n̄ fa h̄ peel-la si bi disinnin kene nyun. ¹⁹ Nialin fa sii bul wiaa, Wia Diŋ-zɔŋ-la dolun-la l̄ ma fa bula ari wiaa deenba jan ɲaa. Má jegile niiba, b̄e wiaa wialin ba si bula nage chaanin n̄ a chaane birimin tuɔŋ halii tan mu pul. Bua-la l̄ chaanin deen jan pulle a nage nanyualun a h̄ ma tuɔŋ.

²⁰ U maga di ma laa sipaan jin ari wialin ba si nmunsa bil Wia tenin tuon, nialin fa sii bul wiaa, Wia Din-zon-la dolun le ne bulba. Nii wiaa nuu-kala bi jan wuo ken u titia wu-jimin a dage wialin bubuon. ²¹ Wii-la si tii ne nla: Wialin ba si bula bi ba titia tuobiinaa le lia. Ama Wia Din-zon-la ne ku he ba tuon a len ba bul wialin Wia si jonjo piba.

2

Wu-nyari kerichiba si nage nii

¹ Bunbun wu-nyaraa ku nialin si laa Wia wiaa dii tuon, a fugiba ari baa bul wiaa, Wia Din-zon-la dolun le ne. Nii titia ne wu-nyari kerichiba jan ku he ma tuon a luora didagama wialin si jan cheima a paala bul ari ba bi la Tiina Kirisito jin, nii-la si laaba ta. Ba si nnaa nii, u bi jan dieni, ka di Wia dogiseba di ba suu. ² Nnaa jan yuge a to ba harin a njinaa wu-liili-la wu-nyari kerichiba-la sii nnaa. Ba wu-nyaalaa jan len di nnaa bul wiaa a chichei Wia wonbii-titii-la la sii to. ³ Wu-nyari kerichi deenba jan ken tuo-lunun. Ba jan ken nii-sima a nyinyisema a lilaa ma kaaa maa. Faafaa kala ne Wia dage ari u jan dii nnaa deenba yiri sariya a dogiseba maa. U bi jan dieni ka di Wia dogiseba di ba mu suu.

⁴ Bunbun kala ne Wia tinjaaraa donsun fa nnaa haache. Ba si nnaa nii, Wia biba leje pei. U keseba a jonba yuo he Wia nyinin tuon. Ba ken choromoo vooaba a len ba pin birimin tuon. Ba jan he dime a kaa mu yi tapulii-la Wia si jan dii dunia nnaa sariya. ⁵ Bua-la le Nowa fa si he u miisin le, nialin kala fa sii nnaa wu-bonjoo, Wia fa biba leje pei. U leje liin pelle paa ni-bonjoo deenba kala, an len Nowa ari u nnaa balipe dunjun. Nowa fa bula pi nialin di baa nnaa wialin sii to Wia wonbiin. ⁶ Bua-la le tasi-la balia ma fa he dime. Ba yirin ne Sodom ari Gomora. Ba nnaa fa sii nnaa wu-bonjoo, Wia fa dogiseba ne. U fa jon nyinin ne a nyigeba, ba kala dii buru an ka tuoron dunjuna. Wia dage nii ari u jan dogise nialin kala si bi u wonbiin ka to. ⁷ Baal kubala ba faa yire Lot ma fa hon Sodom ari Gomora tinteen ne a fa nnaa tuo-pul tiina. U dunjuna ne Wia kaa liise tasi-la tuon. Ni-bomoo-la wu-nyaalaa fa chei u tuon worun. ⁸ Lot fa si hon ni-bomoo-la tuon, u yie na an pe nii wu-bomoo-la kala ba fa sii nnaa tasi-la tuon tapulii-na kala. Wiaa deenba ne leje u tuon viisi, bee wiaa u-na fa nnaa tuo-pul tiina ne. ⁹ Wiaa deenba kala dagela ari Wia jin wonbii-la u si jan to a laa tuo-pul tinjaa ta, di Sitaani si wuo magiseba di ba nnaa wu-bonjoo. Ba bira dagela nii Wia si jan nnaa a dogise ni-bonjoo maa a kaa mu yi tapulii-la u si jan dii dunia nnaa sariya. ¹⁰ Ba tuon, Wia jan faasa dogise nialin sii nnaa wu-liilin ari nialin si bi che di ba jon ba titia a he Wia nisin le.

Wu-nyari kerichi deenba bi nuu-kala ka fa, an pe ken nyu-duon maa a njinaa ba tuotore wiaa. Nii ne tii ba yie tuuse Wia tinjaara-la si ken yirin a he Wia-jan le. ¹¹ Wia tinjaara-la ne ken dolun a kii wu-nyari kerichi deenba. Ama Wia tinjaara-la biba ka tuuse, a bi cheerin ma jonjo pi nnaa deenba Wia sipaan. ¹² Wu-nyari kerichi deenba yie njinaa wiaa ari pusun si bi wu-jimin kene sii nnaa nii ne. Ba yie nage pusun nnaa si yie diese di ba kese a kpu ne. Ba yie bubul wu-bonjoo ne a titige wialin ba si bi jin le. Ba si jon cheerin pi nnaa donsun nii, nii titia ne Wia jan jon cheerin piba di ba suu. ¹³ Wu-bomoo-la ba sii nnaa nnaa le nii, nii titia ne Wia jan jon wu-bomoo-la a tinba. Ba si cho di baa nii sima, ba paala golle wiiheye ne a njinaa wu-liilin deenba. Ba sii nnaa nii, nnaa yie chichei ma yirin a jon

hiisirj hema le. Ba yie guoli ma tuonj ne ma kala didii kiaa, ama ba yie lii ma harij a njaa ba wu-liilij. ¹⁴ Bua-na kala le di ba ne na haal, ba yie cheu ne ba tuonj le. Ba-na bi lol ari wu-bonjoo njaanij. Ba yie nyinyise nialij si bi Wia wiaa le china kpan kpan di ba njaa haache. Ba njaa tuo-lun timma ne. Wia kaliba heba le ne. ¹⁵ Niaa deenba via Wia wonjiinj ne a yeriji. Baa to bunburj baal kubala harij ne baa yire Beelam. U nyimma yirij ne fa Bio. A tij moribee wiaa Beelam fa via Wia wiaa anj tuto wu-bonjoo harij. ¹⁶ U si via nii, Wia daju a lej Beelam kakumo bul wiaa a nage nuhuobiine, a pugu duu si wu-yaayasij njaa.

¹⁷ Wu-nyiaraa kerichi deenba nage lii-bulo si hila ne. Ba bira nage duonuj si tina, anj ka pelij njaa kiri u bi nia ne. Niaa deenba, Wia jan jonba he birij-la si bi dere tuonj. ¹⁸ Ba yie faasa njaaa gonj a bubul ba-biibal wiaa si bi bubuonj kene. Ba yie kenj nii-sima a nyinyise nialij si bumo liise ba titia nialij si bi wutitij jin le. Ba yie che di ba nyise niaa deenba di baa njaa wu-liili-la kala ba sii njaa. ¹⁹ Ba yie nyinyiseba a bul di ba ne to ba harij, ba jan tii ba titia. Ama wu-nyiaraa deenba paala bi ba titia tii. Ba ne wu-bonjoo yosunj, bee wiaa di nuu-kala ne leje di wii malu, di u ne bi wii-la wuo lej, u yie ku njaa wii-la yonj ne. ²⁰ Di niaa ne ku jin ari la Tiina Yesu Kirisito ne laaba ta ba haacheba le, di ba ne liise ba titia dunia kialij si yie lej baa njaa haache le, di ba ne bira lej di wiaa deenba malba a kenj doluj ba le, niaa deenba diderij ne jan bomo kii bua-la le ba ha si bi wutitii-la jin. ²¹ Wiinj deen jan njaa le, bee wiaa ba jonj harij yia wialij Wia fa si si di ba tuto a kenj tuo-pula u teenj. U fa jan kpia di ba ne fa bi wutitii-la wonjiinj jin, ama ba jimu ne anj jonj harij yia wialij Wia fa si bula piba di baa njaa. Wiaa deenba bi disinnij kene. ²² Wiinj deen si njaa niaa deenba le daga ari namaga-la niaa sii magu njaa wutitii ne. Ba si, "Vaha yie tuose ne anj gura paa dii. Ba yie fo toonj ma liinj, ka u bira mu njmoo vichoonj."

3

Tapulii-la la Tiina Yesu si jan miira ko

¹ Mi nanjonj-kpianaba, mi tenj-liaminj ne njla mi si njmunsa pipima. Mi tenni-la baliaminj tuonj, mi bul wiaa liliisima di ma wuo to Wia ari tuobiinj-zonjoo. ² Mi bul wiaa deenba di mi liisima wialij nialij fa sii bul wiaa, Wia Din-zonj-la doluj le si bula fafaa ari ba jan ku bal, di ma siba yu. Ma pe liliisi wialij la Tiina Yesu fa si to ma nanjooaba le a bula pima. U ne la Laataara. ³ Mii che di ma laa sipaanj jin ari bua-la le dunia si janj ku kpage diderij, ni-sieree janj to ba tuotore wu-njaalaa le a sisierima le. ⁴ Yesu fa si dage ari u janj miira ko, ba janj piesela di "Nii ne u he? Che bee ne saa u janj bira ko?" Ba janj bira bul di bua-la le nialij si laa sipaanj laa Yesu wiaa dii si suba a kaa kuko bua deen le, kunj-kunj-kala bi birima, ba kala ha nage ari Wia si njaaa nii dunia di-suomunj. ⁵ Nialij sii bul wiaa deenba chaasa jinj kialij kala Wia si njaa ne, ama ba bi che di ba sei ari fafaa kala dunia fa tuo a kaa mu yi bua-la le Wia si bul wiaa, ka wia nyunj ari tinteenj kala-na ku he dime. Tinteenj fa he liinj tuonj ne, ka Wia kaa pore u pinj u dunduja, ka liinj ma pinj u dunduja. ⁶ Lii-la titia ne Wia jonj to bunburj dunia-la, u kala chei. ⁷ Wia bira bula ari u janj lej di nyininj dii tinteenj ari wia nyunj kala si he dime leele njla. Ama ba janj he dime halii, di tapulii-la Wia si janj dii dunia niaa sariya ku yi. Nialij si bi u niinj wiaa ka to, Wia janj jonj cheerij piba di ba suu.

⁸ Ama mi nan̄bii-chooloo, ma sí wiin̄ deen̄ yu, ari Wia teen̄ tapul-bala nage jis̄in̄ bui ne, ka jis̄in̄ bui ma nage tapul-bala. ⁹ Niaa d̄on̄sun̄ biina ari Wia fiela ne ari wial̄in̄ u si si u jan̄ n̄aa le. U bi fiela, ama u ken̄ kenyiri ne a tin̄ ma wiaa, b̄ee wiaa u bi che di ma kuṅ-kala lel. Uu che di nuu-kala birima lii u haacheba le ne. ¹⁰ Ama tapulii kubala la Tiina Yesu jan̄ k̄o. Tapulii-la u jan̄ guu k̄o a di niaa le, ari gaara si yie k̄o a di niaa le nii. Bua-la le nuu-kala jan̄ nii huuri-bal kubala wia nyun̄. Duu ne n̄aa, wia nyun̄ jan̄ lel, ka kuṅ-kala si he wia nyun̄ ma jan̄ n̄miere nyinin̄ tuon̄ a nyiige, ka di tin̄teen̄ kuṅ-kala ma dii nyinin̄.

¹¹ Ma si jima ari dunia kala jan̄ lel nii, ee ne ma biina ari u maga di ma mele nage? U maga di ma jon̄ ma titia kala a pi Wia ne, a sí dis̄in̄ kala ken̄, a tuto u won̄bii-la. ¹² Ma sí ḡbere tapulii-la la Tiina Yesu si jan̄ k̄o nii, má pe pipesi, di ma n̄aa wii-na kala ma si jan̄ wuo n̄aa di tapulii-la yima lima. Tapulii-la ne wia nyun̄ jan̄ n̄miere nyinin̄ tuon̄ a nyiige. Ka kuṅ-kala si he wia nyun̄ ma jan̄ n̄miere nyinin̄ a lel. ¹³ Faafaa-la Wia bula ari u jan̄ n̄aa wia nyu-falii ari tin̄tee-falii. Lee-la u niaa jan̄ n̄n̄aa tuo-pul wiaa. Wiaa deen̄ba ne laa ḡbere.

¹⁴ Nii wiaa mi nan̄biirin̄, ma sí ḡbere di ma na wiaa deen̄ba, má fiese siin̄ a len̄ di ma mele z̄on̄, di tapulii-la ne yie, di Wia sí cheerin̄ kala jon̄o pima, ka di ma di Wia siin̄. ¹⁵ Mi nan̄biirin̄, u maga di ma jin̄ ari la Tiina Yesu ken̄ kenyiri ne. U n̄aa nii duu wuo laama ta ne. Wiaa deen̄ba titia ne la nan̄bii-choolun̄ P̄ool ma bul tenni-la kala le u si n̄mun̄sa pima. Wia ne pu wu-jimin̄ deen̄ u kaa bul wial̄in̄. ¹⁶ Wial̄in̄ u si bula u tenni-la le, ba d̄on̄sun̄ heye. Niaa bi ba bubuosa jin̄. Nial̄in̄ ma si bi wiaa jin̄ ari nial̄in̄ si bi wial̄in̄ ba si laa dii le china kpan̄ kpan̄ yie ken̄ wial̄in̄ kaa birime wu-wogusu, ari ba si yie ken̄ Wia ten̄in̄ wiaa seme d̄on̄sun̄ kaa birime nii. Ba sí n̄aa nii, Wia jan̄ d̄ogiseba ba suu. ¹⁷ Ma-na mi nan̄bii-kpianaba, ma paala jin̄ ari wu-nyiaraa deen̄ba jan̄ k̄o. Nii wiaa, má p̄o ma titia le di nial̄in̄ si bi Wia niin̄ ka to sí wuo nyisema di ma to ba wu-nyiar̄i-la harin̄, an̄ jon̄ wial̄in̄ ma si laa dii a chin̄ ba nyun̄ ta. ¹⁸ Má to la Tiina Yesu Kirisito a kaa mu, nii-la si n̄aa la Laataara. Di ma ne n̄aa nii, u jan̄ p̄ema le worun̄ a len̄ di ma wasa jimu. U yirin̄ ne niaa jan̄ yire lelele a kaa mu wuu. Ami.

TEN-BUNBUN-LA ԵՅՈՂ SI NYMUNSA

Wii-la si ku njaa nuhuobiine

¹ Mi-na ԵՅՈՂ ղմսխսե տենիլ ճեղլ քիքիմա ա տիգե քիլ կուբալա լԵ ՆԵ. Կիլ-լա ֆա հԵ ճիմԵ քոնքոն կալա ՆԵ ա կեղլ միսիլ. Լա ուիլ u քիլկորո ա կեղլ լա սիաա մա նաւ ա շաասա քոն, ա կեղլ լա ոսաա մա ճիգու. ² Կիլ-լա սի կու ղաա ուհուոբիւնե, լա նաւ ՆԵ ա ղաա u ճաոսիա, ա քոն u քիաա քիքիմա. Կիլ-լա ՆԵ ղլա: Միսի-լա սի քի ճԵրԵ. U ֆա հԵ լա Նքիմա տեղլ ՆԵ ա կու լիլ լա տեղլ լա նաւ. Կեսու Կիրիսիտո ՆԵ ղիլ. ³ U ֆա սի հԵ լա տեղլ ղիլ, լա նա քիալիլ u սի ղաա ա ուիլ քիալիլ մաա u սի քոն. Կիալիլ լա սի նա աղ ուիլ մաա, քա ՆԵ լա քոնաա քիմա, ճի մա քոն յու լա տոն ճի լա կալա կեղլ ուի-քալա. Լա ճի լա Նքիմա Կիա ալի u քիԵ Կեսու Կիրիսիտո կեղլ ուի-քալա ՆԵ. Լաա շԵ ճի մա մա կեղլ ուի-քալա ղիլ ՆԵ. ⁴ Լաա շԵ ճի մա տոնլ ֆաասա տԵրԵ ՆԵ քորոնլ, ղիլ ՆԵ տիլ լա ղմսխսե քիլլ ճեղլ քիքիմա.

Wia ՆԵ կեղլ քոնսոն

⁵ Կիալիլ Կիա քիԵ սի ճաղԵլա ա տիգե Կիա լԵ, քա ՆԵ ղլա: Կիա ՆԵ կեղլ քոնսոն. քիրիմիլ տու Կիա լԵ. ⁶ Գլ լա ՆԵ սի լա ճու կեղլ ուի-քալա աղ կա լաա ղաա քիրիմիլ տոնլ քիաա, լաա ոքիա ՆԵ. Լա քոն-ղաալաա ալի լա քոն-քոնաա կալա քի քոնտիլ կԵՆԵ. ⁷ Ամա ճի լա ՆԵ ղաա քոնսոն տոնլ քիաա ա հԵ քոնսոն տոնլ, ալի Կիա սի հԵ քոնսոն տոնլ ղիլ, ղիլ-նա լա ճի ճոնսոն տիլլաա կալա կեղլ ուի-քալա ՆԵ. Գլ լա ՆԵ ղաա ղիլ, Կիա քիԵ Կեսու շալիլ մա յաղլ շԵՆԵ լա քոն-քոնսոն կալա տա. ⁸ Գլ լա ՆԵ սի լա քի քոն-քոնսոն ղաա, լաա ոքիսԵ լա տիա ՆԵ. Լա քի քոնտիլ կԵՆԵ. ⁹ Ամա ճի լա ՆԵ սԵքԵ ալի լաա ղաա քոն-քոնսոն ա ճաղԵ լա քոն-քոնսոն-լա ա քի Կիա, u յաղլ քոն սոնլ լա հաաշԵքա ա շԵլա ա շԵՆԵ լա քոն-քոնսոն կալա տա. Կիա կեղլ քոնտիլ. ղիլ ՆԵ տիլ u յաղլ քոն ղաա ղիլ. ¹⁰ Ամա ճի լա ՆԵ սի լա քի քոն-քոնսոն ղաա, լա կեղլ Կիա քիԵ քոն-քիարու ՆԵ. Լա քի u ուիլ քիաա լաա հԵ լա տոնլ.

2

Kirisito շիլլ լա հարիլ ա քիքԵլա լԵ

¹ Մի քիրիլ, մի ղմսխսե քիլլ ճեղլ քիքիմա ճի մա քիրա սի քոն-քոնսոն ղաա, ալա ճի լա կոն-կալա հաա ղաա քոն-քոնսոն, լա կեղլ ուս սի շիլլ լա հարիլ. U յաղլ սուլա լաալա u Նքիմա տեղլ. Կո-քոն Կիա Կեսու Կիրիսիտո ՆԵ ղիլ. ² U ՆԵ յոն u միսիլ ա յոն սոնլ լա քոն-քոնսոն քիաա, ճի Կիա յոն u քաոնիլ տա u ֆա սի կԵՆԵ ա տիլ լա քոն-քոնսոն քիաա, աղ յոն լա քոն-քոնսոն ա շԵլա. Լա ճոնքոնա քոն-քոնսոն քիաա ճԵ, ճոնա կալա քոն-քոնսոն քիաա ՆԵ. ³ Ղլա ՆԵ լա յաղլ քոն տո յիլ քորոնլ ալի լա յիլ Կիա: Գլ լա ՆԵ տո քիալիլ կալա Կիա սի ճաղԵ ուաա ճի քաա տո, ղիլ ճաղա ալի լա ՏԵՆԵ յիլ Կիա ՆԵ. ⁴ Գլ ուս ՆԵ սի u յիմու, կա u քիա քիալիլ u սի ճաղԵ ուաա ճի քաա տո, տիա ղաա քոն-քիարու ՆԵ, u քի քոնտիլ կԵՆԵ. ⁵ Ամա ուի-լա կալա սիլ տո u ուիլ քիաա, u ՆԵ ուի-լա սի ՏԵՆԵ շո Կիա կիլկեղլ. Գլ լա ՆԵ տո u ուիլ քիաա ղիլ, լա յաղլ քոն տո յիլ ալի լա ճի Կիա ՏԵՆԵ ղաա կուբալա ՆԵ. ⁶ Ուի-լա կալա սի սի քա ճի Կիա ղաա կուբալա, u մաղա ճի u տիա քոն-քաալաա ոաղԵ Կեսու Կիրիսիտո քոն-քաալաա ՆԵ.

Nialil sũ venj քոնսոն տոնլ սի ոաղԵ ղիլ

⁷ Մի քիր-քոոլո, քիլ-լա մի սիլ շԵ մի ղմսխսա քիմա լԵԼԵ, u քի քոն-քալիլ կալա ղաա Կիա սի ճաղԵլա ճի մաա տո, u ղաա քոն-քոնսոն-լա մա ֆա սի ուիլ քոնքոն

kala ne. Wu-binii-la ne Wia niin wialin ba si dagema. ⁸ Ama u saa naga ari wu-falii ne mi si nmuŋsa pipima, bee wiaa wiin deen ku naa wutitii Kirisito miisin le ari ma ma miisin le. Bua deen le birimin ka lel ne, an ka pulumun ha faasa chaane pir. ⁹ Nii-la kala si si uu ven pulumun tuon an bere u dono tiina, u ha he birimin tuon ne. ¹⁰ Ama nii-la kala si cho u dono tiina, uu ven pulumun tuon ne. Wii-kala bira tuo si jan naa u siera tel. ¹¹ Ka nii-la kala si bere u dono tiina, u tiina ven birimin tuon ne. U bi jin lee-la kala u sii mu. Birimin naa u siaa bi na.

¹² Mi biirin, a tin Yesu wiaa ne Wia jon ma wu-bonhoɔ a chema. Nii ne tii mi nmuŋsa pipima. ¹³ Mi nyimmaba maa, ma jin Nii-la fa si he dime bunbun kala ne. Nii ne tii mi nmuŋsa pipima maa. Ma bapucsa maa, ma leele yuo dii Sitaani ne, nii ne tii mi nmuŋsa pipima maa. Ma biirin, ma ma jin la Nyimma Wia ne, nii ne tii mi nmuŋsa pipima maa. ¹⁴ Mi kuhiasin maa, ma jin Nii-la fa si he dime bunbun kala ne, nii ne tii mi nmuŋsa pipima. Ma bapucsa maa, ma ma ken dolun, Wia niin wiaa ma he ma tuon le. Ma leele yuo dii Sitaani ne, nii ne tii mi nmuŋsa pipima.

¹⁵ Ma si dunia kiaa cho. Nii-la kala si cho dunia kiaa, u bi la Nyimma Wia cho. ¹⁶ N tuotore wu-naalaa ari n siin wu-chooloo ari kialin si naa niaa bibigisi ba titia le, ba kala bi la Nyimma Wia teen lia. Ba naa dunia kiaa ne. ¹⁷ Dunia ari kialin kala si he dime nuhuobiine cho, ba kala jan dere. Ama nii-la si naa wialin Wia si cho, u jan ken miisi-la si bi dere.

Kirisito dinɔɔn-balin

¹⁸ Mi biirin, dunia diderin kpaga ne. Ma nia ari Kirisito dinɔɔn-balin jan ko. Bua deen le Kirisito dinɔɔnhoɔ paala yuge ne a ko. Nii wiaa, la jima ari dunia diderin kpaga ne. ¹⁹ Ba lii la tuon ne, ama la di ba fa bi kubala naa. Di la di ba ne fa naa kubala, ba ma fa ha jan he la tuon. Ama ba lii la tuon ne di la jin ari la di ba bi kubala naa. ²⁰ Ama ma-na jin wutitii, bee wiaa Kirisito jon u Din-zon-la hema le ne. ²¹ U bi naga di mi nmuŋsa pipima a tin ma si bi wutitii-la jin. Ama mi nmuŋsa pipima a tin ma si jin wutitii-la ne. Ma ma jima ari wu-nyari tiina bi wutitii kene. ²² Kubee ne saa naa wu-nyari tiina? Nii-la si si Yesu dee bi Kirisito naa, nii-la Wia si liisa, u dee bi wu-nyari tiina naa? Nii-la kala saa si via la Tiina Wia ari u Bie, u tiina ne naa Kirisito dinɔɔn-balin. ²³ Nii-la kala si via Wia Bie, u bi u Nyimma ma jin. Nii-la ma kala si sei Wia Bie, u ma jin u Nyimma ne. ²⁴ Ma len di wialin kala ma si nia bunbun he ma tuon a kaa mu. Di wiaa deenba ne he ma tuon a kaa mu, ma di Wia Bie jan naa kubala a kaa mu. Ma di u Nyimma ma jan naa kubala a kaa mu. ²⁵ Wii-la Kirisito titia si bula duu jan naa pila ne nla: U si u jan jon miisi-la si bi dere a pila.

²⁶ Mi nmuŋse wiin deen pipima a mu tige nialin sii che di ba nyisema le ne. ²⁷ Ama Kirisito jon u Din-zon-la hema le ne. Din-zon-la si hema le nii a kaa mu, ma bira bi nialin donsun naga, nialin sii che di niaa didageba. U Din-zon-la hema le a dagema wii-kala ne. Wialin kala u sii dagema naa wutitiiba ne, wu-nyari dee. Ma saa len di ma di Kirisito naa kubala a kaa mu, ari u Din-zon-la si dagema nii.

²⁸ Mi biirin, di ma naa nii a kaa mu, la jan ken nyu-duon chee-la Kirisito si jan miira ko. Hiisin bi jan kenla di la faa. ²⁹ Ma si jima ari Kirisito ne ken wutitii, ma saa jan jin ari nuu-kala si ken wutitii, u tiina naa Kirisito bii ne.

3

Wia biirinj si nage nji

¹ Ma na nji la Nyimma Wia si chola. U chola kieli, nji ne tii u kenja yiyire u biirinj. Wutitii, la sene nja u biirinj ne. Dunia niaa bi Wia jin, nji ne tii ba bila ma jin nji. ² Mi bii-chooloo, leele la nja Wia biirinj ne. Ama Wia ha bi chaasa daga pulle nji la si jan nage. Ama wii-la la si jima ne nja: Bua-la le Kirisito si jan ko, la ma jan nage u si nage nji, be wiaa la jan nau u si nage nji kala. ³ Nii-la kala sii yiele wiinj deen le, u jan liise u titia wu-bonj wu-jaalaa le, an kenj u titia pulle duu kenj tuo-pula, ari Kirisito si kenj tuo-pula nji.

⁴ Nii-la kala si nja wu-bomunj, u chei wialinj Wia si leje ba nmunja bil ne di niaa tuto. Di nuu ne nja wu-bonj, u chei wialinj ne. ⁵ Ma kala jima ari Kirisito ko duu laa la wu-bonjta ta ne. U-na bi wu-bonj kala nja. ⁶ Di nuu ari Kirisito ne nja kubala, u tiina bi wu-bonjta nja. Ama nii-la kala ha sii nja wu-bonjta, u tiina bi Kirisito jin. U siaa ma ha bi u nyuj pollo. ⁷ Mi biirinj, ma si leje di nuu-kala nyisema wiaa deenba le. Nii-la kala si nja wutitiiba, u tiina nja tuo-pul tiina ne, ari Kirisito si nja Tuo-pul Tiina nji. ⁸ Ama nii-la kala ha sii nja wu-bonjta, u nja Sitaani tiina ne. Sitaani nja wu-bonjta bunbunj kala ne a kaa ko ari jininj kala. Wii-la si tii Wia Bie ko dunia ne nja: U ko duu chei Sitaani tintinjaa ne. ⁹ Nii-la kala si nja Wia bii-lulii, u tiina bi wu-bonjta nja, be wiaa u laa u wu-jaalaa kala ne a kaa mu. Wia si nja u Nyimma nji, u bi wu-bonj wuo njjaa. ¹⁰ Nja le ne ma jan wuo a to jin Wia biirinj ari Sitaani biirinj. Nii-la kala si bi wutitiiba nja, koo nii-la kala si bi u donjo tiina cho, u tiina bi Wia bii nja.

Ma cho donjo

¹¹ Wii-la ma si nia bunbunj kala ne nja: U maga di ma cho donjo. ¹² U bi maga di la nage Keen. U fa nja Sitaani tiina ne a kpu u njaana. Be ne tii u kpuu? Keen faa nja wu-bonjta ne, an ka u njaana fa njjaa wu-zonjta. Nji ne tii u kpuu. ¹³ Mi naanbiirinj, ma si leje duu nja wu-kpunjkere ma le di dunia niaa ne berema. ¹⁴ La-na cho la donsun tintinjaa ne. Nji ne tii la jin ari la lii suuj bua le ne a kenj miisi-la si bi dere. Nii-la kala si bi niaa cho ha he suuj bua le ne. ¹⁵ Nii-la kala si bere u donjo tiina, u nja ni-kpuuru ne. Miisi-la si bi diderinj kene, ma jima ari ni-kpuura buu kene. ¹⁶ Kirisito jonj u miisinj yoo suuj la wiaa, a dagela nji u si chola kinkeh. La ma saa maga di la ma cho la donsun tintinjaa nji ne a jonj la miisinj a yoo suuj ba wiaa. ¹⁷ Di nuu ne kenj kiaa worunj an na u donjo tiina u juu wii a chiche kiaa, ka u kenj tuo-heen a bi u nennige fa, ee ne u jan wuo bul duu cho Wia ne? ¹⁸ Mi biirinj, ma si leje di la kenj niinj dunjuna cho donjo. Ma lenj di la to wutitii wonjbiinj a njjaa wu-zonjta, di la wu-jaala-la dage ari la sene cho donjo ne.

¹⁹ Di la ni nja nji, la jan wuo to nji le jin ari laa to wutitii wonjbiinj ne a wuo na wiese Wia teen. ²⁰ Di la tuobiinaa ne ha wuo dage ari la cheye ne, la jima ari Wia ne yuga kii la tuobiinaa a jin wii-kala. ²¹ Mi naanbiirinj, di la tuobiinaa ne bi daga ari la cheye ne, la jan kenj nyu-duonj Wia sipaanj a wuo na wiese. ²² Nji wiaa, di la ne sul kun-na kala u teen, u jan jonj pila, be wiaa laa to wialinj u si leje ba nmunja bil di niaa tuto ne aa nja wialinj sii tore u tuonj. ²³ U bira dagela di la njjaa nja ne: Di la laa u Bie Yesu Kirisito wiaa dii a cho donjo, ari u si dagela nji. ²⁴ Nuuna kala sii to wialinj Wia si dagela di laa to, u tiina he Wia teen ne a kaa mu. Wia ma

he u teenj a kaa mu. Nla le ne la janj to jinj ari Wia he la teenj ne: U jonj u Diŋ-zoŋ-la hela le ne.

4

Wia Diŋ-zoŋ-la doluj si nage ŋii

¹ Mi bii-chooloo, di niaa ne si di ba keŋ doluj a wuo bul wiaa, Wia Diŋ-zoŋ-la doluj le, ma si guu laa dii ari baa bul wutitii ne. Má laa sipaanj magiseba na ari ba sene keŋ Wia Diŋ-zoŋ-la doluj ne aa bul wiaa. Bɛ wiaa nialinj si nyia wiaa a bul di baa bul wiaa, Wia Diŋ-zoŋ-la doluj le, ba yuga ne a he dunia le. ² Nla le ne ma janj to a wuo jinj di nuu ne keŋ Wia Diŋ-zoŋ-la doluj: Nii-la kala si laa Yesu wiaa dii a sei duu ne ŋaa Kirisito, nii-la Wia si liisa, a bira sei duu ku ŋaa nuhuobiinj ne a ku tuu dunia, u tiina ne sene keŋ Wia Diŋ-zoŋ-la doluj. ³ Nii-la kala si bi ŋii bula a tige Yesu le, u bi Wia Diŋ-zoŋ-la doluj kene. Dol-la u tiina si kene ŋaa Kirisito diŋdoŋ-balinj doluj ne. Ma nia ari Kirisito diŋdoŋ-balinj deenj janj ko dunia. U doluj ne saa paala he dunia le leele. ⁴ Mi biirinj, ma ne ŋaa nialinj Wia si tii. Ma ne leele keŋ doluj a kii nialinj si nyia wiaa a bul di baa bul wiaa, Wia Diŋ-zoŋ-la doluj le ne, bɛ wiaa Wia Diŋ-zoŋ-la si hema le ne keŋ doluj a kii dol-la dunia niaa si kene. ⁵ Nialinj si nyia wiaa a bul di baa bul wiaa, Wia Diŋ-zoŋ-la doluj le, ba he dunia nisinj le ne a bubul dunia wiaa. Nii ne tii dunia niaa jegilee nii ba teenj. ⁶ Ama la-na ŋaa nialinj Wia si tii ne. Nii-la kala si jinj Wia, u tiina ma jegilee nii la teenj ne. Nialinj ma si bi Wia jinj, ba bi la teenj jegili. Nla le ne la janj wuo to jinj wutitii tinŋaa ari wu-nyiaraa.

Wia si cho niaa ŋii

⁷ Mi bii-chooloo, má leŋ di la cho doŋo. Di la ne cho doŋo, u lii Wia teenj ne. Nii-la kala si cho niaa ŋaa Wia bii-lulii ne a jinj Wia. ⁸ Nii-la ma kala si bi niaa cho, u bi Wia jinj, bɛ wiaa chonunj ŋaa Wia kuj ne. ⁹ Nla ne Wia dagela ari u si chola: U jonj u Bii-bala duu ku tuu dunia, di la tou le a keŋ miisi-la si bi dere. ¹⁰ Nla ne chonunj nage: U bi naga la ne laa sipaanj cho Wia, ama Wia ne laa sipaanj chola. U tinj u Bie u ku tuu suu la wiaa, di Wia jonj u baaninj ta u fa si kene a tinj la haacheba wiaa, a jonj la haacheba chela. ¹¹ Mi bii-chooloo, Wia si chola ŋii, u maga di la ma cho doŋo. ¹² Nuu-kala ha bi Wia naa. Di la ne cho doŋo, Wia he la teenj ne a kaa mu. Di u ne he la teenj ŋii, la janj cho Wia ari la doŋsunj tinŋaa kinkeŋ.

¹³ U jonj u Diŋ-zoŋ-la hela le duu didagela. Nii le ne la to jinj ari la he Wia teenj ne, Wia ma he la teenj ne a kaa mu. ¹⁴ La titia na a ŋaa siada di Wia ta u Bie duu ku tuu ŋaa dunia niaa Laataara. ¹⁵ Nuu-kala si wuo bul ari Yesu ne ŋaa Wia Bie, Wia he tiina teenj ne a kaa mu. U tiina ma he Wia teenj ne a kaa mu. ¹⁶ Nii ne la titia jinj a laa dii ari Wia si chola ŋii. Chonunj ŋaa Wia kuj ne. Nii-la kala si cho Wia ari niaa a kaa mu, u tiina he Wia teenj ne a kaa mu. Wia ma he u tiina teenj a kaa mu. ¹⁷ Di la ne cho Wia ari niaa kinkeŋ, la janj nage ŋii u fa si naga dunia le. Di la ne ŋaa ŋii, la janj keŋ nyu-duonj tapulii-la Kirisito si janj dii dunia niaa sariya. ¹⁸ Nii-la si cho Wia ari niaa, u tiina bi fawulluj ka fá. Di la ne cho Wia ari niaa kinkeŋ, chonu-la kiri fawulluj ta ne. Di la ne haa fá fawulluj ari Wia janj doŋisela, la ha bi Wia ari niaa cho kinkeŋ. ¹⁹ Wia ne laa sipaanj chola. Nii ne tii la ma wuo cho Wia ari niaa. ²⁰ Di nuu ne si u cho Wia ne anj bere u doŋo tiina, u ŋaa wu-nyiaru ne. U si wuo na u doŋo tiina anj buu cho,

nji-na u bi Wia u si bi wuo na ma cho. ²¹ Wia bula pila ari nii-la kala si chou, u maga duu cho u doŋo tiina ma ne.

5

Wia biirin jaŋ keŋ doluŋ a wuo dunia

¹ Nii-la kala si laa dii ari Yesu ne ŋaa Kirisito, nii-la Wia si liisa, u ŋaa Wia bii ne. Nii-la kala ma si cho nuu, u cho nii-la bie ma ne. ² Di la ne cho Wia a tuto wialin u si dagela di la ŋiŋaa, la jaŋ wuo jin ari la ma cho Wia biirin ne. ³ Di la nŋi to wialin u si dagela di la ŋiŋaa, nji jaŋ dage ari la cho Wia ne. U bi hei a pila di la to wiaa deenba, ⁴ beɛ wiaa Wia bii-lulii kala jaŋ keŋ doluŋ a wuo dunia ari u kiasa kala. La si ŋaa Wia yarida-la ne pila doluŋ deen. ⁵ Kubɛɛ ne saa keŋ doluŋ duu wuo dunia ari u kiasa? See nii-la kala si laa dii ari Yesu ne ŋaa Wia Bie.

Kialaa batori si ŋaa Yesu dansia

⁶ U-na Yesu Kirisito ne ko dunia. U si he dunia le, u to liin ari chalin kala le ne a lii. Liin dunɔɔna le dee u to. U to chalin ma le ne, beɛ wiaa ba keŋ liin a fou Wii-chuole liin. U bira suu, u chalin ma jaase. ⁷ Wia Diŋ-zoŋ-la ŋaa wiaa deenba dansia. U-na keŋ wutitii. ⁸ Kiasa batori ne saa ŋaa u dansia tinŋaa. Wia Diŋ-zoŋ-la ari lii-la ari u chal-la. Ba kala keŋ nii-bala ne. ⁹ Di nuu ne ŋaa wii siada tiina, la yie sei wii-la ne. Ama di Wia ne ŋaa wii siada tiina, u ne ŋaa siifian wiin a kii nuhuobiine si si wii-la ŋaa wutitii ne. Wia saa ŋaa u Bie siada tiina ne. Wialin kala u si bula a tige u le ŋaa wutitii ne. ¹⁰ Nii-la kala si laa Wia Bie wiaa dii, u tiina jima u tuoŋ le ari wialin Wia si bula a tige u le ŋaa wutitii ne, a ŋaa wiaa deenba dansia. Ama nii-la kala si bi Wia laa dii, u keŋ Wia yiyire wu-nyiaru ne, beɛ wiaa u bi wii-la u si bula a tige u Bie le laa dii. ¹¹ Wii-la Wia si bula ne ŋla: duu pila miisi-la si bi dere ne. Miisi-la he u Bie teen ne. ¹² Nii-la kala si he Wia Bie teen keŋ miisi-la ne. Nii-la kala ma si bi Wia bile teen he, u ma bi miisi-la kene.

La jaŋ wuo jin ari la keŋ miisi-la si bi dere

¹³ Mi ŋmunɛ wiin deen pipima di ma nialin si laa Wia Bie wiaa dii ma wuo jin ari ma keŋ miisi-la si bi dere ne. ¹⁴ La ma jima ari la ne sul kuŋ-kala Wia teen, la jaŋ wuo keŋ nyu-duoŋ a sul, beɛ wiaa la jima ari ku-la u si cho duu joŋo pila, u jaŋ jegile nii la teen. ¹⁵ Di la ne saa jima ari la ne sul kuŋ-kala u teen, u ne yie jegile nii la teen, nji-na la ma jima ari u yie joŋ ku-la la sii che pila ne.

¹⁶ Di nuu-kala ne na u doŋo tiina duu ŋaa wu-boŋŋoo, u maga di tiina sul Wia puu ne di Wia joŋ u miisin cheu. Mi bul ŋla a tige nialin si ŋaa wu-boŋŋo-la le si bi maga di ba suu le ne a tin ba wu-boŋŋo-la wiaa. Wu-boŋŋoo doŋsun he dime. Di nuu ne ŋaaba, u tiina jaŋ suu. Di nuu ne saa ŋaa wu-boŋŋoo deenba, mi bi si di ma sul Wia duu joŋ u miisin cheu. ¹⁷ Wu-boŋ kala ŋ si ŋaa, ŋaa haache ne. Ama wu-boŋŋoo ŋaa daban daban ne. Di ŋ ne ŋaa ba doŋsun, ŋ bi jaŋ suu a tin ba wiaa.

¹⁸ La jima ari Wia bii-lulii kala bi wu-boŋŋoo ŋaa. Wia Bie ne yie bibenu. Sitaani buu wii-kala wuo ŋaa.

¹⁹ La ma jima ari la ŋaa Wia bii-lulia ne. Ni-kaana-la-na kala si he dunia le he Sitaani nisin le ne.

²⁰ La bira jima ari Wia Bie ne ko a suri la siaa di la wuo jin Wii-titii-la. La di Wii-titii-la ŋaa kubala ne. La di u Bie ma ŋaa kubala, beɛ wiaa Wia

Bie ari Wia ma ηaa kubala ne. U ne ηaa Wia titia. U ne jon miisi-la si bi dere pila. ²¹ Mi biirin, má liise ma titia vuiaa le.

TEN-LIA-LA ƵƵŋ SI NŲUNSA

¹ Mi-na nihian ne ŋmunse tenin deen aa pi ŋ-na haal-la Wia si liisa, ari ŋ biirin, nialin mi si sene cho worun. Mi dunɗunɗa dee ne choma ŋii, la di nialin kala si ku jin wutitii-la ne choma. ² La choma ŋii a tin wutitii-la si hela le. U saa jan hela le a kaa mu.

³ La Nyimma Wia ari u Bie Yesu Kirisito lahorimo le, ba jan fala nennige, a len di la hon ari yarifielaa, a pela le di la sene to wutitii le a cho donɗo.

U maga di la cho donɗo

⁴ Mi tuon tɔɔ kinkeŋ mi si na ari ŋ biirin donsun to wutitii-la le, ari la Nyimma Wia si si laa to ŋii. ⁵ Haal, mii sulun di ŋ to wii-la donɗo Wia fa si bula pila bunbun kala. U bi wu-falii kala ŋaa. U ne ŋla: U maga di la cho donɗo. ⁶ Di la nii to wialin ba si ŋmunsa bil di niaa tuto, ŋii jan dage ari la sene cho Wia ari niaa ne. Wii-la Wia fa si bula pila bunbun kala ne ŋla: di la cho donɗo.

⁷ Niaa yuga a he lee-kala dunia le di ba nyise niaa. Niaa deenba bi seye ari Yesu Kirisito ku ŋaa nuhuobiin ne a ku tuu dunia. Nu-kala si nage niaa deenba ŋaa ni-nyiseru ne a ŋaa Kirisito dinɗon-bal maa. ⁸ Má pɔ ma titia le a sí len di tintimii-la ma si tima, duu chei. Ama má tin ŋii di Wia wuo jon ma time kala a pima. ⁹ Nii-la kala si bi wialin Kirisito dunɗunɗa si daga ka to an dage wiaa donsun pipe wialin le, u tiina bi Wia teen he. Ama nii-la kala sí to wialin Kirisito si daga dunɗun, u tiina he Wia ari u Bie kala teen ne. ¹⁰ Di nuu-kala ne ko ma teen a bi wiaa deenba dage, ma sí leŋe di tiina bira juu ma dia. Ma paala síu chuolu. ¹¹ Di nuu-kala ne chuolu a kenu worun, u ma ŋaa u donɗo tiina ne a peu le a ŋinaa wu-bonɗo.

Wu-kaanaa

¹² Mi keŋ wiaa yuge ne mi síi che di mi bula pima. Ama mi bi che di mi ŋmunse ba kala tenin tuon. Mii che di mi titia ku yi ma teen ne a bula pima. Bua-la mi tuon jan faasa tɔɔɔ.

¹³ N dihaala Wia si liisa, u biirin ka chuolun worun.

TEN-TORI-LA ԵՅՈՂ SI N̄MUNSA

¹ Mi-na nihian̄ ne ɲmun̄se tenīj deen̄j pipi ɲ-na Gayas, mi nan̄dɔn̄j-la mi si sene cho worūj.

² Mi nan̄dɔn̄j-chooli, mi jima ari ma di Wia hɔnūj zomɔ. N̄ii titia ne mi yie chuɔle Wia pipīj di ɲ kēj dolūj ɲ yaraa ma le. ³ La naan̄biirin̄ lii won̄biin̄ ku bula pimī ɲii ɲ s̄ii to wutitii. Ba bula ari ɲ wu-ɲaalaa ne dage ɲii. U ɲii ɲaa mi tuɔn̄j tɔre kin̄kēj. ⁴ Wii-kala bi leje mi tuɔn̄j tɔre kin̄kēj a mage mi si nia ari mi biirin̄j ka to wutitii won̄bii-la.

Jɔn̄j bese Gayas le

⁵ Mi nan̄dɔn̄j-chooli, ɲɲ ɲaa worūj ɲ si yie pipe ɲ dɔnsun̄j tin̄ɲaa le si laa Yesu wiaa dii a kēnba worūj, di ba ne ɲaa nuhuɔraa maa. N̄ɲ to won̄biin̄j worūj ne. ⁶ Ba bul ɲ wiaa a pi la nialin̄ si laa Yesu wiaa dii aa hilimi. Ba bul ɲii ɲ si cho niaa. U maga di ɲ ma he dolūj a pipeba le ari kūj-kala ba s̄ii che di ba kaa ven̄ won̄biin̄j. N̄aa ɲii si jan̄ lēj di Wia tuɔn̄j tɔre, ⁷ beɛ wiaa ba lii ba diisin̄j le di ba tin̄j Kirisito tin̄tin̄ɲaa ne. Ba via di ba laa kūj-kala nialin̄ si bi Wia wiaa laa dii teen̄j ne. ⁸ U maga di la nialin̄ si laa Wia wiaa dii ne pe niaa deen̄ba le. Di la ne ɲaa ɲii, la jan̄ wuo ɲaa ba dɔnsun̄j tin̄ɲaa a peba le wutitii tin̄tin̄ɲaa le.

Dayɔt̄ifis bi worūj ɲaa

⁹ Mi laa sipaan̄ ɲmun̄se tenīj a pi ma nialin̄ si laa Yesu wiaa dii aa hilimi. Ama baal kubala ba s̄ii yire Dayɔt̄ifis he ma tuɔn̄j a faa cho duu ɲaa ma kuhian̄. U jon̄ harīj yia wii-la mi si bula ne. ¹⁰ Di mi ne kɔ, mi jan̄ bula pima wialin̄ kala u s̄ii ɲaa. U yie gaa mi harīj a chichei mi yirin̄j. N̄ii ma dun̄dūn̄a dee. La naan̄biiri-la si ɲaa nuhuɔraa, di ba ne kɔ, u biba worūj kēj, aɲ bira pɔ nialin̄ ma s̄ii che di ba kēnba worūj, di ba s̄i ɲii ɲaa. U yie kiriba dia-la le, lee-la nialin̄ si laa Yesu wiaa dii si yie hilimi.

¹¹ Mi nan̄dɔn̄j-chooli, s̄i nialin̄ s̄ii ɲaa wu-bɔn̄ɲɔɔ chesu. Ama chiches̄i nialin̄ s̄ii ɲaa wu-zɔn̄ɲɔɔ. Nii-la kala s̄ii ɲaa wu-zɔn̄ɲɔɔ ɲaa Wia bii-lulii ne. Nii-la ma kala s̄ii ɲaa wu-bɔn̄ɲɔɔ, u tiina bi Wia jin̄j. ¹² Baal-la ma ba s̄ii yire Demiitias ɲaa ni-zɔn̄j ne. Nuu-kala bubul u wiaa worūj. U wu-ɲaalaa ma titia dage ɲii u s̄ii to wutitii le ɲii. Mi maa bul u wiaa worūj. Ma jima ari wialin̄ kala mi s̄ii bul ɲaa wutitii ne.

Chuɔlaa

¹³ Mi kēj wiaa yuge ne mi s̄ii che di mi bula pin̄j. Ama mi bi che di mi ɲmun̄se ba kala tenīj tuɔn̄j. ¹⁴ Mii che di mi titia ku yi-ɲ ne leɛle, di la hɔnɔ bul wiaa.

¹⁵ N̄ jan̄ hɔn̄ ari yarifiɛlaa. N̄ nan̄dɔnsun̄j kala si he daha ka chuɔlūj. N̄ ma chuɔle la nan̄dɔnsun̄j kala si he dime pila.

TEN-LA JUUD SI N̄MUNSA

¹ Mi-na Juud ne n̄munse teniŋ deen̄. Mi n̄aa Yesu Kirisito t̄intinnu ne a n̄aa Jeems n̄aana maa. Mi n̄munse teniŋ deen̄ a pipi n̄ialin̄ Wia si yira, n̄ialin̄ la Nyimma Wia si cho, n̄ialin̄ Yesu Kirisito s̄ii beŋ di ba hoŋ som.

² Wia jaŋ fáma nennige woruŋ a leŋ di ma na yarifiɛlaa kin̄ken̄, a na n̄ii u si choma kin̄ken̄ kin̄ken̄.

Juud bul wiaa a tige n̄ialin̄ si bi wutitii kene aŋ dage n̄iaa.

³ Mi nan̄d̄oŋ-chooloo, mi fa cho di mi n̄munse teniŋ pima ne, a bul wiaa a tige n̄ii Wia si laa la di ma kala ta le. N̄ii ne mi na di u maga di mi n̄munse teniŋ deen̄ a sulma di ma kala luloo woruŋ a tiŋ wialin̄ la si laa dii wiaa. Wia joŋ wialin̄ he u n̄iaa nisiŋ le bala ne. ⁴ Mi bul wiin̄ deen̄ pipima, beɛ wiaa n̄iaa d̄oŋsuŋ luora juu ma tuoŋ ne. Ba bi Wia won̄biin̄ ka to, n̄ii wiaa Wia jaŋ d̄ogiseba a leŋ di ba suu. Wia teniŋ tuoŋ ba bul faafaa kala ne di Wia jaŋ n̄aa n̄ii pi n̄ialin̄ si b̄om̄o. Ba n̄aa ni-b̄om̄o ne aa bul ni-pipili wiaa. Wia si fála nennige a laala ta, ba to n̄ii a keŋ Wia wu-zom̄o-la kaa birime ba ku n̄aa wu-liili wiaa. Ba yie bul ari ba bi la Tiina Yesu Kirisito jin̄, n̄ii-la si n̄aa la kala kala Kuhian̄.

⁵ Ma jin̄ wiaa deen̄ba kala mi s̄ii che di mi bula pima ne, ama mii che di mi liliisima ne, di ma jin̄ ari bua-la le Wia si keŋ u n̄iaa kaa lii Ijipiti t̄inteen̄ le, n̄ialin̄ d̄oŋsuŋ bira bi u wiaa laa dii, n̄ii ne u kpuba. ⁶ Ma si yu ari Wia d̄ogise u tin̄daaraa ma ne. Ba ne fa keŋ doluŋ a biben̄ leree ne, ka ba lii lee-la ba si hoŋo a bi dime hoŋo. N̄ii ne Wia keŋba he choŋum̄o a bil birimin̄ tuoŋ lim. Ba jaŋ he dime a kaa mu wuu, see di tapulii-la Wia si jaŋ dii n̄iaa sariya ku yi. ⁷ Bira Wia d̄ogise tasi-la ba s̄ii yire S̄od̄om̄ ari Ḡom̄ora ari ta-bala-la kala si goll̄i lee-la. N̄ialin̄ fa si he tasi-la tuoŋ faa n̄aa wu-liilin̄ ari disinni-la nuhuobiinee paala si bi maga di ba n̄aa. Wia joŋba he nyin̄-la le s̄ii dii deen̄ deen̄, u bi dise. Wia che di la na n̄ii a sí wu-b̄oŋŋo n̄aa ne.

⁸ N̄ialin̄ si luora ku he ma tuoŋ, ba wu-n̄aalaa nage bun̄bun̄ n̄ialin̄ Wia si d̄ogisa ne. Ba ne yie bibiine wu-b̄oŋŋo ba tuoŋ le, a to n̄ii le a n̄in̄aa wu-liilin̄. Ba via Wia doluŋ kala aŋ tutuuse Wia tin̄daaraa joŋŋoo. ⁹ Bua kubala Wia tin̄daaraa kuhian̄ ba s̄ii yire Maakil, ari Sitaani fa keŋ Moosis ku-suun̄ wiaa yuyuo d̄oŋo. Ba si n̄aa n̄ii, Maakil bi wii-kala bula chei Sitaani tuoŋ, ama u ta bul ne ari la Tiina Wia jaŋ d̄ogisu. ¹⁰ Ama n̄iaa deen̄ba si juu ma tuoŋ, ba yie tutuuse n̄ialin̄ ba si bi ba wiaa jin̄. Ba wu-n̄aalaa nage pusun̄ si bi wu-jimin̄ kene s̄ii n̄aa n̄ii ne. Wialin̄ ba s̄ii n̄aa jaŋ leŋ di Wia d̄ogiseba di ba suu. ¹¹ U jaŋ loŋo piba. Wialin̄ Keen̄ fa s̄ii n̄aa, ba ne ba maa n̄aa n̄ii. Baal kubala fa he dime, baa yire Beelam. U via won̄bii-titii-la aŋ n̄in̄aa wu-b̄oŋŋo a laa moribiee. N̄ii titia ne n̄iaa deen̄ba ma n̄in̄aa. Baal kubala ba fa s̄ii yire K̄ora ma fa via Moosis niin̄ aŋ suu, n̄ii titia ne n̄ialin̄ wiaa la si bula ma via Wia niin̄. Ba ma jaŋ suu. ¹² Di ma n̄ialin̄ si cho d̄oŋo ne hilime di ma dii kiaa, n̄iaa deen̄ba yie guoli ma tuoŋ ne. Ba nage nan̄chuosun̄ ne aa chei ma kudii-le-la. Di ba n̄ii dii kiaa, ba dundun̄a wiaa ne ba yie chil. Ba nage duonun̄ si yie tin̄ duu n̄ii, ka pelin̄ n̄aa kiri u bi n̄ia. Ba bira nage tiisi-la si maga di ba neŋ bua-la si yie

di ba neŋ, ka ba bi nene ne. Ba ta he dime pei ne, ba jaŋ huro churiba di ba suu. ¹³ Niaa deenba nage lii-peliŋ si dolie ne, u yie nmoo liiŋ u gugulimi a nmoo disinniŋ kaa mu liiŋ niŋ. Ba bira nage cheŋwulaa si yie churi a mu juu seme doŋo birimiŋ tuoŋ lim. Ba jaŋ he dime a kaa mu wuu.

¹⁴ Baal kubala ne ba fa sii yire Inok fa bul niaa deenba wiaa, Wia Diŋ-zoŋ-la doluŋ le, faafaa kala ne. U fa naa Adam nihiliere-liere balipe ne. U si, "Má bee na, la Tiina Wia ko ne a keŋ u tinɔaraa bui fii fiiba kaa ko. Ba-na bi disinniŋ kene. ¹⁵ Wia ko duu dii nuu-kala sariya, a joŋ cheeriŋ pi ni-boŋo-la kala a tiŋ wu-boŋo-la ba si nna, ari wu-boŋo-la kala ni-boŋo deenba si bula a tige Wia le." ¹⁶ Niaa deenba yie gugurime wiaa, ba tuoŋ bi kuŋ-kala nyuŋ tore, baa to ba tuotoe wu-naalaa hariŋ a keŋ ba-bii-baliŋ a keŋ nii-sima a nyise niaa lilaa ba kiaa.

Juud si chagile niaa nii

¹⁷ Ama mi nanɔoŋ-chooloo, má liliisi wialiŋ la Tiina Yesu Kirisito nanɔoŋba si bula pima ari ba jaŋ ku nna. ¹⁸ Ba bula pima ari dunia dideriŋ, ni-sieree jaŋ ko. Ba yie tuto ba tuotoe wu-naalaa hariŋ a niŋaa wu-boŋoŋo. ¹⁹ Ni-yiri deenba jaŋ keŋma pore doŋo le a niŋaa wiaa ari dunia niaa sii nna nii. Wia Diŋ-zoŋ-la tuo ba le. ²⁰ Ama ma-na, mi nanɔoŋ-chooloo, wialiŋ ma si laa dii lii Wia teen ne. Nii wiaa, má keŋba woruŋ a waaba le, a to Wia Diŋ-zoŋ-la le a chuchuele Wia. ²¹ Wia si choma nii, má chinŋ nii le kpaŋ kpaŋ, a gberɛ la Tiina Yesu Kirisito duu ko, nii-la si jaŋ fáma nenniŋe a pima miisi-la si bi dere. ²² Nialiŋ si keŋ tuosaa balia, má bul Wia wiaa piba di ba laa dii. ²³ Nialiŋ si yeŋŋe di ba juu Wia nyiniŋ, má lere liiseba nyiŋ-la tuoŋ. Má fába nenniŋe, ama má chichel a keŋ ma titia di wu-boŋo-la ba sii nna ba yaraa le sí ma chol.

²⁴ Má leŋ la zizil Wia. U ne keŋ doluŋ, u jaŋ wuo pema le di ma sí wu-boŋoŋo nna, a sí wii-kala chei u sipaŋ, di ma wuo na u zomuŋ a wuo chinŋ u sipaŋ a jujuose. ²⁵ U duŋduŋa ne nna Wia, u ne to la Tiina Yesu Kirisito le a laala ta. Má dennu a pu yiriŋ, u ne keŋ doluŋ a tii kuŋ-kala aa beŋba maa, a lii di-suomuŋ kuko lelele a kaa mu deen deen. Ami.

WIALIN WIA SI JONO DAGE JOON A MU TIGE YESU KIRISITO LE

¹ Wiinj deenj ne Wia jono pi Yesu Kirisito duu jono dage u tintinnaa, di ba jin wialin si jan naa leele. Wia tin u tinndaara u ko u tintinna Joon teen a bul wialin pu. ² Nii ne Joon sei Wia wialin ari wialin kala Yesu Kirisito si bula, ari wialin kala u si na, a naa wiaa deenba siada tiina. ³ Nialin si karime wiaa deenba di niaa nii ari nialin si jegile nii wiaa deenba a laa he ba tuosaa le a tutoba, Wia jan peba ma le, bee wiaa bua-la wiaa deenba si jan naa kpaga ne.

Joon chuole nialin si laa Yesu wiaa dii a he Esia le

⁴ Mi-na Joon ne nmunse tenin deenj a pipi nialin si laa Yesu wiaa dii aa hilimi tasin balipe-la si he Esia tinteen le. Wia lahorimo le, u jan len di ma hon ari yarifilaa. U ne naa nii-la si he dime, nii-la fa si he dime faa faa kala ari nii-la si jan ko. Wiaa deenba ma lii Wia Dinsin balipe-la si chin Wia kuori-kpasa-la sipaan ne. ⁵ Ba lii Yesu Kirisito teen ne. U ne naa ba siada tiina a ken wutitii. U ne suba. U ne bira naa nii-la si laa sipaan sii suun le. U ne ken dunia kuoroo kala dolun. Ma len di la dennu u si chola nii a jon u chalin a jaase, a liisela haacheba le. ⁶ U ne len la duu kala dii kuorun a timaa pi Wia, nii-la si naa u Nyimma. U ne ken yirin ari dolun a kaa mu wuu. Ami. ⁷ Ma bee na, u jan to duonbilinbaanaa tuon kuko. Nuu-kala jan nau. Nuu-kala si jon kua tobu jan nau. Ni-yiriba kala si he dunia le jan yel a tin u wiaa. Wiinj deenj naa wutitii ne. Ami.

⁸ La Tiina Wia si, “Mi ne naa Alifa ari Omega. Mi-na Wii-jaribako, mi ne naa nii-la si he dime ari nii-la fa si he dime faafaa kala ari nii-la si jan ko.”

Wialin Joon si na ari duosoo tuon

⁹ Ma naanbie Joon ne nmunse tenin deenj a pipima. A tin Yesu Kirisito wiaa ne ba to naasin dogisela. Ama la nialin si na hee-la nii a tin u wiaa, la ma jan juu Wia kuorii-la tuon. Hee-la kala le la ken kenyiri ari nyalima. Mi fa bul Wia wiaa ne an pe naa Yesu Kirisito siada tiina. Nii wiaa ne tii ba kenmi kaa mu tintee kubala baa yire Patimos. Lii gollo chu tintee-la kala. ¹⁰ La Tiina Wia tapulii kubala ne Wia Din-zon-la dolun ku hemi le worun. Nii ne mi nii nuu yikori-bal mi harin a nage ba sii nmuu nyillin nii. ¹¹ Nii ne yikori-la bula pimi a bul, “Nmunse wialin kala n sii na, a jono tin di ba kaa mu pi nialin si laa Yesu wiaa dii aa hilimi tasin balipe-la si he Esia tinteen le. Ba ne nla: Efesis ari Simiina, Pegamom, Taataya, Saadis, Filadelifia ari Laadisiya.”

¹² Nii ne mi miira daase harin di mi na nii-la sii bul wiaa mi teen. Mi si daasa, mi na korunun ba si yie jon chaanaa a didan ba kaaa balipe, a kala naa selime. ¹³ Ka nuu chin ba tutubaanin a nage Nuhuobiine Bie, a laale geri-dudun, ka u ken selime damere a kaa voo u boye. ¹⁴ U nyun ari u nyu-punaa kala pulle a nage kunjunun. U siasa kala nage nyin-gelin. ¹⁵ U naasin ma nage ba si jon hon he nyinin le u fiase nii. U yikoro ma nage lii-balin sii pelli gbul gbul. ¹⁶ Ka u kori chenwulaa balipe u na-diin nisin le, tokobiin lii u nin le a ku lii. U niirin balia kala didii nyagaga. Ka u siasa kala tutul a nage wii-posun si faasa pose nii.

¹⁷ Mi si nau nii, mi tuu tel u sipaan a piŋ dime chim a nage di mi suba. Nii ne u joŋ u na-diiŋ nisin danmi le aŋ bula pimi, “SÍ fawulluŋ fá, mi ne ŋaa nii-la fa si he dime buŋbuŋ ari nii-la si jaŋ he dime dunia dideriŋ. ¹⁸ Mi ne ŋaa nii-la si weye. Mi fa suba ne, ama leele mi weye ne a kaa mu wuu, mi bira bi jaŋ suu. Mi keŋ suuŋ ari lelee doluŋ maa. ¹⁹ Leele ŋmuŋse wialin ŋ si na, wialin si he dime ari wialin si jaŋ ŋaa hariŋ. ²⁰ Wialin ŋ si na ŋaa wu-faalaa ne. Chenwula-la balipe ŋ si na mi na-diiŋ le ari korunu-la ba si yie joŋ chaanaa a didaŋ ba kaaa balipe keŋ bubuŋŋ ne. Chenwulaa balipe-la ne ŋaa Wia tinđaraa sii beŋ nialin si laa Yesu wiaa dii aa hilimi a he tasi-la balipe-la si he Esia tinteen le. Korunu-la ba si yie joŋ chaanaa a didaŋ ma ne ŋaa nialin si laa Yesu wiaa dii aa hilimi tasiŋ balipe-la si he Esia tinteen le.

2

Wialin ba si ŋmuŋsa pi Efesis niaa

¹ Mi-na nii-la si kori chenwula-la balipe mi na-diiŋ nisin le aa veŋ korunu-la ba si yie joŋ chaanaa a didaŋ balipe tuŋŋ, mi ne tiŋ tinđariŋ deeriŋ di ba kaa mu pi Wia tinđari-la sii beŋ nialin si laa Yesu wiaa dii aa hilimi Efesis le.

² Mi jin ma wu-ŋaalaa ne. Mi jin tinđimii-la ma sii tiŋ ne. Wii-kala le ma dii kenyiri ne a nyalime woruŋ. Mi jima ma di ni-bŋŋŋŋŋŋ bi dŋŋŋ le wuo. Niaa dŋŋsuŋ nyia wiaa ari ba ŋaa Wia nanzŋŋba ne. Ma yie magise niaa deenba a na di baa nyia ne. ³ Mi jima ari ma keŋ kenyiri ne aa nyalime. Ma na heeŋ a tiŋ mi wiaa aŋ ha bi lŋlŋ. ⁴ Ama wii ne mi keŋ arima. Ma fa si chomi nii buŋbuŋ-la, ma bira bimi nii cho. ⁵ Nii wiaa, mii che di ma jin wii-la le ma si tele ne. Má birime a ŋinŋaa wialin ma fa sii ŋaa buŋbuŋ-la ne. Di nii dee, mi jaŋ ku paa ma koru-la, see di ma birima lii ma wu-ŋaalaa le aa ŋaa buŋbuŋ wialin. ⁶ Ama ma bere Nikolaata niaa wu-ŋaalaa ne. Mi ma bere niaa deenba wu-ŋaalaa le. ⁷ Digilaa tinŋaa, má wuoli ma digilaa a nii wialin Wia Diŋ-zŋŋ-la si bula pi nialin si laa Yesu wiaa dii aa hilimi lee-kala Esia le. Nii-la kala si wuo yuo dii Sitaani, mi jaŋ leŋ duu dii tia-la nenee sii pi niaa miisin a he Wia-jaŋ le.

Wialin ba si ŋmuŋsa pi Simiina niaa

⁸ Mi bira bula piŋ di ŋ ŋmuŋse wiaa deenba a pi Wia tinđari-la sii beŋ nialin si laa Yesu wiaa dii aa hilimi Simiina le. Wiaa deenba lii mi-na nii-la fa si he dime buŋbuŋ ne. Mi jaŋ he dime a kaa mu dunia dideriŋ. Mi ne suba aŋ bira sii suuŋ le.

⁹ Bula pi nialin si laa Yesu wiaa dii aa hilimi Simiina le di mi jin wialin sii walimeba ne, a jin ari ba ŋaa summoo ne (ama Wia teen, ba ŋaa kuoroo ne). Niaa dŋŋsuŋ he dime aa chei ma yiriŋ. Niaa deenba keŋ ba titia ari ba ŋaa Juu timma ne aŋ bi Juu timma ŋaa. Baa to Sitaani hariŋ ne. ¹⁰ Muasuaa ma nialin si he Simiina le jaŋ na heeŋ woruŋ, ama ma sí fawulluŋ fá a tiŋ hee-la wiaa. Má bee na, Sitaani ŋaa siri ne duu keŋ ma dŋŋsuŋ to dia a magiseema. Hee-la jaŋ yi tapulaa fii. Di ba nú che di ba kpuma maa, ma-na há chiŋ ma yarida naaŋ le. Di ma ne ŋaa nii, mi jaŋ joŋ mii-zŋmuŋ pima Wia-jaŋ le. ¹¹ Digilaa tinŋaa, má wuoli ma digilaa a nii wialin Wia Diŋ-zŋŋ-la si bula pi nialin si laa Yesu wiaa dii aa hilimi lee-na kala Esia le. Nii-la kala si wuo yuo dii Sitaani, duu ne suba, u bira bi jaŋ suu liamin.

Wialin ba si ŋmuŋsa pi Pegamŋm niaa

¹² Mi bira bula pinj di η ηmunṣe wialin pi Wia tinḡaari-la sīi beṣ nialin si laa Yesu wiaa dii aa hilimi taṣ-la ba sīi yire Pegaṡom ʘ. Mi ne nii-la si kori tokobiin, u niirin balia kala didii nyagaga. Bula piba di mi ne bul wiaa deenba.

¹³ Mi jin lee-la ma si he ne. Dime ne Sitaani dii kuorun. Ma ha keṣ mi yirin worun a ṡaa mi yarida. Ma doṡo tiina Antipas faa bul mi wiaa aa pi niaa. U fa ṡaa mi siada tiina titi ne. Nii ne ba kpuu. Ba kpuu lee-la Sitaani si he ne. ¹⁴ Ma ṡaa kukeri ne, ama wiaa baṡmene ne ma ṡaa chei. Niaa doṡsun he ma tuṡṡ a tuto wialin baal-la ba sīi yire Beelam fa sīi dagu. U ne dage kuoru kubala baa yire Balak duu nyise Iziral tinṡaa di ba didii vuiaa kiaa aṡ pe ṡṡaa wu-liilin. ¹⁵ Niaa doṡsun he ma tuṡṡ a ma tuto wu-bomo-la Nikoṡaata timma-la sīi dagu. ¹⁶ Nii wiaa, má birima lii wialin ʘ, di ṡii dee mi jaṡ ko ʘeʘe a keṡ mi niin wu-bulaa si nage tokobiin, a keṡma yuo laalin. ¹⁷ Digilaa tinṡaa, má wuoli ma digilaa a nii wialin Wia Diṡ-zoṡ-la si bula pi nialin si laa Yesu wiaa dii aa hilimi Esia tinṡeeṡ ʘ. Nii-la kala si yuo dii Sitaani, mi jaṡ joṡ kudiile-la si he Wia-jaṡ a pu, a joṡ tabii-pula ma a pu. Mi jaṡ ṡmunṣe yiri-falin a he tabii-la ʘ. Yiri-la nuu-kala bi jaṡ jimú, see nii-la si laa tabii-la duṡduṡa.”

Wialin ba si ṡmunṣa pi Taataya niaa

¹⁸ Mi bira bula pinj di η ηmunṣe tenin deen a pi Wia tinḡaari-la sīi beṣ nialin si laa Yesu wiaa dii aa hilimi taṣ-la ba sīi yire Taataya ʘ. Mi-na Wia Bie ne bul wiaa deenba. Mi siaa nage nyin-gelin ne, ka mi naasin ma nage hoṡṡ ba si chese u faasa tutul.

¹⁹ Bula piba a bul di mi jin ba tinṡinṡaa ne. Mi jin ṡii ma nialin si he Taataya ʘ si cho niaa, ari ṡii ma si keṡ yarida, ari ṡii ma sīi pe niaa ʘ. Mi jin ṡii ma si keṡ kenyiri aa nyalime wii-kala ʘ. Mi jima ari tinṡinṡa-la ma sīi tin hariṡ ne kpia buṡbuṡ tinṡimii-la ma fa si tima. ²⁰ Ma ṡaa kukeri, ama wiaa baṡmene ne ma ṡaa chei. Haal kubala ne he ma tuṡṡ aa dage wu-bonṡoṡ, ka ma buu kire. Haal-la ba sīi yire Jezebel ne ṡii. Haala deen keṡ u titia ari uu bul Wia wiaa, Wia Diṡ-zoṡ-la dolun ʘ. Uu nyia ne. Uu dage mi niaa di ba ṡṡaa wu-liilin aṡ pe didii vuiaa kiaa ne. ²¹ Mi pi haala deen wonṡiin duu birima lii u haacheba ʘ ne, ka u via aṡ ṡṡaa wu-liilin. ²² Nii wiaa, má bee na, mi jaṡ leṡ duu wiile worun a pinj. Nialin ma kala sīi tou a ṡṡaa wu-bomo-la, mi jaṡ leṡ di ba ma faasa na heṡṡ, see di ba birima lii ba wu-ṡaala-la ʘ. ²³ Mi saa jaṡ ṡmoo nialin sīi to u hariṡ kpu. Di mi ne ṡaa ṡii, nialin kala si laa Yesu wiaa dii aa hilimi jaṡ jin ari mi jin nuu-kala tuobiinaa ne. Nuu-kala si tima mage ṡii, ṡii ne mi jaṡ timu. ²⁴ Ama niaa doṡsun he ma tuṡṡ Taataya ʘ a bi wialin haala deen sīi dagu ka to. Niaa doṡsun keṡba kaa yire Sitaani wu-luore bulaa ne. Ma biba to. Mi bi jaṡ voṡ chugi-yunoo chunṡa. Wiin deen duṡduṡ ne mi che di mi bula pima: ²⁵ Wutitii-la ma si kene, má kenu worun a mu yi tapulii-la mi si jaṡ ko. ²⁶ Nii-la kala si wuo yuo dii Sitaani aṡ pe keṡ mi wu-dagaa, a titin mi tinṡinṡaa a kaa mu yi u miisin diderin, mi jaṡ pu dolun duu biben dunia niaa kala. ²⁷ Tiina jaṡ biben dunia niaa ari kpaasa. U jaṡ viviireba ari ba si yie ṡmoo pupoin ṡii u yere muno muno. Dol-la titia mi Nyimma si joṡo pimi, u titia ne mi jaṡ joṡo pu. ²⁸ Mi jaṡ leṡ di tiina tutul a nage nanyualun sīi tul ṡii. ²⁹ Digilaa tinṡaa, má wuoli ma digilaa a nii wialin Wia Diṡ-zoṡ-la si bula pi nialin si laa Yesu wiaa di aa hilimi Esia tinṡeeṡ ʘ.

3

Wialin ba si nmunsa pi Saadis niaa

¹ Mi bira bula pinj di η nmunse wiaa deenba a kaa mu pi Wia tinđaari-la sí bej nialin si laa Yesu wiaa dii aa hilimi Saadis le. Bula piba a bul di mi-na Tiina si keŃ Wia DiŃsin balipe-la aŃ pe keŃ cheŃwulaa balipe-la ne bul wiaa deenba piba.

Mi jin ma Saadis niaa tintinŃaa kala ne. Ma laa yirin ari ma weye ne, ama ma suba ne. ² Má sii doŃ le aŃ pɔ di ni-kaanaa si ka, di ba keŃ doluŃ a sí suu. Má Ńaa Ńii, bee wiaa tintimii-la ma sii tinj bi Wia kpaŃa. ³ Má liise yi wialin ma si nia aŃ laa maa. Má keŃba woruŃ aŃ birima lii ma haacheba le. Di ma ne bi doŃ le sie, mi jaŃ luɔra kɔ ari gaara. Ma bi jaŃ wuo jin bua-la mi si jaŃ kɔ ma teen. ⁴ Ari Ńii kala ni-titiiba baŃmene ne ha he Saadis le. Niaa deenba bi disinnin keŃe. Ba ne jaŃ laale geri-pulluŃ a to mi harin, bee wiaa ba mage Ńii ne. ⁵ Nii-la kala si wuo yuo dii Sitaani, u tiina jaŃ laale geri-pulluŃ. Mi bi jaŃ kpu u yirin ta miisin teŃ-la tuɔŃ. Mi jaŃ suri mi niin a yire u yirin mi Nyimma Wia ari u tinđaraa sipaan. ⁶ Digilaa tinŃaa, má wuoli ma digilaa a nii wialin Wia DiŃ-zɔŃ-la si bula pi nialin si laa Yesu wiaa dii aa hilimi Esia tinŃteen le.

Wialin ba si nmunsa pi Filadelifia niaa

⁷ Nmunse wiaa deenba kaa mu pi Wia tinđaari-la sii bej nialin si laa Yesu wiaa dii aa hilimi Filadelifia le. Mi ne Ńaa Tuɔ-pul Tiina ari Ni-titii ma, mi ne kori Devit taŃ-la boribiin. Duu ne suro, nuu-kala bi wuo kaa tɔ, duu ne bira kaa tɔ ma, nuu-kala bi wuo suri.

⁸ Mi jin ma tintinŃaa ne. Má bee na, mi keŃ boro kaa suri ne a pima. Nuu-kala bi wuo kaa tɔ. Mi jima ari ma doluŃ bi yuge, ama ma haa to mi niin wiaa a bi mi yirin kaa faa. ⁹ Má bee na, mi jaŃ leŃ di nialin sii to Sitaani a nyia wiaa bul ari ba Ńaa Juu tinŃaa aŃ bi Juu timma Ńaa, mi jaŃ leŃ di ba ku tuu kpirimi ma sipaan, di ba jin ari mi choma ne. ¹⁰ Muapilii mi jaŃ leŃ di dunia niaa kala na heeŃ. Ba jaŃ magiseba woruŃ. Ama mi bi jaŃ leŃ di ma juu hee-la le, bee wiaa ma to mi niin wiaa ne a keŃ kenyiri ari nyalima maa. ¹¹ Mii kɔ ne leele. Má faasa keŃ ku-la ma si keŃe, di nuu-kala sí ma time kaa laa ma teen. ¹² Nii-la kala si wuo yuo dii Sitaani, mi jaŃ leŃ duu birime jebiiŃ a he Wia-dia tuɔŃ. U-na bi jaŃ kɔ duu lii Wia-dia-la tuɔŃ. Mi jaŃ nmunse Wia yirin a heu le, a nmunse Wia-jaŃ yirin ma heu le. JaŃ-la ne Ńaa Jerusalem falii-la si lii Wia-jaŃ ku tuu. Mi ma jaŃ nmunse mi titia yiri-falin a heu le. ¹³ Digilaa tinŃaa, má wuoli ma digilaa a nii wialin Wia DiŃ-zɔŃ-la si bula pi nialin si laa Yesu wiaa dii aa hilimi Esia tinŃteen le.

Wialin ba si nmunsa pi Laadisiya niaa

¹⁴ Mi bira bula pinj di η nmunse wiaa deenba kaa mu pi Wia tinđaari-la sii bej nialin si laa Yesu wiaa dii aa hilimi Laadisiya taŃ-la le. Mi ne Ńaa nii-la ba sí yire “Ami”, a Ńaa siada-titii maa, nii-la le Wia si to a Ńaa dunia, mi níi bul wiaa deenba.

¹⁵⁻¹⁶ Mi jin tintimia-la ma si tinj ne. Ma Ńaa tɔlɔ tɔlɔ ne. Ma bi fiela, ma bira bi linj maa. Mi fa cho di ma fiela koo di ma linj. Ama ma Ńaa tɔlɔ tɔlɔ ne. Ma bi fiela, ma bira bi linj maa. Nii wiaa mi jaŃ puusema ta. ¹⁷ Ma yie bigisi ma titia le a bul di ma keŃ kaa ne, ma bira bi kuŃ-kala che kika. Ama ma bi jin ari ma Ńaa summo a Ńaa nisusu timma a Ńaa nyulima aŃ keŃ yaribiree maa. ¹⁸ Nii wiaa mi bula pima di ma yoo selime-la ba si chese di ma wuo kuori a yoo geri-pulluŃ maa a laale a to ma yaribiree di

hiisij síma keŋ niaa tuŋ. Má yŋŋ nuuŋ ma a he ma siaa a wuo nina. ¹⁹ Di nialij mi si cho ne ŋaa wii chei, mi yie dageba ne a keŋba bil wonjiin le. Nii wiaa, má fiése siin a birima lii ma haacheba le. ²⁰ Má bee-na, mi chin boijniiŋ ne aa ŋmoo. Nii-la kala si nii mi yiikoro a keŋ boro suri, mi jan ku juu u teen, di la duu kala dii kiaa. ²¹ Nii-la si wuo yuo dii Sitaani, mi jan puu wonjiin duu pe hoŋ mi kuori-kpasa nyuŋ ari mi ma si wuo yuo dii Sitaani nii a pe hoŋ mi Nyimma kuori-kpasa nyuŋ nii. ²² Digilaa tinŋaa, má wuoli ma digilaa a nii wialij Wia Diŋ-zŋŋ-la si bula pi nialij si laa Yesu wiaa dii aa hilimi lee-kala Esia tinŋeeŋ le.

4

Baa denne Wia Wia-jaŋ le

¹ Wiaa deenba kala si ŋaa hariŋ, mi beŋ wia nyuŋ a na di Wia-jaŋ boro suro. Nii ne mi nii yiikori-la fa sii bul wiaa mi teen buŋbuŋ-la a nage nyile. U bira bula pimi a bul, “Ko daha di mi dagin wialij si jaŋ ŋaa wiaa deenba hariŋ.” ² Bua-la le di Wia Diŋ-zŋŋ-la ku hemi le, nii ne mi beŋ a na Wia-jaŋ a na Wia kuori-kpasa-la duu chin dime, ka nuu hoŋ u nyuŋ. ³ Nii-la fa si hoŋ kuori-kpasa-la nyuŋ tutul a nage tabiin sii tul a nage jinalia, ari tabiin si fiésa a nage chalin. Ka duonŋia gollu kuori-kpasa-la chu. Duonŋia-la fa nage tabiin si nage jŋŋŋ-liin ne. ⁴ Nii ne mi na kuori-biisij kpasinnij mara ari banese di ba gollu kuori-kpasa-la. Nihiasij mara ari banese hoŋ ba nyuŋ a laale geri-pulluŋ, a chu selime kuori-nyuŋ-chuuluŋ. ⁵ Nii ne ka kpasa-la lerij liligise a nage duonuŋ sii ligise nii, ka yiikoro ma doŋ, a nage duonuŋ sii kpia a lii kpasa-la lerij. Nii ne ka nyin-daasin balipe ma didii nyinin kuori-kpasa-la sipaan. Nyin daasi-la ne ŋaa Wia Diŋ-zŋŋŋ-la balipe. ⁶ Ka kuori-kpasa-la sipaan kuŋ pin a nage mugi-balin si tul nii pal pal, a pulla nage duonŋ-tabiin.

Ka kiaa banese si weye gollu kuori-kpasa-la chu a keŋ sii-kene, sipaan ari hariŋ kala. ⁷ Kialij banese-la doŋŋŋ nage naachigin, doŋŋŋ ma nage ne-bele, doŋŋŋ ma siaa a nage nuhuobiine, doŋŋŋ ma nage kachuŋ sii fil. ⁸ Kialij kuŋ-kala keŋ kinŋesij balidu balidu ne. Ba bira keŋ siaa sipaan ari hariŋ kala. Titanij ari wiiheye kala ba yie yiyii yiilaa, ba bi tŋre. Yiila-la ba sii yii ne ŋla:

“Wii-jaribako, ŋ ŋaa Tuŋ-pul Tiina ne,

ŋ ne nii-la fa si he dime fafaa kala, ari nii-la si he dime, ari nii-la si jaŋ ko.”

⁹ Kialij si weye yii yiilaa a denne nii-la si hoŋ kuori-kpasa-la nyuŋ. Ba yie lollu a yiyire u yirin maa. Nii-la si hoŋ kuori-kpasa-la nyuŋ jaŋ he dime a kaa mu wuu. ¹⁰ Bua-na kala kialij banese-la si weye ne yii yiilaa, nihiasij mara ari banese-la ma yie tuu kpirimi a chuŋle nii-la si hoŋ kuori-kpasa-la nyuŋ a he dime a kaa mu wuu. Ba yie suri ba kuori-nyuŋ-chuuluŋ a bil kpasa-la sipaan aŋ yiyii yiilaa a bul,

¹¹ “La Tiina Wia, u maga di la chuŋluŋ,
u maga di la dennij a yiyire ŋ yirin,
ŋ ne Doluŋ Tiina. Ŋ ne ta kuŋ-kala,
ŋ tuŋŋruŋ le ne ŋ taba ba he dime.”

5

Ba joŋ teŋ-chuoluŋ a pi Pie-bie

1 Nii ne ka mi na di nii-la si hoŋ kuori-kpasa-la nyuŋ, duu kori teŋ-chuoluŋ u na-diin nisin le. Ba ŋmuŋse teŋ-la tuoŋ ari harin kala a meɛ, aŋ keŋ kiaa balipe kaa magile. 2 Nii ne mi na Wia tinɗaari-duo kubala duu faasa heeli a bul, “Kubeɛ ne jan wuo leɛ kialiŋ ba si kaa meɛ teŋ-la aŋ beŋ teŋ-la?” 3 Ama mi bi nuu-kala na si jan wuo leɛ teŋ-la. Nu-kala tuo Wia-jan le, nuu-kala tuo tinɗeeŋ ma le, nuu-kala tuo leleɛ-jan ma si wuo leɛ teŋ-la beŋ. 4 Mi si bi nuu-kala na si wuo leɛ teŋ-la beŋ, mi faasa yel. 5 Nii ne nihiasi-la mara ari banese-la doŋɔ bula pimi a bul di mi si yel, di mi bee na nii-la ba sii yire “Juda niaa tuoŋ Naachigin”, u lii Devit doho niaa tuoŋ ne, u ne wuo yuo dii Sitaani. Nii wiaa u jan wuo suri teŋ-la a leɛ kialiŋ balipe-la ba si kaa meɛ.

6 Nii ne mi beŋ a na Pie-bie duu chin kuori-kpasa-la ari kialiŋ banese-la si weye ari nihiasi-la tutuobaaniŋ. U si chin lee-la, u nage di ba fa kpua ne. U fa keŋ nyilliŋ balipe ari siaa ma balipe. Sia-la balipe ne ŋaa Wia Diŋsin balipe Wia si ta ba ku tuu dunia seme-na kala. 7 Nii ne Pie-bie-la mu laa teŋ-la, nii-la si hoŋ kuori-kpasa-la nyuŋ na-diin nisin le. 8 U si laa teŋ-la, kialiŋ banese-la si weye ari nihiasin mara ari banese-la, ba kala tuu kpirimi Pie-bie-la sipaan a chuolu. Nihiasi-la kala kori chenniŋ ari selime gbanjin maa. Gbanji-la su ari suoru-si-la ba si nyiga pi Wia. Wia niaa Wii-chuoluŋ ne ŋaa suoru-si-la. 9 Nii ne nihiasi-la ari kialiŋ si weye ta ba yiili-falin aa yii,

“N ne wuo laa teŋ-la ba si meɛ,
 a leɛ kialiŋ ba si kaa magile,
 beɛ wiaa ba kpuŋ ne. Ba si kpuŋ ŋii, ŋ joŋ ŋ chalin a yoɔ nuhuobiine
 miisin a pi Wia.

Nialiŋ ŋ si yoɔ lii ni-yiriba kala tuoŋ ne aa bul yiikori-yiriba, a he
 ta-yiriba ari tinɗee-yiriba kala le.

10 N leŋe nialiŋ ŋ si yoɔ, dii kuoruŋ ne a laa niaa nyuŋ a tima pipi Wia.
 Ba jan beŋ tinɗeeŋ kala.”

11 Nii ne mi beŋ a na di Wia tinɗaaraa bui buiba bui ku golli kuori-kpasa-la ari kialiŋ si weye ari nihiasi-la. Mi nia di ba faa bul wii ne. 12 Wii-la ba fa sii bul ari yiikori-balin ne ŋla:

“Pie-bie-la ba si kpua ne maga duu keŋ doluŋ a biben niaa.
 U ne maga duu keŋ kiaa, ari wu-jimin, ari doluŋ kuŋ-kala le.
 U ne maga duu keŋ yirin, di niaa denuu a chuolu.”

13 Nii ne ka mi nii kialiŋ kala si he Wia-jan, ari kialiŋ kala si he dunia le, ari kialiŋ si he leleɛ-jan, ari kialiŋ kala si sage mugi-balin nyuŋ, ari kuŋ-na kala si he dime di baa bul wiaa. Ba si,

“Nii-la si hoŋ kuori-kpasa-la nyuŋ ari Pie-bie-la,
 ba ne wuo chuoleba a piba yirin a denneba.
 Ba ne maga di ba keŋ doluŋ kuŋ-kala le a kaa mu wuu.”

14 Nii ne kialiŋ banese-la si weye bul di Ami. Nii ne nihiasi-la tuu kpirimi a chuole Wia.

6

Pie-bie-la keŋ kialiŋ ba si kaa magile suri

1 Nii ne mi na di Pie-bie-la suri kialiŋ ba fa sii kaa magile teŋ-la doŋɔ. Ŋla ne mi nii kialiŋ si weye banese-la doŋɔ duu bul wiaa. U yiikoro nage duonuŋ sii kpia ne. U yiremi a bul di mi ko. 2 Nii ne mi bee na ja-pula di nuu hoŋ u nyuŋ a kori toŋ. Ba joŋ kuori-nyuŋ-chuulo pu. U lii a yuo laalin dii lee-na kala.

³ Nii ne Pie-bie-la bira keŋ kialin ba si kaa magile teŋ-la ku-liamin kaa suri. Nii ne mi bira nii di kialin banese-la si weye liamin tiina bira yiremi a bul di mi ko. ⁴ Nii ne mi bee a na jaaba doŋo di u ku lii. Jo-la ŋaa ja-fian ne a faasa fiese, ka nuu hoŋ u nyuŋ. Nii ne ba pi tiina woŋbiin duu keŋ yuosuŋ kaa ko dunia, di niaa yuyuo doŋo a kpukpu doŋo. Ba joŋ tokobii-bal ne a he u nisin le.

⁵ Pie-bie-la bira keŋ kialin ba si kaa magile teŋ-la ku-torimuŋ kaa suri. Nii ne kialin si weye, tori tiina yiremi a bul di mi ko. Nii ne mi na ja-bine di nuu hoŋ u nyuŋ a kori sanya u nisin le. ⁶ Nii ne mi nii yiikoro si nage nuu yiikoro. Yiikori-la lii kialin banese-la si weye tutuobaaniŋ ne. Nii ne tiina bul, “Ba jan yalle folimaa gbaŋa kubala, a yi che-bala tintinna si yie laa u time mage nii, ka di miaa gbaŋsiŋ batori ma yi che-bala tintinna time. Ama nuuŋ ari siniŋ, ba-na wii tuo.”

⁷ Nii ne Pie-bie-la bira keŋ kialin ba si kaa magile teŋ-la neŋemiŋ kaa suri. Nii ne kialin banese-la si weye neŋemiŋ tiina yiremi a bul di mi ko.

⁸ Nii ne mi beŋ a na jaaba di nuu hoŋ u nyuŋ. Jo-la naginiŋ lii. Nii-la si jila yirin ne suuŋ, ka leleŋ-jaŋ tuto u hariŋ. Nii ne Wia piba doluŋ di ba kpu nuhuobiinee kala si he dunia sesi-la banese doŋo. Ba jan keŋ tokobiila a kpu doŋsuŋ, di losuŋ ma kpu doŋsuŋ. Nyanyalaa ari бага kaa ma kpu doŋsuŋ.

⁹ Pie-bie-la si keŋ kialin ba si kaa magile teŋ-woŋ-la kaa suri, nii ne mi bee na nialin ba si kpu doŋsiŋ di ba he Wia-dia koru-la bubuwoŋ, lee-la ba si yie nyige ku-suwo-siŋ a pipi Wia. Nialin ba si kpu faa bul Wia wiaa ne a fa ŋaa la Tiina Kirisito siada tinŋaa maa, nii ne tii ba kpuba. ¹⁰ Nii ne ba ŋmoo niŋ vil vil aa bul, “La Tiina Wii-jaribako, ŋ ŋaa Tuwo-pul Tiina ne a keŋ wutitii maa, bua bee le ne ŋ jan di nialin si kpula sariya a dogise nialin si he dunia le a tin la wiaa?” ¹¹ Nii ne Wia joŋ geri-pula a pi ba kuŋ-kala aŋ bula piba di ba gbere a wiesi muapilii, see di ba kpu ba tintinni doŋsuŋ ari ba naaŋbiiri-la doŋsuŋ a mage nii u sii che.

¹² Pie-bie-la si keŋ kialin ba si kaa magile teŋ-du-la kaa suri, mi bee na di tinteen faasa zigili. Nii ne wii-ɔsuŋ kala biri lim ari cheŋ-birimin, cheŋ-pula ma fiese a nage chalin. ¹³ Ka cheŋwulaa lii wia nyuŋ a ku tuu tinteen, ari ta-faan pelin si yie ŋaa tutogo yuori nii. ¹⁴ Nii ne wia nyuŋ kala lel a nage ba si yie keŋ ɔso chuoli nii. Peel-na kala ari lee-na kala liin si gollo chu, ba kala sii ba leee. ¹⁵ Nii ne dunia kuoroo, ari ni-balaa, ari laali-yuori-hiasin, ari nialin si keŋ kaa, ari nialin si keŋ doluŋ, ari nuu-kala, yosuŋ ari nialin kala si tii ba titia, ba kala fa juu faa bu-buosuŋ ari peeli-pegisiŋ le. ¹⁶ Nii ne ba yiyire peelee-la ari busu-la a bul di ba tele toba le, di Pie-bie-la ari nii-la si hoŋ kuori-kpasa-la nyuŋ siaa siba na. Baa fa Pie-bie-la si na baaniŋ ne. ¹⁷ Ba bul nii, bee wiaa tapulii-la Wia si jan na baaniŋ dunia niaa nyuŋ yie ne. Nuukala bi Wia sipaan wuo chin.

7

Iziral tinŋaa tuŋ nialin ba si magila

¹ Wiaa deenba kala hariŋ, mi na Wia tinɔdaaraa banese di ba chin tinteen lanɔorunuŋ banese-la le. Ba fa keŋ dunia lanɔorunu-la banese kala, di pelin si lu dunia le. Tinteen ari mugibalin ari tiisin kala bi jan na pelin.

² Nii ne ka mi na Wia tinɔdaara doŋo duu to wii-ɔsuŋ le aa jil wia nyuŋ, a kori ku-la Wia-la si weye si kaa magile u niaa. Nii ne u faasa yire Wia tinɔdaara-la banese Wia fa si piba doluŋ di ba chei tinteen ari mugibalin.

³ Nii ne u bula pi Wia tinɗaaraa banese-la a bul, “Ma sí tinɗeen koo mugi-balin koo tiisin chei, see di la magile la Tiina Wia tinɗinnaa ba tillin le.”
⁴ Nii ne ba dage nialin Wia si magile ba niin pimi. Ba ɗaa bui bui zolo ari mahin balia ari banese ne. Niaa deenba lii Iziral ni-yiriba tuon ne. ⁵ Niaa bui fii ari balia ne u magile Juda doho niaa tuon. Niaa bui fii ari balia ma lii Rubin doho niaa tuon. Niaa bui fii ari balia ma lii Gad doho niaa tuon.
⁶ Niaa bui fii ari balia ma lii Asa doho niaa tuon, Nafitali doho niaa tuon maa, niaa bui fii ari balia. Niaa bui fii ari balia ma lii Manaasi doho niaa tuon. ⁷ Niaa bui fii ari balia ma lii Simian doho niaa tuon. Niaa bui fii ari balia ma lii Liivai doho niaa tuon. Niaa bui fii ari balia ma lii Izakai doho niaa tuon. ⁸ Niaa bui fii ari balia ma lii Zebulun doho niaa tuon. Niaa bui fii ari balia ma lii Josef doho niaa tuon. U magile niaa bui fii ari balia ma Benjamin doho niaa tuon.

Ni-dan-la si denne Wia

⁹ U nii harin ne mi ben a na ni-dan-dan, nuu bi ba wuo diise. Ba lii dunia seme-na kala a lii tinɗee-yiriba, ari ni-yiriba, ari ta-yiriba, aa bul yikori-yiriba. Mi na di ba chin kuori-kpasa-la ari Pie-bie-la sipaan a laale geri-pul-duduosun, a kori abee pipaarin ba nisin le. ¹⁰ Ni-dan-la faasa ɗaa gon aa bul, “La Tiina Wia si hon kuori-kpasa-la nyun ari Pie-bie-la, ba ne ken dolun di ba wuo laala ta.” ¹¹ Ka Wia tinɗaaraa kala china golli kuori-kpasa-la ari nihiasi-la ari kialin banese-la si weye. Nii ne Wia tinɗaara-la tuu kpirimi kuori-kpasa-la sipaan a chuole Wia ¹² a bul, “Ami. La jan chuole la Tiina Wia a dennu aa lolu, bee wiaa u ne ken dolun ari wu-jimin a kaa mu wuu. Ami.”

¹³ Nii ne nihiasi-la donjo piesemi a bul, “Kubeeba ne laale geri-pul-duduosun nii, nii ne ba lii?” ¹⁴ Nii ne mi bula pu a bul, “N ne jima, mi kuhian.” Nii ne u bula pimi a bul, “Niaa deenba ne Wia liise hee-bal-la tuon. Ba chese ba gennin Pie-bie-la chalin le, ba lii a pulle. ¹⁵ Nii ne tii ba chin Wia kuori-kpasa-la sipaan a tima pupu wiheye ari titanin kala Wia-dia le. Nii-la si hon kuori-kpasa-la le ne jan kiesse toba le. ¹⁶ Losun bira bi jan kenba, lii-nyuasun ma bi jan kenba, wii-posun bi jan kpuba, wulimin ma bi jan kenba. ¹⁷ Wii-kala bi jan ɗaaba, bee wiaa Pie-bie-la si chin Wia kuori-kpasa-la sipaan ne jan biben ba nyun, ari pie-daara si yie ben u pieese nyun nii. U ne jan kenba kaa mu lii-bulo lerin, lii-la sii pi niaa miisin. Wia ma jan fiise ba sii-liirin ta.”

8

Pie-bie-la ken ten-kaanin suri

¹ Nii ne Pie-bie-la suri kialin ba si kaa magile ten-la balipe-la ku-kaanin. U si suro dere, Wia-jan kala ɗaa fuu a yi magina kubala. ² Nii ne an ka mi na Wia tinɗaaraa balipe-la si yie chin Wia sipaan. Ba piba nyillin balipe. ³ Wia tinɗaara donjo ma ku chin koru-la seme a kori selime gbanja-la ba si yie jon ku-suo-sin he, a nyiga pi Wia. Nii ne ba pu ku-suo-zonɗoo yuge, duu kaa guoli Wia niaa Wii-chuolun le a nyige a pi Wia. U jan nyigu selime koru-la nyun, ku-la si chin kuori-kpasa-la sipaan. ⁴ Nii ne ku-suo-si-la nyuɗsun ari Wia niaa Wii-chuolun lii Wia tinɗaara-la nisin le a mu Wia teen. ⁵ Nii ne Wia tinɗaari-la jon selime gbanja-la a chaane nyinin korun nyun, a he gbanja-la tuon, a joŋo yuo u ku tuu tinɗeen. Nii ne duonun kikipia gon an liligise, ka tinɗeen zizigili.

Wia tinɗaara-la ŋmuu nyillin

⁶ Nii ne Wia tinɗaaraa balipe-la si keŋ nyillin balipe-la ŋaa siri di ba ŋmuu.

⁷ Wia tinɗaari-la bunɓun kua ŋmuu u nyile. Nii ne duon-tabiaa ari nyinin guoli chalin le ku tuu tel tinɗeen. Ba si tele nii, tinɗeen ari tiisin ari yan sen-tori-la kubala dii nyinin.

⁸ Nii ne Wia tinɗaari-la liamin tiina ma ŋmuu u nyile. U si ŋaa nii, ba jon kun a nage peel-balin sii dii nyinin a yuo ta u tuu mugi-balin tuon. ⁹ U si ku tuu nii, mugi-balin sen-tori-la kubala fiɛɛ a nage chalin. Kialin kala si keŋ miisin a he lii-la sen-tori-la kubala tuon suu. Liiŋ daborusu-la si he lee-la ma chei.

¹⁰ Nii ne Wia tinɗaari-tori-la ma ŋmuu u nyile. U si ŋmuu nii, cheŋwul-bal kubala lii wia nyun, a chaane a nage nyin-daan, a ku tuu tel fuonun ari lii-bullun sen-tori-la kubala le. ¹¹ Cheŋwul-la yirin ne ku-haan. U si heye nii, lii-la tuon u si tele ma hei. Lii-la si heye nii, ni-dan-la si nyua lii-haa-la, ba suu.

¹² Nii ne Wia tinɗaari-nese-la ma ŋmuu u nyile. U si ŋmuu nii, wii-posun sen-tori-la kubala cheye, chene ma sen-tori-la kubala chei, cheŋwulaa sen-tori-la kubala ma chei. Ba pulumun kala lel lerin kala biri. Lee-la pulun tuo wiiheye ari titanin kala.

¹³ Nii ne mi beŋ a na kachuun duu fil di-bolii wia nyun le aa ŋmoo niin vil vil. U sii fil nii, u yel a bul, "Nialin si he tinɗeen le, ba jan na heen. Bua-la le Wia tinɗaari-kaana-la batori si jan ŋmuu ba nyillin, nialin jan na hee-la."

9

¹ Nii ne Wia tinɗaari-non-la ma ŋmuu u nyile. U si ŋmuu nii, mi na cheŋwulun duu lii wia nyun a ku tuu tel tinɗeen. Ba jon buotuo-lunun boribiin pu. ² Nii ne u suri buotuo-lunji-la boro. U si suro dere, nyuɔsun lii buotuo-lunji-la tuon a nage nyin-balin nyuɔsun, a to pulumun ari wii-posun kala ba biri. ³ Nii ne hoɔɔsun to nyuɔsu-la tuon ku lii a tuu tinɗeen. Wia piba dolun dunia le ba wuo len niaa na heen, a nage nuoma si yie din niaa ba nina heen nii. ⁴ Wia biba wonjiin pa di ba dii yan koo tiisin koo kialin si nyu tinɗeen le. Ama u piba wonjiin di ba dogise nii-la kala Wia magilin si tuo u tile le. ⁵ Wia bi hoɔɔsu-la wonjiin pa di ba kpu niaa deenba, ama di ba dogiseba cheŋsin banon. Nii ne u dogiseba a nage nomun si yie din niaa u wiwii nii. ⁶ Bua-la le niaa jan chiche di ba suu, ama ba bi wuo suu.

⁷ Hoɔɔsu-la fa nage janin ne ba si kpiera di ba kaa mu laalin. Ba chu kiasa si nage selime nyun-chuulun ne. Ba siaa ma nage nuhuobiinee siaa.

⁸ Ba keŋ nyu-punaa ma ne. Ba duomo a nage haala nyu-punaa. Ba nyilaa ma nage naachigee nyilaa ne. ⁹ Ba yaraa horun nage hoon ba si yie jonjo to boye a kaa yuo laalin. Ba kinkesin ma njaa gon, ari janin si yuga aa lere torukoba a fa mumu laalin. ¹⁰ Ba bubuɔ-dosun nage nomun fil. Dol-la kala ba fa si kene di ba kaa dogise niaa cheŋsin banon-la kala fa he ba bubuɔ-dosu-la le ne. ¹¹ Wia tinɗaari-la fa si kori buotuo-lunji-la boribiin ne fa ŋaa ba kuoro. Juu tinjaa yiikoro le baa yiru Abadon ne. Giriik tinjaa ma yiikoro le baa yiru Apoliyon ne.

¹² Bunɓun hee-la ba si jan na ne nii. Ama kiasa balia ne ha ka.

¹³ Nii ne Wia tinɗaari-du-la ŋmuu u nyile. U si ŋmuu nii, mi nii nuu yiikoro duu lii koru-la si chin Wia sipaan seme. ¹⁴ Nii ne yiikori-la bula pi Wia tinɗaari-du-la si kori nyile-la a bul, "Len di ba puri Wia tinɗaaraa

banese-la ba si vobo Yufiretis fuo-la le a ta.” Wia fa vobo a bil a gberε tapulii-la ari chene-la ari jina-la u fa sii che u kpu dunia niaa. ¹⁵ Nii ne ba puriba ta di ba kpu dunia niaa sesi-la batori doŋo. ¹⁶ Nii ne ba dagemi nialin si jil janin niin pimi. Ba fa yi bui bui buiba zo-balia. Ba kala fa jil janin ne a ŋaa siri di baa mu yuo laalin. ¹⁷ Mi si naba ari duoso tuon, ŋla ne ba nage: Nialin si jil jani-la laale hoo-horun ba si yie joŋo to boisin a kaa yuo laalin ne. Kialin doŋsun nage diiwolinbine yaraa, doŋsun fiεε a nage nyinin, doŋsun ma nage jiribiin. Jani-la nyusun nage naachigee nyusun ne. Nii ne nyinin ari nyusun ari jiribiin lili ba niirin le. ¹⁸ Kiaa deŋba batori ne Wia len di ba ku kpu dunia niaa tuon sesi-la batori doŋo. Nyinin ari nyusun ari jiribiin ne nii. ¹⁹ Jani-la dolun kala fa he ba niirin ari ba bubuo-dosun le ne. Ba bubuo-dosu-la nage dinŋaa ne a ken nyusun. Kiaa deŋba ne ba kaa pire niaa.

²⁰ Dunia ni-kaana-la nyanyal-bonŋo deŋba si bi kpua, ba ma ha bi birima lili ba haache wu-ŋaalaa le. Ba haa to Sitaani ne a kpkipaare vuiaa. Selime ari hoon ari koliiŋ ne ba kaa me vuia-la doŋsun, doŋsun ma ŋaa tabiaa, doŋsun ma ŋaa tiisin ne. Vuia-la bi wuo na, ba bi wiaa ma nii, ba bira bi wuo viven maa. ²¹ Niaa deŋba faa kpu niaa ne. Ba faa ŋaa hil wiaa, aa ŋaa wu-liilin, aŋ gigaa maa, aŋ bi sei di ba birima lili wu-bonŋo deŋba le.

10

Wia tinđari-la si kori ten-chuoli-bie-la

¹ Nii ne ka mi bira na Wia tinđari-duo kubala duu lili Wia-ŋan a ku tuu. Duonbilingbaanaa tou kala, ka duonŋia voo u nyun le. U siaa tutul a nage wii-posun. U naasin ma nage tii-balaa sii dii nyinin. ² Ka u kori ten-chuoli-bie u nisin le. Ba kaa polli. Nii ne u jon u na-diin naan a dan mugibalin nyun, a jon u na-gua naan maa a bil tinteen. ³ Nii ne u faasa kpia gon bogi bogi a nage naachigin sii ŋaa gon nii. U si kpia gon nii, duonun kpia. Duonun si kpia nii, ba fa ŋaa kiaa balipe a kpkipia gon. ⁴ Bua-la le duonun si kpia, mi faa che di mi nmunse wialin bil. Nii ne nuu yiikoro lili wia nyun a bula pimi a bul, “Len di wialin duonun si kpia bul, di ba he ŋ tuon. Si nmunsa bil.” ⁵ Nii ne ka mi na Wia tinđari-la, nii-la naan doŋo si chin mugibalin nyun, ka doŋo ma chin tintee-hilin, duu ken u na-diin nisin kaa yia wia nyun. ⁶ Nii ne u nmiese Wia, u-na nii-la si he dime a kaa mu wuu, nii-la si ta wia nyun ari kialin kala si he wia nyun, ari tinteen ari kialin kala si he dime, ari mugibalin, ari kialin kala si he u tuon. U nmiesa a bul, “Bua-la le la sii jegilu, u yie ne.” ⁷ Ama tapulii-la Wia tinđari-pe-la si ŋan ku nmuu u nyile, Wia wu-faalia-la u fa si dage u tintinnaa, nialin sii bul wiaa, Wia Din-zon-la dolun le, ba kala ŋan ŋaa.

⁸ Nii ne mi bira nii yiikori-la titia si lili wia nyun a bul wiaa pimi. U si, “Mu a laa ten-bie-la ba si suro, Wia tinđari-la nisin le, nii-la naan doŋo si chin mugibalin nyun, ka doŋo ma chin tinteen le.” ⁹ Nii ne mi mu Wia tinđari-la teen a sulu duu jon ten-bie-la pimi. Nii ne u jon ten-bie-la pimi aŋ bula pimi di mi joŋo chan, di u ŋan sin mi niin le a nage tuun, ama mi luorun le u ŋan hei. ¹⁰ Nii ne mi laa ten-bie-la Wia tinđari-la nisin le a joŋo chan. U sima a nage tuun ne mi niin le, ama u si tuu mi luorun, mi luorun kala heye ne. ¹¹ Nii ne ba bula pimi a bul, “Ŋ ŋan bira bul wiaa, Wia Din-zon-la dolun le a tige ta-yiriba le, ari tintee-yiriba, ari nialin sii bul yiikori-yiriba, ari kuori-yiriba yuge ma le.”

11

Wia siada tinjaa balia-la

¹ Nii ne ba jon daa-magisin a nage daantiga a pimi, an bula pimi di mi sii a magise Wia-dia ari koru-la si he u tuon, an diise nialin kala sii chuole Wia dime, ² ama di mi si Wia-dia-la kaala-na magisu, bee wiaa ba jon lee-la pi nialin si bi juu tinjaa naa, di ba nmoo u jebii-la lo, a nuose Wia lee-la chepsin mahin balia ari balia. ³ Nii ne ka Wia si u jan pi u siada tinjaa balia-la dolun di ba wuo bul wiaa u Din-zon-la dolun le, tapulaa bui ari zo-balia ari mahin batori, an baage tuo-cheri geri-bosunun.

⁴ Niaa deenba balia nage tia-la ba sii yire Oliv ne. Ba ne bira nage korunun ba si yie jon chaanaa a didan balia-la si chin la Tiina Wia sipaan, nii-la si tii tinteen. ⁵ Nyinin jan lii ba niin a dii nuu-kala sii che duu dogiseba. Di nuu-kala nii che duu walimeba, nyinin jan diiu. ⁶ Wia piba dolun di ba wuo kiri duonun, duu si nii tapulia-la ba sii che di ba bul wiaa, Wia Din-zon-la dolun le. Wia bira piba dolun di ba wuo naa di liin kala birime chalin. Ba jan wuo len di nyanyalaa juu dunia niaa le, mage nii kala le ba si cho. ⁷ Di ba ne dii Wia dansia dere, бага kun jan lii buotuo-lunii-la tuon ku lii. Ku-la jan yuo kpuba. ⁸ Ba ku-suunun jan pin ta-bal-la wonbiin le. Ta-bal-la bomo nage Sodom koo Ijipiti tinteen ne. Ta-bal-la le ne ba kpaase la Tiina daa-gese nyun. ⁹ Ni-yiriba a lii ta-yiriba, ari nialin sii bul yiikori-yiriba a lii tintee-yiriba kala jan ben ba ku-suunun tapulaa batori ari lebi. Ba bi jan sei di ba paaba hugi. ¹⁰ Dunia niaa, tuon jan tore ari ba si kpu niaa balia-la. Ba jan gbigbieli a sisieri donjo le a didi zile donjo le, bee wiaa wialin niaa deenba balia fa sii bul, Wia Din-zon-la dolun le, ba fa ken dunia niaa banja le ne. ¹¹ Ama tapulaa batori ari lebi cheen Wia pi niaa deenba balia miisin, ba sii chin ba naasin le. Nialin kala si naba, fawullun kenba worun. ¹² Nii ne ba nii nuu yiikoro duu lii Wia-jan a bula pi niaa balia-la a bul, "Ma ku jil daha." U si bul nii dere, ba juu duonbilingbaanin tuon a jil Wia-jan. Ba dindonjoo bibenba, ka ba jijil. ¹³ Bua-la titia le tinteen faasa zigili. Tan-la seme donjo kala tel, ba niaa bui balipe suu. Leree fii fii sesi-la kubala ne nii. Fawullun ken ni-kaanaa, ba denne Wia, nii-la si he Wia-jan le.

¹⁴ Hee-lia-la diderin ne nii, ama torimun jan ko leele.

Wia tinjaari-pe-la nmuu u nyile

¹⁵ Nii ne Wia tinjaari-pe-la nmuu u nyile. U si nmuu nii, mi nii yiikori-balaa di baa bul wiaa, Wia-jan le. Ba si, "Dunia kuorii-la leele naa la Tiina Wia ari Kirisito kuorii-la ne. La Tiina Wia jan dii kuoron a kaa mu wuu."

¹⁶ Nii ne nihiasin mara ari banese-la si hon ba kuori-kpasinnin nyun Wia sipaan, ba kala tuu kpirimi a chuole Wia a bul,

¹⁷ "Laa lollun la Tiina Wia, Wii-jaribako,
nii-la fa si he dime faafaa ari nii-la ha si he dime.
Leele-na n jon n dol-bal-la,
a suomi a biben dunia ne.

¹⁸ Dunia niaa fa hoso ne n nyun.

Ama bua-la n baanin si jan sii ba nyun yie ne,
ka bua-la titia n si jan dii nialin si suba sariya ma yie ne,
bua-la le n si jan jon time a tin n tintinnaa ma yie ne.

Nialin sii bul wiaa, n Din-zon-la dolun le, ari n niaa kala,
nialin sii fa n yirin, nihiasin ari hanbiisin kala,
n jan time piba.

LÉEŁE Ń jaŃ dógise nialin̄ si chei dunia, di ba mu suu.”

¹⁹ Nii ne ba keŃ Wia-dia-la si he Wia-jaŃ, boro kaa suri a na dagá kubala u tuóŃ. Wialin̄ Moosis fa si ŃmuŃsa bil di Iziral tin̄Ńaa tuto, ba he daga deej tuóŃ ne. Nii ne duonuŃ liligise lerin̄ kala, ba ninii yiikorusuŃ, ka duonuŃ kpikpia Ńmana Ńmana. Tin̄teen̄ zigili, ka duon̄-tabiaa faasa tuu titel.

12

Dimin̄ ari haala yuo dójó

¹ Nii ne ku-kpuŃkpere kubala ku lii wia nyuŃ. Ku-kpuŃkpere-la nage haal ne a joŃ wii-posuŃ a laale, ari niaa si laale gennin̄ nii. Ka cheŃe ma he u naasin̄ bubuóŃ, aŃ ka u chu kuori-nyuŃ-chuulo. NyuŃ-chuulo-la, cheŃwulaa fii ari balia ne ba kaa Ńaa. ² Haal-la fa keŃ luoruŃ ne. U luoruŃ wiwii, u faasa yiyel a wiwalime duu lul. ³ Nii ne ku-kpuŃkpere dójó ma ku lii wia nyuŃ. Ku-kpuŃkpere deej fa nage dimin̄ si yuga kieli ne a kala fiese ari chalin̄. Din̄-la fa keŃ nyusuŃ balipe ne ari nyillin̄ fii, a chu nyuŃ-chuuluŃ balipe. ⁴ U bubuó-doho yigi cheŃwulaa sesi-la batori dójó lo ba ku tuu tel tin̄teen̄. AŃ ka din̄-la mu chin̄ haal-la fa si walime duu lul sipaan̄ a gberé, di haal-la ne lula, duu joŃ bile lin̄. ⁵ Nii ne haal-la lul haŃbolibie, nii-la si jaŃ beŃ dunia niaa kala ari kpaasa. Nii ne Wia joŃ bile kaa mu u teen̄ a leŃ u hoŃ u kuori-kpaasa nyuŃ, ⁶ aŃ ka haal-la fá juu girin̄, lee-la Wia si wasa bilu le. U si he dime nii, Wia pu kudiilee tapulaa bui ari zó-balía ari mahin̄ batori.

⁷ Bua deej le laalin̄ sii Wia-jaŃ le. Wia tin̄daari-hian̄ baa yire Maakil ari tin̄daaraa dójosuŃ suomi a yuyuo din̄-la. Nii ne din̄-la ari u haritooroo maa yuo. ⁸ Ama Maakil niaa yuo dii din̄-la ari u haritooroo. Nii ne din̄-la ari u haritooroo bira bi di-honuŃ kala keŃe Wia-jaŃ le. ⁹ Nii ne ba joŃ din̄-la ari u haritooroo a yuo ta ba lii Wia-jaŃ a ku tuu tin̄teen̄. U ne baa yire Sitaani, nii-la si nyise dunia niaa kala. Din̄-la fa he dime faafaa kala ne a lii dunia di-suomuŃ.

¹⁰ Nii ne ka mi nii yiikori-bal kubala a lii Wia-jaŃ a bul, “Bua-la Wia si jaŃ laa niaa ta yie ne. Bua deej le ne Wia laa u doluŃ ari u kuoruŃ. Kirisito, nii-la Wia si liisa, ma laa u doluŃ ne, beŃe wiaa nii-la si joŃ cheerin̄ pi la naan̄biirin̄, ba joŃu yuo ta ne. U fa joŃ cheerin̄ piba Wia sipaan̄ wiicheye ari titan̄in̄ kala. ¹¹ Ba yuo dii Sitaani a tin̄ Pie-bie-la chalin̄ wiaa, ari Wia nin̄ wialin̄ ba fa si bula pipi niaa. Ba fa Ńaa siri di ba kpuba a tin̄ Wia wialin̄ le ne. ¹² Ma nialin̄ si he Wia-jaŃ, má leŃ di ma tuóŃ toré. Ama ma nialin̄ si he tin̄teen̄ le ari nialin̄ si he mugi-balin̄ le, ma jaŃ na heŃŃ. Sitaani ku tuu ma teen̄ ne a faasa keŃ baanin̄, beŃe wiaa u jima ari u bira bi dieni, ka di ba laa u doluŃ.”

¹³ Din̄-la si na di ba joŃu yuo ta, u ku tuu tin̄teen̄, nii ne u kire to haal-la si lul haŃbolibie-la harin̄. ¹⁴ Nii ne Wia joŃ kachuŃ kin̄kesin̄ pi haal-la, duu wuo fíl a juu girin̄ tuóŃ a kage din̄-la le. Nii ne u mu lee-la Wia si wasa bilu le. Dime ne, u joŃ kudiilee pu jisin̄ batori ari lebi. ¹⁵ Nii ne liin̄ lii din̄-la nin̄ le a nage fuon̄, a kire to haal-la harin̄ duu pelle joŃu. ¹⁶ Ama tin̄tee-hilin̄ ku pe haal-la le a joŃ fuo-la si lii din̄-la nin̄ le kala a nyua. ¹⁷ Nii ne din̄-la na baanin̄ haal-la nyuŃ a mu duu keŃ haal-la biirin̄ dójosuŃ a yuo laalin̄. Haal-la biirin̄ ne Ńaa nialin̄ si nii Wia nin̄ wiaa a tutoba, a didii Yesu dan̄sia, a bul u wiaa a pipi niaa. Nii ne din̄-la mu chin̄ mugi-balin̄ nin̄.

13

Ku-la si nage diŋ-la ari baga kua

¹ Nii ne mi na baga kua doŋo duu lii mugi-balin tuoŋ a ku lii. U fa keŋ nyusun balipe ne, u nyillin ma fa ŋaa fii. U fa chu kuori-nyuŋ-chuulun fii u nyillin fii-la le. Yiri-la u fa si kene u nyusu-la le faa tuuse Wia jonŋoo ne.

² Baga ku-la mi si na fa nage kpeye ne, aŋ ka u naasin nage lugumuŋ kaa, u niŋ ma nage naachigin kua. Nii ne ku-la si nage diŋ-la jon u doluŋ kala ari u kuori-kpasa-la a pi baga ku-la. ³ Baga ku-la nyusun balipe-la doŋo fa keŋ naawiil-bal ne si maga duu suu, ka u bi suba. Ba si na naawiil-la duu fiela, u ŋaa dunia niaa kala wu-kpuŋkperere. Nii ne ba sii to u hariŋ. ⁴ Nii ne niaa tuu kpirimi diŋ-la sipaan a chuolu, bee wiaa u fa jon u doluŋ a pi baga ku-la ne. Niaa bira chuole baga ku-la. Ŋla ne ba piese doŋo a mu tige u le, "Kubee ne keŋ doluŋ a nage ŋla? Kubee ne jaŋ wuo kenu yuo yuosuŋ?"

⁵ Nii ne ba pi baga ku-la woŋbiŋ u bul babii-bal wiaa a tutuuse Wia jonŋoo. Nii ne ba leŋu u dii doluŋ cheŋsiŋ mahiŋ balia ari balia. ⁶ U yie tutuuse Wia ari u jaŋ-niaa jonŋoo. ⁷ Nii ne ba puu woŋbiŋ ma u keŋ Wia niaa a yuo laalin, a yuo diiba. Ba fa puu doluŋ u wuo ni-yiriba a lii ta-yiriba kala, ari nialiŋ sii bul yiikori-yiriba a lii tiŋtee-yiriba kala. ⁸ Nii-la kala si tuo miisiŋ teŋ-la le a lii dunia di-suomuŋ, u ma jaŋ tuu kpirimi u sipaan a chuolu. Pie-bie-la ba si kpua ne tii teŋ-la. ⁹ Digilaa tiŋŋaa, má wuoli ma digilaa a jegile nii wiŋ deen. ¹⁰ Di ba ne yuo laalin dii nuu a kenu kaa mu yosuŋ lerin, u maga duu mu ŋaa yon ne. Di ba ne jon tokobii a kpu nuu, ba jaŋ sene jon tokobii a kpu tiina maa. Nialiŋ si laa Wia wiaa dii maga di ba nyalime ne a chin wialin ba si laa dii le.

¹¹ Nii ne mi bira na baga kua doŋo duu lii tiŋteen a kuu lii. U fa nage piese ne aŋ keŋ nyillin balia. Uu bul wiaa a nage ku-la si nage diŋ-la ne. ¹² U ma keŋ dol-la buŋbuŋ baga ku-la si kene ne a wuo didii doluŋ u sipaan. U leŋ dunia niaa kala tuu kpirimi a chuole buŋbuŋ baga ku-la, ku-la fa si keŋ naawiil-bal-la, ka u fiela. ¹³ U ŋaa wu-magilaa a yuge. U paala leŋ nyiniŋ lii wia nyuŋ ku tuu tiŋteen, nuu-kala na. ¹⁴ A tin wu-magila-la ba si leŋe u ŋaa buŋbuŋ baga ku-la sipaan, baga ku-la doŋo nyise dunia niaa a he, di ba jon kaa me, kuŋ si nage buŋbuŋ baga ku-la, ku-la ba si keŋ tokobiŋ keri, ka u wei. ¹⁵ Nii ne ba wuo leŋ baga ku-lia-la pi ku-la ba si me wiese duu wuo wiaa bubul. Nii ne u wuo leŋ ba kpu nialiŋ si bi baga ku-la ba si me ka chuole, ¹⁶ a bira leŋ ba magile nuu-kala, nihiasin ari haŋbiisiŋ, kuoroo ari summoo, nii-la kala si tii u titia ari nii-la kala si ŋaa yon. Ba magile ba na-diŋ nisaa le koo ba tillin le. ¹⁷ Nu-u-kala bi kuŋ wuo yoo a bi kuŋ-kala ma wuo yalle, see di ba jon baga ku-la magilin, koo u yirin, koo u yiri-la si mage nii a he u tiina le. ¹⁸ Nu-u-kala bi jaŋ wuo jin wiŋ deen bubuŋ, see duu keŋ wu-jimiŋ. Má leŋ di nii-la si keŋ wu-jimiŋ liisi a mu yi baga kuŋ niŋ si mage nii. Di ŋ diiseba, u nage nuhuobiine kialin ne. U kaa niŋ ŋaa zo-balidu ari mahiŋ batori ari balidu ne.

14

Nialiŋ sí yi yiili-falin

¹ Nii ne mi beŋ a na Pie-bie-la duu chin peel kubala nyuŋ. Peel-la yirin ne Zaayon. Ba di niaa buiba zolo ari mahiŋ balia ari banese ne fa chin peel-la nyuŋ. Ba ŋmuŋse Pie-bie-la yirin ari u Nyimma yirin ne a he niaa deenba tillin le. ² Nii ne ka mi nii nuu yiikoro duu lii Wia-jaŋ. Yiikori-la

fa nage fuonun sii pelu ne gbul gbul, koo duonun sii kpia. Yiikori-la mi si nia ma fa naga ari niaa sii du cheŋ ne. ³ Niaa deenba chin kuori-kpasa-la ari nihiasi-la, ari kialin banese-la si weye sipaan ne aa yii yiili-falii kubala. Nu-kala bi yiil-la wuo gunne, see nialin bui buiba zolo ari mahin balia ari banese-la dunɔɔ. Niaa deenba ne Wia tuose dunia le a laaba ta. ⁴ Ba ne bi ha-chorumun harin to, an bi disinnin ma kene. Ba nii to Pie-bie-la harin lee-na kala u sii mu. Ba ne Wia laa sipaan liise nuhuobiinee tuon, di ba naa Wia ari Pie-bie-la tuo-pul tinnaa ⁵ a bi wiaa ka nya.

Wia tinɔaraa batori bul wiaa

⁶ Nii ne mi bira na Wia tinɔaraa donɔ duu fil wia nyun di-bolii. U fa kori Wia Wu-zomɔ-la ne, Wu-zomɔ-la si jan he dime a kaa mu wuu. U kaa mu bula pi nuu-kala si he dunia le tintee kala le, ari tan kala le, ari nialin sii bul yiikori-yiriba kala, ari ni-yiriba kala le. ⁷ Nii ne Wia tinɔara-la bul ari yiikori-balin a bul, "Ma fa Wia a denne u yiri-balin, bee wiaa bua-la u si jan dii dunia niaa sariya yie ne. Ma dennu, u ne ta wia nyun ari tinteen ari mugi-balin ari lii-bullun kala."

⁸ Ka Wia tinɔara-lia-la ma tuto a bul, "Babilon tele, Babilon tele, ta-bal-la ba sii yire Babilon, u tele. U ne jon u wu-bonɔɔ a dage tintee kala ba ninaa wu-bonɔɔ. Wu-bomɔ-la nage sinin si ken huon ne."

⁹ Nii ne Wia tinɔara-tori-la ma tuto ba harin, a ma bul wiaa ari yiikori-balin. U si, "Di nuu-kala ne chuole бага ku-la ari u nagisi-la ba si me bil, a laa magil-la u tile le koo u nisaa le, ¹⁰ Wia jan na baanin kinken u tiina nyun. Wia baanin nage sin-la si ken huon ne. Di niaa ne nyua, ba yie susuu ne. Ba jan jon nyinin ari jiribiin a dogise tiina. Ba jan naa nii Wia tinɔara-la si bi disinnin kene ari Pie-bie-la sipaan. ¹¹ Nyinin ari jiribiin jan diiba deen deen, nyin-la bi jan ko duu disa. Niaa deenba bi jan ko di ba na wiese wiiheye ari titanin kala. Niaa deenba si chuole бага ku-la ari u nagisi-la ba si me bil a laa u yirin magil-la, ba bi jan na wiese."

¹² Bua deen le ne Wia nialin sii to Wia nin a laa Yesu Kirisito wiaa dii, u maga di ba nyalime ne. ¹³ Ka mi nii yiikoro kubala duu lii Wia-jan aa bul, "Nmunse wiin deen: Nialin si laa la Tiina Yesu wiaa dii an suu, Wia jan peba le." Nii ne Wia Din-zon-la ma bul, "Wia sene jan pe niaa deenba le di ba wuo na wiese worun. Ba bira bi jan tin, bee wiaa tinntimii-la ba si tima ka to ba harin ne."

Ba ken siikoro a kaa kun kiaa

¹⁴ Nii ne mi bira ben a na duonbilingbaan-pula, di nuu nage nuhuobiine bie a hon duonbilingbaan-la nyun. U tiina chu selime kuori-nyun-chuulo ne an kori siikoro si ken nin worun. ¹⁵ Nii ne Wia tinɔara-la donɔ ma lii Wia-dia tuon ku lii, a faasa yire ari yiikori-balin nii-la si hon duonbilingbaan-la nyun a bul, "Ken n siikoro-la a kaa kun kiaa. Bua-la si maga di la kun kiaa yie ne. Kialin kala si he dunia le si maga di ba kun, ba kala bia ne." ¹⁶ Nii ne nii-la si hon duonbilingbaan-la nyun ken u siikoro-la viisi tinteen a kun tinteen kun-kala.

¹⁷ Nii ne Wia tinɔara donɔ ma lii Wia-dia si he Wia-jan a ku lii, a ma kori siikoro. Siikoro-la ma ken nin ne worun. ¹⁸ Nii ne Wia tinɔara donɔ ma lii Wia-dia koru-la seme a ku lii. U ne naa Wia tinɔara-la si ken nyinin dolun. Nii ne u yire nii-la si kori siikoro-la a bul ari yiikori-balin, "Ken n siikoro-la a kaa keru tia-la ba sii yire vain-la jagsin, bee wiaa u nene-la bia ne." ¹⁹⁻²⁰ Nii ne Wia tinɔara-la ken u siikoro-la kaa viisi tinteen a keru vain jagsi-la kala. Nii ne ba paa ba kala kaa mu he bua-la ba si luo,

aa chage tii-nene-la liinj ba si kaa nna sining. Ta-bal-la jeen harinj ne ba chage tii-nene-la. Ba si chageba, lii-la kala lii a birime chalin, a tuu pipelle tinteen a nage fuonj. Namaga deenj dage nii Wia si na baaning tinteen niaa nyunj. Nii ne chal-la pelle a mage meel-daasinj zo-balia, anj pe jila yi a mage nuhuobiine boye.

15

Wia tinjdaara-la kori nyanyal-bonjoo balipe

¹ Nii ne mi bira na ku-kpunkpere donj wia nyunj. U kenmi fawullunj. Mi na Wia tinjdaaraa balipe di ba kori nyanyal-bonj-yiriba balipe. Di ba ne yuoba he tinteen le dere, Wia baaning jan fiele.

² Nii ne mi na kunj, u yuga a nage mugi-balin sii tul nii pal pal a chuchol nyininj. Ka nialinj si yuo dii бага ku-la ari u nagisi-la ba si me bil, ari u yirinj magilin, mi naba di ba chinj mugi-bal-la sii tul pal pal seme a kori chenninj Wia si jonj piba. ³ Nii ne ba yiyii yiila. Yiil-la donj, Moosis Wia tintinni-la ne laa sipaanj yii, ka yiil-la donj ba yiyii a didenne Pie-bie-la. Yiila-la ba si yii ne njla:

“La Tiina Wia Wii-jaribako,
wu-kpunkpereisinj ari tintin-balaa ne nj tintin.
Nj kenj wutitii ne aa nna wutitiiba.
Nj ne jan dii kuorunj a kaa mu wuu.

⁴ La Tiina Wia, kubee ne bi jan fanj?

Nuu-kala jan fanj anj didenne nj yiri-balinj.
Nj dunduja ne kenj tuo-pula.

Dunia niaa kala janj ku chuolunj,

bee wiaa nuu-kala na ari nj dii dunia niaa sariya ari wutitii ne.”

⁵ Mi si nii yiila-la dere, mi na Wia-dia-la tutuobaaning ba sii yire lee-la si bi disinninj kene, di ba suro. ⁶ Nii ne Wia tinjdaaraa balipe-la si kori nyanyal-bonjoo balipe-la lii dime ku lii. Ba laale geri-yuoli-zonjoo sii tul ne, kunj-kala tuo u le, a jonj selime damerisinj a voo ba boisinj le. ⁷ Nii ne kialinj banese-la si weye donj jonj selime gbanjinj balipe a pi Wia tinjdaaraa balipe-la. Wia baaning fa su selime gbanji-la ne. U ne janj he dime a kaa mu wuu. ⁸ Nii ne nyuusunj to Wia-dia-la kala. Wia tula ari u dolunj ne nna nyuusu-la he dime nii. Nuukala bi Wia-dia-la wuo juu, see Wia tinjdaaraa balipe-la si jonj nyanyal-bonjoo balipe-la kala yuo he tinteen le a dere.

16

Gbanjinj balipe-la si kenj Wia baaning

¹ Nii ne mi nii nuu yikoro duu lii Wia-dia-la tuonj. U bula pi Wia tinjdaara-la balipe ari yikori-balinj a bul, “Ma kenj gbanjinj balipe-la si kenj Wia baaning kaa mu bisa he dunia le.”

² Nii ne Wia tinjdaari-la bunbunj tiina jonj u gbanja-la Wia baaning si he u tuonj, a kaa mu bisa he dunia le. U si bisa he dere, nii ne naawiil-bonjoo sii suora kenj nialinj kala si kenj бага ku-la magilin, anj pe chuole u nagisinj ba si me a bil.

³ Nii ne Wia tinjdaari-liaminj jonj u gbanja ari Wia baaning a kaa mu bisa he mugi-balinj le. Nii ne mugi-bal-la birime a nage nuhuobiine si suba chalinj. U si nna nii, kialinj kala si kenj miisinj a he mugi-bal-la tuonj suu.

⁴ Nii ne Wia tinjdaari-tori-la ma kenj u gbanja kaa mu a bisa he fuo-biisinj ari fuo-buloo le. Ba kala birime chalinj. ⁵ Nii ne Wia tinjdaari-la si kenj liinj dolunj ma bul wiaa. U si, “La Tiina Wia, nj kiaa sima ne di nj dogise dunia

niaa. N ne Tuo-pul Tiina, η ne nii-la fa si he dime faafa kala ari nii-la si he dime lele.

⁶ Dunia niaa kpu η niaa ari nialin fa sfi bul wiaa, η Din-zon-la dolun le. Ba si njaa nii ne tii η njaa chalin piba di ba nyua. U maga di ba nyua ne.”

⁷ Nii ne mi nii nuu yiikoro duu bul wiaa. Yiikori-la lii koru-la nyun ba fa si yie kpu pusun a nyige a pi Wia ne. U tiina si, “Wutitii, la Tiina Wia Wii-jaribako, η ken wutitii, wutitii wonbiin ne η to a didii niaa sariya nii.”

⁸ Nii ne Wia tindaari-nese-la jon u gbanja a bisa he wii-posun le. Nii ne wia faasa pose a nage nyinin, a nyinyige niaa. ⁹ Wii-pusun si faasa pose a nyige niaa nii, ba na baani Wia nyun a tutuuse u jonoo, be wiaa ba jima u ne ken dolun nyanyal-yiri deenba kala le. Ama ba bi birima lii ba haacheba le di ba chuole Wia.

¹⁰ Nii ne Wia tindaari-non-la jon u gbanja a bisa u tuon kiaa a he бага ku-la le, lee-la u fa sfi dii kuoron. Nii ne birimin to lee-la kala, ka nialin kala si he dime ma yaraa bibieri, ba didin ba nenelimee. ¹¹ A tin ba yara-la sfi wii, ari ba naawiila-la wiaa, ba tutuuse Wia jonoo, nii-la si he Wia-jan. Ama ba bi birima lii ba haacheba le di ba chuole Wia.

¹² Nii ne Wia tindaari-du-la jon u gbanja ari Wia baani a bisa he fuo-bal kubala baa yire Yufiretis le. Nii ne fuo-la kala hu. Fuo-la si hua, kuoro-la si lii tan seme wuo na wonbiin a to fuo-naa-la tuon a kuko. ¹³ Nii ne mi na jin-bonoo batori di ba nage yinjaa. Dono lii din-la le, dono ma lii бага ku-la le, dono ma lii nii-la si nyia wiaa duu bul wiaa, Wia Din-zon-la dolun le. Ba lii ba niirin le a ku lii. ¹⁴ Jin-bonoo deenba batori lii Sitaani le ne a yie njaa wu-kpunkperisin. Ba ne golle dunia kuoro kala teen, a kenba he dono le baa nja siri di ba yuo laalin. Tapul-bal-la Wii-jaribako si liisa di wiaa deenba kala nja, ba jan yuo laal-la. ¹⁵ (Ma bee na, mi jan ko ari gaara si yie ko nii. Wia jan pe nii-la kala si bi don pina an po le, nii-la kala si laale u gerin, di niaa si u yaribiree na.) ¹⁶ Nii ne Wia ken dunia kuoro-la a kaa mu hilimi lee kubala di ba yuo laalin. Hiiburu tinjaa yiikoro le baa yire lee-la Amagedon.

¹⁷ Nii ne Wia tindaari-pe-la jon u gbanja, a jon u tuon kiaa bisa he pelin le. Nii ne yiikori-bal kubala lii lee-la kuori-kpasa-la si china Wia-dia-la tuon a bul, “Wialin diderin yie ne.” ¹⁸ Nii ne duonun liligise a kpikpia. Lerin kala njaa gon, ka tinteen ma faasa zigili. Dunia si suomo, u ha bi nii zigile an ka. ¹⁹ Tinteen si zigili nii, u ken ta-bal-la kaa kpa lere batori, ka tintee kala ta-balaa ma titel. Nii ne Wia liise mu yi Babilon le. U dogisu ne worun a mu yi nii u si na baani u nyun le. ²⁰ Nii ne tinteye-la liin fa si gollo chu, ba kala lel. Peelee ma kala lel. ²¹ Ka duon-tabii-balaa si faasa yun kinken a nage nomun-tabiaa, ba lii wia nyun ku tuu tel niaa nyun ba susuu. Wii-la fa nja wu-loru ne. Nii ne ni-kaana-la tuuse Wia jonoo a tin duon-tabia-la wiaa.

17

Haala si hon бага kun nyun

¹ Nii ne Wia tindaaraa balipe-la si kori gbansin balipe-la, ba tuon kubala yiremi a bul, “Ko di mi dagin nii Wia si jan dii ha-chorumon deen si nja wu-liilin worun sariya. U ne hon lee-la liin si he a yuge. ² Dunia kuoro ari dunia niaa kala kenu nja wu-liilin a kala bugi, a nage ba si nyua sinin.”

³ Nii ne Wia Din-zon-la hemi le, ka Wia tindaari-la jonmi kaa juu giri kubala tuon. Nii ne mi na haal kubala dime duu hon бага kun kubala nyun. Baga ku-la kala fiesa ne. U yiraa fa yuga ne, yira-la tutuuse la Tiina

Wia. U fa ken nyusun balipe ne, ka u nyillin ma fa nnaa fii ne. ⁴ Haal-la laale geri-fian ari muolon, a he selime ari tabii-tulaa. U fa kori selime nyunyuala ne. Wu-bonjoo ari wu-liili-la u sii nnaa su nyunyuala-la, ⁵ ka ba nmunse yiri-kpunjkpere a he u tile le. Yiri-la ba si nmunsa he u tile le ne nla, "Babilon nnaa ta-bal ne. Nialin kala si he dunia le aa nnaa wu-bonjoo, ari ha-chorumoo kala, u ne nnaa ba naan." ⁶ Nii ne ka mi na haal-la duu nyua Wia nnaa ari nialin ba si kpua a tin Yesu wiaa ba chalin. Haal-la si nyua chal-la yuga nii, u bugi. Mi si nau nii, u nnaami wu-kpunjkpere kinjen kinjen.

⁷ Nii ne Wia tinjaari-la piesemi a bul, "Bee kun ne tii wiin deen nnaa wu-kpunjkpere n le? Haal-la si jil baga ku-la si ken nyusun balipe ari nyillin fii-la nnaa ha-kpunjkpere ne. Mi jan dagin u bubuon. ⁸ Baga ku-la n si na ne fa he dime bunbun an bira tuo. U jan lii buotuo-lunji-la tuon ku lii a mu suu. Di dunia nnaa donsun ne na baga ku-la, u jan naaba wu-kpunjkpere, bee wiaa u fa he dime bunbun an bira tuo, an saa jan bira ko. Wiin deen jan nnaa nialin si he dunia le, ka ba yiraa tuo miisin ten-la Wia si nmunsa a chin dunia di-suomun le. ⁹ Nii-la si ken wu-jimin ne jan wuo jin wiin deen bubuon. Nyusun balipe-la nnaa peelee balipe ne. Ba nyun ne haal-la hon. Nyusun balipe-la ma nnaa kuoroo balipe ne. ¹⁰ Kuoroo balipe-la tuon banon ne suba, donon ne dii kuoron leele, an ka donon-la-na ha bi kuoron die. Di u ma ne ku dii kuoron, u bi jan he dime a dieni. ¹¹ Baga ku-la-na fa si he dime an bira ku tuo, u ma nnaa kuoro ne. U pe balipe-la le ba nnaa chori, ama u fa he kuorie-la balipe tuon ne. U ma jan suu. ¹² Nyilli-la fii n si na nnaa kuoroo fii ne, ama ba-na ha bi kuoron die. Ba di baga ku-la jan dii kuoron, ama ba bi jan dii kuoron a dieni. ¹³ Kuoroo deenba kala ken nii-bala ne, a jon dol-la ba si kaa biben nnaa a pi baga ku-la. ¹⁴ Ba di Pie-bie-la jan yuo donon, ama Pie-bie-la jan yuo diiba, bee wiaa u ne nnaa nialin kala si ben nnaa kuhian, a ken kuoroo kala ma dolun. Ba di u haritooroo ne jan yuo diiba. Nnaa deenba ne nnaa nialin Wia si yira an liise, ba nnaa ni-titiiba."

¹⁵ Nii ne Wia tinjaari-la bira dagemi lii-la ha-choron-la fa si hon u nyun bubuon. U bula di lii-la mi si na nnaa nuhuobiinee ari ni-dan si lii ta-yiriba ari tintee-yiriba kala aa bul yiikori-yiriba kala. ¹⁶ Nyilli-la fii ma mi si na, ba di baga ku-la jan bere ha-choron-la. Ba jan wuri ha-choron-la kaaa ta duu ken yaribiree. Ba jan chan u namia an len di nyinin dii u hangbelee. ¹⁷ Wia nnaa ba ken nii-bala ne a njnaa wii-la u si cho. Nii ne tii ba nnaa nii. Ba jon dol-la ba si kene a biben nnaa a pipi baga ku-la. Ba jan biben ku-la, see di wialin kala Wia si bula nnaa dere. ¹⁸ Nii ne Wia tinjaari-la bira bul di haal-la mi si na nnaa ta-bal ne. Ta-balin deen ken dolun a biben kuoro-la si he dunia le.

18

Babilon tele

¹ Wiaa deenba kala si nnaa bal, mi bira na Wia tinjaara donon duu lii Wia-jaan a ku tuu tinteen. U faasa ken dolun, ka u pulumun len dunia kala pulla. ² Nii ne u faasa yire a bul, "Babilon tele, ta-bal-la tele. Dime ne jin-bonjoo ari diibiisin ba si kise kala he. ³ Babilon nnaa nnaa wu-bonjoo a yuge ne. Ba dage dunia nnaa, ba ma njnaa wu-bonjoo. Dunia kuoroo ma kenba njnaa wu-liilin. Dunia bayalaa ma to ba harin a njnaa wu-bonjoo a nina moribiee worun." ⁴ Wia tinjaari-la si bul wiaa deenba dere, mi bira nii nuu yiikoro duu lii Wia-jaan aa bul,

"Mi niaa, má sii Babilon le,
 di nii dee ma jan pe njinaa wu-bomo-la ba sii nnaa.
 Di ma ne nnaa nii, mi jan pe dogisema ari mi sii che di mi dogise Babilon
 niaa nii.

⁵ Ba wu-bonjoo yuga ne Wia sipaan,
 nii ne tii Wia ha bi ba wiaa yua.

⁶ Wialin ba si naama le, má ma jonjo naaba le,
 a tin ma chimin naansiin bulia.

Gbanja-la ba si kaa nnaa sinin pima ma nyua,
 má ma ken u titia a nnaa sinin naansiin bulia piba di ba nyua.

⁷ Ba yie ken ba titia yuge ne, a nii sima, a bibese ba titia le,
 nii wiaa má dogiseba worun, di ba na heen a yiyel,
 di hee-la mage nii ba fa sii nii sima.

Ba yie biine di ba nage kuoroo ne,
 tuo-cheen bi jan kenba a nage yo-haala.
 Ba bul ba bi jan ko di ba yele da.

⁸ Nii wiaa ne tii nyanyal-bonjoo jan kenba che-bala len len.
 Ba jan yel ba niaa yoho, di losun ma kenba, ka nyinin ma diiba.

Wiaa deenba kala jan nnaa,
 bee wiaa la Tiina Wia ken dolun.
 U jan dii ba sariya."

⁹ Nii ne dunia kuoro-la si to ba harin a njinaa ba-chorun ari ha-chorun
 wunjaalaa a pe ninii sima, ba tuon jan chei. Di ba ne na di nyinin ka
 diiba, ba jan nmoo niin vil vil. ¹⁰ Di ba ne ben hee-la tan-la niaa sii na,
 fawullun jan kenba. Ba jan chin di-bolii a bibenu a bul, "Ou, ou ta-balin
 deen, ta-bal-la ba sii yire Babilon, u bi diene ka ba dogise u niaa ba suu."

¹¹ Dunia bayalaa yiyel Babilon niaa wiaa, bee wiaa nuu-kala tuo a biraa
 yoo ba kiaa. ¹² Kialin ba sii yalle ne nla: Selime, hoon, tabii-tulaa, geri-
 yuoli-zonjoo, muolaa, geripe-fula-fula biisin, geripe-fiesin, ari daasi-la
 kala yallin si heye, ari kialin kala ba si ken batun nyilaa nnaa, ari kialin
 kala ba si ken daa-la yallin si heye saa, ari kolin, ari kialin ba si ken hoon
 nnaa, ari lokunbuiaa. ¹³ Ku-suo-sin ba si jonjo guoli kudiilee tuon u sin,
 tulaaliba, tii-kelin suora si sima, si-duorun, nuun, mun-zomun, folimaa,
 nesin, ari piesee, ari janin, ari janin torukoba, ari yosun. ¹⁴ Nii ne ba bira
 bul a tige tan-la niaa le, "Ku-zomo-la kala ma fa sii hienu, ma telba kala le,
 ma ku-zon-zon-na kala ari ma sima-la kala ma fa sii nii, ba bira tuo. Ma
 bira bi jan ko di ma naba." ¹⁵ Bayalia-la kala fa si yalle kaa pi Babilon niaa
 a na moribee, ba jan fa fawullun a tin hee-la wiaa Babilon niaa sii na. Ba
 kala jan chin di-bolii a faasa nmoo niin a yele bubul, ¹⁶ "Ou, ou, ta-balin
 deen fa zomo a ken ku-zonjoo maa. U niaa fa lilaale geri-yuoli-zonjoo,
 ari muolaa, ari geri-fiesin, a lilaale selime ari tabii-tulaa. ¹⁷ U bi diene ka
 kaa deenba kala chei n teen." Nii ne nialin sii duori liin dabori-bala-la sii
 ven mugi-balin tuon kuhiasin, ari nialin sii tin daboro-la tuon, ari nialin
 sii juu liin daborusun aa mu leree, ari nialin kala si che kaa mugi-balin
 tuon di ba na moribee, ¹⁸ niaa deenba kala chin di-bolii ne a biben. Ba na
 Babilon duu dii nyinin. Nii ne ba nmoo niin a yel a bul, "Ta bee ne fa nage
 ta-balin deen?" ¹⁹ Nii ne ba yel a nnaa hagila hihe ba nyusun le a bul, "Ou,
 ou, ta-balin deen le ne nialin kala fa si ken liin daborusun to a jigi. Má bee
 na, u bi diene ka kialin kala u fa si kene chei. ²⁰ Ma nialin si he Wia-jan le,
 má juuose Babilon wiaa. Ma Wia niaa ari Wia nanjooa ari nialin fa sii

bul wiaa, Wia Diŋ-zǝŋ-la doluŋ Ƽ, má jujuǝse. Wia joŋ ma chimin a joŋo tin Babilon nƼ.”

²¹ Nii nƼ Wia tinɔara dǝŋǝ, u dolie nƼ woruŋ, u joŋ tabii-bal a joŋo yuo he mugi-balin Ƽ. Tabii-la fa yuga a nage nǝmuŋ nƼ. U si joŋ tabii-bal-la a yuo nii, u bul, “Nii titia nƼ ba jan ŋaa Babilon. Ba jan joŋ Babilon, ta-bal-la a yuo ta ari doluŋ. U jan Ƽl dunia Ƽ. ²² Ba bira bi jan nii cheŋ-duduuroo di baa dƳ, ŋmuluŋ ŋmiiraa ma bira bi jan ŋmuŋmuu. Saaraa ari geripe-yuoroo ma jan bira tuo u Ƽ. Niaa bira bi jan nunǝŋ munuŋ u Ƽ. ²³ Chaanaa ma bira bi jan chaane u tuǝŋ. Baalaa ari haalaa bira bi jan jaa dǝŋǝ. Babilon bayalaa nƼ fa ŋaa ni-balaa dunia deen Ƽ, aŋ ka ba keŋ daalusuŋ aa ŋaa wu-bǝŋŋǝ aa nyise dunia niaa kala. ²⁴ Babilon Ƽ nƼ ba kpu nialin fa sii bul wiaa, Wia Diŋ-zǝŋ-la doluŋ Ƽ, a kpu Wia niaa maa, a bira kpu nialin dǝŋsuŋ si he dunia Ƽ.”

19

Pie-bie-la ha-jaari gbiele

¹ Wiaa deenba kala si ŋaa hariŋ, nii nƼ mi nii goŋ Wia-jaŋ Ƽ. Goŋ-la nage ni-dan yiikoroo nƼ aa bul wiaa. Ba si, “Haleluya, la Tiina Wia keŋ doluŋ duu laala ta. U nƼ keŋ yirin ari doluŋ. ² Má Ƽŋ di la dennu, bƼƼ wiaa u keŋ wutitii nƼ a kaa dii niaa sariya. U dii ha-chǝruŋ-bal-la sariya. Ha-chǝruŋ-bal-la nƼ faa ŋaa wu-liilin, a chei dunia niaa kala. U si kpu Wia tintinnaa nii, nii titia nƼ Wia ma dǝgisu.”

³ Nii nƼ ba bira heele bul, “Haleluya, nyin-la sii dii haal-la, u nyuǝsuŋ nƼ jil wia nyuŋ a kaa mu wuu.” ⁴ Nii nƼ nihiasin mara ari banese-la ari kialin banese si weye tuu kpirimi a chuǝƼ Wia. U fa hoŋ u kuori-kpasa nyuŋ nƼ. Nii nƼ ba bul, “Ami, Haleluya!” ⁵ Nii nƼ nuu yiikoro lii Wia kuori-kpasa-la seme a heele bul, “Ma Wia tintinnaa kala ari ma nialin kala sii fáu, nihiasin ari hanbiisin kala, má Ƽŋ di la denne Wia. U nƼ tiila.” ⁶ Nii nƼ mi bira nii ni-dan yiikoro. Yiikori-la fa nage fuo-balaa sii pelli nƼ gbul gbul. U bira nage duonuŋ sii kpia ŋmana ŋmana aŋ pe liligise. Nii nƼ yiikori-la heele bul, “Haleluya, la Tiina Wia Wii-jaribako dii u kuoruŋ nƼ. ⁷ Má Ƽŋ di la jujuǝse a yire u yiri-balin a dennu woruŋ. Bua-la Pie-bie-la si jan jaa haala yie nƼ. Haal-la ma si jan jaau ŋaa siri nƼ. ⁸ Ba joŋ geri-yuolizǝŋ a laale haal-la. Geri-la tula zǝmo. Kuŋ-kala tuo u Ƽ. Geri-yuolizǝŋ-la haal-la si laala ŋaa Wia niaa tuǝ-pul wu-ŋaalaa nƼ.”

⁹ Nii nƼ Wia tinɔari-la bula pimi a bul, “Nmuŋse wiin deen, ari Wia jan pe nialin ba si yira di ba ku gbiele Pie-bie-la ha-jaari gbiele a dii kudiilee dime.” Nii nƼ Wia tinɔari-la bula pimi a bul di Wia niin wu-tenŋe nƼ nii. ¹⁰ Nii nƼ mi tuu kpirimi di mi chuǝlu, ama u bula pimi di mi sí nii ŋaa, di la kala ŋaa tintinnaa a tima pipi Wia, la di nialin kala sii to wialin Yesu si bula. Nii nƼ u bula pimi di mi chuǝƼ Wia. Di nialin kala sii bul wiaa, Wia Diŋ-zǝŋ-la doluŋ Ƽ, wialin titia nƼ Yesu dage.

Ja-pula jijilli-la

¹¹ Nii nƼ mi na Wia-jaŋ duu suro. Mi beŋ a na ja-pula di nuu jila. Nii-la si jila yirin nƼ Ni-tenŋe ari Wutitii Tiina. U dii niaa sariya ari wutitii, a keŋ wutitii ma yuo laalin. ¹² U siaa kala chuchol a nage nyin-gelin, aŋ ka u chu kuori-nyuŋ-chuuluŋ a yuge. Ba ŋmuŋse u yirin he nyuŋ-chuulu-la Ƽ. Nuu-kala bi yiri-la jin see u titia. ¹³ U laale geri-la chalin si misa nƼ. Ba

keŋ nii-la kaa yire Wia Niin Wiaa. ¹⁴ Wia-jaŋ laali-yuoroo ma laale geri-fula-fula biisin ne. Ba ma jil ja-pulluŋ a tuto u harin ne. ¹⁵ Nii ne tokobiin lii nii-la si jil jaaba niin le a ku lii, a keŋ niin woruŋ nyagaga. Tokobii-la ne u jaŋ kaa ta dunia niaa kala kpu. U jaŋ keŋ kpaasa a kaa beŋ dunia niaa. La Tiina Wia Wii-jaribako keŋ baaniŋ ne dunia niaa nyuŋ. U baaniŋ jaŋ sii ba nyuŋ woruŋ. Niaa chaliŋ jaŋ lii ari ba si yie chage ti-nenee liin nii. ¹⁶ Ba ŋmuŋse u yirin ne a he geri-duduon-la u si laala le ari u naapuŋ le. U yirin ne ŋla: “Kuoroo kala Kuoro ari la tiinaba kala Tiina.”

¹⁷ Nii ne aŋ ka mi na Wia tinɗaaru kubala duu chin wii-poŋuŋ le. Nii ne u faasa yire diibiisi-la kala sii fil wia nyuŋ di-boli di ba ku pe doŋ le a dii kudiile-la Wia si jaŋ joŋo piba. Kudiile-la jaŋ yuge lee-la. ¹⁸ U yireba di ba ku dii kuoroo namia, ari laali-yuori-hiasin namia, ari ni-duoruŋ namia, ari janiŋ namia, ari nialiŋ si jila namia, ari nuhuobiine namia, nialiŋ si ti ba titia ari nialiŋ si ŋaa yosuŋ, ari nihiasin ari hanbiisin kala. ¹⁹ Nii ne mi na бага ku-la ari dunia kuoroo ari ba laali-yuoroo di ba hilime di ba yuo nii-la si jil joŋo-la ari u laali-yuoroo. ²⁰ Nii-la si jil joŋo-la ari u laali-yuoroo yuo dii бага ku-la a kenu. Ba bira keŋ nii-la si nyia wiaa ari uu bul wiaa, Wia Diŋ-zoŋ-la doluŋ le. U ne fa ŋaa wu-magilaa бага ku-la sipaŋ a wuo nyise nialiŋ ba si keŋ бага ku-la yirin magileba, ari nialiŋ sii chuole бага ku-la nagiŋ ba si me bil. Ba joŋ niaa deenba baliamin a yuo ta ba ku tuu juu Wia nyinin, nyin-la sii dii a nage jiribiin. ²¹ Ka nii-la si jil joŋo-la keŋ tokobii-la si lii u niin le kaa kpu ni-kaanaa. Diibiisin loriki ba nanpiliŋ kala.

20

Nialiŋ si beŋ dunia niaa jisin bui

¹ Nii ne mi na Wia tinɗaara duu lii Wia-jaŋ a ku tuu tinteen, a kori buotuo-lunji-la boribiin ari choruŋ-bal kubala. ² Nii ne u keŋ diŋ-la, diŋ-la fa si he dime bunbuŋ, a wabu bil jisin bui. Diŋ-la ne ŋaa Sitaani. ³ Nii ne Wia tinɗaari-la joŋ diŋ-la a yuo he buotuo-la le a kaa to, a magile buotuo-la niin, di nuu si wuo kaa suri. Ba keŋ diŋ-la kaa to duu bira si dunia niaa nyisu, see di jisin bui-la bala. Di jisin bui-la ne bala, ba jaŋ kenu puri muapili.

⁴ Nii ne mi na kuori-kpasinnin di niaa hoŋ ba nyuŋ. Niaa deenba ne Wia piba doluŋ di ba dii dunia niaa sariya. Nii ne aŋ ka mi na niaa diŋsin. Niaa deenba ne faa bul wutitii-la Yesu fa si daga a pi niaa, aŋ pee bul Wia niin wiaa. Nii ne ba kpuba a keru ba nyusuŋ. Niaa deenba-na fa bi бага ku-la ka chuole ne. Ba bi ku-la ba si me u nagu maa chuole. Ba bi бага ku-la magilin kene ba tillin le koo ba nisaa le. Niaa deenba suba, ama ba sii suuŋ le di ba di Kirisito dii kuoruŋ a beŋ dunia niaa jisin bui. ⁵ Nialiŋ si laa sipaŋ sii suuŋ le ne ŋla. Nialiŋ si suba, ni-kaanaa bi jaŋ sii suuŋ le, see di jisin bui-la yie. ⁶ Nialiŋ si laa sipaŋ sii suuŋ le, ba bi disinnin kene. Wia jaŋ peba le. Niaa deenba suu bala ne. Ba bira bi jaŋ suu. Suu-lia-la ma bi jaŋ wuoba. Ba jaŋ chin Wia ari Kirisito sipaŋ a laa niaa nyuŋ a tima piba. Ba di Kirisito jaŋ beŋ dunia niaa jisin bui.

Ba joŋ Sitaani he nyinin le

⁷ Di jisin bui-la ne kiele, ba jaŋ liise Sitaani sarika-la le. ⁸ U jaŋ ku lii a nyise dunia niaa si he tinteen seme-na kala le di ba yuo laalin. Gog ari Magog niaa ne nii. Ba yuga a mage fuon niin hagili-bunbuguloo ne meme. ⁹ Gog ari Magog niaa jaŋ duure dunia kala a mu golli lee-la Wia niaa si he, ari taŋ-la Wia si cho. Nii ne nyinin lii wia nyuŋ a ku tuu dii ba kala.

¹⁰ Sitaani ne nyise Gog ari Magog niaa he di ba yuo Wia niaa. Nji ne ba jonu a yuo he nyininj sfi dii a nage jiribinj le. Baga ku-la ari nii-la si nyia wiaa ari uu bul wiaa, Wia Diŋ-zoŋ-la dolunj le, ma he dime. Ba jan na heej wiiheye ari titaninj kala a kaa mu wuu.

Ba dii dunia niaa sariya

¹¹ Nji ne ka mi na kuori-kpasi-bal ku-pula duu china. Nuu ne hoŋ u nyun. Nji ne mi na di tinteenj ari wia nyun kala lele nii-la siinj le. Ba bira bi lee kene. ¹² Nji ne ka mi na nialinj si suba, nihiasinj ari hanbiisinj kala, di ba chinj kuori-kpasa-la sipaanj. Nji ne ba suri tenninj yuge, a bira suri teninj doŋo. Miisinj teninj ne nji. Nialinj si kenj miisinj Wia teenj yiraa ne he u tuonj. Tenni-la doŋsunj le ne ba ŋmunse nuu-kala si he dunia le wu-ŋaalaa he. Nuu-kala si ŋaa wiaa mage nji ne, ba jan bej a timu. ¹³ Nji ne mug-balinj kenj nialinj kala si suu u tuonj ku lii. Nialinj kala ma si he lele-janj ari Wia nyininj tuonj, ba kala ku lii. Nji ne ba bej tenni-la tuonj a na wialinj kala ba si ŋaa dunia le a dii ba sariya. ¹⁴ Nji ne ba jonj suunj ari lele-janj a yuo he nyinj-bal-la le. Nii-la kala si jan juu nyinj-bal-la tuonj, u suu-liaminj ne nji. ¹⁵ Di nuu-kala yirinj ne tuo miisinj tenj-la tuonj, ba yie jonu yuo he nyinj-bal-la tuonj ne.

21

Wia-janj falii-la ari tinjee-falii-la

¹ Nji ne mi na Wia-janj ku-falii ari tinjee-falii. Bunbunj kialaa kala dere ne. Mugi-balinj kala tuo tinjee-falii-la le. ² Nji ne mi na ta-falii-la Wia si ŋaa di u lii Wia-janj a ku tuu tinteenj. Tanj-la baa yiru Jerusalem ne. U bi disinninj kene. Wia kpieru ari ba si yie kpieru haala nji a kaa mu pi u bala. ³ Nji ne anj ka mi nii nuu yiikoro duu lii kuori-kpasa-la seme a faasa bul di ma bee na, lelele Wia ko nuhuobiine teenj ne. U jan hoŋ ba tuonj. Ba ne jan ŋaa u niaa. U titia jan hoŋ ba teenj a ŋŋaa ba Wia. ⁴ U jan fiise ba sii-liirinj kala ta. Ba bira bi jan suu, ba tuonj bira bi jan chei. Ba bira bi jan yel a bira bi jan na heej, bee wiaa wu-binia-la kala bala ne.

⁵ Nji ne nii-la si hoŋ kuori-kpasa-la nyun bul di ma bee na, mi ŋaa kunj-kala birime ku-falii ne. Nji ne u bira bula pimi di mi ŋmunse wiaa deenba u si bula, bee wiaa ba kala ŋaa wutitii ne. Niaa janj wuo laaba dii. ⁶ Nji ne u bula pimi a bul, "Wii-kala dere ne. Mi ne ŋaa Alifa ari Omega. Mi ne ŋaa nii-la fa si he dime bunbunj ari nii-la si jan he dime dunia diderinj. Nii-la kala lii-nyuasunj si kene, mi jan ŋaa lii-la si pi niaa miisinj pu pei. ⁷ Nii-la kala si wuo yuo dii Sitaani janj na kaaa deenba kala. Mi jan ŋaa u Wia, u ma janj ŋaa mi bii. ⁸ Ama nialinj si ŋaa fawuluba, ari nialinj si bi yarida kene, ari disinj ŋaaraa, ari ni-kpuuraa, ari nialinj sii ŋaa wu-liilinj, ari nialinj si kenj daalusunj aa ŋaa wu-boŋŋoo, ari vui-kpaaraa, ari nialinj kala sii nyia wiaa, ba jan jonjba he nyininj sii dii a nage jiribinj. Ba jan suu suu-liaminj nyinj-la tuonj."

Jerusalem falii-la

⁹ Nji ne Wia tinjaaraa balipe-la si kori gbansinj balipe-la si suo ari nyanyal-bomo-la balipe ku bula pimi di mi ko, duu dagemi haal-la Pie-bie-la si jan jaa. ¹⁰ Nji ne Wia Diŋ-zoŋ-la ku hemi le, ka u jonmi kaa jil peel-bal kubala nyun. U lenje ne worunj. Nji ne u dagemi tanj-la si bi disinninj kene baa yire Jerusalem. Wia lenj u lii Wia-janj kuu tuu tinteenj. ¹¹ Tanj-la pulle ari Wia si pulle nji, a tutul ari nanj-kpachil-zoŋŋoo ŋ si bi na tete, a bira

tutul ari tabiin si nage beenantire. ¹² Taŋ-la keŋ kere-bal kubala. U lenje ne woruŋ a keŋ boinŋniirin fii ari balia a gollu. Wia tinđaraa fii ari balia chin boye-la le, ka ba ŋmuŋse Iziral naabalimaba fii ari balia-la yiraa he boye-la le. ¹³ Taŋ-bubuon ari taŋ-nyuŋ keŋ boye batori batori, ta-sesiŋ ma keŋ batori batori. ¹⁴ Kere-la geŋtine ba bil tabiaa fii ari balia ne. Tabia-la le ba ŋmuŋse Pie-bie-la nanzooba fii ari balia-la yiraa ne heba le.

¹⁵ Wia tinđaari-la si bul wiaa mi teen kori selime daaŋ ne duu kaa magise ta-bal-la ari u boinŋniiri-la ari u kereŋ. ¹⁶ Taŋ-la jalin ari u duomuŋ kala mage doŋo ne. Nii ne u magise taŋ-la ari selime daa-la duu ŋaa meel-daasiŋ bui ari zo-banon. U duomuŋ ari u jalin ari u lenjin kala mage doŋo ne. ¹⁷ Wia tinđaari-la magise taŋ-la kere-la ma ne. U lenjin ŋaa naakielin mahin batori ari fii ari balia ne. Nuhuobiine sii magise kiaa, ŋii titia ne Wia tinđaari-la ma magise. ¹⁸ Ba keŋ tabii-pulluŋ ne saa kere-la, aŋ ka taŋ-la kala ŋaa selime, a kala chaane a nage beenantire. Kuŋ-kala tuo u le. ¹⁹ Taŋ-la kere-la geŋtine-la tabiaa kala ŋaa tabii-zomɔ ne a tutul. Buŋbuŋ kua yirin ne jasipa, liamin kua ma yirin ne saafaya, torimuŋ kua ma yirin neaget, nesemiŋ kua ma yirin ne emeralidi, ²⁰ non kua yirin ne onis, dumuŋ kua yirin ne kaanelian, pemiŋ kua yirin ne kirasolati, chorimuŋ kua ma ŋaa beril, nibimiŋ kua ma yirin ne topas, fiimiŋ kua yirin ne kirasopilis, fii ari kuŋ kua yirin ne jasinis, ka fii ari baliamin kua ne yirin ne ametis. ²¹ Boye-la fii ari balia kala ŋaa tabii-tulaa ne. Boi-kala ŋaa tabii-tulii kubala ne. Taŋ-la wonbiin ŋaa selime ne, kuŋ-kala tuo u le a kala tutul ari beenantire.

²² Nii ne mi beŋ taŋ-la tuon a bi Wia-dia kala na dime. Taŋ-la niaa nii chuole la Tiina Wia Wii-jaribako ari Pie-bie-la lee-kala. Ba Wia-dia ne ŋii. ²³ Taŋ-la bira bi wii-ɔosuŋ ari chene ka che, bee wiaa Wia tula ne ŋaa ba pulumuŋ. Pie-bie-la ne ŋaa ba chaaniŋ. ²⁴ U pulumuŋ le ne dunia niaa kala jaŋ veŋ. Ka dunia kuoro kala jaŋ keŋ ba ku-zonŋo kaa juu dime. ²⁵ Ba bi jaŋ keŋ taŋ-la boye kaa to wiiheye. Titanjin paala tuo dime. ²⁶ Tinŋteyee niaa kala jaŋ keŋ ba ku-zonŋo ari ba kuori kiaa kaa juu dime, ²⁷ ama kuŋ-kala si keŋ disinniŋ, koo nii-la kala si ŋaa ni-bon, koo wu-nyiaru kala bi jaŋ juu taŋ-la, see nialiŋ Pie-bie-la si ŋmuŋse ba yiraa he miisiŋ ten-la le ne jaŋ juu dime.

22

¹ Nii ne Wia tinđaari-la bira dagemi fuo kubala. Fuo-la liin nii pi niaa miisiŋ. Lii-la kala pulla chila chila a nage beenantire. Lii-la pelle lii Wia ari Pie-bie-la kuori-kpasa-la teen ne, ² a pelle to ta-bal-la tutuobaaniŋ, ka tiisi-la si keŋ neneŋ sii pi niaa miisiŋ chin fuo-la cholluŋ balia-la kala. Tiisi-la yie neŋ neŋ-yiriba, baa toŋe chene kala. Tiisi-la pipaariŋ ne ba kaa vivaare tinŋteye-la niaa. ³ Kuŋ-na kala Wia sii ŋmiesa heu le tuo ta-bal-la tuon. Ama Wia kuori-kpasa ari Pie-bie-la kpasa jaŋ he lee-la, ka u tinŋinnaa chuolu. ⁴ Ba jaŋ na u siaa, ka u yirin he ba tillin le. ⁵ Taŋ bi jaŋ biri dime. Ba bi chaaniŋ koo wii-ɔosuŋ pulumuŋ che dime. La Tiina Wia ne jaŋ ŋaa ba pulumuŋ. Ba ne jaŋ beŋ dunia a kaa mu wuu.

Yesu si duu jaŋ ko lele

⁶ Nii ne Wia tinđaari-la bira bula pimi di wiaa deŋba ŋaa wutitii ne, di niaa jaŋ wuo laaba dii. Di la Tiina Wia, nii-la si jon u Diŋ-zon-la a pi nialiŋ sii bul wiaa, Wia Diŋ-zon-la doluŋ le ne timu duu ku bul wialiŋ si jaŋ ŋaa lele a pi u tinŋinnaa. ⁷ Yesu si, “Má bee na, mi jaŋ ko lele.” Nialiŋ sii to

wialin ba si bula Wia Diŋ-zoŋ-la dolun ɛ a he tenin deen tuoŋ, Wia jan peba ɛ.

⁸ Mi-na JƆƆŋ, mi ne nii-la si nia an pe na wiaa deenba kala. Mi si nia an naba nii, mi tuu kpirimi Wia tinɗaari-la sipaan, nii-la si dagemi wiaa deenba kala, a chuolu. ⁹ Nii ne u bula pimi di mi si nii ŋaa, di la kala ŋaa tinɗinnaa a tima pipi Wia, la di nialaa kala sii bul wiaa, Wia Diŋ-zoŋ-la dolun ɛ, ari nialin kala sii to wialin si he tenin deen tuoŋ. U bula pimi di mi chuole Wia.

¹⁰ Nii ne u bira bula pimi di mi si wiaa deenba ba si bula Wia Diŋ-zoŋ-la dolun ɛ a he tenin deen ɛ kaa faa. U bi jan dieni, ka wialin ba si bula ŋaa. ¹¹ Nii wiaa ma leŋ di ni-boŋŋoŋo keŋ nii naan ɛ a ŋiŋaa wu-boŋŋoŋo, di nialin si keŋ disinnin ma keŋ nii naan ɛ a ŋiŋaa disinnin, di ni-zoŋŋoŋo ma keŋ nii naan ɛ a ŋiŋaa wu-zoŋŋoŋo, di tuo-pul tinŋaa ma keŋ nii naan ɛ a ŋiŋaa tuo-pul wiaa.

¹² Yesu si, “Ma bee na, mi jan ko lele, mi jan ku tin nuu-kala. Nuu-kala si tima mage nii, nii titia ne u jan laa u time. ¹³ Mi ne ŋaa Alifa ari Omega, mi ne ŋaa nii-la fa si he dime bunbun ari nii-la si jan he dime dunia diderin. Mi ne ŋaa di-suomun, mi ne ŋaa di-derin maa.”

¹⁴ Nialin sii to Wia wiaa, Wia jan peba ɛ di ba wuo na wonbiin a to ta-bal-la boiniree juu, a wuo dii tia-la sii pi niaa miisin nenee. ¹⁵ Ama ni-boŋŋoŋo jan chin tan-la jeen harin. Nialin wu-ŋaalaa si nage vahin, ari nialin si keŋ daalusun a ŋiŋaa wu-boŋŋoŋo, ari nialin sii ŋaa wu-liilin, ari nialin sii kpu niaa, ari vui-kpaaraa, ari nialin kala si cho wu-nyiarin aa nya wiaa, ba kala jan chin tan-la jeen harin.

¹⁶ Nii ne Yesu si, “Mi ne tin mi tinɗaara duu ko ma teen a bul wiaa deenba pi nialin si laa Yesu wiaa dii a hihilimi lee-na kala. Mi ŋaa Devit dia niaa gentine ne an pe ŋaa Devit doho nuu. Mi ne ŋaa nanyualun.”

¹⁷ Nii ne Wia Diŋ-zoŋ-la ari haal-la Pie-bie-la sii che duu jaa bula pi niaa a bul, “Ma ko. Nuu-kala si nia, ma leŋ duu ko. Nuu-na kala lii-nyuasun si kene, uu ko. Nii-la kala si cho duu nyua lii-la sii pi niaa miisin an si kun-kala tin, uu ko a nyua lii-la.”

Wu-kaanaa

¹⁸ Mi-na JƆƆŋ che di nuu-kala si nii wiaa deenba ba si bula he tenin deen tuoŋ, di ba keŋ ba titia worun ari wiaa deenba ɛ. Di nuu-kala ne keŋ wii pe wiaa deenba ɛ, Wia ma jan jon nyanyal-boŋo-la ba si daga tenin deen tuoŋ a dogise u tiina. ¹⁹ Di nuu-kala ma ne liise wiaa deenba kun ta, Wia ma jan liise u tiina ta. U bi jan puu wonbiin duu na kialin ba si ŋmunsa he tenin deen tuoŋ. U tiina bi jan wuo dii tia-la sii pi niaa miisin nenee. U bira bi jan juu tan-la Wia si liisa tuoŋ maa.

²⁰ Nii-la sii dage wiaa deenba Wia si dagu bul duu ko ne lele. La Tiina Yesu, ko. Ami.

²¹ La Tiina Yesu lahɔrimo ɛ, Wia niaa kala jan hon ari yarifiɛlaa. Ami.